



9525



UNIVERSITY OF GENT















N O V A  
A C T A  
E R U D I T O R U M,  
A N N O  
M D C C L I X  
publicata.

---

*Cum Regis Pol. atque Electoris Saxoniae Privilegio.*

---

L I P S I A E

Prostant apud IO. FRID. GLEDITSCHII et  
LANCKISII heredes.

Venduntur etiam Romae apud PAGLIARINOS: Venetiis apud IO. BAPT.  
ALBRIZZIIUM: Bononiae apud LAELIUM della VOLPE: Parisiis apud  
BRIASSONUM: Ultraiecti apud IO. BROEDELLETUM: Lugduni Bata-  
vorum apud SAM. et IOH. LUCHTMANSIOS: et Amstelodami in  
SCHREUDERI et MORTIERII iunior. officina.

---

M D C C L I X.





# LECTORI BONARUM LITTERARUM STUDIOSO

S.



*In ea provincia administranda, quam a maioribus, antiqua fide et candore spectatis, quasi per manus traditam accepimus, ita nos quidem versatos esse adhuc existimamus, ut memores sinceræ illorum modestiæ, neque in laudandis Scriptoribus, quorum census hic agitur, neque in reprehendendis, videamur statim transiisse. Nam cum illud nil admirari, quod præcipuum vitæ sapienter et suaviter peragenda adminiculum perhibetur, diligentissime sequamur et ipsi: fieri vix potest, ut amplioribus, quam pro re, verbis, bona librorum quaedam extollamus. Sed iidem, quæ animadversione, aut castigatione digna, in eruditorum hominum scriptis reperimus, libero quidem et gravi stylo notamus; neque tamen infesto, et qui ab humanitate discedat. Ne leviora quidem Scriptorum peccata intacta relinquimus; eorum adeo, quorum alioquin doctrinæ impensius favemus. Quam severitatem noster ille poeta ad iudicandos versus adferri iubet, alienam a voce illa: cur ego amicum Offendam in nugis? quando hæc nugæ seria in mala ducunt: eandem nos in omni Scriptorum choro lustrando observamus; sed tamen nonnulla, quemadmodum par est, comitate mixtam. Iam ab hoc tramite, dixerit forte aliquis, nos in exacti anni commentariis nonnihil deflexisse. Arguerit is forsitan, acerbius aliquanto dictam de operibus doctorum quibusdam sententiam; quam hoc minus ferendam putet, quod lapsus illorum, si qui occurrant, videantur maioribus*

*ioribus meritis condonandi. At nos ne hic quidem pristinos mores exuimus; iracundiae autem et fellis perparum, quod effudisse possumus videri, id recte, et loco suo fecisse nos existimamus. Incidimus enim in libros nonnullos, duplici stultitia insignes, aut, si mavis, obscuratos. Alterum genus haeret hominibus iis, qui, ubi vel Auctores veteres edendos denuo illustrandosque sumunt, vel narrationes rerum, in gente aut provincia aliqua gestarum, instituunt, non hoc unice agunt, ut eleganter, vere, atque utiliter argumentum libri persequantur; sed multo magis, ac primum fere, ut luculenta et ponderosa volumina, (quorum in fronte nomen suum, immo vultus etiam, conspiciatur,) multo sudore procudant. Hoc igitur consilio undique corradunt, comportantque inepti, partim pueris nota, partim ea, quae vix tenuissima cognitione attingant rem propositam, denique campos exspatiandi illic aperiunt, ubi eos in fauces quasdam et angustias reductos malis. Alterum genus est superciliosorum hominum, qui praeter gentis aut sectae suae Scriptores, immo praeter se et paucos suorum, sapere vix quemquam putant. Illi monitoribus, quamvis lenissime secum agentibus, asperi, in studiorum socios inhumani, atque adeo feroces, aliorum delicta mordicus insectantur, sua vident nulla, auctoritatem arbitrii et dirimendarum controversiarum sibi solis arrogant, detrahunt longe se acutioribus: ut alias illorum virtutes taceamus. Utraque haec Scriptorum classis, cui non bilem moveat? Quis non indignetur nobiscum, cum ad eos legendos accedit? quis non succenseat, cum istos videt Sophistas ἀλάζονας impingere in locis talibus, in quibus forte non impegisent, quos illi nullo loco habent. Et tamen secum natas et mortuas litteras, si non iactant, putant certe. Ad defendendam quidem rationem, quam in percensendis illis tenuimus, haec eorum imago suffecerit. Te, Lector humanissime, vehementer rogamus, ut, studiorum nostrorum constantiam intuendo, nihil a Tua in nos benevolentia remittas.*

*Vale.*

No. I.

N. I.

I

# NOVA ACTA ERUDITORUM,

*publicata Lipsiæ*

*Calendis Ianuarii Anno MDCCCLIX.*

---

LE PITTURE ANTICHE D' ERCOLANO E CON-  
torni con qualche spiegazione, rel.

i. c.

*PICTURAE ANTIQUAE EX HERCULANO ET  
vicinis locis erutae atque in aes incisae cum anim-  
adversionibus. TOMUS PRIMUS.*

Neapoli 1757. e typogr. regia charta max. pagg. 87.  
tabb. 50.

**T**andem aliquando licet restinguere sitim, quam fama de Herculano, & repertis ibi, vicinisque locis, reliquiis antiquitatis, accenderat omnibus, qui bonarum literarum atque artium scientia præditi essent, & elegantie studio quodam tenerentur. Nam qui ante hoc tempus ad nos venerunt de iis rebus libelli, adeo non satisfacere cupiditati nostræ, adeo abesse visi sunt a rei ipsius vel veritate vel magnitudine, ut eorum in his nostris Actis mentionem facere vix dignati simus. Nunc autem opus hoc, cuius titulum proposuimus, auspiciis Regiis institutum atque perfectum, Regia munificentia ad nos pervenit, quod cum omnes, quibus id oculis usurpare contigit, tum nos imprimis, ita cepit magnificentia, varietate, delectu, aliisque bonis suis, ut eius notitia quamprimum beandos atque exhilarandos lectores nostros duxerimus. Ac cum primum oculis esset oblatum, nihil prius nobis venit in mentem, quam ut gratias ageremus for-  
A tunæ,



tunæ, quæ sub CAROLO Rege potissimum hos terris tamdiu abditos thesauros in lucem protrahi voluisset, hoc est, eo, qui regio animo in ea re uteretur, nec modo pulchrum putaret, eas res reperisse atque possidere, sed multo pulcrius, eas communicare cum omnibus, qui propter scientiam literarum & antiquitatis amorem venire in societatem repertorum bonorum cuperent, & in eo nullis parcere sumptibus, ut quam maxime magnificum & regium opus videri posset: deinde vero agnovimus iudicium virorum, quorum de consilio & sententia initium publicandæ novæ gazæ factum est a picturis, genere antiquitatis pulcherrimo, & in reliquiis antiquitatis Græcæ & Rom. rarissimo, quod eam ob causam a studiosis maxime expeti solet. Etenim nullius generis tam paucae ac tenues sunt reliquiae: quæ etiam sua sponte minuuntur, ut mox videbimus. In ipsa Urbe Roma, & Italia, perpaucae sunt picturæ veteres reliquæ, cum multæ inde a XVI. seculo erutæ sint e terræ visceribus, h. e. e latentibus ibi sepulcrorum porticumque vel parietibus, vel tectis, quarum magna pars, æneis incisa lamnis, servatur in libris, ex iisque restituta est vera & veteri simillima pictoria. Nam ipsæ prope omnes paulatim periire. Septuaginta amplius anni sunt, cum sepulcrum *Nasonum*, prope Pontem Mulvium (Pontemole) reperi- tum est, in eoque picturæ in tectorio. Earum exemplum transferri in linteum per pictores curavit *Maximus*, Cardinalis, & lineari pictura expressas edidit *P. S. Bartolus* Rom. 1680. f. ipsæ autem picturæ inductæ illæ quidem sunt succo alii, quo maxime conservari putantur picturæ in tectorio: sed tamen evanuerunt. Nempe hoc genus picturæ in locis subterraneis, cum ab iis arcetur omnis aëris vivi allapsus, retinent colorum splendorem, &, ut ita dicam, viriditatem integram atque incolumem: ubi in aërem liberum protractæ sunt, eius vi & actione brevi tempore plane delentur. v. *Reflexions critiques sur la poésie & la peinture* P. I. sect. 38. p. 198. sqq. Atque etiam hac de causa bene consultum est ab Viris præclaris, quibus cura edendorum monumentorum Herculaneensium permessa est, quod initium

eorum

eorum edendorum a picturis fecere: in quibus ipsis quædam iam aliquid vegeti coloris perdidere. Sed de opere ipso videamus.

In capite, bene factum, quod exhibetur imago CAROLI Regis, facta radio *Philippi Morghenii*, excellentis artificis, a cuius manu sunt etiam pulcherrimæ quæque operis tabulæ, ut a festinantibus ad fruendum opus pulcherrimum primum spectaretur os Principis, cuius munificentia id fruendum dedit. Sequitur accuratissima tabula geographica, exhibens partem sinus Neapolitani, quem *Craterem* vocant, in qua est Vesuvius cum circumiacentibus regionibus: post ipsæ picturæ: quarum sunt duo genera: alterum maiorum & insigniorum, quarum cuique adiectæ sunt narrationes de argumentis picturæ cum notis, de quibus post: alterum minorum, quod ornamentum causa vel præpositum est narrationibus in capite, vel subiectum, vel etiam adiectum ipsis maiorum tabulis. Maiorum hæc distributio est, atque hic ordo. Primum visuntur quatuor e genere monochromatum, pictæ in marmore: deinde novem historicæ, argumenti mythologici: tres, ut ita dicam, voluptariæ & obscenæ: duodecim, in quibus sunt species variz saltationum & saltatricum: novem, geniorum varios lusus exhibentes: sex architectonicæ: reliquæ argumenti miscellanei. Claudunt opus observationes, sive admonitiones, ad opus universum pertinentes. Earum tria genera sunt. Primum pertinet ad picturas minores, per totum opus sparsas, ut ante diximus: alterum ad pretium picturarum: tertium ad consilium operis universi. Ita, quod in omni opere quaeritur in principio, reiectum est ad finem. Nos autem per ὅσων πρῶτον primum de consilio operis, deinde de picturarum ingenio, denique de notis dicemus.

Cum magnus numerus esset picturarum in Museo regio, quæ uno volumine edi non possent, aptissimum fore visum est, si primo volumine omnis generis exempla ederentur: in quo prudentiam editorum nemo non agnoscet. Atque ita etiam omnium picturæ generum, quæ a veteribus, *Plinio* imprimis & *Vitruvio*, commemorantur, exempla proposita sunt.

- De picturarum pretio nihil dicere in animo erat ab initio, sed  
 Pag. 273. iudicium intelligentibus liberum relinquere. Sed cum extitissent, qui contemptius de picturis repertis iudicarent, idque iudicium suum libellis in publicum editis vulgarent, mutata est sententia, placuitque aliquid in eam partem dicere. Nemo dubitavit ante, veteres pinxisse in tectorio udo coloribus aqua dilutis (*al fresco*). Dubium erat, an in parietibus etiam pinxerint coloribus glutine quodam mixtis (*à tempera*). Sed præterquam, quod id e locis *Vitruvii* (*VII, 10.*) aliorumque intelligi potest, picturæ Musei regii nullam dubitationem relinquunt, quarum si non omnes, pleræque certe, sunt ex eo
276. genere. Picturæ ipsæ præter paucas, quarum ruditas & duritas incurrit in oculos, ostendunt manum doctam & magistram, & τὸ ἐνδοξαστικὸν artificis: & si quæ non ab omni parte sunt perfectæ, tamen in partibus apparet ars & ingenium auctorum, si quis afferat oculum eruditum, & notandis artificiis pictoriis exercitatum: nam in permultis etiam indoctus oculus perspicere pulchritudinem atque artem potest.
277. Sunt etiam in his picturis, quæ momentum facere possint in controversia de picturæ genere eo, quod imitatur speciem, quam affert oculis prospectus rerum longinquarum (*la prospettiva*), diminuendis proportionem quadam magnitudinibus rerum atque intervallis. Nam fuere qui dubitarent, illud artificium an cognitum & usurpatum fuerit veteribus, nec ne, Viri doctissimi autem, qui huic operi præfuerunt, iure mirantur, quomodo de ea re dubitari potuerit, cum clara extent apud veteres testimonia, quibus eius artis scientia vindicari antiquitati possit. Quo pertinent duo præcipua loca, *Vitruvii* alter, *1, 2. Scenographia est frontis & laterum abscendentium adumbratio, ad circinique centrum omnium laterum responsus*: alter magis perspicuus *VII. præf. de eadem ἀνορχαφία*. Sed testimoniis talibus clarius loquitur res ipsa, hoc est, picturæ plurimæ in hoc opere, species tales exhibentes, in quibus sunt vestigia illius rationis: ex quibus apparet, rationem artis ignotam non fuisse, perfectionem artificii pictoribus iis defuisse, a quorum manu ex picturæ venere.

Et



Et hæc de ratione & genere picturarum dicta sunt. De picturis ipsis earumque argumentis restat, & virorum doctissimorum explicationibus notisque, ut dicamus.

Primæ quatuor picturæ sunt e genere *monochromatum*, ut supra diximus. In eo genere veteres cinnabari utebantur, auctore *Plinio XXXIII, 7.* quamquam id post non servatum, eodem auctore: eiusque coloris species est in his quatuor. Sed præcipua dos earum est, quod sunt omnes in marmore, atque adeo primæ ex hoc genere, quæ in lucem venerunt. Itaque etiam dubitatum ante est, an veteres pinxerint aut pingere potuerint in marmore. Nam *lapidem pingere* ap. *Plin. XXXV, 1.* aliud est, hoc est, marmoris speciem imitando exprimere, quod vulgo *marmorare* vocant. De altero ordine, in quo sunt historica, s. mythologica argumenta, (*μεγαλογραφίαν* veteres vocant) nihil est, quod universe dicamus; nec magis de tertio genere, quod obscenum vocavimus, *libidines* appellat *Plinius*. Quartum genus, quod saltationes s. saltatrices habet, præter pulcritudinem figurarum, animadversione dignum est propterea, quod lucem adfundit loco de arte saltandi apud veteres, & aliis præterea antiquitatis partibus. Sunt autem picturæ duodecim paris magnitudinis & artificii, eiusdemque haud dubie manus, in eodem repertæ sive oeco, sive triclinio, sive cubiculo. Sed in iis sunt quatuor, quæ exhibent species centauricas, duas masculini, totidemque muliebris sexus. In quo quæri potest, quid hæ figuræ in coetu saltatricum? Viri docti putant (p. 139.) aut fortuitum pictorum lusum esse in his picturis, aut latere consilium. Nobis quidem suspicio est ex ipso loco & sodalitio nata, ipsas quoque ad saltationem pertinere, & quidem genus illud, quod *pyrrhiche* dictum est, in quo etiam abditæ bestiarum specie homines saltarent. *Sueton. Ner. 12.* Videant doctiores. Sequuntur picturæ geniorum, modo regia insignia, modo varias, etiam sordidas artes, piscaturam, venationem, futoriam &c. tractantium. De eo genere non consensere viri docti (p. 157. not. 3.), cum alii putarent, exprimi his picturis educationem infantum, alii genios earum rerum,

ad quæ se applicant studiosi. Hæc opinio maxime placuisse videtur viro docto, qui notas scripsit, ut patet ex eius philosophia de geniis (p. 202. not. 17.). Nobis quidem, salvo viri doctissimi iudicio, videtur his tabulis exprimi varietas studiorum humanorum, quorum causam ad genium homines referebant. Nihil usitatus fuit omni tempore pictoribus, quam sub variis speciebus, symbolis atque figuris, exprimere vitæ humanæ, studiorumque humanorum rationem ac varietatem, auctoribus philosophis, Platone, Cebete, & aliis, qui tales figuras ipsi excogitavere.

Genus porro picturarum, quod species quasdam fictas architectonicas exhibet, quibus parietes ornare pictores solebant, ut hodie tapetas, quibus parietes inducuntur, id igitur etsi nihil admodum artis habet, quod magnopere delectare oculos intelligentium, aut prodesse arti possit, tamen non omnino contemnendum visum est atque omittendum. Dedit enim locum pluribus observationibus, quæ utiles esse possent. In quibus prima est hæc, quod bene illustrent loca quædam veterum, inprimis *Vitruvii*, vix satis ante intellecta, aut illustrata. Primum committitur *Plinius XXXV, 4.* cum *Vitruvio VII, 5.* quibus locis agunt de expolitionibus, (ita *Vitruvius* appellat,) parietum per picturas, quæ ædificia, villas, porticus, topiaria opera, scenarum frontes &c. exprimerent. Nam *Plinius* inventionem harum expolitionum tribuit cuidam *Ludio*, qui sub *Augusto* fuit; *Vitruvius* autem antiquis. Nec tamen dissident vera discordia. Nam *Vitruvius* loquitur de picturis talibus, quæ a veris exemplis ductæ essent, quod genus, suo tempore, queritur improbari, inductis picturis, species commentitias exhibentibus; atque eius rei forte auctor *Ludius* fuit. Ita conciliantur *Vitruvius* & *Plinius* a viris doctissimis. Optime nostro iudicio. Atque, ut nobis videtur, nec in eo veremur, ne erremus, hæc ratio cum aliis inventis voluptariis, veluti Pantomimica, originem duxit ex Asia, in qua talis pictura non modo in parietibus, sed etiam in textili, i. e. in vestibus stragulis, antiquissimi usus fuit. Peristromata Medica, Babylonica, Phrygia, Alexandrina, laudan-

dantur apud veteres, quæ commentitiis animalibus picta erant (v. *Vossium ad Catull. p. 196.*) quæ etiam apud Romanos in magno pretio, eorumque mentio est ap. *Plautum, Lucretium*, qui *Babylonica magnifico splendore* habet: in quo loco, si quis ridere cupiat, videat interpretationem *Doussæ ad Catull. epigr. 30.* Ab hac radii & acus pictura nata est similis pictura parietum, in ædificiis, plantis, floribus, & similibus rebus. Sed hoc obiter dictum sit. Sed *Vitruvius*, eodem loco, ridet pictores ineptos, qui in ædificiis & porticibus pingendis non servarent architectonicas leges, atque ita monstra potius, quam imagines veras, pingerent. Pro columnis enim, ait, *statuuntur calami, pro fastigiis harpaginetuli striati, cum crispis foliis & volutis: item candelabra aedicularum sustentia figuras:* quem locum planissime illustrant picturæ Herculaneenses hic propositæ. v. *inpr. p. 211. not. 8.* Quod de candelabris dicitur, ante non intellectum, perspicuum faciunt candelabra reperta in Herculano ænea, parvo pede & catino, longissimo & tenuissimo scapo. v. *ibid. not. 10.* Atque etiam harpaginetulorum striatorum, loco fastigii, speciem in porticu tab. XXXIX. esse putat vir doctus, p. 212. not. 12.

Restat genus minorum picturarum, de quo aliquid univèrsè dicendum videtur. Earum maxima pars habet imagines villarum structurarum ad mare, atque adeo in mari ipso: quo genere tum plenum erat litus Italiæ, præsertim in regionibus amoenioribus, Campano, Neapolitano, & Baiano, ut ex *Horatio* constat, cuius loca *Carm. II. 18. III. 1.* egregie his picturis illustrantur: nec mirum est, in picturis id genus maxime expressum esse, quod tantopere homines tum adamaverant. Et sunt in illis ipsis picturis partes variæ, quæ illustrandis pluribus locis scriptorum, inprimis agrariorum, prodesse possunt. Et hæc quidem de picturis univèrsè dicta sunt. Restat, ut de notis aliquid dicamus.

Ex univèrsè sunt, ut modeste profitentur auctores doctissimi, scriptæ in usum, non tam doctorum, quam omnium, qui inspicere has picturas, & cognoscere atque intelligere velint. Explicatur primo argumentum, deinde traduntur, quæ  
rebus

rebus intelligendis profint ex antiquitate Romana. In quibus sane multa sunt vulgaria, & doctis notissima: sed ad eos hæc non pertinent, verum ad tirones & indoctos. In quibus tamen veremur, ne interdum modus excedatur, ut in iis, quæ ad tab. 37. de venatione &c. dicta sunt. Sed insunt tamen etiam multa doctè animadversa, quoties picturæ occasionem dabant. Ex his quædam decerpere, in eorum gratiam, quibus inspicere & excutere opus non detur, non alienum videtur.

In tabula prima exhibentur plures figuræ muliebres, additis nominibus græcis, in his *Phoebe* & *Ileaera* (Ἠλέαιρα), amores *Castoris* atque *Pollucis*. In qua scriptura nili vitium est, pro Ἠλέαιρα, ut græci scriptores summo consensu habent, existimandum, utroque modo id nomen scriptum fuisse.

Pag. 3. Sed id nomen, admonet vir doctus, corruptum esse in omnibus scriptis & editis *Propertii* (I. 2.) & *Hygini* (III.) libris. De *Propertii* quidem libris lapsus est vir doctus. Ac de scriptis quidem non mirum sit: nam omnes ex uno exemplo veteri fluxerunt. Sed tamen *Ilaira*, vel *Hilaira* in non uno libro scripto esse testatur *Broukhufus*, qui & *Hilaira* post *Bevoaldum* edidit. Sed in eadem tabula exprimitur species talorum & lusus, qui Græcis, auctore *Poll.* IX. 126. *Pentalitha* dictus.

Oculum vel leviter curiosum adverterit species *Polyphemi*, (tab. X.) habentis præter duos oculos, quo loco sunt in aliis hominibus, tertium in media fronte: quod est contrarium traditioni poetarum omnium, quæ unoculum *Polyphemum* facit. Sed ne quis pronior sit ad irridendum errorem pictoris, vir doctissimus docet, opinionem de uno *Cyclopi* oculo non omnium fuisse. Profertur locus *Servii ad Virg. Aen. III. 36.* Multi *Polyphemum* dicunt unum habuisse oculum, alii duos, alii tres: qui est de ea re unus in omni antiquitate. Pictor igitur secutus est eorum opinionem, quamquam non admodum multorum, qui tres oculos *Cyclopi* tribuerent. In quo bene admonet vir doctus, hoc quoque exemplo intelligi posse, quam imbellè sit argumentum inficiale,

le, quod Dialectici vocant: quod illum tamen non univérse intelligere existimamus. Est enim illud argumentum interdum gravissimum, si bene circumscriptum sit, si loco adhibeatur, & bene tractetur: sed ita, ut sæpissime fallat, nec nisi cum magna cautione adhibeatur. Illud quidem inde plane intelligitur, in operibus historicis veterum non esse statim reprehendendos artifices, si quid habeant abhorrens a vulgata, poetarum imprimis, traditione: cuiusmodi est in hoc opere illud quoque, quod in Minotauri specie (tab. V.) nihil taurinum, præter caput, est.

Tab. XIII. exhibet picturam pulcherrimam feminae, in cuius 69. vultu eminet ægritudo, desperationi simillima, & complicatis manibus, qui est luctantium cum desperatione gestus, tenentis gladium vagina tectum. Eius vaginæ species egregie illustrat loca Græcorum in eo, quod finis vaginæ *fungi* speciem habet, cui tamen similes sunt apud *Montefalconium*. Nam hic est, quem Græci, *Herodotus III. 64. Pausanias II. 16. μύκητρα* vocant, faciuntque exemtilem, ut quo temere delapso *Cambyfes*, dum succinctus gladio festinat conscendere equum, vulneratus traditur. add. Schol. *Nicandr. Alex. 103.* A quibus dissentiunt & *Hesychius* & *Suidas in h. v.* qui de capulo gladii interpretantur, etiam *Etymologus*: quæ interpretatio sane cum *Herodoti* loco non consentit, ut bene monet auctor, mirumque est non vidisse *Kusterum*. Quia tamen consentiunt *Hesychius*, *Etymologus*, & *Suidas*, videtur post invaluisse, ut etiam capulus sic diceretur: nam *Etymologus* etiam ipsum gladium sic vocatum, sua ætate, tradit.

In tab. XVII. saltatrix altera habet *vestem* luteam prætextam 94. purpura (v. not. 6.), altera *herbidam*, quæ in deliciis erant mollioribus: unde reprehenduntur Athenienses ab *Apollonio ap. Philostr. IV. 21.* quod uterentur *crocotis*, *purpureis*, & *crocotinctis*. Vir doctus luteam illam, ait, proprie dictam *crocotam* vel *crocotulam*, a colore croceo. Sed ea opinio e pictura nullum firmamentum accipit: locus autem *Philostrati* ei repugnare, & confirmare videtur opinionem *Salmasii*, late defensam in *Comment. ad Scriptores. Hist. Aug.* qui *crocotam*



non ἀπὸ τῆς κρόκῃς, sed ἀπὸ τῆς κρόκῃς trama vel subtemine, dici disputat, propter densiorem tramam, unde vestis mollior. Nam pro diversis rebus poni videntur κροκωτὲς & κροκοβαφεῖς, interpositis etiam ἀλουργίσι.

Tab. XX. saltatrix manu sinistra tenet tympanum, manu dextra pulsatura: id est ex genere eo, quod *levius* erat, sic vocat *Catullus*: usitatum bacchis &c. altera tantum parte tectum pelle, altera apertum, de quo pluribus agitur ad tab. XXI. & discrimen (p. 112.) tympanorum & cymbalorum illustratur. Non ergo bene viri quidam docti, etiam *Vossius* ad *Catullum* p. 161. qui tympana magnitudine tantum discrepasse, non structura, putant.

Tab. XXVI. & XXVIII. est species *Centauridum*, cuius supra facta mentio, in quibus pingendis se exercuisse veterem artem pictoriam etiam *Philostrati* locus arguit *Imagg. II. 3.* Fuisse autem auctorem huius generis picturæ, docet vir doctus, *Zeuxin*. Quo minus mirum est, hanc picturam usurpatam esse in Magna Græcia, ubi *Zeuxin* multa pinxisse, nominatim apud Crotoniatis, auctor est *Cicero*, de *Invent. II. init.* e cuius exemplis potuerunt ab aliis tales figuræ imitando duci. Sed altera Centauris (tab. XXVIII.) habet in collo laxum & velut fluctuantem circulum, h. e. qui ipsa figura illa fluctuante indicet non esse e materia vel dura, vel continente. Vir doctus *phaleras* facit: nobis *torquis* videtur: qui in equitibus fere iungitur *phaleris*, ut ap. *Iuvenal. Sat. XVI. extr. Sil. XV. 255. 56.* & de phaleris nondum satis liquidum est. Locus *Ciceronis Verr. IV. 12.* arguit, in phaleris elaborationem artis maxime spectatam esse, *Plinii* autem, *H. N. XXXVII. 12.* pensiles in pectore fuisse, quæ huic figuræ non conveniunt.

Sunt plura huius generis in notis, quæ lectu iucunda fore confidimus doctis, ut p. 267. not. 9. de *braccis*: not. 10. de *turribus villaticis*. cf. not. 30. de *fumariis* &c. Sed quæ dicta sunt, speciminis loco sufficere cognoscendo ingenio notarum possunt.

Ad

Ad extremum vota facimus, ut cetera monumenta, pari modo, regia munificentia edantur, & ad illustrandas antiquitates, literas, atque artes bonas conferantur.

*ALOYSII ANTONII VERNEII, EQUITIS TOR-*  
*quati, Archidiaconi Eborensis, de Re Logica, ad usum*  
*Lusitanorum Adolescentium, Libri Sex. Editio*  
*altera auctior & emendatior.*

Romæ 1757. ex typographia Generosi Salomonii. 1. Alph.  
 2. plagg. octonis.

**A**d librum egregium, laudatum a nobis iam tum, cum primum in lucem prodiret, (in Actis nostris Anni MDCCLIV. pag. 349. sqq.) nunc sollicita acutissimi Auctoris manu retractatum, non sine quodam voluptatis sensu, quem illa bonorum librorum hac ætate raritas mirifice acuit, redimus. Præstat etiam, hunc & similes huic libros iterum iterumque commendare, quam versari in enarrandis iis, qui, ubi novitatis gratiam exuerint, mox e manibus ipsaque memoria hominum excidunt. Ac verendum est sane, ne multis nostrorum, qui Philosophi audiri volunt & audiunt, ea calamitas obeunda sit. Tantas enim pars magna philosophantium hodie Scriptorum scitis suis tenebras offundit; adeo salebris & tricis nove repertis gaudet, ut qui vix de Aristotelico-Scholasticorum manibus elapsi sumus, & recte philosophandi exemplum præivimus aliis, iam ipsi nobis labyrinthos struere, & pasci spinis videamur. Quæ quidem hoc loco præfanda duximus vel ideo, ut Philosophiæ liberæ, utilis, apertæ, verbo eiusmodi, quæ & mentem illustret, & profit in commune, studium, quoad eius fieri potest, in oris nostris animemus. Hic ipse doctissimi Verneii liber, multum meritoque Germanici nominis gloriâ, in perpolienda Philosophia partam; extollit. Quo magis eam rite conservari, & augeri etiam, si licet, optabile est. Sed ad institutum veniamus.

Consilium operis Verneiani, partes, formam, & quasi



spiritum, genus denique scribendi, loco, quem diximus, persecuti sumus. Neque nos illius pristinae sententiae tedium adhuc cepit. Dignissima vero Philosopho existimamus: remotum Auctoris ab omni partium studio animum; sagacitatem in intelligendo & iudicando; ingenuam in laudandis iis, quos ad veritatem cognoscendam duces habuit, modestiam; exempla declarandorum praeceptorum causa eleganter & commode proposita; sermonis naturalem pulchritudinem; alia his non leviora. Generoso certe impetu Vir diligentissimus pleraque omnia hominum nostrorum, qui Philosophiam feliciter tradiderunt, scripta sibi pervolvenda sumsit. Unus tamen est quem nescire videtur, isque minime omnium ignorandus, *Ernestus* noster, Vir Cl. cuius Initia Doctrinae Solidioris vix eum credimus neglecturum in reliqua scriptorum mentione fuisse, si oculis usurpasset. Verum, ut æquissimus sit Ven. Auctor Protestantium Philosophis; tamen dissidia rei Christianae, quamvis Philosophus, dimittenda non omnino putavit. Itaque monet adolescentes, pag. 31. plures eorum, quos confirmaverit nonnihil adiumenti Logicae disciplinae attulisse, *Haereticos* esse, nec nisi, si per leges licuerit, idque caute, legendos. Nec tamen, inquit, ægre nos eorum lectione caremus. Nam quidquid iidem boni cogitarunt, id viri nonnulli Catholici scriptis suis admiscuerunt. Prudenter hæc Verneius, consulturus coetus sui rationibus. Sed quis sibi persuaserit, eorum animos, qui his placitis Verneii, (& cuius artem Logicam ab eadem iudicandi libertate commendat, Antonii Genuensis, in Acad. Neapolitana Prof. Philosophiae,) imbuuntur, nullo desiderio adeundi fontes ipsos laboraturos. Quidquid autem sit, dubitari non potest, summæ utilitatis hos tales instituendæ iuventutis labores, ad corrigendas de rebus divinis humanisque opiniones vanas & futiles, in Eccl. Rom. futuros. Certe in Galliis nulla re magis debilitata est superstitio, & religionis aliquanto rectior conformatio præparata, quam emendatione philosophiæ, & liberioribus ingeniorum exercitationibus. Iuvabit hos fructus sapiens Verneii nostri industria, qua sæpius præcepta logica ad usum



sum Theologiæ transfert, & ad mores hominum religionē abutentium emolliendos; ut, cum de sensu mystico Script. S. disputat, p. 257. cet. Ita non solum peramoenus est liber omnis, sed multis vere atque opportune monitis utilissimus; quem si solis scriptum credas adolescentibus, falleris.

In hac autem secunda editione quid præstiterit Vir doctiss. ipsius fere verbis dicemus. Principio errata, vel librarii, vel typographi incuria commissa, quæ sensum penitus mutabant, sustulit. Deinde tum verbum, tum explanationem aliquam, ex contextu ipso desumptam, paucis in locis addidit, quo apertius mentem suam exponeret. Tum notationem unam & item alteram ad oram libri adiunxit, quæ tironibus in iudicando parum exercitatis indicarent loca, in quibus ea fufius tractarentur. Præterea quædam aliquanto brevius explicanda reputavit, quod in aliis libris suis paullo copiosius de iis disputasset. Ad hæc unum pro alio exemplum, quod significantius esset & utilius, pluribus locis posuit. Librum item secundum, qui est de natura & necessitate Logicæ, claritatis gratia divisit, & Caput ultimum primæ Partis Libri Quarti, in quo de nonnullis propositionibus, quæ in usu sunt apud Philosophos, v. c. definitione, divisione, tradit, adiungendum existimavit. Ad extremum de sermonis venustate & perspicuitate ita sollicitus fuit, ut utrumque decus, vel necessariam potius virtutem, sit assecutus.

Tulit præmium operæ suæ Vener. Auctor in ipsa, cuius causa eandem suscepit, patria. Nam & Episcoporum, & scholis præfectorum complures, novam lucem Lusitaniæ adfulgentem avide amplexi, ea iuvenum ingenia illustrari acriter voluerunt. Quo facto necesse est præclaram adolescentes Lusitanos capeffere utilitatem, instructos videlicet his recte libereque sentiendi præfidiis, quæ huic & aliis nonnullis *Verneis* libris debent. Accedit sapientissimi Regis *Iosephi I.* providentia, litteris perquam salutaris: cui & inscripsit librum Cl. Auctor, epistola elegantiae verarumque laudum plenissima. Optet iam Hispania, optet Germania, qua Pontificem Rom. colit, optent aliæ eiusdem ritus provinciæ, suos sibi *Verneias*,

hoc est, Philosophos ingenuos, humanos, qui religionem & rempublicam probe exornent, dignos hac seculi felicitate viros.

**SOLUTIO DIRECTA PROBLEMATIS DE INVENIENDO CENTRO OSCILLATIONIS.** Per IOS. STEPLING, S. I. Caes. Reg. Direct. Philo. & Artium in Pragensi Studiorum Universitate.

C D

$A$  —————  $B$  sit linea  $AB$  rigida, gravitatis & inertiae experta, mobilis circa  $A$ , sintque in ea in  $C, D$ , puncta inertia ut  $M, N$ : ac vires activae iis punctis applicatae ut  $P, p$ ; distantiae autem ab  $A$  sint  $a, b$ ; & celeritates, quas vires activae producere possunt  $v, u$ ; erit acceleratio angularis vi

$$P \text{ producta} = \frac{dv}{adt} = \frac{aP}{a^2M + b^2N}. \text{ Acceleratio au-}$$

$$\text{tem vi } p \text{ producta} = \frac{du}{bdt} = \frac{bp}{a^2M + b^2N}, \text{ \& tota acce-}$$

$$\text{leratio} = \frac{dv}{adt} + \frac{du}{bdt} = \frac{aP + bp}{a^2M + b^2N}.$$

Sumamus,  $x$  esse longitudinem virgae, cuius extremitati concipiantur applicata  $M$ , &  $N$ , item  $P$ , &  $p$ ; sit autem acceleratio eius angularis  $\frac{dc}{xdt}$ ; erit  $\frac{dc}{xdt} = \frac{P+p}{x(M+N)}$ . Po-

namus iam accelerationem hanc æqualem accelerationi virgae

$$AB; \text{ \& erit } \frac{P+p}{x(M+N)} = \frac{aP + bp}{a^2M + b^2N}; \text{ igitur etiam}$$

$$\frac{a^2M + b^2N}{aP + bp} = \frac{x(M+N)}{P+p}; \text{ si iam } P \text{ ipsi } M, p \text{ ipsi } N \text{ pro-}$$

portionalis ponatur, uti est in casu penduli compositi; erit:

$$\frac{a^2M + b^2N}{aM + bN} = x, \text{ seu distantiae centri oscillationis a puncto}$$

suspen-

suspensionis, seu ab *A*. Patet autem, solutionem latius patere, quam requirat problema de inveniando centro oscillationis, & eam tum demum ad hoc restringi, cum vires activæ inertis fiunt proportionales.

INTRODUCTION A L' HISTOIRE DE  
Dannemarc, &c.

i. e.

INTRODUCTIO IN HISTORIAM DANIAE, CUM  
supplementis, in quibus Edda, per Dn. MALLETUM,  
Professorem Regium elegantiorum litterarum  
Gallicarum.

Hafniæ 1755. 56. Alphab. 2. plagg. 10½. in 4.

**D**edicatio, qua hoc Opus Regi Daniæ inscribitur, non est saporis vulgaris, sed nova, eaque ingeniosissima ratione, laudes describit Sapientissimi Principis. In Introductione ipsa agmen ducunt Odinus, & dein Cimbri. Primi has oras tenuisse dicuntur Gigantes, genus hominum immane, hoc tamen inclutum, quod promissa sanctissime servaret, unde manasse Proverbium, *Trollorum fides*, aiunt. Agitur hic scite de diversis Historiæ Danicæ hypothefibus, & præcipuis Septentrionis Historicis, Rudbeckio, Torfæo, Saxone Grammatico, & reliquis.

*Libro II.* exponitur religio vetus Septentrionis, quod argumentum lingua Gallica numquam tam late expositum est. Principia eius simplicissima erant. Deus omnium regnator, cui cetera omnia subiecta atque parentia. Vocabant eum auctorem omnium, quæ existunt, æternum, Seniore, Ens vivum & terribile, scrutatorem occultorum, immutabilem. Tribuebatur huic Deo potentia immensa, scientia sine fine, iustitia incorruptibilis. Deo Scandinavii opponebant principium malum, quod Lockium appellabant. Erat is iis calumniator deorum, magnus artifex fraudis & falsorum, opprobrium deorum & hominum. Graphice describitur  
Chaos



**Chaos in Mythologia Islandica, dicta Volu-Spa.** In principio neque mare erat, neque litus, neque Zephyri flabant refrigerantes. Neque subtus terra conspiciebatur, neque cælum superne. Abyssus omnia erant, sine herba, sine seminibus. Domo carebat sol: stellis certus deerat locus: Lunæ incognita erat vis sua ac potestas. Diei novissimæ, & animæ immortalitatis quoque notitiam habuerunt. Ad cultum divinum externum pertinebant Tempia, Aræ, Idola, dies festi, Oblationes, Sacrificia, Sacerdotes, Oracula, Aruspices, Magia. Inveniebantur tamen inter eos & Increduli & Athei.

**Libro III. describuntur Politia & leges veterum Danorum.** Reges eligebantur, ita tamen, ut familiæ regis ratio haberetur præcipua. Frotho, tertius Rex Danorum, idemque adhuc paganus, celebratur inter legislatores. Recensentur leges ab eo latæ, æque tam ad belli, quam pacis tempus, pertinentes. Inter omnes nulla magis barbara, quam hæc: „Si peregrinus Danum occiderit, pro hoc Dano duo occidantur peregrini.“ Frequentabantur etiam probationes vulgares, seu Ordalia, & nominatim probatio per Duellum, per ferrum candens, vel vomeres ignitos, per aquam calidam & frigidam. Postremæ rationem nuspiam magis perspicuam inveneris, quam quæ hic proditur p. 116. 117. petita ex superstitione pagana. Tribuebat hæc suum cuique fluvio Genium. Iam innocens habitus est, qui submergebatur, quoniam eum Genius, dum ad se traheret, protegere velle videretur. Contra, qui supernatabant, reiici a Genio videbantur, quod iram eius crimine meruissent. In fine libri exponuntur rationes reipublicæ Islandicæ. Regebatur ea a Statibus Generalibus, quorum Præsides 38. recenset Arngrimus. Fuerunt inter eos insignes aliquot Poetæ & Historici. Eiusmodi Præsides Statuum Generalium Islandicæ quoque fuit Snorro Sturleson, qui Chronicon Regum Norvegiæ reliquit, accuratum in temporibus suo vicinis. Occisus fuit in seditione populari 1241.

**Libro IV. dicitur de fortitudine, de bellis & re maritima veterum Danorum.** Ius eorum omne positum erat in viribus. Potentiori proinde ius in omnia vicini impotentioris tri-

tribuebant, quoniam hic tuendis suis impar esset. Vagina gentium dicitur Septentrio: sed numerus militum ab Historicis saepe exaggeratur, ut maius videatur robur suorum, videtur ut pudor sit minor, vel solo etiam amore mirabilium. Acies eorum in modum cunei formabatur; ceterum sine ordine praelia committebant, pugnante quovis, ut esset ferocior. Arma gladius, bipennis, arcus, & iacula. Ad tutelam corporis clypeus adhibebatur, confectus ex ligno; cortice, aut corio; galea ex ferro plerumque conflata. Sed expeditiones maritimae veterum Danorum inprimis clare sunt. Tectus Oceanus classibus eorum Saeculo VIII. IX. X. & XI. Capta Anglia, Parisii bis obsessi, ingens Galliae portio conversa in Ducatum Normandiae. Sed Pelasgi quoque non minus latrones, quam piratae fuerunt. In Normannis hanc ferociam dein sedavit mansuetudo religionis Christianae, quum antea Angli & Franco-Galli frequenter ingeminarent illud: a furore Normannorum libera nos Domine! Americae Septentrionalis, & in ea Canadae, detectio facta initio Saeculi XI. Islandis late vindicata sub finem libri huius. Egit de ea plenius *Torfaeus*, in Historia Vinlandiae Antiquae, seu partis Americae septentrionalis, ex Antiquitatibus Islandicis eruta. Prodiit hoc Opus 1705. Perierat memoria Coloniarum eo deductarum, per temporis longitudinem, & posterorum negligentiam.

Liber V. idemque ultimus complectitur mores, ritus, & artes veterum Danorum. Usitata apud eos Polygamia, etiam decimo adhuc Saeculo. Baptismus infantium fieri solitus, etiam ante quam Christianismo nomen darent. Cadavera defunctorum primum igne cremata, dein terrae mandata. Agriculturae praecipua cura. Opificia & ministeria servis, mulieribus, & senibus relicta. Insigne dein navigationis studium, non tam commerciorum, quam deprædationum maritimarum causa. Monetæ, in tribus Septentrionis Regnis usae, ante Saeculum nonum nulla memoria. Astronomia culta navigationis causa, astris nomina a diis eorum tributa. Sic Orion cunicula, sive colus Friggæ dictus est. In re littera-



ria notæ virgulæ eorum Runicæ, quibus utebantur instar Calendarii. Runæ distinguebantur in amaras, sive nocivas; salutare, victoriosas, & medicinales. Superfunt Inscriptiones his litteris saxis inscriptæ. Lingua, qua Dani veteres utebantur, Celtica erat, quæ per totam Europam regnavit, usque ad fines Hispaniæ, exceptis Sarmatis. Antiquissima eius vestigia superfunt in Poematibus Scaldorum, sive Poetarum Septentrionalium, inter quos primi fuerunt Islandi. Sunt inter ea, quæ Sapphicis Græcorum appropinquant. Sua iam his Poetis glavis erat poetica, suum poeticum aerarium, suus Gradus ad Parnassum. Inter expressiones poeticas nulla nobilior, quam ea, qua aurum lacrimas Fregæ dixerunt. Annalistæ præterea Islandi vincunt Chronographos ceterarum Europæ gentium, certitudine & accuratione, omnes, quotquot post extinctum Imperium Romanum scripserunt.

Sequuntur Supplementa, separatim edita. In Præfatione agitur de Edda. Edda aviam significat, & proinde hoc libro continentur traditiones veteres religionis Celticæ. Duæ eius Collectiones notæ sunt. Prior in ordinem redacta est a Sæmundo Sigfussøn, nato 1057. Posteriores congregavit Snorro Sturlesøn, iam supra laudatus, CXX. annis post, in forma Dialogi. Huius posterioris Eddæ pars prima hic curate in linguam Francogallicam conversa, proponitur cum annotationibus. Ex secunda parte præcipua tantum seliguntur. Ex Edda prima Sæmundi superfunt: 1. Voluspæ, sive Oracula Prophetissæ; 2. Hava-maal, sive Discursus sublimis, aut Odini doctrina moralis; 3. Caput Runicum, sive Magia Celtica. Ex hac prima Edda excerpta suppeditantur, post finem secundæ. Crude de Edda iudicat *Huetius*, de Origine fabularum Romanensium p. 116. Scripta fuit Edda utraque in veteri lingua Islandica, sed iam dudum translata est in linguam Danicam & Suecicam. Primam eius Editionem Resenius dedit Hafniæ 1665. in 4to. Continet hæc Editio textum Eddæ, versionem latinam, factam a docto Ecclesiaste Islandico, Stephano Olai, & versionem Danicam Stephanii. Textus a Resenio parum illustratur. Prolixa est præfatio eius: sed maxima

zima illius pars expletur excursionibus in Platonem, de optimis Aristotelis editionibus, de novem Sybillis, & de Hieroglyphis Aegyptiorum. Ex Edda ipsa, hæc specimini inserviant. Ex fabula prima. Gangler sic coepit colloquium suum. Quis est antiquissimus, aut primus deorum? Har respondit. Appellamus eum Alfader, id est, Patrem omnium. Pergit Ganglerus: Quis est deus iste? quæ est eius potestas, & quid fecit, ut celebraretur gloria ipsius? Respondet Har: vivit in perpetuum, gubernat regnum suum, & res parvas perinde ac magnas. Iahnfar addit: creavit cælum & terram & aerem. Prosequitur Tredie: plus fecit, quam cælum & terram; creavit enim homines, eisque dedit animam immortalem, & qui nunquam interibit, etiam postquam corpus evanuerit in pulverem & cineres. Omnes autem iusti homines habitabunt cum eo in loco dicto Gimle, mali autem ibunt in locum dictum Hela. — Alterum exemplum ex Fabula XXXIII. depromimus. Gangler interrogat: quid supererit, postquam mundus combustus erit, & perierint dii, heroes & homines? Tredie respondet: erunt post cuncta hæc prodigia complures habitationes amoenæ, & complures ingratae; — — in illis habitabunt homines boni & iusti — — in his periuri, assassini, & adulteri — — . Nascetur ex mari alia terra, pulchra & amoena, tecta pratis & graminibus, ubi herbae sponte nascentur, & sine seminibus. — Ex cultissimis annotationibus ad hanc Eddam hæc delibamus. *Eccardus de Origine German.* pag. 41. Odinum non ex Asia, sed ex Wandalia, sive Pomerania, in Sueciam venisse, censet: sed repugnant traditiones omnis ævi. Teut, patrem designat in lingua Celtica, & superest significatus hic in lingua Britannum. Rostrenen (in *Diction Celt.* p. 712.) Semidæ illæ, quæ in Fabulis Romanensibus Fées appellantur, ex Theologia Celtica originem habent. Hydromeli & carnibus aprugnis Normanni nostri inprimis delectabantur. Unde in *Lege Salica* caput II. constans 20. articulis, de iis solum agit, qui porcos abegerint. Eadem de causa Aestii, insigne superstitionis, formas aprorum gestabant. Ex Persarum Philosophia

manasse videtur doctrina Odini. Mundi exustionem tamen etiam Stoici prædixerunt. Ex mente eorum Lucanus:

*Hos populos si nunc non ufferit ignis,  
Uret cum terris, uret cum gurgite ponti.  
Communis mundo supereſt rogas. —*

Secundæ partis Eddæ Epitome tantum datur. Est ea mere historica, seu potius fabulosa. Proxima est Scaldæ, seu Dictionarium Poeticum Snorronis Sturleson. Gaudet in eo Odinus Epithetis 126. Versus accedunt ad hodiernos nostros, & ad Acrosticha, quorum frequens usus apud Hebræos. Excipit hæc Breviarium Eddæ Sæmundi, sive Eddæ veteris. Inter Odini præcepta moralia hæc optima visa sunt: Felix ille, qui laudem & benevolentiam sibi hominum conciliat; quicquid enim ab aliorum nutu pendet, periculosum est & incertum. — Homo ignavus credit se semper vita fruiturum, sed si ei lancea parcat, non parcat ei senectus. — Præstat vivere bene, quam diu; excitat aliquis ignem, & moritur antequam extinctus sit. — Præstat habere filium tarde, quam nunquam; raro monumenta sepulcralia in sepulchris mortuorum ab aliis manibus, quam filiorum, eriguntur. — Senem ne irriseris, neque avum tuum senem; sæpe ex rugis senilibus proficiuntur verba plena sapientiæ. Magiæ nomine Odino veniebat ars scribendi litteris Runicis. Quando video hominem mortuum, inquit Odinus pag. 146. & suspensum ex altitudine arboris, scribo litteras Runicas tam mirabiles, ut statim descendat, & mecum colloquatur. In fine libri comparat versio Odæ, quam Regnerus Lodbrog, Rex Daniæ, sæculo IX. ineunte, inter tormenta, quæ mortem eius antecedeabant, composuisse dicitur. Periit ex morſibus serpentum, quibus carcerem repleri iusserat Ella, Rex Angliæ, a quo captus erat. Dictavit hanc Odam fanaticismus gloriæ, excitatus fanaticismo superstitionis. Forſitan unam aut duas Strophas Regnerus ipse composuit. Reliquas adiecit e Scaldis aliquis, in funeralibus eius. Sequuntur Excerpta ex Oda, quæ inscribitur Elogium Haquini; & versio Poematis, cuius titulus, Historia Caroli & Grymmi, Regum Sueciæ, & quod ante 22. annos pri-

primum edidit Dn. Biörner, Suecus. Hæc hætenus. Optamus autem, ut Opus egregium, cuius primus Tomus iam est in manibus nostris, sine remora perficiatur.

*USUS OPII SALUBRIS ET NOXIUS IN MORBORUM medela, solidis & certis principiis superstructus, a D. BALTHASARE LUDOVICO TRALLES, Med. Vrat. atque Acad. Caes. Nat. Cur. Socio. SECTIO PRIMA.*

Vratislaviae 1757. sumptibus Caroli Godofredi Mayeri, Alph. 2. in 4to.

**Q**uamquam tot scripta de opii natura & viribus prostant, ut magis copia, quam inopia eorum, laborare videamur: eorum tamen, qui librum hunc perutilem attentò animo perlegerint, nemo facile quisquam, celeberrimum TRALLESIVM scriptione sua labores iam actos denuo præter rem suscepisse iudicabit. Instrumenta enim, quibus artis opera perficienda sunt, nisi bene perspecta cognitaque fuerint, a nemine medentium dextre regi adhiberique posse satis constat. Hætenus autem opium, quod remediorum omnium maxime necessarium esse, medicus, artem reapse exercens, dubitare nequit, multis difficultatibus obnoxium fuisse ex eo potest intelligi, quod pharmacum hoc ab aliis summa laude dignum, ab aliis plane noxium habitum est. Tot igitur tantisque dubitationibus scrupulisque propositis permotus Celeberrimus Auctor, singulari studio in id incubuit, ut medicamenti huius virtutes cognosceret, erutasque cum orbe litterato communicaret. Id quod etiam, nostro quidem iudicio, tam præclare exsecutus est, ut exemplo esse possit iis, qui de aliis generosis pharmacis, de mercurio, ferro, cortice peruviano, tractare in animum induxerint. Prior autem hæc Sectio, quam posterior propediem sequetur, medicamenti huius theoriam continens, octo capitibus distincta est. *Cap. I.* Historia generalis usus Opii, & factorum eius in praxi medica enarratur. Notum est omnibus discrimen illud inter opium & meconium. Illorum prius esse veram papaveris lacry-



mam lacteam, alterum vero nil nisi succum ex papaveris capitibus expressum, & igne inspissatum, plerique de materia medica scriptores contendunt. Nonnulli tamen opium, quo nos utimur, ex vero opio & meconio mixtum esse perhibent; pauci cum Cl. ALSTONO ipsam papaveris lacrymam ad nos venire credunt. Opio illi, ex orientalibus plagis ad nos allato, recte substitui posse lacrymam papaveris Europæi, & aliorum, & propriis experimentis cognovit Cl. Auctor. Monet autem lectores, ut duo illa extrema vitent, in quæ delapsi sunt HEQUETVS & STAHLIVS; quorum ille plus iusto laudat, hic cum asseclis suis tantum non damnat opii usum. Et Stahlianorum quidem ideam vitare difficile non est, cum ii ipsi pilulas illas de cynoglossa, quarum virtus opio soli debetur, haud infrequenter commendent adhibeantque. Papaver ipsum, h. e. eius semen, antiquissimis temporibus cognitum fuisse, omnique vi soporifera carere, A. docet; quo autem tempore eius lacryma, huiusque vis soporem inducens, in artem recepta sit, ipsi parum constat. In scriptis enim HIPPOCRATIS, præter illum locum *Lib. II. de morb. mulier. §. 79.* vix alius quisquam exstat, qui de usu opii ipsius testetur; cum interim ille ipse locus allegatus non parum difficultatis habere doctissimis interpretibus videatur. Maiori igitur veri specie laudem hanc tribuendam Empiricis esse putat, quod opii frequentiore usum in praxin medicam introduxerint. Post Empiricorum tempora, usus opii minus frequens fuit, GALENO etiam valde suspectus. Neque AETIVM, TRALLIANVM, PAVLVM AEGINETAM, aliosque ex Græcis, opium valde commendasse, scripta eorum satis probant. Quæ cum vera sint, mirari subit, quid causæ fuerit, cur compositiones opiatæ, notissimæ illæ, tam frequentatæ olim fuerint? Procul dubio vim nocentem opii, additis variis pharmacis, correctam sublatamve crediderunt. GALENI sectatores postea usum opii, tanquam medicamenti in quarto gradu frigidi, reformidarunt; donec PARACELSVS, laudano suo miracula præstare visus, doctissimos quosdam viros excitaret, & opio faventes faceret. Ex eo tempore opium varia fortuna usi m

est,

est, ita ut ab aliis laudaretur, ab aliis culparetur. *Cap. II.* continetur succincta recensio phaenomenorum omnium, quae opium assumptum in corpore humano insequuntur. Sunt autem sequentia: a) Opium exhibitum, pulsum cordis & arteriarum, adeoque omnem circuitum humorum, intendit, & accelerat. Hoc phaenomenon semper advertet, & contrarium asserentes Auctores errare fatebitur, observator satis solers. Causa, cur illi contrarium defendere sustineant, in eo sita est, quod arteriarum ictus non statim post assumptum opium, sed finita propemodum eius operatione, explorant; aut etiam ea phaenomena annotarunt, quae auctam ultra modum dosin sequi solent. Vis quoque cardiaca, opio ab optimis Auctoribus tributa, veritatem sententiae nostri Auctoris satis firmat. b) Opium calorem corporis naturalem auget. Refelluntur hoc loco ab A. illi, qui, contrariae sententiae addicti, vim refrigerandi opio tribuunt. Et quamquam phaenomeni huius veritatem satis superque probat experientia; clari tamen viri rectiora sentientes adducuntur, & praeterea ex analogia vini, alcoholis vini, salium volatilium, atque opii, & ex experimentis cum animalibus brutis institutis, tandem ex experimentis in hominibus, ex sapore calido & acri, ex siti, aliisque, opii virtus calefaciens ulterius confirmatur. c) Opium sanguinem, celerius a se motum, per vasa, & calidiorem redditum, rarefacit, attenuat, eiusque volumen auget. Maior haec sanguinis expansio optime colligitur ex vasorum omnium maiori amplitudine & turgescencia, quam sedulus observator, post datum homini opium, non potest non usurpare oculis. Nec fieri potest, quin effecta illa priora litt. a. b. sequatur hoc tertium. d) Opium respirationem citatiorem & difficiliorem reddit. Circa hoc phaenomenon nobis existit dubitatio, neque nos, ab opio iusta dosi dato, respirationis difficultatem ortam observare adhuc potuimus. Opium quidem, minori etiam copia sumtum, respirationem facere paulo citatiorem debet per litt. a. b. c. sed hoc celeritatis augmentum in perpaucis tam magnum est, ut in sensus incurrat. Rariores vero observationes de quibusdam hominibus, aut de



de opio nimia quantitate ingesto, regulam non efficiunt. e) Opium, sanguinem celerius provolutum, calidioremque & rariorem redditum, copiosius determinat ad caput. Hoc & alii observatores annotarunt, & Cel. Auctor in se ipso expertus est. Idem etiam docuit dissectio canum, opio enectorum. f) Opium pacat animum, eumque exhilarat, atque alacrem & audacem reddit. Quæ quidem observatio non solum ab omnibus in Asia & Africa peregrinantibus confirmatur, sed quotidie etiam in nostris regionibus occurrit. g) Opium temulentiam, torporem, & ebrietatem inducit. Neque de hoc phænomeno dubitari potest. h) Opium naturale acumen sensus obtundit & minuit, eoque præter naturam aucto, natos dolores sedat. Neque de hac opii virtute, est, cur multas afferamus probandi rationes, cum nemo medentium de ea ambigere queat. i) Opium vires, motui animali famulantes, debilitat. Hanc virium imminutionem cernimus in omnibus animalibus, quibus opii copia paulo largior data fuit: paulò enim post omnibus membris, quin toto corpore, contremiscunt; homines autem, qui opium assumerunt, sequenti die de insigni membrorum torpore conqueri solent. k) Opium somnum invitat, interdum in altum soporem extensum, qui si ingravescat, accedente vera apoplexia vel convulsionibus, necat. Hoc nimis notum est. l) Opium dormientibus insomnia, ab usu autem eius in somnum non prolapsis, sed vigilantibus, conciliat phantasmata atque deliria etiam. Nonnunquam largiore, vel chronico usu, insaniam, stuporem, memoriæ defectum, dementiam & fatuitatem adfert. m) Opium stimulos venereos excitat. n) Opium excretionem cutaneam, diaphoresin, valide, & ut plurimum cum pruritu movet, sed alias serosas compescit. o) Opium functioni ventriculi inimicum est: & p) alvi libertatem inhibet. Atque hæc omnia testimoniis Auctorum probatissimorum, & propriis observationibus illustrat doctissimus FRALLES. *Cap. III.* analysis opii physico-chemica traditur. Opium autem igni expositum, quocunque demum modo, spargit vapores olentes. Aqua ab opio per alembicum transcendens, manifestum opii

odo.



odorem naribus offert. Spiritus vini ab opio destillatione abstractus, & saporem & odorem secum ducit. Opium, aqua calida infusione, digestionem, vel leni coctione solutum, in superficie exhibet spumofam, pinguem, viscidam materiam, haud ita multam, odoris valde graveolentis; ipsa autem hæc aqua, evaporando inspissata, largitur extractum opii gummosum. Istud tamen non penitus gummosum est, ex quo quippe spiritus vini rectificatus partes duas tertias solvit. Illud vero crassum residuum, quod aqua solvere non poterat, ne tingit quidem aquam secunda vice superinfusam, vini vero spiritum affusum tingit. Qui quidem spiritus ita saturate tinctus, si aquæ instilletur, lactescit aqua, ac principium resinofum subsidit; quod dein collectum & siccatum, igne admoto flammam concipit, & deflagrat. Notandum est, nullo menstruo ita solvi opium posse, ut non remaneat terra plane insolubilis. Uti aquoso extracto inest multum resinofum, ita extracto ope spiritus vini rectificatissimi parato non parum inest gummosi; aqua enim ei affusa magnam eius partem solvit. Ex magmate quoque, a solutione spirituosa residuo, partem quandam in se recipit aqua affusa; quæ si deinde igne distillatur, remanet verum & purum gummi. Præter illas partes, opio esse salinas quasdam, acidæ indolis, peritissimis chemiæ artificibus credendum esse A. putat. Actio vero partium earum in hominem sic habet. Vapores, quos opium ratione quacunque tractatum spargit, caput valde tentant, hominemque somnolentum reddunt. Aqua ab opio destillata, spiritus ab opio abstractus, substantia illa spumosa aquæ innatans, ipsum opium crudum, vel extractum opii aquosum, aut spirituosum etiam, vim soporiferam exserunt. At opium igne tostum aut in vase maxime aperto sat diu cum aqua coctum, item extractum spirituosum, aqua sat diu coctum, nec non gummi illud paucum cum aqua extractum, ex magmate post solutionem opii in spiritu vini factam residuo, nullarum virium est. Inde colligitur, principium opii vaporosum & volatile, esse veram causam omnium effectuum, quos præstat opium, Nunc Cap. IV. instituit A. indagationem actionis pri-

D

maria



mariæ opii in corpus humanum, ex principio agente cognito, per prægressam analysin; atque cum FITCARNIO, aliisque cum secutis claris viris, ex rarefactione sanguinis, ab opio effecta, deduci posse credit phænomena usum opii consequentia, sic tamen, ut simul certa quædam opii actio in nervos assumatur, inexplicabilis illa quidem, haud tamen fictitia, sed compluribus rationibus asserta & comprobata. Posteaquam & rarefactionem sanguinis, & mutationem nervorum, ad actionem opii primariam in corpus humanum pertinere demonstravit, *Cap. V.* phænomenorum, post usum opii emergentium, ætiologiam exponit, deductam ex actione opii primaria cognita illa, in sanguinem & nervos. Quod quidem ita peragit, ut experientias quindecim illas *Cap. II.* litt. a. p. ordine pertractet, viamque & rationem doceat, qua effectus illi ex ista primaria actione opii consequantur. Quæ quidem disputatio cum in utramque partem habita sit, neque adeo compendium admittat, lectores nostros ad ipsum librum ablegamus, & ad *Cap. VI.* properamus, quo corporis humani diversus ad opium habitus exponitur. Reperiuntur haud pauci homines, qui ob idiosyncrasin opium, vel minima dosi sumtum, quin correctum etiam, prorsus ferre nequeunt, quin protinus symptomata gravissima oriantur. Causa videtur esse fabrica vasorum cerebriorum illa, qua fit, ut vasa nimis facile cedant, sui que impletioni nimis facile saveant. Præter hanc vero etiam textura cerebri ipsius pulposi, huiusque teneritas atque mollities maior, facit, ut cerebrum pressioni vasorum incumbentium facilius cedat, comprimatur adeo, actionemque nervorum interturbet. A qua quidem cerebri teneritate procul dubio pendet totius systematis nervosi mobilitas; & inde porro est, quod opium, ventriculo vix dum ingestum, homines afficere nonnullos, valdeque mutare soleat. Hinc celeberrimi medici experti asseverant, eos, qui corpore valido quadratoque gaudeant, pharmacum hoc melius ferre, atque securius eo uti; vehementer autem id officere illis, qui oppido graciles sint, carnesque molles ac flaccidas habeant: quare etiam recte monent, si membra partes-  
 que



que motivas languor & enervatio cum stupore occupet, opiat-  
tis remediis omnino supersedendum esse, eaque debilitatis ab  
hæmorrhagia, inedia, morbisque diuturnis, non convenire.  
Unde simul liquido patet, opium in corpore humano aliud  
quid agere, quam ut rarefaciat humores; homines enim illi re-  
media re ipsa rarefacientia, aromatica & volatilia, vinumque  
ipsum, sæpius magno cum levamine sumunt. Tandem & cu-  
tis fabricam, raritatem & densitatem maiorem minoremve,  
aeris ambientis constitutionem, perspirationi magis minusve  
faventem, ipsiusque adeo coeli & climatis differentiam, ad  
causas pertinere A. putat, propter quas alii opiata facilius, alii  
difficilius ferant. Nempe ii, qui liberiori transpiratione cu-  
tanea gaudent, facile opiata ferre observantur. Hinc orien-  
tales populi doses opii largiores, diuque continuatas, sine nota-  
bili noxâ devorant. Quod sævus accidit gentibus plagas se-  
ptentrionales habitantibus. *Cap. VII. de correctionibus*  
*opii inutilibus & imaginariis agitur.* Ab antiquissimis inde  
temporibus opii vis nocitura, medentibus reformidata, exci-  
tavit medicorum solertiam, qua, si possent, viam certam  
quandam reperirent, aut nocivum ex opio & papavere sepa-  
randi, aut id additis variis pharmacis corrigendi. Hinc tot  
compositiones opiatae olim excogitatae, magnamque consecu-  
tae famam, tot molitiones chemicorum medicorum, opium  
lenire conantium. Longa serie recenset Cel. Auctor opi-  
niones Medicorum, pro necessitate correctionis militantium;  
neque tamen illos omittit, qui nihil ad feliciorum curationem  
conferre istas correctiones contendunt. Quo quidem loco  
de præparationibus & correctionibus variis mercurii, martis,  
& corticis Peruviani, utilia quædam affert, & medicamenta ea  
simplicia omnibus laboriosissime præparatis præstare arbitra-  
tur. Hoc ostenso, transitum facit ad ipsas correctiones opii.  
Notum omnibus est, veteres, opii frigus metuentes, addidisse  
aromata calidissima, & pharmaca acerrima quævis. Alii ca-  
storeo, alii croco, nonnulli recentiorum salibus volatilibus,  
peculiarem virtutem corrigendi opium tribuerunt. Hæc ta-  
men omnia vana sunt, si opium magis calidum quam frigi-

dum pharمون dicendum est. Quare omnes illas, tum veterum tum recentiorum, compositiones opiatas nihil putat; sed purum putum opium, tempestive & iusta dosi datum, æque bona effecta præstare credit. Uti vero compositionibus parum favet, ita nec cæteris præparationibus multum tribuit. Tostione & effumatione super lamina-ferrea, subiectis carbonibus, opium non corrigi, sed vim eius destrui, neque correctionem sive spirituosam, sive aquosam, crudo opio præstare, tum exquisitis rationibus, tum experimentis docet. Idem iudicium fert de correctione per fermentationem, per acida, per alcalina; ac prorsus in ea sententia est, omnia illa correctionum molimina opium vel depravare, vel vi naturali sua exuere, & medico practico sufficere, ad curationes elegantissimas, & felicissimas morborum opiatas levandorum, vel crudum opium in forma solida, vel, si forma fluida desideretur, solutionem vinosam illam SYDENHAMII. Tandem *Cap. VIII.* de dosibus opii sermonem habet, ac primo quidem largas doses populorum orientalium enarrat, & fide scriptorum refert, haud paucos in Asia & Africa natos, ibique degentes, opium ad drachmam unam, ad drachmas duas, tres, imo plures, sine notabili noxa devorare, & per plures quidem annos quotidie. Cuius quidem rei admiratio celeberrimos in Europa degentes medicos ita perculsit, ut, populos orientales non efficaciori illo opio, quo nos utimur, sed longe mitiori quodam, delectari, opinarentur. Quod tamen prorsus falsum esse Cl. Auctor ostendit, & solam consuetudinem facere, ut populi illi tantam opii copiam impune assumere queant. Neque desunt exempla apud nos, quæ, quid consuetudo possit efficere, satis superque doceant. Fumus tabaci, spiritus vini, vinum ipsum, quantas pariunt turbas non adfucto? Quæ tamen ab adfuetis incredibili nonnunquam copia hauriuntur. Quare & Europæorum nonnulli magnas opii doses quandoque ferunt, & per consuetudinem ferre discunt; quorum non minimum indicem A. exhibuit. Sed damnat hanc temeritatem, & fatetur, se nunquam in praxi opium ultra granum exhibuisse, neque unquam ægris suasorem fuisse, ut

con-



consuetudini doses opiatorum in dies augendi indulgerent; quanquam consuetudinis vim magnam esse non nesciret, eorumque Europæorum etiam exempla non pauca exstarent, qui opium largissima manu, sine manifesto quidem damno, quin interdum quoque cum magno levamine, assumerint. Ut enim illa satis vera sint, ita nec deesse tristes casus, ubi homines propter paulo largius exhibitum opium æterno somno oppressi sint, aut, damnosæ consuetudini opium quotidie vorandi indulgentes, omne robur cum animi tum corporis fregerint perdiderintque. Tandem notat, & merito admiratur, animalia bruta, canes, feles, cætos, cuniculos, multo plus opii tolerare, superstitæ vita, quam umquam ferre homines queant; prorsus enim impune animalia ferre grana quatuor vel quinque, quæ summa dosis sit, & ultra summam iam extensa, pro hominibus. Adducit expertos medicos, quidque de iusta opii dosi senserint, refert. Optimum videtur, ut granum unum, vel duo, in aliquot præbia dividi curemus, quæ partitis vicibus per temporis intervalla longiora aut breviora exhibeantur, donec aut somnus obrepit, aut dolores minuantur, aut spasmi conquiescant. In fine demum libri monet lectores, apud Europæos, & inter eos apud homines non adfectos, doses a quarta grani parte ad granum unum, unum cum dimidio, vel ad summum duo sufficere, maxime si repetantur, ad producenda effecta illa, de quibus Cap. II. dictum sit. Sectionem alteram libri eximii avide expectamus.

*IN VARIOLARUM INOCULATIONEM DISSERTATIO*  
*epistolaris ad Nobilem & Sapientem Virum D.*  
*SYLVESTRUM ANTONIUM PONTICELLI, &c.*

*Scripta a FRANCISCO COMITE RONCALLI,*  
*Parolino.*

Brixia 1759. pl. 1½. in 4.

**I**nsitio variolarum, nostræ ætate magis, quam præterlapsis temporibus, Medicos Europæos faventes quidem nacta,

haud paucis tamen, iisdemque non levibus dubitationibus, implicita & impedita, Celeberrimo huius dissertationis Auctori tam parum laudanda visa fuit, ut is subinde etiam acriter eam perfringeret. Rem profecto tam arduam, spatio tam parvo, pro dignitate pertractari potuisse, plurimi lectorum nostrorum dubitabunt. Putat quidem Cel. Auctor, variolosum fermentum in omni homine latere, & esse agens illud aptum ad promovendam humorum omnium effervescentiam, in puncto & casu illo, quo humorum despumatio, natura operante, effici debet, ut purum ab impuro separetur. Hinc quaestio enascitur, num variolosum luctamen arte possit promoveri, & suscipi sine umbra periculi, & cum minori corporis iactatione & labore. Ad eam quaestionem ut responderet Vir doctissimus, de inoculationis eventu sex capitulis agendum esse censuit. Nos libere, etsi breviter, de iis iudicabimus, quando placuit Auctori illustrissimo, nostrum de hac scriptione iudicium humanissimis litteris requirere. Primo igitur experimenta inoculationis & contagii Brixiae ad actum perducta retulit. Et casus quidem primus iam anno 1739, saevientibus in urbe Brixia variolis confluentibus, observatus est. Inter multos alios perierunt fraterculi sex, septimo, tres annos nato, superstiti. Hunc servare cupiens patruus, de infusione variolarum cogitavit. Purgato corpore, extracto sanguine, observata dieta, infusio peracta est; quatuor in locis, brachiis scilicet & coxis, sumta sanie a variolis benignis, ad maturationem iam redactis, pueruli, qui per solum nycthemeron lecto decumbere coactus fuerat. Per quinque dies nihil novi atque insoliti; sexta nocte vigilavit, febris surrexit, dolorque capitis, omnia in peius ruere, ita ut cum celeri pulsu, tendinum subsultibus, convulsionibus, & orthopnoea ac stertore, puer morti proximus videretur. Summo mane septimae diei pulsus fuit exilis, facies ad instar cadaveris, oculi strabismo affecti. Die nona puer somno sepultus iacuit; at imminuta febre, & quiescente tendinum subsultu, cibum non respuit. In vultu apparuere maculae futurarum papularum indicia. Die decima deliravit, tandem tamen variolae

evi-



evidentes emergere, & undique in multis locis consueto more ad maturationem pervenere, parum dissimiles illis, a quibus sanies petita erat. Quatuor inflicta vulnera evasere ulcerosa, & per mensem integrum pus fuderunt. Suborta denique diarrhoea, puer secundam valetudinem recuperavit. Casus alter eventum variolarum contagio ortarum respicit. ANTONIVS RINALDINVS, medicus doctus, filiolum quatuor annorum, ad lectum filioli, variolis benignis & utique boni moris frequenter adstare iussit, ut variolosum morbum contraheret. Puerulus morbum superavit, at filiola variolis contagio acceptis diem obiit, quanquam nihil eorum, quæ a primis inde morbi initii, perque totum morbi decursum agenda erant, neglectum esset. *Sed quid inde? nihil profecto, quod insitionem reiiciendam esse suadeat.* Nam fraterculi sex perire variolis contagio contractis, septimus, qui insitione eas acceperat, incolumis evasit. Nonne hoc commendabilis sit insitio? Filiola autem illa, quæ variolis contagione acceptis periit, fortasse servata esset, si per insitionem consueto more peractam excitata essent ulcuscula, pus fundentia. Capitulo II. sententiæ exponuntur recens exortæ, clarissimorum virorum, qui omnes inoculationem improbant. Capitulo III. fundamenta & rationes, quibus innititur & probatur sententia Clarissimi Viri, comprehenduntur. Sunt autem fere hæc. Eo, quo inoculatio peragitur tempore, temperamentum pueri fortasse non esse dispositum ad despumationem; hinc si exacta suppuratione forsitan non satis expurgatus sit sanguis, futurum esse, ut cutis a cicatricibus vitiata eruptionem variolarum denuo oriundarum impediatur; dari homines, quibus cutis ita densa sit, ut tota vita nulla exanthemata efflorescere possint; porro vim puris iniecti esse magnam, hinc de vita timendum esse; aut vim eam esse tenuem, impotentem, ideoque exiguum luctamen, ergo sanguinem forsitan non satis expurgatum facere metum recidivæ, cum non desint homines, qui bis, ter, quater, quinquies, imo septies passi sint morbum variolosum; tandem non per omnia adhibendam esse fidem Auctoribus, qui de utilitate insitionis scripserint. Cap. IV. reli-

religio incutitur animo eorum, qui insitionem suadent. Cap. V. iusto vehementius declamat Cel. Auctor contra patronos inoculationis; nec tamen quidquam probare nobis videtur. Cap. VI. remediorum curationi morbi variolosi idoneorum formulæ nonnullæ, eademque haud novæ, traduntur. Denique in postscripto rursus adducuntur testimonia virorum quorundam eruditione excellentium, narraturque, Regem Prussiæ, re prius excussa, variolarum inoculationem palam damnasse, atque in exilium misisse non solum, sed poena gravissima multasse insitores, ipsosque insitos, aut pro ipsis, si pueri sint, eorum custodes, agnatos, tutores; de quo tamen nobis plane nihil innotuit. Si igitur liceat, libere, ut solemus, dicere sententiam, fatebimur, ill. Roncallium, neglectis recentissimis pro variolarum inoculatione scriptoribus, Anglis imprimis, multa in contrarium dixisse, ingeniose magis, quam vere; alia, quæ non pertinent ad rem; iterum alia, (ut p. 8. Punctum Theologis proponendum,) quæ a Viro talis doctrinæ scripta nollemus; denique plurima, quæ præiudicium auctoritatis sapiunt, quod præstringit aciem iudicii: v. in primis pag. 5. & 11. Neque in Lusitania, hoc nostro tempore, ita quisquam, sine reprehensione æquissima argumentabitur: *Vir pietate & doctrina singulari, Iesuita, dixit, igitur verum est.* Istiusmodi autem argumentorum, in dissertatione Roncalliana plena sunt omnia.

*SEBASTIANI CORRADI QUAESTURA, PARTES DUAE, quarum altera de Ciceronis vita & libris, item de ceteris Ciceronibus agit: altera Ciceronis libros per multis locis emendat, nunquam antea extra Italiam edita.*

Lipsiæ 1754. ap. Ioh. Wendlerum, 1. Alph. 3. pl. in 8.

**S**i litterarum græcarum & latinarum, cum discendarum, tum docendarum, accurata & prompta disciplina, eadem bene & intelligendi & cogitandi disciplina est; si his litteris, id quod magnus *Lutherus* sæpius dixit, via ad christianæ religionis

gionis integritatem restituendam sic munita est, ut earum neglectu nihil aliud, quam ut foedissimæ barbariei & superstitioni fores quasi aperiamus, efficiatur; si denique hæ litteræ ingenium acuunt, per omnes vitæ humanæ partes venustatem & elegantiam quandam explicant, & liberalissimam nobis voluptatem adferunt: quantam admirationem debent sui iniicere, qui in his litteris quasi domicilium ingenii atque doctrinæ constituunt? quantis laudibus, quali amore digni videri, qui veterum libros bene interpretantur, hominum animos ad pulchritudinis sensum acuunt, omnemque ad honestatem conformant, utilissimos reipublicæ cives præstant, vitamque nostram suaviter exhilarant? *Ernestium* igitur nostrum, quis tam parum venustus, tam nullo pulchrarum rerum sensu præditus est, quin omnibus laudibus dignum censeat, quæ virtutis præstantiæ, amoenitati ingenii, maximæ diligentiae, summoque de bonis litteris, atque adeo de toto humano genere optime promerendi studio debentur? Iam quantum, (etsi enim & *Ernestianis* virtutibus eiusmodi theatrum datum est, ut nemini illæ ignotæ esse possint, & vir doctissimus non tam ut laudes audiat, quam ut laudabilia faciat, bene de litteris mereri cupit, dicamus tamen, quod sentimus, libere:) quantum igitur laborem, quantam operam, ad illustrandos Ciceronis libros contulit! Nam ut de eo nihil dicamus, quam felici imitatione Ciceronianam dictionem exprefferit, non ut verbum Ciceroni inauditum fugeret, *improvisum aspris veluti qui* —, *sed* ut illa elegantia, quæ citius sentiri quam doceri potest, orationem quasi coloraret; nonne bis omnes Ciceronis libros describi curavit, atque ita curavit describi, ut neque elegantia illis deesset, neque sumtus esset emturis nimius? eruditissimisque indicibus hanc editionem ornavit? Ciceronem nonne diligentissime semper interpretatus est? Eiusdem diligentia, ut *Corradi* libelli de Cicerone in manus hominum pervenirent, effecit.

De elegantia atque doctrina *Corradi* nihil attinet multa dicere. Neque enim obscura, neque dubia est. Illud dicimus, (quod *Burmannum* dixisse aiunt, cum ex eo, quid de

*Gefnero*, illo, qui nunc, etsi ætate valde provectus, iuvenili tamen alacritate & studio litteras tractat, sentiret, quærent): *Corradum* diligenter veterum libros legisse.

Atque nos quidem valde miramur, quomodo acciderit, ut hic liber tamdiu in tenebris iaceret. Titulo homines, credimus, decepti sunt. Hic enim sine dubio nimium indulgit suo ingenio *Corradus*. Cæterum, varia nobis legentibus emendanda & addenda visa sunt. Age, commemoremus quædam. *Corradus*, ubi de morte Ciceronis exponit, (p. 236.) *patrem patriæ*, inquit, *Ciceronem Cn. Popilius Laenas*, qui *patrem prius interfecerat*, *Et ab ipso Cicerone defensus fuerat, interfecit*. Non ignoramus, hanc opinionem de parricidio Popilii tam vetustam, tam omnibus insitam esse, ut nemini de eo dubitare in mentem veniat. Verum aliter nobis videtur. Cuius sententiæ rationem esse reddendam videmus. Non melius oratores illius temporis, in quo eloquentiam suam, quam in morte Ciceronis deploranda, ostentare possent, reperiebant. Invehebantur in Antonium, invehebantur in Popilium, omni ex genere orationem aucupabantur, omnesque undique carpebant flosculos. Quo vero crimine Popilii nomini ac famæ maiorem turpitudinis notam inurere potuerunt, quam si eum & tam impium fuisse dicerent, ut patrem trucidaret, & tam ingratum, ut neque illi, cuius defensione absolutus fuisset, parceret? Amplissimus, hercle, campus, in quo orator excurrere posset. Seneca, qui reliquias harum orationum collegit, facile, quantum ex his historiæ caliginis offunderetur, prævidit. Lectorem igitur de omni re monendum esse duxit. Is locus est in contrav. L. III. XVII. Plutarchum autem, qui Popilium parricidii accusat, valde probabile est ex his fontibus non limpidis hortos suos irrigavisse. Forte ut Cicero pater patriæ, sic Popilius, qui ipsum interfecerat, parricida appellatus fuit. Forte Plutarchus non recte hæc intellexit, id quod ei sæpius usu venit. Atque hinc error ille natus est.

Valde Livius, cuius fragmentum de morte Ciceronis Seneca in Suas. I. VII. affert, a Plutarcho, in commemorandis  
ulti.



ultimis Ciceronis fatis, differt. Hic Ciceronem post varia itinera καπιτας pervenisse, ibique in lectica fuisse interfectum: ille, Cicero, inquit, primo in Tusculanum fugerat, inde transversis itineribus in Formianum, ut ab Caieta navim conscensurus proficiscatur, inde regressus ad superiorem villam, & quæ sequuntur. Cui vero fidem habeamus? quomodo καπιτας interpretemur? per Capuam? per Caietam? an per librariorum oscitantiam errorem huc irrepsisse dicamus? N. L. Vellem Corradus hæc interpretatus esset. Sed hæc hæctenus. Cæterum, quicumque Ciceronis libros in deliciis habent, (quis autem illos in deliciis non habeat? tantum ne? immo vero eorum lectione, tamquam suavissimis epulis, expleri satiarique possit?) illis igitur *Ernestii* diligentia iucunda & grata sit oportet. Nos quidem vehementer optamus, ut etiam reliquos, quos inchoavit vir doctissimus, prospere conficiat labores. Quod cum de aliis, tum de Iosepho, eo ardentius optamus, quo magis mirum videri potest, quid sit, quod Bosius, Morinus, Bernardus, Olearius, Boivinus, i. e. viri, qui in exponendo edendoque Iosepho multum desudaverunt, omnes, quasi soli *Ernestio* perfectio huius operis reservata fuisset, morte impediti sint.

**BASILII MAGNI ORATIO, DE HUMANA CHRISTI generatione, graece & latine, ex recensione IULIANI GARNIER, in Sectiones primum descripta, nova versione, argumento, & notulis macta, per IOH. BENED. CARPZOV.**

Helmstädi 1757. excudeb. vid. Schnorrii, pl. 24. quaternis.

**M**agnum fuit *Basilii* ingenium, magnum divinarum rerum studium, animus vero reverentia Dei & oraculorum divinatorum plenus, atque vita ad omnem honestatem virtutemque conformata. Quare cum & ob eloquentiae flumen, vitamque honestissime sanctissimeque actam, *Magni* nomine ornatum esse Maffæus arbitratur, & Erasmus *Demosthenem Christianum* appellat. Non male igitur *Carpzovius*,

vir doctus, & iis artibus, quæ verum Theologum perficiunt, melius eruditus, quam nostrorum temporum ignavia vel cogitatione vel imitatione assequi potest, ille igitur in hac Basilii oratione edenda bene operam suam laboremque collocavit.

Nam etsi non sumus ii, qui negemus, doctores illos Christianæ religionis, quos *patres* appellant, tantum non omnes, hebraicarum græcarumque litterarum cognitione leviter imbutos; plerosque (nunc quoque accidit, ut homines ex compendiolis suis philosophicis libros divinos obscurant, illustrent volebam dicere, semper hic erro,) subtilitate philosophiæ in interpretando male usos, grammatici sensus prope oblitos, & non sine periculo divinæ veritatis allegorica interpretatione delectatos, eosdem sibi verba dari facile passios esse; & sapissime se præbuisse credulos, (cuius in hac quoque oratione est insigne exemplum, in Sect. III. 1. ubi Magos *μαντείαις καὶ ἱπαιοδίαις καὶ φυσικαῖς τισὶν ἀντιπαθείαις προσέχοντας* fuisse *Basilius* dicit;) coniecturis denique & ingenio suo nimium indulgisse, (sic *Basilius* eodem loco, Balaami, ait, de stella ex Iudæis oriunda oraculum ad Chaldæos & Persas pervenisse, quo in memoriam revocato, *κατὰ μνήμην τῆς παλαιᾶς προφητείας*) ex nova stella regem Iudæorum natum esse Magos intellexisse): neque tamen negari potest, in historia ecclesiastica cognoscenda, in libris de religione populâribus scribendis, in orationibus ad populum habendis, multum nos eorum lectione adiuvari. Poterit ex iis eloquentiæ studiofus discere, quomodo verbis & sententiis sacri codicis tanquam suis apte uti, iisque orationi maiorem cum elegantiam, tum auctoritatem, conciliare (cuius plura sunt in hac oratione exempla, ut p. 8. p. 47. &, quod *Carpzovius* hoc nomine laudat, p. 16. *ἐπεὶ δὲ ἐφάνη ἡ χάρις τῆ Θεῆ ἡ σωτήριος, καὶ ἀνέτειλεν ὁ ἥλιος τῆς δικαιοσύνης, κατεπόθη ὁ θάνατος εἰς νίκος τῆς ἀληθινῆς ζωῆς τὴν ἐπιδημίαν ἐκ ἐνεργειῶν*); quomodo de magnis religionis Christianæ rebus magnifice loqui, audientium animos commovere, & secum in admirationem abripere possit: (ut & in Sect. II. p. 11. ubi se ipsum *Basilius* superare videtur, *θεὸς ἐπὶ γῆς, θεὸς ἐν ἀνθρώποις*.)

ποιε. ἢ διὰ πῦρὸς καὶ σάλπιγγος, καὶ ὄρες καπνιζομένη,  
ἢ γιόφῃ καὶ ζέφῃ καὶ θυέλλῃς ἐκδειματῆσιν τὰς ψυχὰς  
κ. τ. λ. & in peroratione orationis).

Est vero de *Basilii* libris non una eademque doctorum vi-  
rorum sententia. Plurimos *νοθείας* suspitione laborare, quis  
est qui nesciat? De orationibus, de asceticis, de libris de  
baptismo, & de vera virginitate, de commentario in *Esaïam*,  
de quinque in *Eunomium* libris, de numero homiliarum in  
*Hexaëmeron* vehementer disputant viri docti. Quid? quod  
*Garnierius*, alias de *Basilio* bene meritus, hanc quoque ora-  
tionem, εἰς τὴν αἰγίαν τῆς Χριστοῦ γέννησιν, a *Basilio* scriptam  
esse negat. Ait, ut sumus homines, *Carpzovius*, & contra  
*Garnierium* in notis, p. 12. 23. 39. 40. disputat.

Illud certe negari non potest, maxime, quas nunc in mani-  
bus habemus, orationes *Basilii*, ab iis differre, quas olim  
ipse scripserat; & hæc *Combesfii*, quæ *Carpzovius* p. 28. lau-  
dat: quia hæc homilia, crebro *Ecclesiarum* usu trita maxime,  
plurimisque libris ecclesiasticis descripta erat, pro eo ac sibi quis-  
que describens in usum suæ ecclesiæ indulsit, ut vocem aliquam mu-  
taret, seu aliquid interpolaret, (sic nos in loco supra laudato ver-  
bum ζέφῃ ab interpolatore ortum esse putamus:) pro captu  
plebis, cui studebat, ita obrepfit: hæc, aimus, de pluribus dici posse.

Textum, ut aiunt, Græcum, quem cum codice Basileensi  
*Frobenii* contulit, ad editionem a *Benedictinis* monachis ele-  
ganter adornatam, nitidissime describendam curavit *Carpzo-  
vius*. Tum interpretationem latinam novam, argumentum  
& notas, breves illas quidem, sed non contemnendas, addi-  
dit. In quibus & difficiliora exponit, atque de verbis raro-  
ribus docte disputat: ut de differentia *Θεολογίαν* inter & *ὁι-  
κονομίαν* p. 17. de verbo *Θεοτόκος* p. 50. *μετεωρισμός*  
p. 21. *Θεοφύρος* p. 20. aliis; & de lectionibus iudicium fert.  
Hic præter morem & consuetudinem lynceorum nostræ æta-  
tis hominum, qui, quicquid infelix illa & garrula in cerebro  
residens *Pythia* delicatulis auribus insusurravit, id omne a ve-  
teribus auctoribus dictum esse somniant, maximam mode-  
stiam, summamque religionem, & animadvertimus & laudamus

*maximopere. Nam non sumus ii, inquit vir Elegantissimus, d'Orville, in comm. ad Charit. p. 321. qui veteres auctores in ordinem redigamus, Et nostro more, non suo lubitu, loqui cogamus. Critico non spectandum, quid vel quomodo debuissent veteres scribere, sed quid revera scripserint.*

Invitavit denique hac oratione, ut mos est, *Carpzovius*, ci-  
ves Academiae Helmstadiensis ad γενέθλια Christi celebranda.  
Salubre vero consilium, & *Carpzovio* dignum! quod utinam  
plures imitentur, monstrosos suos & ridiculos foetus, ex  
Pitisco, & aliis magno cum sudore conscriptos, foras protru-  
dere desinant, atque his vestigiis insistant! fertilis hic ager  
est, amplissimus hic campus. Neque hanc viam insistentibus  
umquam aut circa Lexica erit trepidandum, aut materia talia  
scribendi decrit, quæ ad pietatis quendam sensum legentibus  
inspirandum, ad veri honestique studium excitandum & con-  
firmandum, ad errores refellendos, ad explicandam & defen-  
dendam christianam doctrinam, perutilia sint, atque adeo  
omnibus modis expetenda.

*FL. MALLII THEODORI DE METRIS LIBER,*  
*ex antiquissimis membranis Bibliothecae Augustae de-*  
*scriptus, animadversionibusque brevibus emendatus,*  
*emittitur a IACOBO FRIDERICO HEUSIN-*  
*GERO, Correctore.*

Guelpherbyti, operis Bindseilianis, pl. 5. quaternis.

**C**um & plurimi, contempta illa via, quæ regia est, & per  
varios copiosæ doctrinæ anfractus ad veram eruditionis  
gloriam ducit, aliam breviorē, & ignaviæ gratiorem,  
ineunt, & non melius sibi placent, quam si Grammaticorum  
studia, quæ verbis, syllabis, singulis litteris, observatiunculis,  
& sexcentis minutiis contineri aiunt, (quasi aut ulla sit ars,  
quæ non complures parvas res complectatur, a quibus ma-  
iora omne robur accipiant; aut quid in re, quam minime  
perspectam & cognitam habent, minutum sit, iudicare pos-  
sint homines,) in contemptum adducant; hæc verò opinio late

sparsa



sparsa & disseminata est: non dubitamus fore, qui *Heusingeri*, V. Cl. in hoc libello edendo diligentiae non tantam & laudem & gratiam habeant, quantam meretur. Nos quidem hunc *Mallii* libellum tineis blattisque creptum, atque cruditæ rei publicæ redditum esse, vehementer lætamur. Nam ut omnibus, qui de morbis iudicare, illisque mederi cupiant, coagmentatio, structura, & motus corporis humani, singulorumque membrorum fabrica curiose inspicienda & discenda est: sic, qui vel de carminibus aliorum iudicium ferre, vel ipse versus scribere velit, tritas habeat aures, multumque exercitatas generibus poetarum notandis, necesse est. Pervenerunt ad nos, benignioris fati indulgentia, multa veterum poetarum carmina. Vellem pervenisset quoque illam veterum in structura versuum, & apta verborum compositione, elegantiam cognoscendi facultas. Quare, quæcunque nobis in his tenebris lucem aliquam accendant, nosque, tanquam hospites in Latio errantes, quasi domum deducant, diligenter conquirenda, exponenda, & cum aliis communicanda esse existimamus. Etsi vero maximam huius doctrinæ partem ex recentiorum libris disci posse non negamus: tutius tamen & melius veteres consulimus, qui cum accuratius, tum elegantius, totam rem explicare & potuerunt, & voluerunt, quam plerumque fit.

Iam hic *Mallii* libellus sic est descriptus, ut primum de syllaba, deinde de pedibus, tum de metris VIII. (daëtylico, iambico, trochaico, anapæsto, choriambico, antispastico, ionico maiore, ionico minore,) denique de cæsuris versuum, exponat. Est vero codex libelli, manu exaratus, & qui Seculi octavi scripturam præ se fert, in bibliotheca Serenissimorum Ducum Brunsvicensium inventus. Librarium tamen valde imperitum & indoctum hunc librum scripsisse, cuivis ipsum inspicienti facile apparebit. In eo emendando, & verecunde, & docte, *Heusingerus* V. Cl. versatus est. Exhibet textum sincerum, se ne unica quidem littera scientem a præscripto aberrasse testatur, liberum suum cuique iudicium relinquit, & in notis suas coniecturas proponit. Istarum tamen nullam in textum, ut aiunt, recepit. Quod imitentur uti-

nam,

nam, & Burmanni præceptis obtemperent, alii. Etenim quales pleraque (ut Lipsius ait, in ep. XV. Cent. I.) eorum coniecturae? quam non callidae solum, sed calidae, imo quam audaces? corrumpendis istae suo perdendis potius libris litterisque sunt, si dimanat haec labes. Et dimanabit.

Age vero, afferamus quædam, de quibus vel a viro docto dissentiamus, vel quæ nobis medicina adhuc egere videantur. Sunt igitur hæc.

In præf. p. 8. qui si solum syllabarum naturam ac modum temporum sibi consuetudinem putassent, obsoleta permulta atque absurda perissent.] nos, si verbum perissent locum suum teneat, nullum, certe vix probabilem, sensum elicimus. Quare libenter in fecissent mutaremus. Omnia tunc erunt facilia.

eod. loc. aurium voluntatem ab his metris — divellendam non existimarunt]. Exigua mutatione verbi voluntatem in voluptatem facta, melius respondebunt hæc iis, quæ antea de delectatione & suavitate dicta sunt.

c. I. p. II. id enim ratio sermonis latini & pronuntiandi forma expetit.] legendum esse censemus norma. Verbum forma obversatum est librarii animo ex præcedentibus, ubi similis est sententia, — secundum legem atque usum pronuntiandi informant.

c. 2. p. 13. Nam cum ars musica, quæ est in omni vocis sono MODULATIONIS, (hoc enim verbum, Mallio familiare, pro moderationis ponendum est,) ac suavitatis inventrix, metricæ quoque rationis princeps ac magistra sit, eadem vero ita nervos testudinis adiunxerit, ut eorum alii acutum, gravem aliis sonum redderent, EADEMQVE, (sic enim pro eadem scribendum,) vocum distinctionem tiliarum foraminibus APTAVERIT, &c. Sic necesse est, ut pro aptaverint scribamus.

c. 6. p. 27. — procul omnia repellere, quæ ab auditorum dilectione discrepent, quamvis ea pedum ratione recipiant.] Legit Heusingerus rationem. Malleus ratio recipiat. Sic dicit aliquoties Mallius; ut paullo infra, prout uniuscuiusque metri ratio declarat, &c.

Sequen-

Sequentem periodum sic constituemus. — *Id tamen aurium sensu efflagitatur. Quemadmodum intromitti in metrum dactylicum — anapaestus non potest, ita metrum anapaesticum — dactylo inhospitale. Erit accommodatissimus vero in hoc metro locus primus et ceteri atque omnes &c. Quam emendationem, vix cuiquam displicere posse, arbitramur: non fiducia nostri, sed textus.*

c. 8. p. 28. legimus nos quidem sic: *Nam ut nunc quem ab exordio proposuimus, ordinem persequamur, metrum choriambicum &c. Certe hæc lectio propius ad veri similitudinem accedere videtur, quam quæ ab Heusingero V. Cl. proposita est.*

c. 11. p. 34. *illud prespiciens, si in perspiciens mutetur, tò ut vero per quomodo explicetur, fortasse in textu retineri potest.*

Sed hæc hætenus. Optamus vehementer, ut etiam reliqui libri MALLII, viri, et dignitatis honorumque amplitudine, & ingenii, doctrinæ, atque eloquentiæ laude clarissimi, ex tenebris, ubi delitescunt, in lucem protrahantur: quod si Heusingeri V. Cl. studio atque diligentia fiat, & Mallio honorificum, & bonis litteris perutile futurum, credimus.

CAROLI CHRISTIANI KRAUSE, PHIL. ET MED.  
Doct̃oris in Acad. Lipsiensi, *Dissertatio de quaestione ab Academia Imperiali Scientiarum Petropolitana pro praemio in annum MDCCLVI. proposita: Quænam sit causa proxima mutans corpus foetus, non matris gravidæ, huius mente a causa quadam violentiore commota, & quidem cur id fiat in ea parte corpusculi foetus, ad quam in suo corpore mater manum applicuit? Ubi illorum quoque cogitata ad certamen admittere visum est, qui contrariæ sententiæ addicti, argumenta probabiliora in medium sint prolaturi: in eadem Academia Scientiarum Petropolitana die VI. Sept. MDCCLVI.*

*praemio affecta; una cum alia Dissertatione, negativam quaestionis partem adstruente.*

Petropoli, typis Academiae Scientiarum, plag. 11. in 4.

**O**pinio de naëvis maternis, quæ per tot secula hominum animis insedit, nostra ætate magis, quam olim, a doctis quibusdam addubitata, Academiae Scientiarum Imperiali Petropolitanae satis digna visa est, quæ pro præmio in annum MDCCCLVI. proponeretur. Ex plurimis de quaestione proposita ad eam missis dissertationibus una hæc selecta est, quæ præmio statuto centum aureorum condecoraretur. Quoniam autem in illa pars quaestionis affirmativa, originem mutationum in foetu ab imaginatione materna repetens, stabilitur, non ingrati eruditis operam se præstituram arbitrata est Illustris Academia, dum unam quoque ex iis, quæ negativam defenderunt, sibi quidem optimam visam, simul typis curaret exscribi. Eius Auctor est D. IOAN. GEORG. ROEDERER Med. & Anat. Prof. in Acad. Georgia Augusta. In dissertatione igitur præmio affecta, origo naëvorum maternorum, non omnium quidem, sed quorundam saltem, ab imaginatione matris repetitur. Istud fieri ratione idonea non poterat, nisi eorum, qui huic sententiæ refragantur, dubitationes obiectionesque diluerentur. Quare ad momenta quatuor respexit, eademque perspicue pertractavit Auctor. Nimirum: 1) Dari exempla foetuum ita mutatorum, ut non sola plebs & materculæ ipsæ, sed acutissimi quoque & doctissimi atque in praxi medica exercitatissimi viri, aliquam effectus partem ad matrem vehementius animo commotam referant; 2) hoc ipsum fieri iure meritoque; 3) nec contraria omnia sentientium dubitationibus scrupulisque iniectis rem effici falsam. His propositis A. deinceps 4) de causa proxima effectus illius disseruit. Et quidem ut, quæ no. 1. posuimus, plana fierent, ad consensionem gravissimorum doctissimorumque virorum ea in re provocavit, & exstantiora exempla quædam excitavit, ad quæ stupeat vel maxime incredulus. Deinde & obiectiones adversariorum diluit, sic, ut ubique

osten-



ostenderet, eadem via ac ratione, qua navorum maternorum origo imaginationi maternæ tribueretur, homines in vita communi, medicos vero in facienda arte sua, argumentari solere. Quæ omnia postquam diligenter & modeste disputavit, transitum facit ad rei propositæ explicationem. Humanam naturam, eiusque vires primitivas, homini ipsi ignotas esse, cumque nil nisi mera naturæ humanæ effecta nosse, ante omnia ostendit; in quo quidem postulato fundata est explicationis summa, ita ut ex effectibus haud dubiis possibilis via ac ratio, quomodo navorum origo ab imaginatione materna dependeat, intelligatur. Quæstio proposita ipsa a Cl. KRAVSKO paulo generalior reddita, & sic expressa est: Quæ sit causa proxima, quæ mutet corpus foetus, non matris gravidæ, huius mente a causa quacunque violentiore commota; & quidem cur id fiat in ea parte corpusculi foetus, de qua, in suo corpore, mater aliquam concepit ideam in suo animo, quam tunc temporis de alia corporis sui parte non concepit. Et hanc quidem quæstionis mutationem recte factam esse ex eo patet, quod applicatio maternæ manus ad aliquam corporis partem supponit *τὸ velle* applicare manum ad partem eam, & hoc *velle* supponit cogitationem de ea parte. Cum autem imaginatio matris pro causa mutationum in corpore foetus allegari nequeat, nisi constet, eam esse coniunctionem animæ humanæ cum corpore, qua fiat, ut anima in corpus agat, & vicissim: coniunctio illa argumentis ab experientia repetitis asseritur. Anima vero in corpus eiusque partes agere non potest, nisi ipsi innatæ & insitæ sint ideæ de corpore eiusque partibus. Quarum quidem idearum præsentia in animo, variis argumentis exemplisque comprobatur. Deinceps imaginationis vis & potentia mutandi totum corpus ostenditur. Ea autem mutatio corporis cum soli nervorum mutationi debeatur, nervi vero, datis quibusdam causis morbosis, sensibiliores fiant, idemque gravidis foeminis accidat: imaginatio- nis quoque effectus, positis illis conditionibus, crescere de-

bere patet. Ipsam autem illam nervorum mutationem ab imaginatione profectam, si satis vehemens fuerit imaginandi actio, propagari per totum corpus, porro evincitur. His præmissis, & per argumenta probabilia assertis, iam contendit Auctor, foetum cum matrice satis arcte coherere, & cum eadem unum continuum constituere, nervosque matris utero innexos mediato quodam nexu cum nervis foetus, adminiculis placenta & funiculo umbilicali, copulari; sic ut duo illa systemata nervosa, matris scilicet & foetus, sint unum quoddam; nervos autem cum matris tum foetus inde a cerebri medulla venire; idem ergo, quod in medulla cerebri materni fiat, fieri etiam in medulla cerebri foetus; porro, eidem statui medullæ cerebri respondere ideas easdem, eundemque mentis statum, ergo foetus animam similes ideas a matre communicatas habere; animam foetus ab ideis excitatis plane determinari ad agendum sic & non aliter, indeque intelligi possibilem aliquem modum, quo foetus anima per ideas a matre acceptas quasi instructa, corpus proprium mutare queat. Et si quis de eo nexu inter matrem & prolem dubitare velit, non protinus tamen causa cadere nervorum patronos, cum alia via superfit, qua matris ideæ cum foetus anima communicari possint: placentam enim, ergo & foetum, perpetuo novos a matrice accipere humores, igitur & tum, cum mater animo commoveatur, accipere. Iam vero exemplis hydrophobia affectorum constare, in eo morbo ideas canis rabidi communicari cum mente hydrophobi, hominisque mentem similem fieri canis menti, & cogi ad suscipiendas actiones eas, quas edit animal rabidum: eadem igitur via ac ratione fieri posse, ut matris vehementi animi affectu percitæ, aut valida imaginatione agitatæ, humores cum foetu communicati, eundem quoque animi statum in foetu producant, qualis sit in matris mente dicto modo mutata. Tandem causas, cur corporis pars illa, non in matre, sed in foetu mutetur, subesse

esse ait has: 1) teneritatem corpusculi foetus, actionum celeritatem in foetu: 2) actiones matris gravidæ omnes magis versus uterum tendentes, quam versus alias eius partes. In fine dissertationis Cl. Auctor ingenue fatetur, se cum aliis veram viam ac rationem, quomodo hæc omnia fiant, nescire, neque alium quam possibilem aliquem modum ostendere voluisse. Hanc autem dissertationem nunc sequitur altera, quæ Cl. RORDERERI nomen in fronte gerit. Auctor Clarissimus in ea viam ingressus est duplicem, qua nævorum maternorum originem ab imaginatione matris repeti non posse lectoribus persuaderet. Neque enim ullum commercium immediatum inter matrem & foetum esse, neque experientiam opinioni de nævis ab imaginatione matris repetendis favere, sustinet. Itaque primo matricem cum placenta per fibras, vasa, nervosque, arcte coniungi negat, & utramque contiguitate tantum gaudere, sibi que mutuo adiacere, hinc ideas matris cum foetu ope nervorum non posse communicari, credit. Et si quis humores matris cum foetu communicatos pro causa mutationum in foetu factarum habere velit, ponendum esse ait, matris sanguinem a quovis animi affectu specifica ratione mutari, eamque mutationem simul in placentam & foetum transire. Inde quidem intelligi, quo modo matris morbi hæreditatis iure in prolem transferri queant, minime vero quo modo pars foetus certa quædam mutetur; omnes enim humores illos morbosos per universum foetus corpus distribui. Sin nervos ex matrice in placentam propagatos assumere quis velit, mutationes tamen eas, quas vocant nævos, nimis magnas esse, quam ut nervorum potentia, licet alias satis efficaci, tribui possint. Præter ea quæri iure posse, qui fiat, quod eadem causæ, a quibus nævorum patroni horum ortum repetant, neque in matre, neque in infantibus recens natis, tam teneris, nævos tales progignere nequeant? Et si nævos ipsos cum rebus illis, quæ animi affectum imagina-

tionemque in matre commovisse dicuntur, contuleris; fœpissime vix aliquam similitudinem inter nævum & eiusmodi rem intercedere. Haud paucos reperiri nævos, sine ulla suspicione prægressæ animi materni commotionis violentioris. Alio tempore fieri, ut gravidæ vehementius animo commoveantur, neque tamen foetui inde quicquam mali accidat. Ex his Cl. Auctor colligit, causam, quæ sit eiusmodi, ut neque effectum ipsi assignatum semper det, neque ad eum producendum semper requiratur, esse perperam assumptam causam. Ob dicta igitur, nævorum ortum aliis causis tribui oportere putat, scilicet, vel causis ipso conceptionis tempore agentibus, vel variis embryonis iam formati vicissitudinibus, ab externa quadam vi utero illata, a morbis foetus externis, a vi foetui per partum difficilem illata, &c. Quæ quidem omnia exemplis illustrantur.

### NOVA LITTERARIA.

Editus est anno superiore, prope Nycopingam, præcipuam Sueciæ urbem, typis Petri Mommae, liber utilissimus, non ille quidem omnino novus, sed tamen novis quamplurimis instructus copiis, &, nisi fallimur, minus adhuc quam esse debebat frequens in eruditorum hominum manibus. Præfert autem hunc indicem: *An English and Swedish Dictionary: wherein the Generality of Words and various Significations are rendered into Swedish and Latin, forms of Speech, Proverbs and Terms of Art in Husbandry and Gardening especially, observed, above 2400. English Words traced from their true Original Gothick, and the mistakes of Junius, Menagius, and other Etymologists remarked. Thereunto is added a large Collection of terms of Trade and Navigation, and an Herbal,*



*bal, or Index of Plants common to both Nations. By* IACOB SERENIUS, D. D. Dean of Nykoeping, F. R. S. *The Second Edition, with large Additions and Amendments: 3. Alph. plag. 14. quaternis. Quæ in addiscendis linguis, & pervidenda earum natura, recte commendatur cognatarum dialectorum comparatio, ea magno lectorum emolumento instituta hoc in Opere est. Illud satis constat, linguas plerasque omnes, quibus surgens inde ab ipsa Germania nostra septentrio, per Suecos, Danos, & divisos toto orbe Britannos utitur, clarissima inter se necessitudine contineri, & a communibus sine dubio natalibus profectas esse. Quæ res facit, ut non difficilis pateat per hanc tantam Europæ partem sermonis connexio: quemadmodum fere qui meridiem versus colunt, quibusdam Romanæ linguæ reliquiis iunguntur. Has igitur borealium populorum dicendi formas qui penitus cognoscere cupiat, & subtilius ceteris tractare, non sigillatim, & divisim, quas mutuo sibi ferunt, suppetiis, eas confectetur necesse est, sed facto verissimo compendio, eadem opera omnes: tum qua per ora gentium hodie quoque vulgantur, tum qua servatis ex antiquitate reliquiis propius ad ultimam originem suam deducunt grammaticæ & criticæ laudis studiosos. Hæc talia nostrorum studia egregie adiuvat & hic Serenii, Viri S. R. liber. Nam cum ad linguarum, Anglo-Saxonice hodiernæ, & Suecicæ, intelligentiam plene accurateque comparandam, nihil quod desideres reliquum fecerit: habet etiam innumeris locis adiectas in extremis paginarum observationes, quæ, arcessitis ex Gothica, Anglo-Sax. vetere, Islandica, & aliis dialectis, similitudinibus, utramque linguam mirifice illustrant, universam vero, quam diximus, cognationem, multiplici fructu confirmant. Hæc autem repetita libri editio, quam ipsa Potentiss. Sueciæ Daniæque Regum munificentia suffulcivit, sollicitè correctâ, locupletata insigniter*

ab

ab Auctore est, qui multum se debere ait Etymologico Iunii a Cel. Lyco edito, itemque doctiss. Iohnsonis Lexico linguæ Anglicæ. Quare dubitandum non est, quin maiores etiam posthac gratias referat Serenius a Lectoribus suis, Britannis præcipue, qui omnium commodissime hanc operam in rem suam vertere poterunt. Sed etiam exterorum cuivis, qui septentrionis linguas cognoscere voluerit, (quod fere necessum est, posteaquam sua lingua, quæque natio, libros, non ut olim latina, communi doctis hominibus omnibus, procudit,) magno adiumento bonus hic liber Serenii futurus est.



STRUTIO-CAMELUS.







# NOVA ACTA ERUDITORUM,

*publicata Lipsiæ*

*Calendis Februarii Anno MDCCCLIX.*

DE L' ORIGINE DES LOIX, DES ARTS, ET DES  
Sciences, &c.

i. e.

DE ORIGINE LEGUM, ARTIUM, ET SCIENTIA-  
rum, earumque progressu apud veteres.

TOMUS I. II. III.

Parisiis 1758. Alfab. 5. plagg. 16½. cum 3. tabb. Chro-  
nol. & 9. tabb. aer. incis. in 4.

**A**uctor huius libri est *Antonius Yves Goguetus*, Consilia-  
rius Parlamenti, quod vocant, Parilini, fato functus,  
magno litterarum incommodo, anno proxime præ-  
terito LVIII. ætatis XLIII. *Tomus primus* a diluvio inde de-  
scendit ad mortem Iacobi. Quæ ante diluvium contigerunt,  
tenuem mæssæ exhibent scrutatoribus mundi primordiorum.  
Suppressit Moses, quæcunque vanam sciendi cupiditatem exple-  
re poterant. Tomis singulis adiungitur Tabula chronologica,  
quia temporum series est basis omnis Historiæ. Recte ve-  
rum, (Præfat. p. 20.) seiungitur a verisimili; & digna lectu  
sunt, quæ ib. pag. 9. referuntur de Panciroli rerum memo-  
rabilium, sive deperditarum, libris.

Egreditur Noe, cum suis, hoc Dei consilio ex Arca, ut mul-  
tiplicentur in diversis huius universi partibus. Ipsi uniti ma-  
nere malunt, ideoque exstruunt turrim Babel. Sed dispergit  
eos Deus, confusione linguarum. Præcepta prima, quæ se-

cuti videntur, & quæ natura ipsa cordibus eorum inscripserat, hæc fuisse videntur: Neminem lude: Pacta serva: Nemini usum rerum suarum vel possessionem intercipe: Parentum heredes liberi sunt: Nemo turbet societatem. Migravit hæc regulas homo, per animi impotentiam. Inde nata bella, & ex bellis imperia, victo victori cedere coacto. Prima imperii forma monarchica fuit. Filius in imperio successit patri, plerumque primogenitus. Arbitria Principum primum pro legibus erant, donec uti placeret legibus positivis, quæ ex agrorum præcipue divisione natæ sunt. Inde a bove aratore antiqui manus ita abstinere voluerunt, ut capite sancirent, si quis occidisset.

Asia prima legibus & moribus exulta est. Antiquissima in ea regna Babylonicum & Assyrium. Inter Reges Assyriæ clara Semiramis. Inter instituta hæc memorabilia:

Nemo aliud vitæ genus amplecti poterat, quam quo pater eius usus esset. Venustæ virgines a præcone publice vendebantur. Ex pretio inde coacto conflabatur dos, qua dotabantur deformes; qui modus valde ingeniosus erat multiplicandi matrimonia. Uxorem verberare nefas erat, neque licitum eam abducere in regionem peregrinam. A Babyloniis mos manavit instrumenta conficiendi in scriptis. Sequuntur leges Aegyptiorum, quas Rex eorum Mneves primus literis tradidit. Primi Aegyptii leges matrimoniales sanxerunt. Dotem feminae maribus adferebant. Mares in pactis nuptialibus omne uxoris obsequium promittebant. Nuptiæ inter fratres & sorores licitæ. Expositio infantum vetita. Ioseph acquirit Pharaoni omne Domanium Aegypti; sed reduntur populo terræ ipsius ea lege, ut quintam partem fructuum Regi quotannis præstet. Advocatis ibi locus nullus erat. Quisque causam suam ipse tuebatur in scriptis. Putabant enim ab Advocatis veritatem obscurari, ut iudici illusio fiat. Neque minus reformidabant illecebras fallaces eloquentiæ forensis. Exceptiones eorum terminabantur Duplica. Ab Aegyptiis inventa sigilla. A mulieribus gravidis ante partum non sumtum supplicium, quod in mores transit omnium

nium gentium humaniorum. Sermones funebres ab Aegyptiis sunt. Nulla in iis mentio maiorum. Incognita genti nobilissimæ nobilitas barbara.

Proximæ sunt leges & constitutio Græciæ. In hanc brevis introductio datur sub finem Lib. I. Seliguntur Athenæ & Argos, quales fuerunt ab initio.

De Artibus & Opificibus inscribitur Liber II. Usus ignis multis primum mortalibus incognitus. Notitiam eius Aegyptii fulminibus acceptam ferebant. Glans primum græcorum alimentum. Inde glans mixta panibus, oblata nupturi-entibus. Glans tamen illa castaneæ nostræ similior fuisse videtur. Cessare passim coepit Anthropophagia, ex quo inventum est mel. Agitur deinde de Agricultura. Aratrum triplex æri incisum exhibetur ad pag. 84. 1) Aegyptiacum, 2) Græcum, 3) Franciæ meridionalis. Succedit ars pistoria (ubi ingeniosa sunt, quæ de inventione fermenti leguntur p. 97.); potus vini, cerevisiæ, hydromeli, torcula olearia, horticultura. Ficus & vitis primæ arbores fuerunt, quarum insignis habita est cura. Salsuram carniū & piscium, in quorum numero hodie eminent halices, Aegyptiis iam cognitam fuisse, unde de eius inventione frustra gloriantur Belgæ, observatur pag. 113. Agitur posthæc de vestimentis, de arte baphiorum, de Architectura, de Metallifodinis, de Pictura, & artibus affinibus, ac denique de scriptura. Lib. III. exponit A. de Scientiis. Sistitur Medicina, Chirurgia, Anatomia, Botanica, (ubi inter cætera pag. 194. observatur, *Dudaim*, quorum mentio fit Genes. XXX, 14. 15. non fuisse cerasos, quod vult *Matth. Hillerus*, in Hierophytico, edito Traiecti ad Rhenum 1725. in 4. sed plantam illam, quam Galli Truffes vocant), Pharmaceutica, (ubi animadvertitur, destillationes veteribus Medicis Græcis incognitas fuisse), Mathesis, Arithmetica, (ubi binis tabulis exhibentur quatuor tabulæ Aegyptiorum Hieroglyphicæ), Astronomia denique. Annus apud plerasque primum gentes mensstruus tantum fuit, mensis autem erat lunaris. Sunt, qui hos annos mensstruos recentioribus temporibus excogitados credunt, ut explicari pos-

set duratio immensa, quam populi quidam primis Regibus suis tribuunt. Reiciunt hi annos menstruos propter aliud absurdum. Vita enim longævissimorum hominum ita vix expleret annos 27. vel 28. & iidem liberos genuisse dicendi essent ætate duorum aut trium annorum (pag. 219. not. 1.). Demonstratum est summa evidentia, annum, quo Moyses utitur, fuisse dierum 360. (pag. 223. not. a). Repetuntur tum origines Geometriæ, Artium mechanicarum, Geographiæ; iisque adiiciuntur meditationes de origine & progressu Scientiarum in Asia & Aegypto.

Lib. IV. inscribitur de Commerciis & Navigatione. Cap. I. sigillatim de commerciis agit; de navigatione Cap. II. Ancora prima uno dente contenta fuit; Anacharsis invenit ancoram bidentem (p. 279.). Sed Phoenices inprimis navigatione floruerunt; unde consilia eorum separatim explicantur. Phoenices comitantur Aegyptii, in postrema libri sectione.

Lib. V. uno capite absolvitur, quo Ars militaris illustratur. Belli fons unicus, cupiditas fuit, ab ortu inde generis humani. Late hic agitur de armis primorum mortalium beligerantium, de præliis eorum & certaminibus, de crudelitate in victos. Recensentur posthæc etiam bona & commoda, quæ ex bello nata sunt. Servitutem hostium captorum suavitudo utilis.

*Pendere quum possis captivum, occidere noli.*

*Serviet utiliter. —*

Lib. VI. Mores & Consuetudines primorum hominum recensentur. Mas a femina vestitu distinctus inde a tempore immemoriali; dignitas magistratuum signis externis distincta; convivia tempore nativitatis, nuptiarum, & sepulturæ, & olim & nunc ubivis celebrata, ostendunt humanum genus omne ab una stirpe ortum. Asia, matrix illa humani generis, primo loco producit in Cap. I. Iam Abrahami tempore epulæ bis in diem fiebant. Prandium tribus Angelis Abrahamus, coenam Loth ministrat. Sedentes, non accumbentes, cibum cepisse videntur, & sequiorum temporum mos est accumbentium. Anulus non digitum cingebat, sed dorso manus



manus iunctus gestabatur (pag. 323.). Corpus inclinabant, qui aliquem salarent. Conviviis non intererant feminae. Non aderat trium Angelorum convivio Sara. Non comparet Rebecca in convivio, quod propinqui eius apparaverant.

Aegypto sui sunt proprii mores in Cap. 2. Pro frumento Olyra utantur, (ut Herodotus appellat, forte nostra oryza est:) pro vino zytho. Ficum aspernantur. Frequentissimus apud eos speculorum usus ex metallo, antiquissimis iam temporibus. Uxori maritus obnoxius. Pastores pecudum, alibi honorati, hic in aversione publica erant. Incendio orto, Aegyptius selem ante omnia servabat. Crocodilum Aegyptus pro parte adorabat. Sectæ & dissidia in sacris coniuncta cum odio internecino. Adorat Arfinoë Crocodilum; Heracleopolis Ichneumonem, hostem eius capitalem. Abundat inter hæc Aegyptus eunuchis.

Tomo I. subiiciuntur Dissertationes tres. Prima est de Sanchoniatone, cuius fragmentum apud Eusebium Auctor pro genuino & authentico habet. Secunda agit de authenticitate & antiquitate libri Iob: tertia autem pertractantur sidera, quorum mentio fit apud Iobum.

Tomus II. a morte Iacobi pergit ad conditum Regnum Hebræorum. Continuat hic series populorum veterum iisdem sub rubricis, quibus Auctor usus est in Tomo I, insertis gentibus, quæ deinde subnatæ sunt, novis. Quod etiam in Tomo III. fit. Talis est Lib. I. Græcia, & in ea, cum Athenis, Argos, Cecrops, Theseus,

*Codrus, pro patria non timidus mori;*

Areopagitæ, Amphictiones, doctè describuntur pag. 17. seqq. Submittuntur Micenæ, Thebæ, Lacedæmon, Heracida, & inter Heroes Cadmus & Perseus. Exinde pertractatur Ius Publicum Græciæ. Adfunt post consuetudines, & leges Græcorum. Humanitas, doctrina, religio, iura apud Athenienses, in Europa orta, atque in omnes terras distributa sunt. Cecrops unam uni iunxit, quum antea Græci feminis promiscue uterentur, more pecudum. Adulteria multa puniebantur. Vetita polygamia, licita repudia iussis de causis. Liberorum illegitimo-

rum macula nulla. Non enim erat vetitus eo tempore concubinatus, neque concubina a matrona, nisi dignitate, distabat. Furum nulla infamia, nisi deprehenſi eſſent in ipſo delicto. Agriculturam docuit Ceres legifera. Datum hoc nomen Almæ matri, quia ab inſtitutis eius proſecta ſunt initia vitæ, & victus cultioris, & manſuetudinis; quare in honorem eius introducta ſunt Sacra Eleuſinia. Minos, & leges Cretenſium, ſiſtuntur in ultima Seſſione libri huius.

Lib. II. enumerantur incrementa artium & opificiorum, quorum incunabula detecta ſunt eodem libro Tom. I. Fertilitas Aegypti, Purpura, Smaragdus, Vitrum, proponuntur c. 1. & 2. Subſequitur Architectura Aegypti & Aſiæ minoris. Obeliſcos duos erigit Seſoſtris. Unum dein Romam deferri iubet Auguſtus. Detectus iſ eſt noſtra ætate. Alium obeliſcum filius ipſius poſuit. Romam iſ delatus eſt iuſſu Caligulæ. Nunquam navis tam magna in mari viſa fuerat, quam quæ hunc Obeliſcum eo devexit. Sed omnium maxime memorabilis eſt Obeliſcus, quem Ramoſſes, Rex Aegyptiorum, elevavit prope palatium Heliopolitanum. Hunc Conſtantius, Conſtantini filius, Romam detulit. Quum concidiſſet, inſtauratus eſt cura Sixti V. Pontificis Maximi, operam navante Dominico Fontana, Architecto. Deſcribuntur deinceps Thebæ, quibus C portas Homerus tribuit. Memphis ab hoc Poëta ne nominatur quidem. Inſequens tractatio ad Metallurgiam, Plaftericam, Aurificinam, Picturam & Sculpturam pertinet Aegyptiorum. Proximi ſunt Græci, qui artes, quas ex Aſia & Aegypto naſci erant, perfecerunt. Nomen Triptolemi Clericus ex oriente derivat. Noſtro græcum videtur, compoſitum ex τρις & πολέω, ter verſo, eo quod Græcos ſementem triplicem facere docuerat (pag. 184. not. c.). Vinum Bacchus, oleum Minerva adinvenit. Nobilis in Cap. 3. Labyrinthus Dædali. Litteras Phœnicum Cadmus in Græcas commutavit: tandemque a ſiniſtra ad dextram ſcribere placuit, modo naturali, & cui manus ſcribentis adſueſcere faciliter poſſet.

Lib. III. ad Scientias pertinet. Moſchus Sidonius primus mun.

mundum ex concursu Atomorum fortuito concrevisse statuit, quod systema deinde repetitum est ab Epicuro. Præcedit & hic Græciam Asia, & Aegyptus. Obelisci apud Aegyptios Gnomonum vice fuere, ut ostenditur Cap. de Astronomia. Iam Osimandis, Regis Aegyptiorum, Sepulcrum, Bibliotheca instructum fuit. Legebatur in porta inscriptio: Remedia animæ (pag. 261.):

Lib. IV. explanat incrementa, quæ per hanc temporis epocham commercia & navigationes ceperunt. Phoenicibus subiecti populi Chananæi, quos Iosue subegit: dum solum vertere coguntur, navibus pro parte in Hispaniam profecti sunt, ibique Gadir (i. e. refugium), nunc Cadix, condiderunt (pag. 299. seqq.). Velleris aurei, quod Argonautæ e Colchide petatum navigabant, minus cognita est Etymologia; Colchi aurum ex torrentibus pellibus arietum piscari soliti fuerunt (pag. 319.). Eustathii ad Dionys. periegetam v. 689. opinio probabilis est. Oriuntur inter hæc, Phryges, Lydii, apud quos Croesus, Troiani. De navibus Græcorum, in obsidione Troiana adhibitis, pulcre hic differitur, reiecta Bianchinii sententia, qui bellum Troianum non propter Helenam, sed propter dominium maris Aegei & Ponti Euxini gestum censet, in historia sua universali pag. 333.

Lib. V. hic quoque arti militari tribuitur. Aegyptios & Asiatas excipiunt Græci. Describitur bellum Troianum ex Homero, Diodoro Siculo, Pausania, reliquis. Et fatendum est, mores Græcorum in hoc bello, valde adhuc barbaros fuisse. Recte rationes subducunt homines aulici, qui Tassonem quam Homerum legere malunt. Multo maiorem enim humanitatis speciem præ se ferunt Heroes Tassonis, quam illi Homeri, quicquid dicat Dacieria. Etsi & hoc verum est, aulicorum plurimos, etiamsi legere Homerum velint, non posse. Græca sunt, non leguntur,

Incrementis morum & consuetudinum tribuitur Lib. VI. Prodeunt primi incolæ Palestinae, sequuntur cives Asiae minoris, agmen claudunt Græci. Nondum notus Græcis mos castrandi animalia tempore belli Troiani. Iam tum vero in convivii bibebatur in sanitatem assidentium (p. 353.).

Mares

Mares in inferioribus ædium conclavibus habitabant, feminae in superioribus. Ceterum ius omne positum in viribus. Gladio cincti etiam adolescentes saltabant.

Tom. II. duæ subiiciuntur Dissertationes, quarum prior de nominibus & figuris siderum: posterior de nominibus planetarum agit. Ex hac excerpimus sequentia. Signum Saturni ♄ a falce depromptum est, quia tempus omnia destruit. Signum Iovis ♃ exhibet litteram primam denominationis Græcæ *Ζεύς*, cum intersectione. Signum Martis ♂ sinit iaculum & scutum. Signum Veneris ♀ exhibet speculum cum manubrio. Signum Mercurii ☿ repræsentat caduceum (pag. 435. n. 1.).

Tom. III a condito inde regno Hebræorum progreditur ad reditum usque Iudæorum ex captivitate. Destruitur hic primum regnum Assyriæ, cui in Asia duo alia succedunt, Babylonicum & Medicum. In Aegypto, post mortem Sesostris, novem seculorum intercidit memoria. Post hæc tempora clarus inter Aegypti legislatores Bochoris, rex. Constituit hic inter reliqua, ne usuræ sortem excederent, quod in leges Romanas migravit. Athenis, Regibus succedunt Archontes. Primus Atheniensium legislator Draco, cuius leges sola crudelitate insignes sunt. Nam & capite plectebantur qui olera furripuissent. Mitior Solon, qui, adiutus sententiis Aegypti sacerdotum, leges Atheniensibus iusto moderamine tulit. Lacedæmoniis Lycurgus leges dedit, non litteris, sed memoriæ civium mandandas. Bene habuerunt Spartani, dum istis uterentur, quod factum est per tempus diuturnum. Ephoros Spartæ id fuisse, quod Romæ plebis Tribuni, omnibus notum est. Iones, Aeoles, Dories, & reliquæ Græcorum coloniae, servarunt mores & instituta maiorum.

Lib. II. Artes & opificia in hac quoque Epocha complectitur, pro ea methodi lege, quam sibi auctor dixerat. Nive septuplo maior Lutetia Parisiorum (p. 52.), octuplo Babylon. Prætermittimus Græcorum fabulis vulgatum miraculum, pensiles Babylonis hortos, & cætera urbis mirabilia, vulgo nota. Auctori prætermittere visum est templum Salomonis,



monis, ab aliis iam satis descriptum. Cap. II. Pyramides Aegyptiorum sistit. Nulla earum mentio apud Homerum. Illustrantur tribus iconibus aeri incisis. Prima altissimam earum sistit, absque & cum operimento. Secunda machinam exhibet, qua lapides sublatos Herodotus narrat. Tertia ipsam construendi rationem apertissime & venustissime repræsentat. Iungitur descriptio Labyrinthi Aegyptiaci, sed qui periit temporis iniuria. Architectura Aegyptiorum valde informis: unde nec Græci eam imitati sunt, nec Romani. Incognita ipsis ratio fornicum. Vincit Aegyptum longe Francia, vel per sola opera publica a Ludovico XIV. exstructa. Rudera ædificiorum Aegyptiacorum sistunt icones tres, quæ sunt pag. 70. Antiquissimæ inscriptiones Peloponnesi & Atticæ, obviæ in marmoribus crudis. Pictura sub Alexandro demum ad ἀκμὴν per v venit. Inops quoque vestimentorum apud Græcos ratio. Incognita iis lintea, incogniti calcei, incognita tibialia, incognitæ braccæ.

Lib. III. iterum potissimus Auctoris labor ponitur in illustrandis artibus veterum. Producitur Astronomia Chaldeorum & Aegyptiorum. Iam Auctor Orphicorum montes, homines, animalia, lunæ tribuebat. Apud Græcos Anaximander solem non maiorem putabat, quam Peloponnesum. Astronomia pedetentim defecit in Astrologiam. Stellas primæ magnitudinis brevi dignoscere discunt homines opulenti. Cetera non curant. Fame igitur moriebatur Astronomus, donec fata tentare disceret hominum divitum, & per themata genethliaca prædicere futura. Tunc gratus & acceptus divitibus esse coepit Astrologus, quoties horoscopus votis hominum responderet.

Lib. IV. de Commerciis & Navigatione in hac Epocha agit. Aegyptii rem maritimam serio curabant, & proeliis navalibus fuderunt Phoenices. Sidoni succedit Tyrus. Oritur Carthago & Corinthus.

Lib. V. rem denuo militarem A. proponit. Disciplina militari præstitit Lacedæmon. Bovem immolabant Spartani, quando astu ducis parata esset victoria; gallum, quando hostem vice-

rant vi aperta. Athenis, mutilati in bello sumtibus alebantur publicis. Tætiæam quoque Athenienses consummarunt.

Lib. VI. & ultimus mores & consuetudines spectat. Babylonii non sedentes, sed accumbentes cibum cepisse videntur. Mulieres non continebantur gynæceis, sed in celebritate versabantur, & convivii intererant. Apud Athenienses contra feminæ in interiore ædium parte agebant, & cibum separatim a maribus capiebant. Coena Atheniensium epulum præcipuum. Pacis tempore, gladio accinctum in urbe incedere, incivile visum. Seponebatur gladius, donec hostis instaret.

Subiiciuntur huic Tomo III. Dissertationes IV. Prima agitur de supputatione monetarum & mensurarum Græcarum. Secunda Chaldæorum periodos astronomicos continet. Tertia Antiquitates Babylonica, Aegyptiaca, & Sinenses illustrantur. Quarta, lux affunditur loco *Herodoti* L. II. no. 142. A binis retrogradationibus solis, quarum mentio fit in Scriptura Sacra, repetitur interpretatio huius loci, illarum altera tempore Iosue, altera tempore Regis Hiskiae accidit. Conspirat *Calmetus* in Dissertatione præliminari, præmissa Libro IV. Regum.

Ad calcem nunquam satis laudandi Operis comparet compendium Historiæ Sinensis, confectum a Dno *le Roux de Hauter-Reyes*, Professore Regio.

Substravit Auctor Originem chronologicam veteris fœderis, spretis fabulis Ctesiae, Sanchoniatonis, Berosi, Manethonis. In fine Operis præsto est Catalogus librorum, quibus usus est, plane eximiorum.

Des Deutschen Reichs Münz Archiv, Fünfter Theil.

i. e.

ARCHIV MONETALIS IMPERII GERMANICI.  
PARS V. Auctore IOHANNES CHRISTO-  
PHORO HIRSCHIO.

Noribergæ 1759. Fol. Alphab. 5. plagg. 12½. Tab. I.

Per.

**P**ergit in hac V. Parte Collectio nostra ab Anno inde 1667. usque ad finem Sæculi 17. Occurrit proinde hic No. VI. Recessus Zinnensis, inter Electorem Saxonicum & Electorem Brandenburgicum d. 27. Augusti 1667. initus. Fecerat nimirum caritas argenti, ut ratio Valuationis, pedem vocant germanice, 1559. servari non posset. Ex Bohemia enim, Silesia, & Polonia, plurimi numi vilissimi terris Saxonis & Brandenburgicis inferebantur. Cautum est vero Recessu Zinnensi, ut ex Marca argenti pura fiant numi Imperiales 10½. Cetera pleraque pertinent ad tres Circulos Imperii de Moneta Correspondentes, Franconicum puta, Bavaricum, & Suevicum. Ad sunt tamen etiam præclara Documenta, quibus res monetalis Circulorum Saxonie Superioris, ut mox exemplo Pedis Lipsiensis manifestum fiet: Saxonie porro inferioris, & nominatim Hannoveræ, Hamburgi, Westphalici denique, & in eo Colonie, illustratur. Inferuntur quoque Consultationes monetales notabiles. Talis est, quæ reperitur No. XXXIII. agens de Institutione novæ Monetæ, in qua inter cetera Cap. 3. quæritur, utrum Regale Monetæ utilius per administrationem, an per locationem exerceatur, & quid in utraque considerandum sit. Expendi in eadem Consultatione quoque meretur Cap. XIII, ubi proponitur Paradoxon, quomodo maiori cum emolumento numi Imperiales eudi possint, quam Floreni vel semi-floreni. Similis Consultatio Anonymi proponitur No. LXXXVII. de pretio argenti: ea ostenditur, id semper valorem monetæ sequi. Extrema porro est Consultatio occurrens No. CXVII. de Quæstione, an locus sit Inquisitionis Commissioni Imperiali de Moneta contra Status Imperii. Conscripta ea est A 1688. & affirmatur in ea hæc quæstio. Nostri hominibus nihil in hac Collectione gratius esse potest, quam Recessus inter Electorem Saxonie, Electorem Brandenburgicum, & Ducem Brunsvicensem initus in puncto monetæ. Datus is est Lipsiæ 16. (26.) Ianuar. 1690. Ex hoc enim Recessu ortus est ille Monetæ valor, qui vulgo *der Leipziger Fuss* dicitur. Sequuntur No. CXXII. rationes, cur Recessus monetalis 1690. Lipsiæ confectus sit.

Proxima Pars VI. ea continebit, quæ ab A. 1701. præcipue vero in Annis 1736. 1737. & 1738. in Comitibus Ratisbonensibus monetæ causâ notabiliter consultata sunt. Proponentur ea ex Actis Comitibus, originaliter Dom. Auctori suppeditatis, & finietur ea VI. Pars cum Anno 1754. quo pes Viennensis, qui & pes 20. Florenorum dicitur, celebrari coepit. Finietur hoc Archivum Monetale nostrum cum hoc ipso anno.

Ratione Circuli Rhenani Electoralis, Rhenani superioris, & Westphalici, quædam tantum a Dn. Auctore Collectioni huic inferi potuerunt. Sed communicatus cum eo est, ex insigni quodam Archivo Principis cuiusdam Imperii, magnus Apparatus Recessuum Monetarium, qui in singulari Sylloge proxime edetur. Antecedet Conspectus, ut intelligatur, an aliquid lateat, vel Collectioni desit, & ut plenum & integrum prodire Corpus possit.

Iam quoque sub manibus est, initio Archivi nostri Monetæ promissum, Opus, quod inscribitur Detectum Mysterium Scientiæ Monetæ practicæ, cum adiectis Iconibus, lingua Germanica edendum. Schema Operis legi potest in Præfatione Partis nostræ V. Quumque maxime inter sit, novisse differentiam & comparisonem ponderum argenti in & extra Germaniam, Dn. Franciscus Taurinus, Administrator Monetæ Suabacensis, vir in hoc genere exercitatissimus, ad instantiam Dni Auctoris Nostri Tabellam confecit Responsoriam, quæ conferri potest initio Operis nostri. Rogantur omnes rerum monetariorum periti, ut, si qua error quidam, more humano, irreperit, si quod dubium iis obveniat, si qua occurrat notabilis differentia, amice eam indicent. Referentur propensæ eorum voluntati gratiæ, etiam re ipsa.

Sequetur etiam Bibliotheca Numismatica. Communicavit Ill. Editor Noster Collectionem suam cum alio Viro Erudito, & extranei Principis Consiliario, qui per annos complures in eodem stadio defudavit: unde sperandum est, plenissimam fore hanc Notitiam.

Finis Partis huius V. subiicitur Index realis locupletissimus.

**INFI.**



INFINITINOMII AD POTENTIAM INDEFINITAM

elevati: Formula: Auctore ABRAH. GOTTHELF KAEST-

NERO, Mathem. & Phys. in Acad. Goettingensi

Prof. Publ. Ordin.

**P**ROBLEMA. Seriei coefficientium datorum,  $1 + \alpha z + \beta z^2 + \gamma z^3 + \delta z^4 + \epsilon z^5 \dots$  quaeritur potentia  $m$ ;

SOL. 1) Series ipsa statuatur  $= 1 + y$ ; sit vero alia series, coefficientium quaesitorum;  $1 + Az + Bz^2 + Cz^3 + Dz^4 + Ez^5 \dots$  quae dicatur  $w$ ; & ponatur  $(1 + y)^m = w$ ; adeoque  $m \cdot (1 + y)^{m-1} dy = dw$  seu  $mw dy = (1 + y) dw$

3) Iam  $dy = (\alpha + 2\beta z + 3\gamma z^2 \dots) dz$ ;  $dw = (A + 2Bz + 3Cz^2 \dots) dz$ ; unde

$$4) (1 + y) \frac{dw}{dz} = A + A\alpha z + A\beta z^2 + A\gamma z^3 + A\delta z^4 \dots$$

$$+ 2B + 2B\alpha + 2B\beta + 2B\gamma$$

$$+ 3C + 3C\alpha + 3C\beta$$

$$+ 4D + 4D\alpha$$

$$5) \frac{mw dy}{dz} = m\alpha + 2m\beta z + 3m\gamma z^2 + 4m\delta z^3 + 5m\epsilon z^4 \dots$$

$$+ mA\alpha + 2mA\beta + 3mA\gamma + 4mA\delta$$

$$+ mB\alpha + 2mB\beta + 3mB\gamma$$

$$+ mC\alpha + 2mC\beta$$

$$+ mD\alpha$$

6) Aequando terminos homogeneos 4; 5; est

$$A = m\alpha; B = \frac{(m-1)A\alpha + 2m\beta}{2}; C = \frac{(m-2)B\alpha + (2m-1)A\beta + 3m\gamma}{3}$$

$$D = \frac{(m-3)C\alpha + (2m-2)B\beta + (3m-1)A\gamma + 4m\delta}{4}$$

$$E = \frac{(m-4)D\alpha + (2m-3)C\beta + (3m-2)B\gamma + (4m-1)A\delta + 5m\epsilon}{5}$$

7) Hinc prospicitur fore

$$F = \frac{(m-5)E\alpha + (2m-4)D\beta + (3m-3)C\gamma + (4m-2)B\delta + (5m-1)A\epsilon + 6m\zeta}{6}$$

8) Ut formula generalis commode eruatur; dic seriei  $1 + y$  coefficientem quemvis  $\lambda$ , addito eius numero, ut sit  $\lambda 1$ ;  $=$

H 3

$\alpha \&$

$\alpha$  &  $\lambda_2$ ;  $= \beta$  &  $\lambda_n$ ; fit qui pertinet ad  $z^n$  &  $\lambda_{n-1}$ ; qui pertinet ad  $z^{n-2}$ , & sic porro. Similiter fit  $L$  coefficientis quivis seriei  $w$ , addito numero, ut sit  $L_1$ ;  $= A$  &  $L_2$ ;  $= B$  &  $L_n$ ;  $L_{n-1}$ ; pertineant ad  $z^n$ ;  $z^{n-1}$ ; hoc posito erit

$$1+y = 1 + \lambda_1; z + \lambda_2; z^2 + \lambda_3; \dots; z^n + \lambda_{n+1}$$

$$w = 1 + L_1; z + L_2; z^2 + L_3; \dots; z^n + L_{n+1}$$

$$\frac{dy}{dz} = \lambda_1; \dots; + r. \lambda_r; z^{r-1} + n. \lambda_n; z^{n-1}$$

$$\frac{dw}{dz} = L_1; \dots; + r. L_r; z^{r-1} + n. L_n. z^{n-1}$$

9) Quaeritur coefficientis producti  $(1+y) \frac{dw}{dz}$  ad  $z^n$ ? Termini seriei  $\frac{dw}{dz}$  in quibus variabilis elevata est ad potentiam  $n$ ;  $n-1$ ;  $n-2$ ;  $\dots$   $n-r$ ;  $\dots$   $1$ ; ducti respective in terminos seriei  $1+y$  qui habent variabilem elevatam ad potentiam  $0$ ;  $1$ ;  $2$ ;  $\dots$   $r$ ;  $n$  præbent facta continentia  $z^r$ . Igitur summa coefficientium horum factorum est coefficientis quaesitus, qui adeo fit  $1. L_1. \lambda_n + 2. L_2. \lambda_{n-1} + 3. L_3. \lambda_{n-2} + \dots + (n-r+1). L_{n-r+1}. \lambda_r + \dots + n. L_n. \lambda_1 + (n+1). L_{n+1}$ ;  $\dots$

10) Quaeritur coefficientis producti  $\frac{dy}{dz}$  ad  $z^n$ ? Componitur is eodem modo ex seriei  $\frac{dy}{dz}$  coefficientibus qui pertinent ad potentias  $n$ ;  $n-1$ ;  $\dots$   $n-r$ ;  $\dots$   $0$  ductis in eos seriei  $w$ , qui pertinent ad  $0$ ;  $1$ ;  $\dots$   $r$ ;  $\dots$   $n$ ; estque adeo  $(n+1). \lambda_n + 1 + n. \lambda_n; L_1 + (n-1). \lambda_{n-2}; L_2 + \dots + r. \lambda_r; \dots L_{n-r+1}; \dots + 2. \lambda_2; \dots L_{n-1}; + \lambda_1; \dots L_n$ ;

11) Singulae partes coefficientis (10) multiplicentur per  $m$ ; quod prodit æquetur coefficienti (9) & hinc eruatur  $L_{n+1}$ ; (6) fiet

$$(n+1). L_{n+1} = (m-n). L_n; \dots \lambda_1 + (2m-n+1). L_{n-1}; \dots \lambda_2; \dots + (m-r-n+r-1). L_{n-r+1}; \dots \lambda_r; \dots + (m-n-1). L_1; \dots \lambda_n; + m.(n+1). \lambda_{n+1};$$

12) Eo igitur, quod hic est ad partem dextram signi æqualitatis, diviso per  $n+1$  habetur  $L_{n+1}$ ; per datos ab initio, seriei  $1+y$ , & iam inventos, præcedentes seriei  $w$ . Q. E. I.

13) Huius ipsius coefficientis generalis (12) pars generalis est  

$$\frac{(m \cdot r - n + r - 1) \cdot L_{n-r+1} \cdot \lambda r}{m}$$
 quae substituendo successive 1; 2;

...  $n+1$  in locum ipsius  $r$ , praebet partes coefficientis, primam, secundam, ... ultimam; Nam  $L_0$  est  $= 1$  Si  $L_1 = A$  quia  $1$  praecedit coefficientem  $A$  quem seriei  $w$  primum appellavi, coefficientes vero hanc unitatem praecedentes, cum nulli sint, erit  $L_{-1} = 0$ ;  $L_{-2} = 0$  & sic porro.

14) Si eliminantur Seriei  $w$  coefficientes, reperitur

$$B = \frac{m \cdot (m-1)}{1 \cdot 2} \alpha^2 + m \beta$$

$$C = \frac{m \cdot (m-1) \cdot (m-2)}{1 \cdot 2 \cdot 3} \alpha^3 + m \cdot (m-1) \cdot \alpha \beta + m \gamma$$

Sed expressio cuiusvis coefficientis seriei  $w$  per praecedentes, & legem progressus melius ante oculos ponit, & praxi aptior videtur.

15) Haec facile ad casus particulares applicantur. Ita pro trinomio fit  $\gamma = \delta = \epsilon = 0$  hinc ex (12)

$$L_{n+1} = (m \cdot n) \cdot L_n \cdot \alpha + (2m \cdot n + 1) \cdot L_{n-1} \cdot \beta + (3m \cdot n + 2) \cdot L_{n-2} \cdot \gamma; (n+1)$$

Hic coefficientis ipse primus seu  $A$ , habet  $n = 0$ , & ex (13) fit  $L_1 = m \cdot \alpha$  Similiter secundus & tertius reperiuntur, plane quales illos reperimus (6).

16) Alia determinatio est indicis, manente indefinito numero partium radialis. Ita si  $m = 2$ ; coefficientis generalis quadrati infinitomii fit

$$((2 \cdot n) \cdot L_n \cdot \lambda \alpha + (5 \cdot n) \cdot L_{n-1} \cdot \lambda \alpha^2 + (8 \cdot n) \cdot L_{n-2} \cdot \lambda \alpha^3 + (3 \cdot r - 1 - n) \cdot L_{n-r+1} \cdot \lambda r + 2 \cdot (n+1) \cdot \lambda n + 1); (n+1)$$

17) Pro quadrato trinomii (15) coefficientis hic generalis (16) abit in 
$$\frac{(2 \cdot n) \cdot L_n \cdot \alpha + (5 \cdot n) \cdot L_{n-1} \cdot \beta}{n+1}$$
 Qui, in locum

ipsius  $n$  positus successive 0; 1; 2; 3; 4; 5; dat

$$A = 2\alpha; B = \frac{A\alpha + 4\beta}{2} = \alpha^2 + 2\beta; C = \frac{0 + 3A\beta}{3} = 2\alpha\beta;$$

$$D =$$

$$D = - \frac{C\alpha + 2B\beta}{4} = \beta'; \quad E = - \frac{2D\alpha + C\beta}{5} = 0$$

$6F = -3.E + 0.D = 0$ ; deinde pro  $n \searrow$   $\&$  evanescunt tam  $Ln$ ; quam  $Ln-1$ ; unde habetur trinomi quadratum ut calculo consueto.

18) Hoc autem exemplum monstrat, quomodo pro multinomio definito, scripto integro positivo in locum ipsius  $m$ , series ab-rumpatur, coefficientibus (16) evanescentibus.

$$19) \text{ Detur series } \odot) \pi u + \alpha u^e + \beta u^{e+w} + \gamma u^{e+2w} + \dots$$

$$\text{quæ resolvitur in } \pi u \cdot (1 + \alpha u^w + \beta u^{2w} + \gamma u^{3w} + \dots) = \pi z^{\frac{e}{w}}$$

$$(1 + \alpha z + \beta z^2 + \gamma z^3 + \dots) \text{ vel } \pi z^{\frac{e}{w}} (1 + y) \text{ si loco } u \text{ scri-}$$

batur  $z^{\frac{1}{w}}$ . Data vero ex (12) potentia indefinita seriei  $1+y$ ; datur

eadem potentia ipsius  $\pi z^{\frac{e}{w}} \cdot (1+y)$  & adeo seriei  $\odot$ ; Proinde me-  
thodus tradita complectitur series omnes, in quibus exponentes po-  
tentiarum variabiles constituunt seriem arithmeticam. Notum vero  
est, series omnes eo reduci posse.

20) Si seriei  $\odot$  exponentium unus vel plures sint negativi, erunt  
 $e, w$ , ambo vel alteruter horum numerorum negativi, & hinc deter-  
minabitur  $z^{e:w}$ , sed series  $1+y$  hac negativi conditione non adfi-  
cietur ut nec illa universalitati methodi noceat. Hæc explicare ope-  
ræ pretium erat, quia IAC. BERNOVLLIVS Oper. T. II. n. 103.  
art. 1. dubitat, an series  $1+y$  satis generalis sit, minus recte, ut  
iam CRAMERVS in notis monuit.

## HISTOIRE DE DANNEMARC, &c.

i. e.

*HISTORIA DANIAE, QUAE IBI GESTA SUNT INDE  
ab origine Monarchiae, usque ad tempora Celsissimae Gentis  
Oldenburgicae: conscripta a Dom. MALLET, Professore Re-  
gio*



*gio elegantiorum litterarum Gallicarum, &c. TOMUS PRIMUS.*

Hafniæ 1758. in 4to, cum mappa geographica & icone  
Regis affabre sculpta, Alphab. 2. plag. 11.  
cum dimidia.

**D**ania, non, ut vult Conringius, Marcam Danorum significat, sed potius Danorum regionem: Dani autem ipsi, ab ultimis duabus syllabis sinus Codani, non certe aliunde, dicti videntur.

Liber I. elegantissimi Operis complectitur tempus Paganismi, a Rege Skioldo, usque ad Canutum Magnum. Skioldus hic, primus Danorum Rex, 60. annis ante Christum natum Danos rexisse dicitur. Recte autem hic, utut cum iudicio hypothesis Islandica, quam secutus est *Torfaeus*, in Serie Regum & Dynastarum Daniæ, præfertur ei, quam sequitur Saxo Grammaticus. Est enim hæc multo pluribus dubiis Chronologicis obnoxia, licet in reliquis Saxonem Grammaticum, & Cancellarium Huitfeldum, tamquam præcipuos viæ duces, secutus sit Celeberr. Auctor, qui ab ineunte ætate in Dania habitat. Henricus Auceps Danos Germanis reddidit tributarios, Regemque illorum Nubam Baptismum suscipere coegit (pag. 18, 19.). Ab Ottone I. vincitur Haraldus Coerulidens, & similiter cogitur baptizari. Hic primus, vulgo, religionem Christianam publice professus dicitur. Sueno Barbæ furcatæ Angliam subigit, & Rex eius proclamatur A. 1014.

Agitur deinceps separatim de Statu Ecclesiæ in Dania, ab eo inde tempore, quo religio Christiana primum ibi prædicata est, usque ad finem Regni Suenonis I. Carolus M. vi & armis Saxones, cum gentibus vicinis, ad fidem adigit Christianam. Instituuntur eam in rem Iudicia Westphalica, sæva in apostatas. Annuntiatur ea occasione Danis quoque Evangelium. Agitur hic, per modum excursus, quæstio, an Haraldus Daniam ab Ottone I. feudi lege recognoscere coactus fuerit, eaque deceditur negative.

Lib. II. a Canuto M. XXX. Rege Daniæ, & secundo Rege Angliæ, pergit ad Waldemarum M. Canutus Norvegiæ occupat, pulso Rege, Olao, qui in Russiam profugus, Sancti nomen meruit. Romam deinde petit Canutus, & coronationi Conradi I. Imperatoris adest, 1027. qui, die coronationis, inter ipsum & Raoulum, Regem Burgundiæ, incedit medius. Componitur iussu Canuti Codex legum, dictus Ius Aulæ, cuditur in Dania prima moneta, idemque Canutus, etiam Canutus dives appellatur. Suenon II. Gudam, Regis Sueciæ filiam, in matrimonium duxerat, quæ ei cognata erat gradu in Iure Canonico prohibito. Nuntios ad eum mittit Adelbertus, Archiepiscopus Bremensis, qui minentur Excommunicationem, nisi dimiserit consanguineam suam. Resistit Rex, sed Papa accedente partibus Adelberti, cedere Rex cogitur, & dimittere coniugem amatam. Canutus IV. qui & Sanctus vocatur, Decimas Clero addicit, qui ei persuaserat, esse eas Iuris Divini. Repugnat populus, petuntur vi, & inter hæc Rex occiditur Odenfæ in templo S. Albani, 1086. Ericus I. dictus Bonus, iter Ultramarinum suscipit in Terram Sanctam. Constantinopoli honorifice excipitur ab Alexi Comneno, Imperatore Græcorum. Sed dum ultra pergит, moritur in insula Cyprio 1103. Magnus, filius Nicolai XXXIX. Regis Daniæ, Halberstadii 1134. adest Imperatori Lothario Saxoni, dat ei obsides, & iureiurando promittit, neque se, neque successores suos sumtuos Coronam Daniæ, nisi permittente Imperatore. Portat etiam gladium ante Imperatorem. Paullo post prima vice Dani equitatum classe vehere coeperunt. Distributi equi quatuor per singulas naves. Iudicium inter Canutum & Suenonem, Principes regios Daniæ, de Regno contententes, & Martisburgum evocatos, interponit Imperator Fridericus I. Suenoni Coronam sua manu imponit Fridericus, eoque redditam Imperio Romano Daniam Germani aiebant.

Lib. III. inde a Waldemaro I. sive Magno, descendit usque ad Ericum IV. Invitatur Waldemarum ab Imperatore Friderico I. ad Concilium, præfato, præsentiam eius desiderare dissi-

diffidia, quibus mergatur Ecclesia Christiana. Quum advenisset, frustra reluctans Homagium iurare cogitur. Hafniæ prima in Annalibus Danorum mentio fit Anno 1167. Dicta Koppenhagen, tanquam Portus Mercatorum, hunc enim significat vox Kiöbmændshaven. Accidunt vires a Waldemaro Rugiorum. Evertitur templum & Idolum Swantowitti, destruitur Iulium. Editur Lex Scaniæ & Lex Selandiæ, una cum Iure Ecclesiastico utriusque Provinciæ huius. Sunt hæ leges simplices, claræ, concisæ & valde idoneæ ad firmandam libertatem & possessiones civium. Gedanum quoque fundasse Voldemarus dicitur Annalistis Pomeranis, quum sudisset Sobieslaum, Dynastam Pomerelliæ. Poloni nomen Gdansk suis potius in Danos victoriis tribuunt. Sed Pomeranorum relatio maiori gaudet verisimilitudine. Absalon, vero nomine Axel, Archiepiscopus Lundinensis, moritur Anno 1201. Plurima ei Regnum, multum Historia debent. Excitavit enim Saxonem Grammaticum, Clericum, sive Secretarium suum, ad scribendum Opus illud suum. Litteræ Patentes, quibus Imperator Fridericus II. Waldemaro II. provincias, quas Dani in Germania tenebant, cedit, & quibus nititur titulus Regis Vandalæ, inseruntur pag. 190. & seq. Vexillum Danebrog, quod vulgo coelo demissum dicitur, ante prælium cum incredulis Livonis commissum, inter ea fuisse potest, quæ Papa Regi Daniæ misit. Capitur, nihil tale expectans, Woldemarus II. cum filio, a Comite Schwerinensi, & in Germaniam abductus, post captivitatem trium annorum e carcere dimittitur, aere ingenti promisso. Crescentem Lubecensium potentiam frangere cupiens Woldemarus, prælio ab iis maritimo vincitur, & vix fuga elabatur. Promulgavit deinde legum Codicem Iutlandiæ, qui commendatur laudibus æquitatis & sapientiæ, & qui hodienum pro parte obtinet in Ducatu Slesvicensi.

Lib. IV. complectitur res a Danis gestas, inde a tempore Erici IV. usque ad ætatem Reginæ Margarethæ. Ericus IV. a tributo aratris imposito dictus Plog-Penning, insidiis fratris Abelis perit, & inter Sanctos refertur. Fratricida Abel, ex

prælio contra Eyderstadienses inferior discedens, occiditur in fuga. Fabula de Spectro eius ne hodiernum quidem ex animis quorundam evelli potuit. Christophorus I. postquam Archiepiscopum Lundinensem, Erlandsen, custodiæ tradiderat, veneno tollitur. Ericus V. cognomine Glipping, clava ferrea occiditur ab aliquot nobilibus. Vocatus est Glipping, quod oculis sæpius connivere & nutare consuevisset. Christophorus II. exauctoratur & in exilium pellitur. Redit, sed pressus a vicinis, pressus a subditis, ægre Regnum tuetur. Interregnum septem annorum post mortem eius. Instauravit regiam potestatem Waldemar III. in eo præterea felix, quod filiam genuit, Margaretham, Semiramidem Septentrionis. Favore sexus tamen Margarethæ primum prælatus est filius ipsius, Olaus, puer sexennis, qui diem obiit anno ætatis decimo septimo.

Lib. V. idemque ultimus, a Margaretha tendit ad Christianum I. e Domo Oldenburgica. Daniam & Norvegiam tenebat Margaretha, quum bello cum Suecis implicaretur. Capitur in eo Albertus, qui paullo ante Margaretham, ancillam Monachorum, Reginam sine caligis, appellaverat, eique cotem miserat, qua forcipem & acus acueret. Mare tum Balticum infestabant Vitaliani, piratarum genus, dicti a Vitalibus, seu annona, quam captis Germanis Holmiam advehere primum promiserant. Unitur Suecia Daniæ & Norvegiæ, & successor Margarethæ destinatur Ericus Pomernus. Eam in rem confecta Unio Colmariensis, cuius verba recensentur pag. 369. seq. Moritur Margaretha 1412. in navi, reditum Flensburgo parans in Daniam. Erico sæpe hæc tria inculcasse fertur: Suecia te nutriet, vestimenta tibi dabit Norvegia, tuebitur te Dania. Post mortem Margarethæ pessime rem gerit Ericus. Ducatum Slesvici cedere cogitur Comiti Holsatiæ. Subditorum opes tributis exhaustæ. Deficiunt Sueci, sibi que Administratorem constituunt. Exauctoratur Ericus etiam a Danis, qui Christophorum III. Bavaram sibi Regem eligunt. Ericus in Gothlandiam insulam fugit, ibique piraticam exercet per decennium. Tandem Ru-



Rugenwaldiæ moritur in summa paupertate Anno 1459. ætatis septuagesimo sexto. Successor eius Christophorus primus sedem Regiam, Hafniam, quæ antea Episcoporum Roschildensium fuerat, detulit.

Avidissime expectamus Tomum secundum venustissimi Operis, qui Historiam Daniæ recentiore[m] complectetur.

*CHRISTEIS, HOC EST, ACTA APOSTOLORUM E lingua originali in Latinam translata, & carmine heroico expressa, notisque subiunctis illustrata a IOANNE IOACHIMO GOTTLOB AM-ENDE, S. S. Theol.*

*Doct. Pastore ac Superint. & Protosynedrii Dresdensis Assessore.*

Vitembergæ 1759. apud Io. Ioach. Ahlfeldium, Alph. I. pl. 10. quatern.

**Q**uod a prima pueritia complexus est, neque in senectute dimittit pulcherrimum poeseos studium Auctor summe venerabilis. Hic cum omnes, quæ ad humanitatem pertinent, litteras diligenter omni tempore coluit, & poeticam in primis artem ardentissimo amore amavit, atque dulci musarum consuetudine delectatus est, tum nunc quoque in earum hortulos interdum exspatiari, animumque ex gravissimarum rerum tractatione recreare atque reficere solet. Iam olim ex divini *Popii*, de homine, carminis versione, vehementer doctis viris probata, quæ sit ingenii elegantia, quam teretes aures, intelligensque iudicium, satis perspectum est atque cognitum. Quare, quid de hoc, quem nunc in manibus habemus, libro, sentiendum sit, facile intelligitur; neque is nostris laudibus magis, quam sola commemoratione, lectoribus proponendus est.

Cum vero res est omnino ardua & difficilis librum in aliam linguam bene transferre, tum in hac versione omnes difficultates illas multo maiores esse nemo ignorabit, qui vel de poetica iudicare potuerit, vel ipse eiusmodi laborem tentaverit. Magnas interpreti modi & numeri molestias afferunt: multa

sunt verba, quæ carminis leges non admittant, multa, quæ duriuscula in carmine & aures offendant, alia quasi lingua quadam loquuntur poetæ. In aliis denique libris interpretandis ferri potest, certe non magni refert, si, quæ exprimi nequeant, mutet aut omittat interpres, qui, *quæ desperat tractata nitefcere posse, relinquit*. Interpretationis autem librorum sacrorum longe alia est ratio. Maior hic cautio, maior religio adhibenda est. Maioris omnia sunt momenti, quam ut vel minimum mutandi omittendique potestas nobis concedi possit. Quanti vero laboris est, tot Hebraismos, certe Græcismos, tot nomina urbium atque hominum, a latino carmine quæ plane abhorreere videantur, ita transferre in linguam latinam, ut & bene latine loquaris, & poetæ partes agas? Quas difficultates & molestias sic vicit Vir S. Rev. ingenio atque industria, ut multas etiam virtutes adiungeret, quæ bonum poetam perficiunt. Diçtio est pura atque latina, magna non in singulis modo verbis, sed in toto quoque orationis habitu elegantia, diligens & felix veterum poetarum imitatio, mira denique suavitate concentus, quem numerosa verborum in versibus compositio gignit, aures & animum perfundit. Age vero, ut probemus iudicium nostrum lectoribus, adscribamus aliquot versus, qui legentibus nobis arriserunt præ reliquis. Sunt illi in Libr. I. c. 2. v. 134. seq.

*Ecce! repente fragor superis delatus ab oris  
Exoritur, qualem validi vis incita venti  
Secum ferre solet. Venti velut agmine facto,  
Qua data porta ruunt, ac totam turbine tentant  
Impleruntque domum, qua confedere quieti.  
Turbine mirifico flammæ miscentur & ignes,  
Ignes linguarum similes sursum atque deorsum  
Nunc huc nunc illuc, illorum tempora circum  
Divisi volitant. Coit hinc atque infidet ignes  
Unoquoque super capite, ipsas denique linguas  
Oraque tota putes sacris ardescere flammis.  
Divino implentur confestim Numine. Sanctus  
Spiritus intus agit cunctos, agitante calefcunt*

*Intus*

*Intus & extra illo. Fundunt, mirabile! voces*

*In linguis variis varias, & Numine plenas.*

*Spiritus ipse operans & res & verba ministrat,*

*Quem penes omnis erat tum vis, tum forma loquendi.*

Ut plena hæc! ut gravia! ut redolent diligentem veterum lectionem! Iam, ubi quæ cum Stephano acta sint, commemorantur (p. 55.), altius efferri Vir S. Rev. ardore quasi quodam accendi, & se ipsum videtur superare. Sed longior ille locus est, quam qui adscribi possit.

Neque tamen iis solum huius libri lectionem commendamus, qui poeticæ elegantiae studiosi sint, sed illis quoque, qui se sacrarum litterarum studiis dederint, utilissimam fore arbitramur. Sunt enim notæ subiectæ, quæ cum interpretationum rationes reddunt, tum magnam obscurioribus locis lucem affundunt. Plurima quidem ex versione Syriaca illustrantur, cuius quantus sit usus, quanta dignitas, ex *Io. Dav. Michaelis*, viri doctissimi, *Curis* in illam versionem intelligi potest. Sic V. S. R. sequitur Syriacum interpretem, p. 3. dum *δια τῷ πνεύματος ἁγίου* ad *ἐλέξατο* refert, p. 5. a Syro in eam sententiam se adductum esse fatetur, ut in hoc *λήψετε δύναμιν ἐπελθόντος τῷ ἁγίῳ πνεύματος ἐφ' ὑμᾶς*, post *δύναμιν* distinctionem, ut aiunt, minorem poneret, p. 25. cum Syro verba *ἐπὶ τὸ αὐτὸ* novæ pericopæ initium esse tradit, & cum eodem p. 31. verba *ἀποκατάστασις πάντων* per *impletionem omnium temporum* interpretatur. Memorabile etiam est, quod p. 79. annotatur, Syrum & ibi & Matth. XIX. 12. verbum *ἐνέχος* per *fidelem* reddere. Deinde vero non pauca ex Philologia repetita in notis proponuntur, ut p. 3. de verbo *τεκμήρια*, p. 4. de particula *εἰ* pro *utrum* vel *an*, p. 8. de particula *ὅτι* pro *et si*, quam significationem etiam Hebræorum *וְ* habet. p. 12. docetur formulam *ἐν τῷ συμπληρῶθαι τὴν ἡμέραν τῆς πεντηκοστῆς*, certum præscripti temporis spatium, quod non prorsus expletum, sed cuius ultimus dies advenerit, indicare, atque igitur Hebraïsmum sapere, qui in verbo *אָז* sæpe occurrit. p. 35. verbum *ιδιώτης*, p. 42. *ψεύδεσθαι*, p. 55. *ὄχλος*, p. 159. *σπερμολόγος* explicantur, Deni-

Denique varia, quæ ad Theologiam pertinent, traduntur in notis, p. 13. exponitur de flammulis super Apostolorum capitibus visis, p. 22. docetur, formula βαπτισθῆναι ἐν ὕδατι ἐπὶ τῷ ὀνόματι Ἰησοῦ Χριστοῦ confessionem indicari, quæ baptismum anteierit. p. 39. de bonorum communione inter primos Christianos instituta, p. 44. de umbra Petri, quam morbos tollere credebant, p. 54. de ordinatione sacerdotum precibus & imponendis manibus facta, varia afferuntur, eaque non iniucunda lectu. p. 125. vindicantur verba ὅσοι ἦσαν τεταγμένοι εἰς ζωὴν αἰώνιον, & contra eos defenduntur, qui absolutum Dei decretum de salvandis damnandisque hominibus inde apparere tradunt; eaque *de situ auditorum & habitu ad Dei verbum cum fructu audiendum*, accipienda docetur. Sunt etiam multa alia, non contemnenda, quæ nos præterimus.

Cæterum V. S. R. versionem hanc Actorum Apostolorum in Libros IV. distinxit, huiusque divisionis fundamentum ex verbis Christi in Act. c. I. v. 8. repetiit. Nam cum ibi Christus Apostolos sibi ait testes fore *Hierosolymis, in omni Iudæa & Samaria, & usque ad extremum terræ*, primum de iis, quæ Hierosolymis, deinde quæ in Iudæa & Samaria, tum quæ inter Gentes, denique quæ Romæ, a Paulo maxime, acta sint, exponendi occasionem Auctor nactus est. Præfixa denique est præfatio, in qua V. S. R. & instituti rationem enarrat, & Musis atque Apollini hisce versibus valedicit.

*Nunc, o dulce meum decus! o divina poesis!*

*Quæ mihi fecisti gaudia mille, vale.*

*Non fert officium, non fert ipsa amplius ætas,*

*Antiquo ut tecum vivere more queam.*

*Gratus dum vivo tamen, (Et meminisse iuvabit)*

*Gratus amicitias commemorabo tuas.*

*Inmo dum veri studium, Et cultura vigebit,*

*Dumque erit ingenuis artibus ullus honor:*

*Semper honos, nomenque tuum, laudesque manebunt,*

*Coelitibusque ipsis sacra, poesis, eris.*

Quid si vero eadem illa poesis (dabit enim Viri S. Rev. humanitas nobis hanc veniam, ut, communis utilitatis causa,

quæ



quæ sentiamus eloquamur libere,) quid igitur, si poësis hæc respondeat?

*Ergo potes nostris divelli amplexibus? ergo*

*Me fugere & nostro certus es ire sinu?*

*Non gelidos posthac lucos, fontesque sonantes,*

*Non virides montes grata nec antra petes?*

*Non hilares mecum choreas celebrare iuvabit,*

*Non vario doctum cingere flore caput?*

*Non Tua saxosæ referant ad sidera valles*

*Carinina? non resonet collis & omne nemus?*

*Immemor o nostri! meritum oblite meorum!*

*Quo Tibi cura mei, quo Tibi cessit amor?*

*Noster per totam vitam quot gaudia fecit,*

*Quotque voluptates, ipse fateris, amor!*

*Nunc me contemnes? nunc dulcia gaudia, nostra*

*Munera sordebunt deliciaeque Tibi?*

*Hoc de Te merui? nostro hoc Tu reddis amori?*

*Tu grates meritis hæc referre potes?*

*Quod divina Tibi sapientia detulit, illud,*

*Crede, mei cultum postulat officium.*

*O mea quis, quoties vilem abiectamque catervam*

*Adspicio vatum, tum rubor ora subit!*

*Insano statuunt aras, & multa furori*

*Thura ferunt, nostrum dedecorantque decus.*

*Inspirare decet vates probitatis amorem,*

*Virtutisque decus concelebrare decet.*

*Quæ mare, quæ coelum, quæ totum condidit orbem,*

*Extollant dextram laudibus usque suis.*

*Magnorum memorent insignia facta virorum,*

*Claraque carminibus nomina ad astra ferant.*

*Namque intrant facile mentem & radicibus altis*

*Haerent, quæ manibus cunque polita meis.*

*At Tu nonne eadem facis? o dulcissime, nonne*

*Hæc Tuæ partes officiumque Tuum?*

*Per Te olim Popius, musarum dulcis alumnus,*

*Romano docuit carmine quid sit homo?*

*Per Te quae comitum Christi sint fata, labores,  
 Quae sint doctrinae, musa latina canit.  
 Matte tui ingenii virtute, o docte poeta,  
 Et quam coepisti, perge tenere viam.  
 Nec Tibi ne vires animi, ne forte vigorem  
 Eripiat priscum cana senectia, time.  
 Arridens hilari nascenti fronte, canorus  
 Hic dixi vates hic mihi charus erit.  
 Hic canet, & cantu cygnos imitabitur, usque  
 Ad mortem & moriens carmina blanda canens.  
 Tunc rosa, tunc violae, viridans tunc laurus obumbret  
 Et tumulum decorent plurima ferta Tuum.*

*COLUMNA THEODOSIANA, QUAM VULGO HI-*  
*storiatam vocant, ab Arcadio Imperatore Constantino-*  
*poli erecta in honorem Imperatoris Theodosii iunioris,*  
*a GENTILE BELLINO delineata, nunc primum*  
*aere sculpta, & in XVIII. tabulas*  
*distributa.*

Venetiis, fol. oblongo, plag. 2. &  $\frac{1}{2}$ . fig. æn. XVIII.

**Q**uam Claudius Franciscus Menetreibus, S. I. vir doctissi-  
 mus, atque omnis antiquitatis peritissimus, olim Co-  
 lumnæ istius descriptionem dedit, eam hoc loco inte-  
 gram exhibebimus, quod in hac Editione Veneta, (quam du-  
 bitamus in multorum manus venturam,) tabulis æneis præ-  
 mittitur, estque ita comparata, ut neque doctiorem monu-  
 menti incomparabilis interpretem, neque elegantiorum super  
 ea historiarum medii ævi particula, quam columna exhibet, iudi-  
 cem, quisquam desideret. Ita autem Menetreibus.

Qui Urbem Constantinopolitanam descripserunt; quique  
 eius historiam literis mandarunt, adeo varia de hac Columna  
 historico-anaglyptica loquuti, & tam dissimiles imagines re-  
 liquerunt, ut quæ demum ea fuerit, difficillimum sit conii-  
 cere, & certo statuere, qua de causa posita? & quisnam Im-  
 pera-

perator construi iusserit? tribuentibus id aliis Theodosio Magno; aliis Arcadio, & Honorio, filiis; quibusdam etiam Theodosio iuniori.

Chronica Alexandrina testantur, prioris iussu positam in Foro, quod extrui mandaverat; eamque anno XV. Imperii, cum esset Consul cum Abundantio, solemniter ipsius nomine consecratam: eundem præterea anno posteriori suam ipsius Statuam ibidem collocari voluisse in Columna marmorea, cava intus, & ducta cochlea ad fastigium usque, in quo posita erat statua: hancque Columnam exterius exornatam victoriis, quas Imperator de Scythis, & aliis barbaris nationibus victis reportarat. Quod & Cedrenus confirmat: *Tauri statuam posuit magnus Theodosius, suas contra Scythas, & barbaros continentem pugnas, & victorias; habet in his viam sursum ferentem*, pag. 323.

Vetus quædam descriptio Constantinopolitanæ urbis, statuit Columnam inter septimam & octavam regionem, quæ vocabatur regio Taurina, aut Tauri, cuius Palatium in ea regione erat. Forum Theodosii ab una ad alteram regionum producebatur; hinc fit, ut Cedrenus Tauri statuam nominet. Sapiens Lambecius, suis in Codinum notis de origine Byzantii, illum auctorem de hac Columna loquutum credit, cum Tauri Forum describens dicit: *ὁ μέγας κίων ὁ χρυσεός*, Columnam Cochlidem Theodosii in Tauro sitam, hic intelligendam esse censeo, quæ ad summitatem usque intra se pervia erat, & circum circa figuris sculptis exornata.

Quidam Historici dicunt, hanc Theodosii Magni Statuam fuisse equestrem, argenteam; & terræmotu duabus testudinibus disiectis concidisse. Codinus fultam dicit duobus fornicibus, aut marmoreis arcibus, in quibus erant imagines Theodosii filiorum, Arcadii & Honorii, una in dextera, altera in leva parte Columnæ.

Du-Cangius, in sua Constantinopoli Christiana, nobis reliquit figuram Columnæ historico-anaglypticæ, quam putat esse Theodosii Magni; eamque sibi communicatam dicit a R. P. Molineto, Canonico Regulari Abbatiae S. Genovesæ:

illum vero desumpisse ex sua curiosa Bibliotheca, cui præerat, quamque exornarat cellula alia, copiose referta præclaris monumentis, quorum descriptio cum figuris iam evulgata. Eundem patet, eam figuram cum huiusce imaginibus nullam relationem habere; præterquam quod temporibus Theodosii Magni non videntur incessisse viri induti vestibus, quibus conspiciuntur in Columna a Du Cangio relata.

*Sponius*, in descriptione itineris in Græciam, & alia Orientis loca, de hac Columna loquitur his verbis: Columna, quæ Constantinopoli media urbe est, tota historico-anaglyptica, erecta fuit honori Imperatorum, Arcadii & Honorii, quorum repræsentationis notæ in basis latere inspiciuntur. Victoriæ duæ eorum capitibus imponunt coronam, iique magno Senatorum numero stipantur. Infra eos autem aliæ duæ Victoriæ coronatas pinnis feminas pertrahunt, totidem imagines Civitatum, quas duorum Principum exercitus imperio subiecerant. Columna tota est marmorea, & eius generis, ac ea, quæ Traiani Romæ. Sculptura quidem non ita elegans; quippe eo sæculo, quo artes maxima ex parte perfectionem amiserant. Nihilominus est satis concinna: & æque demiratus sum, quod alii prorsus despicerent, alii Traianæ præferrent. Quod ad altitudinem, illam superat; nam secundum Gyllii mensuram, hæc 147; e contra vero Traiana tantum 123. pedes habet. Hæc Columna, de qua loquor, cochleam habet interius; verum nunquam a Turcis obtinere potui, ut ascenderem: aut quod religioni ducant illuc admittere Christianos; aut quod gradus sint diffracti. Figuræ basis, & ad imum Columnæ, male vexatæ, potius Turcarum superstitione; qui vel neque eas pati possunt, quam sui vetustate.

*Grelotius*, qui publici iuris fecit anno 1680. Relationem novam itineris Constantinopolitani, undique repletam arcis per se demensis ibidem loci; & figuris cuiusque rei ea in urbe notatu dignæ, quam duobus aut tribus annis ante Regi obtulerat, aliquanto dissimilem Columnæ Du-Cangii & Sponii descriptionem huius emisit. Is eam collocat prope qua-



quadratam turrim, quæ in mari est, spatio pedum viginti procul ab urbis moenibus, ubi olim triremium portus, in quo Imperatores, Theodosius, Arcadius, eorumque successores, diu remiges detinuerant. Superius, hic inquit, & in portus conspectu, olim Forum magnum habebatur, in quo media celebris Columna, quæ adhuc stare cernitur: verum hodie, addit, Forum oppletur domibus: earum etiam aliquæ in stylobaten Columnæ innituntur.

Marmorea hæc est, quaqua versus circumdata figuris perpulchre incisus, quæ expeditionem Arcadii designant; verum non omnes ea artificis manu elaboratæ, atque illæ in Columna Traiana Romæ. Altior tamen multo est, æque cava, cum cochlea, per quam ad summum usque facile ascendi potest. Sed id prope impossibile in præsens obtentu est. Rationem addit, quam Sponius ignorarat, asserens, Viatorem, quem nominare renuit, felicior, quam sapientior, ante aliquot annos ascendendi illuc libertatem obtinuisse; sed cum supre esset, ita imprudentem fuisse, ut se palam ostenderet, contra datum monitum; nempe caveret, ne quis animadverteret: atque maiora aggressum ibidem sese detinuisse suum describendo nomen in vertice Columnæ; & plura alia signa edidisse, appenso linteo ad extremitatem arundinis, quam deserebat. Qui regionem illam pertransibant, quique domicilium prope habebant, magnopere omnes mirari, quod contra consuetudinem quis hominum Columnam ascendisset; tum vero maxime, cum animadverterent, eum ex Gallis esse, qui pileum in capite gestaret: momento temporis vicus repletus multitudine, & regio tota commoveri. Alii turmatim accurrere, curiositate impulsæ, ut viderent novam hominis speciem, existimantes illius animam esse, qui Columnam extolli iusserat, nunc vero iam occupatum a sua ipsius statua locum repetitum rediret: alii vero, perciti zelotypia, quam excitare poterat vel sola cogitatio, eorum mulieres spectatas fuisse a Gallo Christi sectatore, cito e domibus erumpere, hominem inspecturi Columnam scandere ausum: omnes extemplo credere, consulto id fecisse, ut inde facilius mulierum conseptum

introspiceret, atque sibi amabiliorem designaret. Itaque quisque, variis laceffitibus motibus, quos animi affectus excitabat, ad Columnam accurrit, obsedit domum, quam Gallus intrarat; & cum citissime descendere iussissent, pugnis & calcibus adducunt ad domum Sub-Bachæ, aut Præfecti regionis, ut illius curiositatem ulcisceretur. Iam parari cippus, vulgo *Falaca*, & fustes; atque haud dubium, quia miser Gallus sub planta pedis ictus ad quinquaginta pertulisset, nisi Gallorum Legatus huiusce rei statim certior factus, quam citissime fieri posset misisset interpretem cum munere, ut eius nomine Sub-Bachæ supplicaret, ne ultra procederet: qui Gallum in Columnam intromisisset, cum maiori culpa obnoxium, quam qui advena, quique nec noverat Turcarum mores: insuper animadverti debere, quod cum neque ille prorsus sanæ mentis homo esset, dignus videbatur, cui & Legati, & delati muneris causa, remitteretur culpa, ad quam sola amentia adegerat: cæterum, si dandum exemplum, potius in Columnæ ostiarium, quam in infelicem alienigenam edendum. Revera immunis verberibus fuit Gallus; sicque retributum munus: Columnæ vero ostiarius pro eo mulctatus. E mari satis conspicitur hæc Columna Honorii & Arcadii; verum quod ad eorum triremium portum, qui ex adverso litoris erat, haud in præsentia signum, aliquando extitisse.

Harum Relationum nulla ad eum dignoscendum quidquam suppeditat, qui iusserit Columnam erigi; quamque expeditionem illa repræsentare posset; nam inter Theodosium Magnum, Arcadium, Honorium, & Theodosium iuniorem, partiuntur sententiæ.

Cum ea omnia perpenderit, quæ veteres auctores scripsere, præsertim Græci, ad huius Columnæ erectionem quam proxime accedentes, ad eos conciliandos dicendum videtur, eam, ni elaborata sit tempore Imperatoris Theodosii Magni, cuius victorias, ex Scythiis & aliis barbaris nationibus reportatas designat, opus fuisse Theodosii Iunioris eiusdem fratris filii, qui in basi repræsentavit victorias Arcadii, patris sui, & patris Honorii, ut horum trium Imperatorum, qui eum præcellerant, memoriam consecraret.

Plu-

Plures iam Constantinopoli habebantur Columnæ: nam postquam Constantinus vetus Byzantium in novam Romam redegit, deligens, ut esset imperii sedes, non solum eam Romæ spoliis ditavit, verum maxima ædificia extruxit; & plerique Imperatorum, qui eidem succedere, certatim conati illam magnificentissimam efficere, ut nihil cederet terrarum dominæ, quam Respublica, Cæsaresque, ad tantam nominis celebritatem tot publicis ornamentis evexerant. Quod historicorum quemdam ex ea ad dicendum impulit, non oculos, ubi consisterent, invenire, tot mirabilibus percussos; & neque mentem inter ea prodigia distractam nosse, cui primas dare: cum omnia æque in admirationem raperent, & singula singulis splendore & magnificentia anteirent.

Quoniam inter ea monumenta, Traiani & Antonini Columnæ non ultimo loco erant, statutum Orientis Imperatoribus, ut urbs imperii princeps huiusmodi ornamentis distingueretur. Itaque Constantinopoli non solum visebantur Circi & Theatra, Thermæ & Porticus, Colossi, Obelisci, Amphitheatra, Palatia, Viridaria, Fontes; verum & plures Columnas erigendas iusserunt, quarum dignior notatu ea Porphyrii, quam supra posita erat Statua Constantini. Hæc cum decidisset, Imperator Alexius Comnenus maximam crucem ibi poni curavit. Cernebantur aliæ Columnæ in Hippodromi Foro, victricibus crutæ factionibus in cursu equorum, & curuum, atque aliis exercitationibus & certaminibus Circi.

Illud etiam dici posset, Theodosios Imperatores, qui sese Traiano ortos vocabant, quique saltem ex una eademque Hispaniæ civitate originem ducebant, voluisse sibi erigere monumentum ei simile, quod Romæ positum Traiano, atque adeo Columnam historico. anaglypticam, ac ille, perficere.

*Gottofredus Villharduinus*, qui bello subacti Byzantii nobis historiam reliquit, ad annum 1207. loquitur de hac Columna hist. anaglyptica, oblata occasione Alexii Ducis cognomento Mursuphli, deiecti præcipitis ab ætitudine Columnæ, quod mortem intulisset Alexio Imperatori, quem sacram militiam pro-

professi in regnum reduxerant. *A ce fut accordé li Conseil (inquit auctor vetustis suæ linguæ vocibus) que il avoit une Colonne en Constantinople emmi la Ville qui ere une des plus haltes Et des miels ouvrées de manbre qui onques fut veue d'oïl, Et en qui le feist mener Et lo feist saillir aval, voyant tote la gent que si halte justise devoit bientot li mong veoir. Ensi fu mené l' Empereor Marchusflex Et fu mené sus, Et tot li peuples de la cite accorrut por veoir la merveille. Lor fu boté a val, Et chut de si halt, que quand il vint à terre que il fu tot esmiez; or oyez une grant merveille, que en celle Colonne dont il chai à val, avoit imaiges de maintes manieres ouvrées el marbre; Et entre teles imaiges, li en avoit une qui ere laborée en forme d' Empereor, Et cele si chait outre val; car de long-temps ere profiteurié qui auroit un Empereor en Constantinople qui devoit estre gitez à val cele Colonne, Et ensi fu cele semblance Et cele Propheicie averée.*

Omnes hæ relationes descriptionesque nihil satis diligentiae habent, ut intelligamus, ecquid ea Columna hist. anaglyptica designetur; mihi que persuadeo, non alia de causa tam varie auctores loquutos, nisi quod alii alteram Columnam hist. anaglypticam descripserint; alteram vero alii: duas enim in veteri Byzantii descriptione invenio; alteram in regione septima; alteram autem in regione duodecima. En septimæ regionis descriptionem, quæ hist. anaglypticæ Columnæ Theodosii mentionem facit: *Regio septima. In comparisonem sextae planior, quamvis Et ipsa circa lateris sui extremitatem habeatur in mare declivior. Haec a parte dextra Columnæ Constantini usque ad Forum Theodosii continuis extensa porticibus, Et de latere aliis quoque pari ratione porrectis, usque ad mare velut se ipsam inclinat, Et ita deducitur. Habet autem in se Ecclesias tres, hoc est Irenem, Anastasiam, Et S. Pauli. Columnam Theodosii intrinsecus, usque ad summitatem gradibus perviam. Equites magnos duos, partem eiusdem Fori.*

Vides igitur Columnam Theodosii in septima regione distincte locatam, cum cochlea interior sit, ut ad fastigium usque



que perveniatur. Huic duæ statuæ equestres comitantur; atque eæ videntur esse, quas Codinus Arcadii & Honorii fuisse dicit, duobus fornicibus, aut arcubus impositas, earum alteram in dextera, alteram vero in sinistra parte Columnæ, ut in Tabula videre est, portus Theodosiaci Fori, eiusdemque Fori situs a latere maris.

En vero descriptionem regionis duodecimæ, in qua Columnam alteram invenio, ut priorem, interius cavam, cum cochlea ad fastigium ascensuris: *Regio duodecima. Porta a civitate petentibus in longum plana omnis confistit, sed latere sinistro mollioribus clivis deducta maris confinio terminatur, quam moenium sublimior decorat ornatus. Continet in se portam auream, Porticus Troadenses, Forum Theodosiacum, Columnam itidem intra se gradibus perviam, Monetam, Portam Theodosiacam, &c.*

Hæ Columnæ gradibus ductis in morem spiræ inspiciuntur in quadam Byzantii Tabula, atque eadem prorsus, quæ anno 1422. erat, antequam urbs Turcarum imperio subiceretur. Eius figura ad huius explicationis calcem conspici poterit.

Monumentorum huiusce urbis publicorum enumeratio veteris descriptionis tempore facta, eidem quinque Palatia attribuit, Tempia bis septem, sex divinas domos imperatricum, familias tres nobilissimas, octo Balnea, aut Thermas, duas Basilicas, quatuor Fora maxima, aut mercatus, duo Senatus, quinque Horrea publica, duo Theatra, quatuor Portus, Circum unum, quatuor Cisternas, quatuor Aquæductus, duo & vicesimos vicos ultra trecenos, quatuor millia & trecenas octoginta octo domos, Porticus duo & quinquaginta. Apponit deinde Columnam Porphyrii, & duas Columnas Cochliedes: *Columnam purpuream, Columnas intra se pervias duas.*

In altera Columna veteris Tabulæ Constantinopolitanæ, iuxta Villharduini historiam, cernebatur Mursuphlus capite demisso.

Verum nunc exponendum videtur, unde prodierint figuræ insculptæ tabulis bis octo, quas Vallettus Designator, &  
L. Scul-

Sculptor Regis ex Regia Academia Pi&cturæ & Sculpturæ, incidendas commisit filio, postquam Roma rediisset, quo se contulerat, ut veteres confectatus, delineandi & sculpendi arte perficeretur. Vallettus Pater delineatas vidit huius Columnæ figuras in Museo Accarti Parisiensis: is enim Museum habebat variis refertum antiquitatibus, quæ illuc pertrahebant quotquot res eximias videndi studium incesſerat. Vallettus tanta diligentia elaboratas figuras invenit, ut sibi homines devincturum existimarit, si lineamenta communicaret. Accarto preces admovit; & cum sumendi exemplum data facultas, rogavit consanguineum Paillettum, ex Pi&toribus ordinariis Regis, & Regiæ Academiæ Professore, cuius fuerat Rector, ut figuras delinearet, atque in minorem formam redigeret; quoniam priora lineamenta duo & quinquaginta extensionis pedes habebant; & illud iis incommodum videbatur, qui typis, & librorum forma divulgare volunt. Hoc Paillettum impulit, ut eam extensionem reduceret ad duo & triginta pedes, quos Vallettus cælandi facilius caussa in sexdecim Tabulas divisit. Cum vero scire voluisset, quam ratione habita lineamenta, intellexit, Venetum Legatum ad Magnum Turcarum Imperatorem, tempore Muhammedis II, pulcherrimas pi&ctas Tabulas secum attulisse, ut sibi Palatium Constantinopoli exornaret: mira res Turcis, qui nullas pi&cturas admittunt. Muhammedes II. factus certior, & quoniam curiosus Princeps erat, Legato significavit, se teneri desiderio inspiciendi pi&cturas. Legatus eas misit, præsertim vero virorum imagines, quibus Princeps ita in admirationem raptus, ut nullo modo sese continere potuerit, quin opifici laudem tribueret, atque ad se adduci postularet. Is erat Iohannes Bellinus, qui tunc temporis divi Marci Palatio depingendo occupatus detinebatur. Bailus, (hoc enim nomine Keipublicæ Legati ad Magnum Turcarum Imperatorem vocantur,) scripsit ad Senatum, cui Muhammedis petitio negotium facessit, quod relinquere imperfectum nollet opus Iohannis Bellini, nimium iam provectæ ætatis, ut maris iter institueret, quin maximis incommodis, atque etiam moriendi periculo

culo in itinere esset obnoxius. Hic fratrem, cognomento Gentilem, habebat, qui in eius arte versabatur, neque ita ingravescente ætate: decretum, facilius eum posse iter aggredi, & satis præterea idoneum esse, qui cupienti videre, quomodo imagines pingerentur, satisfaceret Muhammedi.

Gentilis Bellinus Venetiis profectus, & aliquot pictas Tabulas secum attulit. Bailus ad Muhammedem deduxit, qui petiit, an is seipsum pingere posset. Cumque Gentilis fieri posse respondisset, statim se pingendo incubuit, magno speculo usus, atque sui adeo similem effecit, & vivo tenus expressum, & animatum, ut cum Muhammedes vidisset, fascinum intercedere crediderit, Gentilique aliquid divini inesse; & nisi aulicorum, subiectarumque gentium querimonias timuisset, si vetitas lege pingi res vellet, ut sibi Palatium picturis exornaret, Gentilem detinuisset. Cum testatus tandem esset, se maximam ex eo voluptatem percepisse, atque eius studium commendasset, dixit, quidquid vellet, posceret. Gentilis, qui & permodestus, satis obsecrandum ratus, si Reipublicæ significaret, suam Celsitudinem sibi complacuisse in pictore, quem illa miserat, atque Senatoribus commendaret. Muhammedes ei recepit; & cum equitem creasset, torque, pondo duo supra centum & quinquaginta aureorum, pluribusque aliis muneribus donavit.

Quo tempore Gentilis moratus Constantinopoli, inter antiquitates, quas perlustrarat oculis, notavit Columnam, quæ sibi cura dignior visa, designandæque facultatem facile obtinuit; id quod maxima diligentia & emendatione fecit, estque exemplum Gentilis manibus sumptum, quod in Museo Accarti exstabat, nunc vero in Pictorum atque Sculptorum Academia, postquam Vallettus Accarto ostenderat, id opus asservari dignum; neque id fieri melius posse, quam si per eos, qui pretium agnoscerent. Probe intellexit Accartus propositionem Valletti, & testamento cavit, ut remitteretur opus ad Pictorum Academiam; quod & factum diligentia Bucherii, ex maioribus Sorbonicæ domus doctoribus, quem executorem testamentarium Accartus nominarat. Vallettus, qui

consilium indiderat, a Bucherio recepit opus, Paillettumque rogavit, ut munus, munerisque largitorem, offerret Academiæ, quæ maxima grati animi testificatione, beneficio utique debita, excepit. Cautum, hæc lineamenta glutine in telam extenderentur, ut servari possent; feralesque preces fierent ad animæ quietem ei impetrandam, qui munus reliquerat.

Interim Vallettus, ut filium delineandi & sculpendi arte perficeret, eandem columnam insculpendi auctor ei fuit; quod annos quatuor expletos occupatum tenuit. Porro ad explicationem figurarum deveniamus, atque eorum, quæ repræsentant; quatenus consentaneas rationi coniecturas subministrare historia poterit.

Facile in primis visu est, non omnes repræsentatas Columna nunc figuras haberi; aut quod Gentilis Bellinus non nisi in eas institerit, quas suo utiliores studio invenerat; aut quod aliqua ducta lineamenta fuerint distracta, atque amissa, ut sæpius fieri solet Pictoribus vita defunctis, cum veneunt eorum opera, quodque maxima cura congesserunt: iis rebus ad quorundam heredum manus fere pervenientibus, qui neque pretium agnoscunt, neque quid sit futurum curant, dummodo numeratam pecuniam habeant.

Quod me ad illud impellit, ut non integrum opus esse credam, in causa est, quod aliquibus locis interruptus ordo videatur, & frustra aliquot, ut apparet, diruta vetustate: præterquam quod, cum Theodosii insignes pietate Principes fuerint, tamen nullum signum Religionis Christianæ, quam profitebantur, in hoc opere discerni potest. Insuper cum hæc Columna altior sit, quam quæ Traiani, ex qua 105. Tabulæ desumptæ, vel nimium exornatæ figuris; ex hac nisi sexdecim habentur, figuris itidem maioribus, quam quæ in Columna Traiana, insculpta primum Tempestæ manu, deinde Petri Santi, qui multo etiam breviores, ac Tempesta, effecit. Hæ valde ad vivum expressæ, atque magnopere emendatæ videntur, tantaque sui significatione, ut inter se mutuo colloqui diceres. Inspiciuntur item in Columna Traiana fenestræ,  
aut



aut lumina, quæ intus eam splendidam reddebant: hæc quoque illas habere debuit, verum Bellinus neglexerat; cum, non ut ea erat, repræsentandi voluntatem habuisset, sed id tantum sumere statuisset, quod ad suum artis studium commodius videret. Hoc vero Pictoribus, Sculptoribus, aurificibus, atque iis omnibus, qui delineandi studio detinentur, maximo adiumento esse potest.

Post huiusmodi animadversiones in genere, deveniamus nunc ad historicas, iis inservientes, qui antiquitates confectantur. Tabula decimaquinta inclusum totum opus videtur. Imaginem aspicias manu tenentem basim Columnæ, quam Imperatori offert. Eum credo Cyrum Constantinum, Præfectum, aut rectorem urbis, qui muros ab Antemio positos, deinde terræ motu disiectos, reparari iussit. Ad eorum instaurationem adhibuit factiones Cyaneorum, & Prasinenorum, qui tanta diligentia usi, ut sexaginta diebus refecti muri fuerint; orsa factionum altera ab aurea Porta, altera a Porta nemorosi Circi ad Portam usque Andrianopolis, quæ aliis Porta Polyandri. Itaque, quos viros cum Cyro Constantino tres repræsentat, credo fuisse Magdalam Architectum, caput factionis Cyaneorum, & Charsiam factionis Prasinenorum, artifices operis; quo perfectio navasse operam Columnæ historico-anaglypticæ, si Theodosii iunioris opus sit. Nam illa, cuius figuram retulit Ducangius, quamque Guntherus descripsit, videtur esse ea, ex qua præcepit deiectus Mursuphlus, huius dissimilis; cum Guntherus notarit navium figuras, scalas, atque obsidionem civitatis, quæ minime in hac conspiciuntur.

Quinque fastigia triangularia repræsentant Byzantii triumphantis Civitatem, tropæa, & caritatem, qua victos barbaros prosequabatur.

Quod mirum videri possit, illud est, quod Traiani & Antonini Columnæ in eorum numismatibus repræsententur; nulloque huius vestigium in numismatibus duorum Theodosiorum appareat, & neque in iis, quæ Arcadii; quodque Theodosiaci panegyrici auctor nullam fecerit mentionem.

Explicatio figurarum, quas Columna exhibet, in quaque Tabula invenietur; ut earum figurarum aspectus faciliorem intelligentiam reddat. Peregrinis eruditionibus eas exornare haud fuit in animo; neque Græcorum & Latinorum contextibus, qui in antiquitate affatim versatis sunt inutiles; iisque impedimentum afferrent, qui figuris uti nolunt, nisi ut delineandi arte perficiantur.

1. Hoc ædificium repræsentat Thermas, aut Balnea, quæ Imperator Arcadius, Theodosii Iunioris Pater, extrui mandaverat, quæque Cedrenus, Comes Marcellinus, aliique auctores, qui Urbem Constantinopolitanam descripserunt, in prima huiusce urbis regione collocarunt prope Portam Orientalem. Theodosius Iunior, qui statuerat, hanc Columnam fore monumentum maiestatis domus suæ, in ea repræsentari curavit publica gesta Patris, Avi, Patruï, coniugisque. Locus hic exornatus pluribus antiquitatis Statuis, ex Templorum exculptis rudibus, quæ veteres idolorum cultores posuerant; haud perferentes Christiani Imperatores, ut hæc perfecta, & quantivis pretii opera disperderentur; verum id sibi curæ datum, ut in profanis ædificiis ornamento urbis inservirent, quemadmodum hodie locantur in viridariis, aut fontium labris, atque Palatiorum pinacothecis. Sculptores nostri ad sumenda exempla adhibentur, quin hoc idololatriæ vitio aliquid vertat, aut iis, qui ea sumunt; aut iis, qui ad domorum suarum ornatum sumenda constituunt.

2. Milites Prætoriani, aut excubitores Imperatorum.

3. Scythæ, sive Gothi, iumentorum sarcinarios pro exercitu ductores.

4. Balnea, a Constantino Magno inchoata, perfecta que a Constantio, eius filio & successore; ex quo appellatæ Thermæ Constantianæ, iuxta Chronica Alexandrina, quæ docent, Amantio & Albino Coss. inchoatas mense Aprili, licet Eusebius *lib. 4.* atque etiam Themistius, Constantino Magno tribuere videantur. Nihilo tamen minus eæ non perfectæ, nisi sub Theodosio iuniore; quod in causa fuit, ut appellari coeperint Thermæ Theodosiæ: & hæc est ratio, cur Imperator

rator eas in Columna repræsentari iusserit. Anonymus, qui Byzantinæ urbis rariora quæque congeffit, illud etiam notavit, in iisdem Thermis Persei atque Andromedæ conspici statuas, quas Constantius Antiochia deportarat, ut hæ, quemadmodum plures aliæ, Balneis ornamento essent.

5. Sacerdotissa Dianæ, quam Scythæ venationi dediti colebant, ducit cervum, sive damam, eidem deæ sacram.

6. Mercatus magnus, sive Forum Theodosianum porticibus exornatum. Græci appellabant Forum medium, ΜΕΣΗΝ, quod in medio magnæ urbis situm esset.

Hoc ædificium patens est milliarium aureum, Romano dissimile; quod illud nil aliud esset, nisi simplex Columna, unde sumebantur distantie agrorum, qui subiecti Romanorum imperio; hoc vero magna patens porticus, intus exornata picturis, & quamplurimis statuis. *Porticum absidatam* vocat Petrus Victorius. Constantini, atque Helenæ matris statuae illic positæ; itemque statuae equestres Traiani, & Theodosii iunioris, qui semper id anxie consecutus est, ut ostenderet, se ex eo Imperatore ortum. Repræsentabatur Theodosius manu tenens globum, in quo Victoriæ imago, quæ eidem Coronam offerebat. Die dedicationis statuae, distribui populo iussit congiarium.

7. Currus Scytharum Principum cum uxoribus, (ii nunc minores Tartari vocantur,) qui captivi ducuntur Constantino-polim. Hic currus a bobus vehitur, illorum populorum more.

8. Miles ex castris amicum quemdam militem urbis præsidarium offendens amplectitur.

9. Optimates Scythæ, & Gothi, qui cum se Romanis dedidissent, ab iisdem varia belli officia sunt consecuti, honoribusque & maximis muneribus aucti. *Synefius* in Panegyrico, quem dixit Arcadio Theodosii Magni filio, ait: *Scythæ nuper non venerunt arma inferentes, sed preces porrigentes, cum ex suis sedibus pulsi essent. Cum autem humanitatem Romanorum, non arma experti essent, insolentia evecti beneficium corruerunt, quo nomine Theodosio Patri suo adversus ipsos*

*ipſos armato cum poenas dediffent, iterum ad miſericordiam eius confugientes, ſupplices una cum uxoribus ſuis ad pedes eius procubuerunt: ille vero ſupplices excitavit, belli ſocios adſciivit, civitate donavit, honores omnes communicavit, & partem agri Romani attribuit.*

Hi optimates, licet Romanorum more induti, tamen armis ſuperimpoſitam habent longam lacernam ex pellibus caprarum, aliorumque animalium, iuxta conſuetudinem ſuæ regionis, ſtantque nudo capite, quamvis armati, ſic enim communiter incedebant.

10. Illos comitari inſpiciuntur plures ex populo, mulieresque, quos Theodoſius civitate donaverat, iisque agri partem attribuerat in terris Imperii.

Hæc arborum ſeries designare videtur genus quoddam ambulacri, extenti in modum aggeris, ex quo mare conſpicitur. Græci appellabant *Phylopatium*. Procopius deſcripſit, veluti locum ſitu amoeniſſimum.

11. *Pacatus* in Panegyrico, quem coram Theodoſio pronuntiavit ad huius Imperatoris laudem, dicit, poſtquam in ſuam ſervitutem recepiffet Gothos, in milites adſciiviſſe eos, qui arma ferre poſſent, reliquos vero ad colenda arva amandafſe: *Dicamne receptos ad ſervitium Gothos, caſtris tuis militem, terris ſufficere cultorem?* Hic inſpiciuntur, qui ad cultum agrorum ſunt deſtinati, ex bobus, qui in antiquitatis numiſmatibus ſunt communia ſigna originis Coloniarum.

12. Senes, atque inter eos primariæ mulieres, curribus a bobus tractis vehuntur. Theodoſius Magnus devicit Scythas, qui in Thraciam profugerant, Gothosque; idque Modaris virtute, regio ſanguine orti, qui eorum maximam cædem fecit, cum imparatos adortus eſſet, captivasque duxit mulieres, & earum liberos, pluſtrorum quatuor millibus captis. *Hos perdendi, Theodoſio talis demum oblata & occaſio erat apud eum, cum Modares, regio apud Scythas ſanguine ortus, ſed propter fidelem navatam Romanis operam, imperio ab eis militari ornatus. Hic cum imprudentibus Gothis magnam militum manum in colle quodam haberet, atque hoſtes in caſtris tenu-*  
*lentos.*



*lentos ac prope securos iacere per exploratores didicisset, ex improviso cum suis descendit, atque imparatos adortus, plerosque aut vulneribus, aut morte affecit. Viris autem deletis, in mulieres & pueros impetus factus, plaustorum quatuor milia capta.*

13. Equus Principis Scytharum ducitur in triumpho a militibus. Pedibus Princeps subsequitur sine armis, casside sola tectus. Neque ensem, neque missile telum habet, ut Princeps victus, qui victoribus militibus arma tradidit.

Principis Scytharum uxor, & liberi, curru ducuntur a bo-  
bus vecto; duoque senes, aulae atque concilii primores.

14. Famuli Principis Scytharum, eiusdemque coniugis ancillae.

15. Elephas Principis Scytharum, qui hoc animantium genere utebatur in maximis solemnitatibus, quemadmodum ii equos in militares expeditiones adhibebant. Elephas ducitur a servo, omnibus ornamentis spoliatus. Ex eo constat, bello captum.

16. Primores duces militiae Imperatorum, in quorum triumphis partem habebant, quod strenue praeliati fuerint, atque hostes devicerint.

17. Quod in hac Columnae historico-anaglypticæ parte representatur, quodque diffractum atque labefactatum, satis possunt ostendere, ibi deesse spatium magnum figurarum huiusce Columnae.

18. Equi hostium capti, & curæ traditi proletariis. His praest Scythia, quorum plurimis gratificari voluit Imperator, iisdem servandos tradens proletarios, atque armentorum greges.

Hoc fragmentum a reliquo triumphali progressu seiunctum esse videtur: & in iis omnibus auctoribus, qui Constantino-  
polim descripserunt, nullus alius inspicitur adeo rusticanus locus, quam hic, nemus representans, atque palustre solum, ubi pascuntur & bibunt equi.

19. Idola, five barbarorum numina, camelis insidentia. Hæc idola trunci arborum erant: non figuram hominum, nisi caput habebant, reliquum talari veste ornatum, in quo representabatur genus quoddam repaguli, aut portæ in castris;

ostendentes, se Deos tutelares esse exercituum eorum, atque asyllum sacrum, veluti antiquitus in Romanorum castris erant Aquilæ.

20. Sacerdotes idolorum.

21. Ex his figuris haud certo coniici potest, quosnam Imperatores designent; cum non satis iuste referantur ad numismata Theodosii Magni, Arcadii, Honorii, & Theodosii iunioris. Equidem difficile propter altitudinem Columnæ, in qua sunt, eas accurate effingere; præcipue cum neque inscriptionem habeamus, neque certi signum aliquod, ut cognitione illos assequamur; quemadmodum neque dici potest, quænam sint mulieres, filiarumque captivæ, quæ duo victores Imperatores subsequuntur.

Alter Imperatorum, cuius cassidi insidet Aquila, ut dignitatis signum. Stragula in equis Imperatorum, magnum aurificis opus.

22. Captivi ad Colonias destinati.

23. Arcus triumphalis, aut Porta, quæ aurea vocabatur, (id quod verisimilius videtur,) nil commune habens cum vetustis arcubus triumphalibus, qui Romæ. Imperator Theodosius hanc Portam decorari iussit, postquam Maximum tyrannum vicisset, ibique inscriptionem posuit. Chronica Alexandrina dicunt, Imperatorem Triumphum die Portam transiisse, uti deductus fuerat Theodosius Magnus.

24. Præfectus Excubitorum Imperatoris.

25. Satellites Imperatoris.

26. Equi telis missilibus, & clypeis onusti.

27. Captivi ad triremes Imperatoris destinati.

Romanis dissimillima ratio militum, quos bello ceperant: licet enim omnes in servitutem redigerent, tamen cum omnibus non eodem modo actum. Qui sponte concesserant victoribus, ponentes arma, vocatique *deditionis*, specie aliqua libertatis utebantur, quin tamen obeundum consequi possent munus, aut officium, cui quid honoris annexum videretur. Bello domiti, & vocati *manicipes*, quasi manu capti, servituti obnoxii detinebantur. Qui vero semel victi, & libertate donati, a dominorum imperio deficiebant, poena criminis multaban-

tabantur, bestiis expositi, aut ad Amphitheatri certamina destinati; deinde sub Christianis Imperatoribus ad triremes, & ad remigibus inserviendum. Per triumphum etiam vario discrimine ducebantur. Qui nobili genere orti, veluti Principes, Magistratus, vehiebantur plaustris; sed præpostere, & tergo inverso, ut in Tabula 3. & fig. 7. si quando ex ignominia cum iis agendum videbatur: ceteri affectabantur pedibus; rebellesque post tergum manus vinctas habebant: inermes omnes.

28. Mulier Scythica ad inserviendum remigibus servata.

29. Equus sarcinarius.

Notari debet discrimen inter equos sarcinarios, & militares. Sarcinarii frænis habenisque coercebantur; cum militares equi nisi filum simplex haberent; equitesque sine ocreis, sine stapiis essent, cum simplici cothurno; sicuti dux quilibet subsequenter pedibus calonem habebat.

30. Duces exercitus Imperatoris.

31. Ibi posita figura Mursuphli, deicæti præcipitis ab altitudine Columnæ, ut casus notetur a Gottofredo Villharduino relatus; etsi alii auctores Columnæ Taurini Fori attribuant.

Pars hæc Columnæ hinc terræ motibus diffracta; aut forte deformata a Græcis, qui cum Columna haberi crederent figuras Byzantii excidium præsignificantes, eas malleorum ictibus confregerunt, quemadmodum tradit Guntherus *cap. 21. Histor. Constantinopolit.* Evidens est, ibidem spatium magnum interesse, ubi extare poterant figuræ, quas plurimi auctores in hac Columna fuisse dicunt, neque amplius conspiciuntur.

32. Horreum Theodosianum, quod in nona Regione ponit antiqua urbis descriptio.

33. Hæ Porticus repræsentare videntur decimæ regionis partem Urbis Constantinopolitanæ, ubi sex Porticus erant, & Placidie Eudoxieque Palatia, & fons *Nymphaeum maius*.

34. Milites reliqui subsequentes suosmet duces. Omnes Romanorum more sunt induti, cum clypeo atque hasta, sive spiculo. Alterum ducum captivus sequitur cum clava; neque enim servis concessum alia arma ferre, sicuti neque deferunt accensi, apparitores, lictores, nisi bacillos, clavas, & virgas ad submovendam turbam.

35. Hoc repræsentat captivorum additionem ad pascendos caprarum greges, iuxta consuetudinem regionis eorundem. Capræ vero sunt, quales Plinius, plurimique auctores Scythicas describunt. Arcus erectus trifariam, aut in piramidatam crucem, ostendit, eos populos sub iugo victorum esse; ex quo domitis bello subiugatarum nationum nomen impositum.

36. Captivi, qui vinctis post tergum manibus ducuntur, ii destinati ad triremes.

37. Duo tropæa, quæ duas Victorias Imperatoribus paritas designant.

Tria superiora fastigia ostendunt clementiam Imperatorum, qui victis gratificati sunt, parcentes vitæ, dempta tantummodo libertate, & receptis bonorum spoliis, postquam eosdem subegissent. In his figuris elucet caritas erga filios, qui nullam partem habebant in defectione patrum; quique haut infelices, nisi quod ab iis orti, qui contra dominos rebellarant.

38. Hæc est figura urbis Constantinopolitanæ, quæ de hostibus triumphat; quæque per adoptionem misericordiæ beneficentiæque captivos filios adsciscit in cives.

39. Eclypon figuræ traditæ Imperatori a Præfecto Prætorii, comitato duobus factionum ducibus. qui diebus sexaginta muros construi curarunt; id opus sumentes ductu Græci Architecti, quos inter conspicitur.

Iuvenis Scythia deiiciens capreolum præcipitem, symbolum est desperationis Scytharum, qui amiserant libertatem, cuius vel maius a natura signum inditum veteribus erant capreoli, propter eorum animantium alacritatem, atque pernicitatem. Ita etiam repræsentantur in Scriptura Sacra.

40. Inspicitur hic duplex porta, recursusque sinus, aut portus in hac terræ lingula, in qua stant duo Præfecti destinati ad deportandos captivos, quos inter conspiciuntur duo ex eorundem optimatibus, in utraque porta, induti animalium pellibus, iuxta Scytharum morem.

41. Scythæ, alique barbari, victi a ducibus exercitus Theodosii, postquam in triumpho ducti essent Constantinopolim, in varias Provincias ad colenda arva addicuntur, ut captivi;



ptivi; atque in navem sunt immissi. ductu aliquot militum, qui excepturi eos veniunt ad portum: alius est porta Phancrii, quam Gyllius ita describit: *Porta Phanarii, a loco vicino sic dicta. Phanarium est pars Urbis orae marinae, quam murus urbis claudit: duas portas habet, in quas eminent clivi collis quinti. Quibus finitur flexus finus. Cuius e regione finis est Navalis Regis.*

42. Ripa portus Theodosiaci.

43. Navi militibus instructa ad deportandos Scythas.

44. Observari etiam potest in navi Labarum, quod unum retinebant Imperatores Christiani signum, reiectis aliis militaribus variorum animantium, quibus antea utebantur Romani. — Constantinus is fuit, qui Labarum substituit.

DE NEPOTE CORNELIO BENE MERENDI ALI-

quo. *Bibliotheca Bibliothecae Guelpherbytanae, — priscoe eruditionis amantibus indicat IACOBUS FRI-*

*DEICUS HEUSINGERUS, Rector designatus.*

Guelpherbyti 1759. typis Ioh. Guil. Bindseil, pl. 2.  
& dimid. in 4.

Sunt huius libelli tria capita, quorum primum duo fragmenta Cornelii Nepotis habet, alterum de codice, qui in bibliotheca Guelpherbytana asservatur, manu exarato, exponit, tertium de Cornerana editione Nepotis varia disputat. Nos, quoniam eiusmodi libelli & raro ad externos perferuntur, & facile evanescunt, eorum causa, qui de Cornelio bene mereri, atque hunc codicem excutere cupiant, de singulis breviter dicemus.

Iam duo fragmenta, quae codici Philippicarum Ciceronis orationum, undecimo, ut *Heusingero*, V. Cl., videtur, seculo exarato sunt praescripta, haec sunt.

## Cornelius Nepos

in libro de historicis Latinis de laude Ciceronis.

*Non ignorare debet, unum hoc genus Latinarum literarum adhuc non modo non respondere Graeciae, sed omnino rude at-*

*que inchoatum morte Ciceronis relictum. Ille enim fuit unus, qui potuerit, & etiam debuerit historiam digna voce pronuntiare: quippe qui oratoriam eloquentiam rudem a maioribus acceptam perpoliverit, philosophiam ante eum incomptam latinam sua conformaverit oratione. Ex quo dubito, interitu eius utrum res publica, an historia, magis doleat.*

Idem.

*Locuples ac divina natura, quo maiorem sibi pareret admirationem, ponderatioraque sua essent beneficia, neque uni omnia dare, nec rursus cuiquam omnia voluit negare.*

*Etsi vero Heusingerus V. Cl. genuina haec esse Nepotis monimenta, ex indiciis tam manifestis tamque consentientibus elucere sibi persuasit, ut neminem fore credat, qui de eorum integritate dubitet; etsi purum, elegans, diffusum, maxime perspicuum historici dicendi genus ita clare & ita aperte in his conspici dicit, ut non peritos filii iudices solum, sed eos etiam, qui latinitatis antiquae & incorruptae non plane sint expertes, Nepotem hic agnituros esse confidat: nobis tamen, qui & Cornelium, & alios bonos scriptores satis legisse, & antiquae Latinitatis non plane expertes esse nobis videmur, longe alia mens est. Sed docendum est, quare a viro docto dissentiamus. Iam primum lubet quærere, quæ tandem sint illa indicia manifesta & consentientia? Heusingerus quidem, quæ tamen omnes & expectabunt hoc loco, & suo iure poscent, nulla affert. Nisi, quæ de Cornelii libris, de latinis historicis, & de studio, quod Cicero in historia patriæ scribenda posuerit, huc referenda sunt. Quibus minime contenti, plura desideramus. Vellemus enim ita in his fragmentis exponendis versatus esset Heusingerus, ut nuper in Horatiana in Lucilii defensores Satyra, i. e. examinasset singula verba diligenter & accurate, ad Criticæ regulas exegisset, eaque & Latina, & Cornelio digna esse, demonstrasset. Quæ igitur ille omisit, nos agamus. Primum de toto orationis habitu, etsi ex paucis versibus vix iudicari potest, non dubitamus tamen fore, ut, si quis unam atque alteram vitam a Cornelio scriptam legat, deinde hæc fragmenta recitet, sonum, nescio quomodo longe diversum, & quasi peregrinum & barbarum in auribus sentiat. Verum hoc sentiri magis, quam verbis explicari potest. Faciant*

ciant igitur periculum, qui teretes & doctas aures habent. Deinde vero ex ipsa dictione nihil Cornelio, nihil Roma dignum spirare nobis videtur. Quem non offendet repetitio illa verborum *unus & rudis*, nimis angusto spatio facta? Non ignoramus quidem, in optimis scriptoribus eiusmodi negligentiam & inveniri, & laudari quoque a peritis harum rerum iudicibus, ut in pulcherrimo loco *Odyss.* T. v. 204. in nobili *Ciceronis* epistola ad Luceium (L. V. ep. 12.) & in *Livio* passim, ubi videndus Gronovius, & consulendus Cel. *D'orvillus* ad Chariton. p. 307. Sed & horum longe plerumque alia ratio est, & in Cornelio, si recte meminimus, nullum eiusmodi exemplum nobis occurrit. Quid vero est, cur Nepotem in his paucis versibus a prisca dicendi ratione declinasse, nec suo more locutum esse dicamus? Quam parum illa, *qui potuerit & etiam debuerit*: adhuc non modo non: nec rursus cuiquam, aurea ætate digna! Quam dura ommissio verbi *esse* in hoc: *omnino rude atque inchoatum Ciceronis morte relictum*! Hoc vero insolentissimum, *historiam digna voce pronuntiare*, quis Cornelio tribuere audeat? Quam male positum verbum *Latinam*: *philosophiam ante eum incomtam Latinam* —. Sapiatne deinde, *philosophiam latinam incomtam sua oratione conformare*, non barbarum potius hominem, quam Cornelium, elegantissimum Scriptorem? Nos profecto ne intelligimus quidem *hoc maxime perspicuum dicendi genus*. An denique *oratoriam eloquentiam perpolire*, an *ponderatiora beneficia*, an *hoc genus latinarum litterarum Graeciae respondet*, hæc an Cornelii ætatem redoleant, vehementer dubitamus. Vellemus, viri docti conferrent cum his fragmentum illud Livii de primo bello Punico, quod a *Matthæo Kluckio*, in monasterio Salemitano repertum esse dicitur, & in Actis Societatis regie Parisiensis T. V. (*histoire de l'Academie Royale des Inscriptions & des belles lettres*) exhibetur. Ibi enim, ut bene *Suchæus* (*Sonchay*) contra *Schoepflinum* demonstravit, tale dicendi genus observabunt, quod huic simillimum, & ab eodem prope homine profectum esse videatur. Pudeat vero nos hæc fragmenta, nec latina, nec perspicua, nec Cornelio digna, purissimo & elegantissimo Scriptori tribuere: potius reiiciamus hunc pannum, nisi nos omnia fallunt, ab homunculo otio nimio affluenti, purpuræ Cornelianæ asutum. Sed illud quoque addendum est, *Heusingerum*, pro sua conformavit orationem, quod erat in codice, rescripsisse sua conformaverit oratione:

& pro *locuplex locuples* posuisse. Ceterum fatemur, acute suspicari *Heusingerum*, Cornelium fortasse, Ciceronianorum carminum mentione facta, quam parum feliciter ei hoc studium successerit, commemorare, & deinde addidisse, *locuples ac divina natura*. Sed de rota re, quid sentiamus, iam diximus. Est præterea in eadem membrana, sed recentiore manu, sub finem seculi decimi tertii, aut ineunte decimo quarto, *Alberti, Abbatis Stadenfis, Troilus* scriptus. In quo bellum Troianum, carmine elegiaco, &, ut tunc erant tempora, probabiliter scripto, enarratur. Ut gustum aliquem habeant lectores, poematis huius adscribemus versiculos aliquot, qui in fine carminis leguntur:

*Abbatem nostri Tirricum, cui dedit olim  
Ecclesiae dictae virgo patrocinium,  
Cui virtus animum decorat, facundia linguam,  
Dapsilitate nitet, utilitate viret.  
Ille suos quondam non ultimus inter amicos,  
Ante virum talem qui tulit eius onus.  
Edidit hunc sexto finitum mense libellum,  
Cui tamen hoc tempus syncopa multa scidit.  
Correxerit pigritans. Labor hic, quam scribere, maior.  
At corrector ait, sint tua, si qua valent.  
Nulla poetarum posuit fragmenta, Daretis  
Historiam soliti scribere vera, tenens. —*

Alter codex Guelpherbytanus in membranis octuplicatis, sed forma paulum maiore, scriptus est. In eius priori parte *Valerii Maximi dictorum factorumque memorabilium* libri octo exhibentur. Temeraria enim hominis audacia, pristino librorum & capitum ordine neglecto, multis omissis, multis aliter dispositis, novem Valerii libros valde & confudit & breviavit. Huius codicis inspectionem ad refellendam illorum sententiam valere *Heusingerus* existimat, qui Valerii libros, quos nunc in manibus habemus, ex maiori opere in epitomen a Nepotiano redactos esse suspicentur. Altera codicis pars non solum Cornelii vitas Catonis, Attici, & imperatorum, sed monumenta quoque Corneliae, matris Gracchorum, quæ ex epistola Corneliae, ex libro Nepotis de latinis historicis excerpta, in codice hoc dicuntur, & notum Probi Carmen, mutatis paucis, exhibet. *Heusingero* ætatem quingentorum circiter annorum habere videtur, & emendate scriptus est. Habet etiam varias emendationes, ex bonis exemplaribus excerptas, & ab homine docto, eodem, quo reliqua, seculo adscriptas.

De editione Cornelii, quæ cum præfatione *Petri Comperi*, sine mentione anni, urbis, & typographi, in chartis octuplicatis prodiit, varia afferuntur, quæ *Maittarius* & *Anton. Saxius* vel omisere, vel non dixerunt satis diligenter.



# NOVA ACTA ERUDITORUM,

*publicata Lipsiæ*

*Calendis Martii Anno MDCCLIX.*

*Pars I.*

C. A. HEUMANNI

E M E N D A T I O N E S

OPERUM TERTULLIANI.

**I**nter libros veterum Ecclesiæ Scriptorum, quos eruditissimi Lutetiæ Benedictini ediderunt, nondum est *Tertullianus*. Polliciti quidem sunt eius editionem in *Journal des Scavans* T. 82. p. 34. sq. duo Benedictini Parisienses, *Mallinghevius* ac *Duretus*. Sed non steterunt promisso. Ac sane timide aggrediendus hic labor est. Singularem stylum habet hic Afer: quem multa lectione cognitum habere debet, qui eius libros emendandos suscipit. Stylus Tertulliani non est *ter Tullianus*, sed quam minime Tullianus.

Sæpe, ac, ni fallor, decies perlegi *Tertulliani* opera, eo fine, ut eius stylum perdiscerem, ac deinde scripta ipsius emendare, ac simul multa eius loca obscuriora interpretari possem. Hac occasione observavi vocabula, alio a *Tertulliano*, quam ab aliis Scriptoribus, sensu usurpata. En nonnulla!

*conditio* pro *creatio* vel *creatura*, p. 73. 268. 276. 292.

332. bis 341. bis 358.

*conditor* pro *creator*, p. 341.

*proinde* pro *deinde*, p. 86. 321. 419. 485.

*si* pro *an*, p. 159. 333. 343.

*cæterum* pro *alias*, p. 173. 386. 454.

N

tin-

*tinguere* pro *baptizare*, p. 178.

*deformare* pro *formare*, p. 13.

*confusio* pro *pudor*, p. 250.

*parere* pro *apparere*, p. 267.

*quanti* pro *quot*, p. 283.

*tanti, quanti* pro *tot, quot*, p. 286. 367. 384. 418. 479.

*nedum* pro *vel potius*, 69.

*magis* pro *potius*, p. 325.

*quid* pro *cur*, p. 416.

Paginae a me indicantur editionis optimæ *Operum Tertulliani*, quam Lutetiæ 1664. edidit *Philippus Priorius*.

Iam aliis in libris multa emendavi Tertulliani loca, quæ hic non apponam. Possunt ea illis in libris legi. Quæ secuto tempore ibi adscripsi, hic exhibeo. Errata etiam typographica hic corrigo.

In *Actis Eruditorum anni 1715*. p. 299. sqq. emendavi *Tertulliani librum de praescriptionibus adversus haereticos*. Linea 3. lege: *Omnino autem maximum*. P. 302. ad lineam 3. adde: Vid. Laurembergii *Antiquarius* v. *abiugat*, & v. *de iugare*.

Continuavi has emendationes in *Actorum Erud. Supplementorum* Tomo sexto, p. 196. sqq. Ad p. 197. cap. XLIV. adscribe: Tamen Cicero *Offic. lib. II. cap. 18. extremo: qui in villam suam devertisset*. Ad paginae 198. lineam ultimam adscribe: Vocabulum *mirionis* olim in usu fuisse, ex Varro-ne Laurembergius docet in suo *Antiquario*. Sic *Mitio a mitis* apud Terentium in *Adelphis*. P. 203. linea antepenultima lege *licuerit*.

In *Poeciles* meæ Tomo primo, p. 25. sqq. emendo *Tertulliani Apologeticum*, & in eiusdem Tomi p. 195. sqq. P. 197. lin. penult. adscribe: *Recte noxae*. Vid. Curtius X. 4. 3. Ac duo Tertulliani codices MSS. habent *noxæ*. P. 200. lin. 12. post *conscios* adscribe: imo cum in *lib. I. ad Nationes cap. 2.* clare & indubie legatur: *socios consciosque*. In eadem pagina lin. 15. post *iungunt*, adscribe: & illud Curtii VI. 9. 17: *Hic Amyntas, qui capiti meo impias comparavit infidias,*  
*socium*

*socium se & conscium adiunxit.* Cicero in Oratione pro M. Coelio, cap. 23: *quo socio? quo conscio?* In eadem pagina lin. 19. lege: *Curtius VI. 10. 20.* P. 203. lin. 14. *fortitur.* Vid. Cuiacius *Observationum* lib. XIX. cap. XI. P. 207. ad lineam ultimam adscribe: Vid. Cuiacius *Obs.* lib. XIV. cap. 34. Aliter, quam ego, correxit hunc locum Cuiacius. Sed credo, meam correctionem prælatum iri. P. 209. l. 19. lege *Actor. XIII. 45.*

In *Miscellaneorum Groningæ* Tomo secundo, Groningæ 1739. edito, p. 470. sqq. exstant meæ *Observationes criticae ad Tertulliani Apologeticum.* P. 472. ad lin. 8. adscribe: Ac in Ovidi quoque lib. 1. *de arte am. v. 112. ludius* rescribendum puto pro *Lydius.* P. 473. lin. 6. lege *credet.* P. 478. ad lin. 14. adscribe: Inprimis huc pertinet ille Ovidii locus, lib. 1. *de rem. am. v. 20.* ubi Deum amoris ita alloquitur. Similis est locus eiusdem, vel potius Pedonis Albinovani, in carmine *ad Liviam de morte Drusi*, v. 190. ubi dii Romani dicuntur pudore affecti latere & nolle adspici, scilicet *invidiæ, quam meruere, metu,* hoc est, facile credentes, se exosos esse Romanis ideo, quod iis eripi sint passi Drusum, Liviæ filium. P. 481. sqq. exhibeo emendationes *primi capituli libri Tertulliani adversus Valentinianos.*

Petrus Molinæus in libro *de peregrinationibus religiosis*, cap. 5. recte in Tertulliani *de præscript.* cap. 44. pro *debiles* (id est, claudos,) *reformasse,* rescribit *debiles refirmasse.*

*Emendationes meae reliquæ operum TERTULLIANI,  
editionis Priorii.*

P. 41. lin. 44. legendum: *cum tam horrenda tamque monstruosa de nobis deferantur.*

P. 42. lin. 23. lege *Chrestiani.*

P. 45. cap. VIII. lin. 6. scribe: *sed de suo prominentes.*

P. 46. lin. 32. pro *loca oppida* lege *tota oppida.*

P. 48. lin. 15. lege *supervacua esui.*

P. 53. lin. 1. lege: *Quonam igitur usque.* Sic p. 60. lin. 36: *Quonam usque.*

Pag. 53. lin. 2. legendum *inter vos*.

P. 59. lin. 32. pro *in ius*, Freinshemius ad Curtii VIII. 6. 16. recte rescribit *furis*.

P. 60. lin. 43. lege: *nam quasi oblitos agitis*. Sic supra p. 11. lin. 15: *certe enim oblitos agitis*.

P. 61. lin. 30. pro *ut si alii vocant*, lege *ut Salii vocant*. Sic *Apolog.* cap. 10.

P. 61. lin. 41. pro *quod et lege quo et*.

P. 61. lin. 44. lege: *Dei veri vera vates*. Ita corrigendum e fragmento, quod *Apologetico* subiectum est, p. 443. editionis Havercampianæ.

P. 63. lin. 26. lege *meruisse*.

P. 69. lin. 24. *a Deo consecutum est*. Dele *est*. Lin. 33. lege *agamus*.

P. 70. lin. 22. *haec vexatio*, id est, hic morbus tuus, — — *interpellatio sanguinis*, id est, hæmoptysis. Lin. 36. *Thysdri*. Est urbs Africae. Lin. 32. lege *satisfaceret*. Tò *tumultuosum* emendat alius.

P. 71. lin. 6. & 7. pro *Torpacion* scribendum esse *Torpeion*, & *Evodi* pro *Evhodiae*, docet Sam. Basnagius *Annal.* ad a. 193. §. 22. p. 201.

P. 75. lin. 5. pro *ludos* lege *ludios*.

P. 85. in libro *de idololatria* cap. 3. lege: *suo quodque nomine*.

P. 106. lin. 8. lege: *Si sic & tu coronaris, licitum est*.

P. 108. lin. 27. *an cadaveribus lamnis ornatur*. Iacobus Durantius Casellius *Var lect.* lib. I. cap. 19. p. 220. editionis Gräterianæ, ita emendat: *atque adoreis & lemniscis inauratur*.

P. 112. lin. 17: *temporalitas vestit*. Hæc verba Vossius interpretatur lib. III. *de vitiis sermonis* cap. 52. p. 621.

P. 113. lin. 12. pro *aliud idem* lege *alius & idem*. Lin. 27. lege *regnarit*.

P. 114. lin. 10. pro *pluma vestis* scribe *pluma vestitus*.

P. 115. lin. 2. lege: *qua illum ex Libya Anmon facit novum divum*, id est, deum. Vid. Curtius IV. 7. 25.

Pag.



- Pag. 117. lin. 13. De verbo *subverbustus* agit Reinesius in epist. 30. ad Casp. Hoffmannum p. 146.
- P. 120. lin. penult. lege: *quia caret fructu suo*.
- P. 122. lin. 18. lege: *de factis solum iudicat*.
- P. 127. lin. 10. *caris Dei adgeniculari*. Uti Priorius, ita & Binghamus hoc interpretatur, *Antiq. eccl. lib. XV. cap. 5. §. 3. p. 449*.
- P. 129. in libro *de oratione* lin. 1. lege: *et sermo rationis*; lin. 2. *utriusque*, id est, & rationis & sermonis.
- P. 130. lin. 29. lege *non cessat*. Lin. 30. pro *meminerimus* lege *meruerimus*.
- P. 131. lin. 19. lege: *ad id pertinet, ad quod*.
- P. 136. lin. 10. Reliqua huius libri, a Muratorio reperta, exhibeatur in *Journal des Savans* 1719. P. II. p. 663. sqq.
- P. 136. cap. 1. lin. 11. pro *ita vos inde*, scribo *usque vos inde*, hoc est, e carcere.
- P. 137. cap. 1. lin. 4. pro *qui pax*, scribo *quia pax*, & quidam pro *quidem*.
- P. 138. lin. 2. pro *Sic nunc carcer etiam Christianis molestus*, scribo *Sit nunc*, cætera, id est, ponamus, carcerem esse etiam Christianis molestum.
- P. 138. lin. 34. Non *exussit*, sed *exsuxit*, scripssisse Tertullianum, suspicatur Reinesius in Epistolis ad Hoffmannum & Rupertum p. 228.
- P. 139. lin. 18. pro *de affectione* lego *de affectatione*.
- P. 140. lin. 11: *qui caeci vivunt*, id est, ethnici. Lin. 22: *totius geniturae tributa*, id est, fructus agrorum.
- P. 141. lin. 11. pro *sic enim non magis*, scribo *sic etiam non magis*.
- P. 141. lin. 31. pro *subnixis* scribo *obnoxius*. *Obnoxius* dicitur de servis.
- P. 149. lin. 16: *in resurrectionem carnis & spiritus credimus*. Sic & in libro *de carne Christi* cap. 12. ait, *animam resurrecturam esse cum carne*. Etiam Polycarpus apud Eusebium

lebium *Hist. eccl.* lib. IV. cap. 15. p. 108. ait, *se credere resurrectionem animae & corporis.*

- P. 155. lin. ult. *vacat*, id est, inutile est, vel *otiosum*, ut loquitur p. 158. lin. 1.
- P. 156. lin. 1. pro *si naturaliter speciosae*, non adeo *fit occasio*, scribo *si naturaliter speciosa*, non gaudio *fit occasio*. Lin. 11. *suspectus* significat *suspicax*, uti p. 162. lin. 3. Lin. 29. pro *credite* lego *cedite*, a *cedo*, die mihi. Lin. 31. pro *Germaniae atque Galliae*, scribe *Germanae atque Gallae*.
- P. 157. lin. 27. pro *barbam acrius caedere*, Christius Noth. *Acad. Obs.* 25. p. 286. male rescribebat *barbam acrius radere*. Dixit Tertullianus *caedere barbam* ita, uti dicitur *caedere sylvam*. Barba enim est sylvæ quædam.
- P. 161. lin. 1. deleo hæc verba: *etiam tunc aurum ignis est*, & pro *transfiguntur*, *praeparantur*, *sustinentur* scribo *transfigantur*, *praeparentur*, *sustineantur*.
- P. 162. lin. 3. *suspectum*, id est, verentem. Lin. 12. pro *aut imputari lege haud imitari*. Lin. 13. *legis adimplendae*, id est, ad perfectionem perducendæ. In eadem linea *Ita* lege pro *Item*. Lin. 30. pro *atque* scribo *at*.
- P. 163. lin. 4. lege: *Praelatio enim superioris dissuasio est inferiorum*.
- P. 164. lin. 7. lege *omnia habere te*. Lin. 32. lego *qua pleæque*.
- P. 166. lin. 22. pro *loqui noluit lege loqui novit*. Lin. ult. pro *proclivium tibi cavendi ablationem faciam*, recte rescripsit Priorius: *proclivium tibi labendi ab altioribus faciam*.
- P. 167. lin. 13: *nuptias suas de ecclesia tolleret*, hoc est, divortium faceret a marito Christiano. Lin. 1. lege *est* pro *esse*.
- P. 168. lin. 20. & 21. post *prohibitum est*, & post *stuprum est*, & post *violat*, & post *commiscet*, pone signum interrogandi.
- P. 169. lin. 15. pro *credit* lege *credet*.
- P. 172. in libro de virginibus velandis lin. 1. pro *Proprium iam negotium passus meae opinionis*, scribo *Improprium iam & odium passus meae opinionis*. P. 173.

- P. 173. lin. 22. pro *eruditur* scribo *eruderatur*. Utitur hoc verbo Sidonius Apollinaris sæpius. Lin. 28. pro *usque nunc non olim* lege *usque nunc, non solum olim*. Lin. 30. *barbarias eius*. Deleo *eius*. Lin. 42. pro *diligenda lege deligenda*. Lin. 45: *quæ virgines negat, dum ostendit*, id est, qua cognoscimus, eas non esse virgines, quæ aperta facie incedunt.
- P. 174. lin. 9. pro *multoque institutorum lege auctorque malorum institutorum*. Lin. 12. pro *dedantur* lege *cedant*. Lin. 40. & 41. pro *quas non divisit, tacendo inalteravit*, scribo: *quam non divisit, tacendo in altera innuit*. Sic infra p. 177. lin. 30: *in muliere virginem intelligit*.
- P. 175. lin. 14. pro *Generalis etiam speciale*, lego *Generale subest speciale*. Lin. 24: *Hoc Genus secundi hominis a Deo factum est*. Constituit Tertullianus duas classes hominum, in quarum secunda sint feminae, in prima mares.
- P. 176. lin. ult. & p. 177. lin. 1. lege: *si ita virgines cæsum capillum decere mentitur, quemadmodum pueros promissum*.
- P. 177. lin. 17: *cum Deo assistens*, hoc est, in ecclesiastico conventu præsens.
- P. 187. lin. 16. lege *praeceptum sibi a Deo*.
- P. 189. lin. 5. scribo *trans Cyrenen habitantes*. Lin. 19. lege *potitus est* pro *potius est*.
- P. 219. lin. 12. scribit Rigaltius: *Stylus certe non absimilis videtur stylo Tertulliani*. Ego vero iudico, eum esse dissimillimum. In verbis Agobardi lin. 11. pro *a daemone se oberrante, quid esset sapientia, descendisse quaerendum apud Iudaeos*, lego: *ad homines aberrantes, & quid esset sapientia, quaerentes, descendisse apud Iudaeos*.
- P. 224. in libro *de baptismo* lin. 2. *digestum istud*, id est, liber hic. Lin. 4. *intentatam*, hoc est, non tentatam. Hoc verbum etiam infra cap. 20. lin. 24. occurrit. Male Rigaltius rescribit *In tentatum*. Lin. 10. pro *integre* scribo *integrae*, id est, sine hæresi Christianæ.

- P. 227. lin. 6. pro *Christum deformantes* scribe *crucem deformantes*, id est, *formantes*, uti supra p. 13. lin. 6.
- P. 233. in libro *adversus Hermogenem* lin. 8: *Nubit assidue*, hoc est, nuptias secundas approbat, & tertias, & plures. Vide libri *de monogamia* caput 16.
- P. 250. lin. 1. pro *quia plurimum* scribo *quia*, ut plurimi. Lin. 2: *Et disciplina non terretur*. Hæc infra cap. 30. p. 261. lin. 16. ita interpretatur: *Nulla disciplinae munia observant*. Lin. 4. pro *custodiae officium* (id est, *silentii officium*, ut paulo post explicatur,) *conscientiae officium est*, scribo *Custodiae officium conscientiae vitium est*, hoc est, qui putant, se suas doctrinas occultare debere, hoc ipso produnt, se conscios esse sibi doctrinae malæ. Potest & pro *vitium* legi *indicium*. Lin. 5. pro *Confusio* (id est, pudor,) *praedicatur, dum religio adseveratur*, scribo: *Confusio praedicatur, dum religio obscuratur*, hoc est, tacite prædicant, se erubescenda docere, qui religionem suam occultant. Lin. 6. pro *aditum prius cruciant* lego *aditurum prius cruciant*. Lin. 15. pro *caritate* lege *curiositate*. In eadem linea pro *succedere est* scribo *succidere est*. *Est* ponitur pro *licet*. Sic & infra loquitur p. 255. lin. 15. & p. 292. lin. 5. & p. 298. lin. 9. & p. 327. lin. 8. Lin. 16: *Valentiniani fecerunt*. Deleo *Valentiniani*. Lin. 17. pro *concreto vultu* scribo *contracto vultu*. Lin. 18: *Negant, quicquid agnoscunt*, hoc est, omnia negant, quæ revera sentiunt. Lin. 19. pro *fatuam simplicitatem sua caede dispergunt*, scribo *tuam simplicitatem facete dispergunt*. Lin. 22. pro *ut hoc tantum* lege *at hoc tantum*.
- P. 251. lin. 6. pro *Repuerascere nos Et apostolos*, scribo *Repuerascere nos vult apostolus*. Lin. 35. pro *de ecclesia authenticæ regulæ*, lege *de ecclesiae authentica regula*.
- P. 251. pro *Colarbaso* scribo *Colarba suo*. Ex Irenæi loco quodam vitiose scripto libri primi, & quidem cap. 10. editionis Erasmi, cap. 14. editionis Massueti, scriptores historiae ecclesiasticæ fecerunt hæreticum, *Colarbasum*. Alii *Colorbasum*, alii *Colobarsum* nominant. Irenæum scri-



scripsisse *col arba*, vel potius כָּל-אַרְבֵּעַ, clarissime demonstravi in Tomo primo *der Hamburgischen vermischten Bibliothek*, p. 152. sqq.

P. 251. lin. 42. pro *qui per Valentinum*, scribo *quia per Valentinum*.

P. 252. lin. 14. pro *virginis senectae & Christianae eloquentiae dignitas*, scribo *virginali senecta & Christiana eloquentia dignatus*. *Dignatus* passive. Lin. 19. pro *calido suffundat*, scribo *caligo suffundat*. Lin. 27. pro *non erit delibatione transfundatoria*, lego *non erit velitatio transfundatoria*, id est, perfundatoria. Verbum *expugnatio* deleo. Lin. 31. pro *ne risus eius rideatur*, scribo *ne risus ullus rideatur*. Lin. 37. pro *sunt forma* scribo *sunt formam*.

P. 253. lin. penult. lege *numerorum* pro *humerorum*.

P. 256. lin. 5. Quid sit *Nestoris cocetum*, docet Casaubonus in notis ad caput quartum *Theophrasti Characterum*, non longe ab initio.

P. 257. lin. penult. *subavit*. Recte. Male pro vitioso habet Priorius.

P. 258. lin. 34. *dicibulorum*, id est, dieteriorum.

P. 165. lin. 9. pro *quod a Deo habeat*, scribo *quod a Deo habet*.

P. 266. lin. 12: *totum est*, id est, sufficit. Sic supra p. 85. in libro *de idololatria* lin. 1. *tota causa*, id est, causa sufficiens.

P. 267. lin. 37. *parent*, hoc est, apparent. De hoc usu verbi *parere* vide Parei *Lexicon criticum*.

P. 275. lin. 29: *animam enim non opinari*. Deleo non.

P. 280. lin. 19. pro *Saturnius* scribendum *Saturninus*, vel *Saturnilus*. Lin. 33. pro *circumgelaverint* male rescribit *circumcaelaverint* Thirlbius, in notis ad Iustini Martyris *Dialogum cum Tryphone*, p. 270.

P. 281. lin. 1. pro *non cedam* scribo *non concedam*.

*Analysis mea Libri de praecriptionibus, accuratior  
Pameliana.*

**Cap. I.** docet, non esse mirandum, esse hæreses. Cum enim prænuntiatae sint, non posse non eas esse.

**Cap. II.** Abominandas eas esse & præcavendas, quia mortem afferant æternam. Nihil virium eas habere ex veritate, sed ex eo, quod quidam in fide infirmi sint.

**Cap. III.** Neque offendi nos oportere, si Episcopus, si Diaconus, si vidua, si virgo, si doctor, si etiam martyr, lapsus a regula fuerit: quia 1. ex persona non probatur fides, sed persona ex fide, 2. interdum aliquis extrinsecus videtur vir magnus, qui in oculis Dei non est verus Christianus, 3. etiam a Christo & Apostolis quidam defecerunt.

**Cap. IV.** Quin potius memores simus sacrarum literarum, quæ, futuras esse hæreses, prænuntiarunt, & fugiendas esse, præfinierunt.

**Cap. V.** ex dicto Pauli 1 Cor. XI. 18. 19. probat, hæreses esse malas.

**Cap. VI.** pergit probare verbis Pauli, hæreses esse malas, adeoque fugiendas.

**Cap. VII.** Idem probat inde, quod hæreses ortæ sint ex philosophia, a qua cavere iubeat Paulus.

**Cap. VIII.** Nihil ob stare illud: *Quærite, & invenietis*: nam dictum id esse ad Iudæos, nondum agnoscentes Christum.

**Cap. IX. & X.** Licet concedatur, illud: *Quærite, & invenietis*, ad omnes pertinere, tamen definendum est quærere, postquam veritatem sive veram religionem iam invenimus.

**Cap. XI.** Qui enim quærît veram religionem, eam aut non habet, aut perdidit.

**Cap. XII.** Si tamen adhuc quærendum est, non apud hæreticos est quærendum, ad quos vetamur accedere, sed apud nostros: & quidem illud duntaxat, quod non exstat in *Symbolo fidei*.

*Cap.*

*Cap. XIII.* *Regula* enim seu *Symbolum fidei*, quod hoc loco recitatur, ea continet, quæ iam credimus, quæque adeo in disputationem vocanda non sunt.

*Cap. XIV.* Dubitare licet de iis, & veritatem quærere in iis, quæ non exstant in *Symbolo fidei*. Hæretici vero, qui, & in his quærendum esse, dicunt, non sunt Christiani. Qui enim quærit, nondum habet id, quod quærit.

*Cap. XV.* Iam ad propositum veniens Tertullianus, præscribit, non esse admittendos hæreticos ad illam ex Scripturis disputationem.

*Cap. XVI.* Primum, quod Paulus Apostolus disputationes cum hæreticis diserte prohibet.

*Cap. XVII.* Deinde, quod nihil proficit disputatio ex Scripturis instituta, cum hæretici libros quosdam non recipiant: &, quos recipiunt, adiectionibus ac detractionibus corrumpant: &, quos non corrumpunt, sed integros servant, prava interpretatione pervertant.

*Cap. XVIII.* Etiam propterea nihil proficitur tali disputatione, quod & hæretici nobis obiciunt corruptiones, & *ψευδεργαλείας* sacræ Scripturæ.

*Cap. XIX.* Illud itaque solum disputandum, quinam habeant veram religionem, & veram Scripturam. Hinc enim elucebit, orthodoxos habere veram Scripturam, eamque recte interpretari.

*Cap. XX.* Illa est vera religio, quam Christus instituit, & Apostoli propagarunt: & illa est vera Ecclesia, quæ est Apostolica.

*Cap. XXI.* Illa vero Ecclesia est Apostolica, quæ condita est ab Apostolis. Ergo quicquid tales Ecclesiæ docent, id verbum Dei est: diversæ autem doctrinæ sunt falsæ.

*Cap. XXII.* Apostolos omnia & scivisse & tradidisse, ex ratione & ex Scriptura sacra demonstratur.

*Cap. XXIII.* Respondet ad obiectionem hæreticorum, ex eo, quod Petrus reprehensus sit a Paulo, probantium, Petrum quædam ignorasse.

*Cap. XXIV.* Continuat illam responsionem, simul refutans

hæreticos, ex Pauli in tertium coelum raptu probantes, Paulum cæteris Apostolis fuisse doctiorem.

*Cap. XXV. & XXVI.* Probat, Apostolos omnia omnibus tradidisse, nihilque secretum habuisse.

*Cap. XXVII.* Respondet hæreticis, obiicientibus, ecclesias & religionem, licet optime ab Apostolis institutam, depravari postea potuisse, & erroribus contaminari.

*Cap. XXVIII.* Argumentatur contra eosdem ab absurdo consequenti, quod scilicet fieri non possit, ut omnes ecclesiæ in eosdem incidant errores: adeoque hinc concludit, ex ecclesiarum in doctrinis consensu apparere, eas adhuc tenere doctrinas primitus traditas.

*Cap. XXIX.* Hæreticos in errore versari, inde probat, quod eorum doctrinæ doctrinis Ecclesiæ sunt posteriores.

*Cap. XXX.* Marcionem enim & Valentinum, hæresiarchas, esse omnino posteriores doctoribus Ecclesiæ. Porro hæresiarchas nullis miraculis probare posse, se novos esse Apostolos.

*Cap. XXXI.* probat e sacra Scriptura, quod a posterioritate doctrinæ liceat argumentari ad eius falsitatem.

*Cap. XXXII.* provocat hæreticos, ut probent ex ordine Episcoporum suorum, se originem ab Apostolis trahere. Addit: Si vel maxime id confingerent, id tamen nihil ipsis prodesse, quia doctrinas foveant Apostolorum doctrinis contrarias.

*Cap. XXXIII.* ostendit, dogmata quædam hæreticorum iam diserte damnatas legi in codice sacro.

*Cap. XXXIV.* pergit, hæreses, ab Apostolis non notatas, ex hoc ipso cognosci esse posteriores, adeoque doctrinas falsas.

*Cap. XXXV.* docet, nullam dictarum præscriptionum competere adversus nostram disciplinam, sed nostras doctrinas esse primas vetustate, & Apostolis consentaneas.

*Cap. XXXVI.* probat, Ecclesias orthodoxas originem habere ab Apostolis ipsis, adeoque veram tradere religionem.

*Cap. XXXVII.* probat, hæreticos non esse Christianos, adeo-



adeoque non esse admittendos ad disputationem e Scriptura instituendam.

Cap. XXXVIII. docet, nos integram habere Scripturam: hæreticos eam corrumpere vel detractiōe, vel falsa interpretatione;

Cap. XXXIX. in eo comparandos illis, qui Virgiliocentonas & Homerocentonas composuerint.

Cap. XL. docet, fieri hæc ab hæreticis instinctu Diaboli, qui & in ethnicorum religionibus & in hæresibus æmuletur Ecclesiam Dei.

Cap. XLI. Hæreticos falsam habere Ecclesiam, etiam ex eo probat, quod apud ipsos nulla vigeat disciplina ecclesiastica, nullus ordo.

Cap. XLII. Idem ex eo probat, quod negotium illis sit, non ethnicos convertendi, sed nostros pervertendi: nec suis præsidibus reverentiam præstent: & in doctrinis inter se ipsos varient, nec certas ecclesias habeant:

Cap. XLIII. item ex eo, quod commercia cum magis, circulatoribus, astrologis, & philosophis habeant, nec ulla sit inter eos disciplina.

Cap. XLIV. Si his præscriptionibus non moveantur hæretici, ad futurum iudicium eos provocat, ubi sua quisque fidei sit redditurus rationem.

Cap. XLV. Conclusio.

**IOHANNIS CHRISTIANI DANIELIS SCHREBERI**  
*Lithographia Halensis, exhibens Lapides circa Halam Saxonum reperiundos, systematice digestos secundum Classes & Ordines, Genera & Species, cum Synonymis selectis, & descriptionibus Specierum. Praefatus est IOH. IOACH. LANGIUS, Math. P. P. O. Acad. Imp. Nat. Cur. & Reg. Boruss. Scient. Collega; cum figuris aeneis.*

Hala 1759. impress. Ioh. Iac. Curt, pl. 6. chart. octuplicat.

Sequitur Auctor in enarrandis describendisque, qui in regione Halensi reperti sunt, lapidibus, ordinem, quem Ill. Linnaeus in *Systemate Naturae* proposuit. Præmonuit primum quædam de instituti sui ratione, de iis, qui de lapidibus Halensibus scripsere, ut Val. Cordo, Carolo Schæffero, Buttnero, Langio, aliis; de finibus, quibus Lithographia hæc contineatur; deinde omnem rem in tria capita descripsit. quorum primum de *Petris*, alterum de *Mineis*, tertium de *Fossilibus* exponit. Lapidem, quorum mentionem facit, præter paucos, se oculis vidisse & tractasse manibus testatur, neque eorum solum naturam, colorem, pondus & figuram commemorat, sed Synonyma quoque addit, auctores, qui copiosius de re scripserint, laudat, loca, in quibus reperiatur hic vel ille lapis, indicat, & quibus usibus plurimi inserviant lapides, paucis attingit. Memorabilia præ cæteris nobis visa sunt hæc, p. 44. Mentionem facit Auctor silicis in quo cornu ammonis tribus flexibus conspicitur. P. 52. ubi de Ichthyolitho exponitur, in museo cel. Dn. Prof. Langii, ait, est piscis malacopterygius, marmoris albido subfissili immersus, ad dimidium corporis diffractus. Pinnae dorsales nullae, ventrales hic tres conspicuae, 1. ad caput non in eodem plano cum corpore, sed ad latus flexa, 2. & 3. ad duas tertias partes longitudinis corporis, ambae ad latus flexae. Corporis pars tecta squamis rhombeo-ovatis, laevibus, fuscis, quibus inhaerent nonnullae bracteae nigrae, laeves, splendentes. Caput non discernendum, præter vestigium aliquod branchiae. Latitudo maxima ultra  $1\frac{1}{4}$  poll. Lapis alias albido cinereus, ubi corpus replet, gaudet colore griseo lutescente. P. 54. enarratur mirabilis petrefactio maxillæ, quae substantiae est osseae, fusca, in superficie striata; ramus alter secundum totam longitudinem, quae est ultra 5. poll. rhen. patet. fissuras habet multas marmore repletas. Dentes 14. conspicui sunt — omnes medio diffracti, intus materia lutea repleti. — Matrix est marmor, conchyliis repletum Ophusium. Accedit etiam disputatiuncula de *Creta terrestri Testaceorum*. Est enim ad viam, quæ Hala Islebiam ducit, piscina quædam, aggere mediocri inclusa, qui ter-

terram calcariam ex testis zoophytorum comminutis ortam in sinu sovet. Hæc vero terra, levissima, & quæ aquæ innatat, particulis farinaceo-acerosis non cohærentibus impalpabilibus albis, inquinantibus constat. Amplo si vitro hanc terram iniicias, & aliquot guttas aquæfortis vulgaris instilles, subito aqua effervet, grandes bullæ nascuntur, & orificium vitri superant. Hæ sunt tenaces, & pastam unguinosam habent residuam. Iniicias alterum tantum aquæ puræ, quantum iniecisti fortis, solutionem videbis flavam, pellucidam, amaram, & in fundo sabulum exigua copia. Vitrum si causticum Tschirnhusianum admoveas, nihil efficies. Calcinata fit terra, & copiosum fumum empyreumatici odoris efflat. Hæc terra, lente visa, particulas subpellucas, diffformes, ex testaceis diffractis ortas sistit. Neque tamen divinabit quisquam, quomodo sint testacea & comminuta, & huc delata. Testacea, quæ integra terra condit, sunt *cochleæ lacustres* plurimæ, *tubuli dentaliformes*, mirabili structura & singulari compositi, & quos Ill. *Roselius de Rosenhof* pro phryganearum domiciliis, Auctor vero pro zoophyti alicuius testa habet, *tubuli simplices*, cavi, recti aut incurvi, longitudinaliter coadunati, modo petiolati, modo apice conniventes, & denique *corpuscula minima ovi figuram referentia, oblique striata*. Hæc hæctenus. In præfatione Cel. *Langius* de differentia inter Lithographiam & Oryctographiam, de scriptoribus quibusdam, hanc rem qui illustraverint, & de novis verbis & terminis non male ab Auctore adhibitis, quædam disserit.

OBSERVATIONS SUR LES ANTIQUITES D'HERCULANUM, avec quelques Reflexions sur la Peinture & la Sculpture des Anciens; & une courte description de plusieurs Antiquités des environs de Naples.

i. e.

ANTIQUA HERCULANEI MONUMENTA, Litteris lineisque ex aere ductis descripta, cum Observationi-

*tionibus de veterum Pictura & Sculptura nonnullis; & brevis Antiquitatum, quae in Neapolis confinio reperiuntur, Descriptio. Auctoribus COCHINO & BELLICARDO. Editio altera, apud Iombertum, typographum & librarium Regis. 1755. plag. 15. Octonis.*

*Tabulae insunt lineis pictae omnino XL.*

**T**reviri huic, faustum omen, conficiendo exstiteret libro; *Cochinus* nempe, qui de tabulis pictis ac sculpturae monumentis, Herculanei sunt reperta, utiliter egit, quod sit satis, si modo item modeste: *Bellicardo* autem debetur, quicquid de aedificiorum reliquiis exponitur in hoc opusculo: superest tertius, nomine ignotus, qui Herculanei historiam contexuit brevem. Nos more utemur nostro, Lector, & secundum ordinem libri enarrabimus argumenta paucis, simul iudicium de scriptorum opera edemus, hoc certius, quod Antiquitates Herculaneses, quas Neapolis Rex inclutus erudito orbi proposuit, ipsi vidimus, pulchre delineatas & descriptas.

Contigit bona sane fortuna *Cochino* & *Bellicardo*, ut comites in Italiam essent itineris Domino de *Marigny*; illustri hic genere natus, regique Gallorum a consiliis est. Optandum esset omnino, ut principes viri atque beati vellent *Marigini* modo laudati exemplum sequi, eligerentque sibi, si comparandi elegantiam usumque rerum artiumque bonarum causa instituerent iter, in Italiam praecipue, ubi docta, ex antiquo aëvo quæ supersunt, monumenta, vere domicilium habent, eligerent, inquam, eos comites, qui lineis pingere scirent, atque essent architecturae periti, ut vere de istis prædicari potest duumviris. Id modo crimini dari potest *Cochino*, quod non satis æquus earum rerum exstiterit iudex, quibus exteri iure gloriari possunt, quemadmodum infra docebimus pluribus.

Brevis ista Herculanei oppidi historia primam omnis libri partem occupat, si exceperis litteras, quibus *Cochinus* &



& Bellicardus opus suum Marigino, illustri genere nato, dedicaverint, atque id genus alia, quæ ad rem primariam pertineant minus. Inibi narratur primo, qua occasione inventa sint rudera oppidi misere olim cineribus atque igneo flumine, ex Vesuvio monte erumpunt, obruti, diuque quasi sepulti. Deinde quomodo de nomine inventi oppidi certaverunt eruditi; alii Pompeii nomen oppido fuisse; Retinæ putant alii: sed errant utraque pars; illud enim ad Sarni ripam erat situm; Retinæ vero nomen a *Plinio* minore villæ tantum tribuitur. Tum de diversis eiusdem oppidi agitur nominibus, quæ varie ab utriusque linguæ scriptoribus feruntur. Latinorum enim Herculaneum alii; pars Herculanum; plurimi Herculaneum, & quidem semper penultima longa, appellant: a poetis Herculeia dicitur urbs, sive Salinæ Herculeæ. Græci autem scribunt nomen eius Heracleion, Heraclanon & Herculaneion.

Herculaneum vero oppidum, quod ad originem eius attinget, inter antiquissima Italiæ referri potest, atque, ut fabula est, *Dionysio* quidem *Halicarnasseo* auctore, Herculi debet originem. Fabulam dices falsam? per nos licet: sed ne propterea accuses Nostrum, quisquis est, quod *Dionysii* sententiam adduxerit; causa & ratione id fecisse puta, reddet tibi, si legas. Quæ tandem in scriptoribus Græcis ac Latinis de Herculaneo invenit monumenta, collegit, ediditque iste ignotus: sed ea enarrare pro nostro instituto nimis esset longum.

Ad librum *Cochini* & *Bellicardi* ipsum convertimur, qui est tributus in Sectiones tres, quarum prima & ultima ex *Bellicardi*, Architecti Aeademiarum, quæ Florentiæ ac Bononiæ habentur, observatione provenerunt; secundam autem *Cochinus*, qui a Gallorum Rege ad pingendas aerique incidendas lineas alitur, operi addidit. Nos argumenta, secundum tabulas lineis ex ære ductis enarrabimus pictas.

Prima tabula Vesuvii montis descriptio datur, *Cochini* filius lineam duxit, quam *Gallimardus* cælo expressit in ære. Diligenter satis facta sunt omnia, multoque labore; diffi-

lem tamen cognosces manum, ut igitur gratia & venustas desiderari videantur. Quæ Bellicardus de Vesuvio mandavit litteris, nihil habent præcipui, præter quam quod anni a. C. n. *CCIDCCCXLIX.* & insequentis historiam continent montis.

Secunda tabula Theatrum, Herculanei quod erat, exhibet, lacerum ac corruptum; neque alia eius facies pictura exprimi potuit, si vera spectare velis, quoniam illud per partes, diversisque temporibus, effossum est; ut prætereamus, quod vetustate, ac montis Vesuvii rabie, magnum damnum fecerit. Sed dolendum est sane, quod istud theatrum non integrum adhuc existat; ex ornatus enim cultusque reliquiis, in marmoribus consistunt pulcerrimis, statuis, columnis, picturis, & quæ id genus sunt alia, splendidissimum fuisse, magnique sumtus ædificium, intelligi potest.

Quæ de Marcelli theatro, quod sub Augusto conditum est, adhuc superant Romæ, tertia ostenduntur tabula. Rudera eius tot fere habent admiratores, quot spectare contigerit ea.

Quarta exhibetur tabula theatri, Olympicum vocatur, area, quod Vincentiæ a Palladio, architecto celebri, ad imitationem veterum ædificatum est. In eo differt tamen ab antiquis, quod istud tecto instructum est, quo illis opus non fuit; nec forma convenit: Palladii enim theatrum dimidiati circuli oblongi habet formam, antiquorum contra absoluti rotundi.

Tabula quinta ædificii alicuius, ut apparet, publici, quod fori speciem præbet, cum duobus templis continuis lineis ex aere ductis area fertur. De nomine non conveniunt eius rei intelligentes; alii chalcidicam veluti *χαλκιδίκην*, quod ibi de re monetaria cognosceretur, dicunt; forum alii.

Quæ tabula sexta, reliquisque, usque ad decimam quartam picturæ lineares continentur, hic indicabimus una: iis nempe exhibentur sepulcra cum urnis, pavimentorum partes, quæ strata erant tabulis marmoreis varii generis atque colo-

coloris, supellestilis tandem antiquæ copia, cuius inprimis fuit usus in sacris faciendis. Sic omnis prima pars libri, quam Bellicardus symbolam dedit, absolvitur. Hic quidem, quantum intelligere potuimus, satis æquus harum rerum existit præco, neque malevolentia aut invidia corruptus vitio, ad hos commentarios condendos accessisse videtur. Atque erat hoc tali viro, tam præclaro artifice, omnino dignum; quod in vulgus notum est, recentiorum opera, imitando veteres, qui summa diligentia præverint, atque adeo despiciendi non sint, summam laudem mereri.

At iste alter, quam velimus eandem ut inierit viam, neque male adfectus pessimo invidia morbo, quæ vestigia picturæ veterum Herculanei cineribus sepulta, atque litterarum artiumque bono magno ac vere regio conatu sumtuque quæsitæ sunt, hæc fere spreverit omnia, contemferit, ac flocci nihilque præ hodieque adeo tabulis pictis fecerit. Dabimus id quidem facile, neque Romani ipsi, quamvis magnifice de suis sentiebant, id confiteri erubescerent, Græcos pinxisse doctius. Sed, inquires, *Horatius* (Lib. II. ep. 1. v. 32.) adfirmavit contra, se suosque, arte pingendi, aliisque artibus, superare omnino Græcos. Minime. Falleris: tam impudentem, tamque duro fronte Horatium noli existimare. Eius sententia, si quidem ceperimus veram, longe est alia: absurdissimam nempe futuram esse opinionem suorum, si palinam in his artibus se præripuisse putarent Græcis, hoc potius innuit verbis, quæ scribemus infra:

*Nil intra est oleam, nil extra est in nuce duri:*

*Venimus ad summum fortunæ; pingimus atque*

*Psallimus, Et luctamur Achivis doctius unctis.*

Sed recte hic potest queri, quare apud Romanos pictura non in tantum procellerit fastigium, in quo apud Græcos eam fuisse comperimus. Fortassis illi caruerunt elegantia spectandi diiudicandique picturas? Id quidem non adfirmaverimus: sed culpam potius habuisse putamus, quod nullam præ se gloriam, laudem, atque honorem hac arte consecutus

fit quamvis eius peritus. *Honos alit artes: omnesque accendantur ad studia gloria; iacentque ea semper, quae apud quosque improbantur.* Testem eius rei dabimus Ciceronem, qui Tusculanarum primo: *an censemus, inquit, si Fabio, nobilissimo homini, laudi datum esset, quod pingeret, non multos etiam apud nos futuros Polycletos & Parrhasios fuisse?* Sed, bone Cicero, quantum post te immutata sunt tempora, moresque hominum atque instituta, ut speciem tantum inanem rerum, uti in ceteris rebus, ita in litteris artibusque discendis & exercendis, sectarentur; quantum a natura duce sanaque aberraverunt ratione, ut fere nulla pictura, nullaque alia ars, in omni terrarum orbe appareret, si quidem cum antiquioribus eas comparare velimus.

Verum enim vero his non amplius illudendi illas, quae nuper repertae sunt Herculanei picturas, materiam tibi subministravero, Cochine, largiorem, aut te purgandi denique. Dignae illae omnino sunt, quae suspiciantur a nobis, laudentur, & ad imitationem proponantur. Tempus quidem latet, quo factae sint: sed quid interest? nihil moramur; vestigia artis pingendi in iis apparent praeclara, argumenta docta, nec praeter rationem facta. Tu eas reprehendis tamen atque incusas: sed quare? leves admodum, libere dicam, causas affers. Formae non sunt rotundae, desideras umbram lumenque, ac colorum splendorem: sed quibus eius rei culpam dabis? Pictoribus fortassis? erras: iniuriae temporis potius, atque iniquae fortunae. Sed de hoc satis; posteaquam nuper admodum, recensendo Tomo I. Herculansensum antiquitatum, super ista re plura diximus.

Argumenta deinceps enarrabimus paucis, secundum tabulas, ut antea fecimus, lineis pictas.

Tabula itaque decima quinta Theseus refertur, Minotauri victor; decima sexta mulier magnifica forma sedens, Flora habetur, post eam Faunus organon tenens tibiis sex, ante eam Hercules; decima septima Chiron centaurus, qui Achillem cythara canere docet; duodevicesima iudicium Appii Claudii, quod putatur; undevigesima apparent mulieres



res tres dimidiatae, postilla vir in aqua usque ad pectus accedens cum lituo, iudicium Paridis habetur; vicesima, & insequenti, sacrificia ostenduntur, ea Aegyptiorum esse Noster putat; vicesima secunda & tertia minutae exhibentur tabulae varii ac diversi argumenti; vicesima quarta, & quinta, bis una eademque ostenditur statua equestris Nonnii Balbi. Sic ea quoque, quam Cochinus addidit, pars, absoluta est.

Restat igitur pars libri tertia, quae ex Bellicardi denuo profecta est observatione. In ea quidem non Herculanei quae reperta sunt monumenta exponuntur antiqua, sed in confinio Neapolis quae spectantur hodieque, item antiqua. Multi iam ea dederunt litteris ac lineis descripta, sed non tanta diligentia, quantam Bellicardus de se praedicat. Tabulae, quibus ea exhibentur, numero omnino sunt quindecim, quarum enarrandis argumentis nos supersedere possumus, quod iam alii eorum fecere copiam. Ceterum, utiliter quidem satis stilum adcommodavere uterque, sed tamen ubivis eius desideres operam, litteris qui Graecis Latinisque bene sit imbutus; amice enim veluti conspirant litterae taliaque monumenta, sibi invicem, nisi idoneo destituta sint interprete, opem ferunt. Sed haec sufficient.

CONRADI GESNERI, PHILOSOPHI ET MEDICI  
celeberrimi, *Historiae Plantarum Fasciculus, quem ex  
Bibliotheca D. CHRISTOPHORI IACOBI TREW, Sac.  
Caes. Mai. Consil. & Archiatri, Marggr. Brand. Onolz-  
bac. Consilarii & Archiatri, Reipublicae Norimbergen-  
sis Physici ordin. Senioris, Comit. Palat. S. R. I. No-  
bilis, Societ. Imper. Nat. Cur. Directoris, Societat. Regiar.  
Londinens. & Berolinens. Sodalis, edidit & illustravit  
D. CASIMIRUS CHRISTOPHORUS  
SCHMIDEL.*

Norimbergæ 1759. impensis Ioh. Michaelis Seligmanni, ty-  
pis Fleischmannianis, Alph.  $\frac{1}{2}$ . tabul. æn. 14. fol. mai.

**I**am ante aliquot annos *Schmidelius* V. Cl. edendis *Conradi Gesneri*, viri summi, reliquiis botanicis, de litteris bene mereri coepit. Atque tum quidem consilium ceperat, totum opus in Centurias distributum edendi, quod vero deinde, ob certas rationes mutavit. Hoc igitur volumen, & pulchritudine figurarum, a *Seligmanno* atque etiam ipso *Schmidello*, affabre sculptarum, vivisque coloribus pulchre exornatarum, & nitore chartarum splendidum, quinquaginta plantas exhibet. Quo in negotio ita versatur vir doctus, ut primum nomina & appellationes ponat, a *Gesnero* plantis inditas, & cum hæ, (nam, ut quodque in mentem venit, a *Gesnero* positum esse videtur,) plerumque vagæ nec accuratæ satis sint, tam priscos quam recentiores auctores consulat, &, quæ memoratu digna videantur, nomina adseribat. Sic *Penneium*, *Aretium*, *Hallerum*, *Clusium*, *Dalechampium*, *Bauhinium*, *Linnaeum*, alios complures diligenter laudat, eorumque auctoritates vel ad confirmandas, vel ad illustrandas *Gesneri* sententias adducit. In annotationibus *Gesnerus*, qui maximam fiduciam in figuris posuit, non satis diligentem curam adhibuit, brevissimisque plantas descripsit. Quare & addidit *Schmidelius*, quæ ad illustrandas icones pertinere putavit, & orationis *Gesnerianæ* partes divulsas, nec bene sæpe coherentes, continuatione quadam coniunxit. Accedunt denique eiusdem adnotationes non contemnendæ, quæ plantarum figuras describunt & illustrent. Non inincundum, opinamur, erit harum litterarum studiosis, hoc quæ volumine contineantur, cognoscere. Quare adseribemus nomina plantarum *Gesnerianæ*. 1) *Saxifraga montana*, radice squamis seu nodis denticulatis insignis, 2) *Saxifraga montana* floribus pallidis, 3) *Dentaria*, seu *Coralloides Cordi*. 4) *Coralloides triphyllos*, cognata *Saxifragæ montanæ*. 5) *Urtica mortua*, seu *Lamium Plinii*. 6) *Thymelæa minor*, vel *Daphnoides alpinum*, 7) *Daphnoides rarum*, foliis supinis hirsutis, 8) *Phacoides Oribasi* vel *Empetrum*, 9) *Daphnoides verum*, vel *Laureola* circa *Lemanum lacum*, 10) *Daphnoides vulgare*, 11) *Hepatica alba*,

alba, 12) Iuncus ramulosus, 13) Iunci genus aliud, 14) Gramen pilosum, Luciola ab Italis dicta, 16) Ischaemon aliud, 16) Iuncus idæus vel petræus, Petroschoenos, vel ἀγρόχονος, 17) Aceris genus oxyphyllum, Lynbaum, 18) Acer maior, 19) Massholder Tragi, 20) Orminum luteum, Klubbkraut, 21) Orminum verum Matthioli, 22) Horminum rarum Rauwolfii, 23) Saivia Cretica cum Gallis, 24) Salvia peregrina Rauwolfii, 25) Sanicula alpina, Wildschellkraut, 26) Sedi (alias Phylli) genus montanum, 27) Sedum aliud montanum, cuius flores albi punctis sanguineis adspersuntur, 28) Sedum seu sempervivum, sive potius Cotyledon alpinus, 29) Cotyledon alter alpinus minor, 30) Sedi aut Phylli species minima alpina, 31) Sedulum, quod Moschatella alpina lutea vocari potest, 32) Sedulis Alpinis cognata: Schoen blaue Bergblumle, 33) Herniaria petræa, 34) Nassurtiolum petræum, 35) Sedulum tertium, id est, sedum parvum ex Tafans. 36) Sedulum alpinum quartum. 37) Cotyledonis aut sedi species quædam, 38) Sedula montana pulchra, 1 Mas. 2.) Foemina, 39) Sedi minoris species in faxis montis Pilati, 40) Saxifraga alba, 41) Anonymos Matth. 152. Wolph. 42) Taxus, 43) Chamæcerasus, Bergkrieffe, 44) Chamæcerasus alpina maior, 45) Chamæceraso alpinae & Periclymeno recto cognata, 46) Periclymeni montani species, 47) Periclymenum rectum sylvestre, 48) Periclymenum alpinum nigrum, 49) Periclymenum hortense, 50) Periclymenum perfoliatum. De his omnibus non solum eleganter & copiose disputatur, sed ipsæ quoque plantæ tanto cum artificio sunt expressæ, ut illas vivere, seque tibi ad decerpendum offerre credas. Cæterum ut, quem inchoavit, laborem & iucundum & utilem, absolvat vir doctus, artis medicæ causa optabile est.

*ENCOMIA COELITUUM, DIGESTA PER SINGULOS anni dies, una cum veterum fastis, recensentibus victorias, triumphos, sacrificia, ceterasque res insignes Romanorum imprimis atque Græcorum, quibus Christianae*

*stianae religionis praeponuntur fasti. Auctore IOH. BAPTISTA MASCULO, Neapolitano, e Societate Iesu, ob raritatem & elegantiam recusa, ornata tabulis aeneis, cura & impensis AA. LL. Societatis.*

Viennæ & Augustæ Vind. P. I. 1753. P. II. P. III. 1754. P. IV. 1755. Alph. 2. fig. æn. 366.

**S**i splendori & elegantiae, quem hic liber præ se fert, reliqua, quæ bonum librum perficiunt, responderent, næ, qui illum laudibus suis defraudare vellet, iniuste ageret, nec esset ferendus. Tantum vero abest, ut, quæ a nitore chartarum, & pulchritudine imaginum habet ornamenta, servant & augeant reliqua, ut extinguant potius, certe deprimant. Quod cuivis, qui hunc librum inspiciat, & sine partium studio judicare velit, facile apparebit. Totus quidem liber ita descriptus est, ut singulis anni diebus vita sancti cuiusdam viri aut feminae, atque martyris, brevi oratione enarretur, eiusdemque laudes celebrentur. Iam cum *Masculo*, viro alias non indocto, sed qui temperare magis quam indulgere ingenio, neque argutiolis hîc captandis eruditionis gloriam aucupari debebat, illi igitur cum se non quævis materia benignam præberet, quæ nitescere posse desperavit, reliquit, & ex multis coelitis, quorum memoria eodem fastorum die coli solet, eos elegit, puerili huic & ineptæ eloquentiæ amplum qui exspatiandi exfultandique campum aperirent. In fastis, cum ex Græcis Latinisque antiquitatibus res maxime insignes paucis attinguntur, tum quæ ad Martyres & coelites pertineant, paullo copiosius exponuntur.

Iam quid sibi propositum habuerit his vitis enarrandis Masculus, nemo ignorat. Omnis vero hic labor quam frustra suscipiatur, & quantum detrimenti afferat, quam vehementer superstitionem & inspiret, & alat, dudum alii docuerunt. Age, afferamus quædam ex hoc libro, quæ non pietatis sensum inspirent animis, non ad virtutem lectores confor-



forment, sed vel Heracliteæ severitatis homini risum excutiant. Neque enim solum multa falsa & ridicula narrantur; sed ita quoque narrantur, ut, quæ mala antea, nunc pessima videantur. Totus vero hic liber ineptiis scatet, quæ a verbis, a nominibus petita sunt, & iam olim omnem veræ eloquentiæ splendorem extinxere. Sic p. 40. „Superavit Prisca veteris exempla constantiæ; — sed recens semper est eius facti gloria, ideo accepit ab antiquitate nomen, ut impios antiquaret ritus: p. 43. maluit Agnes vellere cruento esse, quam aureo: p. 50. Chrysostomi oratio perennis funditur instar fluminis, nisi quod sonanti sæpe abit in fulmina, auro suo detinebat aliorum aures: p. 84. non est dedignatus apud socios panificium facere, panifex ante quam pontifex: p. 88. Meletii nomen tam dulce Antiochenis fuit, — nullum accidebat auribus suavius melos. — Arianis tantum visus est amarior: p. 79. nullum in virtute passus est isthmon, qui non patitur ægros vexari paristhmiis: p. 138. Oblivisci sui videretur ars bene dicendi, si sine elogio præteriret Eulogium —; carcerem ipsum fecit literarium Museum, alligatus vinculis gesta martyrum alligavit metro, nisi quod mensuris usus in immensa laude: p. 154. nulla firmior rupes, quam tua, Ruperte, constantia: p. 188. Ades huc — Aedesi: p. 236. Feliciter in te, Pelagia, velificata religio est, solus fecit Cupido in hoc pelago naufragium: p. 322. de Petro: oratorio maior est calamo, qui piscatorio excepit regna: p. 531. Rhemensis gubernator navis, remis uti maluisti, Remigi, quam velis, quia nihil a te tam alienum, quam tumor: p. 533. Arnulphum — laborantem calculo pie sanasti, nihil videlicet in homine volebas esse lapideum —; didicit Arnulphus beneficia — ad calculos revocare liber a calculo.“ At ohe! iam satis est! Atque istiusmodi salibus, Alpina nive frigidioribus, totus liber repletus est. Neque in ipsis Fastis hæ deliciæ, a politulo limatuloque Masculi ingenio profectæ, desunt. En tibi, quæ p. 161. leguntur: „Mensem nunc — (Aprilem) Nero sibi depoposcit, iussitque appellari Neroneum: nondum constat, quid Nero invenerit sibi

cum hoc mense commune, præter hoc unum, quod sicut Aprilis dictus est, quod tunc se tellus communis mater aperiat ad foetum, ita ipse suæ viscera matris aperuerit ferro.<sup>10</sup> Maeste virtute esto! nihil, hercle! audivimus unquam acutius. Sed lubet, ut appareat, quam parum mascula sit Masculi eloquentia, (ludere enim licet, quoniam lusus in manibus habemus,) lubet igitur locum adscribere, in quo se ipsum superavit homo ab ipsis Gratiarum manibus ad facetias compositus. Est vero ille p. 556. de Crispino & Crispiniano, martyribus. *Non puduit vos, nobili ortos genere, artem exercere sutoriam, digne calcatis sidera, qui calceis conficiendis ideo dediti, ut ad pietatis iter incitati alii, vestra opera conficerent cursum: perforastis animantium pelles subula, perforandi vos sudibus; immanior fuit iudex ipso Caligula, cum inaudito supplicio extractam vestri corporis pellem incidi Et aptari iussit in caligas, artis commodum non modo vertit in probrum, sed in exitium vitae; at offecit sibi hostis, cum effecit, ne deessent in religionis castris caligati milites: acutae digitis adactae sunt sudēs, sed mire reflexerunt in hostem, vulneratus est hic telis suis: hoc tantum acutis accepistis a sudibus, quod manus acuerunt ad pugnam; sutrina vobis cessit in campum, acus in hastam, &c.* Ad hæc vel rideat quis, vel lacrymetur, nobis perinde est. Fatemur tamen, nos vix illustriora styli frigidi specimina nosse, quam toto hoc libro sunt. Si tamen cuiusdam ad palatum hæc deliciae sint, per nos illis fruatur, ea lege, ne ad coenam promittere cogamur. Sentēs esitēt, quibus volupe est. Nos vix laborem, quem in evolvendo libro posuimus, licet exiguum, ferre potuissemus, nisi subinde recreatus esset animus pulcherrimarum imaginum adspectu. Miramur denique, quomodo factum, ut hic liber tot mendis foedissime deformatus sit. Non otium nobis est, plura indagare: sed quot non in imaginibus, de encomiis nihil dicamus, mensis Ianuarii invenimus! ut: d. 1. hoc nomen ipsi *impositam* fuisse, quod anno esset *ornamenta*: d. 4. cum *dyneſtis*: d. 9. *fama* pro *sana*: d. 18. *leonibus familiaris*: d. 20. *fontior* dux: d. 21. *alluditas*: d. 22. *vingelis* ferreis: d. 23. ut barbaris

baris *supore* esset: d. 26. hæreticos est *infedatus*: d. 30. *fulnere*. Sed in his longiores vel sagaciores esse nolumus, ne putidiuscula sit diligentia nostra, aut quærere in mustaceo laureolam videamur.

**RITUALE ROMANUM, CAEREMONIALE EPISCOPORUM, ac Pontificale Romanum, Sanctissimi Domini nostri Benedicti Papae XIV. iussu edita & aucta.**

Romæ 1752. excud. Generosus Salomoni. P. I. pl. 12. P. II. pl. 12. P. III. pl. 18. octon.

**S**erius, quam nostra fert consuetudo, huius libri mentionem facimus, quem ideo non silentio prætereundum esse arbitramur, quoniam, tanquam in tabula, quæcunque ad Romanæ ecclesiæ ritus pertineant, exhibet. Iam complures pontifices, quorum litteræ ea de re scriptæ in præfatione leguntur, multum in hoc operæ & studii posuerunt, ut eiusmodi liber exstaret, ad quem, quasi normam & regulam, dirigerent omnia in sacris huic ecclesiæ addicti sacerdotes. Pius V. Breviarium primum, & deinde Missale Romanum: Paulus V. Rituale Romanum, & Clemens VIII. Cæremoniale Episcoporum, studio & opera eorum, quorum maxima erat cum dignitas, tum auctoritas, collectum, edendum curavit. Quos vero in libros cum & temporis, & typographorum vitio, plurimi errores irrepsissent, operæ se facturum pretium esse putavit Innocentius X. si Cæremoniale Episcoporum emendaret. Quod cum Benedicto XIII. nondum omnibus numeris absolutum videretur, illud rursus sic edidit, ut obscura quædam in eo & ambigua illustrarentur, (ipsius Pontificis verbis utimur,) corrupta alia & depravata emendarentur, nonnulla præterea inter se pugnantia & contraria conciliarentur, aliaque demum hætenus prætermissa suis locis opportune adderentur. Mirum est, hosce tres Pontifices in litteris suis hæc posuisse: *Per præsentem autem antiqua Cæremonialia, in his, quæ præfato Cæ-*

*remouiali emendato sunt conformia, minime aboleri aut abrogata censeri volumus, sed illorum etiam usum (salua emendatione praedicta) permittimus.* Hoc enim quid aliud est, quam errasse quidem priores, se meliora inuenisse, suaque ecclesiae probata esse velle, sed dicendum non esse, humanae naturae imbecillitatem ab erroribus omnino immunem & liberam in pontificum personas cadere? Sed hæc obiter. Redeamus ad historiam libri. Clemens VIII. Pontificale Romanum correxit; sed Urbano VIII. quædam corrigenda reliquit. Cum vero plura adhuc addenda essent, collegit tandem omnia Benedictus XIV. & his libris proposuit. Præmissa est libro Methodus, in schola sacrorum rituum in Gregoriano Collegio Romano seruanda. Libri prima pars in Titulos X. descripta est. I. De sacramentorum administratione in uniuersum. II. de Sacramento baptismi. III. de Sacramento Poenitentiae. IV. de Eucharistia. V. de iis, quæ circa morientes observanda sint. VI. de exequiis. VII. de matrimonio. VIII. qui est copiosissimus, & valde lepidus, de benedictionibus variis, ut panis, thalami, ovorum, navis. IX. de processionibus. X. de ratione referendi in libros baptizatos, defunctos, coniugatos &c. exponit. Pars secunda in tres libros diuisa est, & quæ ad Episcopos pertinent completitur. Tertia pars in tres partes dispescitur, & copiose enarrat, quæ a Pontificibus agenda & observanda sunt. Cæterum de iis, hoc libro quæ continentur, non multa dici possunt. Hoc dicimus, non solum preces, vestes, caeremonias, gestus, alia describi; sed numeros quoque & modos carminum appositos, totum vero librum sic scriptum esse, ut, cui illum perlegendi necessitas imponatur, ille non parum puniri videatur.

**COMMENTARII SOCIETATIS REGIAE SCIEN-  
tiarum Goettingensis TOMUS I. ad Annum  
MDCCLI.**

Goettingæ 1752. apud viduam Abrah. Vandenhoeck,  
Alph. 2. pl. 3. quaternis.

Debere



**D**e bere se hoc credidit Regia Scientiarum Societas Goettingensis, & reipublicæ eruditæ, & munificentia Georgii Regis, cuius sub auspiciis floret, quem non illa solum, sed totus, qua patet, qua humanitati pretium statuit, orbis, tanquam ad litteras ornandas fovendasque natum veneratur, ut suorum laborum rationem redderet. Iam hic liber apte in duas partes dividi potest, quarum prior habet historiam legesque Societatis, litteras regias, orationem *Halleri*, die natali Georgii dictam, & argumentum breve dissertationum, in conventu Societatis recitatarum; altera ipsas dissertationes exhibet. Nos de singulis breviter exponemus. Sunt igitur —

I. ALBERTI VON HALLER *Commentatio, de Hermaphroditis, Et an dentur?* Adductus est ad hanc quæstionem, ob insignem fructum, qui inde in artem medicam, in iurisprudentiam, atque adeo totam vitam redundat, sæpius iam agitatum, denuo inquirendam, arieto, quem aliquid vulvæ simile in perinæo una cum scroto habere, atque, quia alii arietes in illum, non secus ac ovem, libidinose ruebant, hermaphroditum esse vulgo dicebant. Eum cum Hallerus cultro anatomico curiose dissecuisset, famæ & erroris causam facile invenit. Apparuit enim in perinæo rima longa, eaque rubra, quasi cruenta, tenera, mollitudinem pudendi foemini habens, ab imo pene ad anum ducta, & in finem profundiorum versus extremum intestinum terminata. In cuius recessum inserta patuit urethra, quæ, non proxime penem, in vicinia ani aperiebatur. Varia deinde afferuntur exempla eorum, quorum de sexu, ob rimam aliquam patentem in perinæum urethræ, falso dubitatum est. Instituit quoque haduli anatomen, in quo verus penis clitoridis speciem præ se tulit, & cuius testes, quos veros fuisse ex epididymide apparuit, in abdomine, ubi ovaria solent, inventi sunt. Hac de genere primo eorum, qui, falso pro hermaphroditis habiti, veri mares sunt. Alterum genus constituunt foeminae, quarum longior clitoris virilis sexus speciem habet. Non magis his, quam illis, copiose & diligenter expositis,

varia, quæ ad androgynos pertinent, Hallerus explicat. Disputat porro de summa difficultate, qua duorum sexuum organa in unum corpus stipari possint, & summa cogitationum facta, plerosque homines arbitratur, quos androgynos crediderunt, ad genus hypospadiæorum referendos esse, quosdam ad foeminas longiori clitoride instructas, de aliis nihil certi dici posse; raro accidere, ut in quibusdam utrumque probabile sit, primaria utriusque sexus organa commista fuisse. Addit denique A. varia de signis, ex quibus androgyni invicem a se distinguantur, quæ in maribus sunt facies hirsuta, barba robusta, ani pilosus ambitus, semen, testes &c. in foeminis, glabritas, mollities corporis, leves genæ, levisque ani ambitus, cupido veneris, quæ foeminino sexui convenit, &c. & nihil atrocius de eiusmodi homine statuendum esse, (nota est enim crudelitas veterum, cuius nobile exemplum est apud *Livium* in L. 31.) nisi quæ in morbos ægre tollendos statui possint, fas esse, ut eum, quem natura tribuit, & medici indicarunt, sexum, hi infelices tueantur, punire vero illos immanissimum esse arbitratur.

II. IO. ANDREAE SEGNERI *disputatio de extendendo campo micrometri*. Huius enim usus etsi tantus est, ut vix reliqua instrumenta Astronomorum illum præstent, exiguum tamen coeli spatium complectitur, & ea de causa paucis observationibus inservire potest. Istud incommodum, si maiorem rerum visibilium campum comprehenderet, tolleretur. Illud Segnerus, adhibitis duabus lentibus ocularibus, tuboque, qua parte oculum spectat, ampliato, fieri posse demonstrat. Hac ratione cum micrometrum solito maius fiat, gradusque octo decemve comprehendat, radiorum quidem aberrationes quasdam evitari non posse intellexit, sed eas non tanti momenti esse iudicat, ut instrumenti usum tollant.

III. SAM. CHRISTIANI HOLLMANNI, *de exiguo, qui adhuc appareat, observationum meteorologicarum usu*, Commentatio. Intelligit V. Cl. per observationes meteorologicas, omnia, quæ ad aëris nos ambientis mutationes quomodocunque spectent; illa vero utilia esse censet, quæ vel ad scientiarum



tiarum incrementa, vel ad vitæ communis bona & commoda promovenda, pertineant. Hinc quærit, quæ sit utilitas observationum, quæ in singulas aeris mutationes, sive sensibus, sive instrumentorum ope deprehensas, nullo interrupto ordine sic instituuntur, ut quasi annales phaenomenorum dici possint? Plerasque quidem fructu carere ait, cum neque certo tempore aut orbe quasi eodem mutationes redeant, nec posterorum intersit scire, quo die pluvia fuerit, quo serena tempestas. Esse tamen harum observationum aliquem usum, seque ipsum inde intellexisse, falso ob inclementiam coeli, & Hercyniorum montium vicinitatem, Goettingæ regiones accusari; ubi sæpe clementius coelum riserit, blandiusque aer spiraverit, quam in Germaniæ Galliæque australioribus, aut Italiæ superioris partibus. Evagatur quoque longius V. Cl., varia de baroscopio, de hyetometris & de Mariotti opinione disputat, qui multitudinem aquæ pluviae, ac si stagnaret in terra, altitudinemque metiendo, fontium fluminumque omnium originem ab istis aquis pluvialibus repetendam esse docuit, sed Hollmanno non satisfecit.

IV. IOH. MATTHIAE GESNERI, *de animabus Heracliti & Hippocratis, ex huius L. I. de diaeta*, disputatio. Multus in hoc est Gesnerus, ut demonstret, Heraclitum iam & Hippocratem, sola coniectura adductos, credidisse, esse animas spermaticas, Leuwenhoeckianis simillimas, ex aere haustas, easque in hominis corpore per aliquod temporis spatium servari, ali, atque cum semine simul emitti. Deinde, ut librum de Diaeta Hippocratis esse, certe eius temporis æqualis, vel antiquioris, & Heracliteas sententias complecti, demonstret, agit. Denique, quæ Heraclitus & Hippocrates de animabus ac de generatione senserint, in unum quasi corpus colligit, & tanquam in tabula exhibet. Quare partem libri, cuius Græcum textum cum variis lectionibus addit, latine interpretatus est, & doctis notis illustravit. Nos nulla alia de causa breviores sumus, quam ut invitemus homines doctos, & necessitatem quasi illis imponamus, ipsum librum evolvendi & perlegendi.

V. IOH.

V. IOH. DAV. MICHAELIS, commentatio de *Cherubis*. Sunt huius libelli, cuius in prooemio variæ variorum de Cherubis sententiæ enarrantur, tria capita. Primum Cherubos Israelitis idem fuisse, quod Latinis equi tonantes fuerint, docet: alterum, quo iure hac equorum tonantium forma & angeli & homines convestiri possint: tertium de figura illorum, exponit. Locus classicus de Cherubis est Ezechielis, in vaticiniorum principio. Ibi V. Cl. sibi eandem poeticam fictionem reperire videtur, qua Latini in describendis Iovis imbricatoris & fulminatoris equis tonantibus usi sunt; ut *Virg.* Aeneid. L. VI. v. 587. seq. & *Horat.* L. I. od. 34. Qua opinione pro vera habita, & assumpta, plura S. S. loca explicat. Sic per Cherubos & flammam gladii ancipitis ante hortum Edenis, fulminis telum, ac perpetuas intelligit tempestates, quas Deus paradiso iusserit incumbere. Quod ne durius videatur, Mosen ostendit, carminibus veterum historicis usum, sæpe eorum verba servasse, ut Gen. c. IV, 23. 24. &, ne audacius orientales poetæ cecinisse videantur, ἤσαν illam Latinis versibus exprimit:

*Fulminis hic telum omnipotens, currumque tonantem*

*Constituit, scelus effrenum rutilante coercens*

*Flamma: mortales sacrum ne invadere pomum*

*Ausi immortales fierent, innoxiaque essent*

*Crimine furta novo.*

Sic verba Psalmi 99. *Iehova rex factus est, commoventur terrore gentes, sedet in Cherubo, mutat terra: per Iehova tonat* interpretatur. Atque inde etiam intelligi posse existimat, cur in adyto templi Moses Cherubos collocaverit. Neque enim Dei numen melius oculis subiici poterat, quam posito curru tonante, cui Deum insidere hoc magis Israelitis credendum erat, quoniam inde fulmina in profanos subinde vibrabantur. Cherubos vero arcæ foederis impositos ea de causa currus potuisse dici arbitratur, quoniam ipsi מרכבה dici possunt, sive illud per vecturam Dei, sive per currum equis iunctum interpretari velis. Non negat Auctor, Cherubos quoque hominum & angelorum personæ subiici posse.

Sic



Sic verba Pl. 104. *ponens nubes currum suum, & ambulans in alis venti, faciens angelos suos ventos, & ministros suos ignem flammarum*: ita interpretatur, *mulibus tanquam curru, angelisque qui ventos tempestatesque cient equis tonantibus utitur*. Sic per quatuor illa Ezechielis animalia, electos atque consummatos iustos ex Israelitis intelligit, & fundamentum interpretationis ex Apocalypsi V. 9. repetit. De figura Cheruborum Auctor hæc sentit: erectam fuisse illorum atque humanam staturam, os plerumque quadrupedis, aut alius etiam animalis, nec tamen pronum, quanquam verecunde deiectum, alas singulis quaternas. Formam hanc ad similitudinem sphingum accedere, sed ab Aegyptiis vix petitam esse, ait. His disputatis, transit Auctor ad fabulam de asino aureo, quem a Iudæis cultum, & cuius caput ab Antiocho Epiphane & Pompeio M. in sacrario visum esse, notum est. Quæ sit Michaelis V. Cl. tota de re sententia, breviter dicemus. In adyto aureum primum, & deinde subaureum asini caput, idque ab Antiocho & Pompeio visum, minime tamen a Iudæis cultum, sed Cherubicum fuisse, sibi persuadet. Fuisse in adyto non illos solum, qui arcæ foederis imminerent, sed in interioribus quoque tabernaculi tapetibus a Mose textos, & a Salomone in parietibus templi sculptos Cherubos. Ab Ezechiele & Iesaiâ descriptos Cherubos, facies atque vultus a quinque animalium generibus habuisse; non esse igitur dubitandum, etiam ad aliorum animalium, atque adeo asini, (quem minime Hebræis vilẽm visum fuisse multis demonstratur,) similitudinem Cherubos Hebræos efformasse. Valde ingeniose, acute, & eleganter omnia hæc disputantur: sed, nescimus quomodo nobis idem, quod Ciceroni, acciderit. Legentibus nobis hanc dissertationem, omnia probantur, paulatim vero, quando a lectione recessimus, illa assensio elabitur.

VI. *De aberrationibus lentium sphaericarum*, dissertatio ABRAH. GOTTH. KÆSTNERI. Non solum quantitas aberrationis in lente quavis sphaerica definitur, sed docetur quoque, quomodo eiusmodi lentem invenire possimus, in quam incidentes radii minimæ aberrationi obnoxii sint.

VII. *Theorema Arithmeticum demonstratum*, ab eodem. Hoc a Cel. Kraftio Prof. Tub. propositum, singularem numerorum triangularium proprietatem continet.

VIII. ALBERTI von HALLER *observationes botanicae*, ex horto & agro Goettingensi.

IX. *De Mercurii in barometris diversis, eodem tempore, eodemque in loco, diversa altitudine, repetitae observationes* SAM. CHR. HOLLMANNI.

X. IOH. MATTHIAE GESNERI γραμματικὰ Θεολογούμενα, de Dei laude per septem vocales, & VII. spiritibus Apocalypticis. Est in libro περὶ ἐρμηνείας, quem Demetrio Phalereo vulgo tribuunt, locus subobscurus hic: ἐν Ἀγύπτῳ καὶ τῆς Θεὸς ὑμῖν διὰ τῶν ἐπτὰ φωνηέντων οἱ ἱερεῖς, ἐφεξῆς ἤχοντες αὐτὰ, καὶ ἀντὶ αὐλῆ καὶ ἀντὶ κινδύρου τῶν γραμματέων τέτων ὁ ἤχος ἀκρίβεται ὑπὲρ εὐφωνίας. ὥστε ὁ ἐξαίρων τὴν σύγκρησιν ὅθεν ἄλλο ἢ μέλος ἀτεχνῶς ἐξαίρει τὸ λόγῳ καὶ μῦθον. Hunc locum docto commentario Gesnerus illustrat, & explicat. Primum docet, huius libelli ætatem non male circa M. Antonini tempora constitui; Aegyptum hic esse talem intelligendam, qualis seculo secundo Christianorum fuerit; ex quo Psammetichus Græcos invitaverit, hospitium omnium fuisse cuicumque religioni addictorum; Alexandræ scholam habuisse Iudæos; in una civitate ecclesiæ Christianæ & Iudaicæ religionem cum idolorum cultu coaluisse; fuisse tum sacerdotes, qui recepta certe inter Iudæos & Christianos Aegyptum habitantes ratione Deum laudare potuerint. Deinde monet, non alias quam Græcas litteras hic intelligendas; Demetrii verba ad nomen divinum septem vocalibus constans referendum esse; sacerdotes, qui ἐφεξῆς hoc pronuntiaverint, horum sonorum compositione mysticum dei nomen contineri putasse; lectionem nominis  $\eta\eta\tau$ , ex utriusque linguae legibus, IEHIOYA esse oportere. Hac sententia lucem aliquam Iohannæ Apocalypsi affundere A. conatur. Observat primum, comparasse olim Hebræos cum anima & spiritu vocales, quarum corpus reliquæ litteræ sint, atque vocales

cales esse h. e. vocari spiritus; & deinde coniicit, Iohannem cum Deo *ἐπὶ πνεύματα* tribuit, nomen heptagrammaton Græcis, idemque Hebræis tetragrammaton, simulque divinam maiestatem & nomen indicare. Salutem igitur Iohannes ecclesius a VII. spiritibus, i. e. a nomine Iehovæ, a Iehova ipso, annunciare, Gesnero videtur. Eadem ratione alia loca, Apoc. 3, 1. 5, 6. explicat.

XI. ALBERTI VON HALLER *experimenta de cordis motu a stimulo nato*; quibus sententiam illorum, qui motum cordis ex tactu sanguinis oriri, dum ex venis in cor influens illud iritet, ut vi, animalibus corporibus propria, contrahatur, illustrat & confirmat.

XII. IO. DAVIDIS MICHAELIS dissertatio, *de Iehova ab Aegyptiis culto, ac pro Cnuphi seu Demiurgo, Numine Aegyptiorum, habito*. Fuit cultus Iehovæ antiquissimus, ac Babylonico exilio superior apud Aegyptios. Pharaon Necho, cum Eliacimum bello superatæ a se Iudææ regem imponeret, nomen illius Eliacim, i. e. Deus stabiliet, mutavit in Ioiacim, i. e. Io, seu Iehova, stabiliet. Quod nec valde mirum. Edidit Moses Iehovæ nomine maxima miracula, immo magi ipsi veritatem miraculorum & intellexerunt, & professi sunt. Hunc vero Mosaicum Deum, cur Demiurgum, sua lingua Cnuph, dixerunt Aegyptii? Deum suum mundum creasse Moses prædicabat, idem Aegyptii de Demiurgo suo: Moses deinde ipsum ovipari Dei symbolum, quod est apud *Eusebium* præp. Ev. III. 11. in libri sui exordio expressit. Verba enim Moysi, *halitus Dei fovebat superficiem aquæ*, i. e. terra aqua tecta halitu quasi & aura Dei vitali incaluit, atque ovi instar vivificata est; hæc igitur proxime accedunt ad Aegyptiorum sententiam, Deum ex ore ovium effudisse, ovum autem mundum esse. Quamphrasin Moses, Philosophia Aegyptia bene instructus, ex ea repetisse videtur. Denique Israelitæ, Aharone auctore, sub vitulo nullum alium quam Iehovam suum venerabantur; quod deinde a tribubus X. sub Ieroboamo etiam accidit. Notum enim est, Aegyptiorum aliquos, pro Cnuph seu Demiurgo bovem adorasse.

Obiter in hac dissertatione disputantur quædam *de magis Aegyptiorum*. Confirmatur *Dav. Millii* coniectura, maxime verbo **מגרי**, quod idem est ac Græcum *ιερογραμματεὺς*. Qui a Mose Chartummim, vulgo magi dicantur, esse *ιερογραμματεῖς*, i. e. qui hieroglyphicam & arcanam scripturam bene callerent. Negatur deinde, magos ulla demonum ope, si quam profanis iactabant etiam, usos esse, etiam tum, cum Mosi restitissent. Hoc tantum affirmabant magi, quæcunque faceret Moses, ad percellendum Pharaonem, arte humana effici posse; & quibus nunc utatur, eos naturæ recessus Mosen in scholis magorum didicisse. Inde & hoc apparet, quod verbis hisce, *Dei hoc opus sive digitus est*, indicarint nihil aliud, quam, quæ antea fecissent, non Dei opus, sed humanas artes fuisse. Quomodo rem illam de baculis efficere potuerint, & Michaelis & Hallerus ostendunt. Hic, earum Serpentum, quæ vivos cātulos pariant, adeo rigida & immobilia corpora esse observavit, ut cauda prehensa nequeant se ad manum adolvere, sed pendulis capitibus, rectoque tractu corporis, baculi recti imaginem repræsentent. Ille, vel serpentes pro baculis substitutos esse furtim, vel, cum serpentes quidam baculorum colorem & formam habeant, narcotio veneno magos usos esse arbitratur, quo serpentes versare, atque ut lignum manu tractare potuerint.

XIII. IOH. AUG. ERNESTI *de Vexillariis* dissertatio. Sunt tres *de vexillariis* doctorum hominum opiniones, quarum nulla Ernestio probatur. Dissensus igitur causis expositis, quid ipse sentiat commemorat. Ait vero, vexillarios fuisse peculiare genus militum, qui certo numero, & cuique legioni attributi, sub propriis vexillis militarent; qui milites legionarii essent; qui denique tirones in legionibus, iidemque qui olim hastati.

XIV. Eiusdem, *de Navibus διπρωοῖς & διπρυμνοῖς*. Locus de hac re nobilis est apud *Athenaeum* L. V, ubi magnificæ Ptolemaicæ navis mentio fit. Invenerunt olim, quod maximopere opportunum erat, ut una eademque navis duos guber-



gubernacula haberet, alterum in puppi, in prora alterum. In talis igitur navis prora interdum puppis, & puppis prora vices habuisse, usumque obtinuisse apparet. Unde *διπρωγος* & *διπρουνος* cum videbatur, tum dicebatur.

XV. IO. ANDR. SEGNERUS, *de figuris superficierum fluidarum*. Multa hic de fluidorum natura & indole, illa praecipue vi, qua quavis liquoris particula in contiguas, sive attrahendo, sive cohærendo, agit, afferuntur, non contemnenda.

XVI. TH. MAYERI *Latitudo urbis Norimbergae, e novis observationibus deducta*.

XVII. Eiusdem *observationes quaedam Astronomicae, Norimbergae a. 1749 & 1750 habitae*.

Ex his primi Observationum Tomi Excerptis, quæ sit celeberrimorum Regiæ Societatis Sodalium, amplificando bonarum litterarum studio, assiduitas, quam exquisitus omnis eruditionis apparatus, etiam nobis non monentibus Lectores nostri intelligent, optabuntque, una nobiscum, tam præclaro instituto, incrementa atque perpetuitatem. Nos, & de reliquis Tomis Observationum, suo tempore referemus.

## ELOGIUM

IO. FRIDER. CHRISTII

POESEOS PROFESS. PVBL. ORDIN. COLL. MIN. PRINC.

COLLEGIATI, NATION. BAVAR.

SENIORIS.

**M**agnam habet antiquitas commendationem suavitatis: sive natura ipsa eo sensu imbuit animos nostros, sive opinio quædam hanc ei gratiam temere adiunxit. Sed nihil iucundius est antiquitate illa erudita, Græca atque Romana, cuius vel vestigia per litterarum græcarum latinarumque prisca monumenta curiose indagamus, vel reliquias ipsas in operibus artis cum magna admiratione spectamus. In quo si nihil aliud esset, quod probari posset, animus certe

deberet laudari gratus adversus eos, a quibus omnium bonarum artium præcepta egregia, & quod multo maius est, exempla perfecta, accepimus. Sed vehementer falluntur, qui in antiquitate illa cognoscenda nihil præter aliquam voluptatem, liberalem illam quidem, sed inanem tamen, inesse arbitrantur. Illi ipsi, qui omnem antiquitatis scientiam ad veterum scriptorum divinorum humanorumque intelligentiam, & historiam antiquam referunt, etsi honorificentius & verius iudicant: est enim ea res permagna: tamen longe angustius utilitatem eius circumscribunt, quam res & usus patiuntur. Itaque recte iudicat intelligentissimus ille, & elegantissimus operum antiquorum spectator & interpres, *Caylus*, Comes, non optime fecisse antiquorum monumentorum interpretes, cum aut nihil aliud, aut maxime id egerint, ut per reliquias antiquitatis græcæ atque latinæ, lucis aliquid scriptoribus antiquis historiæque adferrent: sapienterque ipse in operibus antiquis, quæ mirifica artis elegantia expressit, hoc maxime & videndum præcipit, & ipse videt, ut artium elegantium incrementa & perfectio, artificumque ingenia cognoscantur, eaque intelligentia ad imitationem artificum, h. e. ad usum perfectionemque artium conferatur. Sed quod *Caylus* interpretibus antiquorum operum agendum censet, ipse autem in interpretatione eorum nuper eleganter, & cum magna peritorum laude, egit, hoc dudum fecerunt artifices summi in omni artium genere, quod habet aliquam cum Græcæ Romanæque vetustatis monumentis coniunctionem. Nam si verum velimus fateri, quicquid recentioris ætatis pictura, statuaria, sculptura, cælatura, architectura denique, habet admirabile, venustum, & exquisitum, id omne ductum est ab antiquorum operum imitatione, ad quam omnem artem retulerunt, quicunque primi in aliquo tali genere excelluerunt, & insignes esse voluerunt. Picturæ apud Græcos quæ perfectio fuerit, quam ipsam propemodum naturam æquarit, sciunt omnes, qui veterum testimoniis credere didicerunt. Nec Italica ingenia, ad eam artem vel intelligendam dura, vel consequendam

dam tarda & iuvenusta fuere, præsertim posteaquam Græcorum opera Romæ publicata, & in imitationem vocata sunt. Itaque Italia plena fuit pulcherrimis picturæ operibus, ut quæ etiam in sepulchra descendere, & ea exornare iussa est: ita machinante fortuna quadam artibus favente, ut in eorum tenebris perfugium haberet ars pulcherrima, unde aliquando, liberata a barbaris Italia, & literarum luce terris reddita, & ipsa revocari in lucem posset. Quod ita accidisse satis constat. Etenim cum bonarum literarum amor & studium occupasset hominum animos, depulsaque Philosophiæ scholasticæ barbarie, coepissent homines sapientiam petere e scriptoribus græcis atque latinis, requiri coeptæ sunt reliquæ veteris Romæ, & omnium antiquarum artium. Ita dum ex ubique e terra protrahuntur ab antiquitatis studiosis, e sepulchris etiam in lucem ac pæne vitam revocata est pictura: quæ tum etiam non aliter pingebat, quam olim in istis sepulchris pinxerat, hoc est, in testorio camerarum atque parietum, & sine oleo. Sed multo magis ea res clara est in ceteris generibus, e quibus maiores & meliores reliquias antiquitatis elegantis habemus. Contemnimus hodie opera Gothici & Langobardici ingenii, & ridemus, quicquid ab eo est profectum: adeo in omnibus barbaries eius, hoc est, valde abhorrens a natura, & simplicitate, & pulchritudine, ratio apparet: nec quisquam est, qui vel imitari ea ullo in genere velit, ac pulchra ducat, vel qui fieri quicquam ad eum modum, ædes, signa, vel in saxo, vel in aere, vel in gemmis, velit. Omnes aliquid elegantius requirimus, & venustius. Sed quibus vel hunc meliorem in omnibus talibus rebus gustum, quem nemo ingenuus ac politus habere nolit, quibus huius artium elegantissimarum emendationis initia debemus, nisi iis, qui antiqua earum opera undecunque conquirit, ut vel in locis publicis museisque proposita, vel in libris pictura lineari per æneas laminas expressa, spectarentur?

Enimvero id quantum, & quam multiplex, & amabile beneficium sit, quis adeo parum humanus est, atque invenustus,

nustus, quin facile intelligat? Atque non ignoramus, in iis rebus omnibus nullam esse partem necessariam vitæ humanæ, quæ etiam sine ædificandi illa elegancia, & ceteris istis deliciis agi potest, & a multis gentibus per multa secula acta est. Neque tamen propterea audiendus est, si quis eas res omnes, ut non necessarias, contemnat ac repudiet. Omnes alias vitæ humanæ oblectationes ac delicias in vestitu, in victu, in reliquo vitæ cultu, in hortis, expellamus licet, si ad necessitatem vitæ revocare omnia velimus. Sed nemo ita est inhumanus, ut hanc necessitatem tantopere amplectatur, nemo ita ab omnibus vitæ suavitatibus alienus, ut iis nihil in ullo genere artium tribuendum ducat. Carere potest istis omnibus vita humana: sed ægre careat, sed doleat negatis atque ademptis: quod ei hoc ignoscendum sit magis, quo liberalior ea oblectatio debet iudicari, quæ non ad corpoream voluptatem solam, ut in cibo, potu, aliisque talibus rebus, refertur, sed ad oculorum sensum, & quidem eum, qui sine ratione, & sine ingenii quadam elegancia, vel naturæ beneficio insita, vel artium studio & iudicio aucta, contingere non potest. Quod si qua in talibus rebus vanitas accusanda sit, ea profecto magis reprehendi debeat in iis, qui talium rerum possidendarum immoderata cupiditate incensi sint, quam in his, qui earum adspectu iudicioque & pascere oculos pariter atque animum, & acuire ingenium ad sensum pulcritudinis omnis, & vitam ipsam elegantiores reddere velint: qui est fructus talium rerum præstantissimus, maximeque liberalis. Etenim non est tacendum id, quo videntur ea artis vel antiqua, vel recentia opera, eorumque spectandorum & intelligendorum studium, maxime commendari.

Maxima pars humanitatis, & decus prope omne vitæ humanæ, quo distamus a bestiis, inest primum in sensu quodam ordinis, decoris, & pulchritudinis; deinde in dictis factisque omnibus, & partibus vitæ humanæ externis, ad illius sensus legem & normam componendis fingendisque. Hunc sensum obruit atque exstinguit barbaries, inimica rebus



bus pulchris omnibus: eo autem extincto, totius vitæ in omnibus rebus deformitas, aberrans longissime a naturæ humanæ lege ac dignitate, consequitur. Sed ubi ille sensus viget, aliturque suis nutrimentis, & acuitur artibus idoneis, ibi vero omnes accipiunt suum ornatum ac decus, consentaneum naturæ humanæ dignitati, existitque elegantia quædam, per omnes vitæ humanæ partes fusa & explicata. Hinc nascitur vera eloquentia, non modo popularis illa & libera, sed etiam altera exquisitior, & adstricta numeris certis: hinc morum facilitas, elegantia, venustas: hinc in operibus artis omnibus pulchritudo & lepos. Sed hæc omnia genera habent coniunctionem inter se talem, ut suam sibi invicem communicent vim, & iisdem semper in locis habitent, sitque iis quasi commune domicilium. Neque enim ignorat quisquam, quibus temporibus eloquentia, poësis, & aliæ artes liberales, in Græcia & Italia maxime floruerint, iisdem perfectissimam ibidem fuisse picturam, statuariam, architecturam, ceterasque tales artes, certe elegantissime tum de talibus rebus homines iudicasse. Quare, quemadmodum ii, qui libros veteres græcos & latinos, vel in lucem protraxere, vel emendare ingenio, & explicare doctrina instituerunt, & cum maxime instituunt, adducuntque homines non modò ad eorum intelligentiam, sed etiam gustu pulchritudinis eius imbuunt, qua ibi sunt oblita omnia, hi igitur, ut præclare merentur de genere & vita hominum, propterea, quod ex iis libris omnis vera sapientia humana, dicendique elegantia & suavitas, venit: sic & ii plurimum profunt vitæ humanæ, eiusque iucunditatem adiuvant, qui vel reliqua vetustatis Græcæ & Romanæ opera e visceribus terræ eruenda curant, quod multi non modo eruditissimi homines, sed etiam Principes fecere, facitque cum maxime CAROLVS, utriusque Siciliæ Rex, magno & regio sumtu protrahens Herculanæ reliquias in lucem, in eoque se ad omnem posteritatem victuro beneficio literas artesque elegantes adficere existimans; vel eorum artem & venustatem demonstrando, acuunt homines, ad pulchritudinis eius,

S

quæ

quæ talibus rebus attributa est, sensum, non modo ad illas ipsas artes iudicandas exercendasque profuturum, ad quas ea proprie pertinent, sed etiam ad reliquas, in quibus elegantie ratio habetur, vitamque universam.

Atque non ignoramus, eos, qui in aliis sua rident vitia, quædam antiquitatis interpretibus obiiicere, quibus eorum studia in contemptum adducere conentur, in his quædam oppido frigida: qualia sunt in iis, quæ, sub *Sectam* nomine, in eos effudit *Lagomarsinus*; cetera aut communia, aut levia, aut omnino nulla. Nam quod minutias consectari dicuntur, ea non est, nisi maioris diligentie reprehensio, quæ est valde lubrica & fallax. Neque enim cuiusvis est, iudicare, quid sit, in illis præsertim generibus artium elegantiorum, & quas ipse ignorare se fateatur, minutum ac contemnendum: nec ullius artis perfectio, sine multis parvis rebus constat: denique nulla pars doctrinæ reperitur, cuius professoribus non minutie soleant obiiici. At vident sæpe, velut in numis ac gemmis, quæ nemo alius videt, nec omnino insunt. Primum, non mirum sit, si oculus, in aliquo genere exercitatus, videat, quod alii non cernant, qui se non in eodem genere exercuerint: cum etiam aures, exercitate audiendis musicis concentibus, audiant, quæ aliæ non assequuntur. Enimvero, an in ceteris artibus ac disciplinis nemo videt, nisi quod est ante oculos, positumque in re ac natura? Immo vero quam multi vident in sacris libris, quorum nullum ibi vestigium impressum est divinitus? in legibus, quorum nihil in mentem legislatori venerat? Physici ii, qui arcana naturæ perspicere, per microscopiorum auxilia, tentarunt, quam sæpe irrisi sunt, quod viderent ea, quæ per eadem microscopia nemo alius posset assequi? Metaphysici autem, quod in verbis inanibus viderent notiones rerum? Quid? quod gravius est, quotus quisque non in se atque in animo suo videt res maximas, sapientiam, doctrinam, virtutem, etiam cum ab eo longissime absunt? quam multa in liberis parentes, in amatis amantes, bona vident, quorum alii nihil admodum agnoscunt?

scunt? quam multa porro vitia atque peccata in aliis vident male acuti homines, a quibus eos facile liberent æqui aliorum oculi? Non igitur tolerabilis erit in Antiquariis error innoxius oculi, cum alii plerique haud paullo graviore animi errore peccent? Immo condonabitur ceteris magnis bonis, quæ eorum diligentia debentur: eruntque ipsi in tanto maiori honore, quanto pauciores sunt, qui in eo genere vel elaborare suscipiant, vel efficere probabile aliquid possint.

Neque enim facile est, aut cuius datum, in antiquitatis istis reliquiis cum laude versari: adeo multa requiruntur vel ingenii, doctrinæ, artiumque præsidia; vel studii, laboris, exercitationisque adiumenta! Opus est primum ingenii ac prope oculorum ipsorum quadam elegantia, quæ sentire & agnoscere talium operum pulchritudinem, & manuum artificia possit, sine qua nihil in toto isto genere quævis cura effecerit. Doctrinæ porro antiquæ copia insignis requiritur, quæ gemmarum, numorum, arcuum, columnarum, figuris antiquis refertarum, aliorumque talium operum erudita argumenta assequatur, & apte interpretari doceat. Oportet etiam artes ipsas, quæ talia opera effecerunt, non prorsus ignorare, tenere saltem linearis picturæ artificium, in quo insunt fundamenta & principia omnium illarum artium, & sine quo nullum certum est de ullo tali opere iudicium. Quanta denique diligentia esse debet vel in iisdem operibus sæpe tractandis, inspiciendisque, vel in comparandis similibus; ne coniecturis uti necesse sit, ne suspicionibus acquiescere cogare, aut videre videare, quod non insit: quod est unum certum genus antiquitatis talis bene cognoscendæ; sicut accurati Physici, in operibus eventisque naturalibus inspiciendis observandisque, faciunt. In quibus rebus quanta difficultas, quam paucis superanda ostendatur, quis non sua sponte intelligit?

Sed talem nos, proh! habuisse IO. FRID. CHRISTIVM, harum rerum vel mediocriter intelligens nemo negaverit. Primum, quanta doctrinæ veteris, cum universæ, tum ma-

xime eius, quæ ad hanc rationem pertineret, copia fuerit. Viro, & scripta eius loquuntur, & cognoverunt, quicumque eum vel disputantem de talibus rebus discendi causa audire, vel cum eo sermones super talibus argumentis familiariter contulerunt. Omnia cognorat latinorum scriptorum monimenta, in primis ea, in quibus esset veluti domicilium antiquariæ illius scientiæ, ut *Plinii* maioris libros postremos, & poetarum carmina, quæ etiam proprio quodam rei poeticæ studio adamarat, & accurate magnoque cum iudicio tractabat, in his etiam, quæ alii præterire solent, historiæ denique auctores universos. Sed in omnibus omnia antiquitatis vestigia, etiam leviter impressa, & ab aliis vix animadversa, curiose indagarat, & vel scriptoribus ipsis e numis gemmisque suis aliquid lucis affundere, vel his ex illis accendere tentarat. His adiunxerat reliquias antiquitatis, quas docti ubique terrarum viri per lineares in æneis lamnis figuras expressas edidissent, quorum operum librorumque magnam & lautam copiam haud parva pecunia compararat, non ut haberet, & per eam se imperitis iactaret, sed ut perspiceret, excuteret, & inde cum suam in hoc genere scientiam augeret, tum intelligentibus prodesset. Quid? quod etiam quibusdam suppellectilis antiquariæ generibus non parvam pecuniam impenderat, ut numis gemmisque antiquis, quarum non parvum ille numerum reliquit, in his quasdam exquisiti artificii, & non vulgaris raritatis. Viderat denique in peregrinatione, quam per Germaniam & Italiæ partem fecerat, permulta eius generis, non obiter, ut peregrinantium plerique solent, sed quemadmodum periti & artifices suæ artis opera solent spectare. Et erat tanto melior & spectator operum ipsorum, & exemplorum inde ductorum in libris iudex, quod non modo a natura sensum quendam talis elegantiae habebat, sed eum etiam omni ratione acuerat. Nam linearem illam in charta pingendi rationem tenebat, & radium in æneis lamnis ducere didicerat: non ille quidem, ut artificum venustatem & subtilitatem assequeretur, at, ut artem se callere ostenderet. Accesserat exercitatio operum artis inspicendorum

com-



comparandorumque assidua & scita: ut qui etiam pictorum omnium recentiorum tabulas, de quibus & ipsis eleganter iudicabat, ita accurate, ita sæpe inspexerat, ita propriis quibusdam notis discernere didicerat, ut, cuius artificis quælibet esset, facile diceret: in quo genere ille tantum diligentiae posuerat, ut etiam signa omnium pictorum, quibus opera sua notare consuevissent, collegerit, & perite interpretatus sit proprio libro, (*de Monogrammatibus Pictorum*), qui nuper e germanico francicus factus est Parisius. Itaque, quicumque apud nos in tali aliqua re hærent, aut intelligere aliquid cuperent, CHRISTIVM consulebant, a quo se putarent optime, quæ vellent, cognoscere posse. Quibus ille ita plerumque e vestigio respondebat, ut, sibi ab eo satisfactum egregie, faterentur. Neque vel alium, quam ipsum, interpretem adhibebant, qui antiquitatis partem aliquam, ut gemmarum argumenta, explicari vellent, ut in Richteriano Museo publicando factum est; vel alius iudex facile adhibebatur, cum in Actorum istorum nostris Commentariis, de libris antiquariis iudicandum esset. Quo maius in eo se ornamentum habere Academia nostra putabat: quo amisso, merito, ut in gravissima iactura, non modo communi literarum nomine, sed etiam sua causa proprie dolet: præsertim cum etiam alia, vel a literis, vel a virtute & sapientia, permagna in eo bona fuerint, quibus ægre sibi carendum posthæc videt.

Eum debuimus *Coburgo* Francorum: quo in oppido natus erat anno huius ipsius sæculi primo, e gente antiquæ in Franconia claritatis: patre *Io. Sebastiano*, in Aula Ducum Saxoniae e Coburgensi Domo Ernestina Consiliario, & Gymnasii Curatore, avo paterno *Georgio Iulio*, Marchionis Baruthini in Fiscis procuratore Consiliario, materno *Io. Adamo Drechslio*, in eadem Aula Consiliario. Pater, cum & filium amaret, præsertim in quo præclari ingenii signa comparerent, & literas, quas ipse calleret egregie: primum domesticos præceptores aluit, quos optimos nancisci posset, deinde ab his bene præparatum publicis Gymnasii magistris erudiendum tradidit. Horum doctrina, & vero etiam Pa-

rentis domestica disciplina, conformatus, missus est in Academiam Ienensem: unde perceptis, trium annorum spatio, philosophiæ, matheseos, iurisque partibus omnibus, itemque historia Imperii Germanici, redux in patriam, rector datus est nobilissimis Iuvenibus, primum *Volzogiis* tribus, uni, quocum profectus in eandem Academiam, & scientiam earum disciplinarum & amorem sibi auxit, duobus eiusdem fratribus, *Halas* in Saxonibus ituris, denique *Rud. Bunavio*, Comiti, magni illius *Henrici* fratri, in Lipsiensi Academia, quæ ei, per viciniam, dum *Halis* commoratur, cognita, plurimum omnium placebat. Inter hæc ei in Aula Meinungensi, Volzogiana suffragatione, datus fuerat locus inter scribas Principis, etiam spe maiorum honorum proposita. Sed ille literas, latinas imprimis, & elegantiores artes, ita adamarat, ut Academicam in literis vitam aulicæ præferret, nihilque magis optaret, quam ut docere, quas didicisset, literas, in Academia, in primis Lipsiensi, posset. Cuius voti compotem fecit Bunavia Domus, impetrata ei Professione historica extraordinaria: ad quam sibi, Magistri Philosophiæ honoribus capiendis, & disputationibus legitimis, in primisque doctrinæ & virtutis opinione, viam munierat. Neque tamen ea res ipsum impedivit, quo minus comes iret *Bunavio*, primum per Germaniam inferiorem, Belgas, Batavosque, in Britanniam, post per Bohemiam, Moraviam, Austriam, in Venetos: unde per Suevos, Bavaros, Francos & Bohemos, rediit Lipsiam. Nam Italiam reliquam, quod maxime cupierat, & Francogalliam visere, bellicæ turbæ non siverant.

Reversus Lipsiam, totum se dat erudiendæ iuventuti bonarum literarum studiosæ, auctus mox Professione Poëtica ordinaria, quam ad finem usque vitæ ornavit, & scholis historicis, poeticis, literariis, antiquariis, assidue habendis, & scribendo multa, quibus literis communibus prodesset, & dignitatem bonarum artium omni ope asserendo. Pleraque scripsit per occasiones Academicas, Prolusiones, Disputationes, Carmina, quosdam etiam alios libros, ut *Noctes, de Monogram-*

*nogrammaticis Pistorum, Fabulas Aesopicas, exquisitæ eruditionis plenos: nec ulla est pars elegantis doctrinæ, cui non aliquid lucis adfuderit scriptis suis: quorum prope omnium titulos & argumenta uno loco ipse prodenda curavit \*).* Et reliquit quædam affecta, quæ dolendum est perfici ab ipso & publicari non potuisse. Genus orationis erat, in differendo purum, perspicuum, copiosum & profluens; in scribendo exquisitius ab delectu verborum, & structura curiosiori, & latine doctioribus magis, quam qui leviter tincti latinis literis essent, aptum ac probatum. Docendi rationem non modo ad scientiam referebat, sed etiam ad virtutem & bonam mentem, digredi sæpe solitus ad præcepta sapientiæ & virtutis, commendationemque elegantis in vita humanitatis: cuitis tanto melior & præceptor & commendator erat, quanto ipse in omni vita erat elegantior & urbanior, domestica Patris disciplina olim in prima ætate imbutus humanitatis & elegantiae sensu, & ad eam plane conformatus consuetudine cum viris magnis, cuius ei copiam & nobilium iuvenum re-ctura, & peregrinationes fecerant. Vitæ genus sequebatur, quale literis maxime convenit, tranquillum, sine ignavia ac solitudine, neque assidua & promiscua cum aliis consuetudine occupatum & distractum, neque nimia literarum aviditate solitariam & obscurum: nunquam se minus solum existimans, quam cum inter libros suos ageret, nunquam magis, quam cum inter homines, quibuscum nihil loqui liceret de communibus literis, aut quod in diem posterum iuvare ingenium animumque posset. Bonarum literarum tantus amor erat, tantum studium, ut in earum laude ac dignitate tuenda modum excedere mallet, si tamen in tali re modus excedi potest, quam non satis acer defensor videri.

Sed illa ipsa vita, domi maxime & in literis acta, sicci corporis

---

\*) In Viris Eruditorum nostræ ætatis P. IV. Index scriptorum ibi editus definit in Prolusione & Panegyrico a. 1749. editis. Accessere his Prolusiones atque Exercitationes: *Magisteria Veterum in poculis: de poetica recte intelligenda: de poetarum imaginibus: de Carminibus Saturniis: Panegyrici: Studiorum constantia: Scriptio labor: Scriptio bona & ratio: Corrigenda rerum inanum studia: Urbis Lipsiæ bona.*

poris virum, nec nimis a nervis robusti, quamquam satis prospera valetudine a pueris usum, tamen paulatim debilitaverat. Cuius imbecillitatis vis primum erumpere ante paucos annos coepit sputi copiosiori fluxu, per intervalla recurrente, qui interdum etiam vomendi conatum ciebat. Hunc etsi represserat aliquoties, & primarum viarum debilitatem roborare tentarat, *Ludovicus* noster, cuius eccellente scientia, & fideli consilio utebatur *Christius*: tamen tanta mali vis fuit, ut plane tolli nulla arte posset. Nam secuta hieme ita aucta est imbecillitas, ut de salute viri dubitare medicus inciperet, post breve autem a vernalis temporis benignitate levamentum, etiam desperaret, cum adpropinquante autumno ita vires frangerentur, corpusque totum contabesceret lentæ febris accessione, ut ad extremum succumberet malo, & leniter expiraret.

In tanta imbecillitate corporis, tamen ad extremum animus conservavit cogitandi vigorem: qui & amicis, & ipsi, spem quandam recuperandæ valetudinis relinquebat. Itaque ei licebat, sermonibus cum familiaribus, qui visendi causa venissent, habendis, libris inspiciendis legendisque, sed maxime rerum divinarum cogitatione, mali sensum subinde vel minuere, vel obruere: videbaturque ipsa cogitandi contentione recreari potius, quam defatigari. Quo magis etiam corroboratus est animus, accepto de *Christophori Wollii*, Viri S. Rev. manibus corporis & sanguinis Christi viatico, auditisque sermonibus, ad contemnendam huius tam fragilis vitæ miseriam, & melioris spem atque cupiditatem confirmandam alendamque, accommodatis. Neque vero aut impatientia se opprimi sinebat in tam longo malo, aut querelis molestus cuiquam erat, sed dissimulabat potius magnam mali partem, & in melius verbis vertebat, quæ timor etiam augere solet. Una re gravius est commotus, cum bello repentino oppressam patriam audisset. Sed ille dolor admodum ei brevis fuit, tertio die post, II. Sept. 1756. ex huius vitæ miseria & turbis, ad celestia gaudia & æternam tranquillitatem translato. Nos vero, quicumque bonas literas amamus, memoriam Viri de iis præclare meriti conservabimus, eamque iustis laudibus ad posteritatem propagare, sed maxime insigne eius studium in iis tuendis, imitari conabimur.



# NOVA ACTA ERUDITORUM,

*publicata Lipsiæ*

*Calendis Martii Anno MDCCLIX.*

*Pars II.*

DICTIONAIRE HISTORIQUE, OU MEMOIRES  
Critiques & Littéraires, &c. par PROSPER MAR-  
CHAND. TOME SECOND. K-W.

i. e.

LEXICON HISTORICUM, SIVE COMMENTARIJ  
*Critici & Litterarii de vita & operibus hominum illu-  
stratum, quorum pars maior doctrina laudem meruit.*  
*Scripsit PROSPER MERCATOR.*  
TOMUS ALTER.

Hagæ Comitum 1759. apud Petr. Hondium, Alphab. qua-  
tuor, forma folii.

**D**e Parte priori Operis, iucunda utilitate spectabilis, ita  
diximus, (in Act. Erud. A. 1758. pag. 673. sqq.) ut  
nihil fere, quod ad efformandam illius in animis Le-  
ctorum imaginem quandam pertineat, prætermisisse videa-  
mur. Iam igitur, accepta Parte posteriori, non curabimus  
communes illius cum priore dotes, sed paullo ampliorem  
potius eorum, quæ *Mercator* noster de viris claris, certe me-  
morandis, hac Parte tradidit, repetitionem suscipiemus.  
Sequemur autem eundem, quem ille tenuit, litterarum ordi-  
nem, neminem tacituri eorum, quos ille memoria dignos  
iudicavit.

T

*Kira-*

*Kiranides*. Liber, artis magicæ futilia præcepta nonnulla complexus, quem alii Mercurio Trismegisto, alii Zoroastri, plurimi denique *Kirano* aut *Kiranidi*, (aiunt Regem Persarum fuisse,) tribuunt. Vero autem proxima est suspicio Reinesii, qui illum existimat fragmenta habere earum opinionum, quas olim Aegyptii, Persæ, atque Arabes amplexi fuerint. Nec *Κείρανις* Auctoris nomen est, sed libri, in quatuor *Κοινοί* distincti. Ex Græco, an Arabico? sermone latine vertit Gerardus Cremonensis. Superfunt in Bibliothecis duo libelli, hoc propemodum argumento & indice, qui sæpius inter se miscentur. Alter Græcus est MSCtus, inscribiturque, *Cyrani & Harpocratonis περί Φυσικῶν δυνάμεων*: alter latine editus exstat. *Kirani Kiranides*, & *Liber Physico-Medicus Kiranidum Kirani*, quem Lipsiæ A. 1638. edidit Andreas Rivinus, cuius etiam Codicis Autographon servat Bibliotheca Academiae Lipsiensis \*).

*Iohannes Lannelius*, (de Lannel.) Huius nomine prodit Lutetiæ A. 1622. Historia Iohannis Secundi, Regis Castiliæ, vero Auctore libri Cardinale Richelio, qui eo impetebat Connetabulum de Luynes. Hoc eodem loco eidem Richelio vindicatur *Testamentum politicum*, quod negarunt nonnulli ab eo scriptum fuisse.

*Leonardus Utinensis*, Dominicanus Seculi XV. sermonibus sacris habendis claruit. Ostendit Auctor, errasse sine dubio Ioh. Gottfr. Olearium, in Abaco Patrologico, qui omnium librorum typis descriptorum primum reputet editionem Sermonum Leonardi de Sanctis anni 1446, quam teneat Bibliotheca templi Mariani Halensis. Errasse autem, ita, ut tempus scripti operis, cum tempore editi, commutaverit. Adparere enim in prima horum Sermonum editione anni 1473, annum illum 1446. huius rei documentum.

*Iohan.*

---

\*) Scribentibus ista ad manus est *Defensio Variarum Lectionum Tbo. Reinesii*, (qui & ipse Auctor libri est,) *contra iniquam censuram Poetae L.* Rostoch. 1653. 4. liber rarior, qui non solum totus est in lacerando misere Rivino, sed inprimis hanc eius *Kuranidon* editionem a pag. 150. 168. exagitat.

*Iohannes Licaragus, (de Licarrague.)* Hic Novi Foederis libros in linguam Vasconum seu Cantabricam transtulit, inductus iussu, & subsidiis a Iohanna Albretana, Regina Navarrae, ministratis. Eius versionis perquam raræ index hic est: *Iesus Christ Iauaren Testamentu Berria, &c. Rochellan Pierre Hautin imprimicale, 1571. 8.* Obiter de Henrici IV. R. Galliae, ad sacra Pontificia transitu, disputat Mercator: observat item, in Antonii Bibliotheca Hispana Nova non esse, quod multi putant, omissam Mich. Serveti mentionem; legi enim de eo nonnulla Tom. I. p. 69. sub alio nomine, *Andreas Servetus de Aninon.*

*Vascus Lobeira.* Primus Auctor fabulosæ Historiæ de *Amadis de Gaula*, ex qua, velut ex equo Troiano, innumeræ fabulæ Romanenses progressæ sunt.

*Julianus Macho,* Augustinianæ familiæ monachus exeunte Seculo XVI. Lugduni Gallorum. Complures libros latinos Francogallice vertit.

*Mandevillus, qui & Mondevillus, Mundevillus, imo Amondevillus* scribitur. Medicus & Chirurgus Philippi Pulchri, Gall. Reg. ipsis Gallorum plerisque ignotus.

*Colardus seu Nicolaus Mansion,* typographus Brugenſis, sub exitum Sec. XIV. Metamorphoses Ovidii Gallice vertit.

*Theodorus Martinus, (Martens & Mertens).* Vir doctus, Erasmi amicus, qui primus artem typographicam in Belgio exercuit, Aloſti quidem, Lovanii, & Antwerpiae. Non est nobis ſilendum monumentum viri ſepulchrale, quod Aloſti ſpectatur, ubi octogenario maior A. 1534. deceſſit. In eo quippe diſertis verbis perhibetur, Martinum artem typorum, beneficio ſcribendi, ex Germania & Gallia in Belgium intuliſſe.

*David Martinus.* Clarus Reformati coetus Miniſter Sacrorum, primum in Galliis, deinde in Belgio. Quas ad viros doctos dedit epistolae, merito eas ſingulari Volumine comprehenſas edi optat Noſter. Kettnerus autem, quem Superintendentem *Fridlinburgensem*, mox *Queidlinburgensem* ad-

pellat, *Quedlinburgi* Ecclesiam rexit, quam urbem Abbatia satis nobilem facit.

*Masutius*, (*Masuccio*). Ineunte Seculo XV. fabellas L. (*Cinquanta Nouvelle*) contexuit, quibus minus dextre imitatus est Bocatium, & impietatis simul notam contraxit. Longior digressio Auctoris, de fabulosis Historiis, quas Galli, adscitis nominibus veris, finxerunt.

*Ludovicus Maius*, (*Louis du May*), Scriptor Sec. XVII. Celebratur imprimis illius *Scientia principis*, seu in Naudæum, de callidis Principum administrandi regni rationibus, (*sur les coups d'état*), commentarius, in quo tamen plusculos errores notat *Mercator*. Accusat etiam in transcurso insignem plagiarium, qui, editis A. 1739. Lugd. Bat. *Reflexions historiques & politiques sur les moyens, dont les plus grands Princes & habiles Ministres se sont servis pour gouverner & augmenter leurs Etats*, Naudæi librum, paullulum mutatum, pro suo venditavit.

*Silvester Mazolinus*, vulgo *Prierias*. Satis ille quidem vel publicatis adversus Lutherum scriptis notus, quem tamen non primus, ut multorum fert sententia, sed inter primos, stylo petiit. Ceterum iure Noster ridet eos, qui Silvestro tribuunt *Modum solennem & authenticum ad inquirendum & inveniendum & convincendum Lutheranos*, cet. editum A. 1519. 4. quum sit potius liber facetus, qui Inquisitorum stultitiam — naso suspendit adunco.

*Numi*, (*Medailles*). Dicit primum de duobus Operibus sane victuris, Antonii Augustini altero, altero Ez. Spanhemii. Tum Bibliothecas numarias præcipuas indicat. Adücit exempla numorum plura, quæ doceant, non esse his monumentis plus iustotribuendum, quippe quæ verum sæpius corrumpant. In his est numus Iulii Cæsaris, quo nomen suum & dignitatem tecte designavit. Illustrius exemplum præbet splendida collectio, *Historia Ludovici XIV. in numis*. Sed curiosius tractatur, atque adeo aere expressus proponitur (p. 51.) numus infamis, male adscriptus Beuningio, Batavorum Consuli, cusus ille potius & conditus Norimbergæ aut



ant Augustæ Vindelicorum, hac epigraphe: Stetit sol in medio coeli. Succedit numus, cuius item species exhibetur p. 54: quo minus honesta, sed ridicula traditur imago foederis, cum Anglorum tyranno Cromwellio, a Gallis & Hispanis pari ardore expetiti. Alia postea numorum exempla proferuntur, quorum errores, Historiæ ope, emendandi sint. Denique eos impugnat Auctor, qui præferre Numis Inscriptiones studeant, additis Inscriptionibus nonnullis, quæ manifesto falsa perhibeant, ut illa in Arcu Triumphali Titi verba: *Urbem Hierosolymam, omnibus ante se ducibus, regibus, gentibusque, aut frustra petitam, aut omnino intentatam.* Observat etiam, nec numos, nec inscriptiones, quamvis utrumque genus coniungas, ad perfectam historiam sufficere.

*Petrus Merlinus.* Hic, cum celeberrimo Navarcho Catilioni (Chatillon) a sacris esset, ea ratione effugit funestæ diei Bartholomeanæ cædes, quam possis miraculosam dicere. Quod calumniati sunt nonnulli, hunc Merlinum, præfectum deinde ecclesiæ Reformatæ in Britannia minore, & insignis apud suos auctoritatis virum, verum esse Henrici IV. seu Magni patrem, id nullo negotio refellitur.

*Iohannes Myssenus, (Meyssens).* Idem picturæ artem, & lardi vendendi mercaturam ignobilem, exercuit Antverpiæ. Ibi edidit A. 1649. librum infrequentiore: *Images de divers Hommes d'Esprit sublime, &c.* fol.

*Ioh. Monelarius, (Monthyard).* Dubium est, an Reformati cuiusdam coetus antistitem egerit; illud certum, fuisse ab epistolis Condæo Principi, sub initia seculi superioris. Multa Gallice convertit, ut Natalis Comitæ Mythologiam, Apuleii Asinum Aureum, alia. Legas hic enumerationem versionum omnium libri Apuleiani Gallicarum; & de Iac. Clemente, qui sicarias manus Henrico III. admovit; de diebus item fatalibus, singularia.

*Ioh. Morellus,* Frater Guil. Morelli, quem norunt omnes typographum Regis in Græcis excellentem fuisse. Iohannes autem, veriora sacra sequutus, inhumanas ob ea ipsa verationes, mortem denique pertulit, egregium constantiæ exem-

operis Boëthiani recenset Auctor, incipiendo ab antiquissima, quam Seculo XIII. perfecit *Jean de Meun*, cognomine *Clopinel*, h. e. claudus.

*Jacobus Palladinus*, vulgo *Jacobus de Teramo*, quod est nomen patriæ, cum illud prius familiam viri designet; utroque tamen nomine, velut diversorum hominum, descriptus a Toppio in Biblioth. Neapol. Iurisconsultus celebris Sec. XIV. fuit. De eius *Processu Luciferi contra Iesum*, coram iudice *Salomone*, qui liber stultitiam illius ætatis satis manifesto prodit, curiosius disputatur; instituta etiam iniquiore comparatione cum eo libro poematis Miltoniani, aliorumque, qui res sacras fictionibus exornarunt. Per occasionem Ioh. Hussi vaticinia examinantur, reiciunturque, de cuius & numis legas quædam p. 124. 125.

*Ferrantes Pallavicinus*, Ingenio & scriptis nobilis, sed idem maledicus. Qua styli intemperantia quum inprimis adversus Barberinos, gentem illustrem, & Urbano VIII. Pontifice præpotentem, grassaretur, ab his interceptus Avénione supplicio adfectus est, A. 1644. mense Martio. Frustra sunt, qui negant, scriptum esse ab eo *Divortium Coeleste*, Satyram in Ecclesiam Romanam, quæ legatur non indignam.

*Pantalion* seu *Panthaleon*, Medicus Seculi XV. Italus, an Gallus? Raræ sunt eius *Vitæ Sanctorum*, A. 1475. in *Casellarum oppido* impressa, hoc est Casellis in Hibernia, ut putat Mercator.

*Paulus Middelburgensis*. Scriptis Astronomicis & Chronologicis famam adeptus est, primusque adeo fundamenta iecit corrigendorum a Gregorio XIII. Pontifice fastorum.

*A. S.* sive *Andreas Peregrinus*. Nomen fictum, quo insignita prodiit *Hispaniæ Bibliotheca*, Francos. 1608. tribus Voll. quaternis. Huius auctor, communi eruditorum sententia, creditur *Andreas Schottus*, Iesuita celebris. Negat Noster, motus gravitate errorum, quibus hoc opus laboret, præcipue ea pars, quæ de Mariana tradit. Itaque sibi persuasit, verum Bibliothecæ huius Auctorem esse  
Vale-

Valerium Andream, qui triennium integrum in disciplina & domo Schotti egerit, & uti illius Collectaneis potuerit. Addidit Auctor narrationem criticam Operis Marianæ clarissimi, de rebus Hispaniæ, persequendo Editiones illius, Versiones, & Apologias plerasque omnes.

*Iacobus Petitus, sive Parvus, Monachus Augustinianus* Sec. XV. gente Gallus, addictus Principibus Burgundiæ. Dubitatur, an eius Historia Caroli VI. R. Gall. typorum opera vulgata fuerit.

*Picatrix, Arabs, qui medio Seculo XIII. vixit, & magicarum superstitionum collectionem compilavit, nunquam typis descriptam.*

*Caspar Pilleterius, sive Pelleterius, Medicus sub exordium Sec. XVII. in patria, Middelburgi Selandiæ. Scripsit: Plantarum, tam patriarum, quam exoticarum, in Walachria, Zeelandiæ insula, nascentium, Synonymia, Middelb. 1610. 4.*

*Christiana, seu Christina Pizan, Femina docta in Galliis, Seculo XV. Patre nata Astrologo Caroli V. Regis. Multa scripsit, & versibus & prosa, quæ ineunte anno solebat familiæ regiæ & proceribus offerre. De his tamen omnibus opusculis nonnisi duo typis expressa leguntur. Nupserat Stephano Castello cuidam, reliquitque filium Ioh. Castellum, Historicum diligentem.*

*Iohannes Mæraeus Poltrotus, Gallus, nobili genere natus, & Reformati coetus sectator, qui fanatico oestro percitus, Gudiam Ducem, præcipuum religionis suæ hostem, trucidavit. Notat Auctor eos, qui impium hominis factum non veriti sunt heroicum dicere, scriptisque celebrare: superest in eundem laudatorium Adr. Turnebi carmen, quod tamen vix videtur a viro tam humano profectum esse.*

*Guilielmus Rancinus, (Ranchin), in Academia Montispefulana Antecessor, ineunte Sec. XVII. vir egregie doctus. Præstantissimum eius opus censetur quod sic inscripsit: Revision du Concile de Trente, contenant les Nullitez d'iceluy, &c. 1600. 8. Dignum, quod iteratis curis publicetur.*



*Erh. Ratdolt*, Augusta Vindelicorum oriundus, clartus Venetiis typographus, cui multum ars sua debet. Docuit enim primus, figuras mathematicas, ligno insculptas, eadem facilitate, qua litterarum elementa, chartæ imprimere. Alia item ornamenta typis adiungere, ut videtur, instituit, quæ dicunt les Lettres grises, les Fleurons, les Vignettes. Forte & inscribendorum librorum rationes, seu Titulos, primus hoc ordine digessit, quo adhuc usurpantur. Rediit tandem Augustam, ubi libris porro edendis ad A. 1505. operam dedit. (Meminimus, nos in Annotationibus ad Catalogum Bibliothecæ Smithianæ, qui prodiit Venetiis A. 1755. 4. pag. 217. legere, Ratdoltum nostrum *deridiculæ rusticitatis* adculari hoc nomine, quod in epistola dedicatoria, qua librum quendam summo Venetorum Duci inscripserat, suum nomen primo loco posuerit. Sed si hoc est rusticum agere, quot, quæso, antiquitatis eruditæ scriptores, omnem urbanitatis laudem amittent?)

*Guilielm. Rebolus*, (*de Reboul*), scriptor malignus & dicens, a Reformatis in Gallia communione exclusus, stylum in eos vehementissime exacuit, facta ad Pontificiorum sacra transitione. Romam deinde migravit, usus Patrocinio Baronii Cardinalis. Sed cum Pontificem ipsum, qui hominem paupertate attritum sublevare nollet, scripto laceggeret, eius iussu capite truncatus est A. 1611.

*Gui de Roye*, mortuus Præsul Rhemenfis, A. 1409. Scripsit librum nugacem & ridiculum: *Le Doctrinal de Sapience*.

*Iohannes de Sancto Iusto*, (*de St. Iuste*). Huius diarium itineris Philippi IV. Regis Francorum, in tabulis fagineis ceratis scriptum, singulari libello A. 1746. Florentiæ edito, descripsit Ant. Cocchius.

*L'Abbé de Saint-Réal*. Scriptor ingeniosus, qui vivere desiit A. 1692. Multorum ille operum poeta, de quibus longam narrationem composuit Noster, a pag. 164-181. Sed satis habemus, Lectores eo ablegasse. Commendatur imprimis eius methodus discendæ historiæ, & Descriptio coniurationis Hispanæ contra Rempublicam Venetam, Sa.



*Salignac.* Septem hac familia prognatos laudat Mercator, quorum primus Sec. XIII. secundus XIV. ceteri XVI. vixerint, indignatus Gabrieli de Lurbe, qui nullum eorum, in libello de illustribus Aquitaniae viris, produxerit. Octavus additur, qui reliquos omnes celebritate & meritis vincit, Franc. de Sal. de la Mothe Fenelon.

*Rodericus Sancius, Rodrigue Sancio, seu Santhex,* Episcopus Hispanus Sec. XV. quem complures ab Episcopatibus quos gessit varie cognominatum, male a se ipso distinxerunt. Nostri illum in Testibus veritatis collocant: num recte? dubitat Mercator.

*Henricus Schorus, seu Schorius,* Scriptor Belga Seculi XVI. de quo perpauca memoriae sunt prodita. Obiter Auctor dolet Lexicorum Geographicorum vitia, adiungens seriem omnium huius generis librorum, in quibus extremum est voluminosum opus: Le grand Dictionnaire Geographique & Critique par M. Bruzen la Martinière, quod acriter reprehendit.

*Johannes Serranus, (de Serres).* De hoc ampliorem tradit Mercator relationem a pag. 197-213. Merito certe eius. Nam & eximia versione Operum Platonis, & Commentarius de Statu Religionis & Reipublicae in Regno Galliae, quas *dyaromias* edidit, & Inventario Historiae Gallicae, lingua patria scripto, insignem laudem adeptus est. Sed cum postremo libro nomen gentilitium (*de Serres*) adponeret, factum est, ut multi eum crederent esse diversum a *Serrano* illo, quo nomine dialecti Francogallicae asperitatem emolliverat. Excesserat patria, ut libere religioni Reformatae satisfacere posset, Lausannam. Tandem in Galliam rediit, rexitque ecclesiam primum Nemausi, dein Arausii, ubi A. 1598. obiit. Aiunt non pauci, eum Henrico IV, ad sacra Pontificia transituro, suasorem extitisse, imo magis aule quam coetui suo fuisse, & supremo vitae tempore omnino ab hoc descivisse. Verum haec singula suspiciosa magis, quam vera esse, existimat Mercator.

*Wilhelmus Iacobus i. Gravesande,* a pag. 214-241. De

hoc illustri Philosopho non Mercator ipse, sed Editor operis, Cl. *Alamianus*, commentatus est. Intercesserat enim ei cum Gravesando coniunctissima familiaritas, ut adeo vera atque certa omnia de eo referre in litteras potuerit. Nos potiora delibabimus. Natus erat Delphis A. 1688. familia patricia. Cum nondum annum ætatis XIX. attigisset, operamque daret studiis academicis, primum opus suum, *Essay de Perspective*, composuit. Mox Lugduni Batavorum Doctoris Iuris dignitatem, una cum fratribus duobus, obtinuit. Cum his Hagam Comitum conversus, præcipuas partes egit in conscribendo Diario Erudito, *le Journal littéraire*, quod in optimis ponitur. Inseruit eidem Dissertationes varias, quarum maxime memoranda est, Periculum novæ theoriæ collisionis corporum; qua pro Mensura Virium Leibnitiana pugnat. A. 1715. in Angliam missus est, ut legatis Batavorum ab epistolis esset. Id muneris annum unum gessit. Sed A. 1717. a Curatoribus Academiæ Lugdunensis Professor Ordinarius Matheseos & Astronomiæ constitutus est. Tum primus ibi Physicam per experimenta docere coepit. A. 1721. invitatus a Landgravio Hassiæ, ut se conveniret, iudicaretque de machinis nonnullis, quas construi faciebat Princeps hic Mechanices non solum amans, sed etiam gnarus, venit Casselas. Ibi oblata oculis ipsius est celebris machina Orffyreï, qua is *perpetuum mobile*, quod vocant, effecisse se existimabat, multisque persuaserat. Contemplatur Gravesandus, & examinat, præsentem Landgravio; neque invenit quidquam, quod suspicionem fraudis in artifice argueret. Qua de re ad summum Newtonum litteras dedit, descriptas & hoc loco pag. 223. Omnino Gravesandus eam opinionem fovebat, *perpetuum mobile* non esse ex *adivacis*. Immo tentabat etiam illius possibilitatem, si quidem ita loqui liceat, docere. Edidit enim brevem commentationem, *Remarques touchant le Mouvement perpetuel*, quæ cum rarior hodie appareat, recte in hos commentarios translata ab Alamano est, p. 225 - 228. A. 1734. Professoris Philosophiæ munus accepit, hoc est, facultatem, omnes Philosophiæ

phiaz partes publice profitendi. Auditorum causa A. 1720: & 1721. primum edidit Physices Elementa Mathematica, experimentis confirmata; cuius libri historia omnis hic panditur, adiungiturque doctissimi viri, Iohannis Bernulli, de eo iudicium. Postea dicitur de Gravesandii Introductione ad Philosophiam, quæ ei non merenti graves accusationes peperit. Statuerat idem telam Philosophici Systematis, adiungenda morum doctrina perficere, sed non præstitit. Aliorum quoque operibus edendis sæpius præfuit, ut Hugonii, Keilli, Newtoni, aliorumque scriptis. Decessit A. 1742, postquam triennio ante utrumque filium amiserat; decessit autem animo, Christiano homine digno, quidquid calumniati sint nonnulli. Ceterum utilem operam non eruditis solum, sed patriæ etiam reipublicæ, navavit, adiuvando publica comoda variis ingenii viribus. Quam patriam adeo dilexit, ut nec vocanti Petropolin Petro I. nec Borussorum Regi Bero-linum invitanti, ut adscriberetur Socius Academiæ in illa urbe regiæ, paruerit.

*Simon Genuensis*: alii *Ianensem* dicunt. Medicus Nicolai IV. Pontificis Seculo XIII. sed idem & Canonicus Rothomagensis. Laudant eum impense populares, velut Arabice Latineque egregie doctum; alii rectius versiones ab eo perfectas contemnunt. Fuerunt, qui ex uno homine duos facerent, *Sim. Genuensem*, & *Sim. a Cordo*, ut Wolsig. Iustus in Chronologia Medicorum apud Lindenium renovatum; imo tres, ut Oldoinus in Athenæo Ligust. p. 499. & 500. atque adeo quatuor, quem insignem errorem erravit Mangetus in Biblioth. Script. Medic. T. I. p. 115. II. p. 455. III. p. 21. IV. p. 266.

*Simon Tornacensis*, (*de Tournai*). Male eum ab Anglis patria Cornubiensem, & cognomine Thervaium dici, iam Oudinus in Commentariis suis docuit. Floruit ineunte Sec. XIII. sed, quod addunt, Oxonii, id valde dubium est. Certius illo est, fuisse Canonicum Tornaci, & Doctorem Theologum Parisiis. Hic annos decem studia humanitatis, philosophiam imprimis, summo audientium concursu, docuit;

postea non minore gloria Theologiam. Cum esset studiosissimus Aristotelis, accusatus est hæreseos, videturque eius in disputando subtilitas inimicos ipsi conciliasse. Hos verosimile est finxisse voces blasphemias, quæ ei tribuuntur, poenas item, quas dederit, miraculosas. Quem Balæus, Scriptor. Britann. Centur. XII. p. 96. commemorat, *Simonem Thornaye*, is a Tornacensi nostro fortassis non differt.

*Soveranus*, (*Souverain*). Istius scripta, quam vita, notiora sunt. Deiectus munere præfecti sacrorum apud Reformatos, in provincia Pictaviensi, ob studium Arnunianismi, paucis ante sublatum Edictum Nannetense annis, ad Batavos profugit, ubi Synodi Dordracenæ præcepta recipere recusavit. Tum in Angliam transiit, cum aliis quinque sacrorum ministris ἐμψυφους. Ibi in gravem Socinianismi suspicionem incurrit, mortuusque est supremorum seculi superioris anno quodam. Magnorum motuum auctor existit liber eius, *le Platonisme dévoilé*, quo aperte Sociniani accessit. Scripsit etiam in Evangelium Iohannis dissertationem, quæ nondum lucem vidit. Ex quinque illis Theologis, qui cum ipso & Colomesio Londini familiariter vixerunt, *Carolus le Cene*, clarum versione Script. S. Francogallica, producit Mercator, eiusque vitam & scripta enarrat.

*Iacob. Paulus Spifamius*. Supplementum hic editur eorum, quæ Bælius de hoc homine celebri prodiderat, petatum illud e *Valteri* (*Gautier*) Adnotationibus ad *Sponii* Historiam Genevensem.

*Henrica Colinaea, Comes Susæ*, (*Henriette de Coligni, Comtesse de la Suze*). Femina illustris, & forma & ingenio. Dicitur de impio eius consilio, Orationem Dominicam ioculari stylo exprimendi; item de laudibus in eam cumulat; & per occasionem de Menagio, in plagiaris censendo.

*Guilielm. Tardivus* (*Tardif*), Professor Rhetorices Parisiensis exeunte Sec. XV. Cum in scriptis eius sit Anti-Balbica, seu Recriminatio Tardiviana in Balbum; de hoc *Hier. Balbo*, qui simile munus in eadem Academia gerebat, pluribus exponitur, sed & de alio *Hier. Balbo*, Episc. Gurcensi Sec. XVI. & de Fausto Andreliino.

Ta.



*Taxae Sacrae Cancellariae & Poenitentiariae Romanae & Apostolicar.* In eo est in primis Auctor, ut Editiones libri huius, qui profecto splendorem Ecclesiae Romanae nihil auget, recenseat, quoad eius fieri potest, omnes. Indicat autem XLIII, numerando & illas, cum liber maioribus Operibus insertus fuit. Prima editio est anni 1471. procurata à Sixto IV. P. M. Postrema hoc titulo publicata est: *Taxe de la Chancellerie Romaine, ou la Banque du Pape, à Rome, à la Tiare, chez Pierre la Clef, 1744. 8.* Amplissima est, & apud Gallos excusa. Tradit porro nonnulla Mercator de Auctore Taxarum Apost. Iohanne XXII. P. M. & institutum ipsum non immerito castigat, adducta etiam longa serie *librorum poenitentialium.*

*Hermannus Torrentinus*, Grammaticus eximius Sec. XVI. Memorandus, prae ceteris eius scriptis, est Commentarius in Doctrinale, seu Grammaticam Alexandri de Villa Dei. *Elu cidarius* vero *Carminum & Historiarum* quem scripsit, ediditque A. 1510, primam ostendit originem Operum immenso- rum, quae Lexica historica adpellant, quibus obruta prae- ætas nostra est. Enumerat illa diligenter Noster, & quo lo- co quodque habendum sit, indicat. Prodeunt hic Stephani, Hoffmanni, Morerii Opera.

*Ioh. Veldenerus*, seu *Veldenarus*. Ex primis Belgii Typo- graphis fuit. Indicantur libri, quos formis suis descripsit. Ad eos pertinet Chronica, quae Fasciculus temporum dicitur, cu- ius multi Veldenerum Auctorem faciunt; cum tamen com- posita sit a *Wernero Rolefinck de Laer*, Cartusienſi Monacho.

*Angelus Vergetius*. Male Bælio *Vergerius*. Candia pro- gnatus, a Francisco I. Galliarum Rege ad pingendas Græ- carum litterarum formas, quae postea in typographia regia cuderentur, adhibitus est. Vertit etiam ex Græco librum de fluviorum & montium appellationibus, sive cognomini- bus. Filius quoque eius, *Nicolaus*, litterarum studiosus fuit.

*Raemonduſ Viſſenius*, (*Raymond de Vieuffens*). Medicus illustris fuit, cui multum præcipue Anatomia debet. Mor-  
tuus

tuus est A. 1715. in Academia Montispeffulana, quam solus fere exornavit.

*Francisc. Villon*, helluo, impostor, & scriptor ludicrus Sec. XV. En epitaphium, quod sibi ipse ponebat, cum esset suspendio necandus:

*Je suis Francois, dont ce me poise,  
Né de Paris emprès Pontoise,  
Or d'une corde d'une toise  
Scaura mon col que mon cul poise.*

*Philip. Vitriacus* (de Vitry), Episc. Meldensis, medio Sec. XIV. Legas hic exempla carminum illius Gallicorum, cum interpretatione latina *Nicol. de Clamengis*, non *Clemangis*, ut vulgo dicitur.

*Matthaeus Vossius*, *Gerardi Iohannis* filius, scripsit Annales Hollandiae Zeelandiaeque, quos frater *Isaacus* ad maturitatem perduxit.

*Ioh. Segerus Weidenfeld*, auctor libri de secretis adeptorum, Londini A. 1684. 4. & mox Hamburgi A. 1685. 12. editi, pseudonymus videtur esse nostro.

*Wigandus Wirt*, seu *Caupo*, Dominicanus sub exitum Sec. XV. & initia XVI. Noscas ingenium hominis violentum ex scriptis contra Iohannem de Wefalia, Trithemium, Brandium, & Capnionem; fraudulentum vero ex infami traegodia Bernensi, acta A. 1507, cuius ille princeps auctor habendus est.

Subiungitur Appendix duplex: altera, quae Commentarios Balletianos de libris in *Anti* suppleat; altera Epistolas Reginae Navarrensis, *Iohannae Albretanae*, nonnullas complexa, quae Licarragi & Spisamii historiam illustrant. Claudunt librum indices, sic satis utiles. Multa legisse, & sagaciter indagasse Mercatorem, abunde hi Commentarii testantur, diligenter lectitandi ab illis, qui historiam, litterarum imprimis, colunt. In quibus si paullo plus a consuetandis rebus minutis abstinuisset, stylique acerbicatem coercuisset severius, multo maiorem apud omnes gratiam initurus erat. Sed nos grati prosequentes Cl. Alamani edentis hoc amici opus stu-

studium, memores promissi eius in præfatione Tomi I, de publicando iterum utilissimo libro Mercatoris, *Histoire de l'Imprimerie*, ut illud impleat propediem, optamus.

*DE RECONDITA FEBRIUM INTERMITTENTIUM, tum remittentium, natura, & de earum curatione, variis experimentis & observationibus illustrata, LIBRI DUO.*

Amstelodami 1759. sumptibus Fratrum de Tournes, plag. 18. in 8.

**R**econditam febrium intermittantium remittentiumque naturam perscrutare, earumque medelam rationi & experientiæ congruam tradere, quæ magis arduum opus est, hoc est optandum magis, ut medici, & usu & doctrina præstantes, pro viribus quique suis, difficili huic artis parti, eidemque non minimæ, lucem clariorem accendant. Laude igitur sua minime fraudandus est scripti huius Auctor Anonymus, quod ea, quæ ipsum librorum lectio & usus docuit, cum iunioribus medicis communicare voluit. Divisit autem scriptum suum in libros duos, quos deinceps in plura capita digessit. Et L. I. quidem *Cap. I.* varias febrium intermittantium species enumerans, quintanam facile adnoscit, de sextana vero & septana nonanaque dubitationes movet: nec quotidianam ad intermittentes referendam esse putat. *Cap. II.* medicorum quorundam placita, de variis febrium intermittantium causis, enarrat, ac minus quidem probat. Quare *Cap. III.* alia, quæ ipsi propius a vero abesse videntur, ponit, scilicet, bilem acriorem, aut materiam quandam putridam, in corporis recessu quodam latitantem. *Cap. IV.* causas remotas & occasionales recenset, tempestatum locorumque indolem nocentem, decubitum in locis humidis, exercitium nimium laboremque, animi pathemata, vigiliis protractas, excalescentium medicamentorum abusum. *Cap. V. & VI.* frigus febrile, eiusque antecedentia & consequentia, considerantur. Frigus quidem illud tribuit



nervis, causa occulta quadam in motum actis, sententiamque suam illustrat frigore, quod calculus biliaris in ductum choledochum actus, aut catheter vesicam urinariam attingens, excitat. Frigus ipsum oppido varium est, modo breve, modo longum; alias vehemens, alias mediocre, ut plurimum universum corpus concutiens, interdum unam vel alteram corporis partem constringens. Rarius locum frigoris explet dolor, parti cuidam insensus. Effecta frigoris sunt vasculorum contractio, pallor, fluidorum stagnatio circa cor & pulmones, secretiones perturbatae, transpirationis defectus. *Cap. VII.* de calore & sudore febrili agitur. Et calor quidem partim frigori antegresso, partim aliis causis, quas tamen non adfert, tribuendus Auctori videtur. *Cap. VIII. IX. & X.* sermo habetur de apyrexia eiusque causa, quae medicorum ingenia mire exercuit. Auctor noster, postquam variorum opiniones retulit, ex aliis morbis periodicis, v. c. hemicrania, tumoribus sanguinem periodice fundere solitis, podagra, & epilepsia, infert, dari in febribus intermittentibus materiam quandam in corpore genitam, vel aliunde advectam, quae in universas partes diffundatur; b) eam tamen praecipue hepatis esse infestam, in hoc eam colligi, in illudque vires suas exerere; c) postquam ad certum gradum devenerit, ac certa vis ei addita sit, ipsam veluti stimulo admoto visceris illius textum nervosque vellicare, sanguinis cursum retardare, acrimoniam pravasque dotes illi conciliare; eamque, d) facto veluti impetu in nervos agere, totumque corpus commovere, ac tandem ex loco primum affecto, & ex omnibus aliis partibus febre insequenti excuti & diffusi; e) denique remanere fomitem, qui sensim iterum auctus easdem turbas concitet. *Cap. XI.* num actio causae febrilis varia sit, disquiritur: nulla vero notabilis reperitur diversitas, quae constans sit, nisi earum febrium decursum solutionemque & curationem respicias, qua fit, ut quartanae longiores sint, & ad annum, imo diutius aliquando, excurrant. *Cap. XII.* adducuntur febres quaedam intermittentium naturam mentientes, v. c. catarrhales, item pleuriti-



ritidem aliquando insequentes, feminis, quæ foetum excluderunt, infensæ, aliæque; ad quas & quotidianas refert. *Cap. XIII.* dicitur de affectibus, quos mentiuntur febres intermittentes a natura sua degeneres, ut sunt dolores acerrimi statis temporibus revertentes, v. c. in orbitis oculorum, in oculis ipsis, in externa capitis superficie, motus convulsivi, & tremor, frigoris calorisque sensus singularum partium periodice recurrentes. *Cap. XIV.* de febre intermittente maligna exponitur. Hanc vocat, quando materies febrilis convertitur ad partes ipsas nobiliores, veluti ad cerebrum, ubi lethargi, apoplexiæ, & paralyseos causa fit; porro ad pulmones, aliasque partes respirationi inservientes conversa, catarrhos suffocativos, asthmata, aliaque respirationis vitia infert. Stomacho & intestinis dolores atroces excitat, nec non singultum, imo acres deiectiones. Aliquando observantur sudores copiosi, sudori Anglico non dissimiles, dolores artuum, crurum maxime, anæsthesia, horrendum frigus, quod calor nullus subsequitur. *Cap. XV.* Auctor, febres intermittentes non solum alios morbos, v. c. pleuritidem comitari, sed in continuos etiam abire solere, monet: & *Cap. XVI.* observationibus dicta comprobatur. *Cap. vero XVII.* singularis constitutio epidemica, ex stagno latissimo, materia putrida referto, describitur. Febres intermittentes comitabantur pectoris oppressio, delirium, apoplexiæ & lethargi species, aliaque gravia symptomata. *Cap. XVIII.* traduntur signa, quibus febris intermittens, sub alia specie morbi latens, detegitur, quæ quidem sunt lucida intervalla insignia inter duas quasque exacerbationes, periodicus recursus exacerbationum, urina lateritia. *Cap. XIX.* quænam ex febrium intermittentium symptomatis metuenda sint, enarratur. A frigore fit spissior sanguis, obstructions viscerum, hepatis maxime, palpitationes cordis, aliquando mors ipsa. Calor non ita valde terret, ut potius accenso calore res ægri in tuto esse soleant. Tamen, si æstus ægrum nimis extorret, si sudores nimis profusi sunt, tum & sanguis corrumpitur, & solidæ partes depravantur, unde multa

mala. *Cap. XX.* revertitur Auctor ad varios illos affectus, qui febribus intermittentibus iunguntur; ubi antea iam dicta minus commode repetuntur. *Cap. XXI.* febrium illarum curatarum reliquæ exponuntur, quæ sunt: sudores nocturni, hepatis vitia, durities pancreatis, lien inflatus, tumores ædemotosi, hydrops ipse. Posteaquam *Cap. XXII.* de vario relapsu in febres intermittentes A. dixit, *Cap. XXIII.* vitia, quæ in cadaveribus post febres intermittentes reperiuntur, enarrat. Reperiri, ait, cordis cava pulmonesque sanguine atro turgida; ventriculum inflatum; hepar albidum ac veluti exsanguæ & maceratum, idem interdum valde turgidum, & glandulis flavis oblitum; pancreas scirrhum; lien in magnam molem distentum, aliquando a sanguine copioso, eoque atro, ruptum; mesenterii scirrhus & abscessus; intestina aliis locis tumida, aliis constricta. Sequitur Lib. II. qui febrium curationem complectitur. Et *Cap. I.* quidem de difficultate febribus intermittentibus medendi tractatur. *Cap. II.* diluuntur quæstiones aliquot, scilicet: an omnes febres intermittentes iisdem curari debeant remediis? quod negatur; deinde, an febres illæ, sibi relictæ, per se ipsas desinant, vel crisin quandam moliantur? hoc in plerisque locum habere putat Auctor, si debito regimine excipiat morbus; tandem, an curatio statim ab initio instituenda sit? disquiritur, & sic decernitur, ut curatio ea fere semper locum habere dicatur, nisi alius morbus febre intermittente expugnandus sit. *Cap. III.* de sanguinis missione agitur, eaque laudatur, si sanguis turget, si intensior sit febrilis motus, si calore urente, aut acutissimo capitis dolore, vexentur ægri; relicitur vero, si contraria omnia adsint. *Cap. IV.* emesis commendatur, tanquam magnarum virium remedium. *Cap. V.* parum accurate de alvum subducentibus dicitur. Et *Cap. VI.* demum transitus fit ad aperientia, ubi multum tribuitur succis herbarum, & iusculis purgantibus ex Lapathosylvestri, cichoreo, scolopendrio, addito Sale Glauberi, arcano duplicato, aut crystallo minerali. *Cap. VII.* docetur, remedia generosiora, ut sunt emetica & purgantia, ita danda

danda esse, ut eorum operatio ante novam exacerbationem finita sit. *Cap. VIII. & IX.* methodus, febres intermittentes per sudorifera tractandi, probatur, si calor per ea non nimis accendatur, si sudoriferis misceantur aperientia, si in hepatis aliorumque viscerum læsionibus, atque in summa cachexia non exhibeantur, denique si sanguis non turgeat, nec ventriculus scateat pravis succis. *Cap. X. & XI.* specifica antifebrilia varia, satis cognita, enumerantur. *Cap. XII.* laudes corticis Peruviani celebrantur, moneturque, in cortice medio, eoque duriori & ponderosiori, summam inesse vim, cavendumque omnino, ne hic ipse cortex medius in tenuissimum alcohol reducatur, quia tritu nimio diacrisis vegetabilium, & summa virium iactura, fiat. Postea de variis formis, sub quibus cortex exhiberi soleat, deque variis medicamentis ipsi admiscendis, sermo habetur. *Cap. XIII.* de corticis non innoxii effectibus præmissis, A. deinceps *Cap. XIV. & XV.* methodum exhibendi corticem invenire studet, docetque, per sex vel octo dies post febris discessum certam dandam esse corticis dosin, deinde eam sensim per idem circiter temporis spatium minuendam esse; porro citius seriusve remedii huius usum omittendum esse, prout partium functiones melius aut deterius se habeant; tandem nunquam securum esse debere Medicum, si quid desit in bilis secretionis, in alvi laxitate, in urinarum colore aut copia. *Cap. XVI.* seorsim de quartana quæritur, num peculiarem sibi vendicet medendi methodum? negaturque, si recens sit; affirmatur, si vetustate pertinacior reddita, & tunc quidem, post alia quædam, thermæ & acidulæ valde extolluntur. *Cap. XVII.* comprehendit impedimenta illa, quæ in certarum partium affectibus, aut in variis temperamentis occurrunt. *Cap. XVIII.* exponit impedimenta ex ipsa febre, ex vitiis, quæ in varias partes inferre solet, & ex perversa medendi methodo ortum trahentia. *Cap. XIX.* curatio traditur febrium, quæ cum desierunt, iterum exsurgunt. *Cap. XX.* febrium intermittentium, quæ mali augurii sunt, curatio docetur: ea hæc redit, ut symptomatum ferociæ, metho-

dica curatione, tempore paroxysmi obviam eatur, tempore vero apyrexios cortex Peruvianus exhibeatur. *Cap. ultimum* doctrinam de febribus remittentibus, nimis breviter expositam, continet.

*CL. CLAUDIANI, QUAE EXTANT, VARIE-  
tate Lectionis, & perpetua adnotatione illustrata, a IO.  
MATTHIA GESNERO. Accedit index  
uberrimus*

Lipsiæ 1759. in officina Fritschia, Alph. 2. plag. 13. 8. mai.

**Q**uod Ciceroni olim inter civilia arma maxime probatum fuit, ut, cum videret, inter arma nullum esse locum eloquentiæ, neque in foro, neque in curia, omnem suam curam & operam ad Philosophiam conferret non solum, sed aliis quoque, ut ad eas se referrent artes, & literas, quibus a primis ætatis temporibus studium suum quisque dedisset, optimum esse persuasit: id Cl. etiam Gesnero visum est, qui inter arma, quibus Germania in sua sævit viscera, ad Musas totum se contulit, nobisque Claudianum suum dedit exoptatissimum, cuius virtutes & ornamenta, quibus ornatus prodit, in tabula quasi exhibere animus est, ut videant exteri, in Germania quoque, inter ipsa arma, bonarum litterarum studia vigere.

Iam ad Claudianum, cui chartarum typorumque nitor, eaque, quæ circa emendanda typothetarum vitia adhibita est cura, singulare inter reliquos, qui in Germania prodeunt, libros, addit ornamentum: nimia enim inter nostros plerumque solet esse typographorum & libreriorum festinatio, quæ fit, ut iis, quibus corrigere has mendas datum est, non sufficiat tempus: in hoc autem imprimendo Claudiano totum absumptum pæne est triennium, quo factum, ut magna mendarum, sollemni illo nostrorum librorum vitio, mole, non deformis iam appareat.

Prolegomena, quæ Cl. Gesnerus præmisit Claudiano, in XVIII. descripta sunt Sectiones, quarum breviarium, ut ipse vocat,



vocat, indices alias dixerimus, in tabula secundum numeros exhibuit.

Prima harum Sectionum occupatur circa describendam patriam, ætatem, vitamque Claudiani, in quibus Auctor neque Vossium, neque Gyraldum, neque Crinitum secutus est, sed ea tantum diligenter collegit, quæ ex ipsis Poetæ carminibus de eius vita constant. Alexandrinum eum fuisse, colligit ex XXXIX, 20. ubi Alexandrum M. conditorem patriæ appellat; & ib. 457. ubi Nilum *suum* dicit. Non imæ sortis hominem Claudianum fuisse, sed cognatum forte Hadriani Præfecti, Gesnerus intelligit ex XXXIX, 55. Ex eo, quod in Stilichonis clientelam mox se contulit poeta, infestum eius in Rufinum & Eutropium animum, eiusque Orientis & Constantinopoleos odium, explicat. Tribunum eum fuisse nemo negat: sed an Celerum, an Prætorii, an alius? omnes ignorant; sicut neque de militia eius quidquam certi constitui potest. De calamitate ab Hadriano ipsi illata, de qua queritur epistola, itidem nihil adfirmari potest. Plura alia, ad favorem, quem in aula expertus est noster, & ad matrimonium dives pertinentia, silentio præterimus.

II.) Secundo loco disquiritur, an Claudianus Christianus fuerit homo? quod Cl. Editor negat, ab aliis iam satis in dubium vocatum: illis autem, qui volunt nostro inter Christianos locum vindicare, non omnino adversatur quidem, sed inter eos tantum habendum putat, in quibus fuit Ausonius. vid. *Barth.* ad Stat. Tom. II. p. 921.

III.) Quæ sequitur, tota versatur in exponenda Claudiani eruditione, Sectio. Eam non vulgarem fuisse autumat Cl. Editor, & ex ipsis carminibus colligit, fuisse eum præclara quadam philosophiæ Heraclitæ scientia imbutum; in fiderum autem cognitione, in naturali scientia, quam physicam appellant, & in Mythologia denique, ad summum pervenisse Claudianum, eiusdem Cl. Gesneri opinio est. Spem nobis eo loco facit Venerandus Senex, libri, si Deus vires dederit, adhuc a se edendi, quo clarum faciet, quæ nova vulgo ferun-

feruntur Philosophorum inventa vel dogmata, ea non esse nova, sed antiquis iam satis nota; qui liber ut prodeat, vehementer & serio precamur: certum enim est, multa novorum specie nostris hominibus obtrudi, quæ antiquis iam nota, a superstitione illa barbarieque omnibus literis olim interitum minitante suppressa, per tempus in oblivione iacuerunt. Sic ante paucos hos menses, cum Mathematici Astronomique nostri multa scriberent de cometa, ex calculi ab Anglis positi, ratione, redeunte ad nos; cuius de reditu verò facto multum gloriabantur, & nova se invenisse iactabant: cupido nos cepit recolendi ea, quæ de Cometis haberent veteres. Obtulit hic se nobis, præter alios, *Seneca*, in Natur. Quæst. Libris, ubi permulta sane, quæ nostri tanta verborum copia a se inventa gloriantur, cognita ei fuisse apparet. Ex longa autem, quam per Septimum Quæstionum suarum librum instituit integrum, de cometis disputatione, in qua multa invenies iucunda & erudite disputata, ea præsertim nostris opponi posse videntur, quæ habet cap. XXII. „Non enim existimo, Senecæ sunt verba, Cometen subitaneum ignem, sed inter æterna opera naturæ“: item ea, quæ capite XXIII. de Cometarum natura & cursu differit. Ait e. c. Cometas sideribus adnumerandos esse, quia orbem ducant, quod siderum proprium sit: docet porro, Cometas tenere iter suum, ex duobus ab ipso observatis: Cometes, inquit, habet suam sedem, & ideo non cito expellitur, sed emetitur spatium suum, nec exstinguitur, sed excedit. A nostri ævi Astronomis non potest pronuntiari accuratius; & tamen, Senecæ temporibus, quam raræ fuerunt Cometarum observationes, quam tumultuariæ? Et quam digna sunt tanto Philosopho, quæ Capite XXV. leguntur. „Quid ergo, ait, miramur, Cometas, tam rarum mundi spectaculum, nondum teneri legibus certis, nec initia illorum finesque notescere, quorum ex ingentibus intervallis recursus est? Nondum sunt anni mille quingenti, ex quo Græcia

— *stellis numeros & nomina fecit.*

Ve-

Veniet tempus, quo ista, quæ nunc latent, in lucem dies extrahet, & longioris ævi diligentia. Ad inquisitionem tantorum ætas una non sufficit, ut tota cælo vacet. Veniet tempus, quo posterì nostri, tam aperta nos nescisse, mirentur.<sup>66</sup> Hæc Seneca: in quibus viri verbis habemus tam magnifice a nostris, tanquam noviter inventa, iactata. Vides, Senecam non ignorasse, Cometas esse stellas; vides, Senecam non ignorasse, Cometas habere suum iter, quod absolvant. Igitur Horatianum illud hic usurpes —

*Ne, si forte suas repetitum venerit olim*

*Grex avium plumas, moveat cornicula risum*

*Furtivis nudata coloribus —*

Quæ sunt igitur nova nostrorum Mathematicorum inventa? nil illis relinquitur, nisi annorum, inter quos absolvit unus alterve suum spatium Cometa, ratio; exiguum sane, ex longo temporis intervallo, inventum, quod Seneca, si illi tres aut quatuor Cometas adhuc observare datum fuisset, sane non ignorasset. Sed pergitur.

● IVta Prolegomenorum Sectione de ingenio Claudiani, eiusque facultate poetica, disseritur; quæ disputatio Gesnero est dignissima. Admiratur ille splendor Claudiani poeticas virtutes, nec occultat eius vitia; adiecit etiam dissertationi elenchum quendam locorum, quæ de Claudiani testantur poetica elegantia.

V.) Quamvis autem Poetæ non omnino negari possint vitia, eiusmodi tamen sunt, ut multis eius bonis facile compensentur: habet enim non solum multa eleganter dicta, sed sententias quoque non spernendas, ut adeo Claudianum pariter ob verba ac τὸ ἡθικὸν legendum G. putet. Adnotat quoque, Poetas, & poeticam dicendi rationem, non illico tantum ab antiqua elegantia defecisse, quam oratores; quod exemplis probat Aufonii, Martialis, Papinii, quorum carmina dicit longe elegantiora esse eorum prosaica oratione. Eius rei causam imitationi poetarum, qui semper antiquos sequebantur, & inde multum de antiqua elegantia retinebant sibi, inesse non temere existimat, immo observatum sibi esse

ait, post renatas quoque literas plures bonos poetas, quam oratores, extitisse.

VI.) Quæ Claudiani magna merita Gesnerum impulerunt, ut de eo edendo cogitaret; cui consilio tamen nonnisi hoc bello præsentis otium suppetebat. Cum enim V. C. tempus audiendis legendisque fictis de proeliis, victoriis, cladibusve narrationibus consumere nollet, ad suum Claudianum se retulit, omnemque operam in eo exornando collocavit. Finem, quem in eo edendo sibi proposuit, ipsius malumus verbis proponere: „Redeo (ait) ad Claudianum, & meum in illo in scenam quasi reducendo „consilium. Huius duo velut capita constitui, ut darem „verba Scriptoris, quantum eius mea opera fieri posset, „emendata, ac talia, qualia ab ipso literis commendata „esse vero simile sit; deinde ut ea adnotatione perpetua explicarem, quo intelligi, & ad vitæ aliquem usum „transferri etiam a mediocriter doctis vel occupatis, sine „multo labore aut discursu ad alios libros, possint.“ Hæc Gesnerus.

VII.) Priorem ad partem quod attinet, quæ versatur in constituenda Claudiani lectione, dicit Cl. Editor se exprimendos dedisse typographo versus Claudiani ex exemplo prioris editionis Heinſianæ, mutatis modo illis locis, quæ ipse in secundis curis mutari iusserat Heinſius, aut in quibus ab illo discedendi iustas se habere crederet, quas adnotare non neglexit, causas. Ex omni ab Heinſio notata vel observata aliunde varietate lectionis, quæ sententiam mutaret, nullam omisit. Sed cur singulorum, pro Heinſiano more, codicum nomina non addiderit Cl. Editor, aliaque, quæ huc spectant, Lectorem hæc ipsa docebit Sectio

VIII.) quo loco demonstrat Cl. Gesnerus originem varietatis, quæ in Claudiano sat frequens est, lectionis; eamque non uni librorum deberi ignorantiae stuporique, sed plerumque, quod alias ipsi de Catone & Palladio observatum fuit, olere emendatorem putat; variaque huius rei testimonia adfert & exempla. Silentio non prætereundam esse duci-



ducimus eruditam, quam profert, observationem: non duas, quæ omnino inter se convenirent, editiones sibi repertas esse, quod quidem causæ sit, cur editionum classes constituere haud potuerit.

IX.) Exhibet nonnulla, in quibus ab Heiniana lectione recessit, loca; ut eo facilius possint, qui volent, de ratione, quam secutus in constituenda lectione esset, eruditi iudicium ferre.

X.) De adnotationibus loquitur, quas Claudiano adiecit Cl. Editor, eorum in usum scriptas, quorum aut ætas, aut educatio & ratio studiorum, aut vitæ genus occupatioque, obstare videntur, quo minus primo obtutu assequantur, quæ ab historia, vel ab alia parte eruditionis repetita præsto esse debent intellectu Poetæ. Noluit autem Auctor commentarios scribere collectos undique, aut locos communes; noluit dictionem poetæ, congestis aliorum formulis, illustrare, sed efficere, poeta ut intelligatur, sed iudicio suo iuvare iuniorum iudicium: quod si aliquando non fecisse videatur, & lectorem destituisse, indicem adire hortatur, quem quidem magna cum cura confectum esse, ex ipso quibus descriptus est paginarum numero satis apparet.

XI.) Catalogus sistitur editionum Claudiani longe uberior, quam Fabricius olim dedit.

XII.) Illæ Claudiani enarrantur editiones, quarum exemplis usus est vel ipse; vel aliæ, de quibus non recte hucusque relatum fuisse videtur: quibus insunt multa bona ad rem literariam spectantia, neque adeo spernenda.

XIII.) Docemur ordinem, quem Cel. Editor in constituendis carminibus secutus est; cui subiungitur

XIV.) Ordo in edendis Claudiani carminibus ab Heinio secundum literarum seriem adhibitus, qui cum variis, quos alii in collocandis his carminibus observarunt, ordinibus, non sine magno labore collatus sistitur.

XV.) Antiquus Claudiano ab Arcadio & Honorio Impp. Augg. inscriptus legitur lapis, cui saxo æneam Claudiani imaginem credunt olim fuisse superimpositam.

XVI.) Disputatur, an fuerit Claudianus Comes Orientis.

XVII.) Duos lapides honori Stilichonis positos: &

XVIII.) Genus Theodosii M. Augusti habet. In hoc desinunt prolegomena Cl. Editoris, ad quæ legenda omnes eruditos amandamus. Multa insunt bona, & digna tam gravi tantamque eruditionis laudem habente viro.

Iam progredimur ad ipsum Claudianum, Lectoribusque eruditis pauca ex annotationibus Cl. Gesneri exhibebimus. Dum hoc facere instituimus, copia facit nos inopes; atque nescimus adeo, quæ ex tot bonis eligamus potissimum. Tam est, quicquid inest omni libro, dignum Gesnero. Igitur classes tantum, & doctrinæ partes, ad quas spectant annotationes, indicabimus.

Prima, quam primi carminis inscriptioni subiecit adnotatione, nos docet, quales esse voluerit adnotationes suas. (Primo autem loco Cl. Editor in Proбини & Olybrii Fratrum Consulatum Panegyrim exhibet, quod Lectoris causa monendum duximus.) „Nostra, ait, adnotatio Poetæ servire debet, maxime qua *poeta, & ingeniosus, & doctus, & philosophus* est.“

Ad primum genus spectare nobis videntur: III, 123. (in *Rufinum* I, 123:) in qua adnotatione ingenium nos intelligere facit poetæ, qui Rufinum ut ab Acheronte excitet, ponit aditum illum ad inferos Homericum fuisse in extrema Gallia, patria Rufini; cui poetæ fictioni favet fabula de litoris Gallici incolis piscatoribus, Francorum imperio subiectis, traicere animas e Gallia in Britanniam solitis. Fabulam refert *Tzetzes* ad Lycophr. 200, quam ex eo integram descriptam legimus hoc loco.

Poetæ maxima est elegantia in adhibendis picturis, quas sæpe ab eo, quanquam non semper felici conatu, adhibitæ, nobis ante oculos ponit Cl. Editor. Sic III, 23. adnotat: est hic locus inter pulcherrimos, qui ad pictorem etiam formandum utilis esse potest. Ita pictorem se exhibet Claudianus V, 211. (in *Rufin.* lib. II, 211.) & VII, 76. (de III. Conf. Honor. 76.) aliisque pluribus in locis.

Do-

Doctrina autem & philosophica Poetae eruditio indicatur nobis a Cl. Sene v. c. X, 65. (de Nuptiis Hon. & Mar.) ubi sentire nos facit, Poetae antiquorum philosophorum notas fuisse sententias de plantarum sexu: III, 9. de phasibus lunæ: ib. 16, de atomis Epicureis: V, 222. de origine tonitruum: ib. 482. de corpore ex Pythagoræorum sententia animorum carcere; aliaque plura, ex sanctiori Philosophorum disciplina desumpta, aliis non facile observata, sunt Ven. Editor in adnotationibus.

Sunt insuper alia, quæ indicio sunt consummatæ eius doctrinæ. Sic v. c. apud Claudianum XXI, 238. (de laudib. Stilichonis lib. I.) est: —

*Quos dederis. acies —*

*Addamus & hoc* (Gesnerus ibi adnotat), *post Heinsum, ultimam in verbo dederis produci etiam exemplo optimorum, id quod firmavit idem ad Ovid, Heroid. 7, 53.*

Evolvimus Heinssii commentarios, in quibus hæc leguntur ad locum Ovidii commemoratum:

*Quid? si nescieris, insana quid aequora possint? —*

*ultima producta — similiter in dederis, tuleris, alibi produxit ultimam; ratio est, quod interdum quartam syllabam producebant, in nescieritis, & auderitis, similibusque:* quibus suis verbis Heinssius subiicit varia Ovidii loca, in quibus ultima is producta est. Heinssii tamen, quam profert, ratio, nobis minime probatur; aliam nos nobis videmur invenisse huius rei causam, quam in Romana patriæ linguæ pronuntiatione positam arbitramur. Poetis enim licitum fuisse, pro arbitrio syllabas producere, aut corripere, nemo sanus sibi persuaserit. Sunt quædam, quod non negamus, in quibus contra legem Paediam peccasse videntur; tunc autem causa non in eorum negligentia, sed in nostra linguæ ignorantia quaerenda est. quod & hic factum opinamur. Producent poetæ sæpius ultimam syllabam in dederis, tentabis, nescieris, aliisque huius generis, sed numquam, quod quidem sciamus, nisi in cæsura. Sic Noster:

*Quos dederis acie —*

*Ovidius Heroid. 7, 53.*

*Quid? si nescieris, insana —*

*Id. Metam. X, 560.*

*Forsitan audieris aliquam —*

quibus adde reliqua ab Heinſio ad locum Ovidii commemorata exempla. Inde intelliges, noſtram obſervationem non omni deſtitui fundamento; neque unquam ultimam in his vocibus productam fuiſſe extra cæſuram. Nunquam leges:

*Reddere tunc ſuperis tentabis aurea dona.*

Cauſſa huius poeticæ, ut ita dicamus, licentiæ, facile intelligitur: in cæſura enim hæ ultimæ ſyllabæ aſperius quid ſonant, ac ſi ſcriptæ eſſent,

*Quos dederis acie —*

*Quid? ſi nescieris, insana —*

*Forsitan audieris aliquam —*

Inde fit, ut etiam voces in aliam exeuntes litteram conſonam, quæ facile geminari poteſt, in cæſura producantur. Sic apud *Virgil. Eclog. X,*

*Omnia vincit amor, & nos —*

ibi pronuntiatur vox *amor* fere ac ſi ſcripta eſſet *amorr*.

Hanc, ad Græcos ſi recurras, noſtram ſententiam, tot innumeris ornare poteris exemplis, ut plane nullus dubitationi fit locus. Conſer, ſi lubet, quæ doctus obſervavit *Clarkius* ad *Hom. Il. æ. 51*. A Græcis itaque ad latinos tranſiit poetas, ius eiufmodi ſyllabas in cæſura producendi. Illa autem, cuius Heinſius mentionem facit, poetica licentia, ſyllabas penultimas, in *contigeritis, transferitis*, aliſque huius generis, producendi, itidem non omni deſtituitur ratione; quam tamen, ut temporis & Lectoris rationem habeamus, iam proferre ſuperſedemus. Alio forte loco ſuper ea re plura. Hoc unum hic addere liceat, ne temeritatis arguamur: commune Latinorum Græcos imitandi poetas ſtudium, & frequentiore obſervationem, nobis perſuaſiſſe, hanc eſſe produ-

ctionis



Etionis eiusmodi causam. Sed ad Claudianum, in quo Cl. Editor nihil neglexit, quod faciat ad intelligendum poetam, redeamus. Explicat igitur & antiquos mores, ad quos respicit sæpe Claudianus. Sic V, 112. describit antiquum barbarorum morem, recens natos flumini immergendi: VIII, 174. (de IV. Conf. Honorii) clamorem militum, Imperatorem novum levantium: ib. 497. tabulas, in quibus bona proscriptorum pendebant venalia: ib. 573. solemne Aegyptiorum sacerdotum, *linigeri* qui dicuntur, cognomen: aliaque innumera.

Mythologiam, quæ & ipsa multum facit ad explicandum Poetam, neutiquam neglexit G. quin potius ea, quæ lectorem possent in lectione offendere, bene, neque tamen nimis verborum ambagibus, (quod antiquorum, Scholiastarum qui nomine veniunt, plerumque est vitium,) sed breviter & docte, ex fabulosa poetarum fictione exponit. Sic. III, 81. spicula Athamanthæ dextræ: 82. 85. ad Orestis quæ pertinent fabulam: ib. 254. Diomedis equorum pabulum: V, 418. Aonii montis historiam, pulchre narrat.

Earum porro, quæ ipsi probantur, lectionum, causas, erudite & prolixè sæpius tradit. Sic ad I, 4.

*Blandius elato surgant temone iugales:*

blandius, ait, neque ad elato, neque ad *surgant*, bene accommodatum est: itaque valde placet Basileensis lectio, (anno 1534. 8. apud Isingrinium edit. impressa,) *blandius rubcant*. roseus color ignis blandior est. Ib. v. 111. III, 39. V, 71. & 148. Et in his Vir Clarissimus singularem sæpe demonstrat eruditionem. Tandem, ut nulla eruditionis pars in adnotationibus omissa sit, varia attulit G. quibus singularem nonnullarum vocum in Claudiano usum observat. Sic VIII, 140. *ululare* verbum medium esse monet: ib. 278 *τὸ suspectus* a Claudiano docet active efferri: ib. 288. adnotat, vocem, *qui*, duplicem personam sustinere; taliaque plura. Et quamvis V. Cl. in prolegomenis moneat, se non ex congestis undique aliorum classicorum locis poetam suum illustrare, & inde molem adnotationis augere, quod plerumque faciunt: non tamen adeo ab hac poetam illustrandi ratione abstinuit, ut plane omitteret;

teret; quin ubi sine aliqua negligentia specie fieri non poterat, praesertim in indicandis, quae imitanda sibi proposuerit Poeta, locis, diligenter ea addidit. Sic III, 56. 208. V, 473. VIII, 532. & alibi saepius.

Ne autem aliquid desiderari posset in Cl. Editore, ingenium quoque ut virum decet, vitia poetae sui, excusari quae nequeunt, rotundo profitetur ore: & quanquam multus est in demonstrandis eius elegantis & virtutibus, vitia tamen nullo modo reticet. Talia sunt: VI, 2. (Praefat. de III. Conf. Honor.) XXI, 193. (de laudibus Stilichonis lib. I.) ib. 218. 226. 254. Reprehendit in Poeta G. luxuriam ingenii non satis castigatam, VII, 129: nec satis observans temporum videtur nostro ac Barthio, VIII, 154. abutitur etiam licentia in enarranda Honorii vita; & XXVIII, 48. (de VI. Conf. Honor.) cum de rostris navium loquitur, commemorat puppim, cum tamen rostra in prora semper fuerint.

Vides ex his L. B. quae delibavimus, adnotationes Viri Clar. multifaria doctrina repletas esse, & Claudianum, quod fatebitur quisquis attente inspexerit, sic faciliorem redditum esse legentibus, quam voluminoso Barthii commentario. Et habet sane Noster, quae eruditissimo cuique satisfaciant: alia, quae tirones in legendo Claudiano multum iuvabunt.

Ut autem intelligatur, nos non fugitivo tantum oculo inspexisse hunc Cl. Gesneri Claudianum, communicabimus cum Lectoribus, quae inter legendum nobis nata dubitatio sit; quam quidem eximi nobis vehementer cupimus, ortam forte ex nimio retinendarum, quae in Codicibus sunt, lectionum studio. Non erimus pertinaces, si quis tueri Gesnerianam lectionem velit; quin in partes cl. viri, tot annorum & palmarum militis, lubentes transibimus. Est autem, de qua dubitamus, lectionis varietas, I. 81. ubi edidit Cl. Gesnerus

— *hic sub iuga ferrea mittit:* •

in adnotatione autem ait, *cum primis editionibus malim legere nescit, ne quis, mittit sub iuga, nimis proprie accipiat, quasi de bubus*

*bus sermo sit. Iuga sunt transversae regulae, sub quas i. e. ad quas adligantur loris equi.*

Hæc vir eruditus. Non poteramus concoquere illico, cur legere mallet, *sub iuga nescit*, cum poeta nobis elegantius dixisse videretur, *mittit*; & *sub iuga mitti*, ut Florus tradit, pecudum proprie sit. Inde in aciem (Flori verba sunt, Lucii Quintii Dictatoris, ab aratro, victoriam describentis: I. 11, 13.) profectus, ne quid rustici operis imitatione cessaret, victos more pecudum sub iugum misit. Nec, quid sibi vellet illud, *ne quis proprie accipiat, quasi de bubus sermo sit*, satis intelligebamus; donec ex Thesaurο Stephaniāno, edito ab eodem Viro. Cel. videremus, ex eius sententia *iugum*, quoties significet ligneum illud instrumentum, quod cervicibus iumentorum imponitur, ut eius auxilio moveant currum, de bubus tantum dici; si autem de aliis iumentis dicatur, tunc significare lorum illud, quo iumenta iungantur currui. Tale fuisse Gordium illud, quod Alexander solvit, iugum; velut in annotatione ad Claudiani hunc locum nos docet Vir Cel. *iugum, sunt regulae transversae, ad quas ligantur loris equi.* quæ regulæ eius, ea sine dubio sunt ligna, quæ dicuntur nostris *eine Waage*, quibus quia loris alligantur equi, τὸ *nescit* necessarium videtur, ut ita lori simul in mentem veniat notio. Nobis antiqua & in Codicibus recepta lectio magis placet, Certe iugum de aliis etiam iumentis dictum, significare instrumentum videtur, quod cervici imponitur, ligneum plerumque. Ita est apud Homerum, Il. ε. 731.

— — ὑπὸ δὲ ζυγὸν ἤγαγεν Ἡρῆ.

Ἰππας αὐτόποδας — —

ad quæ Poetæ verba Pseudodidymus: ζυγὸν τὸ ἐπιτιθέμενον ξύλον τοῖς τεραχίλοις τῶν ἵππων; cui adsentit Hesychius, qui explicat ζυγὰ τὰ ἐπιτιθέμενα τοῖς αὐχεσι τῶν ζώων: & Græcorum ἄγειν ὑπὸ ζυγὸν ad verbum respondet Latinorum *sub iugum mittere*. Iam cum illud de equis dicatur, cur hoc latinorum non debeat eo sensu accipi, non videmus. Quæ Geslerus in aliis iumentis putat iuga vocari lora, Homerus appellat ζυγόδεσμον Il. ω. 270.

Ἐκ δ' ἔφερον ζυγέδεσμον ἅμα ζυγῶ ἐνωσάπηχῃ  
 Καὶ τὸ μ' εὖ κατέθηκεν ἐϋξέτω ἐπὶ ῥυμῶ  
 Πέτη ἐξὶ πρώτῃ — —

accurate hoc in loco Homeri distinguuntur ζυγὲς & ζυγό-  
 δεσμον: quanquam demus, ζυγὸν h. l. etiam per regu-  
 las illas, quas Cl. Editor intelligi vult l. c. commode ex-  
 plicari posse; iisdem tamen plane verbis utitur Home-  
 rus de bubus pariter ac equis. Sic Odyss. γ. 383. de bo-  
 ve dicit

— ἦν ἔπω ὑπὸ ζυγὸν ἦγαγεν ἀνὴρ:

& de equis Il. ψ. 294.

— ὑπὸ δὲ ζυγὸν ἦγαγεν ὀκέας ἵππους

Latinis autem, etiam in equis, iuga esse ligneum illud cer-  
 vicibus impositum instrumentum, ex Ovidio nobis colligere  
 videmur, qui Metamor. II, 315. narrans, equos solis a  
 Phaëtonte rectos currum fregisse,

*Colla, ait, iugo excutiant* — —

& Met. XII, 77. equorum colla dicuntur iugo pressa:

— — *colla iugo candentia pressos*

*Exhortatur equos* — —

Ovidio addi Cuius potest, qui lib. IV, 15. Equi, ait,  
 crebra iactatione cervicem, non iugum modo excusserant,  
 sed etiam currus everterant: hinc nullam causam videmus,  
 cur non legi debeat cum Codd. *mittit*; etsi non negamus,  
 iugum significare etiam lorum illud, quo iunguntur equi.  
 Centies sic dicitur; & noster in eo tantum positus fuit labor,  
 ut pateret, iugum etiam in aliis iumentis esse ligneum, quod  
 in cervicibus habent, instrumentum. Sed hæc sufficiant.  
 Quod reliquum est, gratulamur bonis litteris Claudianum,  
 Viri summi studio, atque diligentissima opera, in manus tra-  
 ditum doctorum hominum, qui, quidquid a Gesnero est,  
 libenter, & cum fructu legunt.

ELO-



## ELOGIUM

## IOANNIS ERNESTI HEBENSTREITII

MED. DOCT. ET PROF. PRIMARI, ORDINIS SUI DECANI  
PERPETUI, ACADEMIAE DECEMVIRI, COLL. MAI. PRINC.

SODALIS, CIVITATIS LIPS. PHYSICI, ACADEMIARUM

MASSILIENSIS ET NATURAE CURIOSORUM

COLLEGAE.

**N**on eget nostra commendatione memoria IO. ERNE-  
STI HEBENSTREITII, cuius ingenium doctrinamque,  
Academiae & literis acerba morte interceptam, dole-  
mus: adeo ipsam per se omnibus esse, ut debet, caram pu-  
tamus, adeoque multis monumentis eam ipse vivus stabili-  
vit, & ad omnem posteritatem propagavit. Sed ut non no-  
lumus habere imagines parentum, coniugum, liberorum,  
& fratrum; in quibus nihil, praeter oris figuram, lineamen-  
ta, coloresque, expressum videmus; cum in animo multo  
luculentiores imagines, non modo corporum, sed etiam  
animorum, repositas spectemus: ita nec iis, qui vel vivi  
Hebenstreitii ingenium, doctrinam, virtutesque e propin-  
quo, & per usum disciplinamve fruendo, vel scriptis ex-  
pressas legendo, cognoverunt, iniucundum fore putamus,  
in hac veluti tabula, aliquam Hebenstreitiani ingenii, animi,  
totiusque vitae imaginem propositam intueri: quæ si non  
ad vivum exprimat, quicquid vel ab natura datum habuit,  
vel studio curaque partum, vel denique per doctrinam &  
virtutem aliis publice privatimque impertivit, saltem eorum  
cum suavitate quadam admoneat. Nam etiam de bonis iu-  
cundisque rebus, nec modo nostris, sed etiam alienis, va-  
let, quod est de adversis acerbisque apud poetam dictum:  
*etiam meminisse iuvabit.* Editus est in hanc lucem in Villa  
nova (Neuehof), Dioeceseos Neostadiensis in Variscis, a.  
d. xv. Ian. a. C. cixcccii. patre Io. Davide, qui tum ibi,

post Neostadii, sacra fecit, matre felici ingeniis præclaris edendis, *Esthera Susanna, Io. Georgii Gutneri* filia, qui Luscaviæ, dioeceseos Colditianæ oppidulo, sacerdotium obtinuerat, e *Susanna Schuzia*, sacerdotis in dioecesi Neostadiensi filia. Avum paternum habuit *Ioannem*, in eadem villa nova sacerdotem, qui in matrimonio habuit *Reginam, Davidis Stemleri*, Archidiaconi Neostadiensis, filiam. Initia religionis & literarum cum pater ipse tradidisset, datus est primum in disciplinam *Io. Oswaldi Thoelitschii*, in ludo Neostadiensi Conrectoris, & *Davidis Wendleri*, Rectoris; post missus in Vinariense Gymnasium, ubi magistris usus est magno illo *Io. Matthia Gesnero*, qui tum Conrectoris ibi munus sustinebat, & *Io. Christophoro Kirschwettero*, Rectore, hospite autem *Io. Friderico Hebenstreitio*, ad ædem S. Iacobi tum Pastore, post Butstadiensis Ecclesiæ & Dioeceseos Præsule: qui eum, ut filium, aluit atque amavit. Ibi cum sub tam excellentibus doctoribus præclare profecisset in literis latinis & græcis, in Ienensem Academiam se contulit a. MDCCCXIX. natus annos duodeviginti. Sed cum ibi non reperiret, unde viveret, in hanc urbem se contulit, sperans fore, ut, quæ fratrem maiorem benigne ad id temporis aluisset, eam ipse quoque benignam experiretur. Quæ spes eum non fefellit. Nam & in Convictu publico locus ei contigit, & stipendium regium, & Patronus *Aug. Quirinus Florens Rivinus*, qui eum, perspecto ingenio, celeriter adamavit, & omnibus in rebus, quoad vixit, enixissime iuvit. Præceptores secutus est philosophiæ & literarum causa *Lehmannum* Physicum, & *A. F. Mullerum*: in medica autem doctrina, illum ipsum maxime *Rivinum*, tum *Paulum, Schacherum, E. mullerum, Waltherum, Platnerum, & Lischuicium*, herbariæ rei causa, præter *Rivinum*, etiam *Hahnium*. Emensus studiorum curriculum, ad docendum adiunxit animum, disceptataque pro cathedra, sub *Lischuicio*, Exercitatione de continuanda Rivinorum industria in emendando plantarum charactere, Magistri philosophiæ honores cepit a.

C12-

CICIODCCXXVII. & anno post, ius privatim docendæ philosophiæ, defendenda Exercitatione de *Ordinibus Conchyliorum methodica ratione constituendis*. Secutus est post duos annos a. d. v. Maii, a. CICIODCCXXX. Doctoratus artis medicæ, scripta & feliciter defensa de *viribus medicis mineralium & mineralium diatriba*: quo accepto etiam aditum sibi munive coepit ad Collegium Ordinis Medici per aliam Disputationem, de *sensu externo virium in plantis indice*. Sed cum omnes medicæ doctrinæ partes studiose diligenterque tractaret, tum vero in primis, & suo quodam studio incensus, & Rivini cohortatione & exemplo invitatus, rem herbariam cupidissime & felicissime colebat, adiuvante etiam memoria, cuius prope divina vis erat. Quod cum videret Rivinus, impense eum commendavit *Cassari Bosio*, ædilitio Senatori, & Horti Bosiani maioris tum domino, ut eius opera uteretur in plantis raris, quæ ibi alerentur, tuendis & ordinandis. Ille vero ei rei præfectus, tanta non modo diligentia, sed etiam solertia usus est, ut non modo ipse *Bosius* vehementer probaret eius operam, ipsumque ea causa omni genere benignitatis foveret, sed ut etiam maiores iudices mirifice curam eius & solertiam laudarent. In quibus vel maxime fuit celeberrimus ille *Heucherus*, Medicus regius, qui, cum horti plantas inspexisset, *Habenstreitium*que per eam occasionem propius cognovisset, mirifice colaudato ipso, memorem se eius fore apud Regem, liberaliter promisit. Cui promissio mox fides constitit. Itaque quod studium, liberalis delectationis maxime causa, erat susceptum, etiam ad utilitatem valuit, quæ esset tanto magis iucunda & honesta, quanto minus ab initio fuisset quaesita. Erat tum adhuc in vivis AUGUSTUS Rex, huius Nostri Pater, inter ceteras virtutes plurimas & maximas, etiam amore incredibili omnium bonarum & pulcrarum artium atque rerum præditus, inprimisque naturæ operum omnium cognoscendorum, inque sedem suam, Dresdam, ex omnibus terræ partibus congerendorum, cupidissimus.

23

plane

plane alter *Ptolemaeus Philadelphus*. Nam *Ptolemaeus* ille, ut (ex *Agatharchidis Periplo Maris Rubri*) *Diodorus Siculus* tradit (III. p. 169. ed. Rhod.) non modo libros ex omnibus locis congerebat, & eruditissimos quosque viros liberalissime fovebat & alebat, sed etiam rariora & specie admirabilia animalia Alexandriam magno sumtu adduci curabat, propositis ingentibus præmiis, si qui in eo genere aliquid, quod visendum esset, cepissent, atque ad se adduxissent. Is igitur AUGUSTUS induxerat in animum, mittere in Africam, qui inde vel viva animalia maiora, vel eorum exuvias & membra peterent, nec plantas aut alia naturæ opera, quæ illi terræ propria essent, negligerent. Destinabatur autem iis peragrandæ Africa, primum septentrionalis, quæ mediterraneo mari adluitur, Barbariam vulgo vocant, ad deserta usque Libyæ, Sarain nunc appellant; deinde occidentalis, inde ab Atlante ad Bonæ spei promontorium: nam orientalem, hoc est, Aegyptum, iam perlustrarat *Turnefortius*. His destinatis perficiendis cum quæreretur vir idoneus, commendabatur Regi ab *Heuchero Hebenstreitius*, in quo esset & historiæ naturalis, & linguarum scientia ei rei apta. Missus igitur est, cum adolescentum, quos ipse sibi delegisset, in his *Ludovici*, qui nunc Ordini medicorum apud nos præest, comitatu, instructus literis Regum Franciæ, Britanniæ, & Principum Belgii foederati, quibus non modo Legatis eorum, sed etiam Principibus Africæ commendaretur. Profectus Dresda, a. d. xxiii. Octobris, a. c. m. ccc. lxxxi. per Germaniam, Helvetos, & Franciam, extremo anno pervenit Massiliam: unde cum solvisset a. d. xxiv. Ianuarii proximi, difficili & molesto cursu, a. d. xxvii. demum Februarii portum Algerii attigit. Ea in urbe cum tres amplius menses ita commoratus esset, ut subinde in vicinas regiones excurreret, medio Iunio inde navi digressus, venit Bonam, Tunetanorum finium, sed Algerianæ ditionis, oppidum, haud procul Hipponis regii ruinis: unde excurrendi facultas dabatur



batur in Constantinae fines, quæ & ipsa est Algeriani regni, & veteris Numidiaë pars, versus Orientem sita, antiquitatis Romanæ reliquiis in primis referta, cuius caput est Constantina urbs, olim Cirta, Numidiaë regum sedes. Inde oram maritimam legens, adiit Thabracam insulam, nobilem coralliorum captura, quam ibi Genuenses exercent, Bisertamque urbem, (quæ est Hippo Diarrhytus, s. Zarrhytus, unde & nomen corruptum est in Bisertam,) brevi intervallo ab Utica distantem, ad ultimum terrestri itinere Tuncetum. Ea urbs cum vicina sit veteri Carthagini, e cuius excidio olim incrementa cepit, non modo eius ruinas spectabat, sed & visendarum vicinarum regionum facultatem sibi datam sperabat. Sed ea tum quidem spes irrita fuit. Etenim Princeps Tunetanus ita infesto erat in Christianos animo, ut eis peragrandorum Tunetanorum finium potestatem omnem adimeret. Itaque mox Tripolim contendit, inspectisque diligenter, quæ regio ea visenda habet, per Melitam insulam Tunetem reversus est. Sed dum aberat, *Ludovicus*, qui valetudinis causa ibi remanserat, aditu ad Principis benevolentiam reperto, impetraverat visendarum regionum vicinarum veniam, easque peragrandando pervenerat ad Saræ usque fines. Quare cognita, persecutus eum est *Hebenstreitius*, & cum alias regiones, tum maxime Africae partem eam peragravit, quæ inter Tunetanum & Tripolitanum regnum ab angustis initiis ducta, latioribus spatiis versus interiora Africae propagatur: Arabes *Bled-ol-Gerid* \*) vocant, hoc est, terram palmarum, quarum ibi magnus proventus est. His terris peragrandis cum multa spectanda præberet natura, tum vero vir antiquitatis eruditæ & amans & intelligens sæpenumero mirifice adfectus est animo, cum reliquias vel urbium clarissimarum, ut

Car-

---

\*) Lingua vulgari incolæ vocant *Bled-ol-Gerid*: in libellis Geographicis est *Bilidulgerid*. Sed *Schavius* Britannus (*Sbavu*) in Itinerario T. I. p. 272. ait, esse *Bled al*, vel *el Ieridde*, vel *Iereed*, terram siccam.

Carthagini, ut Uticæ, ut Hipponis utriusque, magnificentiæ porro antiquæ in viis publicis, in aquæductibus, similibusque videret, vel vestigia summorum & clarissimorum Imperatorum, Episcoporum, & campos victoriis maximis insignes calcaret, cum per ruinas Carthagini erranti, Hannibalis, Scipionis, imago offerretur, cum etiam Marii, qui in eiusdem urbis ruinis quondam delituisset. Atque utinam neque cupiditati eius vel visendorum monumentorum, vel describendorum titulorum, stultus error barbarorum, existimantium thesauros terris abditos inspiciendis titulis quæri, neque consilio edendorum eorum, quæ vidisset ac descripsisset, omninoque itineris illius describendi, negotiosæ vitæ occupatio atque brevitatis obstitisset! habere-mus, aut habituri certe essemus, quæ antiquitati vel accuratius cognoscendæ, vel ornandæ, egregie proderent.

Sed cum ex illo itinere a. d. xiv. Martii a. xxxiii. esset reversus Tunetem, inopinatum ac triste impedimentum itineris persequendi, quo vellet, oblatum est, nunciata AUGUSTI morte, quæ necessitatem revertendi in patriam imponeret. Itaque non multo post, relicta Africa, per Galliam & Batavos, mense Octobri, rediit Dresdam, inde, rationibus itinerum redditis, Lipsiam; adiitque mox d. xx. Nov. Physiologiæ Professionem Ordinariam, quæ ei absenti erat decreta, ut quam celerrime præmium ferret laboris eruditi, & periculorum, quæ terra marique adisset. Ipse vero tanta Principis liberalitate ita incensus est ad studium bene de Academia, de iuventute medicæ artis studia æmulante, deque arte sua mereandi, ut totum se ad medicinam vel docendam, vel scriptis illustrandam atque ornandam, vel faciendam denique conferret. Cuius studii & alimenta habuit a multitudine eorum, qui eius vel doctrinam in discendo, vel opem in valetudine tuenda & recuperanda, expeterent, & præmia a Principe plurima. Nam intra sedecim annos, ab ultimo Ordinis sui loco in primum est proventus, cui ille cum  
magna

magna & sua dignitate, & Ordinis Academiaeque universae utilitate, per octo annos praefuit. Quo magis omnes, non modo ipsius & familiae amplissimae causa, sed etiam Academiae nomine, doluimus, cum ille praematura morte e vivis est sublatus: de qua priusquam dicamus, breviter de eius studiis, disciplina, & scriptis commemorandum videtur.

Cum esset omnium bonarum literarum & amans, & studiosus, imbutus eo amore primum a patre, deinde a praecclaris, quos supra commemoravimus, praceptoribus, maxime tamen & adamarat, & colebat poeticam latinam, & literas graecas, quarum scientia maiorem ceteris humanitatis partibus copulationem cum arte medica haberet. Et ad poeticam quidem ab ipsa natura impellebatur, ut, si vitae genus concessisset, in ea plane excellere potuisset. Etenim extemporali facilitate fundebat versus, etiam cum aliud ageret, cum luderet. Testis est libellus *de usu partium*, hexametris versibus scriptus, ad Lucretiani carminis similitudinem, cuius partes plures fecit, ludens aleam cum *Iunio*, affine suo, Viro Consultissimo: cum interea colusorem, qui nihil aliud, nisi de movendis ex arte calculis cogitaret, tamen vinceret. Literarum graecarum autem studium maxime conferebat ad medicos graecos cognoscendos, ac legendos: in quibus quam tritus fuerit, si quis ipsi de se dicenti †) nolit credere, quamquam alienissimo ab omni vanitate, *Palaeologiae Therapeuticae* credet, in qua praeccepta Therapiae, ex omni antiquitate, graeca maxime, quamquam & latina, exhibet, comparatis iis, quae nunc sunt in usu, sentiendi, loquendi, faciendique formis: in quo se dicebat non modo hoc spectare, ut graecae linguae extinctum  
apud

---

†) In Tentamine Philol. Med. super Aetii libris ineditis &c.  
pag. 4.

apud quamplurimos amorem refocillaret, sed etiam præcepta morborum curandorum, sub erudite linguæ involucris latentia, exponeret, atque sic iuvenes artis medicæ studia æmulantes ad fontes artis revocaret †). Sed multo maius eius scientiæ documentum dedisset, si ei contigisset, ut *Actium*, ill. *Gunzii* morte destitutum, absolveret, cuius exemplum manu scriptum, cum ei traditum esset ab *Ernesto* nostro, legeretque ipso audiente loca quædam, statim non modo dicebat ex quo scriptore esset quodque sumtum: est enim in *Actii* libris Synopsis quædam medicorum veterum: sed etiam quædam memoriter ex illis ipsis, alia ingenio corrigebat, accommodate ad linguæ rerumque rationem. In medicæ doctrinæ partibus maximo studio tenebatur rei herbariæ, ut supra diximus, rerum naturalium omnium, imprimisque earum, quæ e terræ visceribus eruuntur: in quibus generibus ita notata mente omnia & trita habebat, ut eum nihil fugeret, omnia in promptu essent. Itaque communis interpretes adhibebatur in Museis nostris, *Richteriano*, *Bosiano*, *Linkiano*, si quis ad ea visenda venerat, erantque demonstrationes rerum eiusmodi, ut non modo peritia earum, sed etiam amor appareret, qui consuetudine videndi non imminutus, ut fit, sed auctus & confirmatus esset.

Ad artem faciendam se contulerat statim, cum ex itinere Africano redierat. Et expetebatur opera eius a multis. Erat enim in visendis ægrotis assiduus, præsertim cum periculi aliquid subesse videretur, in curando diligens, lenis, & qui ægrotos non modo remediis artis iuvaret, sed etiam orationis humanitate, ad animos erigendos & confirmandos apta, quæ interdum plus prodest, quam remediorum salubritas. Nam & amabat eos, a quibus adhiberi solebat, & in aliis quoque rebus con-

filio

---

†) *Palæol. Therap. Specim. I. pag. 4.*



filio aut re prodesse cupiebat. Nec minus assiduus ac diligens erat in docendo. Erat autem disciplina eiusmodi, ut non modo necessaria ad artem vel intelligendam, vel faciendam, accurate traderet; sed etiam, quæ ad ornandam artem valerent, promeret liberaliter ex interiori doctrina. Quod erat perfacile Viro lectionis prope infinitæ, memoriæ autem ita felicitis, ut facile suggereret, quicquid res & locus posceret. Nam legendi insatiabilis aviditas erat, & quicquid ex Italia, Gallia, aliisque locis adferebatur librorum, ad aliquam vel naturalis scientiæ, vel medicæ doctrinæ partem pertinentium, id omne legebat, & ita accurate legebat, ut summam rerum traditarum, & quicquid in iis novum esset & exquisitum, in literas referret, & his *Eruditorum Actis* inferendum curaret. Itaque a multis annis nemo alius magis istis Commentariis profuit. Atque beata hæc doctrinæ exquisitæ & variæ copia cernitur etiam in iis, quæ per occasiones Academicas, aliasque, scripsit in omni genere doctrinæ suæ, quorum indicem subiecinus. Sed ut magis libero a domesticis curis animo, & in muneribus publicis administrandis, & in studiis doctrinæ tractandis, versari posset, mature de matrimonio ineundo cogitavit, duxitque anno xxxix. a. d. iv. Non. Febr. *Id. Guilielmiam, Ulr. Iunii*, Mathematicum quondam apud nos Professoris clarissimi, ex *Olearia* filiam, ornatissimam sexus sui decoribus, ex qua eodem anno, prid. Cal. Decembres, tulit filium, *Georgium Ernestum*, felicissimi ingenii paterni heredem, sed cum æerbissima ipsius iactura. Nam septimo a partu die obiit. Sed eam iacturam reparavit a. xlii. ducta a. d. xvii. Cal. Aug. *Christiana Eugenia Boffekia*, Virgine Ornatissima, quæ nunc ereptum sibi præmatura morte maritum moeret. Ex ea sex liberi vivo, unus filius mortuo, natus est: *Christiana Sophia, Gottlieb Ernestus, Henricus Michael, Christianus Benedictus*, quarto mense mortuus, *Christiana Benedicta*, ipso natali die

die mortua, *Christiana Benedicla*, denique *Ernestus Beni-Gottlieb*, a. d. iv. Idib. Febr. LVIII. quæ soboles, ut sub matris tutela feliciter adolescat, & communis humanitatis, & multo magis parentis, tam bene de rebus nostris meriti, causa, optamus: præsertim cum nulla alia de causa magis miserranda videri debeat mors viri, vita longiore dignissimi, quam quod tam multos parente amantissimo privavit, qui eius consilio & cura cum maxime indigebant. Eam contraxit ex tali causa. Habuerat in ceteri corporis robore, & constante sanitate, ante aliquot annos utrumque oculum male adfectum e suffusione. Sed ea ita erat curata, ut, cum oculum vitreo instrumento iuaret, legendo, scribendo, ceterisque rebus sufficeret, quæ oculi aciem desiderant. Itaque cum e lugubri apud Rosbacum pugna vulnerati essent in hanc urbem delati, assiduus aderat vulnerum curationibus, & vulnera ipsa inspiciebat, non modo ut consuleret ægrotantibus, & qui vulneribus manu curandis adhiberentur, sed etiam ut exemplo suo discipulorum studium ad visendum, ac visendo discendum, excitaret. Ibi, dum sæpe propius admo- vet oculos vulneribus, nimio plus hausit putridi & perniciosi vaporis. Primum quidem febricula eum corripuit, a. d. vii. Cal. Dec. quæ catarrhali similis esset, nec ab consuetis laboribus abstraheret. Sed paucis diebus post, maior vis mali prorupit, apparuitque, periculum subesse. Nam marcor quidam & dormiendi assidua libido, cum putrida febre, accesserat. Convolant Collegæ, Viri artis medicæ Consultissimi, omnemque artem expromunt, si possint servare Virum, sibi necessitudine Collegii carum, & humanitate iucundum. Sed artem superavit vis morbi. Itaque Nonis Decembr. CXCICCLVII. placide expiravit, magno cum dolore, non modo suorum, sed etiam omnium, qui, quantam in eo iacturam sui, quantam Civitas hæc, quantam denique Academia, & universa res literarum publica fecisset, satis æstimarent. Sunt autem Scripta Viri incomparabilis hæc fere: De

De usu partium, carmen, seu Physiologia metrica, ad modum T. Lucretii Cari de rerum natura, in gratiam auditorum concinnata. Lipsiæ 1739. 8. *Libri.*

Pathologia metrica, seu de morbis carmen, in gratiam auditorum concinnatum. ib. 1740. 8.

Museum Richterianum, continens fossilia, animalia, vegetabilia mar. illustrata iconibus & commentariis D. I. E. H. accedit (IO. FR. CHRISTII) de gemmis sculptis antiquis liber singularis. ib. 1743. fol.

Παλαιολογία Therapiæ, qua Veterum de morbis curandis placita recentiorum sententiis æquantur. Specim. I-XXXV. ib. 1748-54.

Anthropologia forensis, sistens medici circa rempublicam causasque dicendas officium, cum rerum anatomicarum ac physicarum, quæ illud attinent, expositionibus. ibid. 1751. 8.

Idem liber. Editio altera c. f. æneis. ib. 1753. 8.

Ἐξήγησις ὀνομάτων τῶν περὶ παθῶν. Exegesis nominum græcorum, quæ morbos definiunt. *Erklärung griechischer Wörter von Krankheiten des menschlichen Körpers.* ib. 1751. 4.

De homine sano & ægroto carmen, sistens physiologiam, pathologiam, hygienem, therapiam, materiam medicam: præfatur de antiqua medicina carmen: subnectuntur similes poetarum sententiæ: accedunt singula quædam carmina. ib. 1753. 8.

Ordo morborum causalis. Specim. I-VII. Lips. 1754-1757. 8.

Aetiologia chemica, seu expositio causarum sani & ægroti hominis secundum principia chemica, dissertatiunculis clarissimorum quorundam iuvenum exposita, c. indice necessario. ib. 1757. 4.

Tentamen philologicum medicum super ΑΕΤΙΧΙ *Amideni* Synopsis medicorum veterum libris octo, post illos

octo, quos Aldus Manutius Venetiis 1534. evulgavit.  
ib. eod. 4.

Præter ea præfatus est ad libros sequentes: D. *Christian  
Gotthold Schwenke, vom gesunden Landleben &c. Leipzig  
1751. 8.*

Ioh. Woyt, *Gazophylacium medicum, oder Schatzkammer  
medicinisch- und natürlicher Dinge in einer richtigen und or-  
dentlichen Alphabeth-Ordnung. Leipz. 1751. 4.*

D. Anton. Heins *Pharmacia rationalis, oder vernünfti-  
ger Gebrauch auserlesener Genesmittel &c. ib. 1757. 4.*

*Dissertatio-* De continuanda Rivinorum industria in eruendo planta-  
*nes.* rum charactere. Præsides Io. Christoph. Lischwitz. Lipsiæ  
1726. 4.

De ordinibus conchyliorum methodica ratione instituendis.  
Resp. Io. Gezaur. ib. 1728. 8.

De vitiis nominum in significato tentamina quædam. Resp.  
Io. Christian Bartholomæi. ib. 1729. 4.

De viribus minerarum & mineralium medicamentosis.  
1730. 4.

De sensu externo facultatum in plantis indice. Resp. *Chri-  
stian. Gottlieb Ludwig.* ib. eod. 4.

Definitiones plantarum. Resp. *Christ. August. Ebersbach.*  
ibid. 1731. 4.

De indicatione medica. Resp. *Ge. Aug. Langguth.* ibid.  
1733. 4.

De usu hydrargyri interno ad mentem recentiorum. Resp.  
*Christoph. Fridr. Sartorius.* ib. 1735. 4.

De partium coalescentia morbofa, *von den widernatürlich  
wieder zusammengewachsenen Theilen des menschlichen Kör-  
pers.* Resp. *Gottlob Carol. Springsfeld.* ib. 1738. 4.

De dentitione secunda iuniorum. Resp. *Io. Andr. Unge-  
bauer.* ibid. 1738. 4. c. fig.

De morbis a pervigilio. Resp. *Io. Car. Pyscher.* ibid.  
1740. 4.

De



- De pulsu inæquali. Resp. *Io. Andr. Ungebauer.* ibid. 1741. 4.
- De capitonibus laborioso partu nascentibus. Resp. *Anton. Heins.* ibid. 1743. 4. c. fig.
- De oculo lachrymante. Resp. *Io. Frid. Kappe.* ibid. eod. 4.
- Historiæ naturalis Fossilium caput de Terris. Resp. *Io. Geo. Luther.* ib. 1745. 4.
- Exercitationes adolescenti ætati salubres. Resp. *Frid. Sam. Sparr.* ib. eod. 4.
- Funiculi umbilicalis humani pathologia. Resp. *Io. Andr. Lehmann.* Lips. 1747. 4. c. fig.
- De metaschematismo morborum. Resp. *Io. Gottlieb Meyer.* ib. eod. 4.
- De suspecta valetudine. Resp. *Io. Christoph. Elhard.* ibid. 1757. 4.
- De organis piscium externis. Lipsiæ 1733. 4.
- Anatome hominis recens nati repetita. ib. 1738. 4.
- De basi calvariæ. ib. 1738. 4.
- De cerebrum incidendi methodo. ib. 1739. 4.
- De arteriarum corporis humani confiniis. ib. eod. 4.
- De rarioribus quibusdam ossium momentis. ib. 1740. 4.
- De diploe ossium. ibid. eod. 4.
- De veis corporis humani. ib. eod. 4.
- De vaginis vasorum. ibid. eod. 4.
- De methodo plantarum ex fructu optima. ib. eod. 4.
- De medici cadavera secantis religione. ib. 1741. 4.
- De flexu arteriarum. ibid. 1741. 4.
- De medicis archiatis & professoribus. ib. eod. 4.
- De vermibus anatomicorum ministris. ib. eod. 4. c. fig.
- De vasis sanguiferis oculi. ib. 1742. 4.
- De insectorum natalibus. ibid. 1743. 4. c. fig.
- De mediastino postico. ibid. eod. 4.
- De corpore delicti, medici secantis culpa incerto. ib. eod. 4.
- De venis communicantibus. ib. 1744. 4.

*Program-  
mata.*

Hi-

Historiæ naturalis Insectorum institutiones. Lipsi. 1745.

De foetu vegetabili. ibid. 1747. 4.

De ordinibus gemmarum, verbis C. Plinii Secundi, ex eius naturalis historiæ libr. XXXVII. ib. eod. 4.

Ευπραγία ἀγαθῶν ἰατρῶν. ibid. 1748. 4.

Medicinæ cum iurisprudentia comparatio. ib. 1749. 4.

De cura pascuorum. ibid. 1752. fol.

Περὶ ἀναφωνήσεως, de declamatione. ib. 1753. 4.


De læsionibus ex dispositione vulnerati morbosa letiferis. ibid. 1755. 4.

De obsequio Principum erga medicos. ib. eod. 4.

Misericordiæ limites in exercenda arte. ibid. 1756. 4.

ÆETII *Amideni* Ἀνέκδοτων libr. IX. c. XXVIII. exhibens tenuioris intestini morbum, quem ileon & chordapsum dicunt, una cum veterum super hac ægrotatione sententiis. ibid. 1757. in 4.

*Oratio.* Quæ antiquitatum Romanarum, per Africam repertarum, memoriam recolit. Lipsi. 1733. 4.



# NOVA ACTA ERUDITORUM,

*publicata Lipsiæ*

*Calendis Aprilis Anno MDCCCLIX*

D. Christoph August Heumanns Erklärung des N.  
Testaments, Zehnter Theil.

i. e.

CHRISTOPH. AUG. HEUMANNI, THEOL. DOCT.  
& Prof. Ord. in Acad. Georg. Aug. Commentariorum  
in Novi Foederis Libros divinos PARS DECIMA, qua  
quidem prior S. PAULI ad Christianos Corinthios  
epistola explicatur.

Hanoveræ 1759. apud heredes Foersteriorum, Alph. 2.  
plag. 10. octonis.

**H**anc arduam verbis & sententiis Epistolam eadem illa  
felice dexteritate tractavit Vir Summe Venerabilis,  
quam priora Operis Volumina tot editis speciminibus te-  
stantur. Primis pagg. 12. de Corintho pauca, plura de  
argumento epistolæ, quod eundo per singula capita per-  
secutus est, disserit. Scriptam esse Ephesi, cum aliis agno-  
scit; annum quo exarata fuerit, in medio relinquit; sed ta-  
men illo tempore, quo ad scribendum accesserit Apostolus,  
Paschatis annuam celebrationem rediisse, motus locis C. V,  
7. 8. & XVI, 8. existimat. Quod nos quoque vero proxi-  
mum credimus. Hæc de præfatione.

Ex ipsa enarratione flores qui præ ceteris arriserint deli-  
bamus: nam insunt bene & utiliter observata multa, quæ  
adcuratius epistolam scrutanti reservamus. Sophrenes qui

Cap. I. v. r. commemoratur, non videntur esse idem cum illo Synagogæ præfecto, Act. XVIII, 17. Quidni enim plures eodem tempore homonymi vixerint? Adiunxit autem Paulus illius nomen suo, quoniam illi epistolam dictaverat, nec nisi quatuor versus postremos propria manu scriptos adiunxit. Ἡ ἡμέρα τῆς Κυρίας v. 8. est dies extremus iudicii. Quamvis enim Corinthiorum nullus hoc die superstes futurus sit; tamen cum a die hominum emortuali ad diem iudicii, nullum vel bene agendi vel resipiscendi spatium pateat, utraque dies tamquam coniuncta spectatur.

V. 10. τὸ αὐτὸ λέγειν non est diversum quid a phrasibus continuo subiunctis, indicatque studium concordiae. Qui se Corinthi *discipulos Christi* dicebant v. 12. ii sine dubio Christiani fuerunt, qui a peculiari factione alieni, veram Servatoris religionem simpliciter tuebantur. Confirmatur hæc interpretatio, proposita iam a Clario, loco alio, (C. III, 22.) ubi in capitibus partium a Christianis initarum, Paulus, Petrus & Apollos, non item Christus refertur: quod documento est non fuisse, qui ab hoc divino nomine singularem sectæ adpellationem mutuarentur. Verba v. 13. Μεμνησθαι ὁ Χριστός; reddenda sunt: *Num plures uno Christo sunt?* Sed *Christus* non incommode pro *doctrina Christiana* capi potest. Vox ὁμός v. 16. infirma est pro pædobaptismo demonstratio.

Obscurior est oratio Pauli v. 17. scribentis, *non esse se a Christo missum ut baptizaret, sed ut Evangelium doceret homines.* Heumannus, repudiata probabili expositione Bezae, Glassii & aliorum, quæ τὸ ἔ non tam reddit, suam tradit his verbis: „Apostoli non ipsi semper baptizarunt religionis Christianæ candidatos, sed plerumque per alios, eosque laicos. Hoc Petrum fecisse patet ex Act. II, 41. X, 48. Paulus itaque hoc ait: Christus non ministrum baptismi duntaxat me constituit, ut iussus ab aliis Apostolis baptisarem; sed eadem mihi cum illis iura, doctoris nimirum Evangelici dignitatem, tribuit.“

•Τὸ μωρὸν τῆς Θεῆς, & τὸ ἀσθενὲς τῆς Θεῆς, v. 25. est id, quod



quod Deus minus sapienter & infirme facere videtur. Paralela his verbis leguntur v. 27. de rebus humanis. Τα μὴ ὄντα v. 28. sunt quae nihili aestimantur. V. 29. pro αὐτῶ plures codices, & ii antiquiores, τῶ Θεῷ legunt: ut adeo hæc lectio illi non immerito præferatur.

Ad v. 3. Capitis II. hæc commentatur Vir Doctissimus. „Verba: ἐγὼ ἐν ἀσθενείᾳ ἐγενόμην πρὸς ὑμᾶς, equidem reddo: pusillo apud vos animo fui. Docuerat Paulus (v. Act. XVII, 17.) Athenis; sed risu exceptus, paucos ibi Christianæ religioni conciliaverat. Cum ergo ad urbem Athenis similem, id est doctrina illustrem, Corinthum, accederet, verebatur ne eodem illic fato uteretur. Has tenues spes minuebat etiam malevolentia Iudæorum Cap. XVIII, 6. donec eas Servator, erigeret, v. 9. 10.“ Ad v. 4. defenditur lectio ἐν πειθοῖς λόγοις, quæ a multis mutatur, certe torquetur. De ἀποδείξει eiusdem versus ita statuit S. R. Auctor: Ἀποδυνύειν non est hoc loco *demonstrare*, sed *monstrare*, ipsumque Substantivum inde formatum *monstrationem* designat. Respicit enim Apostolus ea quæ v. 1. scripserat, se in proponenda doctrina Christi nec eloquentiæ nec subtilitatum philosophicarum auxilio uti. Philosophi puta & Oratores apud ethnicos, multa de virtutibus egregie disputabant, neque tamen ipsi eas, vel auditores, vita exprimebant. Sed nostra religio, inquit Paulus, hæc vi pollet, ut auditores exemplum eorum quæ illis commendo, divino a Spiritu adiuti, præbere possint.“

Verba versus noni C. II. iudice Heumanno, non eo sensu ab Apostolo scripta sunt, quo illa Iesaias, ex quo ducta esse videntur, usurpavit. Propheta enim non de Messia loquitur; Paulus autem nihil aliud adducendis his sententiis agit, quam ut institutam orationem de felicitate æterna sylvius exornet. Πνευματικοῖς πνευματικὰ συγκρίσεις v. 13. est: res spirituales & coelestes interpretamur iis, qui S. Spiritus illuminationi se permittunt. Ἡμεῖς v. 16. non soli Apostoli sunt, sed & reliqui Christiani. Νῦν Χεῖρ ἔχομεν, non solum hoc vult: sanctitati mentis ad exemplar Servato-

ris studemus; sed plenius: Consilium Christi de salute nostra, cum Patre captum, omnino novimus.

In Capitis III. versus 13. 14. 15. suam facit Auctor Ven. interpretationem Chemaitii in Examine Concil. Trid. P. III. L. III. Sect. III. C. III. §. 19. additque, intelligendos etiam hoc loco esse auditores, qui doctorum suorum dogmata recipiant, vel sana illa vel prava: nam & hos, si modo principes fidei articulos retinuerint, per ignem probari & intermeratos discedere. Dicit hic Noster de vanis-conatibus doctorum Pontificiorum, ex scintillis huius versus Purgatorium accendendi, imo præcipuos quosdam ex eorum numero producit, qui nullum hic præsidium ignis purgatorii adesse fatentur.

Postremo eiusdem Capitis versui hic sensus adscribitur: Caput vestrum Christus, Christi caput Deus est. Conf. Cap. XI, 3. Dicitur vero Deus Christi caput, quod non solum humanam eius naturam creavit, sed etiam ad salvandos homines eum misit, eoque ad mortem usque obedientissimo usus est. Atque hæc pertinent ad statum exinanitionis Christi, qui facile patitur frequentes illas in Evangello Iohannis voces, nihil iniussu Patris agere Filium.

Cap. IV. versus 6. & 7. Christianos Corinthiacæ ecclesiæ, exemplo Pauli & Apollonis admonent, ut doctores suos pari honore adficient. Versus 8. acrem refert ironiam. Hanc nonnulli in Christi & Apostolorum sermonibus obviam esse perperam negarunt. Exemplis autem quæ Glassius in Phil. S. protulit, addenda sunt loca, Matth. IX, 13. & Ioh. XXI, 15. Utinam, inquit Paulus nostro loco per sarcasum, domini aut reges iam essetis, tum ego quoque, qui princeps doctorum vestrorum sum, imperarem. Angeli v. 9. mali genii sunt.

Crimen quod in principio Capitis V. castigatur, tale videtur fuisse Heumanno. Fuit qui cum noverca incestos amores agigaret, quæ nupserat viro provectæ ætatis, eiusque tædio capta privignum adamarat. Ethnicam fuisse inde colligas, quod Apostolus in eam non simul animadvertit.

tit. Verba: συναχθέντων, κ. τ. λ. v. 4. concilium ostendunt, in quo Servator ipse, Ecclesia Corinthiaca, & Paulus aderant. Τὸ παραδέναι τῷ Σατανᾷ, Rabbiorum quidem formula, significat *ex ecclesia eiicere*; at hic rectius de morbo atque doloribus, miraculosa ratione inflictis, exponitur. Observat hic Noster, hoc Apostolicæ potestatis exercitium non esse ad doctores Ecclesiæ hodiernæ translatum, eosque propterea, ubi quenquam coetu excludunt, recte omittere verba: *tradimus te, vel illum Satanae*. Versum 7. peculiari Programme Ven. Auctor A. 1756. illustravit, in quo verba καθὼς ἐστὶ ἄζυμοι, ita sumit ac si scripta essent: καθὼς ἄζυμοι ἐστὶ; *sicut ἄζυμοι esote*. Hæc interpretatio cum nexu orationis pulchre conspirat; monstratque mandatum Pauli, cui statim ratio subiicitur. Vulgaris autem verborum versio summam obvolvitur rebus caliginem. Traiectio porro verborum qualem hic statuit Heumannus, frequens occurrit in Pauli scriptis. Exemplum suppeditat vocula ὡς, Rom. XII, 3. 1 Cor. III, 5. & VII, 17. item ὡς, 2 Cor. II, 4. Gal. II, 10. 1 Cor. IX, 15. Hæc transpositio inprimis loca Rom. XI, 3. & Ephes. III, 18. clariora facit, quod Beza aliique viderunt. Unicui huic explicationi opponas; videlicet, vocem ἐστὶ in N. Testam. non legi in Imperativo. Quod si ita se haberet, parvi tamen momenti observatio esset, cum aliunde hic vocabuli usus satis cognitus sit. Sed eundem probat Heumannus nonnullis in ipso N. Foed. exemplis, 1 Cor. V, 7. 1 Thess. V, 4. Act. I, 8. Epistolam quam se scripsisse dicit Paulus, v. 9. deperditam credere fas est, velut plures illius aliorumque Apostolorum ad nascentes coetus litteras.

Cap. VI. v. 1. 2. admonentur Christiani, ut contentiones inter se exortas non ad ethnicos, sed ad proprios arbitros deferant: cur enim non inter se minora negotia componerent, cum olim supremo iudicii die iudicanti Christo adsessuri sint. Vox ἐπὶ denotat sistentem se coram iudice, ut 1 Tim. VI, 13. Act. XXIII, 30. XXV, 9. Iudicium in angelos v. 3. idem est, cuius Matth. XXV, 41. mentio iniicitur. In ver-

fus a 12-20. age adscribamus Heumanni explicationem omnem. Ita vero ille: „Prohibent hi versus ne dicamus, licere nobis quidquid vetitum non est. Scortatio v. c. a magistratu non prohibetur, nec punitur. Neque tamen idcirco sectanda est. Nam omnes actiones quæ salutis nostræ noxiæ sunt, quamvis libere perpetrari possint, vitandæ sunt. Non decet nos a pravis maioris partis moribus abripi, & cae coethes vulgi servili modo imitari. Dicat autem aliquis: Sicut venter cibis capiendis destinatus est qui corpus alant, ita & membris gaudemus, quæ voluptate fruuntur. Illud verum est; hoc tum demum religioni & naturæ consentaneum erit, ubi matrimonium rite inierimus. Corpus enim sancte custodiatur necesse est, quippe quod æternæ felicitatis aliquando partem capiet. Omnino cibus & venter mutui usus causa, hoc est vitæ humanæ commodo, adsunt. Uterque tamen res fluxa est, abolenda a Deo cum morte hominis. Corpus autem non scortationis causa creavit Deus, sed ut ipsi serviat. Neque illud abolevit, sed resuscitabit olim mortuum, ut in omne ævum vivat. Quod maximum nobis esse debet castitatis argumentum.“

Capite VII. quinque questionibus Christianorum satisfacit Apostolus. I. utrum præstet cælibem manere, an matrimonium inire? v. 1. 2. II. utrum liceat coniugibus, debitum conjugale sibi invicem negare? v. 3-6. III. utrum viduis & viduabus secundæ nuptiæ contrahendæ sint? v. 8. 9. IV. utrum Christiano divortium faciendum sit ab uxore ethnica? v. 10-16. V. utrum cælibes a matrimonio dehortandi sint? v. 25. sqq. Ex v. 7. patet, Paulum dono continentiae usum esse. Facile etiam refelluntur qui illum duxisse uxorem existimant. Matrimonium quod ἐν Κυρίῳ contrahitur, v. 39. illud est, quod Deo placeat, quo referri potest matrimonium Christiani cum Christiana, non cum femina gentile.

Ad Cap. IX. v. 18. Zeltnerus notatur, qui statuit, Paulum accepisse stipendium a nonnullis ecclesiis. Quod ut probet, posterioris Epistolæ Cap. XI, 18. profert; qui tamen  
locus



locus interrogative, atque adeo sic reddendus est, ut Apostolus potius neget, sibi remunerationem eiusmodi tributam esse. Pro Θεῷ, ἀλλ' ἔνομος Χριστῷ v. 21. legit Ven. Auctor Θεῷ καὶ Χριστῷ, ἀλλ' ἔνομος: hoc enim habent Codices plerique.

Cap. X. v. 9. non est legendum τὸν Χριστὸν, sed τὸν Θεόν. Posterius enim habet Codex Bezae & Alexandrinus. Quam lectionem si recipias, diffugiunt difficultates, cum illa vulgari coniuncta. Neque enim Exod. XVII, 7. Numer. XXI, 5. 7. Ps. LXXVIII, 18. & XCV, 9. Iudæi *Messiam* dicuntur tentasse, sed *Deum*. Ad v. 16. 17. Lutheri, Formulæ Concordiæ, Hunniique & Gerhardi loca quædam adscripsit Heumannus, quæ formulam institutæ Eucharistiæ non esse metaphorice sed litteraliter capiendam docent. Verba v. 28. Τοῦ γὰρ Κυρίου ἡ γῆ, καὶ τὸ πλήρωμα αὐτῆς, quæ & v. 26. leguntur, nec Codex Claramontanus, nec Versio Syriaca, nec Vulgata habet, videnturque illa utique a librario ex v. 26. per lapsum repetita esse.

Capitis XI. versus primus rectius decimi Capitis exitum tenet, quo loco eum & Lutherus collocaverat, ut in editione biblicorum Wittebergensi anni 1664. videre est. V. 4. docet, Pauli ætate indignum esse reputatum doctoris ecclesiastici persona, in concione capite tecto dicere. Versum 10. qui multos obscuritate vincit, diligentiore & longiore illustratione (a pag. 411 - 446.) prosecutus est Vir Doctissimus. Iucunda est & ad acuendum iudicium apta narratio, quam de variis variorum huius loci interpretationibus ad pag. usque 438. deducit. Postquam in singulis reprehensioni locum esse ostendit, monuitque, unam superesse vocis ἀγγελος notionem, ab omnibus interpretibus prætermisam, solam vero ad declarandum locum hunc idoneam, his fere verbis eam tradit. „Voces מַלְאָךְ & ἀγγελος generatim eum denotant *qui aliquorsum missus est*. Sed eorum genera multa sunt, quæ contextus demum orationis patefacit. In his & illi sunt, quos *missarios, speculatores, exploratores* appellamus. Hi מַלְאָךְ dicuntur Genes XXXII, 3. & Iosue

Iosue VI, 25. & ἄγγελοι Iac. II, 25. & κατὰσκοποῖ, Hebr. XI, 31. Eodem sensu vox græca apud Polyænum legitur. Solebant autem ethnici sæpius speculatores in conventus Christianorum mittere, qui illorum rationes explorarent, experirenturque, num vera essent quæ de illis in vulgus spargebantur. Refert hoc Tertullianus in Apologetico Cap. VII. & Lib. I. ad Nationes Cap. VII. Hi quum renuntiarent suis, in his conventibus feminas velato vultu spectari, necesse erat interire calumnias, quæ Christianorum pudicitiam accusabant. Horum ergo exploratorum causa, ait Paulus, velamen feminis Christianis in publica concione retinendum esse. Hanc Heumanni explicationem multis nominibus commendabilem adoptavit Laurentius Mullerus, seu, quemadmodum in fronte scriptorum suorum legi ma-  
huit, Theophilus Alethæus, in illustratione obscuriorum utriusque Foederis locorum, lingua vernacula conscripta, p. 272. & Christianus Feustelius in Miscellaneis sacris p. 241. & 253. sq. Eandem propria sagacitate eruit Gerardus Croesius, Auctor Historiæ Quackerorum, & Richardus Gough, sacris apud Britannos præfectus, edita A. 1742. in hunc locum dissertatione. Nam neuter horum commentationem Heumanni A. 1709. publicatam legisse videtur. Observat denique Nolter, Paulum data opera in hoc versu obscurius scripsisse, adhibita voce ambigua ἄγγελος, ne ethnici, in quorum forte manus epistola inciderit, sentirent, suos notari emissarios. Eodem illum consilio vocem ἐξουσία rariore significatione induisse, quæ forsitan a plebe Corinthiorum ficta fuerit.

• Ἡ φύσις v. 14. eiusd. Cap. est *consuetudo*, quæ recte altera *natura* dicitur; *consuetudo* nimirum *inveterata*. Ita Salmasius quoque de coma pag. 718. Grotius de I. B. & P. Lib. II. C. XII. §. 26. n. 2. & Pufendorfius de I. N. & G. C. III. §. 10. eam vocem reddunt. Ἀρεῖαι v. 19. non sunt schismata in minoribus fidei articulis, sed hæreses. Ipsa particula καὶ adfurgentem orationem indicat. Ad v. 23. 24. 25. ex Buddei Institutionibus Theol. Dogm. p. 1101.

ubi

ubi contra Werenfelsii dissertationem in verba Domini, Hoc est corpus meum, disputat, dein ex Mart. Chladenii Diss. de verbis institutionis in S. Coena ex formula Iudaica non explicandis, quædam producuntur.

Capitis XII. versum 2. 3. ita παραφράζει Heumannus. Accedebatis ad idola, quemadmodum ab ethnicis doctoribus vestris manducebamini, qui se & oracula suorum divino Spiritu afflari iactabant. Verum ego scire vos cupio, doctorem nullum, sive ethnicus sit, sive Iudæus, qui Christum repudiat eique maledicit, a Spiritu S. regi. Is duntaxat divino Spiritu eiusque donis gaudere potest, qui Servatorem nostrum recipit. Σοφία v. 8. est *prudentia*, γνῶσις *scientia* multifaria; πίσις v. 9. fides, cuius auxilio Christiani sibi ipsi sanitatem reddunt, orantes Deum ut eam restituat, certique sunt, se voti compotes futuros; cf. Matth. IX, 22. & XV, 28. προφητεία autem v. 10. est explicatio Script. Sacræ. Ἀντιλήψεις v. 28. Heumanno sunt constituti ab Apostolis Act. VI, 1. Diaconi, qui pauperum curam gerebant, item Diaconissæ; κυβερνήσεις vero doctores ordinarii, qui coetus Christianos regebant, iidemque dicuntur I Thessal. V, 12. προϊστάμενοι.

Capite XIII. v. 1. non de eo sermone angelorum loquitur Paulus, quo illi ad nos delati usuri essent, sed de illo, quo sua sibi cogitata exponunt. Quod de caritate dicitur v. 4. ἡ περιεργεῖται, significat eam non esse iactantiam & ostentationi deditam. Καθὼς καὶ ἠπεγνώσθην v. 12. redditur; *quemadmodum & ego tum cognitus fuero*, ab aliis puta æternæ beatitudinis candidatis. Urget enim Heumannus, Aoristum, qui hoc loco adhibetur, futuri vim habere, veluti Ioh. XIII, 36. XV, 8. obtineat. Illos autem logomachiam exercere pronuntiat, qui ad v. 13. defendunt, non solam caritatem, sed fidem etiam atque spem in vita æterna superaturam.

Ex interpretationibus versus 6. Capitis XIV. eam deligit Ven. Heumannus, quam b. Langius proposuit. Versus 21. & 22. non ex Deut. XXVIII, 49. sed ex Ies. XXVIII,

11. 12. defuntos credit; priorem enim horum locorum nonnisi exiguam partem eorum quæ hic leguntur, continere. Excidit hic magno Grotio, ut scriberet, Paulum verba hæc ex versione Aquilæ accepisse, quæ tamen secundo demum Seculo nata est. Ad v. 34. & seqq. pag. 617. abiicit Vir Doct. sententiam suam, quam supra p. 407. ad Cap. XI. v. 5. prodiderat, licuisse quodammodo feminis in Ecclesia docere. Hoc enim loco Apostolus diserte & iteratis vicibus vetat feminas hoc iuris sibi arrogare. Quid quod, cum in eo Corinthiaca Ecclesia erga feminas iusto indulgentior fuisse videatur, subiratus querit v. 36. quibus prærogativis nixi hanc sibi Corinthii potestatem tribuerint, ut pro lubitu in ecclesia ordinem sacrorum mutarent?

Caput XV. a pag. 629 - 821. explicatur. Exstat in illud Commentarius Ioli. Crellii, Sociniani, Racoviæ A. 1635. editus, & alius Mosis Amyraldi, quem Carentoni A. 1659. publicavit. Sed nostra ætate clarissimus Groningane Aca- demie Theologus, Daniel Gerdesius, tredecim Dissertationibus ab A. 1752. ad A. 1758. scriptis, quibus Disputationes isagogicas duas A. 1744. præmiserat, idem Caput illustravit. Ii contra quos hic Paulus resurrectionem mortuorum adserit, Sadducæi sine dubio fuerunt, qui ad Ecclesiam Christianam primum transierant, mox ad pristinos errores redierunt. *Ἐ κατέχετε* v. 2. vertendum est: an adhuc retineatis; hanc enim τὸ εἰ potestatem sæpius tuetur, Act. XIX, 2. VIII, 22.

Versum 5. 6. & 7. singulari commentatione A. 1740. explicavit Heumannus in Miscellan. Groninganis Tomo III. p. 285 - 310. unde eam huc aliquanto breviorē transtulit. Expedit illa nodos quosdam narrationis Paulinæ, nimirum, quod quæ in hac occurrunt, ab Evangelistis omissa sint; quæ hi referant, ea Paulus siluerit. Inter hæc ostenditur, versum 7. præponendum esse sexto. Proclive ad mutandum ordinem scriptori librario fuit verbum *ἐπειτα*, quo uterque versus incipit. Versu quidem septimo adparitio Thomæ facta traditur. Nam quem Paulus Iacobum adpellat, Tho-



Thomas est. Non erat illi proprium nomen Thomæ, sed cognomen, quod teste Iohanne C. XI, 16. XX, 24. XXI, 2. *didymum* seu *gemellum* notat. Sed cum in Apostolorum choro iam duo numerarentur Iacobi, quorum alter Marc. XV, 40. ὁ μικρὸς, *iunior* dicitur, tertius hic Iacobus a cognomine Thomas vocatus est. Ceterum illa versuum transpositio aliis quoque exemplis firmatur ab Auctore Venerando. Docetur deinde, Christum a Paulo non in ecstasi sed oculis suis visum esse. Adpellat se Apostolus v. 8. ἐκτρώμα, h. e. foetum abortivum, seu rem inutilem & abiiciendam. Ad v. 16. narrat Heumannus nonnulla de Treibero quodam, qui hunc locum impie tractavit. Vocem ἐχέετε v. 20. quæ ex plurimis Codicibus & versione latina antiqua abest, & quæ absente sensus commodius fuit, repudiat. Christus dicitur ἀπαρχὴ τῶν κεκοιμημένων, quia primus omnium ex resuscitatis a morte vivus permansit, cum ceteri qui a mortuis revocati fuerant, mortem denuo oppetierint. Versu 28. abutuntur Sociniani ad deprimendam maiestatem Christi divinam. In expositionibus autem illius, quæ a pag. 701-713. recensentur, optima est Cameronis, quam Langius Moshemiusque & Biblia Vinariensis sequuntur.

Iam de vexatissimo loco, de βαπτισμῷ ὑπὲρ τῶν νεκρῶν, v. 29. dispiciamus. Versatur hic primum Vir S. R. in recensendis interpretationum divortijs a pag. 715-736. quibus plures p. 746-748. addit. Missis omnibus, suam exponit, quam paraphrasi inclusam exhibemus: „Cur autem tamen, cum tot Christiani mortui sunt, nihilque adeo iis quod in mundo sperent, supersit, cur præter hos tot alii baptismum & religionem Christianam recipiunt, nisi ideo, quod credunt mortuos omnino resurrecturos, eosque qui fidem in Christum vivi morientesque conservarunt, beatissimæ tum vitæ participes fore. Cur, inquam post tot mortuos Christianos insuper alii ad Christianam religionem per baptismum accedunt.“ Non tacet Vir S. R. obiectionem huic expositioni metuendam; τὸ ὑπὲρ nimirum, ubi *præter* significet, non Genitivum regere, sed Accusativum. Fa-

tetur, se exempla in contrarium nulla habere, habet autem ex Latinis, ubi *super* hoc sensu cum Ablativo iungitur, in Virg. Aeneid. L. II. v. 348. & Horatii Serm. L. II. Sat. VI. Observat etiam pag. 750. scripsisse hæc Paulum ad eos, qui cum Iudæis statuerint, corpus & animum pari somno premi ad diem usque iudicii, simulque utrumque resuscitatum iri. Hæc plerorumque qui sub Vet. Foed. vivebant, sententia fuit, quemadmodum Heumannus programme A. 1757. edito docuit. Imo eadem opinio MCCCC. p. C. N. annos in Ecclesia Christiana regnavit. Sed hoc loco eam non impugnat Apostolus, verum potius, tamquam a lectoribus suis receptam, & ipse adsumere videtur.

V. 32. non vere cum bestiis se pugnassee ait Paulus, sed metaphorice. Non enim prætermisurus hoc erat ipse 2 Corinth. XI, 23 - 28. nec Lucas in Actis, si revera hoc periculum subiisset. Nec civis Romanus huic supplicio tradi poterat. Ergo & phrasis: *κατὰ ἀνθρώπων*, reddenda: *ut sic loquar*, quamvis ea nullibi hoc sensu occurrat. V. 41. lunæ claritas adscribitur non minus quam soli, a quo tamen lucem suam mutuatur. Sed sunt hæc *phrases opticae*, de quibus nuper docte disputavit Dietelmaierus, Theologus Altorfinus.

Subiungitur huic Capiti pag. 822. appendix quæ ad Cap. XIV. spectat. Huius versio a Luthero nostro instituta ideo maxime obscurior videbatur Heumanno, quod is multis locis *lingua* pro *sermo* (*Zunge* anstatt *Sprache*) posuit. Sed hic demum excusat Lutherum, sequentem in eo morem ætatis, quæ voce *lingua* pro *sermone* uti solebat; quod hodie Germani respuunt, secus quam Romani.

Nec alia appendix, quæ paginæ 870. succedit, tacenda nobis est. Hæc quidem illustris cuiusdam Viri interpretationem novam loci difficilioris, Luc. XVI, 9. *Ποιήσατε ἑαυτοῖς φίλους ἐκ τῆς μαμωνᾶ τῆς ἀδικίας*, proponit. Momentum eius in eo versatur, ut hæc verba *interrogative* capiantur: Conciliatisne vel potestisne conciliare vobis amicos opum terrestrium beneficio? Interrogatio est negans.

Ac

Ac siue τῶς φίλῃς *pauperes* esse dicas, siue vocabulum hoc ad ipsum Deum referas, sensus facilis & Servatoris ore dignus elicietur. „Quamvis, inquit Christus, divitiæ vestrae multa vobis commoda & parata aliorum auxilia comparare possint, tamen eos amicos vobis non conciliant, qui in futura vita prodesse possint; vel hoc modo: tamen ex Deum vobis propitium non reddunt, nec ab eo impetrant, ut vos aliquando in beatis sedibus suis collocet.“ Non dubitamus nos cum Heumanno sperare, multos hanc interpretationem libenter amplexuros esse.

Vir autem Summe Reverendus & meritis in litteras egregiis clarissimus, rude nunc donatus, otiumque honestum & debitum ab ordinariis muneris laboribus nactus hoc consilio, ut huic cum sacris litteris consuetudini omne reliquum vitae tempus tribuere possit, incolumis & vegetus in hoc stadio perget, perfectique etiam operis gloriae supererit, si modo vota nostra, quod valde cupimus, rata fuerint.

*USUS OPII SALUBRIS ET NOXIUS IN MORBORUM medela, solidis & certis principiis superstructus,*  
a D. BALTHASARE LUDOVICO TRALLES, Medico  
Vratisl. atque Academ. Caesar. Nat. Cur. Adiuncto.

#### SECTIO SECUNDA.

Vratislaviae 1759. sumptibus Caroli Godofredi Maieri,  
Alphab. 2. in 4to.

**M**agna cum animi voluptate legimus continuationem operis, cuius honorificam mentionem iure meritoque in his Actis nostris faciendam esse haud ita pridem existimavimus. Secunda hæc sectio de ipso usu opii in morborum medela præcipit, & quomodo in curatione hæmorrhagiæ, febrium, ac dolorum, cum vero ægrotantium levamine, generosum hoc pharمون dandum sit, abunde docet. Qui quidem morbi cum alios quamplurimos sub se comprehendant, multisque aliis fere iungi solant; non minimam therapie specialis partem Celeberrimo

*Tralleſo* obiecerunt pertractandam. Primo igitur generali de hæmorrhagiis, a cauſa interna ortis, tractatione docetur, hæmorrhagias opio tunc potiffimum ſiſti, cum ſenſus in parte, ex qua effluit ſanguis, vellicans, mitigandus eſſe videatur; igitur opium illis tantummodo convenire hæmorrhagiis, quæ occasione ſenſibilioris irritationis aut excitantur, aut continuantur, aut ſæpius redeunt; vel quæ occasione inordinatorum ſpaſmorum in vafis ſanguiferis ſubinde accidunt. Atque hæc iam pridem fuit ſententia Celeberrimi quondam *Ettmülleri* noſtri. Generale hoc effatum deinde applicatur ad hæmorrhagias e naribus, pulmonibus, ventriculo, renibus, & veſica urinaria, vafis hæmorrhoidalibus, partibusque genitalibus mulierum. Ubique ſimul obviam itur dubitationibus ſcrupulisque iniectis. Ita exempli cauſa, ut hoc utamur, oſtenditur, qui fiat, ut idem pharmacon & ſiſtere ſanguinis fluxum ex genitalibus, & provocare eundem queat? Nimirum, quia utrumque ſymptoma, ab una eademque cauſa, ſpaſmis ſcilicet, excitari ſoleat, facile intelligi, qua ratione ſymptomata adeo inter ſe diverſa ab una eademque medicina corrigi & tolli poſſint. Ad ſiſtendas ſanguinis ex utero muliebri fluxiones varia remedia externa, veluti Spiritum vini rectificatum, item epithemata ex aceto, nitro, & ſaccharo Saturni, nec non linteam contortum & ſolutione vitrioli martis madens, peſſi in modum efformatum, aliquoties utilia fuiſſe, expertus eſt. Egregiam quoque opem in ſanandis fluxibus ſanguinis diuturnis attulit decoctum corticum aurantiorum ſubviridium, a *Ludovico Septalio* & *Riverio* laudatum; item rheum, parvis, ſed iteratis doſibus, diu uſurpatum; porro cortex Peruvianus, & fons Spadanus. Poſteaquam de hæmorrhagiis Auctor docte & plene diſſeruit, progreditur ad febres, quæ poſt ignem de coelo ſublato incumbunt terris. Ac primo quidem oſtenditur, intermittentium febrium ſanationi conveniens remedium a priſcis iamiam medicis habitum fuiſſe opium; id tamen in ipſo paroxyſmo valde noxium eſſe ſolere, extra paroxyſmum vero datum, vi ſudorifera nonnun-



nunquam febrem, una cum causa eius, ex corpore expellere, ac cortici Peruviano quandoque cum fructu iungi, maxime quidem tunc, cum cortex datus, diarrhoea concitata, intestinorum canalem nimis cito transeat. In febrium acutarum curatione ab opiatibus abstinuerunt prisci ad unum omnes. Neque prius, quam dolenda illa methodus, acutis febribus per bezoardica & alexipharmaca medendi laudata esset, usus opii in febribus illis invaluit. Ab hoc vero tempore multi celebres medici opio, ad refræandos febriles impetus, usi sunt. Nocere tamen opium ostendit Clarissimus Auctor, dum pluribus evincit, opium non quadrare rationibus febrilibus atque inflammatoriis; retardare abitum in sanitatem, si hæc beneficio naturæ, vel aliorum remediorum congruorum simul usurpatorum sequatur; favere generationi aliorum morborum, in quos interdum abit febris; accelerare mortem, eamque gignentes causas; adversari indicationibus iustis; turbare coctiones & crises; obistere remediis veris; nil facere ad minuenda symptomata, sed pleraque intendere, aut minus opportuno tempore & modo illa minuere. His tandem omnibus doctè disputatis additur: sagaciores practicos ab usu opii in febribus acutis abstinere, eosque, qui opium laudent, haud raro sibi ipsis repugnare. Post generaliore hanc disputationem agitur deinceps de variolis & morbillis. Ad illas enim sanandas proficuum opium iudicarunt recentiorum plerique. Docet vero Cl. Auctor, ad primam variolarum febrem prorsus non pertinere opium: in secunda vero confidenter dari quidem posse, tanquam remedium perspirationem movens, humoresque adeo versus cutem determinans; attamen rerum suarum gnarum deprecere medicum, qui alvi rationem habere rectè didicerit. Morbillorum curationem tradens, opium fortasse, si febris languida sit & torpeat, convenire existimat; fluctuat tamen magis quam ut decernat. In quo Cel. Viri prudentem moderationem, atque laudabilem circumspèctionem, vehementer probamus. In mitigandis symptomatibus, palpitationibus cordis, pavoribus in somno,

somno, vomitu enormi, spasmis motibusque musculorum convulsivis, in tussi & diarrhæa, opium, prudenter datum, boni quid præstare asseverat. A variolis & morbillis ad febres malignas transit Auctor, quarum princeps est pestilentialis. Huius malignitati a veteribus, tantum non omnibus, oppositum esse opium, nemo nescit. Clarissimus vero Auctor de eius utilitate adeo decantata iure meritoque dubitat, imo opium, ad solutionem pestis genuinam valere, symptomatibusque mederi, negat. Neque ad prophylaxin facere, testimoniis variis, (cum exempli causa pestis tempore publica divenditio theriacæ interdicta fuit, ut Gedani,) diligenter probat. De reliquis febribus malignis sententiam non dissimilem fert A. aliquando tamen diarrhæam opiatis caute regendam esse, fatetur. Pertractatis febribus subiungit dolorum therapiam rationalem. Ex qua præmissa deinceps elicit canones generales circa usum opii, in mitigandis doloribus, in praxi clinica usum insignem habentes, qui fere sunt: Opium solummodo minuere doloris sensum, ipsam eius causam vix attingere, vel saltem rarissime eidem removendæ par esse: minus opportune datum, effectus quosdam producere, qui non a morbo, sed ab ipsa data medicina pendeant; igitur obscurare ac turbare morbos; dolorem tantummodo ad tempus mitigare, quo elapso, siquidem causa manet, fere atrocius recrudescat; haud raro ne repetitas quidem opii doses dolori mitigando pares esse, tum scilicet, cum doloris causa fortius, quam data medicina opiata, agat; opio minui excretiones omnes, sola diaphoresi excepta, igitur claudi vias, per quas alioqui elabi morbi causa posset; interdum actionem causæ dolorificæ opio intendi, dum plethora, circularis humorum motus, orgasmus, & humorum ad caput vergentia, illo augeatur; si dolor sit morbi symptoma, non morbus ipse, opium tantum præstare palliationem; si dolor sit morbus princeps, vel symptoma maxime urgens, eum ocyus opio mitigandum esse: tandem, si causa doloris vehementioris lateat, aut etiam cognita, vel plane non, vel sero demum tolli queat,

si quid prohibeat, quo minus nervos male affectos destrua-  
mus, si emollientia aliaque remedia incassum adhibeantur,  
unum superesse auxilium, ut sensorium commune opio ob-  
tundatur. Et his quidem generalibus præceptis, super-  
struitur doctrina de mitigandis doloribus, qui morbos bene  
multos concomitantur. Sermo igitur Auctori cel. est de-  
inceps de dolore pleuritico & cephalico, de cardialgia,  
de doloribus variis intestina pessime habentibus, sive illi a  
nimia nervorum mobilitate concitentur, ut fere accidit se-  
minis hystericis; sive a causa materiali, eademque acri, pen-  
deant. Hinc de colica flatulenta, biliosa, saturnina, inflamma-  
toria; de üeo tandem & herniis, deque colica Pictonum agi-  
tur, & tempestivam medelam rationalem mitigationi sym-  
ptomatum opium præstare, & quando hæc posterior ad-  
mittenda sit, pluribus ostenditur. Postea nephritis, &  
symptomata inde pendentia, spasmus vesicæ, rheumatismus  
in universum; rheumatismi particulares, veluti dolor ischia-  
dicus est, arthritis vera, eiusque variæ species, odontalgia,  
otalgia, ita pertractantur, ut nos ignoremus, an Auctoris  
experientissimi iudicium magis, an summam diligentiam in  
colligendis Medicorum sententiis, admirari ac laudare oport-  
teat. Sola operis prolixitas fortasse displicebit illis, qui  
ætate nostra, ex librorum compendiis, doctrinarum & eru-  
ditionis dispendia quærunt. Ceterum, vehementer cupi-  
mus, ut Sectio operis tertia, quam Cl. Auctor in præfa-  
tione huius partis promisit, cito prodeat, bono rei medicæ.  
Amplissima Viro Cel. seges hic futura est, in quam excur-  
rere mira eius solertia possit. Exhibiturum se ea dicit  
morbos convulsivos, & chronicos quosdam, tum & mentis  
morbos, morbos infantum, senum, sexus item sequioris,  
& quæ ad hæc capita quoquo modo pertinere vide-  
buntur.

*IAC. THEOD. KLEIN, IMPERIAL. ACADEM.  
Scient. Petropol. Regiæ Societatis Londinens. & Aca-  
dem. Bononiens. Membri, Stemmata Avium, quadra-*

*ginta tabulis aeneis ornata; accedunt Nomenclatores Polono - Latinus & Latino-Polonus.*

Lipsiæ 1759. ap. Adam. Henr. Holle, pl. 6. tab. 40.  
quatern. maior.

**N**ovam & singularem viam in distinguendis variis avium generibus iniit Kleinius, V. Cl. quem nuper luxerunt Musæ, quem diu non elugebunt, diu desiderare non desinent. Nam, quoniam totum avis corpus saluum & a putredine integrum servari non semper potest, affixit vir doctus capita, omnibus mollibus partibus resectis, pedes, atque etiam linguas multarum, tabulæ, balsamum superinduxit, & in occluso armario sub vitro curiosis oculis ostendit. Qua ratione magna cum copia collecta esset, cepit consilium earum imagines, tabulis æneis expressas, edendi. Sed aliter fato videbatur. Quare iam ante, quam in vivis esse desiit, *Titio*, V. Cl. in Academia Vitembergensi Mathematicum doctori celebri, Collegæ nostro, illud dedit negotii, huius ut operis edendi curam, pro veteri consuetudine atque amicitia, susciperet. Quod ab illo ita factum est, ut, si in vitam Kleinius rediret, non parum suavissimo adpectu elegantissimi libri delectaretur, & bene suis partibus functum esse Titium fateretur. Charta est nitida, typi elegantes, tabulæ splendide, quæ quasi incantamentis lectorum oculos deliniant, retineant, diuque retentos magna cum voluptate dimittant. Versatus vero ita *Kleinius* in hoc negotio est, ut quasi stemmata avium proponat, avesque in familias & genera, iterumque in tribus, dividat. Illas ex capite pedibusque; hæc ex rostro diiudicari debere, ingeniose, ad naturæ ductum tamen, arbitratur. Quæ divisio, ut maxime naturalis est, sic multum & doctorum hominum, & indoctorum, intellectum iuvabit. Singula capita & rostra, una cum pedibus digitisque, eadem, quam natura illis tribuit, magnitudine, ope circini explorata, expressa sunt. Quare provocat etiam Auctor viros doctos ad examen institu-



stituendum, & ut circino mensuram avium explorent, eamque hisce cum delineationibus comparent, cupit. Unde illos dicit intellecturos esse, multos, qui, quoad colores, aves eleganter depingant, in capitis tamen, pedum, & digitorum formis exprimendis, non iustam diligentiam adhibuisse. Sed neque acerbius examen Vir doctissimus subire recusat. Turdorum exoticorum convenientiam cum indigenis, & nostratium passerum per suos tribus cum avibus utriusque Indiæ, salvo hoc systemate, examinabunt. Non opus esse credidit, ut cuilibet generi singulæ species & varietates, vel etiam omnibus speciebus ambo pedes adderentur. Verebatur, ne vel nimia copia tabularum tædium afferret, vel sumtus augeret. Neque singula avium capita ad anatomicas regulas exegit, satis esse ratus, neglectis officulis & compagibus, altitudinem cranii, & figuram for- Tab. I.  
mamque rostri & mandibularum, observare. Eius rei, ut haberent Lectores nostri exemplum, atque ut eos efficaciter ad legendum Kleinii librum invitaremus, primam Tabulam, quæ est de Strutio-Camelo, huic nostræ recensionis addidimus.

Descriptio avium latino quidem sermone composita est, sed, ne illius ignari hoc fructu careant, e regione Germanica versio respondet. Cuiuslibet generis descriptioni brevis Observatio latina addita est. In ea Synonima, aliorumque auctorum descriptiones adducuntur, de natura avium monentur quædam, aliorum sententiæ examinantur, & maxime memorabilia afferuntur. Sic in Tab. V. exhibetur *Ispida*, cuius pes ab Edwardo negligenter exprimitur. Sunt vero *pedes*, observante Auctore, *tetradactyli*, *singulares: digiti, sedente ave, per paria ante & pone: extra quietem pedes quasi frondosi*. — Quam fabricam Auctor, nec lusum, nec errorem naturæ, sed anomaliam familiæ appellavit. Pag. 15. *caprimulgum*, quoniam apicem habeat rostri aduncum, pro uti omnes hirundines, non ad accipitres, sed ad hirundines referri debere docetur. Pag. 17. observat Auctor, neque definitionem Barerei, cui passeressunt rostro conico, crasso,

valvis æqualibus; neque Moehringii, rostro conico subito attenuato, Generi passerum sufficere: sed Tribus potius hic inter se confundi. Pag. 21. quis sit usus brevis membræ, quæ intercedit Glareolarum digitum extremum & medium, exponitur. Huius nempe cuticulæ ope paludosa loca facilius superare possunt, simul ac cursu loca arenosa; hac, ut accipitres, obtinent prædam & retinent; hac ad dimicandum, ut gallinaceum genus, utuntur. Aves aquaticæ facillime hac natant, & mergunt. Pag. 34. copiose de *Ploto*, s. *Phoenicoptero*; & pag. 35. de *Planco*, diligenter disputatur. Subobscuræ observationes hæ, exteris inprimis hominibus, ob verba Germanica admixta, & nimiam brevitatem, fortassis videbuntur. Sed cogitent, quanta Lectoribus sæpissime, in eorum libris, devoranda incommoda sint, si velint, quæ Scriptoris sententia sit, plane intelligere. Accedit, quod Kleinii intelligentioribus potissimum scripsit, quibus gratissima esse brevisitas solet. Duplici indice, seu nomenclatore potius, bonam popularibus suis Kleinii operam præstitit. Præfationem adiecit Cl. *Titius*, & libros Kleinii, ineditos quidem, sed quibus ipse, quasi mortem ominatus, ultimam manum admovit, recensuit. Qui ut a viro illustri, cuius in tutelam & fidem ὁ μακαρίτης illos tradidit, edantur, vehementer, Scientiæ naturalis commodo, optamus.

COMMENTARII SOCIETATIS REGIAE SCIEN-  
tiarum Gœttingensis, TOMUS II. ad Annum  
MDCCLII.

Goettingæ 1753. apud viduam Abrami Vandenhoeckii,  
Alph. 2. pl. 8. tab. æn. 15. quatern.

**E**xposuimus nuper de prima horum Commentariorum parte, nunc dicemus de altera, in qua idem, qui in priori, ordo servatus. Primum enim historia Societatis brevibus commemoratur, deinde dissertationes, in conventibus recitatæ, exhibentur. En tibi, Lector, illarum argumentum.

I. Io.

I. IO. MATTHIAE GESNERI *Socrates sanctus Paederasta*. Ut, qui corpus iuris Iustinianum omni posita fronte reprehendunt, illiusque auctoritati, quantum fieri potest, detrahere conantur, in Iustinianum plerumque calamum stringunt, optimique principis nomini maximas infamiae notas inurere student: sic, qui veterum philosophorum libros opprimere, atque e manibus hominum extorquere cupiunt, si patrem philosophiae in invidiam adducant, facilius se voti sui compotes fore, arbitrantur. Est vero illud praecipue crimen iactatum varie saepiusque prolatum, Socratem impuro amoris puerorum fuisse deditum. In quo diluendo etsi non pauci elaboraverunt, nondum tamen satisfacisse videntur doctissimo Gesnero, iterum qui boni philosophi defensionem suscepit. Qui vero sunt tandem illi, paederaestiae qui Socratem postulant? Neque Cyrillus, neque Theodoretus, iniqui gloriae Socratis, etsi illum ad libidinem proclivem fuisse scribant, de hoc crimine ullum verbum dicunt. Neque Aristophanes, acerrimus Socratis insectator, neque alius quisquam ex antiquitate illa remotiore, & temporibus philosophi propinqua, huius sceleris accusator est. Fuerunt recentiores quidam, & nostri imprimis sunt homines, censores vitio & sine populi suffragio creati, Socrati qui diem dicant. Causae facile apparent. Nam ut de naturali nostra κακονθεσία, de invidia, de calumniandi libidine, quam philosophis fere, fortasse iniuria, tribuunt, nihil dicamus: plurimi sic legunt Platonis libros, tales ut inde errores necessario oriantur. Non uno tenore totos libras perlegunt: ab aliis dicta repetunt, ultra versiones vix sapiunt, quod primum in oculos incurrit legunt. Inde nesciunt, quam sententiam Socrati Plato tribuat. Monendum est etiam, saepiusque inculcandum, caute & circumspicte esse de iis, quae in Platonis libris Xenophonti repugnent, iudicandum. Notum est illud Socratis: ὡς πολλά μὲν κατεψεύδεθ' ὁ νεανίσκος. Iam locus ille, quo, tanquam fundamento, tota accusatio nititur, est in dialogo Platonis, Phædro. Ibi enim auctor huius Mythi, sive Plato, sive Socrates, animam

ait post mortem in locum pervenire, ubi vel poenas vel præmia accipiat, & mille exactis annis novum sibi corpus eligere, ut novam vitam, sive hominis sive bestię, inchoare possit. Quæ anima, exactis millenis illis annis, ter sibi vitam τὴ φιλοσοφῆσαντος ἀδόλως, ἢ παιδερασῆσαντος μετὰ φιλοσοφίας delegerit, illam absoluto ter mille annorum spatio pennas denuo accipere, in ardua tolli, deum aliquem sequi, & contemplatione coelestium delectari. Nihil obscoenum, nihil impurum hic latere & inde apparet, quoniam felicissima omnium animarum clas̃is τῶν παιδερασῆσάντων μετὰ φιλοσοφίας constituitur, maximumque illis promittitur præmium, & ex hisce Socratis constat: ὁ μὲν ἐν μὴ νεοτελῆς ἢ διαφθαρμένος, — ἡδονῇ παραδὼς τετραπόδος νόμῳ βαίνειν ἐπιχειρεῖ καὶ παίδοσπορεῖν. καὶ ὕβρει προσομιλῶν, εἰ δέδοικεν εὐδ' αἰσχύνεται ΠΑΡΑ ΦΥΣΙΝ ἡδονὴν διώκων. Quare non debebat Lucianus Socratem accusare, qui musas advocaverit, virgines, συνεσομένας τὰ παιδεραστικά. Ubi vero in hoc dialogo non tam laudatorem, quam nimis mitem lentumque pæderastię castigatorem invenimus, seiungenda est Socratis causa a causa Platonis, qui illi tribuit, de quibus fortasse nunquam cogitavit. Quod ad Platonem attinet, distinguenda est persona philosophi a legislatoris persona. Solon quidem gravissimas poenas tam in corruptorem, quam in corruptum, constituerat: sed fuit etiam in Græcia παιδεραστεία quædam honesta, sancta, qua ad virtutis amorem homines accendi, qua illis honestatis sensum quasi inspirari credebant. Laconem quendam, alias virum bonum, Aelianus memorię prodidit, nulla alia de causa multatum esse, quam quod nullum haberet, quem amaret, quem sui similem redderet. Quid igitur est, cur vitio vertatur Socrati eiusmodi amor adolescentulorum? At mitior fuit Plato, quam decet, quam par est. Scimus. Neque enim egit accusatorem: non metu poenę deterrere, sed virtutis amore avocare voluit a turpitudine homines. Parcendum erat Alcibiadi, Critiæ, alijs, ab hoc crimine non plane puris; nec durioribus ver-



bis spes omnis ad virtutem reditus illis eripienda. Sed iam monuit Gesnerus, si quid in Phædro incautius dictum sit, dictum esse culpa Platonis. Nunc videamus, an ex convivio Platonis aliquid præsidii accipiat Socratis defensio? Primum ibi, si personas loquentes bene distinguas, si allegorias, ab amore venereo petitas, & ad animos, quorum lenonem se dixit Socrates, translatas, recte intelligas, nihil est quod castis auribus sit indignum. Deinde ultima præsertim huius libelli pars attente legenda est. Hic Alcibiades, quem facundi calices disertum fecerant, & vera se dicturum confirmat, & verbis honestis commemorat, quam frustra corporis forma fretus elaboraverit, ut Socratem ad impurum sui amorem pelliceret. Neque se solum, sed Charmidem quoque, Euthydemum, alios, frustra temperantiam continentiamque Socratis tentasse, fatetur. Ex eo vero, quod Critiam, pudori Euthydemum insidiantem, *ὕκόν τι πάσχειν* dixit, hominemque potentem sibi infestissimum reddidit, nonne satis apparet, expertem fuisse illum huius criminis? Sit vero expers. Alio nomine illum accusabimus. Fuit male libidinis leno & suafor. Nam in Xenophontis convivio *ὀρχήσθαι πρὸς τὸν αὐλὸν σχήματα ἐν οἷς χάριτες τε καὶ νύμφαι καὶ ὥραι γράφονται*, aptius convivio spectaculum existimat. Verum hoc: sed Gratiae decenter vestitæ pingebantur. Ipsa Ariadne illa saltatrix, *ὡς νύμφη κεκοσμημένη*, atque adeo non nuda erat. Interiecta de amore disputatio, & executio ipsa consilii, omnem, si quam appellatio *τῶν σχημάτων* iniecit, suspicionem eximit. Neque ipse finis & effectus negotii habet aliquid, quod sit reprehendendum. Quid vero? habuitne Socrates, ut quidam scribunt, duas uxores, Xantippen & Myrto? Erat sane tum lex, *ὥς' εἶναι καὶ δύο ἔχειν γυναῖκας τὸν βελλόμενον*, augendorum civium causa, quorum paucitate bello exhausta Attica laborabat. De Myrto in matrimonium ducta excusari potest Socrates, quoniam hæc Aristidis neptis, & vidua, & paupercula fuit. Sed melius de hoc iudicari posset, si exstaret Parnatii ea de re liber, a Plutarcho laudatus. Obiter inter-

pre-

pretatur vir doctus nobilem illum locum, de equo pravo, ex Mytho Platonis de anima. Putat vero, non tam equi mali proprie dicti signa, quam sui corporis formam, quatenus vitiosum inde ingenium colligebat Physiognomon Zopyrus, Socratem pingere. Quare ad libelli Aristotelici, *Φυσιογνωμικά* inscripti, leges examinat Zopyri iudicium, & ex artis, qualis tum erat, præceptis defendit. Acuta hæc est interpretatio, & tota disputatiuncula non iniucunda lectu. Sed maiorem veritatis spem nobis habere videtur, si Platonem, imaginem Homericæ Therfitis expressisse dicamus. Certe, hunc locum cum Homeri illo de Therfite comparanti, non absurda hæc coniectura videbitur.

Accedit Corollarium *de antiqua asinorum honestate*, quo, quæ cel. Michaelis, in libello de Cherubis, de asinorum in sanctuario figura disputavit, illustrantur. Summa autem corollarii hæc est. Antiquissimis temporibus Scriptores asinis honorem habuisse: collocatos esse asinos, fortitudinis bellicæ causa, in coelo: apud Hyperboreos *κλεινὰς ὄντων ἐκατόμβας*, Apollini iucundas, fuisse: Carmanes asinis in bello usos esse, & Marti immolasse: Gubernatorem Mesopotamiæ hodiernum Turcis audire asinum Mesopotamiæ, ob complura munera, quæ in illa insula eius præfecto fortiter sustinenda sunt. Vellem, tandem manu mittant homines ingeniosi bonum asinum, neque diutius vellicent, qui per aliquot secula tantis in deliciis illis fuit, ut, tanquam bellum filiolum, in sinu foverent, mulcerent, blande cum illo luderent, de illo cogitarent, loquerentur, scriberent. Non sine tædio legi possunt, quæ tum toleranda fortasse erant, cum nova visa sunt.

II. IO. DAVIDIS MICHAELIS *de siclo ante exilium Babylonium, commentatio*. Sunt huius libelli tria capita: primum de pecuniæ apud Hebræos origine & antiquitate exponit; alterum diversum Israelitis siclum fuisse, sacrum & vulgare, neutrius pondus cum illo siclo convenire, qui sub exitum reipublicæ Iudaicæ, ac Christi tempore in usu fuit, mutabile denique vulgare siclorum pondus fuisse, demonstrat; tertium

tium de pretio sicli ad res emendas relato quædam proponit. Fuit antiquissimus in Palæstina, ortuque Israelitico longe superior, usus argenti. Abrahamus pro agro, ad uxorem sepeliendam concessio, quadringentos argenti siclos solvit. Abrahamo Saræque, a Philistæorum regulo, mille argenti sicli donantur. Emit Iacobus a Siehemitis agrum centum Kesitarum pretio. Quod male, auctoritate LXX. interpretum ducti, per agnos plurimi interpretantur. Nimis tenue pretium agri essent centum agni, sic ne digni quidem quorum mentionem fecisset Moses. In frequentiorum agnorumque per totum Hebraicum codicem commemoratione, nunquam tale nomen agnorum occurrit. Interpretes ergo illi, cum scirent, agnos aliis populis pro pecunia esse, in ignoto vocabulo coniectura usi sunt. Est vero Kesita nummi genus, & ab Arabibus originem ducit. Illis enim verbum *kasata* (כסף) rectitudinem indicat, propriumque usum in librando habet. Unde verbum כסף (*kisf*) ortum, & trutinam, & stateram, & numum significat. De pretio Kesitæ nihil certi constat: maius fuisse videtur siclo, quia alias nimis vile munusculum obtulissent Iobo, opulentissimo viro, divites amici. Utebantur igitur Israelitæ, in Palæstina & Aegypto, pecunia. Mirum hoc videri potest: maximæ enim Israelitarum divitiæ greges erant. Sed vivebant in Palæstina, atque inter Cananitas, magna qui habebant commercia, & inde pecuniæ usum acceperant. Numi signati natales, vir doctus in Genes. XXIII, 16. apud Phœnices invenisse sibi videtur. Nam per siclum *transseuntem mercatori*, s. *mercatorum transgressum*, (ex verbo עבר (*Abbara*), Arabibus in Piel numos appendere, & sigillatim quidem, ut iustum pondus exploretur, indicante, coniecturam faciens,) intelligit massam argenti, sicli pondere, a mercatore probatam, & signo impresso notatam. Antiquissimos enim siclos non regia auctoritate, sed a mercatoribus exploratos notatosque fuisse, censet. Neque tamen existimandum est, siclos, quorum pondus lege definivit Moses, & quos sanctos appellamus, cum siclis mercatorum, quibus quatuor se-

culis ante usi sunt, eosdem esse. Huic mercatorum sicle  
 nimis mutabili & incerto, aut successit, aut additus est a Mo-  
 se per aliquot secula duraturus sicle sacer, certi ponderis.  
 De hoc atque mensuris, ex tabernaculo ita instructo, ut, (sicut  
 in adytis Aegyptiorum mensurae servabantur, ita ex illo post  
 multa secula sacerdotes Mosaicas mensuras & pondera definire  
 possent,) si superesset, certo nobis constaret. Etsi enim Moses,  
 viginti Geras sicle sacrum constituere docet: tamen, quanta  
 sit Gera, quae sit verbi vis, omnino ignoratur. Acute quidem  
 vir doctus, ex eo, quod idem verbum, masculina inclinatione  
 (جَرَر Garr) Arabibus conchas marinas significat, quo  
 multi, atque etiam Romani ante Numam, pro pecunia usi  
 sunt; & quia Iudæorum magistris pecunia etiam שֶׁטֶל,  
 obolus שֶׁטֶל ex Ies. XLVIII, 19. dicitur, (ubi animantia in  
 arena fundoque maris sunt שֶׁטֶל,) minores quam vulgo ha-  
 bentur Geras fuisse coniicit. Traditur vulgo, sicle Mosis  
 sacrum tetradrachmum Atticum, didrachmum Alexandri-  
 num, Atticum staterem, adeoque semiunciam Romanam  
 fuisse; quæ pondera æqualia sunt, sibi que invicem respon-  
 dent. Sed minime sicle sacrum ante exilium Babylo-  
 nicum pro eodem cum illo, qui post exilium fuit, habendum  
 esse, vir doctus existimat. Magnam intulit exilium Babylo-  
 nicum, moribus & linguæ Iudæorum, mutationem. Neque  
 enim, ut in Aegypto, Israelitæ seorsim habitabant, sed per  
 Babyloniam dispersi, neque linguæ, neque morum priscum  
 decus servabant. In mensuris describendis Iudæorum  
 Scriptores non patriis, sed Babylonicis usi sunt, id quod ex  
 eo constat, quoniam Ezechiel cubitum Mosaicum *cubitum  
 angeli* vocat. Quare valde probabile est, Iudæos, Babylo-  
 nicis moribus adfuetos, verum sicle pondus non tenuisse.  
 Ille sicle, cuius tertiam partem, sub Persarum imperio,  
 præfectura fungente Nehemia, singuli, octogesimo tertio  
 post reditum anno, templo quotannis pendendam sacrarunt,  
 sine dubio Persicus seu Babylonicus fuit. Neque enim  
 verisimile videtur, Iudæos, Persarum imperio subiectos, alia  
 quam



quam Persica pecunia, usos esse. Erat autem Persarum Babyloniorumque siclus tertia pars illius ponderis, quod LXX. interpretes siclo tribuunt, seu, si ad Attica pondera exigas, drachma una & pars tertia. Neque ea de siclo sententia, quæ sub Græcorum imperio invaluit, ulla se perpetuæ traditionis auctoritate tueri potest. Etenim sub imperiis Græcorum, tribus integris post excidium Hierosolymæ seculis, ducentisque & quinquaginta post captam Babylonem annis exactis; Alexandrinus interpretes Pentateuchi siclum didrachmo Alexandrino æquat, Persici sicli pondere in triplum aucto. Sed ut nihil dicamus, suspectum videri debere utriusque numi Græci & Hebraici idem pondus pretiumque, quod in diversarum gentium ponderibus raro accidit, quoniam Græci Hebræique nummi idem etymon est, & Alexandrinus interpretes Hebraicum *לפס* *appendit*, in prima sicli mentione *ἀπὸ τῆς ἡσ* reddidit, cuius verbi primitivum nomen dedit stateri, Alexandrinum didrachmum æquant: non dubitandum est, Iudæos, sub Græcorum imperiis, nummum Græcum arripuisse, etymo vocisque origine cum siclo convenientem, atque hunc pro suo siclo substituisse, quamvis maioris ponderis esset. Hos primum Græce loquentes Iudæi secuti sunt, & deinde alii religiosiores, (erant enim iam tum doctores, qui plus præstari iubebant, quam lex scripta posceret,) pro siclo Mosaico staterem Atticum pendebant; liberati tandem Iudæi siclos sacros, græco pondere staterem Atticum æquantes, conflagrunt; cum in tenebris antiquitatis facile ea opinio obtineret, plurimum quæ templo tribuit. Gera etiam nimis magna fieret, si Alexandrinum siclum pro Mosaico habeamus; neque pretia rerum a Mose commemorata, ut servi Exod. XXI, 32. & Deuteronom. XV, 18. satis apta sunt, si siclum sacrum staterem Atticum dicas; qui illo multo minor fuit. Varium ante Mosen sicli pondus fuit, & instabile: nam etsi siclum sanctuarii statuit, tamen reliquos siclos non sustulit. Duplex fuit in Palæstina præterea siclus, alius mercatorum, alius regius, qui multo minor sequiuncia Romana, sive siclo Alexandrinorum inter-

pretum, fuit. Absalomo caput tondente, pilus capitis ipsius æqualle *ducentos siclos ex pondere regis* dicitur. Errat hic Clericus vehementer, qui more suo numeros corruptos esse clamat, cum & Alexandrina Græca, & Ionathanis Chaldaica versio, in hoc conveniant. Verisimilior fiet historia tota, si (numero rotundo utitur vir doctus per coniecturam) decimam partem sicli ab Alexandrinis confecti faciamus regium, ut ducenti sicli non ducentæ sint, sed viginti semiunciae Romanæ. Atque tali ratione non Davidis thesauri tantum a fide absunt, quantum, si aliam rationem sequare, abesse videntur. Neque enim illa auri argentique talenta maiora & plura videbuntur, quam ex opulentissima Arabia colligi potuerunt; neque timendum erit, ne incredibile sit, ullis sumtibus, in templi ædificationem faciendis, hanc auri argentique vim exauriri potuisse. Quod, si quis talenta illa ad siclum Alexandrinum æstimet, atque mille & quingentarum unciarum Romanarum talenta a Davide sacrata fuisse, ut fere fit, existimet, non potest non accidere. E pretio denique montis Moria, & pondere regis Ammonitici, apparet, multo minorem siclum Davidicum semiuncia Romana fuisse. Sunt vero non pauca exempla, de quibus dubium est, ad quem quodque siclum referendum sit: ut de armis Goliathi; etsi probabile est, siclum, ad quem exacta sint, Alexandrino longe minorem fuisse: de mille talentis argenti, ab Ammonitis ad conducenda sibi auxilia impensis: de pluribus, ex quibus constat, duplicem siclum, minorem & maiorem, utrumque a Mosaico diversum, in Palestina fuisse. Etsi igitur in vero & certo sicli pondere definiendo paucæ sunt difficultates, Clar. A. tamen sententia de eo hæc est. Siclus regius unciae Romanæ pars decima quinta ( $\frac{2}{15}$  semiunciae); Mosaicus, unciae Romanæ pars nona ( $\frac{2}{9}$  semiunciae,) fuisse, mercatorius circa Babylonicum oberrasse siclum seu grossum, qui fuit tertia semiunciae pars, sexta unciae, videtur. Hæc de siclo. Adspexit subinde varia vir doctus, non iniucunda lectu, ut de Tyriis Sidoniisque, primo nummo signato usis: de ostraciis pro pecunia adhibitis: de ingenti post ex-

lium Babylonicum morum Iudaicorum mutatione: de thesauris Davidis. de divitiis Arabiæ: de auro Hispanico: & alia huiusmodi plura.

III. ALBERTVS DE HALLER *de partibus corporis humani sensilibus & irritabilibus.* Cum, quæ adhuc de utraque corporis humani vi disputata fuerunt, nondum satis experimentis confirmata sint, novam quasi hanc divisionem partium corporis, varie & exploravit, & illustravit Ill. Hallerus. Vivis enim animalibus, varii generis ætatisque, eam partem, de qua certior fieri voluit, nudavit, eam, animali quiescente, & a quiritando remittente, irritavit spiritu vini, scalpello, lapide infernali; oleo vitrioli, butyro antimonii, & deinde attendit, an parte illa male adfecta animal ex quiete excitaretur, se iactaret, artum attraheret, an convulsio in eo artu accideret? Ad partes sensiles cutis, caro musculosa, ventriculi & intestinorum membranæ, vesicæ, tunica nervea, ureteris vaginæ, & uteri fabrica, penis, cor, lingua, oculi, retina præcipue, (quanquam nec chloroidea, nec iridi deneganda hæc vis,) denique nervi referuntur. His enim partibus aliquo modo laessitis, manifesta in animali doloris indicia deprehendimus. Insensilibus epidermidem, telam cellulosam, tendines, (et si plurimi aliter sentiant, decepti illa confusione, qua νεῦρον & pro vero nervo, & pro τενόντι & pro συνδεσµῶ sumserunt,) ligamenta, capsulas articulationum, periosteum, (quoniam pars sit, in qua nulli nervi demonstrari possunt; ubi ipse vir Ill. se a toto prope genere humano dissentire fatetur,) ossa ipsa, ossium medullam, meningem cerebri duram & piam, alias corporis membranas, ut peritonæum, pleuram, & mediastinum, adnumerat. Arterias in iis sedibus credit sentire, quatenus nervos habeant adnatos, cæterum obtuso nullove sensu esse. Glandulæ in universum obtusi sensus sunt, quem habent a nervis, quibus sæpe percurruntur, acceptum. Obiter hic observat vir Ill. ubi de dura matre agit, motum esse quidem manifestum, qualem Schlichtingius descripsit, in dura matre, aut in toto potius cerebro,

bro, & adscendere cerebrum in expiratione, & descendere inter inspirandum: sed non moveri membranam neque cerebrum, nisi cranium demseris, & venas maiores; cavam nempe utramque in toto thorace & abdomine, subclavias, basilicæ partem superiorem, & iugulares denique, alterno motu, cui perpetuus sit cum respiratione concentus, agitari. Irritabilem illam partem dicit vir Ill. quæ ab externo aliquo contactu brevior fit. Irritabile igitur a sensibili ita differt, ut & partes summe sensiles sint, & tamen omni irritabilitate careant, & irritabiles absque sensu. Primum demonstrat, irritabilitatem non, ut vulgo putant, a nervo nasci, verum ipsi fabricæ partis irritabilis innatam esse. Nervus enim, a quo omnis sensus ad animam perfertur, ab omni irritabilitate ipse remotus est. Neque ideo pars corporis sensibilis est, quia irritabilis. Virtus illa ipsi parti innata est, non animæ imperium exspectat, & in parte a corpore avulsa integerrima superest. Carent irritabilitate cutis cellulosa, pulmo, hepar, lien, renes, tendines, ligamenta, periosteum, dura piaque mater, & omne genus membranarum. Arteriis irritabilitatem non plane quidem denegat, nondum tamen experimentis confirmatam vidit Vir Ill. In venis, & ductibus excretoriis, aut nullam, aut languidam esse arbitratur. Iris, si causa irritationis mechanica fuerit, irritabilitate destituta est, qua vasa lactea non plane carent. Inter musculos, qui omnes tactu contrahuntur, diaphragma, & musculosa membrana intestinorum, hac vi & oesophagum & ventriculum superant. Maximam omnium irritabilitatem in corde observamus, quam neque opium destruxit. Ex his apparet, nihil præter fibræ musculosæ irritabile esse, eamque vim in partibus vitalibus esse maximam: hæc vero irritabilitas in glutine fibræ muscularis sedere videtur.

IV. *In Parallaxin Lunæ, eiusdemque a terra distantiam, inquisitio: Auct. TOBIA MAYER.* Nimis essent huc multa transcribenda, totum si dissertationis argumentum explicare vellemus. Quare præstat tacere, quam pauca dicere.

V. ABRAH. GOTTH. KÆSTNERVS *de aberrationibus lentium.*

Quod



Quod in prima parte Commentariorum abruptit, pertexit filium vir doctissimus. Agit imprimis de aberrationibus, quæ a diversa radiorum refrangibilitate oriuntur, quorum effectus & maior est, & distinctam visionem magis impedit iis, quæ a sola figura sphaerica proficiscuntur. Quæ de his Hugenius disputavit, & confirmat Kæstnerus, & addit varia, simul visionis confusæ rationes ac mensuram definiit.

VI. I. A. SEGNERS de *parallaxi reticuli Astronomici*. Non fieri potest, ut reticula plana astronomica, ampliora præfertim, ita in tubi optici foco collocentur, singula ut eorum puncta ab obiectiva lente æquis intervallis absint. Inde imago obiecti, quamvis immoti, quamvis immoto tubo, non potest non respectu linearum reticuli mobilis apparere. Quomodo igitur errores ex hac parallaxi oriundos vel tollere, vel certe ita minuere possis, ut nulli observationum generi multum noceant, Vir Ill. exponit.

VII. *Ossium fossilium insolitæ magnitudinis in præfectura vicina Herzbergensi, A. 1751, e marga erutorum, descriptio* SAM. CHRIST. HOLLMANNI. Ossa hæc, insoliti ponderis & magnitudinis, elephantina primum videbantur. Exegit igitur doctiss. Hollmannus & comparavit accurate hæc ossa partibus scelerati elephantini, in *Transactionibus philosophicis* diligenter descriptis: sed multa & satis evidentia discrimina animadvertit. Tandem ex variis, quæ hic repetere nihil attinet, indiciis intellexit, ossa hæc rhinocerotis, neque tamen unius, sed plurium, minimum quinque, esse. Inventa simul sunt & aliorum animalium ossa, ut equorum, ingentis magnitudinis. Ipse collis, qui in sinu hæc ossa habuit, vi aquarum, contra altiores montes irruentium, congestus esse videtur.

VIII. *Marmoris Cassellani, quo Aesculapius, Hygea, Telesphorus celebrantur, explicatio* IO. MATTHIAE GESNERI. Repertum est hoc marmor in vicinia Athenarum, a legionibus duabus, quas anno seculi superioris septimo supra octogesimum, Carolus, immortalis Hassorum princeps, in Peloponnesum militaturas misit, dein Cassellas relatum, In eo explicando ita versatur doctiss. Gesnerus, ut primum ipsius mar-

marmoris litteras repræsentet, totumque, ut aiunt, textum proponat; deinde, uti quemque versum legendum esse putet, declaret; (ubi illam ἀγχινοῖαν καὶ σοχαστικὴν δυνάμιν satis prodere potuit;) denique rem ipsam, subiectis notis, illustret. Habet marmor hymnos tres: primo celebratur Aesculapius. Hunc hymnis, qui νόμοι etiam dicebantur, antiquos coluisse non est dubitandum, eo præsertim tempore, quo certamina quædam canendi in ludis illius, Ἀσκληπείας dictis, instituta sunt. Est inter Orphicos, est inter Homericos, hymnus in honorem Aesculapii. Lucianus carmina Alisodemi Troezenii & Sophoclis memorat; atque Aristides quædam in hoc genere solemnia fuisse scribit. Forte prima pars huius inscriptionis est veteris poetæ alicuius, sive Alisodemi, sive Sophoclis, cuius hymnum Aesculapio dicatum Athenienses cecinisse ex Philostrato constat. Non iniucundum erit fortasse Lectoribus, ipsum hymnum legere. Eorum gratia illum adscribimus.

Ἀγαθὴ τύχη

Ἐγραι ὦ παιήων, Ἀσκληπιέ, κόρανε λαῶν,  
 Λητοίδε, σεμνῆς τε Κορωνίδος ἠπιόφρων παῖ.  
 Ἵπνον ἀπὸ βλεφάρων σκεδάσας, εὐχῶν ἐπάκουε  
 Σῶν μερόπων, οἱ πολλὰ γεγηθότες ἰλάσκονται  
 Σὸν θένος, ἠπιόφρων Ἀσκληπιέ, πρῶτον, ὑγίαν.  
 Ἐγραι ὦ, καὶ τεὸν ὕμνον, ἦϊε, κέκλυθι, χαῖρε.

Alter hymnus, s. Pæan, Hygeæ dicatus est. Est idem ille, cuius Lucianus de lapsu inter salut. cuius Maximus Tyr. dissert. 13. cuius Athenæus, qui auctorem Aripfrōnen appellat, in fine Δειπνοσοφιστῶν, mentionem facit; quem, præter alios, Scaliger in Poetices I. 44. edidit. Eius initium est: Ὑγίεια βρότοις; sed temporis iniuria in marmore misere laceratus. Neque tamen plane inter se conveniunt verba hymni, ut Athenæus exhibet, & quæ marmor habet.

Tertium hymnum, Telesphorum celebrantem, pessime habuit

habuit imber edax, & longa annorum series. Quare restituit illum, quantum potuit, Gesnerus, & de nomine atque historia Telesphori, quæ illi non illustrata satis videtur, copiose disputat. Ex eo, quod nominis Telesphori prima mentio, si tamen in numinis, (in nullo enim adhuc illud invenit, quam apud *Morellum*, in specimine numar. ant. p. 52. qui numus suspectus videtur,) sub Antonino Pio, imago paullo antiquior in numis, si non sub Vitellio, certe sub Hadriano, coniecit, vix seculo secundo & Antoninorum ætate antiquius hoc marmor esse; sed nihil obstare, quo minus tertio vel quarto adeo seculo positum sit.

IX. *Nova methodus perficiendi instrumenta geometrica, & novum instrumentum goniometricum, Auctore, TOB. MAYER.* Est huius inventi ea ratio, ut sine figuris intelligi nequeat, quam in ipsis commentariis invenient harum rerum studiosi.

X. ALBERTI DE HALLER *observationes botanicae.* Plantæ, quæ & describuntur, & iconibus illustrantur, sunt hæ: 1) allium umbellatum, foliis fistulosis, compressis, radice reticulo obducta: 2) allium radice simplici, foliis gramineis, umbella sphaerica bicolore: 3) Astragalus siliquis recurvis, depressis, hirsutis: 4) Astragalus caule erecto, ex alis spicifero, siliquis teretibus hirsutis: 5) Lathyrus foliorum paribus quinque, floribus racemosis, siliquis incurvis: 6) Melilotus foliis hirsutis, rariter dentatis, scapo paucifloro: 7) Teucrium foliis cordatis, crenatis, petiolatis, spicis oblongis densissimis: 8) Moldavica foliis cordato-triangularibus serratis: 9) Cataria floribus inversis: 10) Axyris: 11) Pharnaceum: 12) Chenopodium caule brachiato, ramosissimo, floribus spinulis insidentibus: 13) Sefeli foliis glaucis, radice prælonga, seminibus subhirsutis: 14) Rhamnus inermis, foliis glabris, crenatis: 15) Flos deformatus *Elatinae*.

XI. D. IO. GEORGII ROEDERERI *Sermo de Mola.* Molam deforme esse ovum A. existimat, quod iniqua ad embryonem & iusto maiora incrementa capit, & cum embryone minore utero excidit. Eorum igitur sententiam amplecti-

tur, qui originem molæ imperfectæ conceptioni tribuunt. Si quæ sunt molæ, in quibus nullus embryo appareat, hoc inde evenire arbitratur, quod embryo sub ipsum excretionis actum contentus, atque minimus, dirupta, in qua hæret, cavitare, cum sanguine una effluit, atque omni examini sese subducit; vel quod compressus ita vitiatur, ut humani corpusculi partes non amplius distinguantur. Iure ad molas pertinere censet eas massas, in quarum medullitio, cavum liquore gelatinoso plenum, cum corpusculo quodam minore reperitur, dubie embryonem referente. Describitur simul copiose mola, quam, cum gravidam canem incideret, vir doct. observavit.

XII. L. GOTTF. LINNII *Observationes ex corporibus morbofis.* Sunt observationes quinque. Proponit prima oedema pedis expressa vena crurali: altera Sarcoma utero adhærens: tertia futuras ossium cranii, in puella undecim annorum, plurimas deletas: quarta portionem membranæ villosæ intestini recti per anum excretam: quinta narrat, mamma virginis, cancro exulcerata, amputata, glandulas quasdam subaxillares, iam scirrhosas & induratas, ex orta in vicino vulnere suppuratione disparuisse, & vulnus bene sanatum esse.

XIII. IOH. PHILIPP. LAURENT. WITHOFII *Anatome pili humani.* Varia de colore, annuo incremento, pondere, raritate ac densitate, robore etiam pilorum, Auctor disserit. Animadvertitur in omni pilo primum tenue filamentum, & deinde crassius tuberculum, ex quo pilus nascitur. Hæc quasi radix in maioribus pilis folliculo includitur, cui liquor viscidus inest, ex minimis meatibus exsudans. Filamentum pili cortice pellucido, vel in nigerrimis pilis, plures fistulas ambit, quæ exiguis filamentis transversis colligatæ, in medio pili canalem, humore viscido & globulis splendentibus plenum, faciant. Ex quo humore, color pilorum, per reliquas pellucidas partes transparet.

XIV. *Novae Tabulae motuum Solis & Lunæ, Auctore* TOB. MAYER.

XV.



XV. IOH. GOTTFR. ZINNII *Observationes de Scirrhis Cerebelli & Cerebri.*

CONCILIA GERMANIAE: QUAE CELSISSIMI Principis, Ioannis Mauriti, Archiepiscopi Pragensis, sumtu, CL. IOHANNES FRIDERICUS SCHANNAT, magna ex parte primum collegit, dein P. IOSEPHUS HARTZHEIM, S. I. eiusdem celsissimi Principis impensis plurimum auxit, continuavit, notis, digressionibus criticis, Charta & dissertatione chorographica illustravit. TOMUS I.

Coloniae Augustae Agrippinensium 1759. typo viduae Ioh. Wilhelmi Krakamp & haeredum Christiani Simonis.  
Alph. 3. Fol.

**M**irifice lætabamur, cum ante aliquot annos, de consilio Cl. Hartzhemii, colligendis Germaniae Conciliis, edendisque, bene de patria promerendi, certiores fieremus, & Germaniae honorem, nunquam antea habitum, gratulabamur. Neque enim, ut in Gallia *Sirmondus*, in Britannia *Spelmannus*, in Hispania *Garcia Loaysa*, ante Hartzhemium in Germania extitit quisquam, (*Lunigii* enim & *Cel. Pfaffii* opera atque studium nimis angustis cancellis includitur,) qui inde ab ultima ecclesiae memoria usque repetens omnia Concilia & colligeret, & litteris mandaret. Dedit Archiepiscopus Pragensis, Ioannes Mauritius, cui hoc munus in acceptis ferre debet respublica erudita, primum Cl. Schannato illud negotii, ut, quæ adhuc deessent, Germaniae ornamenta afferret. Hic tamen, irationis fati acerbitate ereptus Musis, nihil præter triste sui desiderium reliquit. Quare Cl. Hartzhemius, qui solius Provinciae Coloniensis Concilia edere sibi propositum habebat, quod morte Schannati abruptum opus videbatur, coepit pertexere. Istud ut ad finem perducatur, non solum vehementer optamus, sed multo etiam iucundius & gratius fore profitemur hoc Opus, si Cl. Auctor, omnibus graviter di-

Etis in aliarum religionum mores, instituta, & disciplinam, abstinerit; quod sperare nos etiam Viri humanitas iubet.

Tam huius primi Tomi descriptio hæc est. Occupat primum locum Epistola ad Archiepiscopum Pragensem, modo laudatum, cuius etiam effigies in fronte libri conspicitur, eleganti delineatione expressa. Hanc excipit Præfatio, satis longa, in qua Auctor & de instituti ratione, & de aliis, quæ præmonenda censuit, exponit. Indicantur primum fontes, ex quibus hæc historia hauriatur, nimirum Concilia ipsa edita, vel MSC. ecclesiarum Germaniæ, collectores vel Conciliorum, vel canonum certe in iis conditorum, atque Concilia, quibus Germaniæ Episcopi primo millenario interfuerunt. Deinde enumerantur Canonistæ, sive canonum collectores Germani, eorumque vita breviter exponitur. Hi sunt Bonifacius, Chrodogangus, Angilramnus, Simpertus, Hatto, Remedius s. Remigius, Halitgarius, Ansegisus, Benedictus Levita, Rhabanus, Regino, Rutgerus, Burchhardus. Atque hic, qui a Baluzio malæ fidei, mendacii, & plagii reus postulatur, breviter defenditur. Præstantissima Conciliorum & canonum collectio videtur Auctori Dionysiana, Seculo VI. Romæ scripta. Porro variæ quæstiones proponuntur, & illustrantur, quadam cum proposita materia cognatione coniunctæ: Quæ personæ vel ex iure, vel ex consuetudine conciliis intersint? quo tempore concilia celebranda sint? cuius sit convocare concilia? ad ea ita respondet Auctor, ut disciplinæ religionis, quam profitetur, consentaneum est, & quod, quale sit, nemini obscurum esse potest. Atque hic etiam disputatur de divisione Synodorum in generales, nationales, provinciales, dioecesanæ; de Episcopis apud curiam principis morantibus; de materia conciliorum, quam fidei conservatione, promulgatione errorum & confutatione, disciplina Cleri, atque ordine & pace in hierarchia ecclesiastica, absolvi arbitratur. Denique afferuntur causæ, cur Synodum Agrippinensem, A. CCCXLV. celebratam, ut dicunt, & a Surio, Binio, Sirmondo, et aliis descriptam, omiserit. Illam enim nullam fidem mereri

mereri existimat, sed Seculi IX. aut X. figmentum esse, quod Abbas Laubiensis, Harigerus, Seculi XI. initio historiae Episcoporum Leodiensium inseruerit, ut inde gloria Sancti Serratii, Episcopi Tungrensis, & Maximini Treverensis, ceterorumque Germaniae Rhenanae & Galliae antistitum, illustrior fieret. Quinque argumentis hanc sententiam superinstruit, quae repetere non iniucundum erit. Constat, Euphratam, episcopum Agrippinensis Coloniae, cum Vincentio, Capuano episcopo, A. CCCXLVI. ex concilio Sardicensi ad Augustum Constantium Legatum missum fuisse: nihil detrimenti capit historia episcoporum Germaniae, eliminata vel obscurata Agrippinensi Synodo: habet sinceriores & indubitatum fontem, pro suis Seculi IV. episcopis asserendis, nempe Sardicensem Synodum, cui Maximinus, Servatius, Euphratas, reliqui in Agrippinensi Synodo laudati, interfuerunt: notum est, Photini haeresin ante A. CCCXLVI. & Synodum Sardicensem innotuisse ecclesiae orientali, non igitur fieri potuisse, ut Patres ecclesiae occidentalis, tanto temporum locorumque spatio interiecto, anno uno citius eam Coloniae cognoscerent atque damnarent, & Euphratas, quasi illi errori patrocians, ante A. CCCXLVI. damnaretur: floruit Euphratas maxima insignis probitatis fama, nec ab ullo coevo Scriptore sine laude nominatur: Maximinus ante A. CCCXLIX. ex oriente ad suam ecclesiam Treverensem non rediit, & anno eodem diem suum obiit; Euphratas Coloniae, A. CCCXLVI. CCCXLVII. CCCXLVIII. non Coloniae, sed in Oriente fuit. Omisit Auctor etiam Concilium in Provincia Coloniaensi, aut in Austrasia, sub Theodorico III. circa A. DCLXIV. celebratum, in quo Lambertus & Leodegarius dignitate suorum munerum exuti, & in exilium pulsi dicuntur, & cuius primus auctor est Sigebertus in Chronico. Negat enim Auctor, probatam fidem secutus, hanc Synodum intercessisse. His expositis, sequitur Praefatio Chorographica & Hierarchica, de Episcopatibus Germaniae, ab A. CCC. ad a. MD. Nam quia multae ecclesiae, quae olim ad Germaniam referebantur, alio pervenerunt, maximaque muta-

tio rerum facta est, et ea propter non licuit, ex hodierna ratione antiquum Germaniæ statum metiri: non solum chartam s. mappam addidit Auctor, in qua antiqui temporis episcopatus proponuntur; sed hanc quoque præfationem. Per veteris Germaniæ Episcopos intelligit V. Cl. illos, qui a Seculo IV. ad XV. in matricula, ut aiunt, Imperii, ut membra, procures, principes Imperii Romano-Germanici, recensiti inveniuntur. Hic enumerantur, qui, & quot de hierarchia Germanicarum ecclesiarum scripserint, & ex Goldasti *rerum Alamannicarum* T. II. ex Miræi *notitia orbis Christiani*, ex *notitia antiqua Patriarchalium & aliarum ecclesiarum*, annexa novæ editioni *Geographiæ Sacræ* Caroli a S. Paulo, (qui in totius orbis Catholici, primo millenario noti, descriptione, nullius ecclesiæ Germaniæ mentionem fecit,) ex Bertii *commentariis de rebus Germaniæ*, brevia excerpta inferuntur. Additur Catalogus ecclesiarum Germanicæ Hierarchiæ, seu Metropolitanarum & Cathedralium. In quo ita versatur Auctor, ut earum primordia enarret, & episcoporum dignitates; deinde, quas ecclesias Metropolis quævis sibi subiectas habeat, & qui eas circa A. MD. tenuerint designet. Sequitur index episcopatuum Germaniæ ab A. CCC. ad MD. ubi nomina, quibus cum veteres, tum recentiores illos appellaverunt, apponuntur. Huic adiunctus est Conciliorum & epistolarum canonicarum, hoc Tomo primo exhibitarum, duplex index, & chronologicus, & alphabeticus. Hunc excipit Catalogus Romanorum Pontificum, sub quibus Concilia, in hoc Tomo recensita, celebrata fuerunt, ab A. XII. seculi IV. usque ad sec. IX. A. XVI. perductus. Hic post nomen, nationem, ordinem successionis a Petro, quando Pontificatum adierint, quamdiu illo functi, quando mortui sint, relatum legimus. Agmen claudit & series regum Franciæ Austrasiæ ex Merovingicis, in qua Auctor annum mortis, concilia sub quoque celebrata, & pauca alia exponens, Cl. Eckhartum in historia Franciæ Orientalis secutus est: & stemma atque series Francorum regum Carolingorum, usque ad A. DCCCXVI.

Hæc



Hæc igitur veluti vestibula magni ædificii emensi, pervenimus ad ipsa Concilia Germaniæ. Hæc edidit Auctor ordine temporis vel certo, vel verisimili, ex testibus coævis aut supparibus. Maximam partem Schannatum, ex Bibliotheca Vaticana, Moguntina, Wormatiensi item, et ex quibusdam aliis, quæ singulæ suo loco indicantur, descripsisse testatur. Retinuit etiam ipsa MSCtorum verba, neque a scriptura illorum recessit. Quod ideo monemus, ne, si lectores bonum Priscianum sæpe non verecunde satis, nec humane tractatum, inveniant, id Hartzhemio V. Cl. tribuant. Praemonentur, ubi necessarium visum est, quæ ad historiam Concilii, ad locum, ad personas pertinent. Epistolarum & canonum breve argumentum singulis est præfixum, utile & iucundum iis, qui, quid quodque completatur, cognoscere, nec tamen molestias, ex scribendi genere certè oriundas, devorare cupiant. Laudantur ubique auctores, e quibus illa petita sint; & in notis subiunctis, quod exemplar Auctor secutus sit, quæ sint variæ lectiones, quomodo alii ediderint, exponitur. Afferuntur etiam aliquoties integræ aliorum notæ, ut Harduini, Mansi, Hausrathii, Sirmondi: cuius etiam admonitio de canone II. concilii Francofordensis, quo reiecta est secunda Synodus Nicæna; & de Capitulari, seu L. IV. Caroli M. quos adversus eandem Synodum scriptos Hadriano papæ misit, tota pag. 322. inserta legitur. Cuiuscunque sæculi conciliis subiuncta est digressio, in qua potissimum illud sibi propositum habuit Auctor, ut, quibus conciliis extra Germaniam, in Gallia, Italia, Thracia, Germaniæ episcopi interfuerint, enarraret. Sed commemorantur obiter alia quoque, non iniucunda scitu. Sic in digressionem ad sæcul. IV. exponit Vir doctiss. causas, cur sæculo V. nulla Synodus ecclesiastica in Germania sit celebrata. Causæ sunt tres. Romani primum Imperii in occidente imminutio; deinde Gothorum e septentrione versus meridiem migrationes, & incursiones in Italiam, Galliam, Hispaniam; denique mutationes gravissimæ circa Rhenum, dum Franci populi, & principes e Saxonia Ost- & Westphalia, Rhenum transeuntes, Belgium

&

& Gallias occupant. Præsertim digressiones Seculo VIII. additæ, præ aliis memorandæ sunt. Ibi agit Auctor de numero Synodorum a S. Bonifacio coactarum; &, aliorum sententiis expositis, septem minimum, (nam & octo vel novem numerari posse ostendit,) distincta tempore & loco concilia, in Bavaria, Thuringia, Austrasia, Neustria, intra A. DCCXL. & DCCLIII. celebrata fuisse, ex epistolis pontificiis, ex Bonifacianis, ex actorum Apostolicorum natura, serie, & successione, verisimillimum iudicat. Ibi respondet Pagio in crisi Baronii ad A. DCCXLII. eique anno primum concilium Bonifacii alliganti; deinde Mansio, qui primum concilium Germanicum, a nullo vetere aut recentiore Scriptore memoratum, in quo tres episcopales sedes, Wurceburgensis, Buraburgensis, Erphesphordensis, in Germania a Bonifacio erectæ fuerint, ad A. DCCXLII. & secundum, cui Burchardus interfuit, & quod a Labbeo primum dicitur, ad A. DCCXLIII. refert. Deinceps Auctor etiam Eckhartum refutare aggreditur, qui A. DCCXLVIII. concilium habitum fuisse scribit, cui Austrasiæ & Neustriæ Episcopi interfuerint, qui omnes se Bonifacio subiecerint, & de unitate fidei convenierint. Primum epistolam illam ab Othlono Zachariæ tributam, qua tota hæc sententia nititur, pro fictitia habet, & in illa tres errores chronologicos invenit. Primus error est in *data* pridie nonas Novembris, imperante Domino Augusto Constantino, anno XXXII. imperii eius, Indiæ. V; quem errorem Cointius & Pagius iam delendum esse existimaverunt. Alter error, quod Bonifacius hucusque minime sibi Cathedralem sedem arrogaverit, & iam ante annum DCCLI. quadriennio in Moguntina cathedra sederit. Tertius, quod Bonifacius, post ordinationem, annos XXV. in prædicando Evangelio consumserit; ab anno vero DCCXXIII, quo Romæ ordinationem accepit, ad A. DCCLI. non XXV. sed XXIX. anni effluerint. Deinde falsitatis suspicionem sibi inde nasci fatetur, quod omnes Scriptores coævi, & qui paullo post vixerunt, tota de re taceant, quam demum Sec. XI. primus & solus Othlonus commemorat. Accedit, quod  
epi-

epistola XCVII. Bonifacii ad Stephanum Papam, qua queritur, quod Colonienſis epiſcopus Hildegardus Ultraieſtinam eccleſiam ſuæ ditioni arroget; adeoque parum memor fuit Bonifacius, ſibi Coloniam A. DCCXLVIII. a Zacharia ſubieſtam fuiſſe. Eadem in digreſſione de progreſſibus ſcientiæ & ſtudii Canonici apud Epiſcopos Germaniæ Sec. VIII. de diſſenſu PP. Concilii Francofurtenſis A. DCCXCIX. a Patribus concilii ſecundi Nicæni A. DCCLXXXVII. de numero ſynodorum contra Felicis Urghelitani hæreſin coactorum, varia diſputantur. Cæterum hic Tomus primus a Sec. IV. incipit, & deſinit in Sec. IX. Primum locum Germaniæ primæ & ſecundæ epiſcoporum concilium loci incerti, A. C. CCCLVIII. Liberii Papæ VII. Conſtantii Imperatoris XXII: ultimum Capitulare Aquisgranenſe A. DCCCXVI, de rebus pertinentibus ad Epiſcopos & eccleſias, occupat. Eſſi vero nos libenter fatemur, multa eſſe a Cl. Hartzhemio annotata, quæ a Crabbeo, Surio, Binio, Sirmondo, Labbeo, atque etiam Harduino omiſſa ſunt: ex Programme tamen, quod ante biennium Vir Cl. de hac Collectione emiſit, intelleximus, non omnia cognita eſſe Viro docto & perſpecta. Sic deſideramus ad A. 1533. *Statuta ſynodalia epiſcopi Oſnabrugenſis*, ad A. 1539. *Statuta ſynodalia epiſcopi Hildeshemenſis*, ad A. 1571. *Statuta ſynodalia epiſcopi Oſnabrugenſis*, ad A. 1630. *Statuta ſynodalia epiſcopi Oſnabrug.* ad A. 1652. *Statuta ſynodalia epiſcopi Oſnabrug.* quæ, ut cætera Oſnabrugenſia, ſunt in Collectione Colonienſi ex officina Kalcovii, A. 1653. edita. Neque tamen mirabitur quiſquam, latuiſſe quædam diligentiam Viri docti, ſi, quam amplum campum ſibi propoſuerit, quam largam & copioſam materiam tractandam ſuſceperit, cogitaverit, & inde intellexerit, quam prope ingenii humani vires excedat, prima vice perfectam eiſmodi collectionem exhibere. Merlinus, Pariſinus Sæc. XVI. Theologus, omnium eccleſiæ catholicæ conciliorum codicem primus inſtituit, atque duobus voluminibus

edendum curavit. Quam parum vero totum hoc argumentum Merlinus exhausserit, inde apparet, quod deinde Regia Parisina multis & magnis Voluminibus auctior collectio visa fuit, quam tamen non ita perfectam & absolutam censuerant, quin sua adicerent, Labbeus, Colartius, Harduinus. Est enim ea talium librorum indoles, ut vix unius, sed plurimum diligentia, & longa annorum serie, emendentur &ificentur.

*SERMO ACADEMICUS DE SIMILITUDINE VIS electricæ & magneticæ: in solenni conventu Academiae Imperialis Scientiarum A. O. R. MDCCLVIII. die VII. Sept. cum Dies Nomini Augustæ Rufforum Imperatricis Elisabethæ Primæ sacer celebraretur, publice prælectus a F. U. AEPINO, in Academia Imperiali Scient. Physices Professore rel.*

Petropoli, typis Acad. Scient. pl. 4. in 4.

**E**x quo tempore viri eruditi, rerumque naturalium curiosi, phænomena corporum electrica paulo studiosius diligentiusque rimati sunt, inde usque fuerunt, qui similitudinem vis electricæ & magneticæ suspicarentur. Nihil tamen, quod applausu valde dignum esset, de hac re scriptum est. Quare Cel. Auctor operam suam perbene posuit, istiusmodi evulganda exercitatione, quæ & eximiam ingenii vim, summamque animi attentionem demonstrat; & eruditorum hominum oculos in se merito convertit. Afferit autem Cl. Auctor: *eam esse inter phaenomena magnetica & electrica similitudinem, ut nullum detur phaenomenon, a vi magnetica dependens, cui non possit simile inter electrica monstrari; sed non vicissim.* Quod ut pateat, monet, duplex omnino esse genus electricitatis: alterum, quod in vitro polito, ac per manus aut pannos trito; alterum, quod in sulphure & resina simili.



simili modo excitata cernitur. Quorum quidem illud *positivum*, hoc *negativum*, recentissimi rerum naturalium scrutatores appellare consueverunt. Corpora, tam positive, quam negative electrica, in eo quidem aut prorsus convenire, quod omnia corpora electricitate non imbuta ad se trahant; at utrumque genus hoc inter se differre, quod corpus positive electricum ex corporibus electricitate imbutis eadem repellat, quæ a negativo electrico attrahantur, & vicissim quod a positivo electrico attrahantur ea, quæ repellat negative electricum. Hanc autem legem plane similem esse illi, quam sequitur magnes: ab huius enim tam polo boreo, quam australi, ferrum magnetica vi non imbutum æque attrahi, polum vero borealem, si experimentum instituitur in alio magnete aut ferro vi magnetica imbuto, eam ipsius attrahere extremitatem, quam repellat australis, ab hoc attrahi eam quam repellat boreus. Attamen hanc esse differentiam, quod vis magnetica in solum ferrum, & corpora ferrei generis, agat; electrica vero actio ad omnia corpora hactenus nota pertingat. Præter hanc etiam videri aliam obtinere diversitatem corporum electricorum & magneticorum. Scilicet, nullum magnetem unico tantum magnetismi genere præditum esse, sed utroque. Id vero non ita constans esse in corporibus electricis, ut potius frequenter, quin ordinario, aut tota positive, aut tota negative electrica deprehendantur. Nihilominus tamen analogiam etiam respectu huius phænomeni ostendit Cl. Auctor, & in lapide quidem mirabili illo, qui ex Insula Ceylon ad nos affertur, & *Trip, Tourmalin*, Germ. *Aschenzieher*, vocari solet. Nam lapidem eum exercere electricitatem duplicis generis, alteram quæ frictione, alteram, quæ calore gemmæ inducto, excitetur. Priorem nonnisi vulgaria illa dare phænomena, posteriorem magis esse mirabilem. Lapidem enim eo gradu caloris, quem habet sanguis hominis bene valentis, calefactum, in altero latere esse positive, in altero negative electricum,

prorsus sicuti magnes duplici magnetismi genere conspicuus est. Neque lapidem in eo tantummodo similem esse magneti, sed in attrahendo etiam repellendoque analogas omnino sequi leges iis, quibus adstrictus magnes sit; id quod in annotationibus huic loco subiectis ab A. uberius illustratur. Neque in solo lapide illo, verum etiam in lagena Lugdunensi, notissima illa, analogiam illam observari. Lagenam enim istiusmodi more consueto electricitate repletam, ac vitreo fulcro impositam, aut ex filo serico suspensam, in interna sui superficie electricitatem ostendere contrariam illi, quæ in superficie externa observetur. Quin & faciliori modo analogiam illam observari posse, si ex materia quacunque, per se electrica, sumatur lamina tenuis ac parva, friceturque in altera superficie panno laneo, alteri vero superficie applicetur digitus: tunc enim alteram fore positive, alteram negative electricam. Idem præterea alio modo obtineri posse docet Auctor: sed nobis modus adhibendus est. Alia porro similitudo electricitatis & magnetismi deinceps ab A. proponitur. Nempe, quemadmodum magnetis tanta sit foecunditas, ut is innumera ferri frustra magnetica donare possit, neque tamen quicquam virium suarum hac prodigalitate perdat: ita idem prorsus datum esse electricitati, quippe quæ communicatione virium suarum non fiat debilior. Interea negandum non esse, ab alia parte ingentem diversitatem illorum phaenomenorum apparere; quam tamen apta ratione explicari posse docuit Cl. Auctor. Scilicet, quamvis corpus electrificatum in virga ferrea, vitreis fulcris sustenta, sibi que propinqua, sed tamen absque contactu, electricitatem excitet ea lege, cui obedit magnes: rem tamen aliter habere, si corporum amborum extremitates se invicem immediate contingant. Tunc enim virgam electrificandam, per totam suam longitudinem, unico solum electricitatis genere donari, eo nempe, quod possidet corpus cui admovetur. Quod longe secus fit, si experi-

mentum

mentum simile cum magnete instituitur. Verumtamen & huic difficultati medetur Cl. Auctor, cuius explicationem in arctius spatium cogere natura rei non sinit. Posthac Vir doctiss. attingit novam aliquam similitudinem inter vires utraque illas. Nimirum, magnes virgæ ferreæ non admodum longæ vim suam ita communicat, ut virgæ extremitas altera borealem, altera australem obtineat magnetismum. Sin virga longior sit, res secus habet; non enim duos, sed plures polos obtinet illa, hoc quidem modo, ut si v. c. altera extremitas habeat magnetismum poli borei, procedendo versus alterum extremum invenies polum australem, tum huic succedentem boreum, & sic porro alternis sese semper vicibus excipiant poli contrarii. Idem in electricitate fieri asseverat Auctor. Cum enim provida ratione tentamen institueret, rem eo perduxit, ut cylinder vitreus aut sulphureus, plures quam duos per totam sui longitudinem nancisceretur quasi polos electricos, atque hi sibi alternis vicibus succederent, partes essent positiva & negativa electricitate donatae. Tandem & de magnetis acisque magneticæ vi, directiva illa, quæ nautis viam per mare invium monstrat, verba facit, docetque, phaenomenon istud esse nonnisi secundarium, atque a vi attractiva & repulsiva penitus pendere, indeque haud dubie effici, quod ipse telluris globus vi magnetica imbutus sit, ac suo iure pro magno, licet debili, magnete habendus. Itaque si comparatio magnetismi & electricitatis, qua vim directivam illam, instituenda sit, corpus electricum, ut similes sint utrinque circumstantiæ, vortici alii immersum electrico imaginatur, quæque tum sint eius, qua situm, mutationes, inquit reperitque, si corpus, altera extremitate positive, altera negative electricum, circapunctum quoddam quaqua versus liberrime sit mobile, atque appropinquetur corpori immoto alteri, polis electricis similiter prædito, fore in situ huius corporis variationes, cum iis,

quæ in acu magnetica observantur, omnino coincidentes. Leges enim, quibus attractio & repulsio electrica adstringatur, cum sint iis, quæ circa magnetem obtinent, similitudinæ, fieri omnino non posse, ut causæ analogæ phaenomena non analogæ producant. Superfunt pauca alia, ad magnetem pertinentia, quæ, cum non admittant epitomen, nisi describere velis; una cum iis, quæ de causarum similitudine Cl. AUCTOR differit, Lectoribus nostris commendamus, suffectura, dum AUCTORI placuerit, hypothesin de hac similitudine iamiam elaboratam, & ad finem perductam, cum orbe litterato communicare.

DISCOURS POUR ET CONTRE LA REDUCTION  
de l'intérêt naturel de l'argent, etc.

i. e.

SERMONES PRO ET CONTRA REDUCTIONEM  
*usurarum pecuniae naturalium: ex Anglico  
sermone versi.*

Vesaliæ 1757. P. I. II. III. in 8vo. Alphab. I.  
plag. 16.

**S**ermones hi, dicti 1737. in Camera Communium Parlamenti Magnæ Britanniae, occasionem dederunt reductioni usurarum a trientibus ad quadrantes. Vix tamen, quod mireris, in ullo Diario eorum invenias recensionem. Pars I. absolvitur introductione. Quærit hic Dnæ Editor, an licitæ sint usuræ, idque adfirmat propter lucrum cessans, & damnum emergens. Sed quis de hac re nostris temporibus dubitat? Prodit deinde consilia quædam, quibus iuvare egregie salus Franciæ possit. Tale e. c. est p. 58. ut revocetur pristina frugalitas: ut excitentur fabricæ et commercia: ut interdicator consumptio mercium peregrinarum. Suadet posthæc p. 139. legi 500. viros eruditos, Mathematices imprimis et physicæ peritos, qui



qui cogantur in Societates, quæ distribuendæ sint per omnes urbes regni maiores, ubi invigilent redditibus regni, et observationes suas Parisios mittant. Ait, eiusmodi Societatem Galliae plus profuturam, quam semi-myriadem artificum et opificum. Inter ceteras curas, metallifodinas non amplius negligi vult a civibus suis. Monet, eas olim feliciter cultas fuisse. Nam auro Gallico Cæsar, fuso Pompeio, Romam subegit. Accedit, quod auri non expers esse solum Gallicum, testes sunt Possidonius, Diodorus Siculus, Suetonius, Plutarchus, Tacitus, Gregorius Turonensis, immo & Annales Franciæ recentiores. Se ipsum quoque, addit, eius rei experimentum fecisse in montibus Sevennes, non sine detrimento valetudinis suae. Blando denique nomine pag. 154. commendare nititur codicillos suos abundantiae (Billets d'abondance), per quos fieri possit, ut tandem viris bonis, sed egenis, exantlatis mille molestiis, bene sit. Tandem diluuntur in fine obiectiones, quibus quidam premere docti Editoris consilia ausi sunt: quod est satum privatorum omnium, qui, inconsultis Proceribus, emendationes temporum proponunt.


Hæc est summa Partis primæ. Iam secunda parte fiunt sermones duo, alter pro reductione usurarum, alter contra eam habitus. Pro reductione dicit illustrissimus Dom. Ioannes Barnard, carus civibus, et cui vivo statuum posuerunt in Bursa Londinensi. Contra reductionem surrexit Eques Robertus Walpoole, admixtis etiam pigmentis oratoriis. Dixit autem contra reductionem ill. Walpoolius, ut placeret hominibus opulentis, quorum ope dirigere solebat electionem membrorum Parlamenti, & pondus adderet consiliis suis in camera ipsa. Ita est. In tali populi Anglicani libertate, semper extiterunt qui pro et contra, magna ingenii vi, dicerent.

Parte tertia exhibetur Sermo tertius, loco replicæ pro reductione. Ignotum nomen auctoris est. Satis ille nervose rem agit. Esse indicio locus sequens potest ex sermone

mone eius pag. 295. Nihil est, inquit, quo vita humana indigeat, pro quo non pendamus tributa, præter solam aquam. Si quid etiam huic misceamus, quo dulcior fiat, aut salubrior, iterum taxam solvimus. Aerem etiam non gratis haurimus, nec gratis cernimus radios solis. Solvimus enim taxam etiam pro fenestris.

Obtinuit sententia, quæ reductioni favebat: videturque merito prælata alteri fuisse.

Philosophice hoc argumentum iam discusserat Lockius, in suis *Some considerations of the consequences of the Lowering of the interest, and raising the value of money*, quæ sunt inter opera eiusdem, non sine præstigiis Metaphysices.



# NOVA ACTA ERUDITORUM,

*publicata Lipsiæ*

*Calendis Maii Anno MDCCLIX.*

## CONTINUATIO PRIMA EMENDATIONUM HEUMANNIANARUM TERTULLIANI.

P. 282. lin. 31. pro *de vestro? de quo*, scribo *de vestra? de qua*.

P. 285. lin. 33. *si capit, crede*, id est, si credibile est, crede. Tò *capit* sæpe ita usurpat Tertullianus, itemque Latinus Irenæus. Vid. infra *Glossarium ad Tertullianum*.

P. 288. lin. 41. *pariant* — non *pariant*, a verbo *pariare*.

P. 288. lin. ult. pro *si non eadem perseveraverint*. *Aequè si perseveraverint in iudicium*, scribo *si non eadem perseveraverint in iudicium*. Interiecta verba deleo.

P. 290. lin. 36. pro *gloriosus*, scribo *gloriosus*. Adverbium.

P. 292. lin. 30. pro *septimo mense nativitas plena est*, *facilius, quam octavo*, scribo *septimo mense nativitas plena est facilius, quam octavo*.

P. 294. lin. 21. pro *quamdiu recensetur*, scribo *quamdiu non recensetur*.

P. 298. lin. 11. *nulla somnia evacuant*, hoc est, 'nulla somnia pro vanis habent.

P. 301. lin. 6. *Quod hoc Menandri balneum? Magicum credo*. Hanc scripturam defendit etiam Gronovius, in *Observationum suarum ad Scriptores ecclesiasticos capite secundo*.

P. 301. lin. 18. pro *contrectet, & credidit*, scribo *contrectet, & credet*.

- P. 306. lin. 42. pro *operiendo*, scribo *opperiendo*.
- P. 307. in libro *de carne Christi* lin. 2. pro *ista student*, scribo *ita student*: & lin. 6. pro *quae in Christo*, lego *quia in Christo*.
- P. 311. lin. 11. pro *vivorum advocatorem*, scribo *vivorum evocatorem*.
- P. 311. lin. 12. *discentes*, id est, discipuli. Sic supra p. 141. lin. 13. & p. 212. lin. 38. & p. 228. lin. 34.
- P. 311. lin. 27. pro *mutentur*, scribo *mutuentur*.
- P. 313. lin. 32. post verba: *illi exclamationi*: omissa sunt a librario verba mulieris: *Beatus venter, qui te gestavit, & ubera, quae suxisti*.
- P. 325. in libro *de resurrectione carnis* lin. 6: *At ego magis ridebo vulgus*. *Magis* ponitur pro *potius*.
- P. 326. lin. 6. *Si vero & apud Deum aliqua secta est*, hoc est, si etiam inter Christianos aliqua secta est.
- P. 326. lin. 13. *alterius divinitatis haeretici*, hoc est, illi haeretici, qui duos statuunt Deos.
- P. 327. lin. 22. *quam tu ab illo*, subaudi *discas*.
- P. 327. lin. 40. *& ipsorum temporum propria gula*. Alludit ad tritum illud: *Tempus edax rerum*.
- P. 328. lin. 20. *dislantiam*, id est, differentiam.
- P. 329. lin. 30. *spolium*, id est, exuta vestis.
- P. 331. lin. 4. *& si infirmam*. Pro hoc & quinque sequentibus *& si*, scribo *et si*.
- P. 331. lin. 21. pro *cum nostrum, ut Dei templum*, scribo *corpus nostrum, ut Dei templum*.
- P. 332. lin. 32. *de singularitate*, id est, de unitate.
- P. 336. lin. 8. pro *cuius est revelari*, scribo *eius & relevari*. Sic supra p. 331. lin. 12. & infra p. 345. lin. 38.
- P. 344. lin. 20. pro *decidet* rescribit Cotelarius, in notis ad Clementis Romani *Epistolam secundam ad Corinthios* p. 100. *decedet*.
- P. 352. lin. 25. pro *Expone enim — veterem hominem*, scribo *Exspoliare — (id est, exuite) — veterem hominem*. Et sic est in Vulgata *Coloss.* III. 9.



- P. 367. lin. 2. *quae summum magnum Deum efficiat*. Uti Deus dicitur esse *summum bonum*, ita Tertullianus censet, eum etiam vocari posse neutro genere *summum magnum*, quemadmodum vocatur *optimus maximus*.
- P. 370. lin. 23. *si aliquanto posterior Moses primus videtur*, hoc est, si Moses, qui aliquanto posterior est, primus videtur, &c.
- P. 378. lin. 18. pro *multari erit, non liberari*, scribo *mutuari erit, non liberari*.
- P. 381. in libro secundo adversus Marcionem lin. 19. pro *Deum aliqui*, scribo *Deum alium*. Lin. 21. *Et quando* ponitur pro *etiam quando*.
- P. 382. lin. 6. *magnitudo non esset*, id est, Deus non esset tam magnus, quam magnus est, si magnitudinem eius mens caperet humana.
- P. 382. lin. 37. pro *cui Deus cognosceretur*, scribo *cui Deus non cognosceretur*.
- P. 382. lin. 46. pro *quae fecit tempus*, — *quae constituit initium*, scribo *qui fecit tempus*, — *qui constituit initium*.
- P. 382. lin. 49. pro *provocantia*, scribo *provocatitia*.
- P. 385. lin. 3. pro *occurreret*, scribo *curreret*.
- P. 388. lin. 41. *Deum perfectum, Et patrem, Et dominum: patrem, clementia: dominum, patrem, disciplina potestate blanda: dominum, severa*. Aliter est interpungendum, & unum verbum transponendum. Scribo iam sic: *Deum perfectum Et patrem Et dominum, patrem clementia, dominum disciplina, patrem potestate blanda, dominum severa*.
- P. 389. lin. 18. *quibus etiam directio bona pro malis damnantur*. Quibus ponitur pro a quibus.
- P. 391. lin. 15. pro *agebatur*, scribo *arcebatur*.
- P. 392. lin. 30. *Hebraeis enim etiam filios*, subaudi *necatos*.
- P. 398. lin. 2. pro *aversionem etiam electorum*, scribo *ad aversionem etiam electorum*.
- P. 399. lin. 20. *haereticorum Apostolus*, id est, Paulus, quem etiam Marcionitae agnoscunt Apostolum. Hinc
- p. 405. lin. 18. Paulum vocat *communem magistrum*.

- P. 402. lin. 44. pro *Aliquantis enim indignis*, scribo *Aliquando enim indignis*.
- P. 403. lin. 20. Omnino legendum *lubricos*: quod rescribere in mentem venerat Rhenano.
- P. 404. lin. 16. pro *Signum autem a Deo*, scribo *Signum autem Deo*.
- P. 416. lin. 6. *quid omiffis eis*. Quid ponitur pro *cur*.
- P. 419. lin. 22. *id est, commiferonem, id est, coodibilem*. Has interpretationes Græcarum vocum Priorius putat irrepsisse e margine in textum. Ego vero id non credo. Nam hæc verba, *commiferones, et coodibiles*, infra p. 453. lin. 17. rursus occurrunt.
- P. 419. lin. 33. pro *nihil faciens*, scribo *nihili faciens*.
- P. 421. lin. 8. pro *maluinus*, scribo *malunus*.
- P. 425. lin. 54. in *Basilis*. Hic est in græca versione Veteris Testamenti titulus *librorum Samuelis et Regum*. Credo, Tertullianum scripsisse hoc loco, in *Βασιλείois*, & p. 435. lin. 8. *Βασιλείων*. Eodem modo p. 438. lin. 43. & 445. lin. 2. in *Ἀριθμοis* scripsisse videtur, non in *Arithmis*, id est, quarto libro Moſis.
- P. 431. lin. 35. pro *Domino virtutum sermone*, scribo *Domino virtutem sermone*.
- P. 432. lin. 34. pro *qui auditui suscitebat*, scribo *qui ad auditum suscitabat*, subaudi *eos*.
- P. 433. lin. 33. *psalmus expungitur*, id est, impletur id, quod in psalmo prædictum fuit.
- P. 437. lin. 51. *Quisquis es, eperchomene*. Credo, Tertullianum scripsisse: *Quisquis es, ἐπερχόμενε*, & p. 440. lin. antepen. *ἐπερχόμενος*.
- P. 441. lin. 34. in *haeretico*, scilicet *Evangelio*.
- P. 441. lin. 53. *Viderit nunc, si aeternam*, id est, verbum *αἰώνιον*.
- P. 441. lin. ult. pro *suffugi*, scribo *suffodi*. Sic p. 446. lin. 2. *suffodit*, & lin. 4. *suffossus*.
- P. 465. lin. 29. *Christianismi generositatem*. Hoc recte explicat Rigaltius supra p. 415. lin. ult.

P. 467.

- P. 467. lin. 11. *boni duxit Deus per stultitiam praedicationis salvos facere credentes.* Uti dicitur *boni consulere*, sic noster & hic, & p. 476. lin. 45. & p. 485. lin. 3. *dixit boni ducere.*
- P. 474. lin. 30. pro *Oportebat enim corruptivum hoc, tenens utique carnem suam dicebat Apostolus, induere incorruptelam,* scribo *Oportet enim corruptivum hoc (tenens utique carnem suam dicebat Apostolus) induere incorruptelam.* Signa parentheseos sunt necessaria. Putat enim Tertullianus, Paulum hæc locutum esse *δεκτικῶς*, digito in suum corpus intento.
- P. 477. lin. 18. *Quando opusculum profligatur,* id est, quia opusculum hoc propemodum finitum est. De hac phrasi vid. Parei *Lexicon criticum* p. 995.
- P. 482. lin. 48. pro *Non Marrucine, sed Pontice, cuius (Christi) supra sanguinem confessus es, hic negas carnem,* ita scribo: *Non Marcion ne an Pontice, cuius supra — negas carnem?* Est enim interrogatio, et non ponitur pronome. *Marcionne*, inquit, *an Pontice*, id est, utrum Marcion appellari vis, an Ponticus? Erat enim Marcion in Ponto natus.
- P. 484. lin. 35. pro *Antoniani Marcionis* scribo *Antoniniani Marcionis.* Aetatem Marcionis indicari, recte censet Ittigius lib. II. *de haeresiarchis* cap. VII. §. 2. quod scilicet Marcion vixerit sub Imp. Antonino Pio. Nam & cap. 30. libri *de praescriptionibus* scribit, eum *Antonini principatu* vixisse.
- P. 486. lin. 46. *ad unum hominem,* id est, Epistolam ad Philemonem.
- P. 487. lin. 16. pro *subornantur,* lege ex linea prima *suppurantur.*
- P. 487. lin. 17. *Hoc apud Christianos persecutio est.* Hoc, subaudi *tempus ardoris.*
- P. 487. lin. 19. *calentes Et ipsi offendere, figere, occidere.* Scribo *valentes.*
- P. 488. lin. 12. pro *Et quomodo non peccatorum desiderat*

*mortem*, scribo *Et quomodo non-peccatorum desideret mortem? Non-peccatorum*, id est, eorum, qui non sunt peccatores.

- P. 489. lin. 32. pro *qui animae tuae par est*, scribo *qui animae tuae pars est*: & lin. 35. pro *nec velis*, scribo *ne velis*.
- P. 490. lin. 20. *Dominus tradidit eos in manibus diripientium*. Nil mutandum. Nam ita etiam loquitur p. 509. lin. 30. & 34. & p. 512. lin. 13. & p. 537. lin. 11. Etiam Lactantius ita loquitur, in libri *de mortibus persecutorum* cap. 35. *in manu traditis*: ad quem locum videatur Columbus, qui hanc dictionem probe tuetur.
- P. 491. lin. 2. *In alium ictum consideremus*. Pro *In*, scribo *Iam*.
- P. 491. lin. 12. *de communi aliqua malitia certat*. De ponitur pro *ex*. Lin. 12. pro *adversario*, scribo *adversatio*.
- P. 493. lin. 17. pro *in vitam reducturum*, scribo *in vitam reducturum*.
- P. 493. lin. 33. pro *ut credas natione praecepta*, scribo *ut credas, ratione praecepta*.
- P. 493. lin. 44. pro *puellae psalticae*, scribo *puellae saltatrici*. Loquitur de Ioanne baptista.
- P. 496. lin. 22. *ingratis luminosus*. *Ingratis*, id est, *ingratis*. Utrumque dicitur latine. Vid. Parei *Lexicon criticum*.
- P. 501. lin. 14. pro *si quo minus*, scribo *si minus*.
- P. 501. lin. ult. pro *sine divisione patiuntur*, scribo *sine divisione patiantur*.
- P. 502. lin. 34. pro *non aliunde puto*, scribo *non aliunde deputo*.
- P. 502. lin. 42. pro *Videmur igitur*, scribo *Videmus igitur*.
- P. 505. lin. 40. pro *oportebat & patrem*, scribo *non oportebat & patrem*.
- P. 506. lin. 56. pro *ut sibi iuberet*, scribo *ut sibi iuberetur*.
- P. 510. lin. 28. pro *quia ille proprie*, scribo *quia illi proprie*.
- P. 515. lin. 25. pro *exposita necessitate*, scribo *deposita necessitate*.
- P. 519. lin. 9. pro *nos etiam similitudinem*, scribo *nostram similitudinem*.

P. 522.



- P. 522. lin. 23. pro *laicus semel*, scribo *laicus, qui semel*.
- P. 526. lin. 38. pro *quae dum melius amittere, quam duos*, scribo *quae dum melius unum oculum amittere, quam duos*.
- P. 527. lin. 11. pro *Quod pertineat ad antiquitatem*, scribo *Quod pertinet ad antiquitatem*. Sic & lin. 53. *Quantum pertinet ad initii restitutionem*. Sic p. 529. lin. 15. *quod pertinet ad legem*. Nam & hic *pertinet* legendum, pro *pertineat*. *Pertinet* ponitur pro *attinet*. Etiam Curtius ita loquitur VI. 11. 30. & IX. 2. 19.
- P. 527. lin. 45. pro *rursus æ ad ω*, scribendum *rursus ω ad æ*. Error typographi.
- P. 531. lin. 44. pro *quod enim semel esse desit*, scribo *quod enim unum semel esse desit*.
- P. 533. lin. 7. pro *nihil enim custodiendum est*, scribo *nihil tam custodiendum est*.
- P. 538. lin. 14. pro *erit status intoto*, scribo *erit status in tuto*.
- P. 538. lin. 41. pro *facio, non discendo*, scribo *facio non discedendo*.
- P. 538. lin. 47. pro *Quin aliud voluit*, scribo *Quid aliud voluit*.
- P. 543. lin. 32. *qui non capit, discedat, id est, fugiat*.
- P. 552. lin. 29. pro *causam navitatis*, scribo *causam novitatis*.
- P. 552. lin. 32. *Iovem, hodiernum de Pythagora haereticum*. Pro *Iovem* scribendum videtur *Leonem*. *Leonem* dico illum *Metapontinum*, de quo videatur Fabricii *Bibliotheca graeca lib. II. cap. 13*. (quod caput exhibet clariores *Pythagoreos*.) p. 493. & *lib. V. cap. 5. p. 384*.
- P. 553. lin. 36. *etiam spiritalibus*, id est, Montani asseclis. Ipse se interpretatur supra p. 525. cap. 1.
- P. 555. lin. 3. pro *qui minus castus*, scribo *qui minus incestus*.
- P. 555. lin. 11. pro *Audio etiam*, scribo *Audio enim*.
- P. 555. lin. 12. *Pontifex scilicet maximus*. Ironice loquitur. Legantur ad hunc locum Larroquani *Adversaria sacra lib. 1. p. 63. sqq.*
- P. 555. lin. 19. *Non habet*, (scilicet *Ecclesia*,) quibus hoc *repromittat*.

P. 555. lin. 24. *me non magis dedecorabit utilis levitas, id est, inconstantia.*

P. 557. lin. 43. pro *Et per medium eorum*, scribo *Et medium eorum.*

P. 563. lin. 31. pro *in Prophetis proprius agnitum*, scribo *in Prophetis prius agnitum.*

*SVLPICII SEVERI OPERA AD MSS. CODICES  
emendata, notisque, observationibus, & dissertationi-  
bus illustrata. Studio & labore HIERONYMI  
DE PRATO, Veronensis, Congregationis Ora-  
torii eiusdem Civitatis Presbyteri.*

*TOMVS PRIMVS.*

Veronæ, typis Seminarii, apud Augustinum Caratto-  
nium, 1741. 2. Alph. 6 pl. quatern. maior.

**Q**uod Cornelius Nepos de Pausania dicit, illum *ut vir-  
tutibus eluxisse, sic vitiis fuisse obrutum*, idem si nos  
de Veronensi hoc Sulpicii Severi editore dicamus,  
neque nimis eum extollere, et eruditæ reipublicæ illudere,  
neque debita laude fraudare, atque doctrinæ et ingenio il-  
lius iniuriam facere, sed vera quodque auriſicis ſtatera  
examinall'e nobis videmur. Intuemur non ſine voluptate  
typos elegantes, & anguſtos, atque chartam nive candidio-  
rem & plane virginem; operarum vitia, ſi pauca exceperis,  
ſtudioſe evitata obſervamus; fortunæ, quæ tot codicum  
excutendorum Pratonî copiam fecit, gratias agimus; ipſum  
denique Pratonem, vitam Martini egregie explicantem,  
multa in antiquitatibus mediû ævi obſcura eleganter illu-  
ſtrantem, atque in vero cuiusque temporis momento inda-  
gando acutiſſimum, maximopere laudamus et admiramur:  
iidem tamen, neque recte, neque diligenter ſatis, illum ſuis  
codicibus uſum eſſe; multa, difficilia intellectu, præteriſſe;  
alia ſatis nota explicall'e; ſæpe in exponendis locis er-  
raſſe; veram latinæ linguæ indolem ignorall'e; non pauca ab  
aliis

aliis iam observata pro suis venditasse; in textu mutasse quædam, nulla urgente necessitate, mutanda vero & defendisse, & reliquisse miramur, ingenueque fatemur, nos gravissima ista in dissentientes convicia, istum bonorum & doctorum virorum contemptum, istam iracundiam, & inhumanum in omnes Lutheranae religioni addictos animum, ægre & moleste ferre, atque ita iudicare: quantum Prætoni virtutes, nec paucæ, nec exiguæ, in hac editione conspicuæ, gloriæ & ornamenti adferant, tantum hos mores viri, eas litteras, quæ ab humanitate nomen nactæ sunt profitenti, plane indignos, hac editione comparandæ laudi & famæ detrahere. Quod ne quis temere a nobis dictum esse credat, paullo infra iudicii nostri specimina dabimus. Inscripta vero est hæc Severi editio nomini Cels. Cardinalis Quirini, quem tanquam primarium suum decus, egregiumque litterarum vindicem & statorem, non sine lacrumis luxerunt nuper Musæ Italicæ. Atque huic viro tale munus congregatio Oratorii Veronensis debebat. Ille enim sua auctoritate effecit, ut redditus, a Benedicto XIII. sibi concessos, retineret hæc congregatio, neque prius quievit, quam a Benedicto XIV. (a quo ita petiit, ut, si nollet precibus suis locum dare, tanta pecunia, quoad viveret, se ipsum multaret, quanta ex redditibus annuis huius collegii proveniret,) diploma Benedicti XIII. confirmaretur. Quare & litteras, testes huius favoris & benevolentia, & epigrammata aliquot Græca & Latina, in honorem illius composita, atque etiam ipsam effigiem Quirini, tabula ænea expressam, huic editioni adiunctam videmus. Sequitur præfatio, bene longa, & alias eleganter scripta, cuius duo sunt capita. Quorum in primo de instituti sui ratione Editor exponit, in altero Sulpicium contra illos defendit, qui eum fabulas falsaque miracula commemorare arbitrantur. Prooemii loco præfixum est iudicium de eorum labore & opera, qui sibi huius Scriptoris libros de vita Martini emendandos, illustrandos, edendosque sumserunt. Lazii editionem, ex uno eoque, nec antiquissimo, nec optimæ

notæ codice descriptam, multis foedissimisque scaterere mendis, iudicat. Qui vero cunque in Basileensi hac editione fuerint, eosdem bona fide in Parisiensem, a. 610 15 LXXI. editam, transcriptos fuisse errores, observat. Plantinianam, non omnibus quidem mendis carere, sed præstantissimam esse, & Gifelinum aut solum, aut præ ceteris ad hanc diem bene meritum esse de Severo, existimat. Hornianam nitidam quidem esse, sed nihil præterea boni habere, illiusque commentarium nihil omnino ad Severum illustrandum conferre. Vorstianam ad solam Grammaticam spectare. Lipsiensem vero omnium manibus teri, oratorio verbo *ehou!* adiecto, vehementer dolet. Nunc videamus, quibus auxiliis opibusque instructus Prato ad edendum Severum accesserit. Habuit vero Codices præclarissimos, & primum quidem antiquissimum quendam, quem Capitularem dicit, a. C. DXVII. scriptum, et plurimum ad emendandum Severum conferentem. Habuit porro codicem Brixianum, forte decimo secundo Seculo, vel non multo post, exaratum, et ex antiquissimo aliquo optimæ notæ codice transcriptum. Habuit denique tres alios codices, Seculo XIV. scriptos, omnes eiusdem ætatis, eiusdemque pretii. Usus etiam est initio duobus aliis codicibus, sed posteaquam eos aliis *ferè* ad unguem respondere intellexit, hanc collationem omisit. Adhibuit et Aldinam editionem: evolvit hos de Martino libellos a Bonino Mombrizio in Vitis Sanctorum editos: Lazianam denique editionem Parisiis recusam, Mercerianam, Hornianam, porro eam, quam Bibliothecæ Patrum Margarini de la Bigne inseruit, tandem Rosweidi editionem libri, Vitæ SS. Patrum, consuluit. Talibus igitur tantisque opibus instructum Pratonem, quis non omnibus numeris absolutam Severi editionem nobis tradidisse credat? Neque tamen in hac prima & nobilissima prope parte nobis Editor ita satisfecit, nihil ut præterea optemus. Nollemus, collationem duorum codicum, in quibus, nisi magnas, certe aliquas, discrepantias animadvertit, omisisset. Veremur nos vehementer,

ne,



ne, ut *aliquando* se alias editiones consuluisse fatetur, ita in codicibus quoque tractandis versatus, imitatusque sit superiorum seculorum criticos, qui tantum in iis locis, ubi in vulgato hærent, Codices inspexerunt. Atque hoc multis e locis de Pratone quoque coniecimus. Primum se ipse fatetur, quoties locus et ratio postulaverit, ad expiscandam & stabiliendam veram scripturam, codices codicibus composuisse, & si aliis, addit, imposterum alios manuscriptos libros cum hac editione conferre placuerit, hinc esse habituros, quæcunque meliora sui codices prætulissent. At dudum docti viri, & in his Cel. Ernesti, in præfatione ad Tacitum, monuerunt, nihil quamvis tenue, quamvis vitiosum, in codicibus excutiendis esse negligendum, cum sæpe vel ex corrupta scriptura vera lectio eliciatur. Cur igitur (p. 10.) tanquam re præclare gesta addit: *haec minutiora non curamus*. Quo iure (p. 78.) scribere potuit: *alias discrepantias minoris momenti omittimus*. Quid, si quæ Prætoni nullius, aliis magni momenti videntur? Ponemus aliquod, speciminis causa, exemplum. In dial. III. c. 15. pro *militiae actibus sorduisse*, habent Ald. & Laz. *militiae artibus*. *Male*, inquit Prato. Non repugnamus. At supra c. 11. pro *multis bonisque actibus præditus*, habet codex Brix. *artibus*, & *præditus* omisit. Quod tamen notare piguit, scribit Editor ad illum locum. O! si hoc notare piguit, quod fortasse non omnibus mendum videbitur, sed melius ardebit recepta lectione: quid tandem de aliis speres? Sed sunt etiam in hac parte alia quædam *παρορμήματα*. Sic p. 90. omisit notare coniecturam in Horn. edit. propositam, *Blemmyos* pro *Blembos*: sic p. 142. scribit, in Lazio & quatuor Lovan. esse *pseudopherum*: in ep. ad Desid. c. 1. omisit notare, quod notavit Giselinus, *το* *unanimis* omisisse Lazium: sic dial. II. c. 3. omisit monere, Lazium legere *galligas muliarum poenam*, ut monet Horn. editio. Neque etiam a Iureto observatæ lectiones verbi *Librosso*, in Vita Mart. c. 14. satis accurate descriptæ sunt. Neque ratio reddita, cur *Postumianus* scribatur, cum in aliis editt. sit

*Posthumianus.* Atque non libuit plura eiusmodi indagare. Verum cum in exemplis, typis expressis, non vitavit lapsum Prato, facile coniecere possumus, qualem fidem mereantur excerptæ ex codicibus lectiones, in quibus quam multa vel lynceos oculos lateant, et oculatissimi diligentiam fallant, nemo ignorat. Hic vero aliud quoque, non prætereundum vitium deprehendimus. Non semel Prato lectiones in textum recepit, neque tamen monet, unde illas acceperit. Sic p. 46. ad illud: *donec emensa aeris istius vastitate*, hanc notam adscripsit: *donec emensa*. Capitularis *immensa*. Bivil. Ven. & Ald. cum Lazio *immensa*, sed omnes *mendose*. Vnde igitur illam lectionem hausit? quid alii codices, ut Brix. & Batav. habent? Idem dici potest de dial. III. c. 4. ubi ponit *perculsus* in textu, neque, ubi legatur hoc, indicat. Nimis igitur negligentem se in Codicibus utendis præbuit Editor, nec multum laudis in hoc negotio ea de causa meretur, quoniam aliis molestam necessitatem, prorsus omnino tollendam, comparandorum inter se codicum & reliquit, & imposuit. Hæc de primo capite præfationis. In altero, ut diximus, cum iis manum Editor conferit, qui Severi de Martino libros, fabulis, fictisque ac portentosis miraculis plenos esse, docuerunt. Hic vero illi præ aliis cum Clerico pugnam esse, facile apparet. Quem cum maxime conviciis refutet, & de miraculis ex religionis, quam profitetur, præceptis disputet ea, quæ nemini ignota sunt, vix illa repetere operæ pretium erit. Quæ autem supra de inhumanitate Pratonis diximus, ea nunc exemplis comprobabimus. Primum, quam contumeliosa, quam rustica sunt, quibus in Clericum invehitur? *Iohannes Clericus, monstrum hominis, nam cui potissimum sectæ addictum, Calvinianæ ne dicam, an Arianæ, an Socinianæ, an omnino nulli, cum plerisque ignoramus, — hunc nobis sumimus quasi alterum Goliath, suo ipsum gladio obtruncandum.* At veremur, ut in Pratone Davidis sit virtus, idque non sine causa. Sed audiamus reliqua. *Videte hominis insaniam. Pergit impudentissimus hæreticus virus suum evomere — Postquam*

quam calumniis in — evomendis rabiem suam furoremque satiavit Clericus. — mendax & obliviosus Clericus, — o stultitiam incredibilem, o audaciam non ferendam! — mendaces, praestigiatores, impostores, periuros, omnesque huius farinae homines, abominationi maxime fuisse semperque futuros: quo in numero tu imprimis, o Clerice! habendus es. Sic meritum est tuum, — nunquam satis pro merito eius audacia, fallaciae, blasphemiae, refelli, castigari, vituperari possunt. Sed ne in uno nimium commoremur, ad alios transeamus. Audiamus in primis, quid de Lutheranis Severi editoribus sentiat. Hoc perpetuum fere a Giselini aetate ad hanc usque diem Severi fatum, ut ita loquar, fuit, ut imperis haereticorum hominum commentariis impune infarciretur, & contaminaretur. Magna vero vox, magno hiato pronuntiata! Hic sane nihil deest, nisi dictatorium illud: Quos ego! Quid vero Hornius? Hic nihil sapit, compiler fuit, est heterodoxus homo, infcitiae & oscitantiae documenta prodit. Classicus vero de Hornio locus hic est, p. 332. — quidquid contra heterodoxi oblatrent, Hornius praecipue obscenus canis, qui ad ea Severi verba: Hunc esse pro quo Martinus oraret, plura, ut ita dicam, mendacia et blasphemias, quam verba, effudit. Quae vero sunt illae blasphemiae? quae illa mendacia? Ex hoc commento, ait, fabulosus purgatorii ignis succensus est, ad quem se pingues monachi calefaciunt. Hinc illae lacrumae! hinc illa iracundia! Neque ipsius Barthii, cuius annotationes, nisi vehementer erramus, melius Pratonianis verba Severi illustrant, nomini parcitur. Illius emendationem circa eum, pro circa se, meras nugas appellat, p. 43. Si vero illam ad nugas refert Prato, quid tandem de se ipso dicet, p. 371. ad illa: daemones, prout ad eum quisque venisset, suis nominibus increpabat (Martinus), Mercurium maxime patiebatur infestum, Iovem brutum etc. haec scribente: Opinari libet, Mercurium Martino maxime infestum extitisse, quod sub illo idolo daemon a Gallis potissimum colebatur, quos Sanctus Episcopus ab errore avertere satagebat. Hic vero nullasne nugas Prato egit? Sententias loquitur?

Illum in eo, quae — explicanda distuleras debitor sponfionis evolvas somniasse, legendum exsolvas scribit, p. 124. quod tamen & latinius est, & ob verba differre, sponfio, debitor, necessarium. Quare, adducta a Prätone exempla nihil iuvant, cum in eorum nullo hæc verba addita sint. Simili figura utitur Severus in dial. I. — *non sine fenore — depono sermonem — nos habemus in quo tibi mutuum vel sine fenore restituere possumus.* Eiusdem de origine significationis fatigari pro iocis vexari, illudi, *ridiculam* esse arbitratur p. 65. Quid vero magis ridiculum est? Illa Barthii sententia, si modo recte intelligatur, an hæc verba Prätone? Ad illa enim verba *pulvere quo se ipsi foedaverant, caput atque ora conspersi*, scilicet milites, quorum equi nullo modo ad progrediendum adigi poterant p. 105, hanc notam adscribit: *doloris & poenitentiae signum, quod vel ex sacris scripturis, si modo Christiani erant hi milites, vel ex profanis poetis haurire potuerant, praecipue ex Virg. X. 844.* O quanti est sapere! Sed nolumus longiores in conviciis eiusmodi, quorum pudeat doctissimum Prätone, congerendis esse. Forte, quoniam eorum mores, quibuscum vivimus, facile discimus, Prätone etiam hanc asperitatem verborum ex Sulpicio didicit. Qui, posteaquam se mendacii postulatum esse ab aliquo commemoravit, *non est hominis vox ista, sed diaboli*, addit, & eiusmodi homines *infelices, degeneres, somnolentos* appellat. Verum hæc hætenus. Præfationem excipiunt Scriptorum quorundam de Severo illiusque libris testimonia atque iudicia, brevibus notis a Prätone illustrata. Hæc sequitur Sulpicii Severi vita, in qua scribenda sibi illud potissimum Prätone proposuit, ut et quæ dubia adhuc inter doctos luculenter exponat, & errores aliorum refutet. Tota vita in capita XVI. descripta est, unde notatu dignissima excerpemus. Agit c. I. de nomine, ubi *Severum* proprium & peculiare fuisse nomen, *Sulpicium* vero cognomen, seu potius nomen gentilitium, atque *Sulpicium Severum*, præeunte ipso Severo in epistolis, scribendum esse, docet. Cap. II. de Patria exponit, Opinionem illam,

illam, quæ ipsum Aginni in Nitiobrigibus natum differit, reuocat tanquam falsam, & potius in illa Aquitaniæ parte, quæ ad Narbonensem provinciam spectabat, non longe à Tolosa sitam, fuisse Severi patriam coniicit. Cap. III. de Familia & fortunis: cap. IV. de anno natali, disputat. De anno non plane constat, id unum constat, eum Paullino multo iuniorem fuisse, qui a. CCCLIII. natus sit. Quare A. CCCLXIII. plus minusve Severum natum fuisse statui potest. Cap. V. vitæ institutum: cap. VI. uxorem eius prodit. Quod quidam ex celebri Bassorum familia eam fuisse, coniecturam ducentes ex nomine socrus Severi, quæ Bassula vocabatur, tradunt, non est probabile Auctori. Perturbata & inuersa fuit sub Imperatoribus, nominum, tum viris, tum mulieribus imponendorum, ratio. Præterea ex illo sequeretur, socrum Severi e Bassorum familia ortam fuisse, non filiam, quæ ex patris potius familia appellanda erat. Errat Bailletus, qui Severum se mutuo consensu ab uxore, paullo antequam obiret, separasse scribit. Hic coniicit Auctor, Bassulam socrum, post filiæ mortem, Severum filii loco habuisse, & adoptasse. Cap. VII. Severum sæculo se abdicantem proponit. Quoniam eodem, quo Paullinus, tempore, i. e. circa annum CCCXCII. mundo valedixit, ut loqui amant, trigessimum circiter secundum annum agens, sæculo renuntiavit. Cap. VIII. num Severus monachus fuerit, A. quærit. Atque istud quidem adfirmat, siquidem Paullinus, qui monasticam vitam amplexus erat, de Severi vitæ genere non secus ac de proprio loquitur: quoniam apud priscos Scriptores, Severus Martini discipulus passim audit, atque ideo vitæ monasticæ leges ab illo accepisse videtur: quoniam monachorum vitam egit, ciborum abstinentiam adamavit, rudi & aspero vestitu usus fuit, in solitudine & cellulis vixit: quoniam in Capitulari codice, tum post vitam Martini, tum post Dialogos legitur: *Per Severum Sulpitium, monachum Massiliensem*: quoniam a Paullino, in vita Ambrosii, titulo *serui Dei*, monachis tum temporis proprio, insignitur. Neque Auctori monachus tantum, sed etiam



etiam monachorum pater, seu abbas, Severus videtur. Id quod ex epistola Paullini V. n. 15. & XI. n. 4. & ex carmine ad Cytherium, v. 715. sequi apparere arbitratur. Cap. IX. in quos usus Severus divitias suas impenderit, ostendit. Cap. X. num Severus presbyter fuerit, & quo tempore, disquirat. Vni cum Gennadii testimonio innitatur Severi presbyteratus, non videre se Auctor fatetur, quid hoc tacentibus ceteris valeat. In epistolis quidem a Baluzio editis, titulus *presbyteri* apparet, sed in Capitulari antiquissimo codice nunquam hic titulus legitur, a librariis sine dubio, ex auctoritate Gennadii, Severo additus. Cap. XI. quæ ab a. CCCXCII. ad annum CCCCXV. egerit aut scripserit Severus, commemorat. Cap. XII. num Severus a Pelagianis in senectute fuerit seductus, quærit. Auctor narrationem Gennadii, a quo omnis hæc suspicio profluxit, in dubium vocat, illumque incertis & vanis rumoribus nimium fidei adhibuisse, existimat. Neque enim, ut, ne longiores simus, reliqua taceamus, si Severus Pelagianis favisset, tam magnificis laudibus a Paullino Petrocoriensi, & Paullino Mediolanensi, acerrimo Pelagianorum adversario & accusatore, celebratus fuisset. Cap. XIII. quæ de Severo Guibertus Martinus, Abbas Gemblacensis, in Apologia scripsit, expendit. Varios in illa Auctor errores deprehendit. Falsum esse docet, Severum, relicta domo & cognatione, rebusque propriis in usum pauperum consumptis, ad Martinum se contulisse, & cum eo in Maiori-monasterio, usque ad mortem illius, familiarissime vixisse: falsum quoque, Severum mortuo Martino cellam Patris per quinquennium obtinuisse: falsum denique, Severum a Bituricensi clero ex monasterio eductum, archiepiscopum eius urbis constitutum fuisse. Cap. XIV. num Severus hic sit Severus ille, de quo Gregorius Turonensis, in libro de gloria confessorum, c. L. loquitur, inquirat. Auctor ex temporum ratione nullam aliam inter hos Severos, nisi nominis similitudinem, intercedere concludit. Cap. XV. coniecturam de loco & tempore, quo Severus mortuus sit, proponit. Censet Auctor, Severum, aliquot

quot post CCCCVI. annis, a. CCCCX. circiter, aut aliquanto post, quinquagenarium fere, Massiliæ diem obiisse. Ad ductus est ad hanc coniecturam perpetuo Paullini post illud tempus de Severo silentio; Capitulari codice, Severum; monachum Massiliensem appellante; misera denique & infelicissima temporum illorum in Gallia conditione, qua adductum verisimile est se recepisse in maritimam aliquam urbem Severum, ubi tutus esse, & in alias, urgente necessitate, terras migrare posset. Cap. XVI. an Severo is cultus, qui Sanctis tribuitur, aut antehac habitus sit, aut nunc habeatur, quærit. Profitetur quidem Auctor, hanc quæstionem non sui iudicii esse; sed ad ecclesiæ arbitrium spectare: verum tamen addit, nec esse Severum inter Sanctos publico cultu honorandos hoc tempore computandum, nec unquam fortasse fuisse computatum, nisi secundo & oblique, quatenus cum Bituricensi episcopo per errorem confusus fuerit. Venimus nunc ad ipsos Sulpicii Severi libros, qui hoc primo Volumine continentur. Sunt vero ii, qui ad vitam Martini spectant, nimirum Vita, epistolæ ad Aurelium, Bassulam, Eusebium, et Dialogi tres. In quibus edendis duo potissimum sibi proposuit, certe proponere debuit Cl. Prato, ut nos & verba Severi quam emendatissima haberemus, & dubia loca dilucide explicata legeremus. Iam illud cum non solum ex libris manu exaratis, sed ex coniectura quoque sæpenumero petendum sit: nos quidem de illo iam diximus maxima ex parte, sed sunt adhuc aliqua monenda. Emendationes ex codicibus repetitæ sunt nec paucæ, nec parvi momenti: præ aliis memorandæ videntur nobis hæ. In epist. ad Bass. init. pro *iusto loro traheremus*, dedit *iusto dolore*. In eadem ep. habent libri plerique *sine delicto ullo*, unus Capitul. habet *dilecto*, ex veterum scribendi ratione, pro *dilectu* s. *delectu*, quod etiam in textu posuit. In Dial. I. c. 28. *navigationis meae cursum longe ante prægressus*, quod iam Giselinus coniecit, ex auctoritate codicis Capit. posuit, cum vulgo haberent & *cursum* & *progressus*. In eod. dial. c. 10.

Kk

pro

pro *duodennis*, quod in vulgatis antea fuit, & ex Pratonis opinione fortasse ex compendio scribendi *duodennis* pro *duodecennis* ortum, reponit *duodecennis*, idemque verbum, ut minime latinum, ex omnibus Lexicis expungi iubet. In Dial. II. c. 8. pro *Claudiomachus* ex MSS. scribit *Claudiomagus*. In Dial. III. c. 5. pro *totius sermonis fidem apud te, Christe, depromimus*, invenit in codice uno *deponimus*, idemque melius huic loco convenire iudicat. Ibid. c. 13. invenit in codicibus *pseudoforum*, & in textum recepit. Cap. 8. ibid. quod Giselinus in Trudonensi libro, Auctor in Brixiano invenit, & redonavit Severo, nimirum, *quae in conum subline procedens*, pro quo vulgo *thronum*. Ibid. c. 8. pro *quid me — sic aspicias!* ex MSS. ponit *accipis*. Ibid. c. 5. pro vulgato *omnes custodia relaxari*, eleganter substituit *omnes custodias relaxari*. Cap. 3. ibid. quoniam Capit. habet *ut pars summabonibus obstr.* dedit *pars summa umbonibus obstruendis* etc. in vulg. verbum necessarium, *summa*, deerat. Cap. 2. ibid. pro vulg. *Valentiniano*, ex Capit. ponit *Valentino*, quod, ut diligenter ostendit, ponendum est. Dial. I. c. 28. *non potest omnium esse par gloria*, ex MSS. rescribit. Ibid. c. 16. ex duobus codicibus *subinde restitans*, pro quo vulg. *respektans*, Severo donavit. In dial. II. c. 13. in Capit. invenit & anteposuit vulgatae, *ac obstupentes*, lectionem elegantiore, *mox horrore quodam circumfundimur, ac stupore*. In ep. ad Euseb. ex capit. cod. *ne forte consilio hoc, quod etc.* legit. Antea erat, *ne forte inconsultum hoc quod etc.* Praecipue memoranda est in Dial. I. c. 15. insignis mutatio, qua pro *Memphis contiguum*, quod erat in omnibus codd. & edit. ex Brix. cod. posuit *Blembis*. At in Dial. I. c. 12, contra omnium librorum auctoritatem, *τὸ faciam inquit Galle quod praecipis*, in *faciam inquit Sulpici, quod praecipis* etc. mutavit. Sed excedit medicina modum. Sunt profecto praecedentia verba, ut iam Giselinus vidit, verba Galli, & *τὸ inquam* non indicat Sulpicium hic loqui, sed est vox flagitantis vehementer, adhortantisque. In errorem adductus est Prato, quoniam supra, post *Ego autem*, maiorem distinctionem

tionem posuit, quasi esset, ego autem Sulpicius dico; sed est ibi continuatus Galli sermo, ego autem — graviter irascerer etc. Hæc profecto expositio huius loci est verissima. Sed fac quoque nos errare, non tam librariorum, quam ipsius Severi negligentia accusanda, & verbum *Galle* erit retinendum. Notum est, talia in dialogis *παροράματα* apud optimos auctores inveniri, ut apud Ciceronem in L. V. de Fin. ubi Pisonem loquentem producit: *quando igitur Et de voluptate cum Torquato, Et de honestate cum Catone est disputatum.* Qui sermo non Pisoni, sed Ciceroni convenit. Cui addas ipsum Severum in dial. 3. c. 5. *Exigit id infidelitas plurimorum, qui in aliquibus, quæ hesterno memorata sunt, nutare dicuntur.* At tertius dialogus, ut Prato quoque p. 266. observat, aliquanto post editus fuit; & quomodo Severus, qui die præcedenti usque ad noctem dixerat, & summo mane colloquium, ut finxit, redintegravit, de infidelitate, prioribus demum dialogis editis perspecta, cognoscere potuit? Sed non opus est subtiliori hac defensione lectionis vulgatæ. Atque hic illud observamus, Pratonem sæpius lectiones reiicere tanquam mendosas, quæ vel æque bonæ sunt, vel receptis meliores etiam. Sic in Dial. 2. c. 4. pro vulgato *tum vero omnis multitudo — Christum Deum fateri*, habet unus liber *Christum Domini.* *Mendose* ait Prato. Minime vero. Quin sic scripsisse Severum certo nobis persuademus, & alluisse, ut sæpius solet, ad verba Lucæ, c. 2. — *nisi videret Christum Domini.* In Vita Mart. c. 27. vulgatas edit. cum non paucis MSS. fatetur habere, *non alii fuere insectatores eius, licet pauci admodum, non alii tamen, quam episcopi ferebantur.* Hanc tamen lectionem *apertissimum mendum* pronuntiat, & ex quibusdam codicibus *fere* substituit. Quare tamen? estne hæc repetitio sententiæ fortasse tam insolens, ut ferri nequeat? at, si argutari luberet, illud *fere* diceremus mendum. Nam illa altera repetitio *non alii* etc. satis demonstrat, non episcopos solos fere, sed omnino solos insectatores Martini fuisse. In Dial. 3. c. 17. habent vulg. pro *ut mox per illum*

*sacras viri laudes Roma cognoscat, sacra. Inepte.* Nos nihil ineptum videmus. Vtrumque aptissime dici potest. In Dial. 3. extr. pro *ignoti pulveris regione* —, ex Capit. & Brix. ponit *ignoti pulveris syrte tegeretur*. Miramur profecto, quid sit, quod se illam lectionem non assequi fatetur, multo faciliorem hac altera, tumida, barbara, & minime latina. Illam enim narrare tantum, est etiam refutare. In Dial. 1. c. 14. — *cum — bestia non venisset, (nimirum audacis facti conscia ad eum venire dissimulans, cui fecisset iniuriam,) aegre patiebatur eremita.* Capit. codex habet *dissimulat*. Quod mendum putat Prato. At nisi dissimulat legamus, nonne et saltem intrudendum est? Nonne hæc lectio elegantior multo? In Dial. 2. c. 7. pro *illi vero felices erunt, si a disciplina exempli istius viri non recedant*, habet Lips. edit. *a disciplina exemplo istius viri etc.* *Pessime!* (est enim Lipsiensis editio,) clamat Prato. Optime arbitramur. Primum quid est *disciplina exempli*? Vix ipsam Pratonem, qui illam syrtē pulveris concoquit tam facile, hæc devorare posse credimus. Deinde, nonne optima est sententia? Felices, si a disciplina, quam ecclesia, quam religio præscribit, quæ sanctos viros & Christianos decet, non magis recedant, quam ille. Disciplinam vero pro observatione bonorum morum, pro instituto vitæ dici, docere pluribus, hoc esset ineptum. In Dial. 2. c. 8. utrumque bonum est, & tolerari potest, tam *ecclesia ibi est celebris religione sanctorum, nec minus gloriosa sacrarum virginum multitudine*, quam — *multitudo*, ut iterum subaudias *ibi est*. Hoc tamen non fert Prato, *res, ait, per se patet*. Idem denique dici potest de Dial. 2. c. 13. ubi in lectione Capit. *intente enim nos scilicet, intende* reiicit: idem de prooem. ubi, quod in quibusdam MSS. invenit, *omnia illius acta*, probat: de Dial. 3. c. 10. ubi *omnium spebus intentis*, lectioni alteri, *omnium aciebus intentis*, præfert: & in eod. Dial. de loco c. 9. ubi omnium MSS. lectionem, *nobis inspectantibus*, sive *spectantibus*, aptiorem multo altera, postponit lectioni Ald. edit. *nobis expectantibus*. Sic certe illa lectio, *fidei Evangelii derogatur*, quam

*malam*



*malam* vocat, melior est hac, *fides Evangelii derogatur*. Etsi enim illam ex Cicerone defendere conatur, dudum tamen docti viri illius loci nullam esse auctoritatem docuerunt. *Dubius est*, inquit Cel. Gesnerus in Thesauro, in v. derogare, *hic locus*. An ita interpungendum: *Fides huius multis locis cognita: ne perfidia Naevii ei derogetur laborant*. Illud ei haufit forte Naevii. Sic in Dial. I. c. 10. non confunditur quidem omnis verborum sensus, si ut ponas pro ac, ut Vorflius fecit, cuius verba non erant ad ridiculum trahenda: atque illa cum prima ei lex obedientiae poneretur, ac perpetem polliceretur — patientiam, bene explicari possunt sic: haec fuit prima lex, cui obediret, ut patientiam polliceretur; ac tamen, MSS. auctoritate positum, & æque bonum, retinendum est. Nunc videamus de coniecturis, quibus Severi orationi subvenit Editor. Primum quidem laudamus verecundiam illius & religionem in hac parte præstitam. Et quis eam non laudandam esse censeat hac tempestate, qua perpruriscentes digiti Criticorum quorundam lubentissime crudelem falcem in veterum auctorum libros immittunt, & illis quasi formulam quandam dicendi præscribunt. Nec adeo multæ sunt hæ coniecturæ, etsi quædam abesse possunt, neque, nisi aliquoties, in textum receptæ. Sic p. 47. in ep. ad Aurel. pro *etsi rationem ullam dolor admitteret, gaudere deberem*, in textum recepit *etsi si*, ex ingenio: in Dial. 3. c. 8. ex coniectura Barthii *idolium*, pro *idolum* scribit. In Dial. eod. c. 13. pro *creditis*, quod in omnibus MSS. invenit, posuit *credetis*. Nihil opus. In Dial. 3. c. 17. *etsi maxime cursus in devio sit, non tamen tibi tanti sint, vel magnarum morarum ulla dispendia, quin illic adeas virum etc.* τὸ *etsi* separatim adhuc editum, coniunctim legit. Obiter hic, quoniam a nemine observatum esse videmus, monemus, hanc totam ἔκφρασις expressam esse ex Virg. L. III. v. 493. *Hic tibi ne qua morae fuerint dispendia tanta Quin adeas vatem*. Hæc de emendationibus ex ingenio in textu factis. Reliquas coniecturas in notis propositas esse, & videmus, & laudamus. Sic in Dial. I. c. 14. *quasi impleto*

*officio & praestita consolatione discedere*, (nimirum lupam, quæ quotidie panem ab eremita cepit, variisque blanditiis illi gratias egit,) coniicit Prato *consalutatione*. Nobis vero scrupulum iniicit locus infra eod. cap. ubi eremita, ad quem lupa non amplius accedebat, *aegre patiebatur se alumnae solatio destitutum*. In Dial. eod. c. 13. *alia ibi germina nulla succedant*, coniicit *succrescant*. Sed quid opus? significatio hæc verbi *succedere* non adeo ab analogia, a reliquis significationibus, abhorret, ut expungenda sit vox. Sic in Dial. I. c. 1. *quo minus amore tuo pendens*, coniicit, *ab ore tuo pendens*: c. 2. *neque gravabor quamlibet conferte vobiscum fabulari*, disiungendum esse coniicit *quamlibet*, ut sit pro *quantumlibet*. Quin, si pro *conferte* legas *conferre*, ut est in quibusdam libris, & *fabulari* in *fabulam* mutes, elegans restituetur Severo lectio. In Vita Mart. c. 21. extr. pro *videtis & videris*, quod erat in libris, coniicit *viderit is*, scil. qui bovis ictu periit, *cur tantam potestatem deus diabolo concesserit*. Vellemus, tota hæc *ἔκθεσις* abesset; quomodoque enim legas, vix cohærebit oratio, vix digna erit Severo. Ibid. c. 8. de servo laqueo suffocato, & in vitam redeunte, *mox vivificante vultu, marcescentibus oculis, in ora illius defunctus erigitur*, coniicit, *livificante, vel livefcente*. Falso. Non pingit hic locus hominem se suffocantem laqueo, sed qui vitam, qui colorem vitalem, recipit. Ut c. 16. *tunc paullatim singula contactu eius membra coeperunt viviscere*: & c. 2. *videt defunctum paullatim membris omnibus commoveri, & laxatis in usum videndi palpitare luminibus*. Quare & lect. Ald. *inardescantibus* prætulimus vulgatae, etsi etiam hæc bene explicari potest. Locus Paullini, quo Prato suam coniecturam stabilire cupit, nihil huc facit. Nam hic hominem mortuum & suffocatum proponit; ille, ut diximus, hominem reviviscentem. Lubet hic aliquot exemplis ostendere, quam turpiter lapsus sit Prato interdum in cognitione accurata linguæ latinæ. Sic in vita Mart. c. 2. ubi pro vulg. *quibus rebus ita sibi omnes — devinxerat*, habet Capit. *pro quibus, elegantem* hanc lectionem appellat, quæ analogiæ verbi

verbi repugnat, quæ nunquam in bono Scriptore inventa est. In Dial. 3. c. 1. *qui hesterno auditorium amisit*, docet, hic *auditorium* sumi pro ipsa auditione, gr. ἀκρόασις, vel pro materia, quæ ad disputandum proposita est, gr. ἀκρόαμα. Hæc significatio est plane nova, inaudita, & ex capite solius Pratonis, tanquam Minerva aliqua ex Iovis, prognata. Vellemus illam exemplo confirmasset aliquo. Magis necessarium erat, quam docere, auditorium indicare auditorum turbam. Hoc pueris notum. Ibid. c. 6. ad *efferror siquidem spiritu*, hæc notavit: *non inutile puto lectorem monere, τὸ efferror non a fero verbum, sed a ferus nomen, derivatum videri.* Inutile omnino & falsum. Sed imprimis bella est interpretatio in Dial. 3. c. 6. *Sicut plerumque per clericos rotatur turbo verborum?* Quis non putet, *turbinem verborum* hic ita positum esse, ut, sicut apud Ovidium, *mentis turbine agi*, sit metaphora a turbine, i. e. δῖνος, σρόμβος, deducta? Quis nescit illud Lucretii, *Turbine rotanti portant res venti.* Quis, præter Pratonem, vel in somno de trocho vel rhombo hic cogitet? Nemo profecto sanæ mentis ita loqui potuit, ut per turbinem verborum intelligat puerorum instrumentum lusorium, gr. βέμβιξ. Etsi meminimus, apud Patrum aliquem, cuius nomen excidit, *tormenta verborum*, & *verbis tanquam flagris verberari*, legere; hic tamen turbo tam ineptus est, ut vel a tumore Severi longe abhorreat. In Dial. 3. c. 2. *proclamat pater — Et — fatebatur.* Vix dubitare se ait Prato, quin Severus scripserit *fateatur*. Nihil mutandum, alias omnia poetarum & oratorum scripta singulis prope in versibus obelo notanda essent. Age, statim Virgiliū illud corrige: *Anchora fundabat naves Et littora curvas prætexunt puppes.* Sed de his, post egregiam Clarkii ad Iliad. Homeri disputatiunculam, plura dicere velle putidum est. Tamen sapissime simili modo Prato, in temporibus verborum definiendis, haeret. Hæc de emendationibus dicta sunt; dicamus, ut proposuimus, etiam de adnotationibus. In iis, cum ex Paullino Petrocorienſi, Fortunato, Gregorio Turonensi, aliis, quæ a Seyerō

Severo narrantur, illustrantur & confirmantur, tum loca & verba difficiliora explicantur. In Dial. 3. c. 4. docet, *custodias relaxari* dici pro *reos victos & in carcerem detrusos dimittere*: p. 130. usum verbi *quantocyus* ex scriptoribus posterioris ævi illustrat. Ibid. c. 3. observat, *diffluere* pro *redundare, supereffluere*; c. 5. *adserere* pro *laudare*, s. *defendere*; & in Vita Mart. c. 5. *expetere* pro *accedere*, *se conferre ad aliquem*, poni. Ibid. c. 18. *elogium* sumi in malam partem, pro *sermone minus honorifico*, docet. In Dial. 2. c. 12. *benedictionem* explicat per rem usu & contactu sanctæ personæ alicuius quasi sanctificatam, & cum veneratione conservandam, uno verbo, *reliquiam*. Ibid. c. 9. *epistolam ad aliquam facere* exemplo illustrat: ibid. c. 6. observat, sicut Imperatores *reges* dicantur, sic Imperatorum uxores, matres & filias, *reginas* dici. Quibus addantur, quæ in Dial. 1. c. 13. de verbo *diffimulare* pro *negligere*; ibidem de verbo *praesumere*; in Dial. 2. c. 5. de usu particulae *cur* pro *quod*; et in V. M. c. 5. de verbo *diaconio*, habentur. Atque hic velleinus multa abessent, molem quæ libri nulla urgente necessitate augent. Quid opus erat monere p. 24. *puerum servum* dici? quid opus formulam, *ne fando quidem auditum*, tot exemplis illustrare velle? Quid verbum *praetextus*? in ep. ad Aurel. quid in Dial. 1. c. 22. *spumante equo*? quid in D. 2. c. 5. *rerum potiri*? quid opus in D. 2. c. 1. *crinem* de igne dici, cur, aimus, opus erat, haec exemplis comprobare? Cur ad verbum *rheda*, satis vel pueris notum, locum Quintiliani adscribit? cur ad verba in ep. ad Euseb. *inter fabulas iuges*, advocavit locum Idatii, *inter familiares fabulas*? cur p. 86. annotat, *cothurnum* stilum sublimem & tragicum, *socum* pedestreni & popularem significare? Neque monere debuit in Dial. 3. c. 14. *laborare* de iis usurpari, qui capite vel fortunis periclitantur. Contra, non pauca nobis legentibus occurrunt, quæ difficiliora sunt, & illustratione indigebant, ut *monasterium magnae dispositionis*, ubi neque Vorstius nobis satisfacit: — *non leviter apud me actum est, ut ipse procederem*: Dial. 3. c. 4. — *cum futuris proventibus per assidua damna trepi-*

*trepidaret; ibid. c. 7. in orationem prostermitur; ibid. c. 2. — qui tanti viri constantiam præmissa auctoritate sequeretur; ib. c. 11. huius diei communionem Martinus iniit; ibid. c. 13. in Dial. 2. c. 1. hoc ergo secretum beati viri pauper ille captatum, cum ei archidiaconus dare tunicam distulisset, irrupit. an pro tum legendum forte quam? ut caperet vestem, quam etc. nihil certe melius videmus. Ibid. c. 2. longa linea copiosi lactis. Ib. c. 5. mortibus imperavit. Dial. 1. c. 26. ego autem profiteor, quia etiam si mutus esses non defutura tibi verba. Quid hoc? fortasse levi mutatione facta legendum qui. Sic paullo post, ut excuses imperitiam, quia exuberat eloquentia, habet Venet. qui, quod melius placet. Ibid. cap. 13. palmam cuius interdum pomis uti solebat. Cap. 9. tua nobis repetatur orientalis oratio. Cap. 14. parvo tugurio, in quo non nisi unus recipi posset. In Vita M. cap. 13. Tetradii cuiusdam — servus daemonio correptus dolendo exitu cruciabatur. At in eodem capite dicitur Martinus immundum ab illo spiritum eiecisse. Quid igitur illud dolendo exitu sibi vult? an coniectura subveniamus huic loco, & legamus dolendo cruciatu exercebatur? sed non lubet hariolari. Cap. 18. leprosum miserabili facie — osculatus est atque benedixit: statimque omni malo emundatus postero die ad Ecclesiam veniens — gratias pro sanitate, quam receperat, agebat. Quis agebat gratias? nonne leprosus? at nisi statim qui legamus, nescimus quomodo nos hinc expedire queamus. Explicari quoque poterant, Dial. 1. cap. 26. Bosporus exclusa. Cap. 22. in hoc desideriis meis aestuantibus: cap. 20. excludere a se confluentium populos. Vita M. c. 20. ut est nostrorum temporum aetas: et plura, quæ præterimus. Sunt præterea duo loca, in quibus insignem librariorum oscitantiam & incuriam deprehendisse nobis videmur, sed a Pratone neglecta. Primus est in Vita M. cap. 22. audiebantur etiam plerumque convicia, quibus illum turba daemonum protervis vocibus increpabat, sed omnia falsa & vana cognoscens non movebatur obiectis, testabantur etiam aliqui ex fratribus, audisse se daemonem protervis vocibus Martinum increpantem cur etc.*



Illud prius *protervis vocibus* sine dubio mendum est, inde ortum, quoniam curiosus oculus scribentis librarii hæc inferiora adspiciebat, & per errorem supra intrudebat. Alter locus est in Dial. 3. cap. 6. *At parte in alia videres sine interrogatione vexatos & sua crimina confitentes, nomina etiam nullo interrogante prodebant.* Illud *sine interrogatione vexatos* quid sit, nemo facile divinabit. Quare transposita hæc verba suspicamur, & ad sequentia *& sua crimina sine interrogatione confitentes* retrahenda esse existimamus. Sed hæc obiter. Proponamus vero quædam ex illis adnotationibus, quibus paullo uberius orationem & sententiam Severi Prato exponit. In Dial. 2. c. 4. illum locum *non irrationabiliter in campo catechumenos fieri*, ex sententia Valesii interpretatur per campum, in quo martyres extremo supplicio afficiebantur. In Vita M. cap. 26. *nullumque vacuum ab opere Dei tempus, quo vel otio indulserit, vel negotio: negotium* hic lites indicare censet, quarum componendarum cura episcopis mandata fuerit. Nobis hæc opinio vix probabilis videtur. Primum, quia, quod ipse Prato fatetur, Martinus hanc curam presbyteris suis demandavit; deinde quoniam negotium simpliciter tantum otio oppositum est; denique totus locus nihil aliud indicat, quam Martinum sive operibus quibusdam intentum, sive negotiis liberum, semper de Deo cogitasse etc. De difficillimo loco in epist. ad Eusebium, *gentium praedicator, quem fluctus absorbit, & post triduum totidemque noctes* etc. Clar. Pratonis sententia hæc est: suspicatus est primum, Severum aut mendoso Paulli codice usum fuisse, aut prava ex græco interpretatione; atque ubi nunc legitur in vulg. *ter naufragium feci, nocte & die in profundo maris fui*, fortasse sic legisse: *tres naufragium faciens noctes & dies in profundo maris fui*. Neque ipse tamen huic coniecturae magnum pretium statuit: existimat potius, non integram ad nos hanc epistolam venisse, ita ut, quæ nunc de Paulo dicta esse videantur contra veritatem S. S. ea potius ad Ionam spectaverint, sed festinatione librarii fuerint omissa. Laudat percommode  
locum

locum quendam de Iona ex Append. Tom. V. Opp. S. Augustini, ex sermone tertio in natali Petri & Paulli, ubi prope eadem verba Severi leguntur. Nobis quidem unum dubium, sed fortasse non magni momenti, formula *gentium praedicator* movet. Hanc enim non facile de Iona intelligi posse, monet locus in epist. ad Aurel. *Si vero gentium doctoris exemplo gladio deputatus* etc. ubi nullum alium quam Paulum significat, de quo in Hist. Sacr. Lib. II. cap. 41. In Dial. I. cap. 11. *foribus affixam de posse pendere*: hic ex Capit. cod. *ante postem* legit, & ianuam Romanam supponendam esse docet, quæ non intro impelli, sed extra domum trahi debuerit. Verum hæc minime convenire videntur in tabernaculum, *quod sibi instituit monachus, qui ad eremum secesserat*. Nimis docta hæc ianua est, & scholam redolet. Multo facilius omnia intelligi poterunt, si nobis proponamus casam, non ad architectorum leges, sed irregulariter, ut aiunt, exstructam. Neque aliud tabernaculum, si de eremita cogitamus, nostro animo obversari potest. In Dial. 2. cap. 6. *liquet hinc*, inquit, *Severum ex iis patribus esse, qui Mariam, sororem Marthae, & foeminam peccatricem, unam personam faciunt*. Sed si quis recte & accurate omnia consideret, non videbitur Severus ita sensisse. Priora illa, *pedes sancti fletu rigabat, crine tergebat*, foeminam peccatricem respiciunt, non vero *cum interim diebus ac noctibus* etc. In sequentibus paullo infra: *sicut Martha illa ministravit Domino — & audivit ut Maria*, longe alia est sententia, quæ reginam cum Maria comparat. Nisi igitur vim verbis Severi adhibeas, non extorquebis inde illam sententiam. Hæc de commentario Pratonis in libros Severi de Martino. De dissertationibus, quæ sequuntur, alio tempore.

TRACTATIONES OMNIUM IVRIS CANONICI  
partium, ex historia ecclesiastica, & Conciliis ac Ordinationibus Principum, perpetuo illustratae, partim rarioris, partim nondum editi argumenti, ad Ius Ecclesiasticum

*fiasticum intra terminos suos revocandum accommo-  
datae. Opus XX. annorum.*

Brunswigae 1759. sumtibus Schroederi heredum,  
Alphab. 4. & 4. pl. cum dimidia in 4to.

**A**uctorem agnoscit hoc opus *Kippingium*, Helmstadien-  
sium nuper Antecessorem non incelebrem, qui  
tamen, dum pars aliqua operis iam sub prelo suda-  
ret, diem obiit supremum. Cum vero integrum absolu-  
tumque numeris omnibus opus in schedis auctoris defuncti  
reperiretur, nulla ratio fuit Schroederianis heredibus, cur a  
coepto desisterent, praecipue cum *Chrysander*, V. Cl. Verbi di-  
vini minister ad ædem d. Stephani Helmstadii, provinciam ope-  
ris edendi, atque indicis conficiendi, imponi sibi passus esset.  
Constat autem totum opus Prooemio, Capitibusque viginti.  
Primum horum inscribitur: *de indole iuris ecclesiastici recte  
constituenda*: secundum, *de natura ecclesiae verae*: tertium,  
*de personis ecclesiam constituentibus*, *Et earum officiis genera-  
tim*: quartum, *de modis constituendi ecclesias earumque mini-  
stros*: quintum, *de exercitio religionis Christianae publico,  
sive Liturgia*: sextum, *de primaria ministerii sacri parte, do-  
ctrina Et doctoribus, pastoribus Et diaconis*: septimum, *de  
Sacramentis eorumque administratione*: octavum, *de potestate  
clavium*: nonum, *de directione ecclesiae, Episcopis, Abbati-  
bus, Praepositis, Superintendentibus, Decanis etc.* decimum,  
*de privilegiis, Et immunitatibus, nec non stipendiis, Et aliis  
ministrorum ecclesiae iuribus*: undecimum, *de eleemosynis Et  
officio Pastorum circa eas*: duodecimum, *de locis Et aedibus  
cultui divino publico assignatis, earumque immunitate*: decimum  
tertium, *de bonis ecclesiae, Et officio Parochorum circa illa*: de-  
cimum quartum, *de temporibus cultui divino externo constitu-  
tis*: decimum quintum, *de rebus quasi ecclesiasticis, specia-  
tim coniugio*: decimum sextum, *de scholis*: decimum septi-  
mum, *de orphanotrophiis, xenodochiis, Et similibus piis cor-  
poribus*: decimum octavum, *de sepulturis*: decimum no-  
num,

num, *de delictis ecclesiasticis*: vigesimum denique, quod est ultimum, *de iurisdictione Ecclesiastica*.

Nemo existimet, consilium fuisse Viro doctissimo tradendi Ius Canonicum vel Ecclesiasticum, quo nostra aliave utitur ecclesia, eiusque usum distributum monstrandi, ut in quo plurimorum occupari solet opera, qui de Iure Ecclesiastico præcipiunt. Aliud prorsus ipsi propositum fuit. Scribit de iure constituendo, non de constituto. Principia itaque proponit, stabilit, ac vindicat, examinatque secundum ea, an recte nec ne constituta sint, quæ inter Germanos usu vigent, Ecclesiastica iura. Quod ad illa quidem attinet, *Thomafium* imprimis, omnemque adeo eius scholam, confutandam sibi sumsit, utpote quæ, quo liberalior in imperantes, hoc iniquior fuerit in ecclesiam. Neque vero hoc demum opere bellum indicit opinionibus, quæ Cæsareo-Papiae obstetricari existimat. Actum id a se in Prolutionibus, ait, ubi simul demonstrata fuerit falsitas opinionum plurium, axiomatum instar passim receptarum; quarum notabiliores sint: 1) *Iuris Ecclesiastici ambitum solis externi cultus divini terminis circumscribi*. 2) *Cultum Dei externum humani esse arbitrii*; 3) *regimen ecclesiae partem esse civilis imperii*; 4) *illius regiminis nullas iure divino positivo definitas esse partes*; 5) *rationes sacrorum, a legibus, quas — Thomafius & Boehmerus descripsere, discrepantes vel in fraudem abire, vel in tyrannidem*; 6) *iure Pontificio nos uti, etiam quoad capita nonnulla liquido a nobis repudiata*. Cum itaque contraria hæc iam ibidem sint evicta theoremata, se iisdem hic denuo demonstrandis posse supersedere non tantum, sed & illis, ut fundamentis iactis, omnem ideam *Iuris Ecclesiastici rite constituendi* superstruere.

Hæc vero, qualis sit, - ex sequentibus nostri principii, ex universo opere passim collectis atque decerptis, intelligi posse existimamus. Censet autem, notionem Iuris Ecclesiastici nonnisi ex idea *verae* ecclesiae posse derivari: hanc neminem melius adumbrasse atque depinxisse Tertulliano, in Apologetico. Leges enim Ecclesiasticas, non tantum

ex proximis, sed & ex remotioribus ecclesiæ finibus, scilicet ex externo & interno Dei cultu, conversione, æternæque hominum salute, gloria denique Dei, esse eruendas atque definiendas. Fontes itaque Iuris Ecclesiastici esse oracula divina, Ius Naturæ, (quo nomine Noster quævis virtutis præcepta sana ratione cognoscenda intelligit,) ac denique conventiones a quacunque ecclesia consensu legitime declarato initas, nec ulla ratione superioribus illis adversas. Ius Canonicum vero ut retineatur a Nostratibus, nec opus, nec suadendum esse. Ecclesiam universalem complecti omnes vere *fideles*: particularem vero esse quamcunque societatem, veri Dei rite colendi causa, pactis constitutam: verum Dei cultum non tantum internum, sed & externum esse; hunc vero sua natura requirere Symbola Fidei, atque conventus; ex utrisque omnia iura Collegialia ecclesiæ competentia posse facile derivari, ac comprobari: hæc itaque perperam negari, & perperam in iuribus imperii censeretur: neque vero Credenda, divinis oraculis palam definita, a iure ecclesiastico prorsus posse erulare: divisionem receptam statuum, *in den Lehr- Wehr- und Mähr-Stand*, utique esse non tantum adæquatam, sed & utilem. (Nobis neutrum videtur: licet vindicias ab auctore conquistas satis diu pensitaverimus. Vera forte sunt, quæ ille inde infert. Sed vera forent, etiamsi ista divisio nunquam innotuisset). Eodem iure censendam & alteram, in Clericos ac Laicos, hominum divisionem. Neque enim docentium ordinem humano stare arbitrio, sed a Christo divina auctoritate esse constitutum. Ius eligendi doctores penes ecclesiæ socios esse universos: posse tamen illud, turbarum cavendarum causa, in representantes quosdam transferri, dummodo coetui ipsi salvum sit suffragium *negativum*. Ius Liturgiam adornandi, definiendi, mutandique, quatenus scilicet lege divina positiva non sit definita, commune esse tribus illis memoratis ordinibus. Mentio fit quoque distinctionis illius pervulgatae, qua cultum divinum alium publicum, alium privatum, alium denique domesticum-



mesticum dicunt. Sed ut facile quisque intellexerit, quid domestici nomine significetur; ita differentiam, quæ inter publicum & privatum intercedat, si scilicet arbitrium paciscentium atque legislatorum animo præscindas, hic non magis quam alibi definitam, contra quam sperabamus, deprehendimus: quæstiones vero his nominibus agitari solitas, silentio plane preffit Noster. *Potestatem Clavium* sacro ordini esse propriam, nec tamen cum iure *excommunicandi* temere confundendam. Hoc enim coetui universo competere, Ecclesiam Episcopis carere haud posse: esse & eidem ius eos vocandi, eligendi, constituendique; posse tamen & hoc ius Ecclesiæ collegiale, ut fere cetera omnia, in alios transferri exercendum, dummodo caveatur, ne isti eo abutantur: eandem esse originem iuris visitandi Ecclesias; poenas ecclesiasticas conventionales, quas vocant, haud esse omnino reprobandas; bene quoque ac utiliter fieri, quod Theologis in *Consistoriis* locus sit, etc.

Ex his satis forte constabit, qualem Iuris Ecclesiastici ideam mente conceperit Noster, quemque finem proposuerit operi. Tuetur nempe iura collegialia Ecclesiæ cum Canzio, Pfaffio, aliisque, contra eos, qui omnia, quæcunque ab ecclesia fiunt, ab Imperio repetunt: sed tuetur etiam iura imperii circa sacra contra Pontificios: monstrat tandem, ex fine ecclesiæ proprio, qua ratione iura collegialia ecclesiæ, ab aliarum societatum in civitate æque existentium iuribus collegialibus, non possint non distare. In hoc sane acutior illis Ictis fuisse videtur, qui, dum de iure collegiali ecclesiæ disputant, non nisi ad ius societatis in genere animum advertunt. Immo, cum Noster ecclesiam non intelligat, nisi eam societatem, quæ ad Deum rite, i. e. oraculis divinis convenienter, colendum coierit, non poterat non & plurima ex fine *veræ* Ecclesiæ tantum proprio, i. e. ex S. Codice, deducere. Enimvero, licet præceptis a summo numine revelatis obligandi virtutem nemo Christianorum negaverit: nondum tamen constat, ea omnia ac singula in *Ius* posse deduci, & si etiam possint, forte  
inter

inter eos, qui veræ Ecclesiæ socios se profitentur, vix tamen, quoties libertas conscientiae adversus dissentientes tuenda venit, hisce argumentis multum proficiemus.

Diximus haecenus, quid in genere de Iure Ecclesiastico constituendo sentiat Noster. Non substitit tamen in his, sed potius specialiora quoque larga sparsit manu. Hisce tamen fufus commemorandis supersedere facile poterimus. Vix quidquam enim novi in illis deprehendas. Enarrat ea, quae inter Evangelicos in Germania legibus Ecclesiasticis moribusve constituta receptaque sunt. In exemplum proponit inprimis Ius Ecclesiasticum Saxonicum Electorale. Et tantum abest, ut novaturiat, ut potius de eo vel maxime sollicitus fuisse videatur, qua ratione ea, quae nostratibus haecenus probata fuerunt, cum *idea sua Iuris Ecclesiastici recte constituendi* conciliaret, ex ea deduceret, illam his confirmaret, haecque contra acriores quorundam recentiorum notas defenderet. Videtur interdum melius sensisse, quam elocutus est. Videtur etiam propius interdum abfuisse ab aliorum sententia, quam ipse existimavit. In definiendo Philosophorum exactitudinem imitandam sibi proposuit. An satis feliciter, alii viderint. Natus fuisset ad quaestiones Iuris Ecclesiastici enucleandas, si diligentiae par fuisset scientia Iuris universalis. Amavit loqui verbis alienis. Bene prolixa enim loca Thomasi, Boehmeri, Schilteri, Canzii, Pfaffi, aliorum, immo & haud pauca ex *Ordinationibus Ecclesiasticis Evangelicorum*, in suo opere extare voluit. Probat multa Boehmeriana, plura Schilteriana, Canziana & Pfaffiana vix non omnia. Vnus fere Thomasius semper ei vapulat, etiam tunc, quando forte non male sentit. Minus prolixi, immo & lectu minus taediosi fuisset opus, si modo alienorum, immo & suorum, parcius verborum fuisset.

Des jetzigen Canzlers zu Gießen, und Hochfürstl. Hessisch-Darmstädtischen General-Superintendenten, D. Pfaffen,  
Akademische Reden über den Entwurf der Theologie Anti-Deistiae.

i. e.

*LECTIONES ACADEM. CHR. MATTH. PFAFFII, Cancellarii Academiae Giessensis, & Superint. Generalis terrarum Hasso-Darmstadiensium, super Idea Theologiae Anti-Deisticae: deteguntur & confutantur in his incredulorum obiectiones, quas revelationi toto die faciunt.*

Francofordiæ, apud Raspium, 1759. Alphab. 2.  
plag. 8. in 4.

**I**n ea nos Dei providentia servavit tempora, quibus homines, qui se sale & ingenii acumine præ aliis instructos esse iactitant, religioni, quam ipsi profitentur, Christianæ, arietem admoveere, eandemque, quantum possunt, pessumdare conantur. Quamvis autem hæc mala Ecclesiæ Christianæ domestica lacrimis maiora sint; non tamen alto sopore sepulti iacent Viri, de re sanctiore optime merentes. Non intermittit Deus, pro sua bonitate, excitare viros doctos, & castiori religioni bene cupientes, qui causam eius strenue defendendam felici cum successu recipiunt. Inter hos, magno suo merito, inprimis eminet venerabilis *Christoph. Matth. Pfaffius*, eruditissimis copiosissimisque scriptis tam illustris, ut eius nomen venerentur Germani, eruditionem admirentur Galli, Angli, Itali, & quidquid est hominum litterarum amantium. Opus, de quo referre constituimus, ex lectionibus olim Tubingæ habitis, enatum est, prout in præfamine ipse Auctor indicat. Non uno igitur tempore, sed iam ab Annæ MDCCLII. harum lucubrationum delineationes fuerunt institutæ, dum, ex desiderio eruditorum, in hanc, qua iam nitent, formam, cogerentur. Nemo nescit, difficile esse, Deistarum Theologiam, Matæologiam potius dixeris, in certum aliquod atque distinctum systema redigere. Et enim, hi infelicis nominis homines, nullo certo ordine utuntur, sed extra orbitam vagantes, quidquid demum in buc-

M m

cam

cam venit, magno cum hiatu effutiant. Vt igitur hoc melius Deistarum argumenta, hinc & inde obtorto plerumque collo coacervata, intelligantur, Ven. Auctor omnem Naturalistarum matæologiam in certum aliquem ordinem digessit. Pauci omnino sunt, qui Deistarum ratiunculas ex ordine examinarint, atque confutarint: plerique omnes illorum insistant, si quis est, ordini. Unus Ven. *Lilienthalius*, doctor & Theologus Regiomontanus, hanc ingressus est cum illis disputandi viam, in spisso admodum libro, quem, germanico idiomate, bonam causam revelationis inscripsit.

Pag. 3. Laudat Pfaffius hoc institutum Lilienthalii, illumque passim presso pede sequitur, cum totius theologiæ anti-Deisticæ ambitum, decem sectionibus, seu capitibus, absolvit. *Cap. I. p. 1 — 66.* tradit Historiam Deistarum, & recentiores potissimum Deistas, quos Fabricius, in syllabo Scriptorum, qui veritatem religionis Christianæ adversus Atheos, Deistas etc. vindicarunt, prætermisit, paulo curatius recenset, ex ephemeridibus litterariis, etiam peregrinis. Multa in hac commemoratione occurrunt rei momenta, quæ historiam litterariam excellenter illustrant. Nimis prolixum foret, horum Scriptorum hic prodere catalogum. Id saltem monuisse refert, Ven. Auctorem *Io. Craigii* Principia Theologiæ Christianæ mathematica, atro quoque notare carbone, ac fortiter improbare operam, quam in emittenda nova huius libri editione impendit Cl. Titius, Professor Wittenbergensis.

Pag. 23. *Caput II.* sistit obiectiones Deistarum adversus religionis Christianæ doctrinas & mysteria, p. 67 — 138. Communis omnium Naturalistarum sententia, est præiudicata opinio, nihil esse credendum, quod sanæ rationi sit contrarium. Demonstratur hic ex adverso, rationem sobriam cum revelatione non pugnare, quod multis fidei articulis confirmatur. Ita inter philosophiam puram, & Theologiam, nullus est dissensus, quia mysteria, quæ ignorat ratio, plenius exponit revelatio. Si etiam impossibile est secundum rationem, parere virginem naturaliter, hoc est, sine congressu cum viro; non tamen impossibile est, eam super-

pernaturaliter & per miraculum concipere ac deinceps parere. Examinantur ulterius argutiæ adversariorum contra spiritualitatem, omniscientiam, sapientiam, immutabilitatem, & reliquas Dei perfectiones confictæ. Obiiciunt in primis Deistæ tria argumenta, quæ sapientiam Dei imminuere ipsi putant. *Primo* Deum fovisse aiunt fines, de quibus præviderit, illos nunquam esse futuros; *secundo*, Deum non ea elegisse media, quibus fines sine impedimento assequi potuisset; *tertio*, contradictorium esse, Deum protoplastas ad felicitatem designatos tam stupidos creasse ac rudes, ut etiam a bestia, qualis est serpens, decipi potuerint. Diluuntur hæc Deistarum scandala, & solide dissolvuntur. Progreditur Auctor ad reliqua religionis arcana, ad circumcisionem, sacrificia, imputationem peccati Adamitici, et cetera. Prolixe tandem infirmat opinionem paucis abhinc annis a Warburtonio, Theologo Anglo, inepte propositam, Deum in Pentateucho Mosis, doctrinam de præmiis & poenis, post mortem futuris, penitus præterisse. Quam insulsam Theologi, quem decebat religionem defendere, opinionem, Deistis oppido gratam, rationibus satis validis prostravit Auctor. *Caput III.* est de objectionibus Deistarum adversus Theologiam Moralem, p. 138 — 158. Præteritas esse in Decalogo leges plerasque morales, satis impudenter adserunt Deistæ. Porro dicunt, pleraque præcepta moralia, a Christo & Apostolis tradita, naturæ & conditioni humanæ repugnare: qualia sint, de abnegatione sui ipsius, de deferendis fortunis, de vita pro fratribus ponenda, & istiusmodi. Vindiciæ circa has ratiunculas ita instituuntur, ut eadem suo robore, si quod est, ac veritatis specie prorsus exuantur. Tenuēs autem hæc plagulæ nobis non permittunt, argumenta utramque in partem ventilata commemorare diligentius. *Caput IV.* complectitur objectiones adversus vaticinia in codice V. T. tradita, p. 159 — 182. Impugnant insipidissimi homines revelationis divinæ modum, per somnia, colloquia, & visiones aliquando factum: sed demonstratur ab A. discrimen inter somnia, quo-

pag. 75.

pag. 111





rum alia sint divina, alia vero humana, nec non diabolica, quæ in meras abeant phantasias, illusionesque; cum divina contra, ipso rerum eventu se divina sustentarunt inspiratione. Ridiculum porro est Deistarum argumentum, cum aiunt demonstrari nullo modo posse hæc vaticinia ante rerum eventum esse consignata. Evictum enim est, viros Propheticos illis omnino vixisse temporibus, quæ a complemento vaticiniorum fuere remota longius. Heu! quam temere fingitur personarum temporumque fallacia. Nec hic subsistit Naturalistarum insania, sed Christo, eiusdemque legatis, hanc quoque imprimunt maculam, eosdem male ac

p. 277. sq. callide abusos esse Prophetarum vaticiniis, illaque in suam traxisse rem. Hæcce deliramenta, ut everterent veritatem religionis Christianæ, iam dudum attulerant Iudæi, quos solide confutarunt Gussenius in libro Chizzuck Emmunah, & Limborchius in collatione cum erudito Iudæo. Progreditur Auctor in *Capite V.* ad Deistarum impedimenta, in miraculis divinis ex ipsorum quidem persuasione, obvia, p. 293—387. Adferuntur miracula ex V. & N. Testamento, & a criminationibus hostium veritatis vindicantur. Ex amplissima horum miraculorum segete, unicum saltem proferemus, ne hoc argumentum sicco pede præterisse videamur. Commemoratur Num. XXII, 28. asinum Bileamum esse allocutum. Istud miraculum confirmatur N. Testamenti oraculis, 2. Petr. II, 16. & in Epist. Iud. vers. 2. conspicuis. Mirantur nonnulli, nuper admodum Venerabilem *Christoph. Aug. Heumannum*, illustrem Theologum Goettingensem, fama & meritis inclutum, in Interpretatione nova duorum Scripturæ Sacræ locorum, Num. XXII, 20. seqq. & Ioh. X, 11. seq. Hanoveræ 1758. edito, veritatem huius miraculi negare esse ausum. Rem inter Bileamum & asinum gestam, pro mero ille habet somnio. Ab hac tamen Heumanni V. Cl. nova interpretatione longius recedit Pfaffius. Transit Auctor in *Capite VI.* ad facta quædam in codice sacro commemorata, quæ omnem excedere fidem videntur, pag. 388—440. Huius com-

p. 352. matis

matris sunt, descriptio paradisi, historia de costa Adamo dempta, de loquela serpentis, & sic porro. Prior obiectio facile corrui, si consideres, orbis situm post diluvium sine dubio esse mutatum; nec incredibile est, si alterum species, primum hominem Adamum dormiisse, neque dolorem sensiisse; ad tertiam quod attinet obiectiunculam, in confesso est, ex ipsa poena serpenti imposita, serpentem tantum fuisse diaboli instrumentum, quare illa poena duplex fuerit, altera ad serpentem, altera vero ad seductorem pertinens. Innumeræ adhuc adducuntur Deistarum obiectiones, sed pleræque tam ieiunæ sunt atque levidenses, ut vix aliquam mereantur confutationem. *Caput VII.* commemorat nugæ atque calumnias, quibus Naturalistæ onerant Patriarchas, Mosen, Davidem, quin immo ipsum Christum atque Apostolos, pag. 450 — 533. Nihil non convitiis in hos sanctissimos viros evomunt, illorumque fraudulenter arrodunt sanctitatem. Davidem inprimis nobis sistunt tam deformem, ut monstrum illum potius dixeris, quam hominem. Tanta est horum homuncionum vefania! Librum porro, qui appellatur Canticum Canticorum, pro libro quodam habent amatorio, atque obsceno. Per multa vero huic calumniæ obstant argumenta. Etenim hic liber semper pro libro divino ac canonico ab Ecclesia Iudaica est habitus. Sensus porro divinus nullo modo cum pia pugnat interpretatione. Ex his igitur, quæ hoc loco parca manu adduximus testimoniis, facile colligitur, quibus criminationibus Christus, eiusque legati, proscindantur; sed ab iis recensendis, religione ducti, modeste abstinemus. *Caput VIII.* eruit difficultates a rebus Astronomicis inprimis petitas, pag. 534 — 548. E multis, quorum mentio fit, miraculis, sumamus illud, quo sol & luna stetisse dicuntur. Deistæ hoc miraculum cum fabula Muhamedis comparant. Narratur enim in Corano, hunc impostorem, lunæ, ut se demitteret, aliquando imperasse. Peperit vero hoc miraculum inter Astronomos ac Mathematicos sententiarum divortia, iam emittenda. Elegit, quem supra exci-

tavimus, Ven. Neumannus, novam interpretationis viam, adferens, verba  de sole, &  de luna usurpata, nihil aliud significare, quam silere, ita ut sensus sit, solem & lunam observasse silentium; quo verbo *filere* utantur Scriptores profani de splendida solis & lunæ luce. Sensus itaque erit, radios solis & lunæ tam splendidos fuisse, ut victoriæ inservire viderentur. Quæ si admittatur interpretatio, siderum cursus non fuit impeditus; nec in *totum*, sed in *tantum*,  $\tau\acute{o}$  stare solis & lunæ est admittendum. Non prorsus alienus est Ven. Pfaffius ab hac sententia.\* Descendit deinceps in *Capite IX.* ad ea, quæ in Scriptura Sacra videntur esse contradictoria, p. 549 — 560. Deistæ has contradictiones in rebus dogmaticis, ethicis, historicis, sed & propheti-  
 pag. 536. cis potissimum, quærunt. Unicum tantum adferemus exemplum, ex Matth. V, 17. peti- tum, ubi dixit Christus se non venisse ut dissolveret legem. Rident ad hæc Deistæ, aiuntque, hæc cum veritate pugnare: sed dextre respondetur, Christum hic loci agere de lege morali, non autem ceremoniali, quam implevit, ac eo ipso extinxit. Stat adhuc legis moralis auctoritas immota, soluta lege ceremoniali, nonnisi ad certum statum, conditionem, & tempus, genti Iudaicæ data. Finem operis facit *Caput X.* de obiectionibus contra inspirationem certitudinemque Scripturæ Sacræ inscriptum, pag. 561. ad finem. Aggrediuntur armata quasi manu Deistæ libros sacros, eosque satis audacter spurios nominant. Tela inprimis in Mosis Pentateuchum conii- ciunt, quod Ioannes quoque fecerat Clericus. Contrahenda vero iam sunt vela, siquidem in alia rei argumenta excurrere, angustiae huius scriptionis non permittunt. Dignum cetero- quin est hoc Ven. Pfaffii opus, eruditum iuxta ac perpoli- tum, quod ii omnes, qui religionem Christianam contra argutias Deistarum defendunt, diligenter legant, atque in usus convertant suos.

*MEMOIRES CONCERNANT CHRISTINE, REINE  
 de Suede, pour servir d'Eclaircissement à l'histoire de  
 Son*

*Son Regne, et principalement de sa Vie privée, et aux Evenemens de l'Histoire de Son tems, civile et littéraire: contenant entre autres un Ouvrage de cette savante Princesse sur sa propre Vie: de même qu'une courte narration de ce qui s'est passé depuis la mort de Gustave Adolphe Son Père, jusqu' au tems qu'elle resigna la couronne: comme aussi un Abregé de l'histoire de son propre Regne, composé par ses ordres, et accompagné de ses remarques; ses Negociations, son Commerce de Lettres, ses Instructions données à ses Ministres, depuis l'an 1657. jusqu' à sa mort, etc. Le tout accompagné de Remarques. Enfin on y a ajouté quelques autres traités de la Composition de la Reine.*

*Vincet Amor Patriæ. —*

Virgil. *ÆN.* L. VI. v. 823.

**TOMVS III.**

Amstelod. ap. Io. Schreuderum, & Petrum Mortier iun. 1759. Alphabeta 3. quaternis, cum mappa Geographica ad belli tricennalis epocham eam, qua Gustavus Adolfus & Christina Germaniæ incubuerunt.

**Q**uod in his *Actis* Nostris professi olim sumus, (Anno 1753. mens. Maio & Octobri,) cum duos priores egregii istius Operis Tomos recenseremus, nempe, egregie iuvari hoc *Arckenholtzii*, Viri illustris atque doctissimi, studio, non Christianæ solum reginæ, sed omnem propemodum eius temporis historiam: hoc eo lubentius iterum profitemur, quo sunt ea omnia, quæ hoc tertio Volumine continentur, exquisitiora, & ad argumenti aliquam seriem omnino pertinentia; quoque erat verendum magis, ne interirent, aut doctorum hominum oculos fugerent, quæ hic Editor ab Eminentissimo Romanæ Ecclesiæ Cardinali, Albano, monumenta nactus est. Summo igitur iure, tanto litterarum Patrono, Albano Cardinali, Editor hunc  
Tomum

Tomum inscripsit, quod eius Bibliothecæ debentur Supplementa hoc loco proposita. Iam, quæ sint, ordine, Voluminis istius bona, videamus.

Sunt igitur: I.) *Vita Christianæ Reginae*, ab ea ipsa descripta, octo annis ante, quam mortem Romæ oppeteret. Deo dicavit, quod hic de se scripsit; estque tota oratio grandis, & pudica, tributa in Capita IX, quibus exponitur de Regno Sueciæ in universum (Cap. 2.); de initiis religionis Christianæ in Suecia (Cap. 3.); ubi tamen in calculo error est: non enim a. 940. demum religio christiana apud Suecos recepta fuit, sed iam, fatentibus omnibus, anno 829. Anscharius, monachus Benedictinus, Regem Sueciæ Bioerner, Ludovico Pio intercedente, permovit, ut posset libere prædicari in Suecia Christus. Quæ eodem hoc capite de Lutherana hæresi Sueciæ inducta, suæ ipsius gentis opprobrio, scribit Regina, talia sunt, ut videatur Romanæ curiæ, a qua fovebatur cum hæc scriberet, obtrudere palpum voluisse. Reliqua capita sunt de Christianæ maioribus, nativitate, infantia, atque educatione; qua occasione Patris sui imaginem regina pulcre delineavit p. 30: de rebus iis, quæ mortem Patris subsequutæ sunt: de regni initiis Christianæ: de studiis litterarum; quo loco, quæ de moribus suis regina scribit, p. 56. legi merentur: de administratione regni, regina matre exclusa. Super qua re ita scribit Christina: *Mon sentiment est, que les Femmes ne devoient jamais regner; et j'en suis si persuadée, que j'aurois ôté sans doute tout le droit de succession à mes Filles, si je me fusse mariée. Car j'aurois sans doute plus aimé mon Roiaume que mes Enfants, et c'est le trahir que de permettre, que la Succession tombe aux Filles. — Il est presque impossible, qu'une Femme se puisse acquitter dignement des devoirs du Trône, soit qu'elle gouverne pour elle même, ou pour son pupille. L'ignorance des Femmes, la foiblesse de leur ame, de leur corps, et de leur esprit, les rendent incapables de regner. —* Paradoxon istud Arckenholtzius, Elisabethæ, Anglorum reginæ, & Amaliæ Elisabethæ, Hassiacæ, exemplis, (poterat vero



vero & aliis multis, e veterum atque nostrorum temporum memoria,) pulchre confutavit. Hic finis est eorum, quæ de vita sua Christina prodidit. Sequitur

II.) *Rerum gestarum, a morte Gustavi Adolphi, ad abdicationem Christianæ, anno 1654. factam, historia.* Ad extremum autographi, qui fuit Reginae ab epistolis, *Guldenbladius*, adscripsit, quæ essent in margine adnotationes, eas esse a manu Reginae. Neque invidit eas Lectoribus *Arkenholtzius*. Recensentur igitur hic potissimi eventus, secundum annorum seriem. Concinnæ omnes sunt, atque elegantes, Reginae adnotationes. Nihil unquam ingeniosius scriptum est a persona regia. Eas autem adnotationes ab ipsa Regina esse, eaque sola, etiam ipsa res loquitur. Admischentur iis adnotationes prolixiores Celeberrimi Editoris. Crebra in iis vestigia veteris odii Danorum. Magis adhuc invisus Saxo, propter Directorium rei Protestantium, & Pacem Pragensem. Atris hic coloribus, neque tamen decebat, describuntur, Elector Iohannes Georgius I. & Administer eius, Arnheimius. Fata Messeniorum, eorumque vera causa, graphice describuntur pag. 166. sq. Ampla deinceps relatio, de Abdicatione Reginae inseritur: quam excipit pag. 180. Mappa Geographica, qua designantur loca, ad quæ durante bello tricennali a Suecis depugnatum est; urbium item ac munimentorum, quæ Sueci, occupata armis, pacis Westphalicæ tempore in Germania tenebant, auctore *Matthæo Seuttero*, Geographo Imperiali. Habet eam & Dom. *de Meiern*, in Historia Pacis Westphalicæ Tom. VI. ad calcem præfationis, sed tam mendosam, ut neque nomen Lucenæ, oppidi, ad quod Adolphus, fortiter pugnans, occubuit, exhibeat. Sunt post hæc

III.) *Commentarii de iis quæ gesta sunt regnante Christina*: iterum cum adnotationibus reginæ ipsius. Auctor istorum Commentariorum, sine dubio est Scriba Reginae, *Galdenblad*. Stilus fere tenuis, neque narrandis rebus tantis accommodatus, qualis in Historia superiore etiam

regnare nobis videbatur. Notæ Reginae & Arkenholzii breviusculæ sunt, illustrando tamen contextui apprime utiles. Series chronologica commentariorum ab anno 1633. usque ad annum 1654. procedit. Pag. 212. occasione Instrumenti Pacis Westphalicæ observat Ill. Editor, se Domino de Meiern indicasse, quod in Authentico Pacis Osna-brugensis, Holmiæ servato, sint rasuræ quædam & corre-ctiones vocum, quas Lambergius Comes, unus e Legatis Imperatoris ad paciscendum, sua manu, videntibus atque consentientibus Legatis reliquis omnibus, fecisse creditur. Ad pag. 218. adnotat Arkenholzius, quod vulgo scribunt, & nuper admodum *Koelerus*, in Hist. Imperii p. 569. con-fidenter scripsit, 5. Milliones thalerorum, a 7. Germaniæ Circulis, ad pacificationis præscriptum Sueciæ solvendōs, solutos constituto tempore fuisse, id quidem certo non con-stare; absurdum igitur esse, quod vulgo aiunt, Christinam omnem eam summam suis deliciis impendisse. Hoc contra fide dignis testimoniis evinci, Electoribus, Moguntino & Palatino, itemque Hassiæ Principi, reipublicæque Ulma-næ, maximam summæ partem, quam solvere receperant, remissam fuisse. Bavarus de solvendo ne cogitavit qui-dem, tutus forte paroemia: procul a love, procul a ful-mine. Sequuntur

IV.) *Negotiationes et Commercium litterarium Christianæ*, a pag. 225. usque ad finem Voluminis, ab anno 1654. quo regno se abdicavit Regina, ad annum 1679. Præmit-titur ab Ill. Editore quædam quasi Introductio, ut, quæ consilia istis quidem Litteris & negotiationibus Christina foverit, pateret eas ipsas lecturis ante, quam legerent. Pen-debat Regina, post abdicationem suam, inter fidem popu-larium suorum, labefactatam bello Polonico, & benevo-lentiam Aulæ Romanæ; ita tamen, ut difficulter videretur privatae vitæ adfuescere, certe difficilius, quam Quintus olim Carolus, immortalis memoriæ Imperator. Cultui Pon-tificiorum cum se addixisset, multis modis eum in Suecia non solum, sed & in Dania, atque in urbe Hamburgo, etfi incassum,

incaſſum, conſtituere allaboravit. Bis rediit in Sueciam; altera vice, non ſine inſigni taedio, repulſa e regni finibus; Hamburgi item anno 1667. plebis inſultibus, etſi ſuo aliquo merito, expoſita. Exantlatis deinceps mille moleſtiis, quum in tuto collocaffe ſibi videretur redditus annuos e Suecia, adſpirat ad Regnum Poloniae, quo ſe tum abdicatum ibat Rex Iohannes Caſimirus. Eduntur hic, pag. 338. ſqq. Acta Negotiationis huius, quae, quod ſciamus, publice adhuc propoſita a nemine ſunt, imo neque ſuſpicatus eſt quiquam. Digna in his lectu inprimis eſt totius negotii iſtius, (quod clam Principibus Europae reliquis, ſolo Pontifice conſcio, inſtituerat,) expoſitio, tradita Mandatario ſuo, P. Hackio, Ordinis Ciſterciensium Monacho. Legitur autem a pag. 340. uſque ad pag. 347. Deinceps pag. 375. ſq. ſunt reſponſa reginae ad ea obſtacula, quae Poloni electionem Chriſtinae impedire dicebant. Sexum obiecerant, & coelibatum: ad utrumque regina pulchre reſpondet; niſi quod fallitur in hoc, quod, quae Iagelloni deinceps nupſit, Hedwigen, Ludovici Magni, Hungariae & Poloniae regis filiam *unicam* dicit, cum ſoror eius, primogenita, Maria, Hungariae regina, coniux Sigismundi Imperatoris fuerit. Pagina 367. proponitur Breve Pontificis, Clementis IX, ad Praelatos, Senatores, atque Nobilitatem Polonicam, ſuper eligenda Chriſtina. Pagina 386. memorabilis eſt Reginae reſponſio ad obiectiones, P. Hackio, a Polonis, cum in Comitibus ſuper eligendo Rege conſulerent, factas. Sunt in his obiectionibus res tales, quas non poterat non regina, ſatyrica dictione, (qua legenda difficulter riſum teneas,) proſequi. Sed tamen irrita ſpes reginae fuit, electo in regem Michaele Koributh Wiefnowitzky. Qua in re, aut decepta a Romano Pontifice commentitia commendatione Regina; aut, ſuo more, hoc ſollicitius elaboravit, quo difficiliorem ſciret, atque adeo incertioſiorem, propoſiti conſilii exitum. Pag. 466. ſq. relatum legimus, reginam Chriſtinam, beneficio Clementis X. Pontificis maximi, Monasterii S. Briggittae, (Chartae veteres ut plurimum Birgittam nominant,)

quod Romæ est, Protectionem suscepisse. Regio Suecorum sanguine nata fuit Brigitta hæc, mortua Romæ anno 1373. sanctis accensa 1391. Biblia in veterem sermonem Suecicum verti iusserat, quod nondum satis perita esset latinæ linguæ. Celebrantur eius revelationes, quas dicebat habere se ab Angelo. Sunt autem excusæ typis aliquoties, atque inter eas tales, (in primis quæ ad Sueciam pertinent,) quæ inspirationem mentiuntur. Pag. 492. & seq. narratur, Status regni Galliæ administros, odio Christinæ, edi curasse anno 1676. *Memoires tirés des Dépêches du Sieur Chanut, par Linage de Vauciennes*; quo libro vita antea Regina teterrimis coloribus depingebatur, amoribus etiam recensitis. Ea omnia calumnias declarat Regina, & Bourdelotium, (quem Legatum in Gallia aiebat,) per Epistolas, quæ hic leguntur, monet, ut ne desistat urgere impostoris, si quidem detegatur, coërcitionem. Quid Cardinali Bullioneo in Galliis, in favorem religionis Pontificiæ in Regno Sueciæ, & ratione reddituum suorum, in commissis dederit, legitur pag. 500 seq. Reliqua Voluminis huius ea concernunt, quæ in Pacificatione Noviomagenfi anno 1679. pro se decerni vehementer cupiebat. Facile vero ex iis, quæ nos non selecta, sed ut quæque incurrerunt in oculos, hic proposuimus, intelligitur, quam egregium Opus erudito orbi illustris Editor largiatur, quod & propter Sueciæ Reginam Christinam, cuius ita res gestæ in clarissima luce collocantur, & propter rerum, quas nemo unus Scriptorum prodidit, memoriam, lubenter & cupide legent, quotquot historiarum amantes sunt. Nos profecto vehementer cupimus, ut *Quartus Tomus* Operis, qui futurus est ultimus, atque ad finem vitæ Christinæ Reginæ pertinet, quantocyus prodeat, ut illustri *Arkenholtzio*, non instituti solum Operis, sed etiam absoluti, gloria frui liceat. Sunt in Bibliotheca Academiae Lipsiensis Epistolæ Grotii, cum esset Legatus Lutetiæ Parisiorum, ad Christinam & Regni Procures latine scriptæ. E quo Codice Epistolarum si quid volet Ill. Arkenholtzius depromere, non credimus negaturam Academiam. **COR-**

**CORNELII NEPOTIS VITAE EXCELLENTIUM**  
*Imperatorum, e recensione atque cum Animadversionibus*  
*Ioh. Andreae Bosii: libellum variarum Lectionum et*  
*praefationem addidit IOH. FRIDER. FISCHERUS.*

Lipsiæ, in libraria Veidmania, 1759. Alph. I.  
 pl. 6. in 8vo.

**Q**uod nuper Fischerus V. C. cepit, cum elegantioribus litteris saluberrimum, tum bonis & doctis viris gratissimum consilium, foedissimas sordes, quibus, irato Apolline, & indignantibus Musis, Minellii, Iunckeri, Stubelii, reliquorum eiusmodi capitalium Criticorum inepta diligentia, pulcherrima veterum Scriptorum monumenta conspurcavit, abolendi, atque e conspectu oculisque iuvenum quam longissime removendi, nondum abiecit; neque ut posthac abiiciat hoc magis est optandum, quo maius & incommodum, & dedecus, a puerilibus hisce & ridiculis conatibus in bonas litteras redundavit. Neque enim quemquam, nisi iniquum, & negotii, de quo agitur, imperitum, Virum doctum non magis sibi, quam litteris, honorificum laborem suscipere, negaturum esse arbitramur; neque illi ea de causa succensurum, quod *Scriptorum Latinorum sancta et veneranda monumenta ab impuris manibus et profanis ingeniis* eorum, quos modo nominavimus, hominum, *violata esse* dicit, notasque Stubelianas *pestes litterarum* appellat; aut nobis etiam, qui lubentissime illi assentimur. Quemadmodum vero nuper Cl. Fischerus Ovidium & Iustinum sic edidit, ut cum tironibus, tum iis qui longius in his studiis progressi sunt, consuleret; atque, ut mediocri ære bonum sibi quisque interpretem parare posset, efficeret: ita etiam, nec dissimili ratione, in Cornelio edendo versatus est. Verba ipsa expressa sunt ex altera Bosii editione, quam non immerito Vir doctissimus priori praetulit. Diligenter enim secunda vice Cor-



nelium recognovit *Bosius*; suas animadversiones auxit & emendavit; quæ in priore editione sibi minus probabantur, omisit; alias denique, & meliores fere lectiones, in priorum locum suffecit. Eiusdem *Bosii* animadversiones integræ, ex eodem exemplo, subiectæ sunt. Non opus est, ut in his laudandis commendandisque longiores simus, cum *Bosiana* editio prope omnium manibus teratur, sitque vel ex Volumine Epistolarum, *Bosii* manu scriptarum, (quod est in Paulina Academiæ nostræ Bibliotheca,) cognitum, quam solerter doctissimos quosque viros, antequam Scriptorem eum ederet, super variis locis, in quibus clarum ipse non videret, consuluerit. Unum dicimus, uberrima accuratæ eruditionis copia illas efflorescere; diligenter testimonia aliorum auctorum laudari; de lectionibus iudicari acutissime; denique non solum verba Nepotis, sed etiam orationem atque historiam egregie illustrari. Quare etiam suo iure *Bosius* a *Fischero* *sospitator et servator Nepotis* appellatur. Sequitur dein index idem, quem ex *Boecleriano* excerptum, editio *Staveriana* altera exhibet, non ille quidem omnibus numeris absolutus, sed utilis tamen. Additus est etiam libellus variarum lectionum, e libris cum scriptis, a viris doctis excussis, tum editis antiquis, a *Fischero* V. Cl. institutus. Contulit inprimis cum reliquis, & editionem primam *Iensoni*, quam ipse *Fabricius* ignoravit, quam nullus adhuc Editorum Nepotis evoluit, quam solus *Metarius* laudavit; & item aliam, quam seculo decimo quinto, anno fortasse extremo, adornatam esse suspicatur. Est illa formæ quadripartitæ, & tota fluxit ex *Iensoniana*, nisi quod *Catonis* & *Attici* Vitas, quæ in illa desunt, exhibet, multis ceteroquin operarum vitiis contaminata. Exstant in illa epistolæ tres: *Petri Corneri* ad *Theodorum Platum*: *Iac. Becheti* ad eundem *Platum*: *Francisci* denique *Philelfi*, (celebris illius decimo quinto Seculo Grammatici, Poetæ, Oratoris, Philosophi, cuius gram-

matica

matica scientia barba constitit Timotheo,) Mediolano ad Platum scripta. Quare Fischerus hanc editionem in eadem urbe curatam esse coniicit, & Mediolanensem appellat. Excerpsit deinde lectiones diversas, Vitæ Catonis & Attici, neque contemnendas eas; exemplo usus, quod forma maxima Brixiae, cum Vitæ Plutarchi, anno nono & nonagesimo Seculi quinti decimi, prodiit. Inspexit denique diligenter editiones Aldinam, Stephanianam, Argentoratensem in ædibus Schureriis absolutam, Parisiensem ab Ascensio curatam, Venetam Asulani, Coloniensem Ioh. Gymnici, sive Longolianam, Lambinianam, Keuchenianam, Gebhardianam, Boeclerianam, Heusingerianam, & Staverianas. Neque tamen his excussis, omnes Nepotis editiones excussas esse fatetur Cl. Fischerus. Non fuit illi copia Iuntinae, non Parmensis, anno octogesimo Seculi decimi quinti editæ, non Brixianæ, a Iacobo Britanico anno duodecentesimo curatæ, non Venetæ, anno undecentesimo adornatæ, non Ingolstadiensis, qua Schoppius usus est, nec Ultraiectionæ, a Canteris Cauchiisque, ut Schottus putat, curatæ. Raro enim, ut in aliis rebus, sic in hoc negotio, se tam benignam fortuna præbet, ut nihil, quod optemus, relinquatur. Coronidis loco imposita est Cl. Heusingeri, de codice Guelpherbytano & fragmentis duobus Cornelii, dissertatiuncula, cuius nos nuper mentionem fecimus. In præfatione, quæ copiose & eleganter scripta est, quasi historiam quandam editionum Cornelii Editor proponit, nec nudam hic aut exsanguem anni, typographi, editoris, formæ, commemorationem exhibet, sed primum codices manu exaratos, quibus Italia, Germania, Hispania, Britannia, Gallia superbiunt, enarrat; deinde de libris impressis ita exponit, ut iis prætermisissis, quorum editores aut repetierunt priores, aut nullam in notis lectionis atque Critices rationem habuerunt, ut Celarius, ut Chytræus, ut Curtinus, alii; ut igitur, quibus  
e fon-

e fontibus quæque editio derivata sit; quales illa lectiones exhibeat; quomodo in inspiciendis comparandisque codicibus editores versati sint; quam fidem, quam diligentiam, in reddendis & recensendis Cornelii verbis adhibuerint; an denique, & quænam lectiones ex coniectura natæ fuerint, & admixtæ, hæc omnia accurate ostendat. Hæc sunt virtutes Editionis huius, & prærogativæ, quas agnoscant qui propius eam inspicere, & componere cum aliis bene multis, voluerint. Vehementer optamus, ut Cl. *Fischerus* in hoc, utili magis, quam iucundo labore, strenue pergat; neque, virorum doctorum laudem, & reipublicæ eruditæ plausum, laturum eum esse dubitamus. Videtur enim nobis, quod *Horatius* de poetis dixit, idem de veterum Scriptorum editoribus dici posse:

*Si mala condiderit quis — mulio furque  
Audiat, haud renuo, si quis mala: sed bona si quis  
Condiderit, sano laudetur iudice. —*



# NOVA ACTA ERUDITORUM,

*publicata Lipsiae*

*Calendis Iunii Anno MDCCLIX.*

*Pars I.*

*DELECTUS COCHLEARUM, CONCHARUM,  
aliorumque Animalium crustaceorum. Auspiciis et iussu  
Augustissimi Regis, omnia ad naturae veritatem picta.  
In aes incidit et coloribus suis illuminavit  
FRANCISCUS MICHAEL REGENFUS.*

*Hafniae, 1758. fol. Alph. 1. F. 13.*

**C**um multi hoc seculo nostro laboraverint mira diligencia, et pari felicitate, in rerum naturalium figuris ad naturae veritatem non modo caeli solertia, sed etiam colorum imitatione, exprimendis; tum vero nemo felicior in eo genere fuit *Franc. Michael Regenfus*, cui operis, cuius titulum posuimus, et institutionem, et absolutionem debemus: adeo ille non modo caelum, sed multo etiam magis colores omnes in potestate habet, ut species corporum naturalium, e vivis exemplis ductas, in chartas conferat eiusmodi, quae ita cum ipsa natura certare possint, ut si quis non satis attendat, aut moneatur, ipsa naturae opera in charta disposita putare, et gratissimo errore circumveniri possit. In quo fortunae favor bene respondit ingenii manusque artificis felicitati. Neque enim res tanta, ac tanti fumtus, perfici, certe non tanta cum magnificentia, potuisset, nisi Magni et Sapientissimi Regis,

O o

*Daniae,*

*Daniae*, FRIDERICI V, digna regis animo liberalitas, se promptam praebuisset artificis institutis, nulli parcens impensae, dum hoc tale opus quam pulcherrime et magnificentissime prodiret, quod ad feros posteros et munificentiae regiae, et felicitatis temporum, monumentum pulcherrimum, et imitatione dignissimum fore confidimus: praesertim cum etiam dimissa sint eius exempla in omnes terrae, qua literis honos est, partes, etiam ad nostram Academiam, quarum tacito quidem sed clarissimo praeconio ea liberalitas celebraretur. Sed planius de operis descriptione et ratione dicendum videtur.

Habet igitur haec pars tabulas figurarum, apte, et ad aspectum pulcre dispositarum, duodecim, et earum interpretationes germanicas et francicas, auctoribus *Kratzensteinio*, Physices Professore, et *Spenglero*, Viris clarissimis. In ordine ipso conchyliorum nullam certam legem secutus est artifex, cum nec operis ratio id pateretur, nec necessitas aliqua cogeret. Nam et omnino arbitrarius est ordo in his rebus, nec ad docendos tirones comparatum est hoc opus, quorum memoriae redigendis ad certa genera conchyliis consulitur. Ipsae conchyliorum descriptiones, nec longitudine, nec obscuritate fatigant lectorem, ita temperata re universa, ut et diligentiae doctorum, et studio ceterorum satisfaceret. Operi universo praemissus est *primo* Index librorum, qui ad hoc genus rerum naturalium explicandum illustrandumque pertinerent, haud paullo locupletior et absolutior iis, qui antea a *Lessero*, *Adansono*, aliisque dati erant. Ei subiecta est *Notitia Museorum*, cum regionum, in Dania, tum privatorum, in quibus conchyliorum inprimis selecta copia reperitur, longe eminente inter omnia regio, quod a *Friderico III*, medio seculo superiori, institutum, illatis museis *Rosenburgico* et *Gottorpiensi*, denique sub rege superiori *Christiano VI. Anderseiano* e Batavis, ita auctum est omni genere et copia conchyliorum, ut vix quicquam ei par uspiam, aut locupletius et absolutius reperiatur. Quanquam et alia duo regia

Musea



Musea sunt, alterum ab ipso rege, sub quo nunc beata est Dania, institutum in *Arce Carolinae*, in quod ex omnibus Danici imperii partibus rerum naturalium exempla congeruntur, demonstrationibus physicis servitura; alterum Augustae, *Iulianae Mariae*, quod illa otii regalis pulcerrimum oblectamentum sibi paravit. His copia, delectu rerum, proxima sunt amicorum regionum, et Maecenatum illustrissimorum, Comitis *Holsenii* et *Moltkii*, denique ill. *Tottii* Musea, cum aliis generibus rerum visendarum, tum conchyliorum exquisita multitudine conspicua. Itaque haec est gloria Hafniae verissima, ut in hoc genere gazarum principatum teneat. Hanc notitiam excipit erudita praefatio, explicans primum breviter modum et rationem conchyliorum, bene, et ad usus non modo physicos, sed etiam vitae humanae accommodatae, tractandorum; deinde historiam huius generis, eruditorum cura et studiis tractati, tradit, initio facto ab *Aristotele*, qui in ceteris animalium generibus etiam testaceum attigit: quod etiam *Dioscorides*, sed, qua medicum usum, *Aelianus*, *Athenaeus*, et *Oppianus* fecere. Paullo diligentior his est *Plinius*, in Historiae Naturalis admirando opere, descriptis passim exquisita et vix imitabili elegantia conchyliis, eorumque natura et varietate. Sed quo exquisitius est, ut in rebus ipsis naturae, ita in iis describendis, ingenii artificium, hoc minus mirandum est, si barbaries, quae per tot secula dominata est late, totum hoc genus, omninoque naturam rerum, neglexit, et horridis Metaphysicae cuiusdam spinis contenta fuit. Sextodecimo demum seculo vertente, cum ceterarum doctrinarum barbaries fugata esset, rediit naturae operum, in his conchyliorum cognoscendorum, studium, per *Bellonios*, *Rondeletios*, *Columnas*, *Gesneros*, *Aldrovandos*, *Nirenbergios*, et alios. Sed longius rem provexere *Rupersfortius*, *Tertraeus*, externa conchylia complexi, et *Ionstonus*, cum *Caroletono*, qui superiorum observata in ordinem redigere tentarunt; ut *Bartholinum* et *Vormium* mittamus. Sed horum diligentia observandi fere in externis consumpta

erat. Succedere, qui etiam ad interna penetrarent, et interiorum animalium talium fabricam et structuram rimarentur, in his *Robertus Hokijs*, *Th. Willsius*, *Io. Jac. Harderus*, et longe principes *Suamerdamus* et *Lifterus*. Sed descriptio quaedam, et ordo rerum elegans, deerat. Ad hanc ergo etiam partem adiungere studium plures, *Io. Eberardus Rumpfius*, Germanus natione, mercator et senator insulae Indicae *Amboinae*, *Hebenstreitius*, *Kleenius*, *Breinius*, *Linnaeus*, et alii. Sed nihil praestantius est operibus *Gualteri*, *Pisani*, *Argentoppidani* (*Dargenville*), et nuperrimi scriptoris *Adansoni*, cui Historiam conchyliorum incomparabilem debemus. De quibus omnibus, eorumque in hanc partem historiae naturalis meritis, breviter et perspicue traditur. Sequitur elegans et perspicua institutio, de hac parte historiae naturalis recte tractanda et cognoscenda, quae et in illis operibus, et in hoc ipso *Regefusiano*, bene et fructuose cognoscendo plurimum proderit. Ea, cum compendiarum ipsa sit, in compendium mitti non potest commodè, nec id est huius instituti nostri. Nec vero expectabunt Lectores nostri, ut aut singula genera, quae in hoc opere expressa et descripta sunt, enumeremus, et ipsi describamus. Commodè autem factum est, ut unicuique tabulae subiiceretur indiculus latinus omnium generum, quae in tabula quaque visuntur: ductus fere e *Linnaeano* opere, quo adiuto facile erit cuique harum rerum studioso ea ad ordinem *Linnaei* V. C. redigere.

Ceterum, has imagines intuentibus veniat fortasse in mentem admirari inexplicabile artificium, et summam pulcritudinem, quam in his tam levis utilitatis animalibus consumpsit natura. Sed res magnae, sua vel magnitudine ipsa, vel utilitate, satis movent sensus animosque humanos: res minutae, et non admodum utiles, talibus illecebris voluit Deus hominum studiis commendare: nec aliam magis ob causam ita institutum est divinitus, ut, quemadmodum *Plinius*, ille historiae naturalis conditor, ait, natura nusquam magis, quam in minimis, tota sit.

DAV.

*DAVIDIS MILLII MISCELLANEA SACRA, Iesaiæ Cap. LIV, Psalmos CXXI et CXXII, aliaque argumenta, tam Theologica, quam Exegetica, enucleantia et exponentia. Inter illa eminent duæ dissertationes, quarum altera demonstratur Obligatio hominis Christiani ad S. Coenam: altera complectitur Errores Viro- rum doctorum in delineando Tabernaculo Moysi: figuris aeneis illustrata et ornata: binis Orationibus adiectis.*

Amstelod. ap. Adrianum Wor, A. C. 1754. Alph. 3.  
plagg. 10. quaternis.

**Q**uo minor semper bonorum sacrarum litterarum interpretum numerus fuit, et quo pauciores nostra quoque aetate inveniuntur, qui studio artis interpretandi libros divinos teneantur, magnis forte eius difficultatibus deterriti: eo maioribus apparet dignos esse laudibus hos, qui omnem operam, omnem industriam, omne studium, collocent in explicandis veri Dei Oraculis, praefer- tim quum horum interpretatione omnis Christianorum theologia, veluti fundamentis aedificium, nitatur, quibus convulsis et everfis corruat simul omnis atque concidat re- ligio. In numero huiusmodi interpretum fuit *Davidus Millius*, humanis nuper rebus ereptus, Vir, quod e libris eius facile intelligatur, linguarum orientis valde peritus, qui et veterum et recentiorum scripta diligentissime legis- set. Ratio, quam sequutus est in interpretando, haec est. Primo de consilio scriptoris quaerit, ut videat lector, qua de re in *ῥήσεις* sacrorum librorum quaque exponatur: dein- de *ῥήσεις* singulas describit et dissecat quasi in membra at- que particulas minores, *ἀνάλυσιν* vulgo vocant: tum sus- cipit interpretari ipsa verba, ita ut leges Grammaticae, usumque et consuetudinem loquendi sequatur, et neque somniorum visa ac vocem audiat, neque furoris impetu abripi se patiatur: denique si locus, quem enarrat, e libro

Veteris Testamenti prophético est, docere solet, quæ res Novi Testamenti fuerit a Vate, divino instinctu atque afflatu, prædicta; sensus mysticus vulgo dicitur. Quod ut laudari probarique potest, si res illa est vel a Christo, vel ab Apostolis ipsis, quasi digito demonstrata: ita valde lubricum idem, perincertum, atque periculosum, vanum certe, arbitramur, si quis proprii ingenii commenta in eo amplectatur; inprimis quum Novi Testamenti temporibus nihil acciderit et adhuc accidat, cuius non vestigia quaedam in libris Veteris Testamenti deprehendantur. At ea omnia in mentem venisse Prophetis, quamvis plenis dei spiritu, quis mentis sanæ dixerit? Atque hæc universe de ratione interpretandi Milliana.

Iam singulatim de iis videbimus, quæ eo Volumine, cuius indicem supra posuimus, comprehenduntur. Atque *primum* quidem locum in eo tenet *Commentarius Philologico-theologicus in quartum et quinquagesimum Caput Iesaiæ vatis*. Descriptus ille est et divisus in *Partes duas*: quarum *priore* [pag. 1 — 148.] sensus litteralis, ut vocant, aperitur: *posteriore* mysticus. Sed quia hæc multa pie quidem cogitata et dicta, verum arbitraria atque incerta, complectitur; eam præteribimus, lectores rerum talium cupidos ad ipsum librum delegantes. Altera Pars reiicit *primo* oppugnatque aliorum opiniones, qui Iesaiam afflatum dei numine putant cecinisse vel de urbe Hierosolymitana, post reditum e Babylonia ab Iudæis renovanda et instauranda [§. 4.], vel de reversione universæ Iudæorum civitatis ex toto orbe terrarum in Palaestinam, ubi Messias eorum venerit [§. 5. 6.], vel de barbaris, ethnicos vulgo nominant, qui sint Novi Testamenti temporibus Christo daturi nomina [§. 7. 3.]. *Deinde* docetur, sermonem esse loco Vatis divini memorato de Ecclesia Iudæorum veram atque integram, Patriarchalem vocat ipse Millius, eademque sæculo Messiae proxima [§. 9.]. Videtur enim sibi Millius clavem, ut ita dicamus, huius interpretationis invenisse apud Paulum Apostolum Gal. 4, 22 — 26: qui locus ab eo pluribus

pluribus explicatur [§. 10 — 18.]. Verba τὸ γὰρ Ἀγαρ Σινᾶ ὄρος ἐστὶν ἐν τῇ Ἀραβίᾳ cum verbis sequentibus connectenda, neque uncis separanda, ut vulgo fit, ab iis esse censet: et Ἀγαρ ipsum Sinai montis vocabulum esse demonstrat. Atque quemadmodum ἡ νῦν Ἱερουσαλήμ est *urbs Hierosolymitana*, ut erat aetate Apostoli, et τὰ τέκνα αὐτῆς *oppida reliqua cum incolis*, quorum caput et princeps Hierosolyma erat: ita ἡ ἄνω Ἱερουσαλήμ est *pars eiusdem urbis altior et superior*, quae etiam ab Iudaeis מַעְלָה — שְׁלֵשׁ יָרֵיחַ, et a Iosepho ἡ ἄνω πόλις, appellatur. In qua quum templum positum fuerit, in quod constat Christianos veteres, dei colendi causa, propemodum quotidie itasse: intelligitur, et Evangelium inde propagatum ad omnes, et ipsam illam urbis partem μητέρα πάντων ἡμῶν recte dici posse. Constituto igitur hoc, Iesaiam loqui de Ecclesia Patriarchali, utamur enim Millii verbis, cuius quasi propago sit Ecclesia Christiana, ipsa tamen stirpe longe fecundior et laetior: exhibetur brevis ἀνάλυσις totius Capitis Prophetae [§. 20.]; quam excipit uberior et copiosior singulorum verborum interpretatio [§. 1 — 151.]. Ibi quum necesse sit occurrere multa vulgaria et tralatitia: iis omissis, haec, quae Millio propria quodammodo queant videri, memorabimus. עֲרֵבָה [v. 1.] arbitratur proprie de arbore radicibus carente dici: e qua quum nihil nascatur, propterea ita feminam quoque sterilem ab Hebraeis vocari [§. 2.]. שְׂמֵשׁ quia opponitur תְּהֵי עֵרָבָה, est *uxor marito orbata, vidua*. Sicut verbis יִצְחָק, שִׂמְחָה, רֵבִי, universe ingens gaudium, singularis laetitia, significatur: ita singulatim verbo לֵהֱצִי ea gaudii significatio declaratur, quae fit vasto inconditoque clamore, [§. 4. 5.] ut quodammodo verbo Graecorum ἀλαλάζειν respondeat. E formula יִהְיֶה מִנְּךָ יְהוָה Millius, contra Clericum, probat, etiam verborum, non modo rerum, Θεοπνευσίας patere [§. 12.]. Verbis יְהוָה רַב־כִּי וְגו' [v. 2.] indicatur ingens multitudo liberorum Ecclesiae Christianae, veluti matris; nam uxores singulae olim habitabant in singulis



gulis tentoriis [§. 17.]: quae tentoria, aucto liberorum numero, necesse erat ampliora fieri, unde intelligere licet atque assequi vim loci Mosaiici Gen. 9, 27 [§. 21.]. Iubetur autem Ecclesia parens firmare paxillos tentorii sui, quia ab nullis unquam hostibus poterit superari et deleri penitus [§. 23.]. Verba יָמִין וְגו' [v. 3.] monstrant admirabilem illam celeritatem, qua erat Ecclesia liberis in universo orbe augenda [§. 24—28.]. עָרִים נִשְׁמָרוּ sunt *urbes barbarorum*: et עָרִים בְּשִׁמּוֹרָה הוֹשִׁיב notat *ex incolis barbaris Christianos facere* [§. 33—35.]. בַּעַל [v. 5.] est *maritus*: cuius cognominis variae ab Auctore afferuntur causae [§. 47.]. עֲשֹׂה Deus dicitur non modo propter creationem, verum etiam ob novam generationem, live regenerationem, ut theologi loquuntur [§. 48.]: ex quo Hebraici verbi usu illustrari potest nomen *πρόμα*, quod et ipsum a Paulo Apostolo [Eph. 2, 10.] de hominibus denovo generatis usurpatur. Neque vero opus est cum Vitringa existimare, verba בַּעַלְיָךְ עֲשֵׂה esse transposita, quum commodè ita explicari possint: *maritus tuus est idem qui creator tuus* [§. 62.]. Atque ut Millius praecipit, verbum הִקְרָא signare *coli celebrarique una voce ab omnibus* [§. 61.]: ita multis de causis Deum nominari ostendit קְרוֹשׁ, [§. 52—57.], גָּאֹל [§. 50.], יְחִנֶּה צְבָאוֹת [§. 58. 59.], אֱלֹהֵי בְרִית־הָאָרֶץ [§. 60. 61.]. Neque omisit multis docere, quomodo Deus diceretur עֹבֵד [v. 7.] et הַסֵּתֶר בְּכִי [v. 8.]; porro quid esset רִנֵּעַ et בְּשִׁצָּה: et quam late pateret notio vocabulorum רַחֲמִים et חֶסֶד [§. 66—79.]. מִי [v. 9.] dictum est pro כִּמִּי: nam particula כִּי aequè saepe deest apud Hebraeos, atque apud Graecos Coniunctio *ὅτι*. Sic eodem versu אֲשֶׁר נִשְׁמָרָה manifestum est pro כִּנְשָׁרָה positum esse. Iam quum Pronomen הִנֵּה ad superiora pertineat: e verbis לִי זִמְנָה מִנְּחָם אֲשֶׁר לִי existit hic sensus: *eadem erit miserationum prosperitatumque Ecclesiae ratio, quae fuit diluvii Noachici*. Quod quam vere, quam comunodè et eleganter, dicatur, fufius explicat Auctor,

Auctor, ostenditque, sibi videri, ab iureiurando, quo deus confirmavit orbem non obrutum iri amplius aquis, ductum esse iusiurandum per stygias aquas, quod a barbaris tribuatur diis commenticiis atque fictis [§. 80—89.]. Verba quae sequuntur [v. 10.] exponunt de constantia benignitatis liberalitatisque divinae erga Ecclesiam, quae sit nunquam cessatura [§. 90—97.]: et ultima Capitis parte [v. 11—17.] proponitur expressa imago summae felicitatis florentissimique status eiusdem Ecclesiae. [§. 98—152.].

סער proprie dicitur de mari ventis agitato, convenitque fere cum verbo Graecorum σαλεύεσθαι [§. 99.]. פוך, de cuius vocabuli origine et potestate variae sunt discrepantesque inter se interpretum sententiae, Millius opinatur proprie significare *caementa*, hoc est, Vitruvio interprete, *assulas*, quae decidant quum lapides marmoraque caeduntur. hae quum adhibitae fuerint, vel ad structuram colligandam arctius interlitae, vel fuci loco, pilis ferreis contusae et comminutae cribrisque decussae, vel denique ad tectoria: putat apparere primo, cur deus dicat אבני פוך בפני: deinde quare interpretes Graeci, nominatim Symmachus, Aquila et Theodotio, pro פוך habeant ἐν σίμμη: tum cur nonnulli, ut Vitranga, סו פוך interpretentur *crustam*. Ex his docet qui sint אבני פוך [1 Chron. 29.], et illustrat verba [2 Regg. 9, 30.] ותשם בפוך שיניה [§. 106—110.]. כדכר [v. 12.] est aut omnino *carbunculus*, aut singulatim *carchedonius*, de quo etiam Symmachus accepit: et שמשות videntur esse *tecta omninoque partes medium altiores soli expositae* [§. 113—115.]. אבני קרח sunt haud dubie *margaritae*: et quia verbum קרח chaldaica in lingua valet *perforare, terebrare*: intelligitur, quid sit quod lapides illi ab Aquila appellentur λιθοι, τετραπαισμος [§. 116.]. גבול murus est, et אבני חפץ lapides omnis generis, quorum species atque modus voluptate afficiant intuentium contemplantiumque oculos [§. 117. 118.]. למורי יהוה [v. 13.] sunt ii, qui non praeceptis institu-



tioneque humana acceperunt accipiuntve doctrinam divinam, sed quorum animum atque mentem deus ipse ita collustrat, ut vel reconditissima disciplinae divinae dogmata atque mysteria perspiciant [§. 125 — 128.]. **שָׁלוֹם** est pax inter deum atque homines per Christum reconciliata, et quae inde proficiuntur bona [§. 129 — 133.]: et **צִדְקָה** [v. 14.] ea iustitia quam idem Messias peperit et conciliavit hominibus, ut accusati apud deum ne condemnentur, verum absolvantur [§. 135. 136.]. **רַחֲמֵי** aut pro Futuro positum est; Imperativus enim haud raro vim Futuri habet: aut est dei confirmantis Ecclesiam, non admonentis, hoc sensu: *securam te et otiosam esse iubeo: defendo a te hostium impetum et iniurias* [§. 138. 139.]. Atque hostium quidem Ecclesiae insidiae clandestinaeque consilia notantur verbis Prophetarum sequentibus. **גֹּרֶר** est *considerare in insidiis, insidiari* [v. 15.] et verba **הֵן גֹּרֶר וְגו'** Millio videntur sic esse explicanda: *ecce omnino insidiabitur hostis sine me, h. e. frustra, ita ut consiliis non respondeat eventus: quis tibi insidiatus, super te cadet?* i. e. nemo insidiatorum imprudentem te aggredietur et opprimit [§. 142 — 144.]. **חָרֶשׁ** [v. 16.] signat *fabrum ferrarium*, qui quatenus excitat ignem aura follis, dicitur **נִפְחָ בְּאֵשׁ פָּחָה** [§. 145.]. **מִשְׁחֵת** est *telum*, instrumentum paratum ad perdendum, quod apud Ezechielem [Cap. 9, 1.] nominatur plene **כְּלִי מִשְׁחָה**, **לְשׁוֹן**, ut saepe universe de hominibus legitur usurpatum, ita hic apud Iesaiam [v. 17.] singulatim de *adversariis* in iudicio debet accipi. id quod satis declaratur verbis **הָרָשִׁיעַ** et **קוֹם**: quae esse forensia verba, nemo ignorat [§. 148.]. Atque ex his iudicium ferent facile lectores de facultate Millii, eiusque de **ἐνσέ** Iesaiiae sententia.

Iam progrediamur ad Commentarium eiusdem generis in Psalmum CXXI. [pag. 213 — 260.] et CXXII. [pag. 261 — 326.]: quorum Psalmorum interpretationem propterea coniunxisse videtur Millius cum Capite divini Vatis laudato, quia eos putavit exponere de eiusdem Ecclesiae felicitate atque bonis et commodis.

Atque

Atque prima quidem et vicesima Oda a Davide conatur ostendere, prima Commentarii parte, qua sensus eius litteralis continetur, praedictam fuisse beneficiorum excellentiam, quibus deus cumulaturus esset N. T. temporibus eos de barbaris, qui se in disciplinam Christi tradidissent [§. 5.], repudiatis et explosis aliorum interpretum de argumento Odes sententiis [§. 3. 4.]. Verba שִׁיר לְמַעְלוֹת, hic enim Psalmi index est, dicit commodissime accipi cum Iudaeis de eo Psalmorum genere, quos Levitae aliique Israëlitae nobiles, exeunte primo festi tabernaculorum die, cecinerint in quindecim illis gradibus, quibus atrium mulierum, ut vocant, ab atrio Israëlitarum diremtum atque secretum fuisse novimus [§. 2.]. Praemissa, ut supra, ἀναλύσει brevi Odes [§. 7.], ipsam enarrare instituit [§. 1 — 29.]. Verba אֲשֶׁנָּה עֲנֵי אֱלֹהִים accipit interrogative, intellecte הֲ עָדָה: quod sane novum non est: et per הֲ עָדָה indicantur aut *templa* et *delubra deastrorum*; quos in montibus cultos fuisse a barbaris, quis nescit? aut *mons Moria*, in quo situm fuit templum veri dei; sed tum ante verbum אֲשֶׁנָּה interrogatio tolli debet [§. 1 — 4.]. Post עֲנֵי [v. 2.] apertum est repeti debere Futurum יָבוֹא: quod iam Lutherus vidit [v. 5.]. Quia deus deinde [v. 3.] שֹׁמֵר dicitur: agit paucis Auctor de diis custodibus et conservatoribus barbarorum [§. 12.]. צֶל [v. 5.] imago est atque symbolum *defensoris* et *propugnatoris* [§. 15.]: et post יָרַח [v. 6.] intelligi e superioribus oportet verbum יָכַח, nam הִכָּה, ut Latinum verbum *urere*, de aestu non minus, quam de frigore vehementi et gravi, usurpatur. Aestus autem, et frigus nocturnum vehemens, symbola magnarum calamitatum sunt [§. 19 — 26.]. אֲנִי וְכָל [v. 8.] significant *omnem vitam, omnia conata, instituta, consilia, actiones*: neque *mortem* et *ingressum in vitam meliorem*, ut perperam et contra usum loquendi communem tradit Millius in altera Commentarii parte [§. 21.], quae, ut ante ostendimus, sensum Odes mysticum patefa-

cit [§. 21 — 27.], sed quam eadem de causa neque hic, neque deinde, attingemus, qua adducti eam supra praetermisimus.

Quae igitur nobis in Commentario in Psalmum CXXII. [p. 261 — 326.] digna quodammodo commemoratione visa fuerunt, haec sunt. Docetur primo, agi Oda illa proprie quidem de urbe Hierosolymitana, qualis post Davidis tempora fuerit, quo omnes Iudaeorum tribus ad colendum deum undaque confluerint [§. 4.]: sed mystice [§. 1 — 39.] de Ecclesiae christianae N. T. felicitate et commodis. Deinde brevem eius ἀνάλυσιν excipit ipsa verborum singulorum interpretatio. Verbum חֲבֵרָה praestat de incolis atque civibus, qui iisdem sacris, tanquam communi vinculo, copulati inter se atque coniuncti esse debeant, quam de aedificiis, accipere [§. 19 — 25.]. עַדְוַת לְיִשְׂרָאֵל [v. 4.] sunt Iudaei [§. 30.]: et שְׁבִטֵי יְהוָה intellige de praecepto dei, ut Iudaei Hierosolyma proficerentur ad celebrandos obeundosque statos atque solemnes dies festos: ita ut verba illa Latine reddi possint: *ut imperatum iis a deo est: iussu dei* [§. 32.]. Quid sint כִּסְאוֹת [v. 5.], fusius demonstratur [§. 36 — 38.], doceturque genti Davidis propterea tribui solia, quod penes posteros eius summa fuerit potestas iudicandi [§. 39.]. Verborum שְׁאַלְוּ שְׁלוֹם יְרוּשָׁלַם [v. 6.] sensus est: *coniungite preces pro salute et incolumitate Hierosolymorum* [§. 40 — 42.]. Per אֲחֵי חֲבֵרָה sine dubio intelligendi sunt incolae et cives Hierosolymitani: neque opus est, ut quis cum Geiero ante verbum יְשֻׁלִי arbitretur deesse Infinitivum לְאַמֵּר, quum possint esse verba optantis, aut intelligi queat particula ו [§. 43. 44.]. Quia חֵיל omnia quae ad defendendum pertinent, significat: non videtur dubitandum, quin eo nomine hic [v. 7.] omnia ea comprehendantur, quae hostibus ante muros obiciuntur, quae eos moerentur atque impediunt, ne accedere illico ad ipsa moenia liceat; ita ut Alexandrini interpretes rectissime id per



προτέρχισμα converterint [§. 45. 46.]. אֲרָמֶנָה sunt quaevis aedificia alta et magnifica, ut quodammodo respondeat nomini turris Latinorum [§. 47. 48.]. Formulae לֵבָר שְׁלוֹם [v. 8.] et בִּקְשׁ טוֹב [v. 9.] idem declarant, precari pacem omnisque generis cominoda atque prosperitates: et גִּיְוִים sunt gentiles, populares, qui etiam a scriptoribus N. T. ἀδελφοὶ dicuntur [§. 50 — 55.]. Atque haec etiam de Commentario in hunc Psalmum.

Quantum in Volumine locum occupat *Theologica dissertatio de eo, quod Christiani teneantur uti Coena Dominica* [\*p. 329 — \*p. 414.]. Primo docetur quam cupide veteres Christiani usi sint coena memorata [§. 1. 2.]: neque tamen negatur, fuisse iam primis Ecclesiae Christianae temporibus inter haereticos, qui vel commentis humani ingenii coenam illam contaminarent et violarent, ut Encraticae, Artotyritae, alii: vel de praesentia corporis Christi dubitarent, quod genus Docetae, Gnostici, Phantasiastae: vel ab coena ipsa abstinere, ut Archontici et Ascodrutae: vel conviciis eam proscinderent, ut Priscillianistae, Messaliani, Manichaei [§. 3. 4.]. Recentioribus temporibus idem facere ausi sunt multi, in primis Quaqueri et Gichteliani [§. 5.]. Horum igitur aliorumque istiusmodi furiosorum contra usum Coenae Dominicae ratiunculis reiectis et profligatis, quas in tres veluti classes descripsit Auctor [§. 6 — 43.], argumentis vincit confirmatque pluribus iisdemque gravibus, omnes omnino, qui velint digni disciplina Christiana alumni esse et haberi, oportere uti Coena Dominica. Rationes quas eam in rem affert, hae sunt. *Primo* Coenam illam constat a Christo Θεανθρώπῳ institutam esse. qua de causa a Paulo Apostolo [1 Cor. 11, 20.] θεῖον κυριakόν vocatur. perperam enim Grotius aliique quidam id de agapis accipiunt [§. 45.]. *Deinde* Christus, idemque moriens, iussit Coena illa omnes disciplinae suae alumnos uti. nam ποιῆτε laudato Pauli loco [v. 24.] Imperativus est, non Indicativus, ut Grotius fingit [§. 46. 47.]. *Tum* illa ipsa Coena est efficax quaedam

recordatio beneficiorum Christi, et publica quasi commemoratio atque praedicatio [§. 48 — 58.]: certioresque nos facit de peccatis condonatis, remissisque eorum poenis; quod probatur contra Beniaminum Hoadleium, Vintoniensem Episcopum [§. 59 — 62.]. Porro non debet cum eodem Viro docto dubitari, quin usu huius Coenae renovetur foedus, quod inter deum atque homines intercedit [§. 63 — 70.]. Et sicut eo ad studium sanctitatis vehementer excitantur et inflammantur Christiani [§. 71 — 73.]: ita arctissime non minus cum Christo Capite, quam inter se, unius corporis membra, copulantur et coniunguntur [§. 74 — 78.]. Praeterea nemo erit qui neget, Coenam illam esse notam signumque religionis certissimum [§. 79. 80.]. Denique haec ipsa Coena non modo facultatem praebet copiamque facit liberalitatis beneficentiaeque exercendae, qua virtute nihil est praestantius, nihil divinius [§. 81.]: verum etiam imago futurae felicitatis debet duci [§. 82. 83.]: cuius desiderio quis tam inimicus sibi suaeque salutis est, qui non summo teneatur opere? Atque haec etiam sit adumbrata quasi imago Millianae de Coena Dominica dissertationis.

Sequitur ut videamus de summa illius libelli, qui est de tabernaculo Moysi [p. 329 — 402.], ornatus cum ipsius tabernaculi, tum partium eius, instrumentorum, et vasorum, figuris, in lamnis aeneis, radii ope, eleganter descriptio. Absolvitur Capitibus duobus. Primo Capite commemorantur nomina aedis Hebraica et Graeca [§. 1 — 3.]. Alterum Caput in partes tres divisum est. Prima pars exponit de atrio, ut vocant, primo universe [§. 1.], deinde de singulis eius partibus. Vela, quae totum illud spatium, quod atrium dicitur, cingebant, putat Auctor cum Iudaeis fuisse reticulata, neque figuris ullis distincta [§. 2.]. Illud autem velum quod orientem versus portam atrii constituebat, solidum, non reticulatum, erat [§. 3.]. Haec vela suspensa erant in columnis ligneis, non aeneis, qui Iosephi error est: quamvis bases aeneas habentibus [§. 4.]. Harum



rum columnarum fuere sexaginta, de quarum ordine et intervallis diligenter ab Millio quaeritur [§. 6. 7.]. In ipso atrio ad orientem erat *altare holocaustorum*, factum tabulis cedrinis, quae obductae erant laminis aeneis; unde vocatur [2 Chron. 1, 6.] *מִזְבֵּחַ נְחֹשֶׁת*; sed cavum terraque repletum. Neque tamen propterea *מִזְבֵּחַ אֲדָמָה* [Exod. 20, 24.] nominatur: immo loco illo Mosis videtur significari altare longe aliud diversumque ab altari holocaustorum tabernaculi [§. 8. 9.]. Hoc vero instructum erat quatuor *קַרְנֹת*: quae Millius suspicatur fuisse totidem parallelepipedas, superne aperta, intus cava, in quae sanguis adspersus influeret [§. 10 — 13.]. Focus eius erat triplex [§. 14. 15.]: et e ritu modoque cinerum inde colligendorum loca quaedam sacrorum librorum [Prov. 25, 21 seq. coll. Rom. 12, 20. Apoc. 8, 5.] explicari debent [§. 17.]. Clivus quo conscendebant sacerdotes altare, erat ab eo secretus, non continens [§. 18.]. Post vocabulum *כֶּרֶב* [§. 19.] agitur de verbis *מַעֲשֵׂה רֶשֶׁת*, ostenditurque, iis non signari craticulam in summo altari, sed imam eius partem, reticulatam, quae ad medium altare pertinuerit, et ob foraminum multitudinem etiam *מַעֲשֵׂה מַכְבֵּר* dicta sit. Ei affixi erant anuli, per quos vectes trans mittebantur, quibus portaretur altare [§. 20. 21.]. Instrumenta altaris memorantur *סִוֵּרָה, מִזְרְקוֹת, יָעִים, מִזְלָגוֹת, מַחֲזִיזוֹת*, [§. 22. 23.]. Prope ipsam aedem, austrum versus, stabat *labrum* aeneum, cuius figurae eminentes a Mose [Exod. 38, 8.] dicuntur *מִרְחֹת הַצִּבְאוֹת* [§. 24. 25.]. Caeterum e libris Iudaeorum demonstratur [§. 26.], non praeul inde fuisse octo mensas marmoreas, quibus imponerentur victimae a sordibus purgatae. iuxta eas erant totidem columnae lapideae, atque in his trabes cedrinae, in quarum uncis suspendebantur victimae. *Altera pars secundi Capituli* continetur *tribus Capitibus* aliis: quorum *primum* universe agit de prima et altera ipsius tabernaculi parte: *Prima* pars iuncta erat ab atrio asseribus, et velo quod loco portae



portae erat et **מַסָּךְ** vocabatur; quemadmodum id, per quod aditus ad adyta patebat, **פֶּרֶץ** nominatur [§. 1—4]. Vtraque vero pars contexta erat velis quatuor, duobus internis, et totidem externis [§. 5—11]. *Alterum* Caput descriptum est in *tria membra*. *Primum* eorum describit *altare suffitus* [§. 1—3.], laudatque odores qui in eo incendebantur [§. 4.], neque praetermittit modum illos adolendi, notatque errores Virorum doctorum de turibulo, quod in hoc altari positum fuerit [§. 5. 6.]. *Altero* membro exponitur de *mensa* in qua panes erant positi, qui **לֶחֶם פָּנִים** vocantur, eiusque instrumentis, **קֶשֶׁת**, **כַּפֹּת**, **מִגְדָּלִים**, **קֶשֶׁת**, erroresque ea de re quorundam committuntur [§. 1—9.]. *Tertium* membrum monstrat materiem figuramque *lychnuchi* veram atque usum: et explicat oleum sanctum caeteraque candelabri instrumenta [§. 1—12.]. Denique *tertia pars secundi Capituli* complectitur nomina *adytorum* [§. 1.]; et depingit formam atque speciem *arcae foederis*, quam vocant: exponit porro de eiusdem *operculo*, docetque illud **כַּפֹּת** dici a **כָּפַר** quod verbum in lingua Arabica [كفر] significet *tegere*, *obtegere* [§. 2—4.]. *Cherubi* Millio videntur praediti fuisse facie adolescentum, qui etiam varios de iis errores multorum castigat [§. 5—9.]. Praeterea quaerit de *tabulis foederis* quae dicuntur [§. 11.]: itemque de eo *vasculo*, quod Mosi **אֲרֹן הַבְּרִית** audit [§. 12. 13.]; et de *scipione Aharonis* [§. 14. 15.], qui una cum vasculo illo, praeter tabulas foederis, in arca fuit Mosi aetate [Hebr. 9, 4.]: et de *Συμιατηρίω* [§. 17.]. Haecenus de libello Milliano de Mosi tabernaculo.

Post quinque Indices verborum rerumque, comparant, corollarii loco, *duae Orationes*. *Prima*, quam recitavit Millius Traiecti ad Rhenum, mense Octobri A. C. **MDCCCLXXVIII**, quum Professor Theologiae Ordinarius evasisset, docet *primo*, Theologiam Exegeticam fundamentum esse et basin reliquarum Theologiae partium omnium:



omnium: *deinde* nominantur quidam et celebrantur, qui, cum primis Ecclesiae Christianae saeculis, tum etiam posterioribus temporibus, laude facultatis interpretandi divinos libros eximia floruerint: quo pertinent apud Iudaeos Abenesra, Abarbanel, Kimchi; apud Christianos Origenes, Eusebius Caesariensis, Iohannes Chrysostomus, Hieronymus, Augustinus; Zwinglius, Calvinus, Paullus Fagius, Seb. Munsterus, Beza; Lutherus, Melancthon, Ioh. Brentius, Ioach. Camerarius, Flacius, Glassius, Aug. Pfeifferus; Cornelius a Lapide; Erasmus, Drusius, Grotius, Cocceius, et alii.

*Alteram* Orationem, *de erudita pietate*, habuit Millius eadem in urbe, mense quidem Martio, A. C. MDCCCXXXIII, quum iterum poneret fasces Academicos. Ostenditur illa, solius pietatis auxilio nemini licere assequi laudem doctrinae litterarumque cognitionis, sed opus ad eam parandam esse magna industria, flagranti studio, assidua et diligentissima bonorum librorum omnis generis lectione: etsi sponte intelligatur, sine pietate adversus deum omnia illa conata vana fore atque irrita; ita ut nemo vere eruditus fieri possit, qui non idem sit pius in deum, sed non omnes pii evadant statim etiam eruditi.

Et profecto e toto hoc Volumine, cuius summam indicavimus paucis, abunde apparet, in Millio quidem non minorem pietatem erga deum, quam doctrinam rerumque et humanarum et divinarum scientiam, fuisse coniunctam, ut exemplum boni Professoris Theologiae proponi mereatur omnibus eiusdem ordinis hominibus. Ornatum est praeterea Volumen effigie Auctoris, radio in lamnis aeneis scite descripta, atque Elegiis Latinis Virorum quorundam doctorum ad eundem: in quibus maxime memorabilis est illa, quae Ioh. Hildebrandum Vuithofium auctorem habet; propterea, quod ei notam addidit, in qua locum Flori nobilem [lib. 3, 5.] a multis varie tentatum ita conatus est emendare: *Hierosolymam defendere tentavere Iudaei: verum hanc quoque intravit, et vidit illud grande impiae gentis arcenum patens sub aureo coli caelo.* *Dissidentibusque de regno*



*fratribus, arbiter factus, regnare iussit Hirtanum, Aristobulo, quia renuebat, carcerem et catenas dedit.*

**B. S. ALBINI ACADEMICAR. ANNOTATIONUM  
LIBER QUARTUS. Continet Anatomica,  
Physiologica, Pathologica.**

Leidae, apud I. et H. Verbeek, Bibliopolas, 1758.  
plag. 15. in 4to, c. tab. aen. 7.

**C**eleberrimus harum annotationum Auctor, cui subtilior Anatome tantum debet, quantum alii fere nostris temporibus nulli, artis medicae cultores novo hoc munusculo sibi devincit. *Cap. I.* disquirat, quomodo cranium, crescendo, accomodet se iis, quae continet. Scilicet, nemini ignoti sunt sulci illi in interiore cranii parte, ramosi, quadam arbuscularum similitudine conspicui, quibus inhaerent arteriae crassae meningis. Sulcos illos, ab ipsis arteriis, non vi quidem, sed saepe pulsando, formari, Physiologiae doctores ad unum fere omnes opinantur. Hoc autem non ita habere, docet Auctor Clarissimus, dum evincit, sulcos illos cranio non ab arteriis imprimi, sed circum arterias potius, crescente demum osse, nasci. Assertum ex eo probat, quod sulci in calvaria sunt, quibus vena inhaeret nulla comite arteria. Exemplum sane esse notissima; vestigia, et veluti semicanales magnos, quibus sinus laterales, et qui supra processum falciformem est, insident. Et quemadmodum sulci, quibus crassae meningis arteriae inhaereant, in parvis embryonibus, ubi iam ossea natura, inveniantur nulli, osse vero aliquantum confirmatiore, prima truncorum ramorumque maiorum initia, reperiri, quae deinde paulatim augeantur in maius, ac veluti radios emittant sensim sensimque ramosiores: ita idem prorsus verum esse de sulcis illis, quibus inhaereant venosa vasa. Haec quidem de sulcis vasorum. Sed similem de encephalo quoque sententiam fovet incomparabilis *Albinus*, atque ita existimat, ut vasis crassae meningis, sic encephalo,

lo, cranium sensim se circumcirca accommodare. Eandem rem illustrat iis, quae in arboribus fieri quotidie videmus. Nempe, quidquid incussum iis aut affixum firmiter est, diuturnitate temporis omne id a supercrescente arbore comprehenditur. Paucis tandem rem totam Auctor complectitur, ac fatetur, quandam, ultra quam sapere datum nobis non sit, naturae legem esse, qua fiat, ut, vi interiore crescente cranio, pariterque cum eo crescentibus iis quae continet, calvaria se accommodet, aptaque inter se crescere quasi harmonice pergant, donec adoleverint, natura pressionem temperante. *Capite II.* verba quaedam adiicit explicationi tabularum duarum, quibus impressae sunt duodecim icones, aurem humanam interiorem representantes, ad quas delegamus lectores nostros. Non enim exponi haec satis, nullis propositis tabulis, possunt. *Cap. III.* de vasis deferentibus, vesiculis seminalibus, et emissariis, quibus ad urethram pertingunt, deque ostioli in capite gallinaginis, Auctor disputat; atque ea, quae *Graffius, Swammerdamus, Leolis, Clarckius, Morgagnus, Boerhaavius*, super his rebus commentati sunt, expendens, ita tandem decernit, vas deferens, toto latere interiore vesiculae seminalis decurrens, sensim se in vesiculae speciem dilatare, quae seminalem contingens, et cum ea connexa, in fine coarctet se, et coeat, atque adeo in unum quasi confluat cum seminali, et ipsa ea parte contractiore; ex quo nata pars communis, sensim contractior, desinat in emissarium canalem, ad urethram pertingentem. Cum vesica et urethra, vesiculae item seminales, vasaque deferentia, modice distenta sint, tunc emissaria a principio aliquantum disiuncta, convenire angulo admodum acuto, post se invicem contingere. Proprium utrique exitum esse in urethra, ostiolo contractiore, quorum alterum a dextra carunculae parte sit, alterum a sinistra, ibi, ubi capitis gallinaginis pars rostro respondens ab ipso capite, h. e. caruncula, procedere incipit. Semen etiam ex vase deferente, in vesiculam seminalem, inque commune emissarium.



rium, in quod desinunt, penetrare posse. Ubi vero emittendum non sit, recipere facilius vesiculam capaciorem, quam exitus contractior emissarii communis exire sinat. Atque, sive velis, vesiculas seminales, quem continent humorem, per deferentia accepisse; sive in ipsis generatum esse vesiculis; sive utrumque velis: quemque fabrica haud difficulter induci ad existimandum, seminalem in re venera humorem, tum ex vesicula, tum ex deferente, per commune his emissarium, ab utraque parte, dextra aequae ac sinistra, erumpere. De carunculae foramine tertio, sinuque, cuius ostium est, a *Morgagno*, *Anatomicorum*, quotquot fuerunt, perspicacissimo, egregie descriptis, A. addit hoc, inter demonstrandum inflare solitum se fuisse, fistula non longe a foramine admota, sic quidem, ut non contingeret; eoque sinu distento, carunculam fuisse vesiculae membranae specie distentam. Carunculam in urethrae principio eminere, quod, ubi distentum, capacius sit, inde sensim contractius. Prostata principium illud contineri, una cum extremis vasis deferentibus, proximaque parte vesicularum seminalium, cumque emissariis ad urethram pertinentibus. *Capite IV.* mentio iniicitur musculi cuiusdam cephalopharyngei, orti a basi cranii iuxta latus pharyngis, ac demissi sub eius constrictore superiore, deinde adiuncti stylopharyngei parti posteriori, quocum desit. *Cap. V.* describitur musculus quidam subcruralis, in priori parte ossis femoris inventus, pertinens ad membranam, quae articulum genu continet. Origo eius erat in femore, infra longitudinem huius mediam; latescens exibat in caudas duas, quae divergentes, inque tenuem tendinem versae, membranae illi se innectebant, ab utroque latere patellae. Venter non continuus, sed in fasciculos, tanquam in plura capita, divisus. *Cap. VI.* A. narrat, se in procero robustoque homine reperisse musculum extensorem brevem digitorum manus, ad solum digitum medium pertingentem. Originem repetiit ex canali illo, per quem se a cubito ad manum tendines extensoris communis digitorum

rum

rum demittunt; ac per manus dorsum porrectus, tendinem suum tendini extensoris communis, iuxta principium digiti medii, a parte indicis adiunxit, eo modo, quo extensor digitorum brevis in pede. Fuit exilis, satis latus, ex angusto sensim aliquantum plenior et latior, dein rursus tenuior et angustior, ventre longo, carne pallida, tendine tenui, angusto, longo. Alio tempore in manu utraque invenit musculum, qui, tendine ad postremum extenuato, pertinuit ad indicis principium, sub cuius tendinibus musculorum extendentium, in membranis, quae sunt circa articulum indicis cum metacarpo, evanuit, extrema parte in membranarum tenuitatem insigniter dilatata.

*Cap. VII.* ea, quae de tendinis ortu ex carne musculi, in historia musculorum, scripsit, icone illustrat A. *Cap. VIII.* de arteriae membranis, et vasis, nonnulla profert. Et mem-

branae quidem hae sunt: primo musculosa crassissima, ex fibris constans firmis durisque, flexilibus tamen, dense compactis, quae neque carneis, neque tendineis similes, circularem ductum sequuntur omnes, nec tamen circulos integros ostendunt. Dividi ea potest in multas veluti tunicas, fere pro lubitu. Hanc vestit ex interiore parte alia tenuis, densa, stricte adhaerens, ex interiore parte, qua capacitatem arteriae spectat, aequabilis et laevis, canalis capacitatem propria efficiens, et apta quae sanguinem contineat, et libere ac facile ruere sinat. Porro musculosae ab exteriori parte adhaeret alia, continens illam; tenuis, densa, alba, firma, dilatabilis, cellulosa, condensatior, nervosa dicenda, perficiens ab ea parte arteriam, firmansque. Sed ex densitate illa laxat se in exterioriorem partem, vocaturque cellulosa, facile dilatabilis, et facile concidens, qua proximis cum partibus ita connectitur arteria, ut tum in loco suo retineatur, tum obsequente lubrica cellulosa cedat, et restituat se melius. Accedit tandem tunica, quam vocant externam, cuius vero ratio ibi, ubi de tunicis arteriarum agitur, non habenda videtur, cum ea non ubique, sed ibi tantum reperiatur, ubi arteria iter per loca





facit, quae singulari membrana investuntur, veluti per thoracis abdominisve cavum. Arteria etiam vascula in se recipit a vicinis. Exscisso rene, rescisso brachio, aliove membro, truncis vasorum impletis, vascula parva impleta circa eos fuerunt. Glandulas arteria humana nunquam ostendit, neque fibras per longitudinem iacentes. Neque telae cellulosae, inter musculosam intimamque membranam reperiundae, mentionem a se factam esse, ut nuper scripsit *Hallerus*, sed a celeberr. *Monro* traditum esse, incipiente putrefactione tunica interna cum decesserit, cellulosam materiam, qua cum musculosa connectitur, cerni.

Cap. IX. nonnulla inferuntur, quae pertinent ad tabulam ab Auctore nuper editam, vasis chylieri cum vena azyga, arteriis intercostalibus, aliisque vicinis partibus. Haec autem nec per se compendium admittunt, nec intelligi possunt nisi ab iis, qui tabulam eam, affabre aeri insculptam, ipsi inspexerint. Cap. X. observationes de hymene tradit Cl.

Auctor. Nimirum, in maturo embryone, in recens natis, haec ait se animadvertisse. Rima virginali, nymphisque cum scaphula plane diductis, hymen intima in parte conspiciebatur, ad vaginae introitum, membrana fere circularis, lata, media perforata, quadam uveae et pupillae similitudine; latior autem, qua parte perinaeo propior, inde se ab utraque parte aliquantum angustans. Foramen rotundius; nisi quod, qua parte perinaeum spectabat, in angulum se contraxit, ob crassiorem quandam hymenis partem, ab angulo illo ad scaphulam pertinentem, instar freni, quam tamen non invenit in aliis. Ubi autem rimam cum nymphis et scaphula non nisi modice diduxit, hymenis forma ovata, rima in eo recta, loco foraminis rotundioris, hymen angustior, non extentus, laxus, aliquantum rugosus. Ubi tam parum diduxit, ut modo cernere hymen posset, hymen laxior, contingentibus se lateribus, rima eius clausa, et laxitate contingentium se marginum ne quidem apparens; hymen colliculum referens rectum, ex lateribus surgentem, instar columnae, vel potius columellae.



mellae. Haec in mortuis. Sed similia etiam in viventibus, recteque valentibus, vidit. Interim, hymenis integritatem, non vitiatae virginitatis signum non semper esse, inter alia docuit puella nubilis, cui viventi hymen magnus, amplus, firmus, et, cum rima eius admodum diducta esset, ore tanto hians, ut virum pati potuisse videretur, nec tamen corrumpi. *Capite XI.* diversitates quasdam in osse sacro interdum conspicuas describit Auctor. Aliquando os illud, quod plerumque e quinque partibus constat, partes sex ostendit, quae ut plurimum quidem inter se coalescunt, in raro tamen exemplo, quod asservat Auctor, et Tab. VII. fig. 5. proposuit, prima vertebra a secunda suo corpore ex toto notabilique intervallo disiuncta est, opplentibus interval- lum ligamentis, ut inter corpora vertebrarum verarum; totaque praeterea vertebra illa prima imae lumborum simi- lis, separataque, nisi quod processu suo transverso altero cum superiore parte lateris sacri coniuncta est, sic ut par- tem eius efficiat. *Capite XII.* labium leporinum in puero recens nato describitur. Labium superius sub utraque na- re fissum erat, fissa quoque nasi ala utraque iuxta globu- lum, item gingiva superior iuxta utramque labii fissuram. Praeterea totum defuit palatum, tum stabile, tum molle, cum uva, sic ut capacitas os naresque essent una. Inter- stitium narium, quia palatum, cui inniteretur, nullum, sublime pendens; infra autem, qua parte ceteroquin pa- lato innititur, vestitum cute capacitatis narium, ab altero latere in alterum circumeunte imam oram. *Cap. XIII.* A. de *Ruysschii* involucri penis nervoso externo superaddit quae- dam illis, quae iam Lib. II. et III. super ea re tradiderat. *Cap. XIV.* est polemicum, quo Cel. Auctor sibi inventa nonnulla, ab *Hallero* ipsi erepta, vindicat. Et recte qui- dem. Etiam extra Hercyniam sapiunt homines. Artes quaevis terra alit: suntque praeter eos, quibus solis ii, quos confutat Albinus, eruditus esse concedunt, bene mul- ti, qui istorum hominum rident nugas, atque invidiam; quae, quia non laudant nisi sua, in propatulo est. Nos

vero

vero gratulamur rei medicae universae Albini Commentarios, atque, ut Vir summus quam diutissime fruatur nominis sui gloria, vehementer optamus.

*NOVI COMMENTARII ACADEMIAE SCIENTIARUM Imperialis Petropolitanae. TOMUS III. ad annum MDCCL. et MDCCLI.*

Petropoli, typis Academ. Scientiar. 1753. Alph. 2. pl. 13. Tab. aeneae 13. quatern.

**O**mne studium atque operam inclutae Academiae Petropolitanae in eo potissimum collocari, ut quae in Physicis et Mathematicis, vel obscura, vel nondum confirmata satis, et illustrentur, et confirmentur, atque etiam nova, et adhuc ignota, in lucem conspectumque protrahantur, et satis iam constat, atque ex his quoque Commentariis apparet, quibus quae proponantur, breviter iam indicabimus.

I. Methodus aequationes differentiales altiorum graduum integrandi ulterius promota, Auctore L. EULERO. Iam in Miscellan. Berolinensibus doctiss. Auctor specimen methodi, innumerabiles altiorum graduum aequationes tam expedite integrandi, ut unius operationis ope integralis statim aequatio obtineatur, ita proposuerat:

$$0 = Ay + \frac{Bdy}{dx} + \frac{Cddy}{dx^2} + \frac{Dd^3y}{dx^3} + \frac{Ed^4y}{dx^4} + \frac{Fd^5y}{dx^5} + \text{etc.}$$

ubi elementum  $dx$  pro constanti sumitur, coefficientes autem litterae A, B, C, D, etc. indicant quoscunque constantes. Hanc vero methodum nunc ad hanc formam multo latiore extendit

$$X = Ay + \frac{Bdy}{dx} + \frac{Cddy}{dx^2} + \frac{Dd^3y}{dx^3} + \frac{Ed^4y}{dx^4} + \frac{Fd^5y}{dx^5} + \text{etc.}$$

ubi  $X$  quamcunque quantitatem, ex  $x$  variabili et constantibus compositam, utcunque indicat. Neque solum Auctor hanc

hanc operationem semper succedere demonstrat, ad quemcunque demum gradum differentialium aequatio ascendat, ne infinitesimo quidem gradu excepto: sed etiam, ut huius methodi prae vulgari praestantiam ostenderet, casum admodum simplicem, aequatione hac  $d'y = ydx$  contentum, ex methodi vulgaris legibus persequitur, et, quam prolixum ac taediosum calculum eius solutio requirat, exponit. Perduci quidem docet illo ad aequationem differentialem primi ordinis, sed integrationem eius non exiguis laborare difficultatibus: huius vero methodi ope, facillima operatione, et specialem aequationem, et generalem, tam perfecte resolvi, ut aequatio integralis completa statim appareat: operationem illam reduci ad Algebraicae aequationis resolutionem, cuius forma sic ex proposita differentiali aequatione deducatur, ut sit

$$0 = A + Bz + Cz^2 + Dz^3 + Ez^4 + Fz^5 + \text{etc.}$$

Omnem nunc rem in huius aequationis Algebraicae resolutione contineri, atque hoc quidem facillimum esse in quaestione de integratione instituta: omnes huius aequationis esse indagandas radices, quamlibet earum simplicissimae regulae ope portionem integralis quaesiti suppeditare, atque tali modo cunctis radicibus pertractatis, obtineri universum integrale completum.

II. De Serierum determinatione: seu nova methodus inveniendi terminos generales serierum, Auct. L. EULER. Nactus est hac materia tractanda Auctor occasionem, usum methodi, in priori dissertatione traditae, demonstrandi. Docetur, seriem nondum pro determinata esse habendam, omnibus licet eius terminis datis, qui indicibus integris respondeant: innumerabiles diversas series inveniri posse, quibus iidem convenient numeri: eandem esse serierum rationem, quae linearum curvarum, per data puncta ducendarum: sicut, etiam si numerus punctorum infinitus sit, infinita genera curvarum linearum proponi posse, quae omnes per eadem puncta transeant; sic, quamvis infiniti seriei termini sint dati, neque tamen inde

ipsam seriem determinari, neque veram illius intelligi naturam: tum demum naturam seriei cognosci, si et omnes terminos, indicibus integris convenientes, et indicibus fractis quibuscunque respondentes assignare possimus; eiusmodi cognitionem perfectam continere terminum seriei generalem, quo terminus cuicunque indici indefinito respondens, generaliter designetur: hoc termino generali perspecto, ipsam seriei naturam nobis perspectam esse: plerisque alios modos, quibus series describi solet, hoc laborare vitio, ut series non perfecte determinentur: tradi posse methodum latissime patentem, cuius ope omnium serierum, quarum termini per antecedentes, sive sine indice, sive cum indice definiantur, terminos generales universalissime invenire liceat. Quare sequentia problemata pertractantur: invenire terminum seriei generalem, cuius quilibet terminus aequalis sit antecedenti, terminus vero primus  $= 1$ : Invenire terminum generalem seriei, cuius quilibet terminus excedat praecedentem data quantitate, et cuius terminus primus sit datus: Invenire terminum generalem seriei, cuius quilibet terminus prodeat, si praecedens per datum numerum  $m$  multiplicetur, et cuius terminus primus sit  $= a$ : Invenire terminum generalem seriei, cuius quilibet terminus oritur, si antecedens per datum numerum  $m$  multiplicetur, atque ad productum datus numerus  $c$  addatur, cuiusque seriei terminus primus sit pariter datus  $= a$ : Invenire terminum generalem serierum recurrentium secundi ordinis, in quibus quilibet terminus aequatur aggregato binorum terminorum antecedentium per quoscunque numeros multiplicatorum: Invenire terminum generalem serierum recurrentium cuiuscunque ordinis, quarum quilibet terminus aequatur aggregato aliquot terminorum antecedentium per numeros quoscunque multiplicatorum: Si seriei quilibet terminus aequatur quantitati cuiuspiam constanti  $c$ , una cum aggregato aliquot terminorum antecedentium per datos numeros multiplicatorum, invenire huius seriei terminum generalem: Invenire terminum

num generalem seriei, cuius quilibet terminus indici  $x$  respondens, aequatur praecedentis multiplo cuicunque, una cum multiplo ipsius indicis, et quantitate quapiam constante: Invenire terminum generalem seriei, cuius quilibet terminus aequetur praecedenti una cum functione quacunque ipsius indicis: Invenire terminum generalem seriei, cuius quilibet terminus aequalis sit praecedenti, per suum indicem multiplicato.

III. Consideratio quarundam serierum, quae singularibus proprietatibus sunt praeditae, Auct. L. EULERO. Posuit, in praecedenti dissertatione Auctor seriem aliquam singularem, cuius terminus primus  $^0$ , decimus  $^1$ , centesimus  $^2$ , millesimus  $^3$ , decies millesimus  $^4$ , etc. ita ut in genere indici, qui denarii quaecunque potestas fuerit, terminus respondeat, ipsi exponenti huius potestatis, siquidem numerus integer sit, aequalis. Unde, cum fundamento huic logarithmi sint superstructi, quivis seriei terminus sui indicis logarithmus videatur: Auctor tamen demonstrat, terminum nonum huius Seriei esse 0, 897050585, atque adeo logarithmo novenarii minorem; simulque casum singularem memoratum exponit, qui generaliiori hac forma continetur, ut cuicunque indefinito indici  $x$  in serie conveniat terminus

$$\frac{1-x}{1-a} + \frac{(1-x)(a-x)}{a-a^2} + \frac{(1-x)(a-x)(a^2-x)}{a^2-a^3} + \frac{(1-x)(a-x)a^2-x)(a^3-x)}{a^3-a^4} + \text{etc.}$$

quae expressio etsi est in infinitum continuanda, quoties tamen  $x$  sumitur aequalis cuipiam rationali potestati ipsius  $a$  ea non solum abrumpatur, sed ipsi quoque exponenti ipsius  $a$  fiat aequalis: unde, si pro  $a$  denarius sumatur, casus memoratus oritur. Priorem vero generaliorem formam considerans intelligit, si terminus indici  $x$  respondet, ponatur  $=s$ , qui autem indici  $a x$  respondet  $=t$ , fore

$$1+s-t = (1-x)\left(1-\frac{x}{a}\right)\left(1-\frac{x}{a^2}\right)\left(1-\frac{x}{a^3}\right)\left(1-\frac{x}{a^4}\right)\text{etc.}$$

Rr 2

Unde



Unde apparet, si pro  $x$  capiatur potestas quaeipiam ipsius  $a$  ob unum factorem certo evanescentem esse  $t = 1 + s$ . Atque hanc formam Auctor variis modis immutat, plurimaeque alia, quibus doctrina serierum illustretur, proponit.

IV. De divisoribus numerorum indagandis, Auct. G. W. KRAFFT. Inquit Auctor, qui numerum propositum ex certis regulis divisores admittere simplices docet, in generales numerorum formulas, et, quosnam illae admittant divisores, indagat, simulque, quo modo divisorem invenire possis, tradit. Sed etiam Theorema hoc: si numero quovis quadrato subtrahatur binarius, residuum nunquam dividi posse per ternarium: illustrat; et sequens solvit problema: dato numero quocunque ita mutare notam unicam, ut certum sit, numerum ita mutatum per omnes transpositiones possibiles non exhibere quadratum. Ambo proposita sunt in horum Auct. Supplement. Tom. VI. p. 471.

V. De partitione numerorum, Auctor L. EULERO. Fuit quondam Auctori quaestio proposita, quot variis modis numerus 50 in septem partes dividi possit? In qua solvenda cum vulgarem viam per inductionem iniret, valde incommodam eam esse intellexit; igitur omnino novam methodum solutionis huius problematis investigavit. Inductioni igitur nihil auctoritati et fidei tribuens, ex certis analyseos principiiis formulas deducit, quae, quot variis modis numerus quicunque propositus in tot, quot volueris, partes ita dividi possit declarant, ut ne in maximis quidem numeris haereamus. Exponit etiam duplex problema, quorum altero quaerit: quot modis datus numerus in tot partes inaequales tantum, quot requiruntur, dissecari possit; in altero, quot variis modis datus numerus in partes dissecari possit, partium aequalitate non exclusa. Sic numerum 50 modis 522 in septem partes inter se inaequales dissecari posse; aequalitate autem omnium partium observata, numerum partitionum esse omnium 8946 intellexit. Addidit etiam Auctor tabulam bene longam, quot variis modis quilibet numerus per additionem produci possit, indicantem,

tem, ex qua sine difficultate propositas huiusmodi quaestiones discutere licet.

VI. Meditationes de quantitibus imaginariis construendis, et radicibus imaginariis exhibendis, Auctore HENRICO KUEHNIO. Optat Auctor, ut, quas de quantitatum imaginariarum impossibilitate atque inassignabilitate imbiberint opiniones, dimittant eruditi, earumque Theoriam magis excolant. Hac enim exculta, viam aequationum altiorum exacte resolvendarum aperiri, atque etiam radicum ad aequationes cubicas pertinentium constructiones genuinas dari posse, arbitratur. Ipsae meditationes longiores sunt, quam ut hic exhiberi possint.

VII. Solutio problematis Geometrici, Auct. L. EULERO. Problema hoc est: datis diametris coniugatis ellipseos, tam magnitudine, quam positione, invenire axes coniugatos tam magnitudine, quam longitudine. Huius problematis Auct. tres constructiones adfert, earumque rationes subiungit, sed ipse fatetur, constructionem, quam Pappus Alexandrinus sine demonstratione exhibet, his palmam praeripere. Qui quoniam demonstrationem omisit, ipse constructionem Pappi cum ratione illius addit.

VIII. De perturbatione motus planetarum, ab eorum figura non sphaerica oriunda. Auctore L. EULERO. Constat de motu lunae, illius Apogaeum fere duplo celerius progredi, quam per theoriam Newtoni inveniatur. Exhibent enim observationes, motum lunae medium ad motum anomaliae mediae ut 1, 0085193 ad 1, ita ut motus medius sit ad motum Apogaei ut 1, 0085193 ad 0, 0085193, hoc est, ut 1 ad 0, 0084473. Ex theoria autem ob actionem Solis motus lunae medius ad motum Apogaei tantum esse deberet ut 1 ad 0, 0041045, unde excessus motus Apogaei veri supra theoreticum est ad motum medium ut 0, 0043428 ad 1. Quare probabile videtur Auctori, hunc motus Apogaei lunae excessum inde oriri, quod lunae corpus sit oblongum, eiusque axis longior perpetuo ad centrum terrae fere directus. Unde etiam

rationem figurae istius oblongae definiri posse censet, cum

esse debeat  $\frac{ab}{bb} = 0,0043428$ . Lunam quidem cum

non sit virga duobus globis onusta, ut eius figura quasi aequivaleat, multo longiorem dicit esse debere, ac fortasse 3. diametros terrae superare, ita ut eius axis longior plus quam octies brevior excederet, quod vix veritatis speciem ullam habere videtur. Haec si igitur lunae oblonga figura non toleranda sit, quamvis forte minor a figura sphaerica defectus ad Apogaei accelerationem aliquid conferre possit: aliam tamen vim adesse debere existimat insuper in lunam agentem, tanto Apogaei motui producendo quae par sit; seu statuendum esse, vim terrae, lunam trahentem, non exacte esse quadratis distantiarum reciproce proportionalem. Quod etiam ex nonnullis lunae exiguis inaequalitatibus, theoriae repugnantibus, et inde, quod parallaxis lunae vera integro fere minuto maior apprehenditur, quam secundum theoriam esse deberet, concludendum Auctori videtur.

IX. De Machinis in genere, Auct. L. EULERO. Admodum imperfectam et mancā adhuc esse Machinarum cognitionem theoreticā Auctor existimat; eumque, qui solis regulis in Mechanicae elementis traditis imbutus ad Machinarum fabricam se accingat, de earum successu vel nihil certi promittere posse, vel spe concepta saepius deici. Frictio, etsi actionem Machinarum non mediocriter perturbat, immerito tamen omnis culpa in eam transfertur. Vulgaris Mechanicae defectus sola Analyti sublimiori tolli potest, et cognitione principiorum, et legum motus. Hoc variis exemplis Auctor illustrat. Perpendit casum, ubi onus 1000 librarum, ope ponderis 100 librarum, elevari debet, ad quod axis in peritrochio adhibendus sit. Hoc iam in vulgari doctrina traditur, si radius minor capiatur ad minorem in ratione 10 ad 1, onus a pondere in aequilibrio sustentari, neque tamen adhuc moveri posse. Unde,  
ad

ad motum producendum, radium maiorem plus quam decies minorem superare debere apparet. Radius igitur ille si undecies longior capiatur, motus sequetur tardus; celerior contra motus, si undecies vel duodecies. Unde discimus, si nimis longus, ut centies vel millies longior, statuatur, ponderis quidem descensum celeriores, sed oneris ascensum tardiores fore.

X. De motu Tautochrono pendulorum compositorum, Auct. L. EULERO. Laborant pendula vulgaria hoc vitio, quod omnes oscillationes, et ampliores et minores, non paribus absolvantur temporis intervallis. Quae inaequalitas originem trahit, cum ex motu circulari, qui ad aequalem oscillationum durationem minus convenit; tum ex resistantia medi, in quo oscillationes absolvantur. Hanc quidem causam Auctor totam seponit, quoniam veram curvam, quae in fluido tautochronismum gignit, invenit, et ad praxin accommodavit. Nam cum cyclois penduli tantum simplicis oscillationes isochronas reddat, Auctor pro quovis pendulo composito curvam, ad tautochronismum aptam, investigat, quae pro varia oscillantis corporis figura varie mutari potest.

XI. De argento vivo calorem celerius recipiente, et celerius perdente, quam multa fluida leviora, experimenta et cogitationes, Auct. G. W. RICHMANN. Examinauit Auctor variis experimentis, quomodo solida diversa calorem inter se, et cum fluidis communicent, iisque deprehendit, argentum vivum, vel in medio aere densiori aqueo, vel in nive frigidiori, maiora, quam aqua, spiritus ordinarius vini, petroleum, oleum terebinthinae, spiritus rectificatissimus, et oleum lini, decrementa caloris capere: idem accipere in medio aqueo calidiori maiora, quam petroleum, oleum terebinthinae, et spiritus vini ordinarius, incrementa: esse ferme aequalia in aere incrementa et decrementa caloris mercurii et petrolei, et decrementa caloris olei terebinthinae, petrolei, et mercurii: decrementa et incrementa caloris aquae et spiritus vini ordinarii in aere



aere minora decrementis et incrementis caloris argenti vivi et petrolei, olei autem lini decrementa in aere esse minora decrementis petrolei et mercurii.

XII. De ratione calorum et ratione densitatis radiorum directorum ad densitatem per lentem refractorum definienda, Cogitationes, Auct. G. W. RICHMANN. Radiorum solarium efficaciam augeri vitris causticis, maiorem quidem animadverti in minori, minorem vero in maiori a foco vitri distantia, Auctor docet. Cum etiam radiorum solarium, vitrum causticum penetrantium, et in foco concurrentium, densitates sint in distantis a foco diversis, ceteris paribus, ferme in ratione inversa quadratorum distantiarum a foco, facillimum videri posse, positis caloribus in ratione densitatum radiorum invenire rationem calorum per Thermometra ordinaria, et diversis expansionibus liquoris Thermometrici numeros rationi praedictae congruentes assignare. Patere tamen, non eodem tempore, in diversis a foco distantis, Thermometra in axe conii radiantis locari, et observationes simultaneas institui posse: successivas observationes, cum unico Thermometro, in diversis a foco distantis, erroribus ansam praebere posse, quoniam efficacia radiorum solarium semper mutetur: radios naturalis densitatis, cum radiis artificialis densitatis non facile comparari posse; cum ipso vitro et vaporibus multi radii intercipientur: efficaciam radiorum solarium, per aerem his radiis antea calefactum transeuntem, minui post vitra caustica, variis experimentis confirmari: neque culpam esse in transitu ignis in aerem calefactum largiori, quam in alia corpora, sed intercipi potius radios a vaporibus inter vitra caustica et solem haerentibus. Deinde Auctor ex variis observationibus concludit, radios directos, cum radiis refractis, commode comparari non posse. Nam si comparare liceret, et crescente efficacia radiorum directorum crescere quoque constanter deberet efficacia radiorum refractorum, et contra; et eidem gradui a radiis productis directis, idem gradus a refractis productus

Etas respondere deberet, et contra; quod utrumque fieri nequit, quoniam calor a radiis solaribus in Thermometris productus non aequè velociter decrescit, ac radorum solarium numerus vaporibus minui potest. Tandem, ut diversas radorum in diversis spatiis collectorum efficacias comparare possimus, non parum facere Auct. docet, si duas lentes aequalium distantiarum focalium, et earundem amplitudinum et crassitierum, ex simili vitro confectas, verbo, duas lentes similes et aequales eligamus, et in diversis a foco distantibus, in utriusque coni radiantis axe Thermometri bulbum collocemus. Sic enim observabimus: 1) tantum radorum ab una lente intercipi, quantum ab altera: 2) tot radios penetrare per unam lentem, quot penetrant per alteram: 3) per idem tempus in unius Thermometri bulbum efficaciam suam exercere radios solares, per quod exierunt in alterius Thermometri bulbum: 4) distantias radorum ferè in ratione inversa quadratorum distantiarum Thermometrorum a focis, et in eadem ratione efficaciae radorum refractorum esse.

XIII. Emendatio laternae magicæ ac microscopii solaris, Auct. L. EULERO. Emendat Auctor primum vitia horum instrumentorum, et deinde novam proponit eorum constructionem. Primum vitium est, quod per laternam magicam et solare microscopium non omnis generis objecta repræsentari possunt, sed tantum ea quæ maximam partem diaphana sint. Inde figurae, laterna magica exhibendæ, in tabulis vitreis coloribus dilutis valde pingendæ sunt; et microscopia solaria non alia objecta repræsentant, nisi ita tenuia, ut lumini liberum transitum permittant, et pro diaphanis habenda sint. Alterum vitium est, quod, cum objecta in parte averfa illuminentur, unde depingendæ partes propter pelluciditatem lumen accipiunt, radii libere transmissi in tabulam, qua pictura excipitur, incidentes, et imaginem perturbant, et, tabulam illustrantes, ipsam repræsentationem minuunt. Quare, ut objecta etiam non diaphana exhiberi possint, nullaque perturbatio a lumine  
S s
alieno

alieno fiat, Auct. obiecta non per radios a tergo transmissos, sed a parte antica incidentes illustrare suadet. Obiectis repraesentandis vult illuminationem satis fortem induci, sic ut nullus radius a luce, ad hoc adhibita, directe in tabulam possit incidere: lux ista illuminans ad latera tubi, per quem repraesentatio accidit, constituatur, omnisque ei ad tabulam, imaginem recipientem, praecludatur aditus: adiungatur denique talis mechanismus, quo obiecto sive a sole, sive a lumine plurium lampadum, speculorum lentiumve convexarum, illuminatio magna induci possit. Dein Auctor pro cognita obiecti illuminatione per theoriam, in splendorem seu quantitatem luminis, quo ipsa imago exprimi debeat per lentem refringentem inquirat, splendoremque hunc cum lumine, quo ipsum obiectum a luna plena illustraretur, comparat, et sic lumen, quo imago quovis sub casu sit apparitura, a priori designat. Denique, pro magnitudine obiectorum repraesentandorum, et ratione multiplicationis in imagine factae, quatuor talium machinarum genera proponit. Primum ad obiecta sex pedum repraesentanda; alterum ad obiecta unius pedis; tertium ad duorum digitorum; ultimum ad duarum linearum obiecta, est accommodatum. Horum in quolibet genere tam magnitudo, quam apertura lentis idoneae, ab Auct. determinatur, et splendor imaginis, cuilibet multiplicationi conveniens, assignatur.

XIV. Annotationes circa constructionem horologii marini, Auct. C. G. KRATZENSTEIN. Recenset Auctor imperfectiones clepsydrarum mercurialium, a Dudlaeo nautis commendatarum; quo pertinere videtur 1) alteratio aeris vitro inclusi; propter calorem et frigus, modo plus, modo minus fluxui resistens: 2) dilatatio et contractio vitri et luminis mercurium transmittentis, caloris mutationibus oriunda: 3) humiditates, modo plus, modo minus mercurio adhaerentes, et fluxum retardantes: 4) acceleratio et retardatio fluxus, per vim centrifugam oscillatione navis mercurio impressam: 5) irregularitas fluxus, ex diversa cohaesione

haesione Mercurii inter se et cum lateribus vitri, pro diverso caloris frigorisve gradu. Hisce imperfectionibus Auct. mederi studet. Primam putat per aeris evacuationem tolli; alteram, tertiam, et quintam, per conservationem clepsydrae in eodem caloris gradu; quartam vero inevitabilem esse iudicat. His disputatis proponit Auctor, quibusnam proprietatibus horologium marinum, si perfectum in suo genere iudicandum sit, praeditum esse debeat. Requirit potissimum, ut nulla motus variatio in eo contingat 1) ex oscillatione et succussione navis, 2) ex differentia gravitatis sub diversis ab aequatore distantis, 3) ex penduli elongatione et contractione, calore et frigore oriunda: ex mutatione densitatis et humiditatis aeris: ex aucta tenacitate olei ad inunctionem adhibiti: ex variatione vis elasticae sub diverso caloris gradu, si elater adhibetur: ex nova intensione vis motricis. Quae quomodo praestari possint, Auct. exponit, variaque de constructione horologii marini addit.

XV. Observationes meteorologicae, factae Tubingae, annis 1747, 1748, et 1749. Auct. G. W. KRAFFT.

XVI. Observationes Anatomico-practicae, communicatae a IO. FREDERICO SCHREIBER. In Observ. I, ut in chirurgia capitis futurarum varietates, quot possunt, cognoscantur, figura capitis delineatur, in quo ossa, quae triquetra appellantur, accurate proponuntur; in II. traduntur singularia visa in cadavere G. T. Iunckeri, sodalis Academiae; in III. enormis fractura delineatur, post obitum in cranio adolescentis visa, dies 19. sine malis signis superstitis; in IV. valde ingens aneurisma in pectore, ex cadavere viri proponitur; in V. cor villosum nautae sistitur; in VI. mentio fit scroti iuvenis, in quo praeter duo testiculos, recte constitutos, repertum corpus tertium, illis, quoad externa, simillimum, quasi testiculus tertius, sed vera hydatis.

XVII. Observationes generales, universam historiam piscium concernentes, Auct. G. W. STELLER.



XVIII. Summarium observationis Eclipses solaris d. 8. Ian. 1750. st. n. a Cl. KRAFFT Tubingae habitae, e litteris ad Winsheimium datis cum Academicis communicatum.

XVIII. Observatio eclipsis lunae totalis d. 19. Iunii st. n. 1750. Lipsiae habita Auct. G. HEINSIO.

XX. Observationum Lipsienſium a. 1748. habitarum continuatio, Auct. G. HEINSIO. Primo eclipses Satellitum Iovis, deinde occultationes fixarum a luna, post Cometa 1748. visus, porro apparitio Veneris, denique observationes meteorologicae a. 1748. institutae, proponuntur.

XXI. Observationes Astronomicae Eclipsium Satellitum Iovis, durante expeditione Kamtſatkienſi, in diverſis Sibiriae locis habitae, a Centur. Vicario, ANDREA KRASSLNICOW.

*FATA ECCLESIAE CHRISTIANAE, INDE AB Ecclesia apostolica, usque ad initia Reformationis. Sive Commentarii in Apocalypsin Iohannis PARS I. continens quinque epistolas, sigilla, et tubas, sive Capita II—III. 6. VI. 1—II. VIII. 2—IX. 12. explicata per BERNARD. SEBAST. CREMER, dum viveret Theologum Harderovicenum, curante eius filio Successore, FRANCISCO LUDOVICO CREMER. PARS II. continens Capita XII. XIII. XIV. usque ad vs. 5. et Caput XVII. integrum.*

Zutphaniae, apud A. I. van Hoorn, Bibliopolam, 1757.  
Alphab. 8. quaternis, c. effigie Auctoris.

**I**nterpretationem Scripturae Sacrae mysticam variis libris exornavit *Bernardus Sebast. Cremer*, Theologus quondam Harderovicensis, anno 1750. mortuus. Primum suam de hac S. S. interpretandi ratione sententiam exposuit in *Typologia* et *Nazirato*, deinde in *Antiquitatibus Moſaico*

*saico typicis*, et in *Oedipo*. Eius filius, *Franciscus Ludovicus*, qui patri in munere successit, hunc in Apocalypsin Iohannis commentarium edendum curavit, praemissa praefatione, in qua, cum studium ipsum Theologiae propheticae commendat, tum hypothesein patris et methodum, qua in hoc libro usus est, exponit. Nos eius summam exhibebimus. Lectoribus prius, quam, in ipso Commentario quid praestitum sit, ostendamus. Statim ab initio praefationis insperfit Cl. Editor disputationem Patris sui, *de necessitate Theologiae propheticae*, et de eo quod requiratur ab his, qui ei operam navare velint, ad I. Thess. V, 20. Ipsa vero hypothesis, quam Auctor in explicatione Apocalypseos fundamenti loco posuit, hunc in modum a Cl. Editore exponitur. *Septem epistolae* Apocalypticae possunt quidem sensu historico accipi; praecipue vero sensus propheticus est investigandus. Etenim, sub statu septem illarum ecclesiarum, fata ecclesiae omnium temporum representantur; ita ut unaquaeque distincte exhibeat, quid in ecclesia laudandum aut reprehendendum fuerit. Quia vero ex ipsis *Epistolis* non intelligitur, quomodo ecclesia se gesserit ad istas admonitiones, reprehensiones, comminationes, vel promissiones: *Sigilla* sunt aperienda, quae docent, utrum ecclesia pristinas virtutes receperit, an in vitiis, ob quae reprehendebatur, perseveraverit. Atque ita in *sigillis* fata ecclesiae *continuantur* ab eo tempore, in quod quaeque *epistola* desinit. *Sigilla Tubae* excipiunt, quae poenas, per sanctorum preces hostibus ecclesiae infligendas, annunciant. Sed quinque tantum *Epistolae*, *Sigilla*, et *Tubae*, ab Auctore explicantur. Etenim, quia in his fata ecclesiae usque ad tempora Waldensium, Wiclefitarum, et Hussitarum praedicta sunt, et posthaec tempora reformationis Lutheri et Zwinglii incipiunt, huius prophetiae implementum, nondum satis clare ostendi potest, ubi initium, ubi finem ceperit. Quod ad *methodum* attinet, primo verba textus literaliter aut historice explicantur, atque ex criteriis ipsis illis rebus insitis subiectum

propheticum investigatur et determinatur; deinde ex historia ecclesiastica implementum vaticinii demonstratur; tandem ex *parallelia* typorum vel prophetiarum realium et verbalium, nec non parabolarum miraculorumque, atque ex precibus Psalmi CXIX. confirmatur. Hanc methodum vindicare studet ab obiectionibus dissentientium Cl. Editor inde a pag. 28. praef. Longe certius ac tutius esse, subiectum propheticum ex insitis rei criteriis determinari, quam si alia argumenta pro periodorum distinctione allata fuissent, quae a multis improbentur; eos vehementer falli, qui parallelismum propheticum non admittant, qui historiam patriarchalem veteris Israël typicam esse negent, qui per parabolas non facta futura praedicta putent, sed mores hominum formari et instrui, qui in miraculis mystici aliquid nolint concedere, et Davidem dicant in Ps. CXIX. et in reliquis, de se tantum rebusque suis loqui. Suadet igitur, ut, sepositis omnibus praeiudicatis opinionibus, regulae interpretationis, quas Auctor in hoc Commentario secutus sit, legantur atque examinentur in *Antiquitatibus Moisaico-typicis*; in his enim data opera probatum esse, historias Vet. Test. typice esse exponendas, omnemque prophetias recte explicandi rationem esse indicatam; minime vero verendum esse, ne sensus literalis pereat, atque omnia in nudam allegoriam convertantur, si in parabolis et miraculis Iesu mysticus sensus admittitur et propheticus, quemadmodum ex verbis Pauli I Cor. X, *petra erat Christus*, nemo neget petram vere in deserto percussam esse.

(Hoc credimus Paulo viro Θεοπνεύστῳ, qui ex inspiratione divina vere dicere poterat, quae res in Vet. Test. typus fuerit, atque esse debuerit ex voluntate divina. Sed scire velimus, unde Auctor probare possit, Cainum typum fuisse Pseudapostolorum, Lamechum Nicolaitarum, etc. Levissima harum rerum similitudo, nobis quidem sufficere non videtur, ut dicamus, Spiritum Sanctum, praeter sensum literalem, res alias sub his verbis latere voluisse, cum ne minimum quidem huius voluntatis

tatis divinae indicium inveniamus. Quid igitur faciunt, qui hoc asserunt? Venditant scilicet nobis suas cogitationes pro divinis. Num igitur tam bene de nobis merentur, quam quidem videri volunt?)

Auctor ipse praevidit fore, qui dubitent, an Psalmi et prophetiae recte possint de certis personis, e. g. Pelagio, Ario, explicari; igitur Cl. Editor quandam illius dissertationem inseruit, *de certis personis in prophetiis inveniendis*: cuius haec summa est. Cum *prophetia, historia futura* esse debeat, de certis personis certo tempore victuris loquatur necesse est. Quando igitur prophetae de Messia, iisque rebus loquuntur, quae ad munus eius pertinent, necessario etiam de iis personis speciatim agunt, quae cum rebus ad Messiam pertinentibus coniunctae fuerunt, e. g. Iohanne Baptista, Apostolis etc. Quia vero prophetae de hostibus Messiae sunt vaticinati, e. g. Iudaeis et gentilibus, etiam de haereticis et Antichristo loquuntur, cum hi non minus atque illi hostes sint Messiae. Obiectionem eorum, qui dicant, nullam utilitatem fuisse hominibus in Vet. Test. viventibus ex prophetiis, quae de nostris temporibus loquuntur, ita removet, ut primo dicat male ita concludi: quia nos utilitatem istorum vaticiniorum clare iudicare non possumus, ad tempora nostra omnino non pertinent; cur conceditur, Moſen et prophetas de rebus post aliquot saecula futuris esse vaticinatos, cum tamen non appareat, quae ex iis prophetiis, e. g. de Alexandro M. Antiocho Epiphane etc. ad populum Israëliticum redundarit utilitas? Deinde disputat ex hypothesi: si nos ex Psalmis Davidis, quorum maxima pars de Saulo et Davide agit, si nos ex vaticiniis de Babyloniis, Tyro, Moabitibus etc. fructum aliquem capere possumus, etiam hominibus in Vet. Test. vaticinia, quae nostra tempora spectant, utilia esse potuerunt. Porro multas harum prophetiarum primo literaliter, deinde mystice vult explicari, quemadmodum quondam prophetae orali institutione hunc duplicem sensum suis exposuerunt. Tandem provocat ad dicta quaedam

Nov.



Nov. Test. e. g. quum prophetæ, 1 Petr. I, 12. non tantum sibi, sed inprimis etiam nobis ministrasse dicuntur.

Quod ad alteram partem ipsius Commentarii attinet, Auctor in ea est opinione, ut putet, *inde a Cap. XII. Apocalypseos ea uberius exponi atque illustrari, quae brevius in antecedentibus essent descripta, et cursui fatorum ecclesiae, a prima epistola, sigillo et tuba, usque ad septimam, una serie decurrentium, commode inferi non potuissent.* Quam vero harum visionum, quae inde a Cap. XII. Apocal. leguntur, explanationem dederit, dicemus, ubi ad alteram partem ventum fuerit.

In Capite igitur praeliminari, Auctor methodum suam, cuius supra iam mentio facta est, commendat, seque dicit propter eius utilitatem, quoties vaticinium aliquod Vet. Test. explicandum sit, *omni ope niti illud cum filo apocalyptico componere.* Quem *nisum* nos quoque ubique deprehendisse non negamus. At enim vero ne in idem nimiae prolixitatis vitium incidamus, quod non immerito in Auctore reprehendi potest, breviter tantum indicabimus, de quibus temporibus in *Epistolis, Sigillis, et Tubis apocalyptis*, pro eius hypothese dictum sit; addemus pauca exempla, speciminis loco, ex parallelismo prophetico et typico, cum certissime nobis persuasum sit, nos bene mereri de Lectoribus, si non plura addamus, quod in tanta copia, quam Auctor larga manu suppeditavit, facile fieri potuisset; etenim satis iam ex his intelligitur, minimam, eamque extortam similitudinem, Auctori sufficere, propter quam Vet. Test. historias de fatis ecclesiae christianae explicet. Quodsi vero sunt, qui putent, hoc genus interpretandi admodum lubricum esse atque incertum, ne quid gravius dicamus; tantum abest, ut aliquid contra dicamus, ut potius nos quoque idem sentire libere profiteamur.

*Primam Epistolam* scriptam ad Ecclesiam Ephesinam, Apoc. II, 1 — 7. Auctor intelligit, ut omnes fere faciunt, qui sensum propheticum harum epistolarum defendunt, de Ecclesia

Ecclesia Apostolica, inde a prima eius plantatione, usque ad tempora Nervae. Typi ecclesiae apostolicae fuerunt Adam, Eva, inprimis Abel, qui in grege *pascendo* suam molestiam et laborem habuit, atque ut Angelus Ecclesiae Ephesinae magna fuit *patientia*. Cain typus fuit Pseudapostolorum: Lamech Nicolaitarum, *quia duxit uxores duas*, atque illi homines profani et voluptuosi fuerunt. *Lex cibaria* Levit. XI, 2. statum ecclesiae apostolicae egregie, ut Auctor putat, exprimit; quemadmodum *exploratio leprae* typus fuit explorationis Pseudapostolorum, quae in Episcopo Ecclesiae Ephesinae, vers. 2. laudatur. Hypothesin, quod in septem *epistolis* ecclesiae status describatur, additis promissionibus, ad quas quomodo se gesserint ecclesiae *sigilla* docent, quemadmodum septem *tubae* plagas hostium annuncient, hanc igitur Auctor in Psalmo XXXVII. invenit, in quo septem Epistolas, Sigilla, et Tubas apocalypticas vidit. quod quam argute exsculptum sit, legant, si scire cupiant, Lectores, inde a pag. 42 — 84. In *Oedipo* Auctor probaverat, Psalmum CXIX. vaticinia apocalyptica continere. Igitur eum pro numero Epistolarum, Sigillorum, et Buccinarum, in totidem pausas dividit, in quarum prima a vers. 12 — 16. Iohannes ex Pathmo loquitur. Quomodo se gesserit ecclesia post primae epistolae promissionem, ex *Sigillis* debet cognosci, haec enim de futuris agunt Cap. IV, 1. atque *incipiunt* ab eo tempore, in quo *desinunt* epistolae. Post *praeparationem primi sigilli* Cap. VI, 1. sequitur *ipsum sigillum* vers. 2. Equus est ecclesia, Eques Christus, Arcus Evangelium, Corona signum victoriae. *Implementum* huius Sigilli quaerendum est a morte Domitiani usque ad initium vel finem Hadriani, in quo temporis intervallo ecclesiae status felix et tranquillus fuit, multae magnaeque Evangelii victoriae fuerunt in convertendis gentilibus. Post *primum Sigillum prima Tuba* audienda est Cap. VIII. 7., nam vers. 2 — 6. est tantum praeparatio ad tubarum visionem, per quam iudicia in Iudaeos exercenda annunciantur sub Vespasiano, Traiano, Hadriano.

Typus summae Iudaeorum malitiae, poenarumque de iis sumendarum, erat fratricidium Abelis a Caino commissum; Achan ob sacrilegium, et alii plures pag. 137 sqq. Ex *miraculis* Christi huc pertinent expulsio mercatorum e templo, et ficus maledicta; primae tubae respondet in Psalmo CXIX, versus 121—128. In *Epistola secunda* Cap. II, 8—11. scripta ad Ecclesiam Smyrensem, Status Ecclesiae describitur inde a fine Ecclesiae Apostolicae, qui est circa tempora Traiani vel Hadriani, usque ad tempora Constantini M. Quibus temporibus respondet secunda periodus ecclesiae patriarchalis, a Setho usque ad Noachi diluvium. Eadem tempora descripta videt Auctor Cantic. Cant. Cap. III. et in Psalmo CXXI. ex Psalmo vero CXIX. huc pertinet tertia Pausa, a vers. 17—24. *Sigillum secundum* pag. 202. explicatur cum Vitringa de persecutione Diocletianaea, exclusa tamen Deciana; quia huius iam in Epistola secunda mentio facta sit: sigilla vero materiam Epistolarum continuant. Cuius immanis persecutionis typus fuit *Diluvium*, et *dominium Philistaeorum* in populum Israëliticum, 1 Sam. XIII. Ex prophetiis, quas Auctor verbales nominat, pertinet huc Ps. IX. atque vers. 73—80 Psalmi CXIX. Sequitur *Tuba secunda*, Cap. VIII, 8. 9. Per montem ardentem, non, quod Cocceius voluit, Politia Iudaica in *mare* gentilismi proiecta significatur; neque, secundum Vitringam, irruptio barbarorum in Romanum Imperium: sed totius gentilismi subversio per Constantinum M. Ad quam quoque respicitur in Psalmo XLVI. et LXXVI. Cant. III. et Ps. CXIX. 129—136. In *Epistola tertia*, scripta ad Ecclesiam Pergamenam, Cap. II, 12—17. status Ecclesiae describitur inde a Constantino M. in quo tuba secunda desinit, usque ad tempora Arcadii et Honorii. Per *thronum Satanae* tempora inprimis Valentis sunt intelligenda, quibus Arianismus summum fastigium adscenderat; sub *Antipa Athanasius* latet, qui occius dicitur, cum ab Episcopatu esset deiectus. His temporibus tertia periodus Ecclesiae patriarchalis respondet, historia nempe *Noachi*, qui huius *Antipae*,  
h. e.

h. e. *Athanasii* typus fuit. In ecclesia Israëlitica huc tempora pertinent inde a superato Goliatho, usque ad Davidem, qui etiam b. Athanasio simillimus fuerit. Omittimus reliqua: haec iam speciminis loco sufficiunt. Psalmus LIX. omnes huius ecclesiae notabiles partes in Davidis typo delineat, prouti Auctor putat. Igitur copiosa eius sequitur expositio, sive potius verborum sententiarumque detorsio, et cum his temporibus collatio pag. 294. sqq. *Pausa quarta* Psalmi CXIX, 25 — 32. agit de Ecclesia Pergamena. *In Sigillo tertio* Cap. VI, 5. 6. imago sistitur *Pelagii* et *Semipelagianorum*, quorum typus *Gibeonitae* fuerunt, 2 Sam. XXIV: ex Ps. CXIX. *pausa* Caph a vers. 81 — 88. huc pertinet. *Tuba tertia* Cap. VIII, 10. 11. iudicium in *Arianos* denunciat. Est *Arius* iste stella illa magna caelo deiecta, quod in Concilio Nicaeno factum videtur. In Psalmo LII. haec omnia praedicta sunt, nam *Doëg Arii* typus fuit; nec non in Psalmo CXIX, v. 137 — 144. *Epistolam quartam* ad Ecclesiam Thyatirensensem, non, ut plurimi, de Ecclesia Romana, et *Iesabelem* de Pontifice Romano, Auctor intelligit; sed, quia Israël, sive decem tribus, typus fuerunt Ecclesiae Orientalis, ut Iuda et Benjamin Ecclesiae Occidentalis, *Iesabel* quaerenda est in Ecclesia Occidentali. Periodus igitur, quae in hac Epistola describitur, *incipit* post tempora *tertia Tubae*, h. e. sub finem Quinti Saeculi, a scissione Ecclesiae Orientalis et Occidentalis, propter Eutychianismum et Henoticum Zenonis, et *desinit* in deportatione Ecclesiae Orientalis in captivitatem a Turcis, facta sub finem Saeculi XI. Typus horum temporum fuit constructio turris Babylonicae; ex Psalmis Ps. CXXIII. ex parabolis Matth. XII, 33. Luc. XII, 24 — 28. ex Psalmo CXIX, v. 33 — 40. eadem tempora respiciunt. *Sigillum quartum*, Apoc. VI, 7. 8. faciem ecclesiae sistit, qualis fuerit Saec. IX. X. et XI. sub imagine *equi pallidi*, quia eam sibi subiecerant Episcopi, in quibus dominabantur *mors secunda* et *infernus*, quae *pallida ecclesiae facies* copiose ex *Usserio*, *Heideggero*, et *Morneo* describitur, pag. 493 seqq. Typi vero eius fue-



runt Ioiada pontifex, 2 Reg. XI, 17 seqq. Lex, de civitate idololatrica, Deut. XIII. seqq. et Locus Ies. LVI, 9 — 12. inprimis huc pertinent: ex Psalmo vero CXIX, v. 89 — 96. *Tuba quarta* annunciat, post Arianos punitos, Lucem veritatis in Concilio VII. universali fulguram pure; sed quod *ad tertiam sui partem*, quae agit de Christo, obscurandam esse in Concilio Nicaeno II. tunc *Lunam* et *sidera* oritura esse in *Concilio Francofurtensi*; *sed hanc etiam lucem tertia sui parte* obscuratum iri in Concilio octavo generali. Tempora Eliae, Elisae, et regnum Iehu, hunc ecclesiae statum indicarunt: atque ex Psalmo CXIX, vers. 145 — 152. huc pertinet. *Quinta Epistola* ad Ecclesiam Sardanensem, non, quod *Colceius* existimat, Ecclesiae Reformatae statum describit. Rectius *Vtringa* statuit, eam a Saeculo XII. ordiri. Terminus enim *a quo* sunt tempora Gregorii VII, quibus *Mors* et *infernus* grassata erat. Igitur incipit in fine Saeculi XI. neque potest se ultra reformationem plenariam extendere. Nihil enim huius tanti operis in hac ecclesiae descriptione occurrit, in qua tantum Antichristus dominatur. Ex historia typica pertinet huc Periodus quinta, ab Achazo usque ad Zorobabelem; ex lege typica *aves impurae, vultur, aquila, ciconia, locustae sex pedes habentes*, Levit. XI, 18. Ex parabolis, servus ille nequam, et hypocrita, Matth. XXIV, 48: ex Psalmo CXIX, vers. 41 — 48. *Sigillum quintum* Cap. XI, 9 — 11. eadem tempora, quae Epistola quinta, pro sigillorum et epistolarum inter se connexione, respicit. Igitur *tempus illud parvum* silentii, usque ad tempus, quo postulabant *vindictam* Confessores et Martyres, est tempus proximum ante reformationem, usque ad *vindictam* frustra tentatam ac desideratam a *Bohemitis* et *Hussitis*. Aliud illud tempus, ubi *Animae sub altari* mactatae recumbunt, tempus monstrat persecutionum *Waldensium, Albigenfium, et Wiclefitarum*, Saec. XIII. et XIV. *Quatuor Locustarum species*, quae purae erant, et comedi poterant secundum legem cibariam, typi fuerunt *Waldensium, Wiclefitarum, et Hussitarum*. Querelas fidelium, de miseria horum temporum

rum, expressit *Ethan* in Psalmo LXXXIX, 47 — 53. et *David* de iisdem rebus sermo est in Psalmo CXXIV. et in Psalmo CXIX, 97 — 104. *Tuba quinta*, Apoc. IX, 1 — 12. ultimos Antichristi ante reformationem ecclesiae conatus describit, qui, ut suum post lapsum ex caelo christiano interitum totalem praeveniret, primo *fumum* (confusionem) excitavit, deinde *Locustas*, h. e. *Monachos*, *Dominicanos*, *Franciscanos*, aliosque suscitavit, qui sibi labanti auxilium ferrent. Verum, providentia divina factum est, ut hae *Locustae* ipsa Pontificiae Ecclesiae membra fumonis cruciatibus afficerent. Quae gesta sunt inde ab Innocentio III. initio Saeculi XIII. usque ad initium Saeculi XVI. a Salomone Prov. VI, 12 — 19. horum temporum impietatis monstra descripta putantur. Ex Psalmo vero CXIX. huc pertinet vers. 153 — 160.

Supra iam dictum est de hypothese Auctoris quoad alteram partem Apocalypseos: *hanc non esse continuationem rerum in primis Capitibus praedictarum, sed uberiores explicationem earundem rerum, quae brevius essent descriptae, hisque commode inferi non potuissent.* Sequitur ergo in *Parte secunda* Commentarius in Capita XII. ad XIV, 5. et Caput XVI. integrum, qui haec fere continet. *Mulier sole amicta*, est Emblema Ecclesiae apostolicae. *Filius*, quem peperit, est Christus, in cordibus gentilium natus, ope ecclesiae primitivae, Cap. XII, 1. 2. Diabolus cum suis asseclis est *Draco* ille *septiceps*, cum cornibus decem et diadematibus septem, qui, cum in gentilismo haecenus esset dominatus, eius conversionem ad religionem Christianam impedire conabatur, suaeque *cauda*, h. e. per falsos prophetas, multas stellas s. doctores de caelo detraxit, qui homines ad errores seducerent, Cap. XII, 3 — 6. *Pugna* hinc orta inter Michael et Draconem in *caelo*, i. e. Ecclesia, ex qua Michael s. Spiritus S. superior discessit, et Draconem, diabolum, cum suis, de statu suo deiecit, Cap. XII, 7 — 17. Quae inde sequuntur, ad *Epistolam*, *Sigillum*, et *Tubam secundam* pertinent. Describuntur ibi persecutiones, quas

ecclesia ab imperatoribus gentilibus perpeſſa eſt, quas tamen Eccleſia, *duabus aliſ aquilinis ipſi datis*, effugit, et per tempus 1260. dierum in deſerto ſervata eſt. Quae a verſu 18. Cap. XII. uſque ad verſ. 4. Cap. XIII. leguntur, uberius exponunt ea, quae in *Epistoſa ad Eccleſiam Pergamenam* brevius erant ſcripta. Per *Beſtiam primam*, quae vulnus lethale, quod tamen ſanatum eſt, non *Pontifex Romanus*, ut plurimi putant, ſed *Clerus orientalis* intelligendus eſt; ex quo *Muhammed* ortum ſuum traxit, de quo, ut et eius progreſſu et fine, agitur Cap. XIII. a verſu 5 — 10. *Beſtia ſecunda* Cap. XIII, 11 ſeqq. ſiſtit *Clerum occidentalem*, cuius *imago* invenitur in *Collegio Cardinalium*. *Spiritus* vero iſtius imaginis delineat ipſum Romanum Pontificem, atque numerus beſtiae X& 666. explicandus eſt ex literis initialibus *X&ſos &λω &αυρω&ſeis*, quod nempe in papatu Chriſtus in ſacrificio miſſatico cruci affigitur. Quanquam vero *ſecunda illa beſtia* magnam creaverat apoſtaſiam, tamen erant qui huius ſe non reos facerent, nempe *Waldenſes*, de quibus iam in *Epistoſa* et *Sigillo* quinto actum eſt. Caput XVII. *de bello Huſſitico* explicatur. Quae vero a verſu 6. Cap. XIV. uſque ad Cap. XVI. occurrunt, *de reformatione Lutheri et Zuinglii*, in ſexta *Epistoſa* ad Philadelphiam praedicta, Auctoꝝ explicanda putat; ad quod tempus etiam *ſeptem phialae* in beſtiam effundendae pertinent, a quibus exponendis abſtinuit, cum deſtructionem beſtiae nondum in ſuo eventu conſpici putaret.

Novum *paralleliſmum prophetiarum* huic parti non addidit Auctoꝝ: nam cum, ſecundum ſuam hypotheſin, in Capitibus Apocalypſeos poſteriori Commentarii parte illuſtratis, de iisdem eccleſiae temporibus agatur, de quibus iam in priori parte dictum erat, repeti facile poſſe exiſtimavit ſuo quaeque loco vaticinia, quae e Vet. Teſt. temporibus Novo Teſt. accommodanda duxerat. Huic igitur rei acceptum referre debent Lectoꝝ, quod haec altera Pars non ad primae partis magnitudinem excreverit. Ne quid tamen Operi deeſſe videretur, Auctoꝝ ſubinde indicavit, ubi

in

in Vet. Test. inveniri posset, quod in Apocalypsi viderat, ita ut abunde reperiant quo sitim extinguere possint, qui istiusmodi coniecturali interpretatione, et ingenii lusibus, delectentur.

---

### NOVA LITTERARIA.

*Hoc mense Octobre, quo haec Acta mensis Iunii eduntur, de Legato Stolpiano haec heic loci, etsi ante diem, inferenda accipimus.*

Professores Academiae Lugduno Batavae, qui curando Legato STOLPIANO praesunt, latis in solemni confessu, d. XIII. Octobris habito, suffragiis, de Dissertationibus, quas plurimas undiquaque a Viris doctis ad se missas acceperant, ad problema anno superiore propositum:

*Ex eo, quod aliquid est, solidis rationibus efficere, dari ens necessarium, aeternum, immutabile, et ab hoc universo distinctum:*

consueverunt, Numisma aureum ducentorum et quinquaginta florenorum, pro praemio constitutum, deberi GODFREDO ARNOLDO MAAS, S. S. Minister. Candidato, Herena Marcano, Autori dissertationis Belgico idiomate conscriptae, sub Symbolo: *Sic demum rerum nascitur ordo.*

Quum vero nec aliae deessent super eodem argumento dissertationes laude dignae, quae palmam priori fere dubiam redderent; visum iudicibus est, has inter tres praecipue seligere, ceteris praestantes, quae iuxta superiorem typis evulgentur: ut et debitus eruditorum hominum laboribus honos habeatur, et momentosae veritatis, primarii universae Theologiae naturalis fundamenti, demonstratio, ipsa cum stili, tum argumentationis varietate, tanto cumulatior, et ad quorumvis lectorum captum gustumque accommodatior, evadat.

Rogan-



Rogantur itaque humanissimo Auctores dissertationis Belgicae, sub Symbolo:

*Opus artificem probat:*

et alterius Latinae, quae Symbolum fert:


*Philosophia obiter libata a Deo abducit,  
Sed penitus exhausta ad Eundem reducit:*

tertia denique itidem Latinae, inscriptae:

*Etiam non affectis abunde pulcrum:*

velint ante proximi anni initium significare, liceatne effra-  
ctis schedulis in eorum nomina inquirere, suumque cuius-  
vis dissertationi edendae adscribere, an contra malint latere  
anonymi? Hoc tamen si quis prae illo elegerit, non est,  
cur respondeat: habebitur enim, ut qui innotescere nolit,  
eiusque schedula, uti transmissa fuit, obsignata flammis  
tradetur.

Litterae autem posthac inscribentur H. D. Gaubio,  
Medicinae et Chemiae Professori, Instituti Stolpiani h. t.  
Actuario. Leidam.



# NOVA ACTA ERUDITORUM,

*publicata Lipsiae*

*Calendis Iunii Anno MDCCLIX.*

*Pars II.*

IOHANNIS DAVIDIS MICHAELIS, PROF. ORD.  
*Philos. et Societ. Regiae Scientiar. Goettingensis*  
*Collegae, Syntagma Commentationum.*

Goettingae, apud viduam Abrami Vandenhoeck, 1759.  
I. Alph. 7. plagg. quaternis.

**Q**uamvis nihil eorum, quae Vir Clarissimus scripserit, elabi ex hominum memoria, aut interire videatur posse: tamen, cum tenues harum commentationum pagellae facile de manibus effugiant, curandum omnino fuit, ut illae uno coniunctae volumine certius tenerentur. Sunt in his seorsim olim publicatae, quarum exempla hodie desiderantur; aliae nunc primum editae; aliae Collectionibus maioribus adhuc inclusae, sed rectius ab iis divulsae. Proponuntur etiam duae, sermone patrio scriptae, quod latinum refugeret occasionis et argumenti ratio. Nos de singulis, quod satis videbitur, dicemus.

I. *Beschreibung einiger alten Deutschen Bibel-Uebersetzungen vor D. Luthers Zeit*: h. e. de nonnullis Bibliorum Versionibus Theoticis, quae Lutheri aetatem praecesserunt, relatio, pag. 1 — 22. Ea primum prodiit in Symbolis Halensibus (*den Hallschen Anzeigen*) anni 1744, spectante tum versiones illas Auctore doctissimo in biblio-

Uu

theca

theca Viri illustris, Ioh. Petri Ludovici. Hic, aucta egregiis accessionibus, in lucem redit. Prior harum versionum in forma folii, charta proba, litteris obsoletis, (*mit Mönchs-Schrift*) excusa, nullam auctoris aut temporis mentionem refert. Sed vero proximum est credere, esse illam eandem cum ea, quae Moguntiae A. 1462. typis descripta fuit, hoc est, Bibliorum theotisca lingua editorum antiquissima. Nam exstat exemplum horum Bibliorum in bibliotheca Senatus Ecclesiastici Würtembergensis, descriptum illud accurate a Clemmio, A. M. in Amoenitatum Academicarum Fasciculo secundo. Habet autem in exitu, ab eadem manu, quae titulos per omnem codicem effinxit, adscripta haec verba: *Pñs Bibliae clarissimum opus Iohann Fust Moguntinus civis non atramento plumali canna neque e-rea sed arte quadam perpulcra manu Petri de Gernsheim pueri mei feliciter effeci finitum anno MCCCCLXII. in vigilia Assumptionis virginis Mariae.* Nihil horum in exemplo Ludoviciano; sed reliqua annotata a Clemmio ostendunt, vix ac ne vix quidem utrumque codicem differre. Invenit etiam in Bibliotheca Ampliss. Senatus Lipsiensis, Doctiss. Michaelis Biblia Theotisca, suis illis, quorum notitiam porrigit, adeo similia, ut parum dubitet, ea eiusdem editionis existimare \*). Utique in quibusdam locis a se discrepant; verum illa inter ipsas excudentium operas mutata esse putat.

Ludovicianum exemplum his verbis Genesin orditur:  
*An dē Angang beschuff Got den hymel und die erde \*\*).*  
 Inest

---

\*) Nos haec ipsa commentantes, exemplum istud Bibliorum ad manus habemus. Censent in plerisque cum Ludoviciano, in paucioribus ab eo discedit; quae cuius momenti sint, ut iudicare possint Lectores, faciemus. In adiuncta chartula observatum legimus, credi hanc primam bibliorum theotiscorum editionem, excusam Norimbergae A. 1467. Quae coniectantis opinio partim vera videtur, partim falsa esse.

\*\*) Lipsiense habet: *An dem anegang geschieff got den himel und die erde.* Voce admodum una, et scribendi minutiis quibusdam differt.

Inest autem praeter libros biblicos universos, ficta quoque Pauli ad Laodicenses epistola, obtinens locum media inter epistolas ad Galatas et Ephesios. Eius inscriptio praeter alia habet: *Den Brüdern die do semt zu Laodoci \**), Actus Apostolorum inter Epistolas ad Hebraeos et Iacobi positi, titulum referunt: *das Bottenbuch*, exulante ex hac versione voce *Apostoli*.

Versio autem omnis non de Hebraeo et Graeco fonte expressa est, sed, quod tum mos ferebat, Vulgatam versionem reddit. Sed qui vertendi hunc laborem suscepit, nec latinae linguae satis gnarus fuit, et plerumque verbum de verbo, pueriliter atque inepte, reddidit. Ecce tibi Lector, exempla quaedam: Dan. V, 1. *optimatibus suis mille*, vertit: *tausent seinen besten*, vers. 30. *Darius Medus successit in regnum, annos natus LXII*: und D. M. *wüchß in das Reich, geboren. LXII. Jar.* Iobi XXXVIII, 36. *Quis dedit gallo intelligentiam? wer gab dem hanen die vernunft?* Rifu autem dignissimum est, quod Matth. XVI, 13. pro *Caesarea Philippi* posuit *das Keyserthumb Philips*, tamquam si ea urbs regnum esset Philippi.

Sed Vir Clariss. non naevos solum huius versionis confectatur, verum et multa inde promit, sermoni patrio, imo et locis Scripturae S. nonnullis idonea illustrandis, neque criseos exercendae locum praetermittit. Mirari quis possit, discedere eam Matth. VI, 11. a Vulgata, et pro *panis suprasubstantialis* habere *teglich brot*; sed versio vulgata ante Hieronymum omnino referebat *quotidianus*, quod *Martianaeus* docet in Vulgata antiqua latina et itala versione Evangel. sec. Matth. Paris. 1695. pag. 20. Aliis locis, ubi a vulgata aberravit, aut vitioso exemplo usus est, aut oculos non satis ad legendum attendit huius versionis artifex. Luc. I, 31. verterat: *du empfechst mein Leyb*; quod videtur

Uu 2

detur

\*) Lipsiense: *die do seind*. Sed illud *semt* in Ludov. sine dubio est *seint*, omisso puncto, quod ex una littera duas faceret.



detur indicare, angelum qui Mariae adparuerit hominem fuisse: Haec suspicio ut tolleretur, vox *mein*, duabus postremis litteris deletis, manca remansit \*).

In vocibus theotificis obsoletis, sed in hac versione adhuc conspicuis, hae sunt: *Ehe* seu *Ee* pro *lex*; *Ellenden* pro *inter peregrinos morari*; *Herberge* pro *castra*; *Brittel* pro *fraenum*, (cum qua voce coniungendum est Gallorum *Bride* et Anglorum *Bridel*;) *Magenkraft* pro *maiestas*; aliae. *Solus* et *lunae* vocabula, secus quam hodie ore nostro, heic frequentantur, illud masculino genere, *der sum*, hoc feminino, *die mein*.

Iudic. XVIII, 30. Vulgatam secuta versio nostra, pro *Manasse* habet *Mose*. Recte hoc quidem. Nam et ratio scriptae vocis מֹשֶׁה docet, מֹשֶׁה dubiae auctoritatis esse, et tribus Leviticae mentio Abendanaeque testimonium comprobant, quendam ex posteris Moysi hic notari. 2 Paralip. XIII, 17. illum omni fide maiorem numerum *quingentorum milium*, qui in acie ceciderint, mutat in *quinquaginta millia*. Sed verius est, cum Cl. *Michaële* existimare, hanc numeri hyperbolen ortam esse ex permutatis מֵאָה אלף (20000) cum אלף מֵאָה (500000) Lectionem tamen nostrae versionis recepit quoque altera illa item memorabilis, quam V. D. descriptam sistit.

Ea Noribergae A. 1483. duobus Voluminibus in folii forma, excusa est ab Anton. Koburgero \*), paginis omnino 583. Sub finem dicitur, eam Bibliis omnibus, theotifica adhuc lingua editis, palmam praeripere, et ad Vulgatae normam accurate emendatam esse. Sed hoc magnificentius scriptum est, cum pauca admodum loca ex male redditis in versione priore, correxerit; quaedam etiam in peius mutarit. Dialecto tamen multo clariore utitur quam prior: ut adeo vix credere possis, intra annos viginti, sermonis nostri tam diversam faciem exstitisse.

Com-

\*) In Lipsiens. clare legitur: *du enpfestst mein leip*.

\*) Servatur huius editionis exemplum in Bibliotheca Academiae Lipsiensis.

Commendant autem et hanc versionem nonnulla, diligentiore spectatore non indigna. Nam praeter voces Theotifcas, hodie sepultas, ut *grisgrammen*, fremere, *durchechten*, persequi, cet. eximium praebet testimonium illius ipsius doctrinae, qua profitenda *Lutherus* primam a Rom. Ecclesia secessionem fecit, hoc est: homines fide in Christum, non operibus suis, salvari. In hanc enim sententiam diserte loca Gal. II, 16. et 19. reddidit. Matth. V, 35. recte legit: *des grossen Königs Stadt*, urbs magni illius regis; cum obscurius posuerit *Lutherus* noster: *eines grossen K.* magni cuiusdam regis. Inscriptiones capitum, eorum argumentum satis concinne tradunt. Additae sunt figurae ex buxo ductae, quarum una ad Cap. IX. Apocalypseos, in magna caesorum a quatuor angelis turba, hominem quoque triplici corona ornatum ostendit.

II. et III. *Commentationes duae de poena homicidii*, pag. 23 — 79. Harum prior A. 1747. prodiit, recusa A. 1750. quo posterior accessit. Utraque, sed maxime posterior, recusa hic est auctior. Disquiritur primum de praecepto divino, Noachi posteris circa poenam homicidii dato, Genes. IX, 5. 6. Docet Vir Cl. non praedictionem, sed legem hoc loco contineri, occasionem autem latae legis fuisse caedes ante diluvium grassatas, et magistratus absentiam. Comma 5. non dicit, Deum ipsum, repudiata magistratus & reipublicae opera, homicidia vindicare velle, sed potius usurum eorum opera indicat. Id clarius etiam vers. 6. proditur; ubi quidem *וְדָם* et ad homines et ad bestias referendum est; ut adeo velit Deus, bestiarum etiam sanguine hominibus laceratis parentari. Similes leges Exod. XXI, 28. et Levit. XX, 15. leguntur. Neque aliena ab his Plato alique veterum praecepere. Lex ergo Noachō lata primum potestatem homicidas interficiendi tribuit familiae Noachidarum; necesse enim erat, ut Deus hanc potestatem residuis ex diluvio mortalibus edicto proposito concederet, quoniam illis rite creatus deerat magistratus. Tribuit autem eam non ordinario magistratui, qui tum

nullus erat, sed universae hominum societati. Imo non ius modo largitur, sed et necessitatem eo utendi.

Leges Israëlitis de poena homicidii praescriptae habentur Exod. XXI, 12. 18. 19. Levit. XXIV, 17. Num. XXXV, 16 sqq. 31 sqq. Deuter. XIX, 11—13. Prioribus duobus locis gravissime confirmatur, homicidas sanguine poenas suscepti sceleris luere debere; reliquis duobus inculcatur haec sententia, docenturque iudices, nihil de eius rigore remittendum, nec redimendam argento vitam esse. Non vult Deus, impunita caede terram *profanari*; ita enim verbum חָנָף Num. XXXV. reddendum esse, et Syrorum usus probat, qui inde חֲנָפִים *ethnicos* dicunt, et Arabiae; hoc tamen discrimine, ut pars huius regionis Christiana prorsus hunc sensum voci tribuat, pars Muhammedana contrariam vim ei adsignet istam: *orthodoxus fuit*, adscito, ut videtur, eo ipso vocabulo, quod primum convicii loco Muhammedanis impertitum fuerat. Prima autem significatio تَغْيِطُ الحَرْفَ apud Arabes est, *tarsum pedis flaccidum habuit*, cuius generis homines omnino a templo et sacerdotio arcebantur, adeoque *profani* erant.

Sed lex Mosaica de puniendo homicidio tam severa fuit, ut si auctor caedis lateret, supplicium ei debitum in vitula caesa demonstrandum esset, Deut. XXI, 1—9. ubi quidem נָחַל אֵיתָן est *rius perennis*, qui numquam exsiccat; quod ex parte docuit b. *Schultensius* Origg. Hebr. Tom. I. Cap. VIII. Executor supplicii de homicida apud Israëlitas erat Goël, seu is qui caesum proximo cognationis gradu attingebat. Hunc morem Orientis, servatum etiamnum Arabibus, populo suo permittebat Moses. Dedecus enim erat opinione Hebraeorum, caedem cognatorum non ulcisci, et cum tamen essent olim, qui lytrum acciperent ab homicida, Moses hoc fieri vetuit. Praeter hunc vindicem, seu Goëlem, testium quoque vel militum manibus, iubente magistratu, sumebatur supplicium. Genus supplicii ultimi lege definitum non erat, sed ab arbitrio Goëlis pendebat. Plurimos tamen Goëles ventrem  
rei

rei gladio perforasse, eiusque viscera effudisse, plura Scripturae S. loca, quae hoc mortis genus tradunt, ut credamus suadent.

Supplicio autem dignus non censebatur, nisi qui *dolo malo* hominem occidisset. Huic homicidio duplex nomen erat, צרה, unde צריה, quasi *fitis sanguinis*, et הויד בערמה *proneretice agere cum calliditate*. Fortuitum homicidium ac servi, a poena capitali immune erat: nec eidem obnoxii, qui non mortifero instrumento hominem occiderant, aut in ipso rixae ardore eum vulneraverant, sed ita ut convalescere inciperet. Altaria ius asyli habebant, ne Goel prius vindictam sumeret ab homicida, quam constaret, eum lege damnari. Protervi vero homicidae ab ipso altari ad mortem rapiebantur, iubente quidem magistratu. Urbes asyli poenae loco erant homicidio non dolo. In eos etiam, qui, quamquam non ipsi hominem imprudentes interfecerant, commiserant tamen sua iniuria, ut homo periret, severa est lex Mosaica, adeo ut nonnumquam capitale supplicium iis minetur; v. c. Exod. XXI, 29 — 31.

Iam pag. 56. propius accedit Vir Cl. ad id, cuius causa maxime utramque Commentationem scripsisse videtur, ad ius Principum dispensandi de homicidarum poena: Vindicasse sibi hoc ius reges Israelitarum, docet exemplum Davidis, qui Absalomum, quamvis nefarium fratricidam, a poena absolverit, 2 Sam. XIV. Huius regis, qui iuris populi sui gnarus, prophetarum familiaris, ipseque propheta et a Spiritu S. actus erat, auctoritas gravis omnino est. Colligit ergo hinc Vir D. *si vel ad nostras respublicas pertineret lex divina de poena parricidii*, (quod tamen postea negat:) *tamen Principes nostros ius adgratiandi habere*. Quod ut stabiliat, docet, quo iure dispensare a lege politica divina suae reipublicae lata princeps possit. Leges politicae eius fere indolis sunt, ut nonnumquam exceptione a lege opus sit. Quis enim legislator omnes casus complectatur? Licet ergo magistratui, cui omnia sua iura tradidit



didit respublica, a lege *singulares ob causas* divertere. Hoc maxime in poenis locum habet, quae omnes ad commodum reipublicae institutae creduntur. Nam fieri potest, ut eiusdem reipublicae maius commodum in impunitate singularis cuiusdam rei versetur, nec tamen, hac illi impunitate data, malis civibus animus ad scelera suscipienda crescat. Quodsi Deus sive uni populo, sive universo hominum generi, leges politicas ferat, salus reipublicae finis harum legum erit. Haec ergo si exigat, ut a lege recedatur, licebit illud facere, atque ipse legislator id velle censendus erit. Accedit quod Deus singulares causas contra legem a se sive latam, sive ferendam, iudicavit. Sic ille Caino et Davidi, parricidae utrique, impunitatem praestitit. Si quis autem regerat, legislatori quidem licere a lege aliquando discedere, non item magistratui, cui eam scripserit: is in quavis singulari causa magistratum ad oraculum divinitus edendum releget, necesse est, neque eum mente sua uti patiatur, ut iudicare possit, quando casus adsit, qui discedere a lege politica sinat. Posthaec indulgentiam Davidis erga Absalomum defendit Cl. Michaelis, solvitque obiectiones, quibus hanc de facto Davidis sententiam oppugnavit Vir S. R. *Io. Car. Koken*, apud Hildesieneses sacrorum antistes.

Sed pag. 70. praecipuum laborem adgreditur hunc, ut demonstret, legem Noacho eiusque filiis de poena homicidii latam, non ad omnes Noachi posteros pertinere; sed iis tantum temporibus tributam fuisse, quibus posteri Noachi nullam haberent rempublicam humanis legibus formatam. His vero argumentis utitur. I. Causam latae huius legis fuisse, quod nulla tum respublica, nullum ius universorum in singulos, adeoque nec metus poenae esset, qui revocare sceleratos a parricidio posset. II. In republica Israelitarum a Deo per Mosen constituta, alia et huic legi contraria decreta fuisse in eo, quod caedes servi vindicanda non erat. III. Non totam legem Noacho latam rebus publicis nostris aptam esse. IV. Coniunctam legem  
de

de sanguine non comedendo non ad universum genus humanum pertinere ; ergo neque hanc. Removet iterum Vir doct. obiectiones nonnullas, tandemque concludit, licere Principi, poenas homicidii remittere, si id leges civitatis, aequitas in cives, atque prudentiae rationes fuadeant.

IV. *Argumenta immortalitatis animorum humanorum, et futuri seculi, ex Mose collecta.* Pag. 80 — 120. Haec dissertatio A. 1752. publice defensa fuit. Quo graviore momento dogma de futura post hanc vita conspicuum est, hoc magis mirum plerisque visum est, nullam eius a Mose mentionem factam esse. Ac possunt hoc silentio hostes religionis Christianae ad eam oppugnandam uti ; eaque, quam *Warburtonus*, in libro de legatione Moysis divina, paravit, defensio, non satis apta est. Sed ex isto Moysis silentio effici profecto non potest, eum aut ignorasse futurum seculum, aut negasse. In scribendo certe Pentateucho non tam *theologi*, quam *historici, legumque latoris et compilatoris* personam induerat ; ut adeo eum iniuria reprehendas, ubi theologica omittit. Leges porro politicas non poterat poenis post hanc vitam infligendis sancire, neque illae quas de ritibus et cerimoniis tulit, cum imagines tantum rerum divinarum et umbrae essent, promissionibus spiritualibus gaudere poterant. Ignorare autem Moses futurum seculum qui potuisset, multos annos inter Aegyptios, immortalitati animorum faventes, versatus ? Superest ut hostili in hoc dogma animo, illud tacuerit : quod quam vanum sit ostenditur, sive verum prophetam dicas Moysen, sive cum hostibus religionis, impostorem.

Sed quamvis a Mose exigere nequeat, ut futuri seculi in historia sua mentionem iniiciat ; non tamen omnino nullam eius mentionem in historia lapsus fecisse videtur. Nam cum Cap. III. ait, vulnus a serpente seductore Evae eiusque posteris factum, quod nos immortalitate exutos mortales fecerat, sanari posse, omninoque a Deo sanatum iri : sequitur, ut post mortem, qua omnes fungimur, vita alia immortalis parata sit. Quae porro de Abrahamo narrat Cap. XXII.

ostendunt, hunc resurrectionem mortuorum sperasse, observante id Paulo Rom. IV, 17. et Hebr. XI, 17 — 19.

Docet iam Vir Cl. ne in illis quidem capitibus, in quibus Moses populo rebelli poenas divinas longo ordine denuntiat, v. c. Deut. XXVII. XXVIII. poenas et praemia futuri seculi commemoranda fuisse, quoniam leges illae non singulis Israëlitis, sed toti populo, latae fuerint. Ecclesiasticas autem Moſis leges imaginem futuri seculi continere, ex combustione victimarum morte adfectarum, et adyto templi probatur pag. 93 sqq. Tum reiectis nonnullis futurae vitae argumentis, ex Pentateucho a Iudaeis petitis, pag. 97. in Enocho immortalis vitae exemplum proponitur, quod spectari possit, si vel in coelum raptum esse neges. Gravius argumentum pro vita piorum immortali ex Exod. III, 5. ducitur; quo in loco singularis Dei erga suos post mortem amor indicio est, eum illis alteram sine dubio vitam largitum esse. Hoc eodem argumento Christus ipse Matth. XXII, 23 — 33. Marc. XII, 18 — 27. Luc. XX, 27 — 40. usus est, unde illud summum robur accipit. Adſine illi est aliud, quod sanctio primi praecepti in decalogo complectitur. Etiam verba Bileami de morte et *futuris* iustorum, Num. XXIII, 10. vestigia vitae futurae habent. Huc pertinet illa de non lugendis nimium mortuis, qui filii Dei sunt, lex, Deut. XIV, 1. 2. Nam nisi hos post mortem nova vita exspectet, magis etiam quam ceteri lugendi erant, amissis quippe bonis, quae eis, dum viverent, Moſes promiserat. Accedit, in ipſo nomine *filiorum Dei* immortalitatis spem inesse viſam Hebraeis, Pf. LXXXII. Assecutus est hoc ex vetito luctu argumentum R. *Bechai*, numerandus ille in optimis Iudaeorum Theologis.

His vero futurae vitae argumentis mirificum pondus accedit, si cogites, Moſen ex gente Aegyptia egressum esse, quae immortales animos omnino credebat, ita tamen, ut eos aut in alia corpora transire post exactos mille annos,

nos,

nos, aut ad coelum tandem evolare, existimaret. Ex loquutionibus Aegyptiorum, quibus futuram post mortem vitam significabant, in primis illa Mosis phrasis: **וַיִּסְתַּף אֶל עַמּוּן** clarius definitur. Est enim **וַיִּסְתַּף** non *congregari* solum, sed et *hospitio excipi*. Itaque Moses Abrahamum, Isaacum, aliosque, hospitio exceptos apud patres suos dicit, omnemque hanc vitam itineri et peregrinationi comparat. Denique cum idem scriptor divinus *angelos*, hoc est, mentes quasdam coelestes a corpore crasso liberas, admittat, probabile fit, eum et animos humanos, corporis sarcina deposita vivere posse, existimasse.

V. *Briefe von der Schwierigkeit der Religions-Vereinigung*, cet. hoc est: Epistolae tres de difficultatibus unien-  
darum partium in religione Christiana enatarum, scriptae ad *Aurandum*, V. D. M. et Academiae Syncretisticae Neovidanae ab epistolis. A pag. 121 — 170. Eae hic primum publice sistuntur. Prima epistola ostendit, quam non sit suadenda Protestantium cum Rom. Ecclesia reconciliatio. Mittit V. d. religionis utriusque placita; in auctoritate duntaxat et potestate Romani Pontificis haeret. At illa terreat necesse est Protestantes, si vel maxime, (quod hic sumitur,) Pontifex Rom. religioni eorum accedat. Quis enim libertatem, qua in coetu suo fruitur, cum imperio alieno commutare cupiat? Quis Batavos audeat ad reditum in moderamen sceptri Hispanici, quamvis satis temperati, invitare? Simulac vero falli nescium Pontificis Rom. iudicium agnoscis, credendum tibi erit quidquid ille decreverit, non animo solum, sed etiam ore, nisi poenis obnoxius esse velis. Relinquendus erit omnis dissensus, quo multi nostrum a se invicem seiunguntur. Non licebit amplius in veritatem inquirere. Quodsi controversias forte exortas ita dirimat, ut parti erranti faveat, cum ipso errandum erit. Sed dicat aliquis: adiungatur Pontifici Concilium universale, cuius consensum sequi debeat. Verum et hoc potior nobis iure est libertas nostra. Neque pactis cum Rom. Pontifice ineundis incommoda



illa tolluntur. His omnibus superaddi potest et illud, nefas esse privatis hominibus, infcio Principe, de unione cum externo ecclesiae antistite instituenda cogitare, quae non potest non esse periculi plenissima.

Secunda harum epistolarum (pag. 143.) docet, multa coniunctioni Ecclesiarum Evangelicae et Reformatae obstare, si vel neges, (quod negari tamen non potest,) grave esse earum dissidium, et capitale. Fac enim eas in unam coire, supererunt tamen semper ex utraque, qui unionem hanc respuant, et antiqua dogmata retineant. Ita non iam una erit Ecclesia, sed triplex. Hos autem pertinaces quomodo in ordinem cogas? Imo erunt in his et viri sapientes, qui aegre ferent superficialiam illam conciliationem, quae diversas opiniones in eadem Ecclesia admittat, locumque querelis et contentionibus variis aperiat. Consilium novi libri Symbolici condendi merito hic exulat.

Cum igitur irenici hi labores vani sint, Epistola Tertia (pag. 153.) disquirat Vir Cl. nonne tamen leges Christi, qui unam in terris ecclesiam constitui voluerit, iubeant, ut coniunctionem Ecclesiarum studiose promoveamus, nec in amica duntaxat persistamus toleratione? deinde: qua in re comis et mansueta toleratio, utramque Ecclesiam Protestantium intercedens, a plena earum unionem differat? denique: utrum schisma inter eas ortum perpetuo duraturum sit? Primam quaestionem ita solvit, ut ostendat, non omnino necessariam esse coniunctionem illam per ipsa Scripturae Sacrae praecepta. Secundae respondet, tolerationem illam sensim nos ad unionem ducere, et dum haec perficiatur, optabiliorem esse, quam vehementiora studia syncrética. Quod ad tertiam attinet, sperare se ait, providam summi Numinis curam, quae adhuc Protestantium Ecclesias magis magisque coniunxit, omnem tandem inter eas dissensum sublaturam esse. • Ceterum Academia, cuius iudicio has epistolas medio anno 1758. subiecerat Vir d. eodem anno extincta et quasi in fumum resoluta est.

VI. Ora-

VI. *Oratio de ea Germaniae dialecto, qua in sacris faciundis atque in scribendis libris utimur; cum munus Professoris Ordinarii Philosophiae susciperet Auctor, d. XII. Septemb. MDCCL. habita, et A. MDCCLI. typis descripta. A pag. 171 — 192.* Casu potius, quam consilio accidisse dicit Vir Cl., ut et paginae nostrae, et cathedrae sacrae ea dialecto loquantur, quae Salam inter et Albim, seu in Misnia viget, cuius Lipsia vicinaeque urbes domicilium et sedes propria habentur. Mirari se, Misniam potissimum lectam esse, quae dicere et scribere Germanos doceat, regionem ne nomine quidem Germanam, a Slavis diu habitatam, a Germanis recuperatam, ita tamen ut victrices coloniae cum gente victa coalescerent, et fere nobiliores familiae a Slavis originem repetant. Periisse illam priscam Misniae et germanam dialectum; nec ergo Misniam dialecto suae antiquitatis gloriam vindicare posse. Duplicem esse dialectum Germaniae, Borealem et Australem. Illam, quam uno vocabulo *Saxonicam* dixeris, mollius limpidiusque adpellare litteras, neque convenire in eam, quod aliae gentes queruntur, nimia consonantium mole Germanicas voces obrutas esse. Eandem etyma vocum optime servasse, quod ingens est ultimae antiquitatis argumentum; hoc vero singulare habere, quod ora ductilia adeo in omnes sonos efficit, ut qui eam a pueris didicerunt, plurimas alias linguas commodissime et purissime eloqui discant; hac una tamen re accusandam, quod in vocibus construendis minus clara atque perspicua sit. Omnia alia esse in dialecto Australi, ex qua nata sit Misnica. Colonos enim ex superiore Germania, Franconia inprimis, ductos esse in Misniam, Slavis ereptam ab Henrico Aucupe, eosque inter Slavos habitantes sensim degenerasse, confudisse litteras, barbara vocabula recepisse. Hanc Misnicam dialectum vocabulis permultis, quibus Franconia, Suevia, Bavaria, Helvetia utitur, carere, nec eorum loco aliis gaudere; destitutam esse in primis artis nauticae vocabulis. Ingentem praeterea stragem verborum Misnicorum superioris

Seculi delirationem dedisse, cum, abrogatis fere in culto sermone vocibus Germanicis, plurimas Gallicas civitate nostra donarent patriarum opum contemptores, quas aegre hodie removemus; a qua strage immunis manserit dialectus Saxonica.

Sed dialectum Misnicam magno Ecclesiae restauratori, Luthero, debere, quod non elegantissima modo et pulcherrima, sed et sola habeatur, qua in scribendo dicendoque uti debeamus. Hunc enim in Comitatu Mansfeldico ortum, linguam ibi superioris Saxoniae cum aura ipsa vitali hausisse \*), et celeberrimam illam vitae fabulam, partim in Thuringia, partim Vittebergae, ad illam ipsam Albis atque Salae Mesopotamiam, peregisse. Hinc discipulos per omnem Germaniam dimisisse, eosque cum religione dialectum etiam, cui adsueverant, propagasse. Eundem virum singularem primum fere exstitisse, qui elegantius lingua Germanica uteretur, eiusque etymologias scriptis persequeretur; eundem ornatissimam condidisse Scripturae S. versionem, et carmina sacra composuisse, quibus utrisque late per Germaniam ecclesiae Dei usae sint. Quibus rebus omnibus factum esse, ut Misnica Lutheri dialectus Germaniam omnem pervagata, reliquas omnes dialectos ex templis primum, deinde etiam ex foro atque ex eruditorum subselliis exturbaret.

Nec tamen hoc nisi sensim evenisse, suumque honorem, sub ipsa initia sacrorum reformationum, dialecto Saxonicae constituisse. Testari hoc biblia Lutheri a *Iohanne Bugenhagenio* inferioris Saxoniae dialecto donata, confessiones, et libros Symbolicos, liturgicas ecclesiasticasque leges, et alia omnis generis scripta, quae dialecto Saxonica ad veram religionem Saxones formabant, cantica etiam et conciones: quorum librorum in notis pag. 184—189. exempla

---

\*) Refert Vir d. in idiotismis agri Mansfeldici et hunc, quod ibi *heimsuchen* dicitur pro *einen besuchen*. Scimus autem, hunc verbi usum in Austria quoque hodiernum frequentari.

empla plusscula adferuntur. Sed tandem depressam esse penitus dialectum Saxoniam, eorum inprimis, qui religionem tradebant, quasi quadam conspiratione, omniaque fere loca occupasse Misnicam, elegantiae iam laude superbientem. Unde grave Saxonibus illis veris, qui ad Albim et Visurgim colunt, incommodum natum esse, ut qui saepius Misnice differentes audiant verbi divini praecones, quos, tamquam peregrina lingua loquentes, aegre intelligant. Postremo de rite aestimanda utraque dialecto nonnulla observat Vir Cl. natus ipse in ea vrbe, quae Misnicam dialectum, hac oratione impugnata, diligenter servavit, hoc est, Halis Saxonum.

VII. *Commentatio de Troglodytis, Seiritis, et Themudaeis.*

A pag. 193 — 209. Haec commentatio, cum reliquis duabus, in conventu Societatis Regiae Scientiarum Goettingensis recitata, nec adhuc typis descripta fuit. Tradit autem de duobus troglodytarum populis, qui olim in Arabia habitarunt. Alter eorum in montibus nunc desertis, quos olim Idumaei coluerunt, habitavit, et ab his debellatus est, auctore Mose, Deut. II, 12 — 22. Hic eos תַּרְסִי, hoc est troglodytas, vocat, genealogiam etiam eorum prodit, Genes. XXXVI, quae librariorum culpa laborare visa hic emendatur. Fuerunt autem Seiritae, gente Phoenices. Hinc Herodoti narratio, de priscis Phoenicum sedibus in Idumaea, circumnavigataque ab illis Africa, antequam sedes in Palaestina agerent, confirmatur. Inprimis autem ex Iobi Cap. XXX. victus Troglodytarum, moresque gentis, adhibito in auxilium Diodoro, curate describuntur. Alter troglodytarum populus, in eodem maris rubri littore immanes petras habitans, Themudaeorum est, seu, ut Muhammedes vocat Sur. VII, 71. sqq. XV, 80 — 83. et aliis locis, *sociorum petrae*; quos terrae motu tandem deletos, Arabibus suis velut exemplum vindictae divinae proposuit. In qua narratione fides Muhammedi minime neganda est; sed Scholiastarum Corani plurimorum minor fides est, praecipue in chronologicis.

Sub-



Subiungit Vir d. regionis Themudenae ex *Diodoro Siculo* (Lib. III. Cap. XLIV.) descriptionem, qua illa Muhammedis confirmantur; deinde quo tempore terrae motus, de quo diximus, acciderit, quaerit.

VIII. *Commentatio de Nomadibus Palaestinae.* A pag. 210 — 224. Palaestinam semper vagi pastores pererrant, hodieque in ea pari modo Arabes vagantur. Nec postquam Israëlitis cessit Palaestina, Nomades in ea errare desierunt. Erant autem illis pascua communia ac libera; liberi etiam erant a regum imperio, duoque adeo in eodem tractu populi, arantium hic, ille pascentium, spectabantur. Haec iura Nomadum inde orta erant, quod ante Phoenices Palaestinam tenuerant. At ex illis ius belli ab Israëlitis Phoenicum genti illati, eiusque longe atrocissimi, Vir d. derivat. Recte enim repetebant a Phoenicibus antiquam patriam suam reduces ex Aegypto Israëlitae, eueciebantque novos hos colonos, qui omnem patriae suae ambitum occupaverant. Atrocitas belli huius iusti immanibus Phoenicum sceleribus defendi potest. Locus i Reg. XX, 34. ex Nomadum iure egregie illustratur: nam ibi חוצות sunt deserta Nomadum, quae pascendo pererrabant. His vero observatis, melius etiam divinae promissioni eventus constare videbitur, quae omnem usque ad Euphratem terram posteris Isaaci concesserat. Nam Israëlitae iure Nomadum usi, late per Arabiam ad Euphratem usque greges pascebant. Neque incredibilis erit numerus Israëlitarum, sub Davide numerando coactus, quippe quibus non sola Palaestina suffecit, sed iisdem pascendis vestiendisque omnis Iordanem inter et Euphratem Arabia vectigalis fuit.

IX. *De combustione et humatione mortuorum apud Hebraeos Commentatio.* A pag. 225 — 236. Hebraeis patrium antiquumque fuit, integra mortuorum corpora sepulchro condere; accessit deinde combustio, atque humatione honorificentior haberi coepit. Fuit illis et animalium sepultura in usu, videturque omnino mortuorum crematio

inatio non omnis expers esse periculi. Ante Mosen, et circa eius tempora, sola apud Hebraeos humatio obtinebat, neque eam ab Aegyptiis acceperant, sed horum forte exemplo in eo more confirmati sunt. Coepta autem, ex necessitate et metu, in Sauli filiorumque funere, combustio, latius deinde manavit, et ab Asae tempore in morem abiit. Eius exempla usque ad exilium Babylonium §. VII. proferuntur, ostenditurque §. VIII. male a Iudaeis negari, combustionem mortuorum in gente sua aliquando obtinuisse. Omnem etiam huius cremationis mentionem, in historia sua vitavit Iosephus. Habuerant eam Israëlitae a Phoenicibus. Sed Persarum dominationi tribuendum est, quod post reditum ex Babylonio exilio, omnis cremationis memoria inter eos oblitterata defuetudine fuit.

Hae sunt harum commentationum quasi umbrae et lineae. Quas qui non ipsas legerit, magnam voluptatis inde capiendae iacturam fecisse putandus est. Multa enim in illis iucundaque rerum varietas; doctrinae copia non cummulata, nec pervulgata omnium cognitione repetita, sed ii potius ingenii et eruditionis flores argumentis singulis adpersi, ut nova utique non minus, quam grata facie, legentibus adpareant. Orationis genus tale est, ut nullum esse possit ad delectandum docendumque aptius. Nos certe hanc propriam Viro Clar. laudem esse existimamus, ut de qua re ille dixerit, de ea nemo melius dicere posse videatur.

**SULPICII SEVERI OPERA, AD MSS. CODICES  
emendata, notisque, observationibus, et dissertationi-  
bus illustrata, studio et labore HIERONYMI DE  
PRATO, Veronensis, Congregationis Oratorii eius-  
dem Civitatis Presbyteri. TOMUS I.**

*Recensio altera.*

Veronae, typis Seminarii, apud Augustin. Carattonium,  
1741. Alphab. 2. plag. 6. in 4. mai.

Post ea, quae nuper, Maio mense, de Tomo I. huius Operis dicta a nobis sunt, superant ex eodem Tomo recensendae Dissertationes VI. quas, multa eruditione refertas, magnoque scriptas ingenii acumine, ultro profitemur. In prima Dissertatione ostenditur, librum Severi, de vita b. Martini, post eiusdem Martini mortem editum esse; et inde efficitur, Martinum A. Chr. CCCC. diem suum obiisse. Haec enim quaestio, bene illustrata, multa alia difficillima illustrat: et ipse Baronius, *in hac si errare, inquit, contingat, haud fiet absque magno dispendio historicae veritatis.* Notum est enim, olim tempora regum Francorum ab obitu Martini numerata fuisse. Versatur autem ita in hac re Auctor, ut primum, aliorum opinionibus refutatis, suae sententiae fundamenta iaciat, et hanc deinceps argumentis confirmet. Prima ratio, qua Tillemontius, le Brunus, Pagius, alii, adducti sunt, ut hunc librum Martino vivente editum esse crederent, est S. Paullini Nolani ad Severum epistola, quae in novis editionibus est XI. et ad A. CCCXCVII. refertur, in qua haec sunt scripta: — *neque enim donatum tibi fuisset enarrare Martinum — benedictus igitur tu homo Domino, qui tanti Sacerdotis — historiam tam digno sermone, quam iusto affectu, percensuisti, etc.* Quid ad haec Prato? Primum concedit potuisse fieri, ut ille legeretur liber a Paullino, cui ut sui amicissimo illum emendandum et perlustrandum forte Martinus miserit, etsi nondum vulgatum; deinde ex alio loco eiusdem epistolae apparere existimat, nondum editum fuisse hunc librum, sed Paullinum, quidquid de eo noverit, ex familiaribus Sulpicii cognovisse. Adscribemus locum, ut acuti iudicent. *Neque sat habes occasionibus cunctis revifere, nisi et pueros tuos mittas. nec solum de famulis, sed et de filiis sanctis — eligis tabellarios, quorum oculis nos videas, et ore contingas — nuntiant enim nobis et afferunt ea, quae ad pacem sunt de te, dum proferunt opera domini, quae aut operaris in verbo Dei, aut scribis in spiritu verbi.* Quod vero elegantiam orationis et pietatem laudat Paullinus, non mirum videri debere censet;



censet; utramque virtutem satis fuisse notam et perspectam,  
 nec aliud quidquam a Martino expectari potuisse. Neque  
 si legisset iam Paullinus librum, eum tantopere laudasset,  
 in quo vir ab omnibus laudationibus abhorrens, tam exi-  
 mio praeconio extollatur, sed potius eas laudes reiicere  
 studuisset, ut etiam fecit, quamprimum librum accepit.  
 Altera ratio ducitur ex epistola Severi ad Aurelium, ubi  
 dicit, Martinum, sibi statim post mortem visum, librum,  
 quem de vita ipsius scripserat, dextra praetulisse. Nihil  
 tamen praesidii inde illa opinio nanciscitur. Dicit Severus,  
 quem *scripseram*: non dicit, quem *edideram*. Tertia ra-  
 tio arcessi potest ex epistola ad Bassulam. Verum, etsi Bas-  
 sula moneat Severum, *in eadem epistola*, scilicet ad Aure-  
 lium, *in qua de obitu Domini Martini fecisset mentionem, ipsum*  
*beati viri transitum exponere debuisse*; atque etiam Severus  
 respondet, *quasi vero ego tanto sim operi destinatus, ut*  
*omnia, quae de Martino cognosci oportet, me potissimum scri-*  
*bente notescant*: tamen, neque de vita Martini hic aliquid  
 dicitur, neque inde constat, vitam iam editam fuisse. Quod  
 denique Tillemontius, ex epistola ad Eusebium, sic conclu-  
 dit, Liber de vita Martini iam prodiit, hanc cum episto-  
 lam Severus scriberet, in qua de discrimine quodam, in  
 quo paullo ante Martinus versatus fuit, exponit, non ergo tum  
 mortuus fuit, quod A. CCCXCVII. demum accidit, hoc igitur  
 nihil movet Auctorem. Nam si demonstratur, vitam Martini  
 post illius obitum editam fuisse, neque difficile est, ad illud  
 tempus Eusebianam epistolam protrahere. Tandem Gre-  
 gorius Turonensis ait: *illo adhuc degente in saeculo, unum li-*  
*brum de mirabilibus eius scripserat* Severum. Ad quae Prato  
 haec respondet. Maxima quidem pars Martino vivente  
 scripta est, neque tamen vita ad finem perducta, neque  
 publici iuris facta. Est etiam Gregorii non tanta in hi-  
 storia auctoritas, ut ab eo discessionem facere nefas sit.  
 Vidimus, quae contra alios dixerit Auctor: nunc videamus,  
 quae pro se ipse dicat. Severum existimat, iam Turonos  
 profectum, res illius gestas scribendas sibi proposuisse, de-



inde domum reversum, aut statim, aut non multo post, hunc laborem suscepisse. Hoc ex eo colligit, quoniam, etsi saepius Severus singulis prope annis se ad Martinum contulerit, de una tantum et illa prima ad Martinum peregrinatione in toto libello dicit. Si, quo tempore hoc factum sit, interrogas, respondet Prato, se, quoniam in epist. Paullini XI. n. 13. a. CCCXCVII. data, Severus *Martini beatissimi frequentator* dicatur, atque inde appareat, Severum iam saepius Martinum adiisse, et primum illud iter ante a. CCCXCVII. aliquot annos retrahendum esse, ex Severi denique verbis constet, non multo ante illud iter saeculo se abdicasse Paullinum, Severum autem, qui tamen eodem prope, quo Paullinus, tempore, sanctius vitae genus complexus sit, adhuc seculo militare Martino visum esse, se igitur arbitrari, omnia commode ad a. CCCXCIII. aut sequentem referri posse, cum Paullinus circiter a. CCCXCII. mundum reliquerit. Librum vero non prius lucem adspexisse, nemo qui Martini animum, gloriae et laudis contemptorem, ex Severo cognitum habeat, mirabitur. Neque probabile est, Severum, qui se multa ab illo *sciscitatum esse, et multa arte invito extorfisse*, fatetur, haec quasi arcana Martino vivo, ad quem liber, totum orbem pervagatus, necessario perveniebat, narrare voluisse. Nunc ad rem redeamus. Primum, nunquam in libello Sulpicius superstitem Martinum esse innuit, qui tamen aliquot locis, ut in prooem. *adeo ea, in quibus ipse tantum etc.* Cap. 7. *ab hoc primum beati viri nomen enituit*: in epist. ad Aurel. *Clarum mortuum eandem, quam magistrum*, i. e. Martinum, *viam scandere*; de illo tanquam mortuo loquitur. Neque enim necessarium erat, apertius et clarius de re loqui, quae nemini ignota esse poterat. Deinde, sicut ex epist. Paullini XI. a. CCCXCVII. scripta constat, ipsum Severi librum nondum legisse, sic ex epist. XXIII. a. CCCCI. scripta apparet, Paullinum hanc vitam legisse. Id quod etiam epist. XXIV. eodem prope, quo praecedens, tempore scripta, indicat. Ibi enim graviter queritur, et moleste fert laudes a Severo in se congestas, non

non in epistola quadam, aut sermone familiari, tum enim non tanta fuisset querendi causa; sed in illo libello, cuius ut plura loca omittamus, cap. IX. egregie convenit cum epistolae num. XXII. Unde apparet, non prius Paullinum hunc librum vidisse, non prius illum editum esse. Alias non tacuisset ille, non tam diuturno silentio laudes illas quasi comprobasset, citius esset conquestus. Porro, in Paullini epist. XXIX. a. CCCCII. scripta, legimus, Paullinum librum de Martini vita communicasse cum Melania, muliere sanctissima, quae nuper ex Oriente rediisset, et Niceta, Daciae episcopo. Iam hic Nicetas ante quatuor annos Nolae apud Paullinum fuerat: hic si igitur liber iam tum a Paullino lectus fuit, cur non Nicetae legendum dedit? cur post tantum temporis spatium misit? Melaniae vero, quae *studiosissima talium historiarum* audit, et in Oriente, ubi celerime disseminatus fuit hic liber, illum facile accipere poterat, si ante aliquot annos prodisset, cur post tantum intervallum nunc demum ille mittendus erat? Deinde, si Postumianus ineunte vere a. CCCCII. iter fecit in Aegyptum, i. e. post integrum annum et menses aliquot ab editione libri de vita Martini, atque post triennium, sive a. CCCCIV. ad Severum rediit, illiusque dialogis occasionem dedit, omnia, quae in ipsis referuntur, huic tempori bene convenient. Unum afferamus. Narrat Postumianus, Paullinum omnium primum hunc libellum Romam attulisse, seque illum avidissime emi vidisse. Hoc fieri debuit mensibus aestivis a. CCCCI. Tum enim, ut singulis annis facere solebat, profectus est Paullinus Romam, ad Petri et Paulli natalitia celebranda. Nam ea aestate contulit se Postumianus ex Aquitania Nola, iterumque Nola in Aquitaniam rediit, atque ita Romam bis adiit. Iam Postumianus a. CCCXCIX. a Paullino ad Severum cum litteris missus, et aliquamdiu apud illum commoratus est. Quod si igitur Martini vita iam a. CCCXCVII. prodit, quare non tum Romam attulit illam Paullinus? cur Postumianus hoc demum tempore, nec in illo primo itinere, Severo haec nuntiat? Tandem tenen-



dum est, epistolas ad Aurelium et Bassulam ante epistolam ad Eusebium scriptas, editas, et coronidis loco vitae Martini adiunctas fuisse. Etenim Gallus, qui se iam commemorata a Severo in suo libro praeterire velle promittit, nulum verbum facit de morte Martini, quae, in epistolis ad Aurelium et Bassulam descripta, in illo libro non habetur. Quidni igitur fateamur, Gallum, quoties vitam Martini nominet, eas quoque epistolas nominare? ut Gregorius Turonensis, qui in recensione librorum Severi de S. Martino, illum Vitam et duo dialogos scripsisse ait, et deinde epistolam ad Aurelium, tanquam vitae partem, laudat. Est vero Epistola ad Eusebium libro iam evulgato scripta, neque ideo statim potuit adiungi. In qua cum verba illa: *cum Martinus ipse nuper adustus periculossimae fuisset obnoxius passioni*: omnia antea dicta praevertere videantur, eleganter Auctor demonstrat, non semper breve tempus hoc *nuper* indicare, sed latius pro intervallis, ad quae referatur, extendi. Aliquot vero annis ante mortem haec accidisse apparet etiam inde, quod Gallus Martinum tum Augusta Trevirorum revertentem dicit, quodque in eadem epistola brumali tempore rusticanam paroeciam visitasse dicitur. Neque enim probabile est, Martinum in extrema senectute, et maximopere effoeto corpore, tam longum et molestiarum plenum iter suscepisse. Est igitur, ex sententia Auctoris, vita Martini aliquot annis ante illius obitum inchoata quidem a Severo, sed oppressa, nec evulgata: sunt statim post mortem Martini epistolae ad Aurelium et Bassulam scriptae, paullo post Vita una cum his epistolis edita fine A. CCCC, aut potius initio A. CCCCI. post aliquot menses A. CCCCL. epistola ad Eusebium data est, Martinus vero A. CCCC. obiit. Haec de prima dissertatione. In altera, compluribus argumentis Martinum A. CCCC. die III. Iduum Novembris mortuum esse, evincitur. Primum hoc est. In Dial. III. c. 13. scribit Severus, eo die, quo Felix Augustae Trevirorum episcopus fuerit ordinatus, Martinum, a Maximo, Imperatore, coactum, cum Ithacianis communionem inivisse, statim-



statimque addit, illum XVI annos postea vixisse. Iam Felix eodem tempore ordinatus, quo Priscillianus necatus fuit, A. CCCLXXXV. Scribit etiam Severus in Hist. Sacr. quam initio A. CCCC. contexuit, necem Priscilliani magnas turbas excitasse, quae iam per quindecim annos agitantur. Quae quidem omnia, si rite rationes subducas, et ab A. CCCLXXXV. aut ineunte, aut medio, ad initium A. CCCC. numeres, belle convenient. Quomodo vero Baronium, Labbeum, Petavium refutabis, qui Synodum Trevirensis, cui Martinus interfuit, A. CCCLXXXVI. Evodio consule habitam esse contendunt? Fecit omnino duo itinera ad Maximum Martinus, probe a se invicem distinguenda. Primum ante Priscilliani necem, alterum post illam iniit. Neutro loco, neque Hist. Sacr. L. II. c. 50. neque Dial. III. Evodius consul commemoratur. Illa in Vit. Mart. c. XX. de convivio Maximi, ad primam Martini processionem referenda sunt. Fuisse etiam Evodium A. CCCLXXXIV. i. e. tempore primi itineris Martini consulem, sed a solo Maximo, antequam cum Theodosio foedus iniret, creatum, neque propterea in fastos consulares relatum, constat ex ea ipsa convivii historia, in qua Evodius proximum ab Imperatore locum obtinuisse, atque frater et patruus Imperatoris, *summa potestate praediti, summi atque illustres viri*, infra eum accubuisse dicuntur. Maximum A. CCCLXXXIV. Evodium consulem creasse, nemo mirabitur, qui morem teneat perpetuum et constantem, ut imperium quocunque modo consecuti proximis Kal. Ian. nomen suum fastis inscriberent, et inirent consulatum. Quod etiam Maximum, A. CCCLXXXIII. Imperatorem in Britannia salutatum, fecisse probabile est, priusquam cum Theodosio de pace egerit. Quo facto, cum alios ab eo consules creatos intelligeret, sponte se post aliquot menses cum collega consulatu abdicavit, et Evodius biennio post, ex utriusque partis consensu, iterum consul factus, inque fastos relatus est, quasi primum consulatum gereret, qui tamen secundus erat. Fortasse etiam, ut odio in Maximum omnia eius acta deleverunt, sic

consu-



consulatus quoque memoriam aboleverunt secuti Imperatores. Ad hunc igitur secundum Evodii consulatum, qui cum illam de Martino in convivium adhibito historiam, tum Martini cum Itaicianis communionem, in ordinatione Felicis retulerunt, valde errarunt. Nam illud A. CCCLXXXIV. ante Priscilliani damnationem, hoc anno insequenti, Prisciliano paullo ante necato, accidit. Erravit etiam Harduinus cum aliis, qui Synodum Trevirensis Anno CCCLXXXIV, habitam tamen a. CCCLXXXV, tribuit. Deinde, ut nihil dicamus Severi, Martini discipuli, et Martino *συγγενὴς*, testimonium, testimonio Gregorii Turonensis, qui mortem Martini triennium integrum praevertit, longe praeferendum esse; accersit etiam Auctor ex Severo, aliisque Scriptoribus, suae sententiae praesidia. Legitur in Dial. I. c. 25. Vincentium praefectum, Turonos praetereuntem, a Martino saepius postulasse, ut sibi convivium in monasterio daret. Constat vero, Vincentium, qui saepius Turonos adiit, Martinumque visitavit, A. CCCXCVII. dignitatem praefecturae Galliarum accepisse, et usque ad finem A. CCCC. tenuisse. Annus igitur CCCXCVII; primus praefecturae Vincentii, non fuit annus mortis Martini. Non enim probabile est, Vincentium, intra unius spatium anni, Treviris profectum Galliam peragrasse, et Turonis Martinum visitasse. Quod si Martinus ad A. CCCC. vixit, facile aliquoties fieri id potuit. Porro in Dial. II. c. 14. dicitur, annum esse octavum, ex quo de proximo fine saeculi, et de Antichristo, ex Martino audivisset. Iam Severus hos dialogos A. CCCCI. scripsit. Annos igitur si ordine retrogrado numeres, incidit illud tempus vel in priores menses A. CCCXCVIII. vel in postremos A. XCVII. i. e. vel mortuo, ut ex Gregorii sententia sequitur, Martino, vel duo, tres ad summum menses, superstiti. Quod neutrum probabile est. Deinde, etsi honorifice Severus in Hist. Sacr. de Martino et loquatur et sentiat, nunquam tamen verbum de illius morte dicit. Neque enim narrare potuit Severus, qui Hist. Sacr. usque ad initium A. CCCC. contexuit, quid eiusdem anni fine acciderit.

Dili-



Diligenter etiam attendenda sunt verba Paullini Nolani in epist. XVII, a. CCCXCIX. exeunte scripta. — *cum intra annum eadem opera ad nos potueris pervenire et recurrere, quae Gallicanas peregrinationes tot annis frequentas, et iteratis saepe intra unam aestatem, excursibus Turonos et remotiora visitas —: praedico magis devoionem tuam in Domino, quem in servis suis admiraris, et honoras. iuste fateor et merito Martinum frequentari, sed dico iniuste perniciosaeque Felicem, ab eodem, qui illum honoret, promissis inanibus ludi —: quae fide speras Christi gratiam in honore Martini, eadem Christi offensam time in offensione Felicis.* Quibus verbis nihil aliud indicatur, quam Severum a multo iam tempore ad Martinum honorandum, non ad sepulchrum illius, ut prima fronte videri potest, profectum esse. Non enim credibile est, statim Martino post mortem publicos honores, quos tum solis martyribus praestabant, ne in sua quidem ecclesia, exhibitos fuisse; cum ob multos obtretractores virtutum eius, tum ob Turonensis ecclesiae statum, quem Auctor copiose exponit. Primis post mortem Martini annis, magnae inter Briccium episcopum, et Martini quidem discipulum, sed longe ab illius disciplina recedentem, atque Martini discipulos, Severum in primis, inimicitiae exortae sunt: Briccius in pluribus Synodis, ut in Taurinensi, ex sententia Auctoris a. CCCCH. aut sequentibus habita, reus actus, monachi Martini a suburbio Turonensis urbis aufugerunt. Nulla igitur erat causa Severo illuc proficiscendi, multa quae illum retinerent ab itinere. Stat ergo illud, quas Paullinus a. CCCXCIX. annuas ad Martinum peregrinationes memorat, Martino vivo factas esse. Attendenda sunt etiam verba Prosperi, in Chronico Pithoeano, ad annum V. Arcadii scribentis: *Martinus, post egregie actam vitam, corpore exiit.* Ubi, ne cum aliis erremus, notandum est, Prosperum in Chronico hoc, primum annum alicuius Imperatoris a Kalend. Ianuariis, anni proxime eius electionem sequentis, numerare incipere. Suspiciatur tamen Auctor, hunc plane singularem morem librarius tribuendum

esse, qui annos Imperatorum in margine paginae notatos una alterave linea inferius scripserint, quam in prioribus exemplaribus scriptum erat. Idem vero Scriptor Martini mortem anno post Templorum everfionem, a. CCCXCIX. factam, duobus annis a Gildonis obitu, quae a. CCCXCVIII. evenit, et quatuor annis post flammam a. CCCXCVI. supra Constantinopolim visas, collocat. Quae omnia Martinum a. CCCC. obiisse testantur. Neque ipse Gregorius, etsi ad alium annum Martini mortem refert, caret testimoniis, quibus Auctor suam sententiam stabiliat. Primum Martinum media nocte Dominica obiisse, memoriae prodit. Iam vero constat, a. CCCC. in ipsam d. XI. Novembris, i. e. natalem Martini, Dominicam incidisse, a. CCCXCVII. autem d. XI. Novembris quartam feriam actam fuisse. Atque hic etiam refutat Auctor primum Petavium, et Anthelmium, qui Martinum censent mori potuisse cum ea nocte, quae Dominicam antecessit, quod a. CCCC. convenit; tum etiam illa, quae Dominicam excepit, quod ab ipsis ad a. CCCCL. refertur: deinde Tillemontium, qui, an Martinus die Dominica mortuus sit, dubitat. Profert enim Auctor inter alia antiquam inscriptionem, quae in basilica et sepulchro Martini, inde a Perpetui usque tempore, i. e. saeculo VI. fuit. Est illa haec: *Depositio Sancti Martini tertio idus novembris: pausavit in pace Domini*, (quod interpretatur *Præto Dominica*), *nocte media*. Quae verba etiam Gregorius prae oculis habuisse videtur, *nocte* scribens, *media quievit in pace — in die dominica*. Alterum Gregorii testimonium hoc est. In Hist. Franc. L. II. cap. ultimo: *a transitu S. Martini usque ad transitum Chlodovei regis — supputari annos CXII.* scribit. Iam si Clodoveus obiit a. DXI. d. XXVII. Novembris, de quo non est dubitandum ullo modo, et quod vel ex eo apparet, quod eo ipso anno die X. Iulii Synodus Aurelianensis I. a Clodoveo convocata habita est: obiit etiam Martinus a. CCCC. Sunt enim anni CXII. non completi, sed incepti tantum intelligendi. Atque eadem est ratio, dum a. CLXIII. ab obitu Martini cum secundo

Sige-



Sigeberti regis, et annum CLXXII. quo episcopus ipse ordinatus fuit, cum anno duodecimo eiusdem Sigeberti coniungit. Hic refutatur Cointius, qui, quae in Historia Francorum occurrunt, annorum supputationes, supposititias esse contendit; et Tillemontius, qui nullam in his rebus Gregorii rationem habendam esse iudicat. Postremo loco chronicorum quorundam testimonia, quae hanc Auctoris de morte Martini sententiam confirmant, producantur. Primum ex Chronico Leodiensi, apud Labbeum in Bibl. MSS. p. 334. ex Chronico a Leibnizio edito in Script. Rer. G. Tom. I. p. 83. ex Chronico Turonensi, ex Alberico monacho Trium-Fontium, apud eundem Leibn. Tom. II. p. 31. Nunc venimus ad tertiam dissertationem, in qua, quae ante dictis obiici et possunt et solent, diluuntur, simulque episcoporum Turonensium series, a Martino ad Gregorium, examinatur et emendatur. Sunt vero illa, quae causae Auctoris adversari videntur, potissimum petita ex Gregorio, cui etsi non omnem fidem, ea praesertim scribenti, quae aut sua aetate, aut proxime illam acciderunt, detrahit, tamen Severo in Martini historia postponendum esse arbitratur. Primum scribit Martinum natum esse a. XI. Constantini, id est a. C. CCCXVI. seu potius a. CCCXVII. Cui contradicit Severus, qui illum iam septuagenarium, (de qua lectione ob omnium librorum consensum non dubitandum est,) a Maximi uxore convivio exceptum fuisse commemorat, quod a. CCCXCIV. contigit. Est ergo natalis Martini certe non posterior a. CCCXIII. Quomodo autem non tota Martiniana apud Gregorium chronologia nutet, ipsum cum fundamentum tam parum firmum sit? Idem dicit, Martinum ordinatum fuisse Episcopum a. VIII. Valentiniani maioris, i. e. A. C. CCCLXXI. aut sequenti. Neque tamen potuit hoc anno ordinari Martinus: sacras ordinationes nonnisi Dominicis diebus aut sabbatho haberi fas fuit, atque hunc morem, cuius cognitio ad multas quaestiones solvendas perutilis, copiose et docte Auctor hoc loco illustrat. Iam Martinum ordinatum fuisse



d. IV. Non. Iulii notum est. Ex cyclo vero solari constat, eam diem a. CCCLXXI. in secundam, a. LXXII. in quartam feriam incidisse. Errat etiam Gregorius, dum in definiendo episcopatus tempore, in diversas sententias abit, illique modo annos XXVI. menses IV. dies XXVII, modo annos XXV. menses IV. dies XI. assignat. Errat porro, dum Martinum annos LXXXI. natum obiisse scribit. Nam qui anno CCCLXXXIV. iam septuagenarius erat, et sedecim adhuc annos vixit, saltem annos LXXXVI. vixisse dicendus est. Errat denique dum Attici Caesariiue Consulatum, quo Martini mortem collocat, coniungit cum anno secundo Imperatorum Arcadii et Honorii. Tertius enim erit annus ab initio imperii illorum, si mors Martini ad Novembrem a. CCCXCVII. referatur. Quomodo denique defendas Gregorium, et Attico Caesarioque Coss. mortem Martini collocantem, et Ambrosium, qui iisdem Coss. IV. nonas April. obiit, per visum interfuisse exequiis Martini, III. idus Novembr. mortui, scribentem. Auctor quidem cum aliis rem totam inter fabellas referendam esse negat, sed verum esse putat, Martinum potius interfuisse funeri Ambrosii, atque adeo, quae de hoc dicat, forte incerta traditione deceptus, forte imagines in basilica Martini depictas non recte interpretatus, de illo dicere debuisse Gregorium. Obiter hic addit Auctor alia, quae sibi in Gregorio suspecta videantur. Huc refert contentiones, quas ortas esse dicit inter Pictavos et Turonenses de Martini cadavere, propterea quod et Severus in epistola ad Bassulam nihil de hac re dicat, et argumenta, quibus Pictavi et Turonenses corpus sibi quisque vindicant, nec convenire in illa tempora, nec ullam veritatis speciem habere videntur. Ultimus error Gregorii hic est, dum Caesario et Attico Coss. Martinum obiisse scribit, et simul addit: *a passione Domini usque ad transitum sancti Martini anni CCCXII. computantur.* Hic enim, ubi nihil ob consensum MSS. mutandum, est anachronismus annorum XLV. aut amplius. Hos errores Auctor existimat Gregorium, qui



qui ducentis ferme post Martinum annis vixit, quo toto tempore Gallia omni calamitatum genere vexata erat, inconsulto et invitum commisisse. Quare Pagium refutat, qui Gregorium ex apocrypho aliquo vitae Martiai scriptore has fabulas hausisse credidit; etsi non negat, ex ecclesiae Turonensis scriniis, nonnulla, quae in Severo frustra quaeruntur, Gregorio de Martino innotescere potuisse. Superest, ut, quo anno Martinus ecclesiae Turonensis curam suscepit, declaretur. Quod a. CCCLXXV. factum esse inde probabile videtur Auctori, quoniam primum hoc anno dies dominica incidit in diem V. Iulii; deinde quia, si a Iulio a. CCCLXXV. ad Novembrem a. CCCC. numeres, Gregorium vere dixisse apparet, Martinum a. XXVI. sui episcopatus obiisse; denique, quoniam eo tempore adhuc regnabit Valentinianus, qui, si ex iis, quae Severus commemorat, iudicamus, vivat adhuc necesse est. Restat ultimum argumentum, quod sententiae Auctoris contrarium esse videtur. Nam si id, quod Gregorius memoriae prodidit, Briccius annos XLVII, Eustochiusque annos XVII, in episcopatu transegit; si Perpetuus anno post Martini obitum LXIV. sedit; si denique Synodus Turonensis I. habita fuit a. CCCCLXI. d. XVIII. Kal. Decembr. convenit profecto obitus Martini non in a. CCCC, sed in a. CCCXCVII. Verum neque hic Gregorii calculus stare potest, cuius libri de episcopis Turonensibus, nec aliis, iisque non levibus erroribus, immunes sunt. Hic enim Auctor historiam episcoporum Turonensium sibi explicandam et emendandam, atque Gregorii errores corrigendos, sumit. Non sincerum nobis Gregorius antecessorum suorum tradidit catalogum. Nam soli anni episcoporum a Martino ad a. XXI. Gregorii enumerati, sunt CXCLIX. cum mensibus V. et aliquot diebus. Annus tamen XXI. Gregorii, in quo definit catalogus, respondere debet a. C. DXCIV. Cum igitur et ex illorum sententia, qui Martini mortem a. CCCXCVII. assignant, tempus illorum episcoporum longius, quam fieri debebat, excurrit, necesse est ut vel episcopis quibusdam



plures, quam par fuit, annos tribuerit, vel, qui nunquam fuerunt episcopi, eos in catalogum episcoporum retulerit. Atque etiam ipse, in serie Historiae Francorum, non parum diversam episcoporum seriem repraesentat ab ea, quae in catalogo exhibetur. Laborat quoque Gregorii catalogus in annis Licinii cum Chlodovaei historia comparandis. Omnis fit porro, et in Catalogo, et in Historiae serie, Agrestium Turonensem episcopum, cuius tamen nomen duobus conciliis subscriptum invenitur, Aurelianensi V. a. DXCIX. V. Kal. Nov. habito, et Parisiensi II. vulgo ad a. DLV. relato. Si denique uniuscuiusque episcopi aetatem accurate indagamus, gravissimi occurrunt Gregorii errores, quos hic repetere non vacat, quoniam vix brevius, quam ab ipso Auctore factum est, a nobis narrari poterunt. Coronidis loco huic dissertationi additur fragmentum epistolae Pagii ad Abbatem Nicosium, Canonicum Divionensem, unde intelligitur, quantum interfit, quantum conveniat in huius argumenti tractatione inter Pagii et Pratonis sententiam. In dissertatione *quarta* investigatur chronotaxis praecipuarum a Martino in vita rerum gestarum. Lubet hic, praetermissis iis, quae de variis rebus docte et copiose ab Auctore disputantur, brevi, tanquam in tabula, vitam Martini proponere. Nascitur Martinus aut a. CCCX. incunte, aut certe ante a. CCCXIV: decem annos natus fit catechumenus: quinto decimo aetatis anno militiam sequi cogitur: a. CCCLI. incunte, sub Constantio inter scholares alas recipitur: post tres annos baptizatur: duo annos solum licet nomine in militia degit: a. CCCLVI. a Iuliano dimittitur, seque ad Hilarium, et paullo post in Illyricum, confert: anno sequenti forte inde redit, Mediolani aliquamdiu moratur, post in insulam Gallinariam abit: a. CCCLX. exeunte reditum Hilarii cognoscit, eum in Gallias sequitur, ab illo locum sibi, monasterio aedificando, impetrat: ibi XIV. annos degit, plurimaeque miracula patrat, quae tamen fere omnia ignorantur: hinc a. CCCLXXV. IV. nonas Iul.eductus, Turonis episcopus datur: eodem anno ad Valen-

Valentinianum in Illyricum usque proficiscitur: non multo post, Turonos regressus, duobus fere extra civitatem milibus sibi monasterium statuit: dein altare in honorem falsi martyris erectum destruit: eo tempore acciderunt, quæ de fanis gentilium everfis, de ecclesiis eorum loco aedificatis, et de prodigiosis curationibus, apud Severum leguntur: abit Treviros, inde redit, Parisiensem civitatem ingressus leprosum sanat, et; Viennæ sorte, Paullino oculi sanitatem reddit: a. CCCLXXX. Martinus legationem ab Auspicio, viro præfectorio, accipit: initio a. CCCLXXXVII. iterum Treviros ad Imperatorem Maximum proficiscitur, quo tempore ab uxore Maximi Martino obsequium magnum exhibetur: sequenti anno rursus Treviros se confert ad Maximum, et cum Ithacianis communionem inire cogitur: a. CCCXCIII. primum Severi iter ad Martinum accidit: proximus morti postremum Treviros adit Martinus: inde summa hieme rediens, miraculum, a Severo Dial. II. c. 8. narratum, efficit, vaccam daemone liberat, et incendio periclitatur: a. CCCC. febri correptus III. idus Novembr. obit, natus annos XCI. si natus est initio A. CCCX; five annos LXXXVII. si fine A. CCCXIII. lucem adspexit. Episcopatum gessit annos XXV. menses IV. dies VII. Sequitur Dissertatio *quinta*, in qua Severus, eiusque Dialogi, aberrare Millenariorum vindicantur. Defensionis capita hæc sunt. Primum producit Auctor ipsum locum ex Dial. 2. extr. Severi, quo tota accusatio nititur, et cum illud attendendum esse censet, non hic Sulpicium doctorem, sed historicum agere, non suam sed Martini sententiam litteris mandare; tum Chiliasmum ex iis apparere negat ac pernegat. Deinde Hieronymum, quem tanquam classicum testem omnes sequuntur, hac in re nullam fidem mereri putat, nullum cum sit accusationis fundamentum, nulla species. Quid si vero Hieronymus, ut Tillemontius coniicit, errorem illum in dialogis deprehendit, qui deinde ob infamiam est omissus? Non est omissus. Desideratur quidem ille locus de Antichristo, cui Tillemontius locum de mille annorum



norum regno adnexum fuisse coniicit, in codicibus pluribus, recentioribus praesertim, non tamen in antiquioribus. Si librarius, quod religiosas suas aures offendit, expungere in Severo voluit, non debebat relinquere proxime sequentem, de iam orto Antichristo, et instanti seculi fine, sententiam. Porro, si quis hunc locum recte consideret, intelliget ea omnia, quae Hieronymus Christi regno ex Millenariorum sententia tribuit, a Sulpicio ex Martini sententia Antichristi tyrannidi tribui. Cur vero Hieronymus Severo errorem obiicit, qui non in illius libris apparet? Permotus fuit procul dubio Hieronymus, ut Severum notaret, licet non cum Millenariis sentientem, quia scripserat *urbem Hierosolymorum et templum esse reparandum*; quam sententiam ille saepius perstringit, et refutat. Notandum est, Hieronymum in loco illo, (lib. XI. comment. in Ezechiel.) Tertullianum, Lactantium, Irenaeum, Victorinum Petabionensem, et Apollinarium simul componere, illisque promiscue Chiliasmum tribuere. Constat tamen, non omnes singulasque huius sententiae partes ab omnibus propugnatas esse, sed alios gravius, ut Apollinarium, alios levius in hac re esse lapsos, ut reliquos, apud quos crassos istos errores frustra quaesiveris. Neque igitur, cum pari iure Sulpicium nominare videtur, ad hunc omnia ibi commemorata referri debeat, sed benigniori interpretatione Hieronymo est succurrendum. Verum cum ipse Auctor videat, Hieronymum manifeste testari, se eo loco cum solis Millenariis rem habere, aliam viam defensionis init. Vel memoria, ait, Hieronymus lapsus est, si modo Severum legerat, et humani aliquid passus; vel ab alio in hunc errorem est adductus, qui sententiam Severi non satis perspectam habuit, neque igitur ipse librum legit. Atque hoc in primis Auctori probabile videtur. Primum enim Hieronymus, Dialogo, in quo Sulpicius millenariis faveat, Gallo nomen fuisse dicit. Quid vero designat his verbis? totumne opus? sed dicit dialogum, non dialogos; an secundum dialogum? sed si unum nominavit Gallum, quod-

quodnam alteri dialogo nomen fuit? Deinde totus liber non in tres, ut nunc, sed in duo tantum dialogos divisus fuit initio; quorum alter incepit ubi nunc tertius, secundus vero una serie cum primo continuabatur. Testantur hoc verba Gennadii: — *collationem Galli et Postumiani — habitam in dialogi speciem duabus incisionibus comprehendit.* Testatur hoc Gregorius Turonensis, et Prosper Aquitanus. Non legisse vero Hieronymum ipsum Severum eo probabilius Auctori videtur, quoniam eo tempore, quo in Ezechielem scripsit, summis curis ob turbas in Occidente ortas distentus; quod iam tum aetate proventus fuit; quod obtusa oculorum acie admodum aegre legere potuit. Accedit, quod Gennadius, qui se Sulpicii dialogos legisse fatetur, ne verbum quidem tota de re dicit, nec alii antiqui scriptores; Gregorius Turonensis praecipue. Denique producit Auctor locum ex Hist. Sacr. Lib. II. cap. 3. de interpretatione Somnii Nabucodonosoris, ubi de regno Christi longe aliter Severus sentit. Quod vero opuscula Postumiani et Galli, i. e. hi dialogi, de quibus sermo est, Gelasiano decreto inter Apocrypha relata fuerint, id ideo factum esse coniicit, quoniam Severus de Brictione, magna sanctitatis laude florente, minus honorifice locutus est. Nam in codice Capit. viginti circiter post Gelasii decretum annis exarato, totus quidem legitur de Nerone et Antichristo locus, sed quae de Brictione in dial. 3. cap. 15. habentur, praetermissa sunt omnia. Idem a Paullino factum est, quibus Martini vitam expressit. Haec sunt, quibus Auctor Severum defendit, quem tamen in hac re non eadem ingenii acie et acumine, qua in caeteris versatum esse, ingenue fatemur. Quid enim? Hieronymum non legisse Sulpicii Severi de Martino libros? non eos libros legisse, qui toto prope terrarum in orbe legabantur? eundem tamen tanta confidentia de iis iudicasse? Magna erat Severi auctoritas, cui infamiae notam inurere nec poterat facile, nec debebat Hieronymus, qui, nisi certissime sibi de hoc Severi errore persuasisset, certe *ro dici-*



*tur, ab aliis accepi, fertur, aut simile quid apposuisset, atque adeo aliorum potius, quam suo periculo, tale crimen Severo obiecisset. Sed finge, illud ex aliis audivisse Hieronymum. An illum vel tam parum curiosum in re magni momenti, vel tam stolidum fuisse credi potest, ut, si tale quid audiverit, non ipsum librum evolveret? an vero illum temere rumusculis et sermonibus fidem habuisse putemus? stipitem et truncum nobis pingis, non Hieronymum. At legat mihi aliquis Hieronymi orationem, nonne tanta cum confidentia loquitur, ut ipse Severum legisse videatur? Cur vero Gennadius tacet de Chiliasmo? quasi vero divinare illud vel possimus, vel debeamus. Idem autem Gennadius nonne fatetur, se *quosdam tractatus de mille annis, et de Apocalypsi b. Iohannis* scripsisse? De quibus igitur eo loco, quo haec res exponi debuit, egit fortasse, ea ibi repetere neque voluit, neque opus fuit. Quale vero et quantum illud testimonium et est, et esse debet, quod ex silentio scriptorum, (Rabanum enim non audiendum esse putat Auctor, Hieronymi commentarium compilantem. Compilaverit per nos. Illius tamen testimonium non magis, quam aliorum, audiendum est. Nam quae ex Hieronymo exscripsit, illa se comprobare, et vera fateri, simul fatetur,) de testimonio igitur ex scriptorum silentio arcesito quid dicendum est? Non spectat Vir doctus, et veritatis indagandae studiosus, quid non dixerint scriptores historiarum, sed quid dixerint. Illud vero ab infirmitate, curis, et senectute Hieronymi repetitum argumentum, lepidum est. Quid si olim posteri Pratonem imitari, atque ita ratiocinari velint? Quicumque summis curis distentus, senex, infirmitate oculorum laborat, illius testimonium suspectum et falsum est. Iam A. MDCCLIX. hic vel ille Germanus de cometa eo anno viso scripsit, sed senex, oculis laborans, et, quoniam eo tempore Germania bello ardebat, summis curis distractus, nullam igitur fidem eius testimonium meretur. Non poterit negare Prato, recte et belle hosce ratiocinari. Quid enim aliud, nisi ipsius exemplum sequuntur? Quin*

nos



nos potius ex eo, quod Hieronymus haec senex scripsit, omnia contraria elucere arbitramur. Deferbuit aestus iuvenilis: maiori cum diligentia senes omnia considerant: lentius et cautius iuvenibus in iudicando procedunt. Sed non vero nomine Hieronymus dialogum appellavit? Non sine omni causa illud fecit. Non inepte dialogus hic Gallus inscribitur. Fecit id Gallus, quod diu recusavit, quod amici ab eo postulant, et quasi novam orationem, novam historiam, incipit. Quodsi etiam non duo sint dialogi, sed unus, citari tamen hoc nomine potuit colloquium Galli eodem iure, quo libri Homeri, etsi saepe non totus liber illud complectitur, a quo nomen accepit. Quid si etiam Hieronymus exemplo libri usus est, cui a librario nomen Galli inscriptum erat? quod ideo probabile est, quoniam a librariis unus dialogus in duo est divisus; et in edicto Gelasiano hi dialogi *opuscula Postumiani et Galli* appellantur. Unde apparet, eos tum hoc nomine innotuisse, non, ut Prato parum acute coniicit, quoniam Severi nomini parcere voluerint Patres Synodi. An ego tum nomini Pratonis parco, si editionem Sulpicii Severi Veronensem damno? Nonne statim lectoribus Pratonis nomen in mentem veniat necesse est? Quod ad locum ex Hist. Sacr. attinet, respondebimus ipsius Pratonis verbis: non ibi doctorem agit Severus, sed historicum; non ex sua, sed ex prophetarum, ex Danielis mente loquitur. Si denique nefas erat, quidquam non honorificum satis de Brictione dicere, quomodo ista religio tam subito extincta est? Nonne Gregorius Turonensis vitia iuvenilia illius enarrat? nonne Fortunatus ex eodem Severo illa expresit carmine? Hoc certe inter omnia, quae adhuc dicta sunt, maxime a veritatis specie abhorret. Sunt in Severo alia, quae Patribus Synodi displicere poterant. Quantum enim plerisque displicuerit illud, quod Martinum cum Apostolis comparat, ex eo intelligi potest, quod Adamus, Abbas Persenniae, eum singulari libro: *Quod beatissimus Martinus par dicitur Apostolis*: defendere necessarium duxit. In eo haec scripta sunt:



*Plerosque scandalizari audio, quod Martinum nostrum parem apostolis canat, et gloriatur ecclesia etc.* Verum nos, licet non pauca in promptu sint, non acriter pugnabimus. Neque haec Auctoris doctissimi carpendi, aut gloriolae aucupandae gratia dicta sunt, sed ut et ipse Prato, humana errandi forte non exemptus, alios, si humani quid patiantur, modestius tractare discat, et ut alii intelligant, quam facile partium studio, et nimio amore occoecati, ea ipsi probemus et dicamus, quae in aliis nunquam toleraremus. Dissertatio sexta est copiosus commentarius in Cap 6. et 7. Dialogi I. ubi de monachis, ob Origenis nomen ex Nitria totaque Aegypto pulsus, agitur. Tria sunt huius dissertationis capita. In primo inquit Auctor, quo Christianae aerae anno Postumianus Alexandriam pervenerit, et quanto a Nitriensium monachorum expulsionem tempore? Iter Postumiani in Orientem, atque adeo Alexandriam, adscribit Auctor mensibus vernis A. CCCCLII. Non enim ut Pagius vult, qui ad A. CCCCL. haec refert, *Postumianus*, quae contra monachos Origenistas facta sunt, suis oculis inspexit, sed iam habita Synodo, iam damnatis, iam inde pulsus hisce monachis, Alexandriam pervenit. Exturbatio illa Origenistarum accidit A. CCCCL. quod a Severo confirmatur, qui paullo post monachorum expulsionem, Postumianum in Aegyptum, tumultus et dissensionum plenam, pervenisse scribit. Quare cito abiit, Bethlehem petiit, ibi sex menses commoratus est, tandemque turbis utcumque sedatis initio A. CCCCLIII. Alexandriam rediit, et inde ad Aegypti extrema contendit. Errat enim Vallasius, qui Origenistas monachos pulsos statuit a Theophilo iam ab A. CCCC. Eo enim anno tradit esse ab illo scriptam, quae tamen exactis monachis scripta fuit, epistolam, quam synodicam dicit. Deinde Auctor suam de tempore monachorum expulsum sententiam, ex epistolis Theophili Paschalibus, quarum tempus ex cyclo paschali certo constat, proponit. Iam cum prima earum initio A. CCCCL. altera initio sequentis anni scripta sit; et haec res gestas A. CCCCL. illa historiam A. CCCC.

CCCC. respicere debeat: prima quidem acerrime in Origenem illiusque familiam invehitur, neque tamen eos palam nominat, et esse adhuc in Aegypto catholicam fidem praeferentes indicat. Unde apparet, iam A. CCCC. Theophilum in Origenistas insurrexisse; sed in monachos Nitrienses nihil ad eam diem fuisse constitutum. Quod cum denique fine A. CCCCI. factum esset, in Paschali epist. sequentis anni rem non silentio praeteriit. Synodicam vero epistolam, ineunte Novembre, vixdum fugatis monachis, scriptam esse Auctor existimat. Nam quoniam missa dicitur Palaestinis episcopis, qui in Aeliae encaeniis congregati sunt; et in inscriptione ep. synodicae, qua Palaestini Theophilo respondent, legitur, episcopi, qui Ierosolymis in sancta encaeniorum die reperti sunt; encaeniorum porro initium idibus Septembris erat: res facile diiudicari potest. Deinde ea potissimum de causa haec epistole scripta est, ne monachi, qui e Nitriae monte depulsi Aeliam confugerant, reciperentur. Qua in re illum summa celeritate usum fuisse inde apparet, quoniam epistola Theophili, monachos licet praegressos antevertit. Non multo igitur ante Septembrem Theophilus Nitriam contendit, militari manu instructus, et inde, quod mense Augusto A. CCCCI. fieri potuit, monachos expulit. Ab exactis ideo primum monachis, ad adventum Postumiani in Aegyptum, sex circiter menses intercesserunt. Alterum dissertationis caput expendit, an Theophili generalis epistola eadem sit ac synodica, quam a se Hieronymus in latinum conversam scribit. Quae Auctor proponit de epistola, haec sunt. Non scripta fuit ex synodo Alexandrina, cuius mentionem facit Prosper; non ex alia aliqua Alexandrina synodo prodiit; non synodica est appellanda, quoniam in ea Theophilus de se peculiariter loquitur, nec ei scribenti quenkum episcoporum adfuisse, et scripta sua confirmasse subscriptione, constat. Theophili epistola, a Vallarsio nuper edita, alia omnino est ab ea synodica, quam a se Hieronymus ex graeco conversam tradit; non synodica, sed



encyclica, seu generalis haec epistola est dicenda, non ad omnes ubique gentium Christianos missa, sed ad episcopos tantum Palaestinos et Cyprios. Tertium dissertationis caput, et ultimum, totam Origenistarum, cum in Oriente, tum in Occidente damnatorum historiam proponit; monumenta huc spectantia, praecipue quae Hieronymus hac occasione vel ipse scripsit, vel ex graeco in latinum sermonem transtulit, ad suum quaeque ordinem revocat, et summa totius controversiae capita in seriem chronologicam disponit. Has dissertationes sequuntur observationes in Sulpicium Severum, in quibus illud sibi Auctor proposuisse videtur, ut sicut in notis textui subiectis verba, sic in his res illustraret et facta. In his pag. 318. observatur, Desiderium hunc esse eundem, ad quem Paullinus Nolanus A. CCCCVI. epistolam scripsit; esse presbyterum illum Gallum, qui cum Ripario Hieronymum excitavit, ut adversus Vigilantium scriberet; esse illum ad quem Hieronymus A. CCCXCIII. epistolam dedit. Pagina 370. disputatur de oppido Sabaria, illudque hodierno nomine et situ Sárvár esse docetur. Pag. 322. exponitur, quid sit scholaris militia, et scholares alae. Erat nimirum tum temporis militia armata, erat militia palatina, eorum qui intra palatium Imperatoris morabantur, non quod veri milites essent, sed quod, quicumque in aula principis erant, palatio militare dicebantur; erat denique militia reliquorum omnium, qui iudicibus et magistratibus apparebant, qualis militia Proconsularis et Praefectiana dicebatur. In palatina militia erant qui speciem habebant armatae militiae, veluti domestici et Protectores, veluti militia scholaris, sive scholae, quae suos Tribunos habebant, et Magistro Officiorum erant subiectae; in quibus fuere et scholae scutariorum et clibanariorum, quae cum peditum, tum equitum erant. Ampla accipiebant stipendia, splendide et honorifice habebantur, militari dignitati equiparandae. Pag. 324. docetur, monasterium proprie unius eremitae, sive monachi secretum indicare. Pag. 328. agitur de insula Galli-



Gallinaria: p. 334. de formulis acclamationum, quibus populus sibi aliquem deposcebat episcopum. Pag. 344. per pateram, quam regi minister obtulit, illud poculi genus A. intelligit, quo philotesiae in conviviiis propinabantur: pag. 343. exponit, cur caeteris omnibus in convivio accumbentibus in stibadio, Martinus solus sellula usus sit. quod propterea factum existimat, quoniam Martinus, licet episcopus, monachum egit, et ab omni deliciarum genere alienus illum accubitus contempsit, quem voluptas et luxus protulerunt. Pag. 331. aggreditur refutare Vorstium, qui Catechumenos scribit, quamvis institutos iam et credentes, nec regeneratos esse, nec salvari posse, Patres putasse. Illud concedit Prato, hoc negat. Pag. 346. vita et historia Clari: pag. 355. Postumiani et Galli, explicatur. Pag. 364. est longa disputatio de byrrho; et pag. 380. de verbo exsufflare. Aliquoties Romanae ecclesiae dogmata Auctor defendit: ut pag. 331. purgatorium, et pag. 351. venerationem crucis. Sequitur Appendix duplex. Prima exhibet ineditam antea epigrammatum collectionem, in Basilica potissimum Martini Turonis olim inscriptorum. Invenit illam in uno ex codicibus, quibus ad emendandum Severum usus est, nimirum in Bivilaquio, illamque notis illustravit. Versus sunt admodum mendosi, hiantes, et codicum bonorum opem efflagitant. Altera appendix proponit et expendit variantes aliquot vitae S. Paulli, primi, ut dicitur, eremitae, ex capitulari codice depromptas lectiones. Tandem ad calcem huius Tomi adiecta est epistola Pratonis, de nova hac Sulpicii Severi editione, ad Mussellium, Veronensis Ecclesiae Canonicum Archipresbyterum, scripta.

Haec de primo huius editionis Tomo dicta funto, in quo recensendo ideo longioris fuimus, quoniam librum, qui sero ad nos pervenit, serius etiam ad alios perventurum esse existimamus, quibus interim et voluptatem et molestiam ex eo capiendam invidere nolimus. Restat adhuc, ut, quoniam supra quaedam alius esse subrepta



repta posuimus, illud lectoribus ob oculos ponamus. Ad Dial. III. cap. 11. Arborium virum praefectorium dici iam Giselinus notaverat: versus Paullini, Moestorum palens etc. pag. 129. est in Horn. edit. laudatus: quem ad Dial. II. cap. 8. ex Gregorio Turon. locum laudat, produxit iam Iuretus; et emendationes, quas in lectione loci illius facit, iam factae sunt eodem loco: pag. 113. versus, Incola quem vicum etc. est in Horn. edit. adscriptus. Pag. 108. iam antea Giselinus docuit, curiam principis dici comitatum, iamque locum Sulpicii produxit; ut et ad illa, ad animum immitem; locum Marcellini attulerat iam antea. In epist. ad Bass. pag. 30. init. locum iam laudaverat Giselinus. Pag. 31. locus de caricis; et pag. 71. locus Hieronymi de scholastico, legitur etiam in Horn. edit. Pag. 318. Desiderium videri presbyterum Gallum etc. iisdem prope verbis ex nota Baronii in Horn. edit. descripta sunt. Pag. 369. illam interpretationem formulae, Celtice aut si mavis Gallice loquere, iam Hornius ex maxima parte viderat. Verum non est otium, iterum hac de causa hunc Tomum evolvendi, ut plura exempla inveniamus. Neque nos, qui bene merentium laudes rem publicam facimus alias, et levia vitia lubenter condonamus maioribus virtutibus, monuissemus haec, nisi Hornium huius criminis reum postularet perpetuo, saepe etiam iniuria, Auctor, ut p. 325. scribit, illum auctoritatibus ex Iureto compilatis docere voluisse, baptizatos olim albatos fuisse. Non compilavit Hornius Iuretum. Adposuit potius in editione sua, (utimur vero nos tertia,) Iureti nomen. Sed de his satis. Proxime dicemus de altero Tomo.

### **DIPLOMATARIA ET SCRIPTORES HISTORIAE**

*Germanicae medii aevi, cum Sigillis aeri incisis, opera et studio CHRISTIANI SCHOETTGENII, Rect. Scholae ad d. Crucis Dresd. et M. GEORGII CHRISTOPHORI KREYSIGII. Accedit praefatio CHRISTIANI GOTTLIEB BUDERI, D. Consil. Aul. Duc. Sax.*

*Sax. Iur. Publ. Feud. et Hist. Prof. Facult. Iuridicae  
Senioris in Academia Ienensi, de damnis detrimen-  
tisque Archivorum quorundam Germaniae.*

## TOMUS I.

Altenburgi, typis et sumtu Richteri, 1753. Alph. 4.  
plag. 13. tab. aen. 6. fol.

**S**i, auctore prudentissimo scriptore, non ii modo de republica bene merentur, qui scribenda faciunt, sed ii quoque, qui facta scribunt, nostra laude nostroque amore digni sunt, dolendum est profecto, morte praematura extincta esse egregia ingenia *Schoettgenii* et *Kreysigii*, quorum omnis industria in eo versabatur, ut antiquitates patriae e tenebris eruerent, erutasque clarissima in luce collocarent. Vix enim collectio haec Scriptorum rerum Germanicarum et Diplomatariorum animos spesque nostras excitaverat, primus cum Schoettgenius diem suum obiret, nec multo post Kreysigius, amicum, et in hisce laboribus socium, sequeretur, ambo vero triste sui desiderium relinquerent. Nos interim, quae a viris his doctis ad illustrandam Germaniae historiam collecta fuerunt, grata manu accipiamus, eorumque memoriam et exemplum commendemus. Hoc primo Tomo, cui nitor typorum et chartarum non exiguum splendorem affert, (quae laus propria quasi est libris iis omnibus, qui prodeunt e Richteri officina,) octo continentur opuscula. I. *Collectio nova Traditionum Fuldensium*. Incipit hic libellus, latine scriptus, ab Anno DCCLIX. nec pauca, ad historiam mediæ aevi pertinentia, continet. Habentur iam quaedam ex eo in *Schannati* Collectione, verum ux mendoso codice descripta; quare ea Schoettgenius ex correctiore emendavit. II. *Chronicon breve ab Anno MLXXXIII. ad A. MCCCIX*. Est perbreve hoc opusculum, e codice antiquo decerptum, latino sermone

Bbb

scri-

scriptum, quod, etsi unius tantum plagulae spatium occupat, singularia tamen quaedam, nec ubivis obvia, continet.

III. *Vrbarium S. Laurentii in Murtztal Stiriae superioris.* Traduntur hoc libro latino traditiones dictae ecclesiae ab A. MCCXXII. ad A. MCCCCLXI. factae, quae geographiae et genealogiis nobilium praecipue inserviunt. De nomine Auctoris, et consilio, ex praefatiuncula iudicari potest, ubi legitur: *Anno Domini millesimo quadringentesimo tricesimo quarto, ego, Iohannes Roetel, Decretorum Doctor, Plebanus dictae ecclesiae sancti Laurentii, considerans, quod ex antiquis libris urbarii reddituum predictorum quis se non posset utiliter expedire, seu informare de eisdem; idcirco predicto anno, mei regiminis nono, ex omnibus antiquis libris et registris per me collegi iura, census, redditus, et decimas infra scriptas, et praesens novum Vrbarium meis expensis scribi feci etc.*

IV. *Chronicon Thuringicum.* Est liber Auctore ignoto germanica lingua conscriptus, et ab ingressu huius nationis incipiens in A. MCCCCIX. definit. Kreyfigius, etsi iam plurima huius Provinciae chronica typis vulgata sint, hoc tamen ob singularia, ob antiquitatem et verba obsoleta, dignum publica luce censuit.

V. *Narratio brevis de translatione Sanctae Elisabethae,* ex codice manu exarato.

VI. *Pauli Iovii Chronicon Schwartzburgicum,* germanice scriptum. Totum opus, satis longum et copiosum, capitibus 209. absolvitur, et in partes septem est descriptum, quarum 1) Comitum Schwartzburgicorum originem proponit, eosque, qui ante A. MCVI. vixerunt, describit: 2) ad A. MCCCXIII. pergit: 3) ad A. MCCCCLII: 4) ad A. MDLXIV: 5) ad A. MDLXXXIII: 6) ad A. MDCV: 7) ad A. MDCXXX. pertinet. Iure ridet Kreyfigius eos, qui Episcopum Nucerinum ex Italia huius Chronici auctorem dicunt, cum tamen verus eius Auctor fuerit *Goetze*, Rector scholae oppidi Schwartzburgici, *Ebeleben*. Habendum praeterea censet hoc Chronicon omni fide dignum, atque summo opere utile pronuntiat. Nam Auctor

et

et archiva, Arnstadenſe, Sondershuſanum, Rudolſtadenſe, et Comitum de Gleichen, excuſſit, uſusque praetera eſt libellis chronicis ineditis, ſcriptoribus variis medii aevi, et omni hſtoriae Thuringicae et Germanicae lucem aſſundit. VII. *Diplomata XXIII. Comitum de Gleichen, et de rebus Gleichenſibus ab A. MCCXII. ad A. MDCCXIV.* a Schoetgenio collecta. VIII. *Hiſtoria Monafterii Volcolderodenſis diplomatica.* Conſignavit iam Albertus quidam Coeberling huius monaſterii notitiam; atque etiam Fridericus Rudolphi, in *Gotha diplomatica*, nonnulla huc ſpectantia protulit: ſed non ſatiſfecerunt haec Schoetgenio, qui diplomatum ab A. MCXXXIX. omnium, quae de hoc monaſterio forſan ſuperelle poſſunt, auctoritate munitus, hiſtoriam monaſterii compoſuit, et pluribus exornavit ſigillis. Toti huic primo Tomo non parvum ornamentum et decus addit Ill. Buderii docta praefatio, de praecipuorum Germaniae Archivorum detrimentis. Fuit prae aliis Archivum regum imperatorumque noſtrorum, inde a primis regni Francici initiis, multis damnis expoſitum. Huc reſeras incendia Palatiorum, quorum in capellis diplomata aſſervabantur; frequentes commigrationes regum ex alio Palatio aut Caſtro in aliud, eo tempore, quo Germani reges ſuos ex diverſis familiis elegerunt; expeditiones ultra Alpes, Italicas et Romanas, praecipue vero cruciatas. Notum eſt, a Maximiliano I. tria conſtituta fuiſſe Archiva; Caſareum in aula, Imperiale Moguntinum, et Iudicii Cameralis. At Moguntinum magna chartarum egeſtate et penuria laborat, id quod Conringius maiorum negligentiae tribuit, Boeclerus vero Suecis, in bello tricennali magnam Archivi partem inter Germanica ſpolia abducentibus. Quod in ſede Imperatoris eſt Archivum, tum praefertim, cum Carolus V. ſe imperio abdicaret, multum detrimenti cepit. Magnam vim Actorum ab A. MDXXX. ad MDLVI. Anton. Perenot Granvella ſecum habuit, quae, illo Veſontione extincto, ma-



xima ex parte fuerunt ab indoctis heredibus dissipata. Archivum denique Camerae Imperialis, incendio Urbis Spirensis, et vastatione, prope totum vel in cineres redactum, vel abductum et dispersum est. Neque aliud factum contigit Pontificum Romanorum et Curiae Romanae Archivis, in expugnata a Carolo V. Roma; Archivo Holstato; Archivo Comitum Sulzensium; civitatis Gelnhusae; veterisque urbis Magdeburgensis. Atque haec est Primi Tomi Scriptorum, a duumviris doctissimis editorum, ratio. Dicemus de altero, qui etiam est in manibus nostris, propediem.

**GERHARDI DE HAAS SPECIMEN CRITICUM**  
*in loca quaedam Evangelistica.*

Trai. ad Rhenum apud Gisbert. Tim. a Paddenburg et Abraham. a Paddenburg, 1758. Plag. 13. 8vo.

**C**ontinet hic libellus sex, totidem in loca Evangelistica, auctoris observationes, e quibus prima pertinet ad Matthaei Caput XIX. vers. 24. coll. vers. 26. ubi Christus dicit: *εὐκοπώτερον ἐστὶ κάμηλον διὰ τρυπήματος ῥαφίδος διελθεῖν, ἢ πλῆσιον εἰς τὴν βασιλείαν τοῦ Θεοῦ εἰσελθεῖν*. Laborat Auctor in tollenda duplici huius loci difficultate, quarum una in eo est, quod Camelus cum acu componitur; altera autem, quae eruditos exercuit difficultas, est triste illud Christi effatum, de regno coelorum divitibus clauso. Videbimus iam nos ea, quae Auctor noster ad faciliorem huius dicti sensum attulit, secundum ordinem ab eo servatum. Primo itaque loco aliorum opiniones enarrat, qui de hoc loco interpretando laborarunt: singulas tamen ille non exponit, alias enim omnis eius libellus huic uni loco non sufficiens fuisset; refert tamen, nonnullos per *κάμηλον* intelligere

telligere camelum, gibbosum illud animal, alios autem funem nauticum. Subiungit his eos, qui per voces *τεύπημα* *ῥαφίδος* portam quandam Hierosolymitanam indicari putant, antiquis ita dictam. Quorum cum aliis sententiam ille prolixius expositam ait apud *Polum* in Synopsi, et *Wolffium* in curis. Allegoricam deinde Patrum hunc locum interpretandi rationem profert, dum per Camelum Gentiles, per divites autem Iudaeos intelligunt: quam interpretationem multis difficultatibus obnoxiam esse putat Auctor. Marco enim Cap. X, 24. ii, quos Matthaeus *πλεῖστας* vocat, dicuntur *οἱ χεῖματα ἔχοντες*; unde apparet, proprie accipiendam esse vocem *πλεῖστας*: cum interrogatione, insuper discipulorum non certe convenit haec interpretatio vers. 25: *τίς ἄρα δύναται σωθῆναι*. Si enim per Camelum Iudaeos Christus intellexisset, haec Christi responsio discipulorum animos magis gaudio, quam moerore, afficere debuisset. Sequitur Theophylacti sententia, qua, aliisque huc spectantibus, expositis, accingit se Auctor ad proferendam suam: antea vero adhuc quasdam, quae ad voces huius dicti pertinent, observationes praemittit. Sic explicat vocem *κάμηλος*, quam a plerisque ex Hebraeo *כַּמֶּלֶךְ* deduci observat; ipse autem originem eius vocis in Graecis potius quaerit, et ab antiquo verbo *καμῖω* ortam putat, cuius primaria significatio ipsi est *flecto, inflecto, curvo*, secundaria autem *laboro, labores exantlo*, quasi *flexis genibus oneri succumbo*. quae secundaria significatio ipsi quam maxime arridet, quia primum id Camelo esse dicitur, quod flexis poplitibus oneri subeundo se quasi accomodet: *ἦλος* autem putat vulgarem esse nominum a verbis in *ῖω* deductorum terminationem, ut a *ζέω* est *ζῆλος* etc. Enarrat quoque alias voces, quae ipsi a *καμῖω*, quod idem significare vult ac *καμῖν*, ortae videntur; cuius primitivam vim esse putat *flectere, curvare*, unde *κάμιλος* funis nauticus, qui constat ex pi-

Pag. 6.

pag. 8. 9.

pag. 11.

pag. 17.

pag. 18.

pag. 20.

pag. 21.

pag. 22.

pag. 23.

- Pag. 24. lis tortis flexisque, vel quia curvari, atque circumvolvi potest; porro κάμαξ pedamen vitis, latinorumque *camurus*, aliaque, ipsi ab hoc καμίω descendunt. Posthaec
- pag. 26. vox ῥαφίς illustratur, quam Lexicographi male a voce ῥάπτω deducunt, est enim a ῥάφω, quod significat *consuo*. Quibus praemissis, sequitur tandem paraphrasis huius dicti, quod ex Auctoris sententia ita est interpretandum: *Divites aeternae salutis participes fient nunquam, eorumque in regnum coelorum introitus plenissimo sensu est impossibilis, ita ut camelus, vastissimum illud animal, facilius transeat per foramen acus, sive instrumenti illius, quo vestes consuuntur, quam dives in regnum coelorum ingrediatur.* Respondet deinde noster eorum obiectioni, qui ex dicto Christi sic exposito, Abrahamum, Iosephum de Arimathaea, multosque alios, ex beatorum numero excludi arbitrantur; nam
- pag. 28. Christo hoc in loco sermonem de iis tantum divitibus esse ostendit, qui nimio divitiarum amore ducuntur: πλέσιον enim vocabulis, quae Graecis μέσα audiant, adnumerandum esse. Ita Luc. XXI, 1. medio sensu; Matth. XXVII, 57. autem bono occurrere; apud Iacobum contra cap. I. vers. 11. et cap. II. vers. 6. malo sensu accipiendum esse. Vere autem vocem πλέσιος Christum malam in partem accipere, docet ex loco Marci supra laudato, ubi Evangelista eos, qui Matthaeo hoc loco πλέσιον sunt, πεποιθότες ἐπὶ τοῖς χρήμασιν appellat. Pergit Auctor ad explicanda verba dictum nostrum antecedentia, quae sunt: *δυσκόλως πλέσιος εἰσελεύσεται εἰς τὴν βασιλείαν τῶν ἁγίων*, atque ostendit, apud Graecos rationes illas loquendi δύσκολον, ὁ ῥαδίον, ἀργαλέον εἶναι, pariter ac Latinorum *difficile est, haut facile est*, non rei difficultatem, sed absolutam ἀδυναμίαν significare. Eam in rem adducit
- pag. 35. locum Homeri Odyss. δ. vers. 397:

Ἀργαλέος




Ἀργαλὲς γάρ τ' ἐστὶ Θεὸς βροτῶ ἀνδρὶ δαμῆναι:

Quippe domare Deum, mortalibus ardua res est.

Sed neque illorum obiectionem silentio plane transiit, qui Pag. 36.  
huic interpretationi opponunt, non patere causam ullam,  
quae Christum impulerit, ut hoc in loco tantā emphasi  
eos, qui divitiis dediti sint, a regno coelorum exclude-  
ret; cum et alii homines, sibi met relinqui, similiter aeter-  
na salute destituantur. Christus autem secundum nostri Pag. 37.  
sententiam causam omnino habuit longe gravissimam:  
volebat enim discipulos suos, singulares huius iuvenis  
virtutes admirantes, ἐνεργητικῶς docere, iuvenem hunc,  
tam specioso virtutum cumulo instructum, tam longe a  
coelo abesse, ut vel camelus, animal, facilius per for-  
amen acus transeat, quam talis dives in coelum ingredia-  
tur. Multa quoque apud Classicos auctores leguntur p. 39 - 45.  
testimonia, quae probant, longe maximam vim habere di-  
vitiis in animos hominum; e quibus nonnulla noster pro-  
tulit. Iam deinceps eos vehementer labi ostendit, qui ex  
hoc Matthaei dicto, sic exposito, colligere volunt, ita sequi, p. 46 - 62.  
Deum etiam efficere posse, ut camelus per foramen acus  
transeat. Antea multorum, hac in difficultate tollenda, cona-  
tus praemittit, quam dein cum Lectore eam, quae ipsi ma-  
xime probetur, rationem communicet. Vult autem no-  
ster, responsionem Christi, παρὰ δὲ Θεῷ πάντα δύνα-  
τά ἐστι, non pertinere ad πλῆσιον et κάμηλον, sed ad  
quaestionem discipulorum, cum scilicet ita cogitarent: si  
hic iuvenis, tam splendidis virtutibus praeditus, ne salvari  
quidem potest, τίς ἄρα δύναται σωθῆναι. Salvator ita-  
que ait, apud homines hoc quidem difficile, sed Deo  
omnia possibile esse. Vides, Lector, ex his, quae ex hoc li-  
bello



bello excerptissimus, multa bona inesse huic specimini, sed plurima iam antea ab aliis dicta; quibus accedit nimia in exponendis rebus sermonis ubertas: quae enim aliis dicta vix unam pagellam implent, nostro quatuor vel quinque integris paginis fere dicuntur. Reliqua quinque, quae noster illustravit Evangelistarum loca, sunt apud Matthaeum XXIII, 15. apud Marcum X, 21. et XI, 13, apud Lucam III, 36. tandemque apud Iohannem XVI, 26. In quibus singulis Auctori plane eadem observatur ratio, quam in primo loco ab eo observatam diximus. Invenies in reliquis etiam pauca nova, multa bona, omnia nimiis verborum ambagibus circumscripta. Certe Cameli, quae nostro placet, e Graecis derivatio, etsi luculentum divitis ingenii testimonium est, ut multis tamen probetur magnopere veremur.



# NOVA ACTA ERUDITORUM,

*publicata Lipsiae*

*Calendis Iulii Anno MDCCLIX.*

CATALOGUE RAISONNE DES TABLEAUX DU  
Roy, avec un Abrégé de la Vie des Peintres, etc.

i. e.

*ENARRATIO CRITICA TABULARUM, QUAE IN  
Regis Gallorum adservantur Museo, cum brevi Pictorum  
vita: Edita iussu Regis Christianissimi. TOMUS I.  
qui Scholam Florentinam et Romanam continet. Opera  
Dom. LEPICIE, Secretarii perpetui et Historiogra-  
phi Academiae Pictorum et Sculptorum  
Parisiæ, rel.*

Lutetiae Parisiorum, e Typogr. regia: 1752. Alph. I.  
plag. 4. et dimid. quaternis.

**D**enuo laudandi picturam, hoc indicando opere, nobis  
oblata occasio est, quam eo libentius arripuimus,  
quo magis speramus, neque hanc plane inutilem  
fore opellam nostram. Semper ad hominum formandos  
mores in primis idoneos esse putavimus utriusque linguae  
poetas, qui omne vel acerrimi iudicii grammaticorum  
tulere punctum. neque nostrae sententiae, ipsorum ea in  
re expertos vim ac potentiam, adhuc quidem nos poe-  
nitet. Quis enim unquam exempla virtutum ac vitiorum,  
quae plus efficiunt in animis hominum, quam de moribus  
doctrina continua, systema dicunt, quamvis ea diligens sit,

Ccc

atque

atque erudita, maiore vi ac contentione tradidit quam illi? In describendis virtutibus, quas amabiles redderent, vitiis, quae detestabilia, omne ingenium ac doctrinam veluti exhaustisse videntur. Nemo denique, nisi qui triplex aes circa praecordia habeat, illi divinae poetarum phrasi, quae quasi torrens erumpit, omniaque sibi adversa subigit, resistere potest. quot illorum, si quidem recte iudicamus, legeris, tot omnino Θεοφράσους putes. Etsi autem poetice plurimis in rebus ἀντίθετος picturae existit, quemadmodum Aristoteli, ut notum, Dialecticae Rhetorica: picturam tamen, fremat licet omnis canentium turba, illi longe praeferendam esse ducimus.

Utram artem velis discere, ac deinde exercere feliciter, divinum habeas ingenium, oportet, quod quasi fidere quodam propitio afflatum sit, atque perpetuo foveatur: nil dicas faciasve, ut cum Horatio loquamur, invita Minerva:

Ἐκ γὰρ Μουσάων καὶ ἐκ ηὐρόλης Ἀπόλλωνος  
Ἄνδρες αἰοῖδοι ἔασσιν ἐπὶ χθόνα, καὶ κίθαρις αἶ.

Sed frustra tibi vel optimum ingenium natura concessisse videtur, si careas disciplina atque institutione recta. Sic enim lasciviens ingenium, et ubivis quasi locorum prorumpens, protrudet nil nisi inepta, insolita, quamvis saepe speciosa, quae nullo prorsus pacto cum rerum conveniant natura. Subactum igitur esse debet ingenium tale multifaria doctrina atque scientia: cognoscendi sunt hominum mores atque instituta: indaganda est rerum natura: non ignarus sis historiae veteris aequae ac novae: atque inprimis picturae si dederis operam, bene sis imbutus mathematicae scientia omnis, oportet.

At in his artibus plurimum valent exempla, eaque, si haberi possint, perfectissima, non solum ad poetarum opera et tabulas pictorum intelligendas atque cognoscendas, sed etiam, si ad imitandum, aut adeo, quantum ingenii vires sinant, aemulandum illa proposueris, tibi maxime ad facultatem has exercendi artes consequendam opitulatu-

tulatura. Namque emortua fere, ac tenebris perfusa videntur de his artibus decreta et praecepta inprimis, nisi exemplis reviviscant, atque illuminentur idoneis: imo docile ingenium atque alacre, etiamsi destituatur disciplina, dummodo exempla diligenter contempletur praestantissima, deinde periculum faciat usque, an quoque similia possit proferre, et tantum in his artibus se profecisse putet, quanto magis ad illorum similitudinem accedat: tale, aimus, ingenium, quanto quanto impediatur labore, tamen ad fastigium istarum artium tandem emergere posse videtur. E contrario autem nullus unquam factus, aut poeta aut pictor, institutione sola, nisi adiutus, exemplis.

Sed quae tibi exempla proponas, nunc merito quaestio est. Non audiendi sane sunt, qui nobis istam, si picturae quidem exempla quaerimus, ludicram veluti naturae picturam nobis commodent, qualis in lapidibus, herbis, ac floribus, admodum invenitur paucis, ubi picturae quidem nonnulla praebetur species, sed adeo saepe imperfectae, ut minime auctoritatem exempli sustinere queat. Quodsi tibi exemplum non omnibus absolutum numeris imitandum sumas, quale *ἐκτυπον* sperabis fore? ut in praesentia omittamus, admodum paucos reperiri tales naturae lusus, ita ut saepenumero plane destitui te exemplis necesse sit. Omnem, qua pulcra sit, tibi imitandam proponas naturam; haec largiter tibi subministrabit exempla, ad quorum similitudinem quo propius opera tua accesserint, hoc perfectiora artis tuae documenta futura sunt. Antiquissimos quoque naturae pulcerrima imitatione expressisse pictores, unum *Isocratem*, quem propter gravissimas aequae ac dulcissimas sententias inprimis diligimus, testem adducemus, qui *λόγῳ παρανετικῷ: αἰσχροὺν γὰρ, τὰς μὲν γραφεῖς ἀπεικάζειν τὰ καλὰ τῶν ζώων· τὰς δὲ παῖδας μὴ μιμεῖσθαι τὰς σπερδαίους.* (Quo in loco, per *ζώων* vocabulum, non solum bruta animalia intelligenda arbitramur, sed omnia quaecunque vitam habeant, homines etiam; aut certe habere videantur, ut arbores, et id genus multa alia.



quod admonere vulgus interpretum debet, ne pergant τὰ καλὰ τῶν ζώων vertere *animantes pulcras*, pueriliter profus.) Quae autem hic de natura praecepimus imitanda, pictoribus et poetis dicta sunt. Praeterea et excellentium in utraque arte artificum sibi proponant exempla, qualia inter poëtas Homerus sunt atque Virgilius, quicquid etiam contra dicant recentes isti thyrsigeri, qui illis palmam praeripere improbe audent, quam certo consequerentur, quo iure quave iniuria; placent enim suis, ipsique impudentes sunt satis; nisi ruditas ingenii, et, quas pepererint bullae ventosae, obstarent istis.

Tanta autem felicitate, picturae qui navant operam, uti nequeuat, ut Apellis, Zeuxidis, ac Parrhasii tabulas adspicere, ne dicamus sibi imitandas proponere possint; non enim per suam conditionem, iuxta ac temporis iniquitatem, superstites adhuc ipsis esse licuit. Sed hoc dolendum quidem est, non autem desperandum plane. Resisterunt enim tantae iniuriae temporis, rem laetam narramus, nisi hominum incuria, inepta religio, aut avaritia nefanda, obfuerit ipsis, antiquorum alia suo ingenio opera, quae picturis affinia sunt. Relictae quippe nobis sunt veluti ex naufragio in gemmis affabre sculptae imagines, signa et statuae ex aere aut marmore, et numi signati ex auro, argento, aere; imo, nisi antiquissimas tabulas respicias, veteres adhuc habemus picturas bonae omnino notae, nuper admodum in Herculano inventas. Sed, inquires, mera contraria, haec sunt; quomodo haec cohaerent, antiqua tu illa exempla commendas, naturam quoque, cum tamen constet inter omnes, veteres multa contra naturam fluxisse.

— — *Pictoribus atque poëtis*

*Quidlibet audendi semper fuit aequa potestas.*

Erras, quod pace tua dixerimus: nihil antiqui praeter naturae rationem finxerunt. Nereides tamen opponis,

— — — *ut turpiter atrum*

*Definit in piscem, mulier formosa superne.*

(Sic enim ibi legendum esse, non *desinat*, quemadmodum plane

plane contra Flacci sententiam vulgo editur, iam alio in loco ostendimus pluribus.) Sed magnam omnino differentiam intercedere putamus inter ea, quae praeter naturae rationem excogitata sint, atque ea, quae in hoc rerum universo non appareant. Nereides quidem an adhuc exstiterint, nescimus; id tamen certo credimus, si quando aliquae exstiturae sint, non alia futuras esse forma, quam qua a veteribus descriptae sunt. Si quis autem ad Nereidum faciem, ut sibi quidem persuadeat,

*Humano capiti cervicem pictor equinam  
Iungere si velit, et varias inducere plumas,  
Undique collatis membris — —*

is nullo pacto naturae leges servare videtur, prorsus sibi adversa iungere, quae nulla ratione velut conspirare possint in unum.

Te offendet porro, si quid omnino divinamus, quod nos dixerimus antiquissima Graecorum ac Latinorum nobis ad imitandum proponenda esse exempla. Ne latum unguem quidem propterea a nostra decedimus sententia. Vera enim profitemur, quamvis sint tibi molesta: nos aequè reprehendemus in nostris, atque *Horatius* in suis, si qui inter illos gloriantur:

*Venimus ad summum fortunae, pingimus atque  
Psallimus, et luctamur Achivis doctius unctis.*

Fallimur, atque, quod plus est, nec pedem ulterius proferemus in artibus ullum, si tam magnifice *Thraſonis* more de nobis sentiamus ipsi. Quoniam nos bene valere opinamur, cum aegrotemus tamen, omnem medicinam, quamvis nobis salubrem, recusamus, de nostra salute actum est, ilicet. Sed ne invidia id dixisse videamur, quamquam nec huius in nos cadit suspicio, cum et ipsi aliquid esse velimus: tamen, quae affirmavimus, luculento tibi lubet adprobare exemplo. Celebrabatur olim apud Italos maximi ingenii ac doctrinae sculptor, qui pictura atque architectura non pollebat minus: *Michaelen Angelum Bonarotam* narramus. Is aliquando, eodem consilio, quo nos haec

adducimus, Lunensi, ut quidem ferunt, ex marmore dormientem sculpsit Cupidinem, tanta arte ingenique ac manus dexteritate, ut nihil amplius addi posse videretur, quamdiu solus spectaretur; sed simul ac eius rei intelligentes eundem comparabant cum exemplo, quod sibi Angelus imitandum proposuerat, antiquo, tantum apparuit discrimen, ut ipse non erubesceret fateri, se superatum esse.

Atque in his fere conveniunt Poëtice ac Pictura: causas autem, quare palma huic decernenda sit prae illa, nunc ostendemus paucis. Una est, quod pictura propius ad rerum naturae accedit similitudinem, et poëtice illius veluti imitatrix tantum est. Alia, quod picturae opera percipimus oculis, ideoque vehementius animos concitant hominum, quam poëtices, quae non nisi auribus. Tertia tandem est, quod poëmata ab iis tantum intelligi possunt, qui eius linguae sunt gnari, qua facta sunt: picturas vero et iis, qui plane nullam didicerint linguam, aliquo modo intelligendi potestas est.

*Franciscus* igitur *primus*, Gallorum rex, qui magno suo merito restaurator celebratur litterarum apud Gallos, non satis pro merito laudari potest, quod scholam quasi aperuit artificum, ubi etiam mores optime formarentur hominum. Coegit enim, vere regali sumptu, ac elegantissimo iudicio, quae praestantissima haberi possent pictorum opera. Sed eorum numerum mirifice deinde adauxit *Ludovicus*, ut vere regium hunc appellare possis thesaurum. *Epicius* itaque, Vir doctissimus, qui est Pictorum Academiae Parisinae a scribenda historia, nobis admodum iucundam, simul et litterato orbi, navavit operam, quod eas nobis tabulas enarraverit secundum patriam pictorum, cum addito iudicio, quid de illarum singulis sentiendum sit, atque pictorum vitam singulorum praemiserit brevem suis enarrandis tabulis. Nostrium non est decernere, recte iudicaverit *Epicius* de illis tabulis, nec ne; non enim ipsis eas spectare licuit nobis: tamen credendum iudicio *Viri* in his rebus exercitatissimi, qui iam antehac, principum

pum pictorum Christianissimi regis vitas, magno doctorum hominum plausu, edidit.

Tabulas iam enarrare ipsas, nimis hic esset longum. Igitur pictorum tantum hic dabimus nomina, simulque indicabimus annos, quibus nati sunt, quod aequi bonique consulent Lectores nostri, quibus, e Libro ipso cognoscere reliqua, non credimus fore iniucundum.

Hac itaque prima Operis totius parte duae continentur, scholas dicunt pictorum, *Florentina* nempe, et *Romana*. Illius pictores hi sunt: nomina vulgaria damus, ne, si latine a nobis proponantur, difficultatem cognoscendorum nominum huic enarrationi nostrae praepostero consilio induxisse videamur. Sunt igitur:

- 1) *Léonard de Vinci*, natus 1443.
- 2) *Frère Barthelmi de S. Mart*, natus 1469.
- 3) *Michel Ange Buonarotti*, natus 1470.
- 4) *Baccio Bandinelli*, natus 1487.
- 5) *André del Sarte*, natus 1488.
- 6) *Jacques Pontorme*, natus 1493.
- 7) *Balthasar Peruzzi*, natus 1500.
- 8) *François Salviati*, natus 1510.
- 9) *Batthieu Rosselli*, natus 1578.

His Florentinae Scholae Pictoribus enarratis, sequuntur qui *Romanam* Scholam, utemur enim artis vocabulo, arte sua et studio non illustrarunt modo, sed etiam posteritati commendarunt. Sunt hi:

- 1) *Pierre Perrugin*, natus 1446.
- 2) *André Mantegna*, natus 1451.
- 3) *Raphael*, natus 1483.
- 4) *Sébastien del Piombo*, natus 1485.
- 5) *Jules Romain*, natus 1492.
- 6) *Polydore de Caravage*, natus 1495.
- 7) *Perrin del Vague*, natus 1500.
- 8) *Le Parmesan*, natus 1504.
- 9) *Le Chevalier Josephin*, natus 1570.

10) *Do*



- 10) *Dominique Feti*, natus 1589.
- 11) *Michel Ange des Batailles*, natus 1602.
- 12) *Pietre de Cortone*, natus 1609.
- 13) *Romanelli*, natus 1617.
- 14) *Carle Maratte*, natus 1625.
- 15) *Ciro Ferri*, natus 1634.

Atque ista sunt, hoc quidem Primo Tomo, de Pictoribus *Epicii* commentaria: Tomus alter egregii Operis, qui anno LIV, igitur biennio demum post, prodiit, de Schola pictorum Veneta et Lombardica exponit, quem nos propediem recensitum dabimus.

**IOANNIS GEORGII ROEDERER, D. MEDICINAE**  
*Speciatim Anatomicae Artis atque Obstetriciae Prof.*  
*Publ. Ord. rel. Icones uteri humani observatio-*  
*nibus illustratae.*

Göttingae, Sumtibus Vandenhoeckianis, 1759.  
 Plag. 15. in Folio.

**T**otum, quod iam nuntiamus, opus, constat septem omnino Tabulis in aes incisis, hisque subiectis observationibus, tum Auctori propriis, tum aliunde repetitis. *Tabula prima* exhibet externam uteri parturientis superficiem, depictam duodecim quasi horas post, quam parturire inceperat femina. Notat hic *Cel. Auctor*, eam esse uteri parturientis proclivitatem ad contractionem, ut continuo in quodque vacuum ruat, constringaturque eo usque, donec non vincendo obstaculo obiiciatur, omnes nimirum embryonis artus, tanquam vagina aliqua, amplexurus. Itaque uterus ille exhibuit plures colliculos, quos embryonis nasus, pes dexter, femur sinistrum, caput, gibbum dorsum, placenta denique, formaverant. Praeterea vasorum sub externa uteri membrana repentium rete apte repraesentatum est. Tandem monet *Cel. Auctor*, uteri fundum reliquis eius partibus magis expandi, tubarumque origi-

originem in gravido utero longius distare quam in vacuo, cuius quippe tubae ex ipsis baseos fundi lateribus efferantur. Distantiae huius plura exempla, eaque varia, recenset.

*Tabula secunda* repraesentat foetum et placentam in situ suo naturali. Dorsum hic ita incurvatum conspicitur, ut fractum diceres. Caput transversim positum occupat uteri fundum; facies ad anteriora dirigitur sic, ut superior sit pars sinistra, inferior dextra, frons ad dextram sedem pertineat, mentum ad sinistram. Inde curvum dorsum in sinistra uteri sede descendit, ad os uteri vergit nates dextra, solutae placentae parti inhaerens, sinistra cum ano ad anteriora. Femur sinistrum ad anteriorem uteri superficiem, abdomini incumbens, versus caput ascendit, inde crus sinistrum versus dextram uteri sedem femur legens ita descendit, ut extremus pes placentae ad marginem superiorem et anteriorem insistas, digitis sursum versis. Placentae accumbit femur dextrum, sursumque ea lege crus exigens, ut genu cavum circa extremum pedem sinistrum flectatur, ipsum crus sinistrum, in dextra uteri sede, dorso suo legat. tibia dextra, dextri pedis extremi dorsum fronti innitatur, pollex oculum tegat, digiti erigantur, et planta sinistrae manus dorsum excipiat. Sinistrum brachium in dextram sedem flectitur, vacuum inter femur sinistrum et dextram genam replens: palma manus prehendit genu sinistrum. Sinistrum brachium teres non est, sed versus uteri superficiem anteriorem latius, versus foetum arctius, velut modulus quidam vacuo impressus. Brachium dextrum, in posteriori sede et dextra locatum, manum placentae et nati dextrae interferit. Funis, inter mentum et humerum sinistrum, collum ambit. Specimen simul hic situs praebet *natum ad os uteri conversarum*, docetque difficultatem, quam in apprehendendis pedibus, in sicco amnii liquore utero latentibus, quandoque experiuntur obstetricantes.

*Tabula tertia* placentam in situ naturali ob oculos ponit. In notis tabulae huic adiectis Cel. Auctor observat, uteri gravidi fundum nisi semper, tamen plerumque esse

ima eius parte crassiores: totum uterum gravidum crassescere: copiosa ad uteri sectiones vacua lumina venosa apparere, in longitudinales quasi rimas a collapsio eodem et contracto pressa: lumina arteriarum, velut exiguas quasdam puncturas, acubus factas, venosis haud parum pariora esse, pleraque ad latus vasis venosi locata. Vasorum copiam versus cervicem sensim minui, donec dispareant. Pone placentam, in vicinia, et versus segmentum inferius, stipatiora esse vasa, et multum ampliora, praecipue venosa, quam in reliquo utero. Qua parte vasa venosa membranae uteri internae subiaceant, reti arterioso ubivis cingi. Cuncta vasorum lumina videri rotunda, sine angulorum, recessuum, vel sinuum specie. Fibras porro motrices, velut strias quasdam, in vasorum interstitiis distributas esse, sic quidem, ut pleraeque inter vasorum rete et communem uteri a peritoneo membranam locentur, reliquae vasorum interstitia repleant: pertinacissimo nexu omnes cohaerere, uterique omnem ambitum cingere, absque laceratione in strata haud distinguendas. Plura de ordine et distributione fibrarum earum quo minus excerpamus, vetat chartae angustia. Docetur porro, internam uteri superficiem membrana propria vestiri, pari modo pertinacissime conglutinata vasis; velut exterius fibris motricibus adhaereat membrana a peritoneo communis. Nihil fibrarum muscularium in eadem distingui, sed mollem esse in utero gravido; tenuem, pulposam, facile lacerandam, in cadavere. Placentam sede dextra et posteriori locari sic, ut ad dimidiam fere sedem dextram ascendat, et toti segmento inferiori incumbat. Non tamen negatur, placentam cuique uteri regioni, quin ipsi segmento inferiori, subinde inhaerere. Unicam quidem umbilici arteriam ad angulum funis ac placentae esse, eam vero in ipso fune mox in duos solitos truncos secedere. Duos etiam versus placentam arteriae illius ramos reperiri, eorumque alterum in substantiam placentae statim ab orto immergi, alterum distribui in superficiem. Placentam, quae ante spongiosa, cellularis, tenera erat, versus margines

nes sensim minui, in velamenta mutari, quorum membrana filamentosa uteri superficie partim vasulis cohaereat, partim tenera quadam tela cellulosa et perluciente, quae cuncta interstitia exactissime repleat, pertinacius tamen chorio quam utero filamentosa adhaereat.

In *Tabula quarta* conspicitur externa uteri gravidæ superficies, cum vasis sanguiferis. Uterus quidem comprehendit foetum, et amnii liquorem. Femina vero sextum quasi graviditatis mensem absolverat. *Clariss. Auctor* exacte describit uteri gravidæ in abdomine positum, qui fere sic habet: Ad dextram abdominis partem inclinatur uterus ita, ut duae fere tertiae partes eo pertineant, una ad sinistram: inferius ventriculi planum fundo incumbit. Omnis intestinorum tenuium apparatus, iuxta et super utero sinistram abdominis cavum replet; descendit ibidem sinistram colon, et maxima omenti portio eodem dirigitur. Ad dextrum uteri latus intestinum coecum et coli dextri initium locantur, ipsa tamen fere tota utero, quo teguntur, posteriora. Appendix vermiformis pone uterum latet. Transversum colon postremo in loco partim pone ventriculum, partim pone uterum se corripit; quorsum etiam in loco inferiori sese recipiunt intestinorum tenuium colique sinistri finis, et initium intestini recti. Ad pollicem cum dimidio infra hypochondrion dextrum descendens hepar utero ita imminet, ut apex uteri dexter vesiculam felleam, qua parum tingitur, tangat. Anteriori uteri superficiei sine medio peritoneum inhaeret. Modice supra ossa pubis, pressa utero, vesica ascendit. Cum hac descriptione consentit observatio in vivis feminis, iisdemque gravidis, facta. Quodsi namque gravidarum abdominis statum manu exploramus, saepius omnino duriores, tumentiores, elatioresque tangimus sedem abdominis dextram; molliorem; minus tumentem; minus etiam elevatam sinistram. Multas, et utiles sane observationes, praetermittere cogimur spatio exclusi.



*Tabula quinta* habet foetum et placentam, in posita naturali delineantam. Exemplum est capitis paullo maturius delapsi, utpote circa sextum graviditatis mensem. Magna placenta posteriorem uteri superficiem, dimidium fundi, partemque dextrae superficiei occupavit, dextrae tubae in uterum aperturam tegens: a sinistrae tubae apertura duos pollices abfuit, mensuram in uteri circumferentia capiendo; canali vero cervicis duos et dimidium pollicem superior fuit placenta. A latere embryo ita collocatus fuit, ut curvatura dorsii legeret latus dextrum, occiput modico obliquum versus latus dextrum orificio opponeretur; auris sinistra ad parietem anteriorem, dextra ad posteriorem dirigebatur; anterieus fuit femur sinistrum, posterius dextrum; et dextra natum in placentam nitebatur. In abdomen femora replicabantur: denuo versus latus sinistrum pedes descenderunt, et extremi pedes sinistro uteri parieti insistere visi sunt. Decussatae tibiae fecerunt, ut anterior esset extremus pes dexter, posterior sinister. Mentum in thoracem nitebatur, facies ad angulum uteri sinistrum in superiora directa fuit. Brachium sinistrum in faciem ita reflectebatur, ut pollex fronti imprimeretur, et digiti in posteriorem superficiem replicarentur. Brachium dextrum ex superficie posteriore versus anteriorem emerfit, digiti circa medium uteri in manum flexi sunt, et secundarum phalangum radices ad parietem sinistrum directae erant. Anus et genitalia ad latus pariter sinistrum spectabant. Funis ex umbilico ascendens ad collum, versus dextrum uteri parietem pergere visus est: collum inde vestit. Ori dein incubuit, sinistro brachio tectus, manu sinistra prehensus, sub dextro brachio latens descendit, et placentae inhaesit, sinistro huius margini, embryo nempe opposito, insertus. Insertio dextra aure tecta fuit. (Specimen est funis, mature embryonis collo circumpositi.) Neque in hoc, neque in reliquis uteris, Experimentis. Auctor aliquid invenit, quod pro alantoide haberi posset.

*Tabula*

*Tabula Sexta* figuris sex conspicua est, internamque uteri gravidi superficiem illustrat. Figura prima repraesentat convolutiones vasorum uteri venosorum, et anguillulas arteriosas, quae quidem in figura secunda seorsim delineatae exhibentur. Figura tertia sistit filamentosam secundarum tunicam. Explicationi huius figurae annexa est descriptio experimentorum cum placenta in utero relicta institutorum, quorum summa haec est. Eo temporis puncto, quo infantes nascebantur, funem umbilicalem artis lege percidit V. Cl. infantem removit, placentam cum utero perpetuam, funemque umbilicalem ex genitalibus propendentem, reliquit. Vasculo tunc, quod sanguinem ex fune profluentem exciperet, supposito, sequentia observavit:

- 1) Nullus in umbilici fune, qui e genitalibus pendet, pulsus est.
- 2) Ex genitalibus nihil sanguinis fluit.
- 3) Ex fune vero umbilicali sanguis, magna vi, arcuque facto, prorumpit primum, dein lentius stillat, mox paucae guttulae effluunt, tandemque fluxus omnis cessat.
- 4) Ab initio ad finem usque fluxus aliquot horae minuta prima labuntur. Quater fluxus tria minuta duravit, bis duo minuta, semel minutum, semel quinque minuta.
- 5) Pondus sanguinis, qui effluxit, ter unam et tres octavas partes unciae fuit, bis unam et dimidiam unciam, ter unam et unam partem quartam unciae, ponderis civitatis Goettingensis.
- 6) Postquam sanguinis ex fune fluxus cessaverat, statum uteri examinavit V. Cl. Contractus quidem uterus fuit, orificium autem eiusdem laxae, et sine ulla stricture, funiculum propendentem ita ambiit, ut hic ab uteri orificio compressus non esset illo modo: placenta etiam firmissime cum utero cohaesit, neque ulla sanguinis gutta in uteri cavitate vel stagnavit, vel ex eadem effluxit; etuoris vero torrens, cum primum ex utero placenta extracta erat, e genitalibus profusus est.
- 7) Placentae extractae vasa maiora, quae in superficie decurrunt, et sanguinem vehere solent, eiusmodi liquore vacua sunt. Quaedam in venis sanguinis quantitas residua manet, minor autem, ac in placentis, quarum funis a par-

tu ligatur. Arteriae collapsae esse solent. 8) Cum enim alio tempore funis umbilicalis portio, cum placenta cohaerens, ita deligatur, ut ex percisso fune nil humorum effluere possit, maiora placentae vasa sanguine tota referta sunt, atque turgida, sive venosa sint, sive arteriosa. Oeties tunc pericula illa fecerat V. C. quae postea eodem repetiit successu, solisque in illis partibus, in quibus infantes vivi non solum, verum etiam vegeti edebantur, ubi infantes extractos ne guttula quidem sanguinis sequuta est. adeoque cum certissimus esset Cl. Auctor, placentam integerrime adhuc cum utero cohaerere, nullam eius particulam solutam esse, nullamque proinde aliam, praeter ipsam placentam, viam esse, quam uteri sanguis subire posset: itaque nihil amplius sanguinis succedere, infante in lucem edito, experimenta illa persuadent. Observationes his contrarias, ab aliis observatoribus factas esse, non negat Cl. Auctor, quin potius ad eas pluribus respondet. Alia experimenta instituit, quibus probaret, exilia vasorum placentae lumina esse: namque si placenta una cum infante ex utero extrahatur, nihil sanguinis ex placentae superficie effluxisse; neque illud factum esse, cum infans una cum placenta in aqua calida foveretur; pulsus etiam in fune cessavit, quoties placenta, cum infante perpetua, in utero relicta esset. Figura quinta aperturam canalıs cervicis in uterum; figura sexta apertum canalem cervicis, oculis subiicit.

*Tabula septima*, eaque ultima, figuras duodecim continet. Figura prima internam cervicis uteri superficiem refert: secunda uterus virgineus illustratur: in tertia conspicitur posterius uteri virginei planum; in quarta vero eiusdem uteri planum anterius: figura quinta depictum est ovarium sinistrum feminae, partum haud enixae: in sexta vesiculas Graafianas conspicimus: septima percissum ovarium feminae parturientis; octava corpus luteum ex cadavere feminae illico a partu extinctae; nona ovarium feminae unicum partum enixae, repraesentat: in figura decima ceritur ovarium in medio percissum, una cum corporibus luteis

teis; in undecima vero dextrum ovarium percissum, cum extenuatis corporibus luteis; in duodecima, eademque ultima, duae massulae flavae comparent. Post indicem reperiuntur tabulae tres, non illae quidem pictae, sed quae litteris verbisque tradant dimensiones, tum uteri eiusque partium, tum ovariorum, subtiliter sane, in quamplurimis, iisdemque variae aetatis semellis, captas, quarum ideam lectori in arcto hoc spatio tradere nullo modo possumus.

## DE ZINBEELDIGE HERCULES etc.

id est:

*HERCULES ΣΥΜΒΟΛΙΚΟΣ, SIVE DE PROCREATIONE et pueritia fidei huius dei, Liber singularis, quo commonstratur, quae de eodem praedicentur, ea omnia ex prisca doctrinae de Christo veluti per manum facta traditione repetita esse, etc.: cum Appendice de Meleagro et Atalanta: conscriptus a IOH. CHRISTOPH. STRUCHTMEYERO, Profess. Harderovic. atque ex MSto latino belgice conversus a PETR. LUCRET. STRUCHTMEYERO, litt. stud. (eius filio).*

Harderov. apud Ioh. Moojen, 1757. Alfab. r. plag. 3 $\frac{1}{2}$ . praeter praefat. plag. 3. quaternis.

**M**agna omnino ingenii contentione, sed, quod veritati largiendum est, quamquam id inviti dicimus, parum illa fructuosa et felici, consilium et argumentum suum persequitur Scriptor noster, Vir doct., idem ille, qui iam anno 1743. *Theologiam mythicam* pari modo illuminare libro suo, quem *de origine Tartari et Elysi* inscripsit, conatus, impetare a nobis non potuit, ut cum ipso faceremus \*). Quod quum aegre, licet temperanter, tulit: in praesenti, praefatione sua hoc agit, ut minus subtiliter

nos

\*) Vid. Supplem. ad Nova Acta Eruditor. Tom. VIII. Sect. V. pag. 232. sqq.



nos iudicasse vincat. Sed ut liberaliter demus, et ingenue, similitudines ipsum fere omnes, et uniuersae memoriae, et rerum gestarum magni nostri Servatoris, atque Herculis sui, studiose conquisiuisse: tamen litem propterea secundum ipsum dari oportere ut existimemus, tantum abest, ut vel parum eo confectum esse persuasum habeamus. Id quidem ne cui temere dixisse videamur, quae sunt ab hoc eodem Scriptore obiecta, ea deinde diluamus: iam vero age primum definiamus aliquam veluti regulam et normam, ad quam nostra de sententia plane huius causae cognitio sit referenda.

Si quarum rerum cum aliis similitudo fuerit, cogitur inde Dialecticorum de praeceptis, esse has ipsas illa quidem parte similes, quinimmo easdem. Sed in tanta rerum similitudine, vel aliqua parte earundem, quae nihilo tamen minus alio delectu miram vicissim a se dissimilitudinem habent, multitudine et varietate, ex communibus nonnullis proprietatibus, neque plenam et perfectam similitudinem colligere, neque huius ipsius similitudinis certos fines et terminos constituere, nisi qui signis ac notis non dubiis descripti fuerint, veritas finit. Atqui verba translata, et omnes omnino loquendi formae, quibus subest vel hieroglyphica, vel mythistorica, vel mystica sententia, quum perfectam similitudinem non indicant, tum illius mensuram modumque per se non, nisi ambigue, produnt. Igitur in his vere explicandis, aut aduentitiis quibusdam et externis adiumentis utendum est; aut in ipsis huiusmodi sive sermonibus, sive scriptis, dilucide expressa sit, oportet, aliqua verae significationis nota, qua iuste firmatur proposita similitudo. Alterum, magnam plerumque difficultatem, et errores faciles habet: alterum, praeterquam sacris in oraculis, fieri solet rarissime. Neque vero, quod postremo loco posuimus, id in ulla rerum Herculis gestarum memoria usquam factum est. Ex quo efficitur, quod ad illustrandam Herculis memoriam, aduentitia tantum, et externa subsidia, diligenter circumspicere, et acute arguteque adhibere conveniat.

Quae

Quae quum ita sint, palam fiet Lectori, quam parum ad veritatem accommodate *Struchtmeyerus*, Vir Cl., de Hercule sententiam dixerit, ubi plenius paullo omne libri huius argumentum proposuerimus: id quod nunc facere aggredimur, ita ut ipsum Scriptorem perpetua oratione loquentem inducamus.

Nemo est, quin sciat; Graecis auctoribus plerum-  
que Herculi patrem *Iovem*, matrem vero *Alcmenam*, *Am-Iove, suppo-*  
*phitryonis* uxorem, assignari: quamquam alios alii paren-  
tes commemorent. De patre quidem consentiunt vete-  
res, deum aliquem fuisse: sed non omnes idem huic no-  
men tribuunt. Attamen plerique *Iovem* dicunt. Ex hac  
autem varietate, qua Herculis de parentibus decernitur,  
iure cogo, qui parentes ipsius fuisse perhibentur, eos non  
esse nisi ficta nomina, uti sub ipso Hercule, praeter fictam  
speciem, nihil subest. Etenim, qui inde efficere volunt,  
varios reapse Hercules vixisse: illos primum oportet ad-  
probare, meros homines, neque suppositos potius deos  
fuisse, qui parentes eius feruntur: atque deinde, si pos-  
sint hoc docere, etiam illud, a quovis illorum procreatum  
esse Herculem aliquem. id tamen facere frustra conabun-  
tur. \* Sed vero deum aliquem supremum, constat, esse a  
veteribus constitutum, qui non omnem tantum hanc re-  
rum universitatem gubernet, sed qui etiam condiderit, coeli  
terraeque, maris pariter atque infernarum regionum do-  
minum: hunc *Iovem* appellarunt. Praeter hoc supremum  
numen, alium tamen *Iovem*, in *Arcadia* vel *Creta*, vel alibi  
natum, praedicant, iustitia sua, quod caussantur, et benefi-  
ciis adversus homines, rebusque gloriose gestis, divinos me-  
ritum honores. Ex quo, quum eadem, quae de Iove illo  
supremo, de Iove hoc, sive *Crete*, sive *Arcadio*, confirmen-  
tur, nempe hunc eundem et formasse, quae sunt, et ad-  
ministrare universa: patet, duos Iovis nomine priscis cele-  
bratos fuisse, quorum alter ex uno deo vero fuit procul  
dubio effectus, alter aut homo fuit, in *Creta* insula, vel in  
*Arcadia*, aut alibi natus, aut etiam planè commentitius.

E e e

sive

sive quis Iovem in Creta insula, vel in Arcadia, vel alio loco procreatum, regnoque admotum, non nisi hominem fuisse existimet, sive omnino commentitium esse ducat, nihil ad meam sententiam interest: propterea quod omnium populorum testimonio *Iupiter*, qui Herculem genuit, is deus fuit supremus, quem penes summa est coeli terraeque potestas. Attamen ego dico atque assevero, illum Iovem Cretem etc. numquam fuisse hominem, sed plane commentitium, et effictum quidem ex ipso Christo, seu filio Dei. Hic certe *patrem* suum, id est Iudaeos, a quibus originem duxit, coelo expulit, potestate in coetum sanctorum eos privavit, atque post mortem suam a toto terrarum orbe, potentiae suae atque meritorum causa, Deus habitus est supremus: perinde ac veteres illi talem fuisse Iovem Arcadium, sive Cretem, tradunt. At non Iovem, dices, sed Amphitryonem, aut adulterum quempiam, fuisse Herculis patrem. Verum, qua, quaeso te, veterum scriptorum fide hoc probabis? Non enim fas est, comminisci res gestas, quas neque nostris oculis vidimus, neque fide dignis testimoniis compertas habemus. At fieri non potuit, ut deus supremus, et orbis universi gubernator, ex Alcmena filium fusciperet. Perinde vero, ac si propterea sequeretur, ut Herculem vel Amphitryo ex eadem genuerit, vel adulter quidam. Fac, hanc mulierem aequae commentitiam esse, ac ipsum Herculem: nonne deus commentitius, commentitia ex uxore, filium potest commentitium suscepisse? Profecto, quoad alia quaedam ratio reperiri possit, cur veteres Iovem ipsi patrem attribuisse credantur, hanc par est sequi: propterea quod omnem terrarum orbem mendacii postulare, non, sine magna necessitate, licet. Quae vero haec alia est ratio? Supra iam, Herculem a veteribus, indicavi, ex prisca quadam doctrinae de *Christo*, veluti per manum facta traditione deum effictum esse. Id si pro certo habemus, quemadmodum pro certo habendum est, sponte consequitur, ut non nisi *Iupiter*, vel idem ille, quem summum deum colebant,

lebant, ipsius pater fingi potuerit; Christum enim sacris in litteris semper Dei filium vocari, neminem fugit. Vt itaque Hercules nonnumquam *Amphitryonis filius* dicatur, sit hoc tamen eo tantum modo, quo Christus *Josephi filius* est appellatus.

Videndum nunc est, quam ob rem Alcmena, *Amphi-* Cap. II. *Alc-*  
*tryonis* uxor, Herculis mater vocata fuerit. Si vel maxi- *menam, Her-*  
 me concederem, vere eam vixisse: hoc tamen non impe- *culis ma-*  
 diret, quo minus dei commentitii commentitia mater cre- *trem, eius-*  
 di posset. Sed nihil est quod fidem mihi faciat, unquam *que maritos,*  
 vixisse Alcmenam. De parentibus enim eius deinde vide- *Amphitryo-*  
 bimus: filium vero eius Herculem, vici iam, quod puto, *nem et Rha-*  
 non fuisse unquam, nisi in fabularum commentis. Item, *damantum,*  
 quae de feminae huius maritis, Amphitryone et Rhada- *commentitia*  
 manto, passim memoriae prodita reperiuntur, ea tum forma *esse nomina,*  
 sua, tum memoriarum varietate, loquuntur fere, fictos p. 10-16.  
 hos esse et excogitados ad aliquam veri speciem. Neque  
 de sepulcri ipsius monumento aliter sentire eadem argu-  
 menta iubent: quum adeo Pausanias auctor sit, Alcmenae  
 sepulcrum, testibus Thebanis, nusquam visum, ipsam autem  
 post mortem in saxum esse conversam. Sed quid multa?  
 Alcmenam et Amphitryonem una cum liberis et posteris,  
 cum parentibus et maioribus suis omnibus, ficta tantum  
 esse simulacra, atque nomina ex rerum verarum commen-  
 tariis delenda, hoc uno potero documento prorsus de-  
 monstrare, quod illis, tanquam *heroibus*, sacrificia fece-  
 runt Graeci, et delubra dedicaverunt. Iam autem, qui pri-  
 scis ex heroibus veros exsculpere homines conetur, huic,  
 contendo, ab omni antiquitate reclamari. Quum tamen  
 universa Alcmenae gens hac de causa deorum fictorum  
 numero haberi debeat: arcani quid sub eadem latere ve-  
 rum est; propterea quod omnis priscorum theologia talis  
 fuit.

Facere hic non possum, quin laeter, inter illos, qui Cap. III.  
 veterum historiam fabularem ad res vere gestas referunt, *Quid arcani*  
 esse etiam qui fateantur, parentes Herculis esse velut ima- *parentibus*



*Herculis**subsit*, pag.

16-23.

ginem rei cuiusdam arcanæ. In his est Natalis Comes : quamquam a coniectura aberrat. Ego vero, quum Alcmena *herois* quidem, sed non *dea*, neque *immortalis* esse, nec *Iovi*, qui solius Iunonis honos est, sed *Amphitryoni*, nupta fuisse dicatur, prædicare possem, talis per eam feminae imaginem a priscis fabularum inventoribus denotatam fuisse, qualis fuit Christi mater, *Maria*. Quoniam tamen caetera, quae de Alcmena traduntur, in Mariam non bene conveniunt, aliud quidpiam, necesse est, ut sit eius descriptione adumbratum. Idcirco effictam hanc eise existimo hoc consilio, ut coelum piorum designet, sive populum Dei, qui Christum ex Dei effatis et promissionibus animo primum concepit, deinde partu editum orbi terrarum ostendit. Conf. Apocal. XII, 1. Ioh. XVI, 20. 21. Huius populi naturae et origini non modo Alcmenae nomen, a *robore* ductum; sed etiam, quae ad eandem spectant reliqua, egregie congruunt. Attamen, dum Alcmenam, aio, populi novi foederis imaginem sistere, non hoc mihi volo, in fabulis eam describi, tamquam quae ritus pristinos atque solemnes omiserit; quandoquidem aliis ex commentis de ipsa pariter atque de Amphitryone contrarium probari potest: sed tamquam quae, vetera licet sacra teneret, tamen spem omnem salutis in filii meritis collocarit. Porro Alcmenae maritus, *Amphitryo*, eodem regio genere, quo uxor ipsius, natus, mortalis tamen, conformatione quadam exhibet populi istius, qui Christum concepit et peperit, propugnatores, defensores, ac tutores: quum is populus habuerit quoque maritum suum, si ita loqui licet, ex quo liberos geauit. Erant enim quasi maritus iidem illi, qui docendo, regendo, tuendo, genus eius propagarunt. Vti tandem significaretur, non humanum, sed divinum esse verbum, ex quo procreari possit Servator, antiquitati visum est decernere, non ex Amphitryone, vel homine ullo, sed deo supremo, Iove, Herculem esse conceptum.

Cap. IV. De

*patria Her.*

Nostrum iam est, investigare etiam Herculis patriam. Omnes fere populi natum hunc suis in terris esse dictitave-  
vere.

vere. Plerique autem Argis, vel Thebis, in exilio genitum *culis civitate* esse Herculem testantur. Quod quam apte in Christum, *vel regione,* quem esse Herculem putamus, quadret, perspectum erit, *p. 23 - 26.* si animum advertas, duplicem esse eius procreationem: alteram, qua homo factus, et inter Iudaeos versatus est; alteram, qua in hominum mentibus est generatus. Etenim, simul ut a Maria natus lucem adspexerat, ab Herode in Aegyptum profugere, reduxque deinde Iudaeorum odium perferre coactus est et vexationes; itaque exulis vitam vixit: hominum autem in animis dum generabatur, postquam in vitam redierat, missoque Spiritu S. fidem suam liberaverat, pro vero Messia habitus; parentibus suis iam patria interdictum erat ante, quam ita nasceretur.

Quum Herculem Iupiter ex Alcmena gigneret, abe- *Cap. V. De* rat Amphitryo, bellum gerens cum Pterela, Teleboarum *bello Am-* rege. Quapropter id bellum, siquidem res postulare vide- *phitryonis,* tur, verbo saltem nobis expediendum erit. *Teleboas pro-* cum Pterela *fecto,* regemque *Pterelan,* esse arbitror imaginem Iudaeorum *gesto, aureo-* aut falsorum doctorum, quorum ad Iudaeorum dictata sese *que capillo* animus inclinabat. Hoc inde colligo, quod a Neptuno *huius Ptere-* ducere originem perhibentur: is vero in fabularum histo- *lae, a quo fa-* ria similitudine quadam significat populum vel doctores, an- *tum eius pen-* tiquam legem sectatos. Capillus capiti est ornamento, at- *debat: etc.* que instar coronae, quae regium est inligne: quemadmo- *p. 26 - 32.* dum etiam discipuli doctorum corona dicuntur, Phil. IV, 1.

Quod itaque *capillum aureum* Pterelas a Neptuno dono datum accepisse fertur, id hanc vim habet, factum esse doctorem ac rectorem, vel, si mavis, regem Iudaeorum. Certe in fabulis aurum optimi hominum generis nota putatur: sive enim hoc *aureum,* sive *caeleste,* sive *divinum* genus dicas, idem dicis. Atqui Iudaei erant olim populus Deo dilectus, itaque aureum genus: et Pterelae in eos regnum stare statu suo eum in finem debebat, donec aureum ipse capillum amitteret; quo facto, ipsi adeo pereundum erat. Nam Iudaeorum principibus, quum, novi foederis tempore, imperium in dictum Dei populum abrogaretur, dignitas

ipforum simul evanuit, atque ita cum regno vita privati sunt. Pterelae filia, Comaetho, quae hostis paterni, Amphitryonis, amore capta, huic patris sui regnum tradere animum induxit, ut eius matrimonio potiretur, atque hanc ob causam patri capillum aureum abrasit, informationem suggerit populi cuiusdam, qui, a Pterela partus, et similiter animatus, idem, quod ille, sentiebat. Hic vero populus, five turba hominum Iudaicis opinionibus imbutorum, magistratibus vel doctoribus suis sese opponens, ab alienata ab his piorum voluntate, imperio eosdem privabat et vita. Itaque Amphitryo victor, quas Taphii five Teleboi insulas tenuerant, earum potitus, seu Pterelae in locum rex piorum susceptus est. At Comaetho de spe sua decidit. Etenim Amphitryo, perfidiam eius detestatus, illam interfecit. Sic multitudinem, Iudaeorum erroribus infectam, quum patrem five magistratum suum eo tantum consilio regno expulisset, ut penes ipsam esset summa in populum Dei potestas, merito aspernati sunt novi foederis doctores.

Cap. VI. Ante, quam a bello domum rediret Amphitryo, ad *Quomodo* Alcmenam noctu se contulisse Iupiter, Amphitryonis per-  
*Iupiter, si-* sonam mentitus, atque interposita causa, Pterelam victum  
*mulata Am* manu sua occisum esse, poculoque huius aureo, et, quod  
*phitryonis* nonnulli perhibent, monili, feminae dono datis, noctes  
*forma, ad* duas vel tres ad Herculem procreandum iunxisse dicitur.  
*Alcmenam* Quum iam sit ostensum, Herculem priscis fuisse imaginem  
*delatus, no* Messiae, qui supremi dei, seu Iovis sui, filius esse debe-  
*tes tres ad* bat: hic tantum exquirere nostra refert, cur Iupiter ad Alc-  
*Herculem* menam, marito huius in bellum cum Telebois implicito,  
*procrean-* noctu accessisse, noctesque duas vel plures continuas Her-  
*dum iunxe-* culis gignendi causa coniunxisse, perhibeatur. Etsi igitur,  
*rit, p. 32-* quo pristinum foedus continebatur, id omne tempus, prae-  
 44. fertim vero ipsa illa, qua Christus nascebatur, aetas, *nox*  
 dici potest; neque alienum est dicere, Deum hunc uni-  
 versum temporis decursum filio suo in piorum animis pro-  
 creando impendisse, quod omne spatium in noctes duas,  
 vel,

vel, si tempus ante Mosen elapsum adiungatur, tres distribuere congruum est; nisi malis tres noctes ideo fictas esse, quod is numerus est perfectus: tamen, quia noctis huius commemoratio ad illud unum tempus pertinet, quocum Pterela bellum gessit Amphitryo; atque etiam multum interest inter noctem per se spectandam, et eam noctem, quae temporis ad procreandam sobolem idonei significationem habet, et vacuum ab aliis, sive occupationibus, sive impedimentis, intervallum designat; eo potius hoc commentum valere arbitror, ut signo sit, coetui piorum talem a Deo quietem paratam esse, qualis ad Servatoris cognitionem necessaria erat, quumque una quies non sufficeret, bis hanc tervae esse productam. Quemadmodum vero Iupiter Amphitryonis personam simulavit: sic novi foederis doctores pristinae legis specie sese induerunt, quo sibi facilius Iudaeorum voluntatem conciliarent. Poculum deinde aureum, Pterelae quondam proprium, sed Alcmenae a Iove dono datum, procul dubio tralatitiis quasi coloribus depingit foedus Dei, Iudaeis, quibuscum olim initum erat, nunc irritum, et piis tantum, posita in Christo spe salutis, confirmatum: aequae ut monile, poculo adiunctum, non potest in animo informare nisi cogitationem pietatis atque virtutum, quibus, tamquam ornamentis, olim piorum inter Iudaeos coetus effulgebat, nunc sancti, novo foedere consociati, exsplendescunt; vel potius piorum hominum ipsorum, qui pariter, atque Iudaeis antea fuerant, nunc, Christi in civitatem deducti, huic sunt ornameto. Quid? quod et poculum illud aureum non inapte denotare videtur hos eosdem homines, quatenus divinarum novo ex foedere promissionum, quae cum vino comparantur, participes erant. Cur porro Iupiter dona haec Amphitryoni furtim surripuisse, et Alcmenae dedisse feratur, huius rei ratio haec est, quod prisca doctores, poculo illo et monili, sive foedere divino et coetu piorum, quasi subdole iam ante privati sunt, quam ipsi rem omnem resciscerent. Quod postea Iupiter dictitasse perhibetur, Pterelam



Pterelam manu sua interemtum, illudque munus sibi a Telebois vel ab exercitu traditum esse; id eo consilio excogitatum est, ut indicio sit, Amphitryonem non alio pacto, quam fiducia in Dei promissionibus de Christo posita, victoriam reportasse, atque hoc tum ipsum, tum exercitum eius totum prae se tulisse. Quae tandem inter Amphitryonem et Alcmenam Iovis causa contentio orta esse dicitur, ea docere videtur, post Christum natum honorem et auctoritatem, rectoribus doctoribusve a coetu piorum olim tributam, sublatam iri.

Cap. VII. Alcmenam geminos, alterum Herculem e Iove, alterum Iphiclem ex Amphitryone, peperisse veteres tradunt. *De Iphicle*, eodem, quo Postremum hunc aequae commentitium esse, ac Herculem, quum alia multa, quae de eodem memoriae prodita sunt, non obscure prodant, tum hoc unum fere testatum p. 45-52. facit, quod ex alio grvida, ex alio iterum concepisse Alcmena fingitur. Quorsum ergo haec de Iphicle fabula? Amphitryonem, supra diximus, ficta quadam forma assimilatum esse sancti illius coetus, qui Christum procreavit, praefectis et doctoribus. Hi quidem genus etiam suum propagare, et, cui praefecti erant populo, ex eodem liberos, iuris sui olim haeredes futuros, procreare studebant: sed posterius ipsorum, licet pii, et in profligandis hostibus strenui, tamen, si ad novi foederis heroas comparerentur, natura timidi erant, horumque virtuti multum cedere cogebantur, hominum sanguine, id est, ex lege Moysis, nati. Huiusmodi familiae exemplum esse Iphiclem antiquitas voluit. Eadem ille, qua Hercules, nocte natus est, si nonnullos sequimur: quoniam circa diem Christi natalem nascebantur adhuc homines veteri lege adstricti. Potest vero Iphicles, quae aliorum sententia est, una nocte iunior dici: siquidem Servator noster, Herculis imagine designatus, fratrum suorum natu maximus est; vel adeo ante pristinum foedus in hominum mentibus generari coepit. Contra etiam Herculis aetatem una nocte superasse idem credi potest: quia tum demum Christus verissime natus

tus dicitur, quum universo terrarum orbi collucere inciperet. Denique, si fidem illis habemus, qui Iphiclem per decem, Herculem vero per septem tantum menses matris in utero latuisse praedicant: aptum et hoc est ad propositum, quod Christus iam ante natus erat, quam partus esset perfectus, id est ante, quam terrarum orbi palam propositus formam nactus esset perfectum.

Diem Herculis natalem non minus multa illustant ad Christi natalem accommodata. Die illa regem Argorum sive Mycenarum nasci debere Iupiter pronuntiaverat. Sic definito tempore regem Israelis, Christum, genitum iri, saepe Deus praedici curavit; sunt enim Argi, Iunonis et iam patria, regio Iudaeis promissa, sedesque veteris piorum coetus. Iuno autem, huius coetus imago, Eurysteo operam dedisse dicitur, ut septem modo mensium partus ederetur, Iovis iureiurando rex Argorum futurus, impedito Herculis partu: sic Iudaei, et qui summam rerum inter eos tenebant, omni consilio providere conati sunt, ne qua hominum in animis nati Servatoris suspicio crearetur, ut imperium is capeßere ne posset. Itaque subordinaverunt Eurysteam, effictam quasi formam illorum magistratum, immo ipsorum doctorum, quos tunc sibi praesse Iudaei voluerunt: partum non perfectum, sed inchoatum modo, nempe ineptum, ignavum, meticulosum, ubi Dei hostibus resistendum erat; at elatum, inhumanum, crudelem, vexando et extirpando Servatorem nostrum.

Sed *Parcarum* et *Ilithyiae*, vel praestigiatrix quae rumdam opera, et *Lucinae*, iam corruptae, aliquo carmine Iuno fertur effecisse, ut per septem dies noctesque partus doloribus *Alcmena* laboraret, donec *Historis*, sive *stinctu*, per *Galanthis*, aut *Galinthias*, de loco quodam, ex quo audiri poterat, astute clamans, iamiam peperisse *Alcmenam*, *Parparturien-*cas vel praestigiatrices illas ita perturbaret, ut surgerent. Quid hoc est, nisi commentum? Atque tale quid esse, confirmant, quae rem circumstant, omnia. Si vero Hercules Messiae, et Iuno praefractorum Iudaeorum, hostium

illius, formam habet: facile est ad intelligendum, hos omnia molitos esse, uti ne nasceretur Messias, et ne in orbem terrarum produceretur; id quod, adhibito numero perfecto, septem per dies noctesque illi dicuntur esse machinati. Etenim non repugnat asseverare, partus deas et obstetrices, quinimmo Parcas, esse Sacerdotes et omnes illos, quorum erat abscondita dei scita explicare. Eiuscemodi hominum imago est Ilithyia, quam esse Dianam nonnulli, Lunam alii putant. Lumen suum a Sole, qui est Apollo in fabulis, luna mutuatur. Igitur si Apollo seriem denotat vatum divinorum, eorumque doctorum, a quibus omnis sacrorum cognitio manavit: Diana populum illum significabit, qui hanc a doctoribus cognitionem accepit, quemadmodum luna solis radios. Verum aliorum de sententia non honestae partus deae, sed veneficae fuerunt, quae a partu Alcmenam prohibebant. Tales fuere Iudaeorum falsi doctores, qui, propinato letifero veneno, nimirum propagatis contra Servatorem placitis suis, subdole velut carminum incantamentis impediverunt, quo minus hominum in mentibus Christus nasceretur: otiosi dolorum, ex quibus piorum coetus laborabat, spectatores; quemadmodum complicatis manibus genibusque sedisse praestigiatrices illae dicuntur.

Cap. X. Attamen Hercules vel his invitis nascebatur. Effecit Quomodo hoc eo, quem diximus, modo *Galinthias*, sive *Galanthis*, *Galinthias*, sive *Historis*, Tiresiae filia, imago discipulorum et sectatorum patris sui: ut ipse pater vates atque doctores sacros a *Parcis* et designat. Illa si fuit Alcmenae ancilla, speciem exhibebit *Ilithyia* in ministrorum eius populi, qui Servatorem in lucem produxerunt vel exit; quum Alcmena huius populi ipsius notam aliquam selem con-praebeat: sin fuit inter socias eiusdem virgines, similis versa, sed ab erit Christi legatis atque piorum doctoribus. Qui quum *Hecate* mi perviderent, Iudaeos manibus genibusque colligatis *Servastora* eius tori nascendo esse impedimento: coeperunt de loco, un-restituta de poterant ab his veneficis audiri, magna voce exclamaverit, pag. re, hominum Servatorem natum esse. Sed aliqua adhuc  
66-80. arte

arte utebantur. Nam esse Christum iam tum natum, palam pronuntiabant: quamquam tenebrae supererant, neque formam suam Christus hominum in animis habebat. At vero hoc praeconio stupefacti Iudaei, moram inferre desierunt. Ita, quem dolum excogitaverat Galinthias, is eidem feliciter cesserat: de quo risisse perhibetur. Parcae contra, vel praestigiatrices supra commemoratae, spem suam se fefellisse lugebant. Item gravi dolore Iudaeorum magistri afficiebantur, quod arte piorum ministrorum Christus in orbem terrarum delatus erat. Interea novi foederis praecones, tamquam mustelae aut feles, ab auctoritate et honoribus destituti, hoc munere fungebantur, ut domum vel civitatem piorum a muribus, parvis quidem illis sed noxiis animalibus, seu falsis doctoribus, liberarent: quo consilio veteres commenti esse videntur, Tiresiae filiam esse in mustelam aut felem a Parcis conversam. Atque etiam Dei verbum, quod auribus acceptum veluti semen est piorum, ex ore legatorum Christi emissum est: qua de causa Galinthias, praeter mutatam formam, hac etiam natura esse fertur coepisse, ut auribus conciperet, ore pareret. Eidem vero rerum divinarum doctores a coetu piorum delecti sacrorum eius sancti administri constituti sunt, quibus Christus, exstructo sibi templo, sive comparata sibi sanctorum civitate, sacellum prope templum suum aedificavit, seu hunc honorem tribui voluit, ut, ipsi quidem secundi, observantia tamen sanctis hominibus debita colerentur: quod est, cur in fabulis traditum fuerit, Hecaten, pii atque electi a Deo populi imaginem, ministram sibi elegisse Tiresiae filiam, Herculemque, aedificato sibi templo, sacellum eidem prope templum suum adornasse.

Haecenus de parturientis per septem dies noctesque Cap. XI.  
continuas Alcmenae doloribus diximus. Sunt autem, qui *De Alcme-*  
significare voluisse videntur, commenta hic agi, non res *na sine dolo-*  
vere gestas, dum subito et ullo sine dolore Alcmenam *pe-ribus pari-*  
perisse dictitant, idque Iovem effecisse Alcmenae *honeste: de to-*  
standae causa, graviter interea tonantem ac fulminantem, *nitru ac ful-*



mine, quum ita ut flammis accensa domus videretur. Enimvero acci-  
*Hercules na-* dere potest, ut cum dolore simulque sine doloribus mu-  
*sceretur, or-* lier pariat: saltem nostra in caussa utrumque facile locum  
*to: item de* habebit. Servatorem gravi cum dolore velut enixi sunt  
*caussa, cur* pii, expectatum magno desiderio, magnasque inter ae-  
*quarto men-* rumnas in orbem terrarum productum: attamen assevera-  
*fis die natus,* re simul licet, factum hoc esse de improvviso, praeter  
*filiorumque* omnem expectationem, et sine doloribus, quum tempus  
*Iovis ulti-* illud ad laetitiam adeo inopinatam parum videretur com-  
*mus fuerit?* paratum esse, atque haec laetitia iis, qui Christum in lu-  
 p. 80-86. cem emittebant, tanta accideret, ut dolores omnes, ad-  
 versam fortunam, impedimenta et afflictiones, vel nihili pu-  
 tarent, vel ne ipsi quidem sentirent. Tonitrua atque ful-  
 mina praesentis cuiusdam numinis documenta dare; neque  
 deos umquam comparere, nisi ut insigni gentes benefi-  
 cio, malos poena afficiant, veteres crediderunt. Egrege  
 et hoc cum Servatoris adventu congruit. Iudaeorum enim  
 republica everfa, cultuque deorum sublato, piorum coetus  
 in lucem et libertatem est assertus: quae certe eventa,  
 quasi tonitrua ac fulmina, sic hominum animos percule-  
 runt. Fuit autem vita Christi, dum inter mortales ageret,  
 omnis prosperae fortunae expertus, plenaque miseria; is-  
 que non suo, sed aliorum bono, dura omnia passus est:  
 quamobrem quarto mensis die Herculem prisci natum esse  
 voluerunt; qui numerus ominis est sinistri, quippe uno  
 amplius auctus, quam ternarius. Ultimum denique Iovis  
 filiorum Herculem habendum esse veteres statuerunt, quo  
 docereat, pristinum quidem Dei populum dominis atque  
 magistris, diis quoque et supremi dei filiis sacrorum mo-  
 nimentorum fide appellatis, subditum fuisse, sed novi foe-  
 deris tempore, sub unius Christi potestatem redactum,  
 in quo hoc liberatum iri. Itaque post hunc natum alios  
 etiam deos procreari, non erat rerum statui consenta-  
 neum.

Cap. XII. Pergimus nunc deinceps ad ea, quae Herculis par-  
*De ablutio-* tum consecuta sunt, et puero illi acciderunt. Simul atque  
 Her-

Hercules in lucem editus erat, quod ad secundam *Christine Herculis*: in hominum animis procreationem spectat, ab Alcmenae *de lacte*, quod ancillis, vel ab ipsa Alcmena, lotus esse dicitur: propterea *fluxit: et de* quod, qui Christum piis sistebant, illi eum ab omni labe *cunis eius*: immunem, iustumque a Deo post reditum in vitam pro- p. 86-99. nuntiatum, exhibuerunt. Lac, quod Hercules fluxit, initiorum doctrinae de Christo notionem complectitur; neque haec alienum est matris lac dicere, quum ipse piorum coetus eadem teneat: ita Christus bonorum in mentibus tali lacte robur accepit. Virium Herculis, atque corporis eius tanta magnitudo, ut fasciis involvi sese non fineret, tantam Christi, quamprimum in hominum animis existeret, vim atque formam indicat, uti ad firmitatem quaerendam fasciis involvi necesse non haberet. Herculis cunae exemplar sunt fiduciae piorum in Christo positae, qua confidenter credebant, inesse in eo omnia, quae ad salutem ipsorum vitamque aeternam facere possint. Sed uti agitabantur Herculis cunae, atque sive a matre, sive ab ancillis, ad somnum puero inducendum naeniae canebantur: ita animo fiduciae pleno Christus erat agitandus, quo commodior et paratior requies esset, et verbum Dei, una cum promissionibus de Christo, semper et perpetuo mentibus occinendum, ut suaviter quiesceret Servator, ac talis de eodem professio in dies propagaretur. Eo pertinet, quod pro cunis Herculi et Iphicli fuisse dicitur scutum illud magnum et aeneum, quod Pterelae luctando extorserat Amphitryo. Quum enim Iudaei, quorum Pterelas speciem habet, omnes sibi promissiones Abrahamo factas vindicarent, causam interferentes, esse se solos eiusdem posteros: post Christum natum patere coepit, veram Abrahami posteritatem non esse nisi eos, qui Christum eiusque iustitiam amplecterentur. Quoniam tamen, qui alterum defendit, is huius scutum dicitur: potest etiam Pterelae scutum sectatores et propugnatores eiusdem significare. In his, piis nempe Iudaeis, tamquam in cunis, repositus est Servator, quum nasceretur: his enim com-

mendatus, inque animis eorum, velut in cunis, agitatus, requiem invenit, dum omnem in eo spem collocabant.

Cap. XIII. Alii vero, non felicem adeo Herculis sortem fuisse, *De Hercule* quum natus esset, scriptum reliquerunt. Nam ab Alcme-  
*exposito, lu* na, Iunonem metuente, expositum aiunt fuisse. Ita pro-  
*nonisque* secto, qui Servatorem nostrum mente genuerant, neque  
*mammis nu-* ausi sunt, neque potuerunt eum ita educare, uti par erat.  
*trito, atque* Regnabat eo tempore Iuno, sive Iudaeorum natio, quae  
*de via lactea* et ipsum, et eius studiosos, ita urgebat, ut non auderent de  
*in coelis,* p. eo profiteri. Quo factum est, ut sibi relictus Servator,  
 99 - 118. Iudaeorum et profanarum gentium furori traderetur. Ni-  
 hilo tamen secius ipsa Iuno, Herculem implacabili odio  
 prosequuta, mammis eidem, curante vel Mercurio, vel Mi-  
 nerva, praeuisse dicitur. Ad honorem divinum Iovis e fi-  
 liis adspirare neminem potuisse, facile crediderim, nisi  
 quem Iuno filium suum agnovisset, aut lacte suo nutrisset.  
 Sic regnum coeleste participare non poterat, nisi qui aut  
 e Iudaeis, electo Dei populo, natus, aut ab his aliquo  
 pacto adoptatus, lacte eorundem, seu initiis creditae ipsis  
 doctrinae, pastus esset. Hoc autem hominibus commo-  
 dum paraverunt doctores atque vates sacri, quorum Mer-  
 curius speciem refert: vel paravit ipse piorum coetus, cu-  
 ius formam Minerva monstrat, Iovis e cerebro nata, Vul-  
 cano eius caput securi findente, sicuti piorum coetus ab  
 illa vatum divinorum serie, tamquam Vulcano, ortum ha-  
 bet, quae verbo divino, tamquam securi, arcana Dei con-  
 silia, veluti Iovis caput, aperuit. Itaque vel illorum do-  
 ctorum, vel istius coetus provida cura factum est, ut do-  
 ctrina Iudaeis olim credita Servator hominum in animis  
 aleretur atque cresceret: etsi Iudaeis hoc invitis fiebat, non  
 secus ac Iuno Herculem, ubi quid faceret, cognovisset,  
 abiecisse traditur. Sed non suppeditabat ad Christum edu-  
 candum, quae inter Iudaeos erat cognitio: hanc ob caus-  
 sam Herculem ideo esse a Iunone repulsum alii scripserunt,  
 quod sugentis vim ferre non poterat. Idem ergo popu-  
 lus, qui Christum genuerat, liberalius eum lacte suaeque  
 doctrina

doctrina educare iussus est: ut Herculem, secundum fabularum memorias, ad Alcmenam, matrem ipsius, Minerva eodem consilio reduxit. Caeterum, qui postea doctores Christi coetum luce sua collustrarunt, eorum universam cohortem similitudine quadam exprimit lucidus ille coeli orbis, quem viae lacteae nomine insignitum, lacte Iunonis effuso ad hunc flexum esse formatum veteres fabulantur.

Aliis in fabularum commentariis relatum legimus, exitium aliud Herculi Iunonem machinatum esse, missis duobus vastae magnitudinis draconibus, simul ac in cunis rebus duobus, positus infans iaceret: sed Herculem ambos, ambabus manibus prehensos, suffocasse. Non raro cum draconibus in cunis iam, conferuntur improbi doctores divinatoresque, qui dolo atque vi in homines impetum faciunt, criminumque suorum veneno necant, vel ipso etiam adspectu et usu interficiunt. Malum adeo magistrorum suorum genus Iudaei quovis tempore contra Christum sollicitarunt. Sed manu sua eos Servator suffocavit, seu piorum de Christo confessos illis occlusit: quamquam magnum eius legatis aliquando terrorem iniicerent. Quodsi vero quis eos auctores sequi malit, qui ab ipso Amphitryone dracones istos immisos esse aiunt, tenendum est, fuisse etiam de piis Iudaeis multos, qui addubitare, an Iesus esset promissus a Deo Messias. Igitur his gratum fiebat, quod mali Iudaeorum magistri litem Christo moverent, ut exitus verum probaret: multi saltem, his ad silentium redactis, in vera doctrina sunt confirmati.

Suffocatis draconibus heros noster, Alcaeus vel Alcides antea dictus, novo Herculis nomine ornatus est. Primum illud nomen, Graecorum lingua a robore ductum, aut virtutem roburque eius significat, aut ab avo eius re-  
 Cap. XIV. *De draconibus*  
 Cap. XV. *De Herculis nomine, co- gnomine, et dura educatione, pag. 126 - 138.*  
 etiam Alcaeus vocari potest: sive hoc fiat, ut avi eius notione, pag. 126 - 138.  
 men hominibus in memoriam revocetur, quod vates divinus, uti Moses, rex uti Davides, Sacerdos uti Aaron vel Melchisedecus, alter Abrahamus, alter Noachus, Habel, Adamus



Adamus esse debebat; sive, ut robur eius significetur, quod erat *Dei virtus*. Atque etiam novo post mortem victam nomine honestatus est, Rex et Messias populi sui publice laudatus: quomodo Alcaeus draconibus victis Hercules fuit appellatus, quod nomen aut Iunonis, seu pristini populi Dei, gloriam, aut fortium, seu doctorum sanctae civitatis, gloriam significat. Primigenii vero, seu natu maximi cognomen Herculis nomini egregie congruit: qui enim iuvenum sive heroum princeps et primus est, is quoque natu maximus iure vocatur. His omnibus addere licet, numquam Herculem auditum esse ploratum edentem. Id si ad Servatorem ipsum accommodetur, declarat, magna eum patientia onus omne sibi impositum, ignominiam quamvis, dolores omnes, sustinuisse: sin ad procreationem eius piorum in animis, ipsam horum piorum insignem patientiam indicat. Quae tandem de Herculis educatione, victu, vestibus, passim commemorantur, illa hanc in sententiam esse videntur excogitata, sive Christum ipsum, sive piorum coetum, inde a primis annis molestias subiisse gravissimas, parum laute vixisse, neque vestibus magnificis voluisse superbiere, sed vestitu etiam suae gloriae, auctoritatis, venustatis, fortitudinis, et patientiae dignitatem tueri.

*Conclusio, p.*

138 - 141.

Quis mihi nunc ausit exprobrare, leves me tantum similitudines aucupatum, et umbras conlectatum esse? Nonne vel minima quaeque ad Christum accommodata esse, approbavi? Quid est ergo, quod haec omnia in Servatorem tam bene conveniunt, nisi commentis his eius quasi formam quamdam effictam ante oculos ponere prisci voluerunt? An casu et fortuitu hoc factum esse dicemus? Cur vero hoc eodem casu non evenit, ut, quodcumque velis, his integumentis involutum deprehendatur? Sed qui hoc demonstrare ausit, illum ad certamen provoco. Atque etiam, si fortuito hoc accidit, quid est quod Flori aut Livii commentarii non possunt pari modo de populo Dei, sive pristino, sive novo, explicari. Quinimmo, cur  
Lucre-

Lucretium vel Epicurum adhuc reprehendemus, quod splendidum hunc mundum fortuito existisse decreverunt.

At, qui fieri potuit, dices, ut profanae gentes tantam sacrorum nostrorum cognitionem acquirerent? Saepe haec cantilena repeti solet. Ego vero a maioribus suis, Noacho eiusque filiis, eam profanos accepisse arbitror. At unde Noachus? Etsi hoc meum non est investigare, quum sacras litteras explicandas mihi non sumam: tamen exploratum habeo, et vincere me posse confido, priscos ea omnia scire potuisse, ac fuisse haec sacris in litteris, iam ante Moysen et Abrahamum, immo ante quam gentes varias in partes dispergerentur, manibus versatis lectisque perscripta; quibus ex tabulis Moyses librum suum primum, et Iudas Enochii vaticinationem, hausit. Quid? quod tum Abrahami tempore, tum multo post, varias gentes Deus dignas iudicavit, quibus oracula sua proderet: exemplo sunt Melchisedecus, Pharao, Iobus, Bileamus.

Unum tandem hic addam, quod in superioribus dubium reliqui, Saturnum, aurea aetate coeli huiusque rerum universitatis dominum, coetum piorum ante Moysi tempora; liberos vero suos crudeli consilio et animo imperii cupido devorantem, magistratus Iudaeorum Christi tempore, specie sua adumbrare.

Haecenus Scriptor noster. Ne longiores simus, de corollario, quod adiecit, praecise admodum dicemus. Meleagri pater vel avus, Mars, exemplum est magistrorum omnium et doctorum litigiosorum. Oeneus, cuius ab uxore Meleager natus esse creditur, est etiam ex doctorum numero. Itaque Meleager inter doctorum filios, qui variis temporibus nati sunt, erit referendus. Atalanta illius populi formam habet, qui novi foederis promissiones consectabatur. Sus, sive aper Calydonius, genus aliquod doctorum falsorum, qui Iudaeorum a partibus stabant, significat. Hippomenes, sive Milanion, personam agit doctorum Iudaicis opinionibus imbutorum; atque Venus, eadem in fabula, eorum, qui Moysi legem cum Christi praeceptis

Ggg

copu-

Pag. 142-  
214.

copulare, vel Christi civitatem doctoribus Iudaicis subiacere studebant. Denique pervulgatum de Actaeone commentum vivis quasi coloribus doctorum novi foederis, Iudaicis opinionibus addictorum, fatum depingit.

Iam vero ex his, quae plenius commemoravimus, de sententia eruditissimi nostri scriptoris iudicium ferre lectori cuivis integrum esto. Nos quidem diffiteri non possumus, firmissima etiam eius argumenta nobis talem, qualem ipse voluit, Herculis speciem non persuadere. Duo praesertim nobis scrupuli supersunt, quos nobis facile eximi posse non putamus. Alterum est, quod, quae ingenio inveniuntur similitudines, illae fere sunt infinitae; nec rei veritatem tali in causa, nisi variis uti liceat adiumentis adventitiis, definire queunt: alterum, quod sacris novi foederis libris plane repugnat, tantam rerum, quae Christi coetum spectant, cognitionem, vel ipsis Iudaeis, nedum profanis gentibus, attribuere. Postremum hoc si idoneis argumentis scriptor noster infirmare potuisset, habuisset certe adventitium aliquod subsidium, quo sententiam suam multo reddidurus erat probabiliorem. At levem hanc scriptor idem dubitationem esse censet, veluti cantilenas: quod sanctas quasdam tabulas iam ante Noachi aetatem fuisse existimat. Sed vero has nos plane ignoramus: atque viderit ipse, ne rei obscurae alia etiam longe obscuriore lucem asferre conetur.

Restat nunc, ut, quam de simili olim argumento contra scriptorem hunc eundem sententiam diximus, illam paucis confirmemus. Eatemur primum, quae tum alius quidam scripsit, ea nobis non in universum probari: quamvis de summa rei idem sentiamus. Etenim conquisitis eiusmodi similitudinibus fundamentum iacere Scriptorem Clar. voluisse, quo verum aliquod maximi momenti niteretur, non existimamus: neque etiam has similitudines Christi legatis, ad gentes profanas erroris sui convincendas, viam, ea quae usi sunt vel meliorem, vel brevior, aperire potuisse, iudicamus. Deinde vero similitudines easdem, ut  
multae

multae sint, et cum ipsa re plane congruant, tamen ad propositum probandum non sufficere, itaque ridiculas esse, ex illis, quae supra de Herculis memoria explicanda diximus, satis patet. Quapropter ritus profanarum gentium, ob eiusmodi similitudinem, ex Dei veri sacris non omnino repeti posse, simul apparet. Ipsa sane inveniendi veri difficultas, quae haesitare nonnumquam scriptorem nostrum coegit, immo sententiam mutare, testari potest, quam incerta hoc modo conclusio instituat. Porro nos ad certamen provocari, ut Theologiam mythicam melius explicemus, quum Scriptoris nostri sententia nobis non placeat, idcirco vanum esse ducimus, quod foret infiniti laboris, si qua nobis iustis ex rationibus non probentur, ea omnia melius expedire. Denique in ea semper haeresi erimus, has tales explicationes, non illa quidem parte, quam Vir Clar. respicit, sed rebus illis saepe ridiculis, quibuscum sacra divina contenduntur, profanis hominibus sanctae religionis deridendae occasionem praebere: quod ita apertum esse videmus, uti certum est, res etiam gravissimas, si fabulis assimilentur, solere despiciatui duci.

**IOHANNIS IAC. REISKE ANIMADVERSIONUM**  
*ad Graecos Auctores, Volumen Secundum, quo*  
*Lysias et Plutarchi Opuscula miscellanea*  
*pertractantur.*

Lipsiae, 1759. Alphab. 1. plag. 16. octonis.

**S**i, quae tardius incedunt, beneficia, quamvis promissa, gratiora tamen solent contingere, modo spes certa fuerit: sane hoc Animadversionum Volumen, cuius spem minime dubiam fecerat Cl. Auctor ante hos tres annos, ille nullius adhuc promissi immemor, quodque ex ipsius professione serius paullo nunc quidem prodit, nobis debet esse longe gratissimum. Sed e Reiskiano museo tardius progredi putantur, quae ab aliis festinanter emissa dicenda forent; adeo illius felix et foecunda musa



iussit nos haecenus stans temporibus egregios et saluberrimos foetus ex ipsa non tam quaerere, quam vere suscipere. Neque vero nunc demum ab eo more descendit, sed tamen vel deserto ab eo vadimonio, voluntati nostrae votisque factum est satis. Ipsimet enim magnam voluptatem cepimus ex impedimento illo, munere novo, quo nuper cum plausu omnium bonorum ornatus est Cl. Reiskius, quodque vicissim ornatur et virtute ipsius et doctrina. Vel haec igitur mora aliquanto gratius nobis iucundiusque reddidit donum hoc, per se satis gratum atque acceptum. Primum enim Lysiam et Plutarchum, illum Attici sermonis elegantia principem, hunc omnis doctrinae varietate divitem, explicatum emendatumque vidimus; tum vero eadem usum esse Cl. Auctorem in his Animadversionibus et felicitate et solertia reperimus, quam viris doctis dudum probaverat. Et ratio quidem universa interpretationis Reiskianae, qualis sit, ex commendatione superioris voluminis satis putamus constare. Sed, quando tantum temporis intervallum factum est, non alienum fuerit, ut tutius fiat iudicium, eam breviter hoc loco significare. Cum igitur animum induxerit Cl. Auctor, quae ipsi in legendis graecis Scriptoribus omnibus observata essent, ea deinceps in lucem edere, facile, opinamur, intelligitur, eum neque perpetuum commentarium, neque notas disputationibus similes aut collectaneis, scribere voluisse, quibus artificii opus est iis, qui in uno Scriptore illustrando omnem eruditionem effundere et iactare cupiunt: sed quae in unoquoque loco difficiliore vel ad emendandum, vel ad illustrandum, necessaria putaret, ea breviter, et sine ulla ostentatione ingenii et doctrinae, in medium protulit. Ad hunc igitur modum erunt haec quoque Animadversiones iudicandae: de quibus, ante quam nostrum feramus quaecunque iudicium, utriusque praefationis mentio facienda est, et ipsius refertae plurimis iisque egregius observationibus. Et in altera quidem, Animadversionibus Lysianis praefixa, nihil fere agit aliud, nisi ut excuset se, quod

quod post Editores ambo clarissimos, Taylorum et Marklandum, sustinuerit ipse quoque Lysiam aggredi. Quales cum nondum contigerint Plutarcho, in altera praefatione ad opuscula eius moralia, sive ut mavult Reiskius, miscellanea, disputat de subsidiis, quibus futurus Editor Plutarchi debeat instructus accedere. Et aliorum quidem fontes indicat, aliorum commemorationem copia eruditionis comitatur, veluti de chronologia, ad quam scripti existimandi sunt singuli libri, de libris Plutarcho affectis, de editionibus, de dictione Plutarchi etc. Insertae sunt etiam notulae Salmasii ad hos libellos, nunquam antea editae, unde non contemnendum decus huic Animadversionum volumini conciliatur. Sed excerpta dari cum omnino nequeant ex huiusmodi libris, tum ex hoc multo minus, in quo brevitati Animadversionum laudabili exemplo vel maxime studuit Cl. Auctor, cum significaret, quid de quoque loco ipsi videretur, quomodo ei medelam afferendam putaret. Quo in genere cum maxime versata sit opera Cl. Reiskii, operae pretium nos facturos putavimus, si luculento quodam exemplo, quam feliciter eius ingenium in emendando elaboraverit, demonstraremus. Contulimus igitur integrum libellum Plutarchi, de audiendis poetis, cum editionibus veteribus, quarum copia facta Reiskio non fuerat; atque in his reperimus magnam partem emendationum, in hoc Animadversionum volumine prolatarum: adeo feliciter vicarias operas praestitit ingenium. Sed spicilegium quoddam proponamus:

Pag. 129. ὅμως delendum putat Cel. Reiskius, quod et abest ab Ald. et Bas.

Pag. 130. pro πρὸς συμφέρον legi vult πρὸς τὸ συμφέρον, quod idem exhibet Turneb.

Pag. 132. pro κεκραμένους legi vult κεκραμένης, quod et ipsum habet Turneb. Bongars.

Simillimae lectiones emendationibus Reiskianis hae sunt:

Pag. 128. pro vulg. ὅτι ποντικῇ legi vult καὶ ἡ ποντικῇ. Sed ὅτι ποντικῇ iam est in Aldina.

Pag. 128. pro αὐτὴν emendat αὐτοῦ. Ecce αὐτῷ habet Vulcob.

Pag. 130. Ζεὺς γὰρ οἱ νεμέσᾳ ἄν ἀμένονι Φατὶ μάχοιο.  
Hunc versum ita vult legi: Ζεὺς γὰρ τοι νεμέσᾳ ἄν ἀμένονι ἀνδρὶ μάχοιο. . . Potterus eodem prope modo emendavit: Ζεὺς γὰρ τοι νεμέσᾳ ἄν ἀμένονι Φατὶ μάχοιο.

Pag. 131. pro ἐάσωμεν leg. ἐάσομεν. Vulc. habet ἐιάσωμεν.

Unde autem magis de bonitate emendationum constat, si hoc non debeat argumento esse? Sed profecto optandum foret, ut, qui de bonis literis bene mereri cupiunt, iis suppeterent editiones principes librorum, aliaque subsidia, ne morarentur eos perversae lectiones, et loci nonnisi vitio recentiorum editorum obscuri: qua re futurum esset, ut aliis in locis tanto magis posset versari sagacitas critica, ubi eam silentium codicum MStorum et Editorum haud paullo magis desideraret.

LA SAINTE BIBLE, OU LE VIEUX ET LE  
Nouveau Testament, avec un Commentaire littéral,  
composé de Notes choisies et tirées de divers  
Auteurs Anglois.

id est:

*SACRA BIBLIA, CUM COMMENTARIO  
expositionis litteralis, concinnato ex selectissimis  
annotationibus, atque e diversis Auctoribus  
Anglicis decerpto.*

TOMI V. PARS PRIOR.

Amstelædami, apud Marcum Michaelém Rey, 1760.

4. mai. Alph. 1. plag. 17.

**E**cce tibi Lector, continuationem Operis, splendore suo iam inde ab anno aerae, qua uti solemus, vulgaris 1743. longe celeberrimi, annunciamus, eamque prodeuntem adornante iam nunc *Carolo Casio* (*Chais*). Viro erudi-

eruditissimo, Pastore ecclesiae Walonensis, quae Hagae Comitum floret. Continuat hoc opus edi eodem cum splendore, quo coepit, neque quicquam, quod exoptabile illud atque illustre possit reddere, desiderandum relictum est etiam in hoc Tomo, nisi mappae geographicae, quippe heic superfluae. Ingeniosa sane assiduitate in perficiendo hoc opere desudat *Casus*. Praemittuntur huic Tomo, Praefatio in librum *Samuelis* priorem, et duae *Dissertationes* ad explicationem Capitis XXVIII. eiusdem libri pertinentes, quibus spectri, quod Saulo adparuit, qualitas perquiritur. Una est R. P. D. *Calmeti*, desumpta ex huius *Disquisitionibus biblicis*, quae sub auspiciis Viri Cel. sed *νῦν ἐν ἀγίοις Laur. Moshemii*, et cum adspersis eiusdem notis, in linguam nobis vernaculam translata, iamdudum apud nos celebratur. Legitur in versione *Tom. IV. pag. 78 — 136*. Altera est *Stackhousii*, ex Anglico sermone in Franco-Gallicum in hunc finem translata. Sequitur Additamentum quoddam eodem pertinens, ex *Novis Commentariis Historico-Criticis Abbatis d'Artigny*, et quidem e *Tomo V. Art. §. 83.* excerptum. Ipsa huiusce *Tomi V. Pars I.* completitur non nisi *priorem Samuelis librum*: *Pars II.*, quae mox est in lucem proditura, posteriorem continebit. Decerpere ante omnia quaedam nobis liceat ex *Praefatione Cl. Casii*. *Hieronymus* in Versione duos Samuelis libros, ut olim originetenus fuerant, uno eoque continuato libro in latinum ex hebraico transtulit: LXX. in duas partes dispescuerunt hoc opus, adiecta denominatione *de Regnis*; eos dein secutus est Auctor Vulgatae, mutato paulum titulo *de Regibus*. Meliora eligens, cum recentioribus omnibus, Auctor noster, nomen et divisionem codicis Hebraici in librum *Samuelis unum atque alterum* retinet. Samuelem nonnisi Auctorem librorum istorum, post Spiritum sanctum, primarium esse, cum *Wellssio* declarat, addendis scilicet septem Capitibus ad calcem prioris libri, forsan per Prophetas *Gad* et *Nathan*. *Grotii* sententiam, *Ieremiae* hoc opus tribuentis, recte reiecit, et saltem auctore alio quocumque, Samuele

S. 1.

S. 2.

S. 3. 4.



- muele superflite, eodemque divinitus adflato, completum illud atque emendatum esse, contra *Isidorum*, *Spinozam*, *Hobbesium*, *P. Simonem*, *Clericum*, aliosque sustinet. Emendatum autem revera, atque adauctum esse ab aliis Scripto-ribus divinis, probat locis Cap. V, 5. VI, 18. VII, 1. 2. 15. IX, 9. XIII, 1. XVI, 14. XVIII, 16. XXVI, 5. 5. 6. 7. 6. XXX, 25. Sequentia finem, seu consilium scribendi operis, in continuanda scilicet historia populi Dei, qua verae religionis interesset, et enarranda Theocratia pos- tum, respiciunt, vitaeque Samuelis memorabiliora ordine recensent. Theocratiam per reges Israelitarum, etsi quo- dammodo immutatam, tamen nequaquam esse sublatam, rite probat: retentam nempe esse a Deo, qua auctorita- tem supremam; cessasse autem tunc demum, quum Scep- trum ab Iuda penitus ablatum esset, *Genes.* XLIX, 10. tem- plumque destrueretur, adeoque ipse cultus Mosaiicus abo- leretur. Demonstrationem sumit ex *Warburtoni divinae Moysi legatione*, eamque conficit sex argumentis. Primo, regem a Deo, non a populo electum, Deique quasi lega- tum fuisse: secundo, non nisi potestatem, exigendi legum observantiam, minime autem legum ferendarum, conces- sam regi: tertio, reges, tamquam legatos, a Deo subinde remotos: quarto, eandem poenam decretam iis, qui *Un- cto Domini*, quam qui Deo maledixerint: (Recte taxare nobis videtur h. l. abusum huius tituli eum, cum Unc- tos Domini adpellant Reges quoscunque, quippe praeroga- tivam, non nisi iis convenientem, qui folio Messiae fede- runt:) quinto, regnum monarcharum Iudaicorum semper *regnum Domini* fuisse adpellatum: sexto denique, idolola- tras morti devotos esse sub regibus, uti sub praefectura iudicum. His addidit Noster observationes duas, idem vindicaturas, legem nempe divinam, novo cuicunque Re- gi a Deo praescriptam, *ius regni* adpellatam, *1 Sam.* X, 25: et intercessionem Dei in rebus gerendis insignioribus, prae- fertim imperantibus Saulo et Davide. Caetera docent usum legendi libros Samuelis moralem; allegant eiusdem aucto-
- §. 9.
- §. 10.

auctoritatem canonicam, quippe omni tempore extra dubium positam; atque dividunt libellum secundum *Henricum, Franc. Burmannum, Heideggerum, et Carpzovium*, in tres sectiones principales, historiam Eli Sacerdotis, a Cap. I. ad IV: Samuelis a Cap. IV. ad XII: et regni Sauli a Cap. XIII. ad XXXI. Difficillimam denique, Auctor asserit, esse spartam stabiliendi veram rerum gestarum, in hoc libello enarratarum, chronologiam. Facile vidit Auctor eruditissimus, duces, quos hac in re sequi adhuc solitus est, quorum princeps erat *Usserius*, a verosimili subinde potuisse desistere. Si e re sua duxisset, perquirere de his opuscula quaedam Theologorum nostratium, (in quorum numero iis, qui vernaculam nostram non intelligunt, *Ordinem Temporum, et Cyclum magnum b. Alberti Bengelii*, et industriae et pietatis nomine merito commendandum duceremus,) forsitan variae dubitationes luci, a nostratibus praelatae, concessurae fuissent.

§. II.

§. II.

Sequuntur in opere hoc, post Tabulam chronologicam, secundum *Usserium* praecipue conformatam, et subinde paullo immutatam, iam memoratae Dissertationes duae, *Augustini Calmeti* altera, altera *Stackhousii*, super spectro, quod Saulo I Sam. XXVIII, 11-12. adparuit, conscriptae. *Calmeti* dissertatio diffusa sane eruditione repleta, atque sententiis ferme omnium Rabbiorum et Patrum ecclesiae super hac controversia adornata, in iis, in quibus erravit doctissimus Auctor, solide refutata est a *Moshemio* nostro in notis. Istas si consulere potuisset noster, forsitan reiecturus erat et *Calmeti*, et *Stackhousii*, et *Artignii* sententias. *Stackhousius* e. c. in hoc toto coelo aberrat, quod mortuos pro lubitu per terras vagari, et adparere amicis posse statuit, ideoque Samuelem etiam, amore, quo ferebatur erga Saullum, commotum, ei adparuisse credit. Sed cum *Calmeto* et *Stackhousio* erravere Patres, et alii, ut *Iacobus Saurin* Tomo IV. p. 466. sq. *Disputationum biblicarum: Patrikiarum*, Interpres Anglus: *Delany* in *Historia vitae et regni Davidis, Israelitarum regis*, pag. 363. sq.

Hhh

et

et *Petrus le Brun* in *Historia critica praxeon superstitionum*, Tomo IV. pag. 14. sq. Ventilata denuo nuperrime inter nostrates quosdam Theologos, *Schroeerum* et *Schmeersahlium*, et quam vehementissime agitata est controversia. Sed profecto neuter istorum rem tetigisse nobis videtur, licet prior vero aliquanto propius accesserit, quam posterior. Distinguere debebant doctissimi Interpretes in textu historico inter id, quod enarret Scriptor, et illud, quod sentiat aut iudicet. Quum autem Scriptor sanctus omnino adfirmet disertis verbis, et feminam et Saulum cognovisse Samuellem, Saulumque cum Propheta collocutum esse: dubium omne concidat necesse est, sic utique se rem habuisse, quoniam Scriptor Θεόπνευστος memoriae prodidit. Spectrum autem fuisse id, quod conspiciebatur, et cum Saulo verba miscbat, satis exinde elucet, quia verosimile non est, Deum, qui a Saulo penitus recesserat, aut per Prophetas, aut per somnia, aut per Urim ei responsa dedisse, quin pythonissae gratia Samueli iussisse, aut concessisse, ut adpareret. Ideoque adparitio illa Samuelis non nisi adparitio, seu simulacrum, seu spectrum, id est sensatio, (ut ita dicere liceat,) fuit, ab operatione diaboli immediata profecta. Haec de praemissis sufficiant. Commentarii, qui huic libello subiiciuntur, sunt *Patricki*, *Willeti*, Theologorum, qui *Bibliis Anglicis*, iussu procerum Angliae, Anno MDCXL. notas adaspererunt, item *Poli*, *Wellsi*, *Stackhousii*, *Pylui*, *Walli*, *Henrici*, *Mendozæ*, *Whistoni*, *Delanii*, *Spenceri*, *Berruyerii*, *Houbigantii*, *Collectorum historiae universalis*, et aliorum. Observationes ad chronologiam pertinentes decerptae sunt ex *Usserio*, *Desvignolio*, *Bedfordio*, *Harduino*, *Scaligero*; criticae, historicae, geographicae, et physicae ex *Kennicotti* libro incomparabili, qui Viris doctis quotquot sunt rerum istarum satis gnari, neque obsessi praeiudicatis opinionibus magnopere probatur, ex *Doughtaeo*, *Glassio*, *Vitringa*, *G. L. Oederio*, *Witso*, *L'Empereur*, *Fortun. Scaccho*, *Tarnovio*, *Schultensio*, *Wagensilio*, *Starkio*, *Lakemashero*, *Deylingio*, *Zornio*, *Seldeno*, *Scotto* et *Webstero*, *Saurino*, *Lydio*,

*Lydio, Medo, Victorino Strigelio, Braunio, Claytono, Ludolpho, Buxtorfio, Briffonio, Waterlando, Vatablo, Iunio, Lightfootio, Grotio, Estio, Tremellio, Martianaeo, Buddeo, Schickardo, Bodino, Schuckfordio, Thorndickio, Lewisio, Goodwino, Boulducio, Stillingsfretio, Bartoloccio, Cunaeo, Venema, Kiddero, Cumberlando, Pfeiffero, Relando, Shawio, Cellario, Sykio, Macknightio, Bernardo de Breitenbach, Cocceio, Perizonio, ex novo Thesauro philologico, ex Bocharti Canaan et Hierozoico, Derhamo, Scheuchzero, aliisque. Sed ohe, iam satis est. Nunc ad memorabilióra quaedam interpretationis ipsius accedimus. Ad*

*1 Sam. I, 2. Polygamiam licitam fuisse ex dictis et exemplis, h. l. Elkanae, hominis Levitici, aliorumque monstratur; praecipue ubi prior uxor sterilis reperta fuisset. Manah achath appajim, vers. 5. eiusd. Capitis, exponitur per portionem ex optimo, cum moerore mariti amantis datam. Morid scheol vajjaal, Cap. II, 6. figurate, et quidem sic intelligendum esse asseritur: ex infortunio ad felicitatem conducit Deus. Canticum Annae, II, 1 — 10. non ita recte, uti nobis quidem videtur, est explicatum. Παγα- Qπαζουαυ Angli Interpretes nimia saepe cum temeritate. Ut vindicarent prophetiam 1 Sam. II, 33. tres fecerunt, cum*

*W. Whistono, Sacerdotes, nomine Abiathar praeditos: unum, qui Sauli furorem evitaturus ad Davidem se recepit; sed hic numquam Pontifex fuit: alterum Sacerdotem summum, circa ultimum Sauli regnum creatum: tertium eum, qui hac dignitate privabatur a Salomone. Mekalelim Cap. III, 13. de filiis Heli Sacerdotis dictum vocabulum, emphaticum esse contendunt, execrabiles se fecere Sacerdotes, s. nomini Dei blasphemiam conciliarunt. Bidbhar Iehovah vers. 21. intelligendum esse de Dei filio putant, qui sensu eminentiori verbum Iehovae adpelletur. Abductionem arcae foederis in castra Cap. IV, 4. a Deo reprobata esse recte sustinent, quia sine rogato Deo id fecerint Israëlitaë. Pulveris adspersionem super caput, ad vers. 12. signum tristitiae non apud Hebraeos tantum,*

Pag. 3.

pag. 4.

pag. 13.

pag. 16.

pag. 17.

pag. 25.

pag. 29.

pag. 30.

pag. 33.

pag. 35.



- sed et gentilibus commune fuisse, monstratur ex *Virg. Aen.*  
 Pag. 37. XII, 606 — 611. De statu Heli Sacerdotis post mortem,  
 disputant eruditi, ad *versf.* 18, imprudenter quidem nostra  
 sententia. *Saurinus* multa adfert, quibus excusare studet  
 infortunatum patrem, ita ut optima de eius salute sperare  
 pag. 44. non dubitet. *Kosemim*, *Cap.* VI, 2. modo *augures*, modo *sapien-*  
 pag. 47. *tes* significare, probatur. *Argaz* vocabulum, quo arcula  
 illa adpellatur *versf.* 11. in quam dona principum Philistaeo-  
 rum coniiciebantur, ex lingua Philistaeorum, non Hebrai-  
 cum esse, creditur. Numerus eorum, quos morte multa-  
 pag. 51. vit Deus propter temerariam arcae inspectionem, reduci-  
 tur *versf.* 19. ad septuaginta, et significatur, comparatio-  
 nem esse h. l. cum quinquaginta millibus hominum, occi-  
 pag. 53. sorum inter Philistaeos. *Vajinnahu*, *Cap.* VII, 2. vertitur per  
 verba, *respiciebant* Deum: recte, uti nobis quidem videtur.  
 p. 56-57. Ea, quae ad *versf.* 6. de aqua in ieiunio per Samuelem  
 p. 64. hausta dicuntur, lectu dignissima sunt. *Mischpat hamme-*  
*lech*, *Cap.* VIII, 11. explicatur per rationem gerendi im-  
 perii, qua utuntur reges erga subiectos sibi cives. *Hou-*  
*bigantius* vertit: *Tale sibi imperium arrogabit*. Vocabulum  
 pag. 70. *jehdai* notare angorem maximum, ad *Cap.* VIII, 5. mon-  
 pag. 73. stratur. *Jazor*, de Saulo rege, *versf.* 17. dictum, signifi-  
 pag. 77. cat *subiiciet*. Ungendi regis caerimoniam non nisi apud  
 eos usitatam fuisse demonstratur ad *Cap.* X, 1. qui primi ex  
 quacumque familia imperio ornarentur; ita Saul, David,  
 et Iehu uncti sunt: et apud illos, quorum successio in dis-  
 ceptionem venerat; ita Salomon unctus est, quoniam  
 Adonias contra voluntatem divinam rex iam proclamatus  
 pag. 80. erat. Observationes interpretum circa scholas propheta-  
 pag. 81. rum ad *versf.* 5. dignissimae sunt, quae legantur. *Nebhel*,  
*ibid.* est testudo duodecim chordarum; *Kinnor*, nablium de-  
 cem chordarum, idemque, quod Graecorum *πίπλας* et *κ-*  
*ρύρα*. *Bedan*, *Cap.* XII, 11. inter liberatores populi Israë-  
 litici numeratus, quisnam fuerit, in dubio relinquitur. *Ben*  
 pag. 102. *schanah Schaul bemalco*, *Cap.* XIII, 1. sic exponitur: An-  
 num post unctionem imperaverat Saul usque ad tempus,  
 quum

quum fugaret Philistaeos, et urbem Iabes liberaret, et ideo Gilgale in regno confirmaretur; Anno sequente, seu secundo, elegit tria millia hominum, etc. *Ad olam, vers. 13.* Pag. 108.  
per verba, donec subsistet ex te nata posteritas, explicatur. *Rimmon, Cap. XIV, 2.* pro nomine rupis proprio sumitur, in tribu Benjamin sitae. *Ad Cap. XV, 3.* sententia Dei, contra Amalekitas lata, recte defenditur. *Jad, vers. 12.* per *trophaeum*, erectum Carmeliae, explicatur. pag. 113.  
*Ad Cap. XVI, 14.* de Spiritu pravo, Saulo a Deo immisso, pag. 127.  
temeraria nobis videtur interpretum Anglorum sententia, neque tam ex principiis theologicis, quam neophilosophicis concepta. Male autem philosophari nobis videntur ii, pag. 131.  
qui possibilitatem obsessionis diabolicae corporalis ideo plane negare audent, quia qualitates et effectus actionesque spirituum non cognoverunt. De nuditate Sauli, *Cap. XIX, 24.* inter prophetas recte statuunt, non nisi depositionem vestium exteriorum significari. *Ad Cap. XXI, 14. 15.* varia dicunt interpretes de morbo, quo David correptus fuit apud regem Philistaeorum Achisum. Rectissima atque optima nobis videtur interpretatio illa, qua Davidem, terrore perfulsum, ad tempus convulsionibus epilepticis, cum vero delirio coniunctis, fuisse adfectum statuunt, fictionemque tunc temporis locum habere non potuisse asserunt; quae interpretatio textui Hebraico quam maxime respondet. In- pag. 170.  
terpretatio verborum *Cap. XXIV, 4. lehasech eth raglav,* per verba: *ut dormiret*, valde nobis arridet, et probe stabilita est hoc loco. Quae ad *Cap. XXV, 39—41.* dicuntur, pag. 184.  
adfectatam magis elegantiam amantium recentiorum redolent, quam mores antiquitatis simpliciores. Locum *Cap. XXVIII, 11.* de adparitione Samuelis apud pythonissam Hendoream interpretantur secundum *Calmetum* et *Stackhousum*, duces erroneos secuti, quod supra iam diximus. pag. 199.  
*Hag-gischa na li haephod, Cap. XXX, 7.* recte exponunt per: *indue Ephod in meam utilitatem*, contra *Cunaeum*, qui statuit, Davidem ipsum induisse vestitum sacerdotalem, ut quaereret ex Deo, quid consilii capiendum sit. *Jachel* de Saulo pag. 214.  
dictum, pag. 231.  
pag. 239.  
pag. 245.

dictum, *Cap. XXXI, 3.* sic interpretantur: Saullus ipse, vulnere lethali iam adfectus, in terrore versabatur quam maximo. Sufficiant haec lectoribus nostris. Quod olim fecimus, repetimus et nunc. Precamur Editori doctissimo vires corporis tales, quae contentionem animi sustinere valeant. Quantum enim adhuc illi est maris aequorandum.

*GEORGII GOTTL. BOERNERI I. U. D. DE  
modis sancienti foedera pacis Imp. R. G.  
Commentatio.*

Frankfurti, 1759. plag. 7. quatern.


**N**on illam, quae ante Pacem Westphalicam adhibita fuit in foederibus pangendis, rationem, doctiss. Auctor commemorandam sibi in hoc libello proposuit, sed ab hac demum Pace, qua felicitas publica Imperii stabilita et confirmata est, scribendi initium fecit. Hinc enim pacis componendae ratio novam quasi faciem accepit, quoniam illud obtinuit, ut non solus Imperator, ut antea, pacem sanciret, sed omnes etiam Imperii status suas partes agerent. Descriptus vero est hic libellus in septem Capita. Definit in primo Auctor foedera pacis Imperii, et naturam eorum explicat. Foedera pacis Imperii R. Germ. ait esse pacta ab Imperatore et Statibus inter se, vel ab Imperatore et Statibus cum exteris imperantibus, belli finiendi causa, sub variis conditionibus inita. Hic simul multis id agit, ut Imperatorem et Status coniunctim ius foederis sancienti exercere debere demonstraret. In secundo Capite ostenditur, quando ius pacis faciendae cum Statibus Imperii communicatum fuerit. Dissentit Auctor a Spenero, qui a primordio regni Germanici consensum Statuum Imperii necessarium fuisse tradidit; existimat potius, eo tempore Status Imperii ad pacis Imper. negotium, cum consilii dandi splendorisque augendi

di causa, tum ad vitandas suspiciones contentionesque, ab Imperatore adhibitos fuisse. Imperator Sigismundus demum A. C. MCCCCXXI. in comitiis Noribergensibus hunc consensum Statuum Imperii instituit. Pergit Auctor ad varios modos, quibus a Pace Westphalica inde foedera pacis Imperii sancita fuerunt, et in Capite tertio illum maxime sollemnem, et dignitati Imperii consentaneum modum proponit, ubi negotium pacis in conventu totius Imperii conficitur. Maxime vero hoc Auctor ex historia Pacis Westphalicae illustrat, et in Capite quarto de altero modo sanciendo foedera pacis Imperii exponit, quo foedera ab Imperatore et Deputatis Statibus Imperii sanciantur. Qua occasione Auctor de Deputationibus Imperii in universum disputat, et earum imprimis Imperii Deputationum extraordinariarum, extra Comitia habiturum, mentionem facit, quas nonnunquam pacis Imperii sancienda causa institutas fuisse legimus. Deinde Auctor de constitutione Deputatorum, et de ratione tractandi disserit. Transimus ad Caput quintum, in quo lex illa Capitulationis: ubi festinatione opus sit, saltem Electorum consensum ad foedera pacis Imperii initio requiri: illustratur, et cum historia, tum sententia illius, explicatur. Hic etiam demonstrat, consensum Electorum ad foedera pacis Imperii, ubi festinandum sit, utilissime et aequissime constitutum esse. Sed eiusmodi quoque foedera pacis Imperii extant; quae solus Imperator, impetrato antea Statuum mandato imperii nomine agendi, iniit cum exteris principibus. De his Auctor in Capite sexto agit. Nulla Imperii quidem lege dicit constitutum esse, ut Imperator ex mandato Statuum foedera pacis Imperii etiam nomine inire possit; istum tamen modum nihilominus valere. Nam ex iure publico et privato universali constare, quemlibet exercitium iuris sui, aliusve negotii, alteri demandare posse, nisi pacto aut lege speciali prohibeatur; quemlibet etiam mandato, hoc est



est pacto de negotio gerendo, tantundem obligari quam facto proprio. Ter data est Imperatori a Statibus universis facultas, suo nomine foedera pacis sancienti: nimirum Carolo VI. ad faciendam Imperii etiam nomine, pacem Badensem; in negotio pacis Viennensis, Anno MDCCXXV. cum rege Hispaniae initae; in altera pace Viennensi cum rege Galliae A. MDCCXXXVIII. pacta. Observat Auctor, ex his exemplis elucere, mandata Imperii tum demum postulata fuisse, cum de pacis conditionibus in foedere quodam praeliminari iam convenisset: quae tamen ratio iuri Statuum, ad foedera Pacis Imperii concurrendi, repugnare Auctori videtur. In Capite septimo V. Cl. exemplum pacis proponit, a solo Imperatore, suo et Imperii nomine factae, cui deinde Statuum assensus accesserit. Etsi enim Pax Westphalica consensum omnium Statuum ad foedera pacis Imperii requiri constituerat, in proximo tamen pacis Noviomagensis conventu, Anno MDCLXXVI. inchoato, hic consensus neglectus fuit.

Quod quidem exemplum copiose ab Auctore, et docte, ut reliqua omnia, illustratur.



# NOVA ACTA ERUDITORUM,

*publicata Lipsiae*

*Calendis Augusti Anno MDCCLIX.*

## CONTINUATIO SECUNDA EMENDATIONUM HEUMANNIANARUM TERTULLIANI.

**D**uo prima *Apologetici* capita in *Poeciles* meae primo Tomo partim interpretatiope illustravi, partim emendavi: et primum quidem caput p. 27. sqq. secundum p. 197. sqq. Reliqua capita eodem modo pertractavi in Tomo secundo *Miscellaneorum Groninganorum* p. 470. sqq. Superfunt tamen plura in *Apologetico* hoc partim corrigenda, partim interpretanda: quae nunc exhibeo ad paginas editionis Havercampianae.

Pag. 46. lin. 2. pro *nesciunt* lege *non nesciunt*. Error typographi.

P. 57. lin. 2. lege *erit*. *Homo*.

P. 63. lin. 4: *Qui sicut non palam ab eiusmodi hominibus (Christianis) poenam dimovit*, etc. Lipsius in nota ad libri sui secundi *de cruce* caput 14. p. 131. rescribit: *Qui sicut palam*. Quod ait Tertullianus, (ita pergit,) possis vel ad *crurifragium* referre, vel ad *vivicomburium*, quo affici accusatores Christianorum iubet Imp. M. Aurelii epistola, apud Onufrium in *Fastis* expressa.

P. 75. lin. 3. *de die, von Tage zu Tage*.

P. 104. lin. 2: *ἐλάυνε*, dicebant, *τὴν μητέρα*. Clericus in Tomo decimo quinto *Bibliothecae suae antiquae et novae*

p. 106. pro ἔλκυε rescribit ἐβίει, et hanc scripturam docet esse verisimillimam. Adicio verba Ciceronis Lib. IX. ad famil. epist. 22: Cum tibi dico *BINI*, tu facis, quasi ego Graece (βίει) dixerim. Et in Epicteti *Enchiridio* cap. 63. pro ἐπὶ πολὺ πίεια rescribo βίειν, et de leo ὀχέειν, (coire cum muliere,) quod margini adscriptum fuerat ab aliquo, qui verbum βίειν erat interpretaturus. Si honestatis aliquis studiosus pro βίειν scripsisset πίειν, sublaturus etiam erat verbum ὀχέειν.

Pag. 106. lin. 8. pro *virgine continentia*, lege *virginea continentia*. Id *virgine* perindocte defendit Havercampus.

P. 114. lin. 5. pro *par*, male Wopkenius in *Obs. misc. crit.* Tomi decimi libro primo p. 38. rescribit: *pater est*.

P. 122. lin. 2. pro *militarior*, Clericus p. 107. rescribit *mitior*. Malim *moderatio*.

P. 126. lin. 3. et 4: *Cervices ponimus? ante plumbum, et glutinum, et gomphs, sine capite sunt Dii vestri*. Scaliger, cuius loca plura, in quibus hanc suam correctionem exhibuit, Havercampus indicat, ita legendum censebat: *Cervices ponimus ante plumbum: glutinum et gomphos capiti sunt diis vestris*. Relicit hanc emendationem Gatakerus in *Adversariis suis posthumis*, cap. 16. p. 562. atque ita rescribit: *Cervices ponimus, ante plumbum et glutinum et gomphos, sine capite sunt dii vestri*. Interpretatur hoc hisce verbis: *Cervices ponimus, ubi capite plectimur. At dii vestri, ante plumbum et gluten et (lignos) clavos, quibus truncis suis simulacrorum vestrorum capita committuntur, capitibus caruere*.

P. 132. lin. 6. sqq. *Domesticos deos, quos Lares dicitis, domestica potestate tractatis, pignerando, venditaxdo, demutando, aliquando in caecabulum de Saturno, aliquando in trullam de Minerva, ut quisque contritus atque contusus est, dum diu colitur, ut quisque Deum sanctiorem expertus est domesticam necessitatem*. Hunc locum admodum verisimiliter emendat, et simul interpretatur Christius, in *Nocturnis suarum Academicarum Observatione XXVI*. p. 293: *Domesticos*

*mesficos deos, quos Lares dicitis, domestica potestate (pro iare patris in familiam) tractatis, pignerando, venditando, demutando. Aliquando in cacabulum de Saturno (itur, conflato simulacro:) aliquando in trullam de Minerva. Et quis non contritus (lapidibus) et concussus est (verbere,) dum diu colitur; ut quisque dominam sanctiorem expertus est domesticam necessitatem, id est, prout quisque diu in sacrario repositus, periclitatus est scapulas praebere facpius, si infortunium ingrueret, et imperaret praesentius et sanctius Numen, domestica scilicet irati domini clades seu necessitas. Eodem modo Martialis Lib. VIII. epigr. 40. Priapo suo, nisi recte data servet loca, caminum interminatur, igne comburendo.*

Pag. 135. lin. 5: *obba*. Cuiacius in *Observationum et Emendationum* Lib. XI. cap. 7. ait: obbam esse poculi genus, nominari etiam *obuam*, et speciatim ita vocari vas, quo libari solebat mortuis.

P. 148. lin. 21: *moechum Anubim*. Quam historiam respiciat Tertullianus, docet Clericus ex Iosephi *Antiq. Iud.* Lib. XVIII. cap. 3. (editionis Hudsonianae) §. 4. Totam eam recitat p. 107 — 112.

P. 159. lin. 5: *cum sua Epona*. Recte hic rescriptum esse *Epona*, docet etiam Iac. Phil. Tomasius, in *Libro de donariis ac tabellis votivis*, Cap. XXXI. p. 210.

P. 160. lin. 1. et 2: *qui crucis nos religiosos putat, consecratus erit noster*. Lud. Bourgetus, in epistola quadam ad Cuperum, quae inserta est *Novorum Miscellaneorum Lipsiensium* Tomo nono, ibi p. 345: plures commemorat editiones Pontificiorum, in quibus legitur: *qui crucis nos non religiosos putant*. Scilicet ut crederentur Christiani iam Tertulliani aevo adorasse crucem. Hoc quoque exemplo, inquit Bourgetus, doceamur, quanta sit Pontificiorum audacia in corrumpendis veteribus auctoribus.

P. 169: *Deus Christianorum ὁυκοῖτης*. Clericus p. 113. rescribit *ὁυκοῦτης*. E. A. Schulzius in *Fasciculo primo*



*Exercitationum philologicarum*, Berolini 1755. edito, et quidem in Exercitatione secunda p. 30. legit *Ononychotus*, et hanc scripturam in permultis paginis sequentibus studet reddere approbatione dignissimam. Theodorus Haseus, cum in Libri sui *de ἐνοχλησέας*, capite primo §. 10. p. 14. sqq. plurimorum Criticorum adduxisset de hoc verbo coniecturas, tandem Desiderio Heraldo assentitur, scribenti *ὄνονυχλιτης*.

Pag. 175. lin. 6. pro *quod* scribe QVOD.

P. 189. lin. 1: *frequentiae pleraque montium vastant*. Clericus p. 113. approbat scripturam MS. Fuldenfis, et legit: *et frequentiae plerumque mortium vastant*.

P. 191. lin. 2. pro *providentiae scripta sunt*, Clericus p. 114. scribit: *quae providenter scripta sunt*.

P. 211. lin. 6. pro *utique* Clericus p. 115. recte rescribit *ubique*.

P. 211. lin. 10. et 11: *ut credatis Christiani, propter quos non creditis Christianis*. Sensus: ut credatis ac fiat Christiani, quippe qui vos impediunt, ne fidem habeatis Christianis.

P. 213. lin. 1: *multitudini tot nominum*. Clericus probat p. 116. hanc scripturam.

P. 216. lin. 2: *in usum maledicti frequentat Satanam*. Haec verba interpretatur Clericus p. 117. sq.

P. 217. lin. 3. et 4. pro *everso sic*, lego: *everso*. Sic.

P. 219. lin. 2. pro *recogitatu* scribo a *recogitatu*.

P. 222. lin. 6. pro *et curasse creduntur*, lege: *ut curasse credantur*. Sic Minucius Felix cap. 27: *ut curasse videantur*.

P. 226. lin. 7. et 8: *Edatur hic aliquis sub tribunalibus vestris, quem daemone agi constet*, etc. Falsum hic dicere Tertullianum, docet Daleus in Libri *de divinationibus* cap. 7. p. 544. sq.

P. 235. lin. 6: *ut constaret*, id. est, posito, quod constaret, *gesetzt, dass*.

Pag. 238. lin. 5: *Busires*. Per deum hunc intelligi *Bacchum*, Hottingerus docet in *Hystoria orientali* Lib. I. cap. 7. p. 235. sq.

P. 249. lin. 1: *Romanis fascibus illam*. Defendit etiam Vossius hanc scripturam in *Libro de hebraismis N. T.* cap. 27. p. 109. sqq.

P. 253. lin. 1: *Sterculum*. Clericus p. 118. rescribit, e Tertulliani Libro secundo *ad nationes, Stercutium*, quem adorabant Romani, quia, agrorum stercorationem ei curae esse, credebant.

P. 271. lin. 3: *in manibus esse plumbatis*. Clericus p. 119. sq. docet, *manibus* esse Ablativum, et *plumbatis* Dativum, referrique ad deos vel statuas, sensumque Tertulliani hunc esse: Non putamus, plumbatas statuas in manibus habere salutem Caesarum.

P. 275. lin. 2: *de pectore gramus*. Interpretatur haec verba Binghamus *Antiquit. Eccles.* Lib. XIII. cap. 5. §. 5. p. 137. sq.

P. 288. lin. 1: *Hominem memento te*. Etiam Philippum, Macedoniae regem, puerorum suorum alicui hoc delegasse officium, ut singulis diebus ipsi acclamaret: *Philippe, homo es*: refert Aelianus *Var. Hist.* Lib. VIII. cap. 15. Idem Lib. IX. cap. 41. scribit: Pausaniam Lacedaemonium, cum a Simonide peteret, ut sapiens aliquod monitum proferat, hoc accepisse responsum: *Memento, te hominem esse*.

P. 293. lin. 3: *civitatem tabernae habitu abolere*. Clericus p. 121. rescribit *obsolescere*, idque defendit.

P. 309. lin. 3. pro: *ad mortem usque*, rescribo fidenter *ad mortem usquam*.

P. 313. lin. 5. et 6: *paene omnium civitatum, paene omnes cives Christianos habendi*. Deleo comma. Sensus: Habemus ferme omnes cives omnium ferme civitatum Christianos. Ita etiam interpretatus est Havercampus. Clericus, sententiam Tertulliani non assecutus, male:

- p. 121. pro glossemate habet haec verba: *paene omnes cives Christianos habendo.*
- Pag. 315. lin. 8: *compulsionibus*, id est, mutuis impulsibus.
- P. 321. lin. 1: *Christianae factionis.* Observa *mimesin.* Vocabant ita ethnici Christianam ecclesiam. Interpretatur semet ipse Tertullianus ultimis verbis *capitis* 39. et primis *capitis* 40.
- P. 321. lin. 2. et 3. sic lege: *ut, qui mala refutaverim, bona ostendam, si etiam veritatem revelaverim.*
- P. 324. lin. 4. *cum velit*, id est, quoties velit.
- P. 325. lin. 1: *iam otiosis*, id est, qui non amplius valent acquirere aliquid labore suo.
- P. 325. lin. 3. lege: *alumni confessione sua fiunt.* Notum est, qui dicti sint hoc aevo *confessores.*
- P. 325. lin. 6. lege: *diligant*, (*ipsi enim invicem oderunt:*) *et ut pro*, etc.
- P. 336. lin. 5: *Haec coitio Christianorum — — convenimus?* Aliter, et quidem recte, distinguit haec verba Clericus pag. 122.
- P. 353. lin. 5: *est*, id est, *licet.* Ita saepe Tertullianus.
- P. 374. lin. 9. verba quatuor ultima: *Deum, non proconsulem, timentes*, iure Clericus pag. 123. delet tanquam glossema.
- P. 377. lin. 7: *et facilius*, pro *et tamen facilius.* *Et pro et tamen* frequenter dici a latinis Scriptoribus, docui in annotatione ad Ciceronis *Orat. post reditum in Senatu*, cap. XV. p. 329.
- P. 386. lin. 1. et 2: *Quid enim Thales ille, princeps Physicorum, sciscitanti Croeso de divinitate, certum renuntiavit, commeatus deliberandi saepe frustratus?* Bene interpretatur haec verba p. 124. Clericus, pro *commeatus* tamen scribens vel *commeatu*, vel *commeatibus.*
- P. 408. lin. 7. pro *statim illic vesica queritur*, legi debere: *illico vos ita quaeritis*, iam alibi docui. En Havercampi, haec verba esse vera Tertulliani verba, putantis, ridicula

cula interpretatio: Hoc mihi videtur proverbium a puerulis desumptum, qui mingendi necessitatem ultra ferre non possunt, vesica lotio impleta, adeoque saepe virgam metuentes exclamant.

*CASP. BARTHII EMENDATIONES CARMINUM,  
editioni Tertulliani Priorianae pag. 630. sqq. annexorum, quorum auctores sunt ignoti.*

Emendationes illae reperiuntur in BARTHII *Adversariorum* Lib. XVII. cap. 17.

**P**ag. 630. vers. 31. recte rescribit: *Sperans, heu! sceleris veniam se stultus habere, pro: Sperans, heu! scelerisque viam se stultus habere.* Addit, se postea vidisse, Heraldum iam ita correxisse ad *Arnobium*.

P. 630. v. 336 — 338. pro: *Publice non audens dominum maledicere nude Secreto ingenio sperans se posse latere. Tandem lux animae carnis captiva tenetur, Desperatorum seruat spes fortior hoste,* ita rescribit:

*Publice non audens dominum maledicere, nunc de Secreto ingenio sperans se posse latere.*

*Tandem lux animae carnis captiva tenetur,*

*Desperato cum certat spes fortior hoste.*

Ultima syllaba verbi *publice* corripitur, ut grammatici loquuntur, a poeta, qui et vers. 34. dixit *spiritu*, ultima syllaba brevi. Tertius versus adhuc mendosus est: reliqua recte emendasse videtur.

P. 630. v. 40. pro: *Cuius amicitiae auxilio, patientia poena,* recte rescribit: *Cuius amicitia auxilium, patientia poenam.*

P. 630. v. 81. pro: *nulla praecepta locutus,* scribit recte *nulli praecepta locutus.*

P. 630. v. 89. pro *habet,* minus recte scribit *amat.*

P. 630. v. 114. pro *peremti,* recte scribit *redempti.*

P. 630. v. 118. male corrigit. Recte scriptum est *decepti.*

P. 631. v. 145. male rescribit *ans illud,* pro *aut illud.*



Pag. 631. vers. 149. recte rescribit *incredibili* pro *incredibile*: sed *haut* pro *aut* non recte.

P. 631. v. 150. non recte scripsit *sic vos*, pro *si vos*. Caeteras in *capite* hoc exhibitas a Barthio sive correctiones, sive corruptiones, praetereo.

P. 639. Hoc *de iudicio Domini* carmen e pervetusto MS. correctius editum est in *Collectionis monumentorum Martenianae* Tomo IX. p. 3. sqq.

P. 642. Carmen hoc, *Genesis* inscriptum, e MS. perfectura recusum est in eodem Tomo p. 14. sqq.

Carmen hoc emendare studet *Barthius* Lib. XVII. cap. 19. Is

P. 642. v. 2. pro *Namque* male scribit *Iamque*.

P. 642. v. 65. recte rescribit *ne fors malum*, pro *ne forte malum*. *Malum* enim hoc loco pomum est.

In eodem *capite* carmen *de Sodoma* emendare conatur.

P. 643. v. 6. pro *mandaverat*, male rescribit *damnaverat*.

P. 643. v. 40. *lux altera*; id est, luna.

P. 643. v. 41. pro *redendum*, scribo *retentum*.

P. 643. v. 42. pro *nunc passa libido*, scribo *nesanda libido*.

P. 643. v. 44. Quo *luxus genitura vocat*, non recte emendat Barthius. Interpretari debebat haec verba: Quo *luxus genitura vocat*? Quò est adverbium, et *luxus* est genitivus. Uti dicimus: *ex dementiae processit*, sic Tertullianus scribit: *quò luxus*. Iam horum verborum: *quò luxus genitura vocat*? hic est sensus: Ad quantum *luxus* vos vocat et incitat *genitura*, hoc est lascivia?

P. 643. v. 48. pro *terram* lege *per terram*.

P. 643. v. 49. pro: *Omne genus luxu genus est: nisi foemina coniux*, scribe: *Omne genus duplex: non est, nisi foemina, coniux*.

Idem Carmen Barthius Lib. IX. cap. 8. non corrigit, sed illustrat.

Etiam Ioh. Frid. Gronovius, qui nec dubitat, Tertullianum esse carminis huius Auctorem, in *Observationum* suarum

suarum in *Scriptores ecclesiasticos* cap. 22. multas Barthii, quem semel duntaxat nominat, correctiones reiecit.

Sequentur propediem *Variae annotationes ad Tertullianum*, e. g. de Versionibus librorum eius.

**APOLOGIA VINDICIARIA PRO BEROSO**  
*Anniano, ut vocant, eiusve Antiquitatum opusculo, iniuste a quibusdam, velut hypobolimaeo, quondam traducto: itemque pro Berosi filia, Sibyllarum novissima, contra adversariorum quorundam obirectationes:*  
*Auctore P. ANGELO FLOERCHEN, Ord. S. Benedicti Profess. Hildefsi ad S. Michaelem.*

Hildefsi, apud Harzium, 1759. plag. 6. octon.

**N**otum est, *Ioannem Annium*, Viterbiensem, primum, Saeculo decimo quinto exeunte, Berosi antiquitatum opusculum edidisse quidem, sed non paucis, qui hunc libellum vel ab ipso Annio, vel ab alio, inepte diligenti et ingenioso homine compositum, et Beroso falso tributum credébant, fraudis et imposturae suspicionem inieciisse. Suscepit igitur Annii defensionem iam olim *Franc. Marianus*, Oratione, anno 1733. Romae edita. Idem agit Auctor huius Apologiae, dum, quasi pro aris et focis, ut ipse ait, pugnaturus, quaecunque suae causae inserviant conquirit. Sunt vero huius defensionis Capita sex. In primo collegit Auctor, quae de libris, ingenio, et doctrina Berosi, apud antiquos scriptores invenit: in altero argumenta, quae hoc opusculum Beroso tribuant, exponit. Primum, ait, *Iosephum*, in Lib. I. contra Appionem, scribere, Berosum antiquissimas secutum historias, de arca, de diluvio, de Noa, de posteris Noae, de monte Gordyeo in Armenia, varia memoriae prodidisse. Iam vero non solum Berosum, se ex vetustis Chaldaeorum et Scytharum. libris suam historiam hausisse fateri; sed etiam, quae Iosephus se apud Berosum legisse testetur, in hoc opusculo legi. Deinde omnia

(ut ait,) in hoc libello commemorata Chronologiae reson-  
dent, et plurima eodem modo a Diodoro Siculo tradun-  
tur. Atque haec *proba*, (utimur verbis Auctoris, neque la-  
tinis, ut saepius, neque elegantibus,) *validissima* Auctori vi-  
detur; genuinum esse Berosi opus. Porro, quae in hoc  
opusculo de Noa et diluvio traduntur, limpidissimo decur-  
runt stilo, neque dissimili illius Historiae Chaldaeorum,  
quantum ex paucis, a Iosepho prolatis, colligi potest. *Est  
opusculi stilus non solum limpidissimus, sed et profundus et gra-  
vis: singula verba suum pondus habent, suamque peculiarem  
rationem significandi; (quid haec sibi velint divinare non li-  
cet;) nullum redundans, ita ut sit stilus Berosi doctrinae fama  
dignus.* Constat denique, Berosum Chaldaicam Historiam  
fusiori stilo conscripsisse; constat etiam ex Iosepho et Fre-  
culpho Lexovienfi, eundem Berosum ex Chaldaicis libris *De-  
florationem*, i. e. breve compendiolum edidisse: dudum  
igitur ante Annium *Defloratio Chaldaica* Berosi extitit, ne-  
que ille huius Auctor esse potest. Haec sunt, quae Auctor  
pro opusculo hoc Berosiano dicenda esse putavit. Nos  
quidem veremur vehementer, ut haec acutioribus satisfac-  
iant: et, quamvis neque Beroso suum foetum, neque  
aliis hasce suas delicias eripere velimus, rem tamen longe  
pluribus melioribusque argumentis confirmandam esse ar-  
bitramur. Primum telum Auctoris valde plumbeum, immo  
ligneum est. Conveniat hic Annianus Berosus cum Bero-  
so Iosephi. Quid inde efficitur? Nonne loca Iosephi,  
ubi Berosi mentionem facit, illi, qui hunc libellum effinxit,  
nota esse potuerunt? Quicumq; e talem fucum hominibus  
facere voluit, eum verisimile est diligenter antea veteres  
scriptores excussisse, et inde repetuisse omnia, quae suo  
consilio inservire credidit. Legat mihi aliquis Consolatio-  
nem Ciceroni a Sigonio, aut quicumque ille fuit, affectam,  
et facile, quam astute homo iste fallaciam suam exornave-  
rit, intelliget. Quam aptis exemplis utitur! quam callide  
historiam eorum temporum attingit! Atque eodem modo  
ad alterum argumentum respondemus. Nonne etiam alius  
praeter

praeter Berosum Chronologiam cognitam habere potuit? nonne idem ille impostor Diodorum Siculum legere? Quomodo etiam Auctor omnia Chronologiae respondere affirmare possit, cum ipse infra pag. 32. nec exiguos, nec paucos errores, proponat? Stilum Berosi minime miramur Auctori placuisse, qui satis in hoc libello ostendit, se aliarum rerum, quam deliciarum sermonis, intelligentiorem esse. Nos quidem paucos fore arbitramur, quibus, et Berosi, et Auctoris libellum legentibus, non in mentem veniat illud, ab ista pitissanti apud Terentium in coena dictum:

*asperum*

*Pater hoc est: aliud lenius fodes vide.*

Accedit, [ut taceamus ex paucis illis, a Iosepho laudatis, locis, non satis de Berosiano scribendi genere iudicari posse,] caute esse de hoc opusculo, Chaldaice procul dubio a Beroso scripto, pronuntiandum. Sed non de eo agitur, num elegans sit liber, num dignus fama Berosi, (taliam enim ab astuto impostore facili imitatione exprimuntur:) sed an Berosi sit quaerimus. Quare nihil Auctoris causam iuvat, extitisse olim Berosi librum: quis enim hoc negat? Illud probare debuit, eum librum, qui nunc sub Berosi nomine circumfertur, a nullo alio conscriptum esse, quam ab illo, cui tribuitur. Sed haec obiter. In tertio Capite diluere conatur Auctor, quae Varrerius contra Berosum Annianum protulit. Utinam ab aculeatis dictis abstinuisset, quibus neque Varrerium confutat, neque meliora nos docet, sed animos lectorum irritat, neque bonam de sua humanitate opinionem concitat. In Capite quarto varia disputat de Berosi opusculo, quorum praecipua haec sunt: etsi ex librorum brevitate opus mutilum ac deminutum videatur, esse tamen illud totum et integrum, et ab ipso Beroso abbreviatum: quoniam Annii in praefatione hoc testetur, verisimile esse, ipsum Berosum suum opusculum in quinque partes dividisse: verum libri titulum esse *Desolationem Chaldaicam*, atque sic a Freculpho Lexovienfi laudari: multa in Annii commentariis inveniri inepta, multa



quoque ingeniose excogitata. Transimus ad Caput quintum, in quo de tempore, quo Berofus vixerit, Auctor exponit. Cuius ex sententia Berofus, *secundum rationabilem chronotaxin*, natus A. m. MMMDCLXXV: Beli sacerdos factus A. m. MMMDCC: exul A. MMMDCCXVIII: in Coo insula docuit A. MMMDCCXX: Historiam Chaldaicam Antiocho Theo inscripsit A. MMMDCCCLXV. (vel Anno MMMDCCCLXXIII.) iam nonagenario maior. Tandem Auctor, in ultimo Capite, quaedam in Berofi opusculo animadversione digna proponit, illiusque in historia errores refutat. Haec de prima huius libelli parte. Venimus ad alteram, in qua Auctor historiam Sibyllarum contexuit. Agit igitur in Cap. II. de Sibylla Babylonia; in Cap. III. de Sibylla Phrygia; in Cap. IV. de Sibylla Libyca; in Cap. V. de Sibylla Delphica; in Cap. VI. de Sibylla Erythraea seniore; in Cap. VII. de Sibylla Cimmeria; in Cap. VIII. de Sibylla Tiburtina; in Cap. IX. de Sibyllis Colophonia et Samia; in Cap. X. de Sibylla Hellespontica; in Cap. XI. de Sibylla Cumana. Hic multis id agit Auctor, ut lectoribus suis persuadeat, non hanc solam, sed reliquas quoque Sibyllas, de Christi nativitate, perpeffione, cruce et morte, multa praedixisse; id quod imprimis ex Virgiliana Eclog. IV. apparere existimat. Neque satis habet, hanc suam opinionem, (utamur enim leviori verbo; quam res postulare videtur,) proponere tanquam lusum ingenii, sed *impiam calumniam*, et *nefariam criminationem* esse pronuntiat, Patribus fidem in hac re derogare velle. Unde de reliquis facile iudicari potest. Transit Auctor in Cap. XII. ad Sibyllam Babyloniā iuniorem; ubi tamen nondum intelligimus, car librum *Apologiam vindictariam contra adversariorum quorundam obtreptiones* inscripserit. Neque enim accusationem, neque defensionem invenimus; nisi fortasse huc illud referas, quod Gallaeus S. Iustini de hac Sibylla suaveri fabulam in dubium vocavit. Magnam profecto Auctor gratiam inierit, oportet, ab hisce vetulis, quarum vitam totam tam accurate examinavit, nihil ut praeter-

praeterea, quam descriptionem vestium, quas gestaverint, desideremus. Estne operae pretium inquire, cur Tiresiae filia Daphne appellata sit? pag. 52. an vere dicatur Hierophile Erythris nata? pag. 56. utrum sexta Sibylla Cimmeria an Cumana appellanda sit? pag. 58. utrum per masculinam lineam a Calchantis filio descendat Lampusa, an potius per femininam a filia eius? pag. 63. Sed constat etiam olim fuisse, qui scire voluerit, quid Sirenes cantarint? quae fuerit Hecubae mater etc. Coronidis loco imposuit Auctor praetorium suae *Archaeologiae oecumenicae*. Recte praetorium inscripsit istas pagellas, plenas laudum suarum. Adscribimus pauca: tam praeclara in operis frontispicio reperies Perillustrium respective, Eximiorum, Clarissimorumque Virorum DDrum, Profess. Publ. etc. testimonia, tam insignia encomia, quam nullo unquam in libro conspexeris —: nunc meam quoque tibi sententiam expectorabo. Dico igitur: hoc opus Archaeologicum omnem lectoris fidem omnemque spem et expectationem excedet. Latuit procul dubio Auctorem, quod est in proverbio: vino vendibili non opus est hedera.

**DIPLOMATARIA ET SCRIPTORES HISTORIAE**  
*Germanicae mediæ aevi, cum sigillis aeri incisis, opera*  
*et studio CHRISTIANI SCHOETTGENII, Rect. Scholae ad d. Crucis Dresd. et M. GEORGI CHRISTOPH. KREYSIGII; accedit Praefatio CHRISTIANI GOTTLIEB BUDERI, D. Consil. Aul. Duc. Sax. Iur. Publ. Feud. et Hist. Prof. Facult. Iurid. Senioris in Acad. Ienensi, de Itineribus eruditorum Virorum rei*  
*historicae fructuosus. TOMUS II.*

Altenburgi, typ. et sunt. Richter, 1755. Alphab. 5.  
 tab. aen. 6. fol.

**C**omplectitur alter hic Tomus viginti opuscula, antiquitates Germanicas illustrantia, eaque minime contemnenda. Sunt vero haec: I. *Regestum latinum*

*Privilegiarum, Confirmationum, aliarumque Gratiarum Ferdinandi I. Regis Hungar. et Bohem. ab Anno MDXXVII. ad A. MDLXII.* Sunt Litterae hae, quarum numerus ad CLXV. excurrit, ex libro, quem dicunt, copiali et coaevo, repetitae. Quoniam saepe complures una eademque formula erant conscriptae, brevitati consuluit ita Kreyfigius, ut minus necessariis recisis, argumenta tantum, ubi visum est, proponeret. II. *Christiani Schoettgenii Analecta Monasterii Oesecensis.* Iam Sartorius historiam huius monasterii in Bohemia, ad fines Misniae, non procul Teplicio et Doxano, siti, paucis complexus est. Neque tamen ille integra documenta exhibuit, neque omnino omnia huc spectantia protulit. Quare Auctor, benigna fortuna documenta aliquot nactus, quod ille inchoatum reliquerat, perfecit. III. *Diplomata Miscella Bohemiae XVII. ab A. MCCXCIII. ad A. MDCXIII.* In his eminent prae aliis IV. Georgii Regis Bohem. tabulae pacis, Imperatorem inter et Ludovicum Palatinum ad Rhenum, initae, A. MCCCCLXIII. et V. Uladislai, Regis Bohem. restitutio pacis A. MCCCCLXXXIV. IV. *Calendarium ecclesiae Cathedralis Misnensis.* V. *Anniversarium monasterii S. Afrae, quod fuit Misnae.* VI. *Mortilogium ecclesiae collegiatae Gzzenfis completum, per Philippum Holler, eiusdem ecclesiae Canonicum MDLXX. excerptum a Kreyfigio.* VII. *Calendarium Numburgensis ecclesiae Cathedralis, sive memoriae eorum, qui liberalitate sua ecclesiam cathedralem Numburgi iuvarunt.* Ipse vidit Kreyfigius, non paucos fore, qui haec, tanquam nullius momenti, aspernentur, indignaque publica luce existiment. Neque tamen eiusmodi chartis insignem usum in Geographia medii aevi, et Genealogia nobilium, denegandum esse arbitratur. VIII. *Codex diplomaticus monasterii Buch, ab A. MCXCII. ad A. MDXIX.* Maximi usus esse hunc Codicem, CCLXXXIX. chartas continentem, in historia Misnensi, et praecipue in historia urbis antiquissimae Belgern, huic monasterio olim subiectae, merito Kreyfigius iudicat. IX. *Chr. Schoettgenii Historia Burg-*

*Burggravorum de Leisnig, cum codice Probationum.* Propositum fuit Auctori, ut Schwarzii de hac re libellum, a Menckenio Script. R. G. Tom. III. insertum, et emendaret, et augeret. X. *Codex Probationum, Historiam Urbis Penig simul illustrans, ab A. MCCCXXXVIII. ad A. MDXXXV.* Continet hic Codex chartas L, et cum praecedenti materia ideo coniungitur, quoniam urbs Penig a longo tempore dictis Burggraviis subdita fuit. XI. *Reliquiae diplomaticae Sanctimonialium Beutitzensium, ab A. MCCXVIII. ad A. MDXVII.* Absolvitur hic Liber chartis CXXIV, et monumenta exhibet multo emendatiora illis, quae in Hornii Biblioth. Saxon. manual. de hoc Conventu leguntur. XII. *Chartarium Abbatiae Bosau, ab A. MCXVIII. ad A. MDXLIX. urbi Cizae vicinae.* Chartae proponuntur XCI, quarum ope corrigi possunt, quae apud Leuckfeldum et Schamelium exhibentur. Utrumque enim in apographa manca et mutila incidisse Kreyssigius dolet. XIII. *Chr. Schoettgenii Dissertatio de Nomine Rutheni, quo Advocati de Plauen iam ab aliquot seculis utuntur.* Coniicit Auctor, rationem huius cognominis inde petitam esse, quia Henricus ille, quem primum Rutheni nomine usum esse legimus, vel Russiam petierit, ibique militaverit Ruthenis; vel extra Russiam quoque in exercitu ipsorum stipendia meruerit. Intelligit vero Russiam minorem, in meridionali Poloniae parte sitam, cuius duces vel reges illis temporibus multa gesserunt cum Polonis bella, et cum Germanicis principibus connubia interdum coniunxerunt. Fundamentum suae coniecturae Auctor inde arcessit, quod illo, quo primus Ruthenus vixit, tempore, alii illustres Viri cognomina ab iis regionibus acceperunt, quas peragraverint, vel in quibus aliquamdiu commorati sint. XIV. *Anastasis Elisabethae Senioris, Landgraviae Thuringiae, ut et Misniae Marggraviae, Diplomate authentico restituta, ac varii generis observationibus illustrata, Auctore D. Henr. Gottl. Francke, Iur. Publ. P. P. ac Sacr. Pal. Com.* Agit primum Auctor de marito Elisabethae, Alberto II. Land-



Landgravio Thuringiae et Marchione Misniae, illumque docet minime talem principem fuisse, qualem quidem vulgo depingunt. Exponitur deinde de uxoribus Alberti, et praecipue de tertia, Elisabetha, variaque de illius nomine, quod perperam multi Adelheidem faciunt, natalibusque disputantur. Probat Auctor, et confirmat coniecturam Tenzelii, Elisabetham ex antiquissima Ruthenorum familia ortam fuisse. In medium enim profert diploma aliquod, adhuc ineditum, Friderici Admorsii, in quo legitur: *unsere liebe Mutter Elisabeth Reussin* etc. Qua occasione de origine Ruthenorum, et titulo Advocati S.R. I. commentatur. Pergit porro ad Elisabethae matrimonia, ad filiam iuniorum Elisabetham, ad res gestas Elisabethae senioris, ad annum mortis, et ad varia elogia, quibus ab Historicis condecoratur. Desinit denique dissertatio haec in enarratione morum, quos Germani in decidendis litibus olim observaverunt. XV. *Chartae XLII. Monialium Weidenfium Ordinis Praedicatorum, ab A. MCCCXX. ad A. MDLXI.* XVI. *Annales diplomatici Abbatae Monialium in Franckenhäusen, ordinis Cisterciensis, Dioecesis Numburgensis, in agro Zwickaviensi olim sitae.* Incipiunt hi Annales, multis documentis referti, ab A. MCCLXXI. et in A. MDXXIX. desinunt. XVII. *Historia diplomatica Abbatae Grunhaynensis, ordinis Cisterciensis, Dioecesis Numburgensis.* Dolet Kreyfigius, plurima huius Abbatae diplomata, furore Hussitarum, et rusticorum rebellium, dissipata et dispersa esse. Quae ex tanto naufragio supersunt, collegit tabulas, atque ex iis historiam ab A. MCCXXXVI. ad A. MDXXXVI. concinnavit. XVIII. *Disquisitione de Iurisdictione et Officiis Wirceburgicis Comitum et Principum Hennebergicorum, cum codice Probationum.* XIX. *Reliquiae Diplomaticae Monasterii Veilsdorf, Dioecesis Wurtzburgensis, ab A. MCLXXXIX. ad A. MDXXV.* Laudat in praefatione Auctor antiquus Iohannem Zolner, conventualem monasterii; illiusque, scribit, providentia omnia privilegia monasterii literis comprehensa iussit in volumine registraliter exarari, pro posterorum non immodico

*modico profectu, imo ampliori utilitate.* XX. *Codex diplomaticus monasterii Caldenborn, ordinis S. Augustini, Dioecesis Halberstadenfis.* Continet hic Codex, (in quo colligendo Kreyfigio usui fuit liber copialis, ita dictus, a *Iohanne Esocis*, ultimo Conventus Priore, absque ordine transcriptus,) chartas CCCI. ab A. MCXX. ad A. MDXXXVII.

## ELOGIUM CHRISTIANI WOLFII.

**U**niversi, qua litteris virtutique pretium statuitur, orbis decus nominari meretur *Christianus Wolfius*, qui, incredibili sapientiae ornandae provchendaeque studio, scriptisque pari iudicio curaque confectis, id consecutus est, ut omnis Europa, in admirationem tanti nominis conversa, gravissime ferat obitum Viri, qui, ad asserendum veri decus genitus, videtur omnino mori non debuisse. Dignus ergo est, si quisquam, *Wolfius*, cuius memoria in his Actis Nostis, de quibus, dum vixit, unus omnium maxime meritis est, conservetur, et cuius merita, in illustri velut monumento posita, ita intueantur posteris, ut boni ea imitentur, mali mirentur et formideant.

Silesiam suis illustravit natalibus *Wolfius*, Vratislaviae, urbe celebri et florentissima, anno superioris Saeculi nono et septuagesimo, IX. Kalend. Febr. (d. XXIV. Ianuar.) post horam VII. vespertinam cum dimidia, in lucem editus. Quamvis, qua quisque hora, quove horae momento natus sit, parum referre videatur: ii tamen, qui ex cuiusque hominis genitura futurorum vicissitudines fatorum prospici posse et praedici existimant, in eruditorum vitis enarrandis apprime utile esse aiunt, ut genitalis indicetur hora, qua curatius cognita, fata hominum se dicturos pollicentur. Quorum quidem opinioni etsi non magis accederet *Wolfius*, quam Favorinus philosophus apud Gellium: fuere tamen nonnulla, quae ipsum permoverunt, ut horam, qua nascens primum vitalem hunc spiritum habuit, notandam, et in commentarios suos referendam putaret.

Ienae cum in Mathesi diligentius incumberet, astrologiae quam vocant, iudiciariae, a multis, nec iis indoctis. Viris, plus, quam concedat veritas, tribui intellexit. Quare, ne quid in artis huius mysteriis curiosius rimandis intentatum relinqueret, ipse, iuvenili elatus impetu, verique sciendi ductus studio, hora natalis num sibi esset fatalis exquirere allaboravit, ex praeteritis praesentia, ex praesentibus futura auguraturus. Calculo igitur subducto, rationibusque scrupulosius initis, vidit invenitque multiplicem fatorum varietatem, exitu, quod mireris, post multos demum annos comprobata. Nascendi forte nactus erat parentes, non splendido illos quidem illustrique loco natos, at pios, honestos, et in filio, qui in sex liberorum ordine secundus erat, liberalius educando, adornandisque futurae doctrinae praesidiis, continenter occupatos. Patre usus est cive Vratislaviensi, qui et domicilium Vratislaviae habuit, et honesto nec illiberali opificio victum sibi paravit, coriis alumine subigendis, et ad usum aptandis, operatus. Hic pater, qua erat fide et vigilantia, nihil rerum omnium erat quod mallet, quam filiolum, quem iam utero inclusum materno studiis liberalibus consecraverat, eruditum evadere. Optatis parentum mire respondit pueruli indoles, quae in ipso fulgebat egregia. Vix tertium compleverat annum, cum libros, ut quisque in manus inciderant, arriperet, iisdemque unice videretur oblectari, discendi cupiditatem, tanquam sitim, restincturus. Ubi paulum adoleverat, cum patre, Gymnasii Elisabethani olim alumno, totos dies interrogando, audiendo, discendoque consumebat. Ab hoc vocabula, flectendique voces rationem, perlusum, et quasi aliud agendo, discebat, ita ut, officina coriarii in scholam conversa, nunquam nisi doctior inde rediret. Ex paterna disciplina, nondum completo octavo aetatis anno, ad scholas, Vratislaviae publica constitutas auctoritate, accessit, et in Gymnasio Magdalenaeano profectus sub Magistris haud poenitendis, quorum nonnulli famam nominis sunt consecuti. Initia cultioris doctrinae didicit

didicit a *Pohlio*, cui plus, quam ceteris, quos audierit, omnibus se debere, gratus professus est. Ab hoc ad humanitatem informatus, graecam et latinam linguam avide arripuit. Cum hoc domi familiariter versatus, ad pleniorum utilissimorum, quos legeret, librorum cognitionem deductus est.

Cum divino consilio destinatus esset *Wolffius* ad superstitionem saeculi oppugnandam, et tenebras, quibus circumfusa erat philosophia, discutiendas, rationique, de solio velut deiectae, pristinum decus dignitatemque reddendam, mirum non erat, quod adolescentulus et paene puer ad tam memorabile tantique momenti negotium, abditis quibusdam acrioribusque concitatus stimulis, se praepararet. In linguarum cultura non eum sibi pastum invenisse visus est, quo mens, rerum cognoscendarum avidissima, expleri posset. Quare, cortice relicto, nucleum gustaturus, ad philosophiam se contulit, philosophorumque scholis diligenter interfuit. Tum temporis innumeris scholasticorum sordibus inquinata erat philosophia, et utilissimis quibusque doctrinis multa nox erat offusa, ita ut, si quis cogitationes suas ac studia ad eam referret, nihil aliud videretur agere, quam barbarorum augere gregem. In hos ergo philosophiae scholasticae hortos cum se deductum videret Noster, flosculos, quos decerperet, frustra quaesivit, lolio ubique dominante, sterilique avena. Non tamen remisit studium, sed, animo ad cogitandum composito, lucem scholasticorum tenebris inferre, et, quae cuique termino subiecta esset sententia, diligentius exquirere coepit. Ita se gerendo tantas in philosophia fecerat progressiones, ut ad disserendum aptissimus, exercitatissimos, quin ipsos per saepe Iesuitas, vel ad certamen provocaret, vel provocatus erudite promteque dissentientium infringeret argumenta, et, inciso feliciter dubitationum nervo, victor ex pugna discederet. Quamquam igitur, tanto subtilitatum scholasticarum et conclusionum, contortarum, apparatu instructus, eruditissimis,



mis, qui tum Vratislaviae numerabantur, philosophis, et in his maxime *Hanckio*, Nostrum, in Academiam abiturum; examinanti, satisfaciebat; sibi tamen, suaeque veri cognoscendi cupiditati nondum secerat satis. Cum enim, Logica adiutrice, verum inveniri posse, ex amicis accepisset, quidvis vero potius, quam artem verum invenienti, per scholasticae Logicae regulas adjuvari intelligeret: parum aberat, quin, philosophiae pertaesus, de philosophandi utilitate desperaret. In eo se confirmari senserat crebrioribus *Gryphii*, philosophiae scholasticae insensibilissimi, dictis, quae eo valebant, ut philosophiam, (neque enim tum temporis poterat aliter facere vir eruditissimus,) risui omnium exponeret; nolletque auditorum suorum, quemquam philosophari.

Ab hoc *Gryphio*, qui inter praeceptores *Wolffii* primo loco nominari debet, per amplum politioris litteraturae circum deductus, varios libros, variasque rei litterariae vicissitudines cognoscendi facultatem sibi oblatam sensit. Nihil, praeter philosophiam, in scholis *Gryphianis*, desiderabat. Noster, qui, instinctu naturali vique occulta incitatus, omnia veri per philosophiam inveniendi praesidia cupidissime circumspiciebat. Peropportune ergo, commendatore *Pohllo* suo, et *Neumanno*, Theologo Vratislaviensi eruditissimo, in philosophiam incidit. Cartesianam, non numeris omnibus expletam illam, quidem, at scholastica multo luculentior. Cartesium philosophiam, quae contemplatione continetur, lucem intulisse, inveniebat gaudebatque; at eundem, cum videret, de morum doctrina, integritati suae reddenda, parum cogitasse, ipsum, tum juvenem nondum viginti annorum, incredibile quaedam incessebat cupido, eam philosophiae partem, qua mores conformantur, emendaandi novisque locupletandi accessionibus. Cui quidem consilio, ad felicem perveniendū exitum, inservire *Tschirnhauseni* Mentis Medicinam, sibi toties commendatam, credebat; ex quo quidem libello viam rationemque novas emendi veritates, omnium facillime:

facillime cognosci posse sibi persuasit. Legebat ergo *Tschirnhausenium*, in spem certissimam magnae inde hauriendae eruditionis ingressus. At cum *Tschirnhausenii* Medicinam, nisi rei mathematicae scientia excultus, legere, certe intelligere nemo posset, haerebat *Wolffius*, *αγνων* *μετεγνως* adhuc, ubivis subtimide, multasque, quae ipsum ulterius progressurum remorarentur, difficultates incidere sensit. Percupide ergo accessit ad Mathesin, cuius solide discendae debebat nullam sibi occasionem Vratislaviae oblatam. Qui enim in Gymnasio Mathesin docebant, in figurarum mathematicarum nominibus explicandis, usuque globorum, coelestis et terrestris, demonstrando occupati, ultra progredi nec volebant, nec poterant quidem. Legit igitur, sciendi expleturus sitim, Euclidem, Clavii enarrationibus illustratum, in Algebra ipsum Clavium, in Arithmeticis Horcium, Frisium, alios. Theologiae praeterea, cui se totum consecrare statuerat, plurimum temporis operaeque in Gymnasio impertitus est; quam cum, nisi praefultis historiae ecclesiasticae praesidiis, non recte utiliterque disci, iudicaret *Wolffius*, *Kranzi*, historiam sacram enarrantis, scholis quam potuit diligentissime interfuit, et a *Neumanno*, qui in Gymnasio omnes Theologiae disciplinas perspicue, copiose, et graviter tradebat, ad fontes purioris doctrinae imbibendos deduci se gaudebat. Hoc duce non modo Theologorum, qui se purioribus sacris addictos profitentur, scripta diligentius legebant, sed rationes quoque secus sentientium suis ponderabat momenti, se adversus errorum corruptelas muniturus. Tot ergo multiplicis doctrinae praesidiis instructus, abitum in Academiam meditabatur *Wolffius*, idque suffragante amplissimo Patrum Conscriptorum reipublicae Vratislaviensis ordine, a quo, quod rogarat, subsidium litterarium tanto facilius impetrabat, quanto, exploratione ingenii studiorumque antea instituta, dignior existimabatur, cuius studiis, multum olim patriae profuturis, liberalitate publica subveniretur.

Ienam, anno superioris Saeculi nono et nonagesimo, Virorum eruditissimorum, maxime *Hambergeri*, mathematici ad omnem memoriam insignis, fama meritisque excitus, commeabat, et duo sibi, quae persequeretur, habebat proposita: alterum, ut philosophiam et mathesin, ad quam, natura duce, rapi se sentiebat, diligentius excoleret; alterum, ut ex Theologorum scholis exquisitiorem rerum divinarum cognitionem in patriam referret, sacerdotis munia, quibus pia parentum simplicitas ipsum, infantem adhuc et puerulum, devoverat, obiturus. Humanam sapientiam cum per varias artes scientiasque diffusam esse non ignoraret, eam studiorum inibat rationem *Wolffius*, ut alias disciplinas ab aliis magistris sibi tradi pateretur. Quare *Treumeri*, *Mülleri*, *Hebenstreiti* in scholis, multiplices philosophandi exercitationes obiit, speique, quem optabat, fructum non cepit illum quidem, at, insolito philosophiae, exquisitius discendae, ardore incensus, occasionem in interiores sapientiae humanae recessus, suoapte ingenio, operaque domestica, penetrandi oblata intellexit, mathematicae demonstrationis methodique *à la Bergii*, quam in magistrorum scholis desiderabat, ubique consecrari solitus. *Pufendorfii*, ut hoc utamur, philosophiam de moribus, quae tum celebrabatur maxime, domi sibi examinandam sumserat, eo quidem consilio, ut obscuris lumen inferret, confusa discerneret, incerta suis devinciret legibus, idoneisque demonstrationibus commu- niret. Qua quidem exercitatione, privatim suscepta, cum ad morum iurisque naturae doctrinas ab origine causisque repetendas, acrique iudicio discernendas, nihil utilius esse intelligeret: optavit, ut eandem viam, in tradendis ceteris philosophiae disciplinis, magistri, quos Ienae audiebat, persequerentur. Res ergo ut feliciter procederet, ad scientiae methodique mathematicae praesidia confugit, quibus summotis facile intellexit, omnem, quae in philosophando consumatur, operam, eluso irrita conatu, frustra impendi. Proinde, *Hambergero* duce, cui se per-

perpoliendum dederat, novum inibat diligentiae mathematicae curriculum, in eoque, varii generis institutione, exercebatur mirum in modum. Hunc, quanto cum voluptatis sensu, tanto cum fructu, audiebat quotidie, semperque ipsi affuit, sive *Sturmii* Mathesin enucleatam, sive Mathesin eiusdem compendiarium, aut tabulas in universam Mathesin, explicaret. In *Sturmio* accuratum demonstrandi rationem, Euclideae methodi legibus conformatam, frustra quaesivit, coepitque adeo ipse ea, quae sine demonstratione posita erant, demonstrationibus firmare; id hoc exercitationis genere consecutus, ut par esset in definiendi demonstrandique facultate. Ita, matheseos methodique mathematicae adiumentis fultus, via expeditissima et pede inoffenso progressus est, cum in ceteris philosophiae disciplinis, tum vel maxime in Physica, quam *Hambergerus* docebat, *Sturmii* physicam conciliatricem interpretatus. Quantum ex commentationibus *Hambergerianis* ceperit utilitatis, vel ex eo intelligi potest, quod, uno amplius anno in Academia completo, amicis, quibus multas obici difficultates et scopulos observaret, mathesin traderet, et, exploratissimam demonstrandi viam ingressus, ea commentationibus redderet explicatissima, quae ipsis impeditiora esse, et plusculum habere difficultatis videbantur. Tanta itaque animi contentione, tamque felici successu, consecutus philosophiam, propius ad metam flectebat, et acutius in dies diligentiusque de novis veritatibus inveniendis cogitabat. In quo mire se adjuvari sensit *Tschirnhausenianae* Medicinae Mentis lectione. In quem librum, ut diximus, cum adolescentulus incidere, multas salebras sibi, nondum Geometriae perito, ex transverso obiectas vidit, quas nunc demum, animo exercitationibus mathematicis probe subacto, facilius sapere posse sperabat. Nec fefellit. Alia, correctione modesta adhibita, limabat politius, et, si qua occurrebant enuntiata, quae obscuritatis nonnihil habere viderentur,



ea, notionibus distinctius evolutis, ita illustrabat, ut ipse *Tschirnhausenius*, cuius adeundi Lipsiae A. MDCCII nostro data erat copia, commentationes, quas in methodum *Tschirnhausenianam* adornarat, maximopere sibi probari coram affirmaret, iudicii acrimoniam, sollertiamque ingenii *Wolfiani* admiratus. Tanti viri plausu et assensione acrius inflammatus, ad id, quod in philosophia et mathe- si summum est, pleno contendebat gradu, nullis difficul- tatibus, nullis malevolorum voculis, a veritatis investigan- dae propagandaeque consilio dimovendus. Conatibus studioque non defuisse successus, exitu comprobatum exopta- tissimo. Tantum autem aberat, ut philosophia et ma- thesis *Wolfii* curas ita ad se revocarent omnes, ut scien- tiis sublimioribus tribueret nihil vel temporis, vel ope- rac, ut etiam ad religionis disciplinam, et ad rerum divi- narum intelligentiam omnes cogitationes studiaque con- ferret. Qua de causa, in Academia Ienen- si, sacrorum interpretes, qui ipsi ad percipienda rerum divinarum my- steria viam monstrarent, adeundos audiendosque putabat, ex his maxime secutus *Bechmannum*, et *Treunerum*, quo- rum utrumque, in tradendis divini- oris doctrinae capitulis perindustrium, suspiciebat, ita quidem, ut illius per- spicuitatem, huius acumen ingenii- que suavitates admira- retur, in neutro autem eam demonstrandi vim, quam ex- spectarat, roburque argumentorum et nervos videretur sibi invenisse. Ab auscultationibus, quibus minus, quam optarat, discendi explebatur cupiditas, animum ad medi- tandi, resque altissimi recessus explorandi studium operam- que convertit, et, ut erat finiendi, partiendi, et, ex me- thodi mathematicae legibus, ratiocinandi satis peritus, ita in rebus sacris tractandis tam feliciter versabatur, ut Theologorum enunciata, confusius persaepe dispersa, apto digereret ordine, enuclearet abstrusa, expediret im- plicita, et alia ex aliis nexa colligaret. Quod vel maxi- me apparuit tum, cum, consensu rostris sacris, frequen-  
tius

tius et Ienae et Lipsiae, ad populum de rebus divinis diceret, plurimumque ingenii, nec minus lucis, perspicuitatis, facilitatis, ad res gravissimas explicandas adferret. Qua nerveose differendi dote quamquam omnibus erat admirationi, sensit tamen, se non tam ad eloquentiam sacram, quam ad contemplationem mathematicam, radiumque in erudito pulvere ducendum esse natum. Quare, natura, vel potius providentia divina moderatrice, eam studiorum inivit rationem, eas obeundas exercitationes putavit, ut omnem operam, cogitationesque omnes, Academicarum rei publicae eruditae usibus, scientiarumque incrementis consecraret, otio litterario cum dignitate fruiturus. Optati fructum tulit uberrimum, aliis post alia gloriae insignibus cohonestatus. Quamquam enim exquisitiori rerum utilissimarum scientia, publice privatimque adhuc spectata, plurimum nomini suo decoris amplitudinisque adiunxerat: mira tamen ingenii meritorumque famae accessio facta est, ubi laureae philosophicae condecoratus honoribus, quos rite petenti Praeses Ordinis sui t. t. *Iohannes Schmidius*, A. MDCCII, Lipsiae contulerat, novi nominis dignitatem compluribus variae doctrinae exercitationibus egregie ornavit. Ineunte tertio huius saeculi anno, Magistri ornamenta tuturus, in Academia Lipsiensi, (eo enim, ex complexu spatiusque Academiae Ienensis progressus, se converterat,) conscendit cathedram, ex qua, disputatione in eruditissimorum Virorum consessu habita, tam illustre ingenii lectissimaeque doctrinae dedit documentum, ut Lipsienses, Wolfium Academiae futurum ornamento, augurio haud vano ducti, ominarentur. Luculento enim hoc specimine, quo primum gradum capeffendi muneris academici struxerat sibi, demonstrabat, quantum valeret iudicio, quantum doctrina, ex interioribus philosophiae adytis deprompta. Diu iam multumque de morum philosophia emendanda meditatus, nunc denique hac disputatione primas lineas philosophiae pra-

Mmm

cticae

Æticae universalis, ad methodi mathematicae leges attemperandae, ducebat, idque cum tanto eruditissimi cuiusque plausu, ut ab his velut initiis omnis Wolfiani nominis amplitudo, famaeque celebritas, repetenda videatur. *Godofredus Olearius*, tum philosophorum ordinis praeses, adiutum ad cathedram, more ritumque maiorum, novo Magistro aperuerat, conflictuque erudito cum ipso congregiebatur, nonnullis, iisque exquisitis dubitandi rationibus afferendis, ingenii Wolfiani vires iudiciiue maturitatem exploraturus. Qui vero cum promptius scientiusque, quam a iuvene eius aetatis sperari poterat, dubitationum nervos a disputatore subtili incidi animadverteret, tantis ipsum condecorabat laudibus, quantis par est eum ornari, qui ultra philosophorum vulgus sapit, et de veritatibus inveniendis, scientiarumque finibus longius proferendis, cogitat. Neque soli *Oleario* Wolfianum philosophiam morum novis augendi accessionibus consilium probabatur, sed ceteri quoque Theologi, et in his maxime *Rechenbergius*, plausu dato, honorificentius quam quisquam crediderit de primo Wolfianae eruditionis specimine existimabant. Inprimis *Menckenius*, cuius animadversioni auctoritatisque censoriae subiecta fuerat disputatio, laudat eam amicis, ut elegantem, ut solidam, ut exquisitam denique et limatissime elaboratam. Miratur idem methodi mathematicae, novo et commemorabili exemplo, ad morum philosophiam feliciter applicatae, vim et nervos. *Leibnitio*, at quam acuto rerum philosophicarum et mathematicarum existimatori! scriptum commendat, nec tam commendat, quam mittit. Misisse enim erat commendasse. *Leibnitius*, lecta dissertatione, suavissime afficiebatur, et, novos Magistri Lipsiensis conatus acumenque admiratus, litteris humanissime scriptis eum cohortabatur, ut, qua via coepisset, pergeret, et, maiora ausurus, melius in dies magisque de veritate mereretur. Quo cum accederet perhonorificum *Tschirnhausenii* et *Neumanni* testimonium et  
suffra-

suffragatio, tot Virorum eruditissimorum laudibus acutus incitatus, scholas et mathematicas et physicas aperuit, miraque auditorum frequentia, quamdiu vixit Lipsiae, floruit. Nominis auxit famam dignitas amplioris loci, quem A. MDCCIII, disputationibus ex more iterum iterumque habitis, inter Adscriptos Ordini Philosophorum, merito suo, et magna cum laude cepit. Ita, gradibus velut structis, paullatim pervenit ad eam honorum amplitudinem, qua tot in Academiis, quae ipsum, inusitatis cumulatam ornamentis, certatim suum esse cuperent, ad vitae usque exitum exsplenduit. Anno MDCCVI, quo res Saxoniae, docentiumque adeo circuli, incurfu impetuque Suecorum hostili turbabantur, cepit consilium Lipsia abeundi, litteris vocatus publicis in Giessensem Academiam, ad mathematicum disciplinas tradendas. Iam, collectis vasis, iter parabat: at ipsum, nec opinantem, ad consilium immutandum permovit Virorum, sub id tempus in Academia Halensi summorum, *Stryckii* et *Hofmanni*, auctoritas. Hos enim, cum prius quam abiret ex Saxonia, Halae, honoris officiique causa, conveniret, ab utroque impense vehementerque rogatus est, ut in Academia Fredericiana, ubi rei mathematicae, tum laboranti fere, subveniendum erat, maneret potius, quam de itinere tam molesto, tam ancipitis eventus, ad Hassos suscipiendo cogitaret. Quid Noster? Diu animo multumque in diversa versato, nescit, maneatne an abeat. Tandem persuasum inductuque *Leibnitii*, qui *Wolfium Danckelmanno*, aulae regiae purpurato, prolixissime commendarat, Halenses opportunitates iis, quas Giessensis Academia obtulerat, potiores esse ducit, publicique mathematicum doctoris provinciam, sibi a FRIDERICO I Borussiae Rege, eodemque Academiae Halensis conditore, delatam, cum magna nec incerta spe rei bene gerendae cepit. Halas ergo Saxonum, exeunte Saeculi praesentis sexto anno, commigravit, novam dignitatem auspicaturus.



• Ad tantae igitur amplitudinis munus cum tantum scientiae, quantum studii, adferret; unus omnium maxime ad fundum rei mathematicae excolendum idoneus, abesse non poterat, quin spei Patronorum, desideriisque iuventutis his deditae artibus, cumulatissime faceret satis. Initio quidem, quamquam vel ingenii gloria et acumine, vel docendi suavitate, vel facilitate etiam methodique praestantia excellebat, par certe iudicari poterat omnibus, qui tum Halae vivebant, doctoribus: vidit tamen suoque expertus est exemplo, non semper eruditioni et virtuti parem datam esse fortunam plausumque. Mathesis inculta adhuc neglectaque in Academia Fridericiana iacuerat, philosophandique ardor videbatur tantum non extinctus. Ita mirum non erat, quanta frequentia Lipsiae floruerant scholae Wolfianae, tantam nunc in iis solitudinem Halis fuisse, ut vix pauci ad novum mathematicum doctorem audiendum coirent. Quid ergo Wolfius? Nunquam, in eruditarum exercitationum curriculo, gradum stitit, nec veritatis ornandae studio relanguit, sed tantam in novo administrando munere praestitit fidem, quantam vix vel sperare, vel exigere quisquam poterat. Qua quidem re fiebat, ut scholae Wolfianae gloria magis in dies magisque enitesceret, *Wolfique* vel in docendo perspicuitas, vel exquisitissimum iudicium, rationum pondere delectuque probatum, ubique celebraretur. Insolita auditorum, qui ad ipsum nunc confluebant, frequentia, novusque iuventutis academicae ad matheseos disciplinas diigentius tractandas impetus, philosophiae ad hoc, physices maxime, emendatio et incrementum, *Wolfio* unice in acceptis ferendum, tantam brevi tempore Academiae Halensi conciliabant famam, ut ex pluribus disiunctisque locis, et ex variis et ultimis Germanorum nationibus, discendi cupidissimus quisque Halam commearet, nec, nisi Wolfiana institutus disciplina, quisquam recte philosophari putaretur. Quae ingenii doctrinaeque fama latius evagata, ceteras

ceteras Germaniae Academias tanta nominis meritorumque Wolfianorum admiratione implevit, ut omnes fere tantum decus inviderent Halensibus, nonnullae etiam, in his maxime Lipsienfis, Ienenfis, Vitembergensis, ad se, lautissimis propositis conditionibus, eum invitarent. Sed, regia munificentia retentus, permansit Halae, ubi, crescente fama, auctisque fortunae lautioris ornamentis, tam bene sibi videbatur vivere, ut honore ab exteris sibi oblato, emolumentisque facile careret. Pluris vero, quam omnes alias, identidem propositas, opportunitates, aestimavit gravissimum publicumque, quo a Britannis ornabatur, testimonium. Hi enim, cum in Wolfiani ingenii monumentis, quae mirabantur, non trita, sed nova et exquisita proferri intelligerent, venerabundo cultu tanti nominis permoti, ipsum, nihil huius cogitantem, communibus suffragiis Sodalitati suae Londinati Anno MDCCX. adscribebant, et in praecipuis suis numerabant ornamentis. Ita magnis doctissimorum Virorum, qui trans mare vivunt, studiis laudibusque cohonestatus, abesse non poterat, quin pari honore paullo post a Societate litteraria Berolinensi adficeretur, Consiliarii simul aulici titulo, auctoritate regia, A. MDCCXV adiuncto. Quo novo gloriae theatro aperto, acrius se sensit exstimulatum ad optime mereandum de philosophia, de physica imprimis et mathesi, quibus ornandis emendandisque, divino consilio, natus destinatusque esse videbatur. Eo valebant, quae singulis annis, singulisque fere cuiusque anni mensibus, foras dabat scripta, tam limata, ut vel ob exquisitioris argumenti praestantiam, vel ob miram in invenendis connectendisque veritatibus accurationem, consentientibus eruditorum iudiciis ac testimoniis fuerint comprobata. Gratulari ergo sibi poterat debebatque Hala de tanto Viro, qui Academiae erat ornamento, quem Germania colebat et observabat, quem in pretio habebant Belgae, quem Galli admirabantur, Germanisque in-

videbant, quem suspiciebant Itali, quem Britannii ferebant laudibus, quem Septentrio, ut incomparabile eruditorum decus, mactabat honoribus, et quanto maximo poterat plausu ornabat. At vero, sunt pestes quaedam hominum, aliena laude dolentium, quos quem in furorem agit persaepe invidia? Quanto altius surrexerat *Wolffi* gloria, tanto minus malevolorum obtrectationem, laudibus suis obterendis intentam, evitare poterat. Fit enim ita fere, ut omnes ii, qui veri decus asserunt, errorumque et superstitionis intercedunt corruptelis, indignissimam gloria sua fortunam subire cogantur. Quibus saevientis fortunae procellis exagitatus fuit Grotius, qui, de litteris licet immortaliter meritis, extorris tamen patria, domo, inops, et miseriis coopertus, ubivis tutius, quam inter cives suos vivebat! Quantam iniuriarum molem sustinuit Cartesius, cum de philosophia integritati decorique suo restituenda cogitaret, in discutiendis errorum tenebris unice occupatus! Quantam invidiae tempestatem sibi contraxit Puffendorffius, strenuus, si quisquam, acerrimusque veri assertor! Quam vario iniuriarum genere laceratus, quibus conviciis proscissus fuit Thomaeus, ridiculis Scholasticorum ineptiis exhibilandis extirpandisque intentus! Quam saepe Leibnitius, conficto Atheismi crimine, famae suae labem adpersam vidit! Mirum ergo videri non debet, *Wolffum*, qui horum, quos commemoravi, nemini vel acumine, vel veri propugnandi studio concessit, similia perpeffum esse fata, innumerisque et foedisimis, undique congestis probris fuisse lacesfitum. Ab initio ordiendum est.

Cum plausus laudesque, quibus et commentationes Wolfianae a iuventutis academicae coetu, et scripta ab exteris, iisque eruditissimis, excipiebantur, maiores essent, quam ut collegarum nonnulli aequo eas ferre possent animo: fieri non poterat, quin invidia, obscure serpens, maiores in dies acquireret vires, odiumque, diu iam inclusum

sum in lividorum mentibus et compressum, impetu tandem prorumperet. Neque nulla invidiae parata erat materia. Orationem, (inde enim omnis fortunae, quam subiit Noster, adversae, origo repetenda est,) in illustri Senatus Academici, hospitum, iuventutisque litteris deditae confessu, more rituque maiorum, A. MDCCXXI. habuerat, purpuram cum dignitate Prorektoris Academici depositurus. Qua cum Wolfius philosophiam Sinensium moralem, interspersis subinde Confucii laudibus, nervosius differendo explicaret; aegre id tulit Theologorum ordo, qui, errores, nescimus quos, in ea deprehendisse sibi visus, captabat inde occasionem classici canendi. Alii clanculum ipsum mordere; alii aperte nec dissimulanter, quin etiam pro concione sacra, philosophiae Sinicae errores, eorumque propugnatores gravius obiurgare; alii alia via Wolfium hostiliter aggressi, Spinozismi, Fatalismi, Atheismi, et cuius non Ismi ipsum accusare, omnes autem orationem de Sinensium philosophia adferre tantorum criminum causam et materiam: sere ut Romulus, interemto fratre, muri causam opposuit speciem honestatis, neque probabilem, neque satis idoneam. Litteris, ultro citroque missis, res disceptabatur: tandem vero adversarii, veritatis vi victi, obmutuerunt, aliam, eamque opportuniorem, famae laudibusque Wolfianis detrahendi occasionem arrepturi. Neque defuit ea nocendi cupiditati. Ediderat *Wolfius* A. MDCCXX, atque adeo paullo ante, quam oratio de Sinensium philosophia morali tantos concitarat motus, Metaphysicam, sive meditationes, ad rationis normam conformatas, de Deo, anima, et mundo. Iste libellus, dici non potest, quantas excitarit tragoedias, in Academia maximae Halensi. Indignius ferebant alii, *Wolfium* a re mathematica studium operamque convertisse ad philosophiam, eamque sublimiorem, tradendam; alii, et in his maxime Theologi, idoneum magis, quam nunquam ante, tempus nacti, gravius *Wolfianam*



*fianam μετάβασις εἰς ἄλλο γένος* inculcandi, materiam criminationum ex hoc libello, exiguo illo quidem, at litibus ferendis alendisque aptissimo, arcessebant. Cumque ipsi ulcus hoc tangere nollent, Straehlerum quendam, philosophiae tum magistrum, eundemque Wolfi quondam auditorem, pollicitando et gratia permovebant, ut contra praeceptorem arma ferret, Metaphysicaeque Wolfianae enunciata examini, typis imprimendo, subiceret. Subiecit: at res aliter, ac opinatus erat Theologorum ordo, cecidit. *Wolfius*, caussa fretus, tectusque innocentia, contemnobat potius adversarii, tam imbecillis, tela, quam ut retundenda putaret. Eius rei arbitrium totum refertur ad Senatum Academicum: post, ubi de Straehleriano ausu impudentiaeque Rex factus est certior, fit decretum, uti Straehlerus licentiae graves det poenas, ne scribat posthaec quicquam, quod vel *Wolfi*, vel ullius Professoris Academici, quisquis fuerit, famae detrahere videri queat. Ita tum, compressa Straehleriana procacitate, discescit victor *Wolfius*: at adversarii, qui, iurato foedere, in tanti philosophi perniciem conspirasse videbantur, non, nisi extincto, quem acerrime oderant, *Wolfio*, conquiescendum sibi putabant. In tanto, tamque turbulento adversitatum concussu, mireris, *Wolfium*, quamvis publicis complurium Regum populorumque litteris evocaretur alio, non potuisse tamen adduci, ut locum, quem videbat esse scopulosissimum, nulla, licet lautissima, conditione, undecunque sibi oblata, mutandum existimaret. Petrus I. Russorum Imperator, cui eam Deus dederat mentem, ut impense cuperet, populum, parendi lege sibi subiectum, quem ferocem immanemque natura finxerat, aut efferaverat licentia, ad humanitatis cultum traducere, in eo omnes ingenii contendeat nervos, ut provinciarum suarum urbes, de integro velut conditas, iure, legibus, optimisque moribus emendaret. Quibus cum nationem Ruthenicam inter arma assuescere videret

videret non posse, varii generis artes introduxit, Musarumque sacra, ab exteris adscita et arcescita, benignius recepit, liberalissime eruditos fovit, et magnifice ornavit. Felicitati Ruthenorum reparandae, reique litterariae rationibus in regno suo constituendis moderandisque, unum omnium maxime praeesse voluit *Wolffium*, cui, per aulae purpuratos iterum iterumque A. MDCCXV, et MDCCXX. liberalissime invitato, ea promisit laborum praemia, ea ornamenta, quibus ante id tempus eruditorum nemo in omni Europa fuit cohonestatus. Eodem fere tempore, Nostro Praesidis dignitas in Scientiarum Academia, Vindobonae, Caroli VI. auspiciis constituenda, delata fuit; neque dici fere potest, quanta aemulatione plures alii Principes Regesque tum vel inprimis, cum *Wolffius* Halae iniuriosius tractaretur, in eo ornando et ad summam dignitatis amplitudinem evehendo elaboraverint. Maxime Carolus, Cattorum Princeps, A. MDCCXXIII, qui, tanquam ex specula, fata philosophi prospicere sibi visus, constituto stipendio liberaliori, vereque regio, ipsum ad se invitavit, Academiae Marburgensis, inclinatae iam iam et prope collapsae, rationibus, aut *Wolffii* consilio et eruditione, aut nullo alio modo consuli posse arbitratus. At Noster, ultro recusatis, licet amplissimis, conditionibus, Halae permanere secum constituit; ne, animi fracti et abiecti timiditate et ignavia, cessisse potius malevolorum insidiis videretur, quam easdem constantia et firmitate superasse. Sed vero, quanto diutius commoratur Halae, tanto vehementius sibi videt conflictandum esse cum tortuosis nonnullis ingeniis. Invidia in eam impulerat mentem obtrectatores, ut, quem adhuc satis astute quidem, at frustra aggressi fuerant, ad eum nunc gladiatorio animo, ut ait ille, adfectarent viam. Auctoritatem irae, hucusque sine viribus vanae, adiungunt. Universum Theologorum Philosophorumque ordinem ad arma vocant. Omnes, quos ediderat *Wolffius*, libros su-

Non

munt

munt examinandos, et, quem quisque confutaret, constituitur. Alius alios ex iis excerptit errores, omnes autem, paucos si exceperis, in eo consentiunt, Metaphysicam plurimum continere veneni. Publicantur, qui fuerant excerpti, errores, et, altero alterove conclusi volumine, subiiciuntur eruditorum iudiciis. Wolfius respondet, et ab iniuriis, quibus infamari se aegre fert, nomen defendit suum, editaque commentatione de differentia nexus rerum sapientis et fatalis necessitatis, obtrectatores, criminibus dissolvendis, prostermit. Horum tamen praecipuus, velut dux perpugnax, *Langius*, bellum redintegrat, nec modo, altera post alteram commentatione contra *Wolfium* edenda, turbas auget, in eruditorum invidiam eum adducturus; verum quoque ad regem ipsum *Wolfi* nomen defert de Atheismi crimine, transmissis Berolinum scriptis, Theologorum Philosophorumque nomine confectis. His quidem in scriptis, ad Regem perlatis, multa Philosopho nostro invidiosius afficta fuisse accepimus, de quibus ille ne somniando quidem cogitarat. Haud obscure enim *Wolfius*, in hoc libello, Atheismi inculabatur; et, ne quid confinxisse viderentur, criminationum praesidia causasque ex eo petebant, quod argumenta, pro existentia Dei adhuc adferri solita, infirmaret, quodque, iis prorsus explosis, novum quoddam, idque satis spinosum, innumerisque obstructum difficultatibus proferret; quod item definitionem Dei, erroris plenam, periculosissimam, et talem denique, qualis ab Atheo concedi possit, in Scriptis suis adtulerit; quod libertatis humanae fundamenta evertat; quod Deum esse peccati causam et machinatorem pronunciet; quod doctrinam de miraculis ludibrio Atheorum exponat; quod facile probatu esse neget, genus humanum aliquando initium cepisse; quod denique, propugnatione harmoniae praestabilitae suscepta, hominem ex duplici constitui automato affirmet, atque ita ordinem rerum, fixis immutabilis cuiusdam necessitatis legibus colligatum,

ligatum, defendat. Satis erat, satis criminum, quibus publicus tantorum meritorum doctor postulabatur. Quae quamquam dudum ita omnia diluerat Noster, ut, quae male intellecta fuerant, distinctius explicaret, et, turpissima criminis macula deterfa, innocentiae praesidiis se tegeret: expertus tamen est, virtutem per seipsam saepe parum tutam esse. Quanto enim magis, et Regem, et illustres aulae Berolinensis purpuratos, honori suo favisse adhuc intellexerat, tanto nunc vehementius, commutata subito fortuna, exterrebatur.

Anno MDCCXXIII. d. XII. Nov. regiae litterae ad Senatum Academicum perferebantur. Academiae Prorektor, signo detracto, lectisque litteris, ubi cognorat gravius quid, quam ipsi adversarii opinati fuissent, in *Wolfium* statui, non poterat, quin cum ceteris, qui aderant, academiae magistris, *Wolfio* licet infensis, insolito attonitus stupore, perculsusque terrore, obmutesceret, nec sciret fere, utrum tam tristis nuncius ferendus esset ad *Wolfium*. Ex Regis enim decreto *Wolfius*, de statione graduque deiectus, omnibus exuebatur dignitatibus, et, Hala exturbatus, solum vertere cogebatur. Quod quidem etsi ad percellendum *Wolfi* animum satis esset aptum, ingravescebat tamen terror, cum ex regiis cognosceret litteris, non tergiversandum esse, non moras neccendas, sed prius quam quatuor et viginti horarum elapsum esset spatium sibi Hala abeundum, et ex omnibus omnino provinciis Borussiae intra biduum discedendum. Horret animus, et refugit meminisse poenae, quae constituta ei fuerat contra, quam edicto sancitum erat facturo.

Incredibile dictu est, quanto terrore confuderit haec fortunae inconstantia, non dicam *Wolfium*, sed omnes eius amicos, omnes Academiae Halensis cives, et nonnullos quoque ipsius adversarios, qui, subito velut fulmine percussi, stupebant, nec decernere fere poterant, lae-



tandusne sit potius, an lugendus tam insolitus casus. Quid ergo *Wolffius*? Res suas, quantum per temporis angustiam licet, componit, vasa colligit, dat se in viam, vixque ipsi copia datur unum alterumve amicorum sub discessum salutandi. Atque ita in sinum complexumque Caroli, Cattorum Principis, a quo Noster, ut diximus, tam impense tamque benigne et liberaliter invitatus fuerat, confugit, e turbulento mari tanquam in portum venturus. Ab Carolo tanta excipitur comitate et clementia, ut nesciret *Wolffius*, conveniatne magis mirari inusitatam Principis gratiam, sibi exuli et hospiti praestitam, an novam fortunam, ex commutato rerum suarum statu oriundam. Litterae, Principis sigillo et auctoritate publica munitae, quibus ad novum munus vocatur, septimo die post quam Hala abierat, Cassellis, ab illustri Dalwigkio, cum perhonorifica principalis gratiae significatione, ipsi coram traduntur. Reditus annui, iique opulentiores, constituuntur. Pecunia, frumentum, et quicquid ad bibliothecam supellectilemque Wolfianam Marburgum devehendam requiritur sumtum, id ex aerario publico solvitur, curanturque omnia, quibus ad rem familiarem Marburgi recte constituendam, et ad necessitates vitae expediundas indiget *Wolffius*, ne quid ex repentina commutatione et abitu Halensi caperet detrimenti. Invident Hassis tantum decus cum ceteri populi, tum Saxones vel imprimis, qui, in *Wolffium* omnia ornamenta, liberali manu congesturi, eum in Aeademiam Lipsiensem revocant, additisque pollicitationibus regiis, suum esse cupiunt. At nihilominus, quam decreverat, persequitur viam, et, exeunte huius Saeculi anno tertio et vicesimo, Marburgum concedit, Matheseos et Philosophiae Professoris Primarii dignitatem capeffit, Confiliarii aulici titulo et insignibus, ut ante Halae, condecorandus. Fama praecesserat ipsum magna, maior inventus est. Aperuit, sub huius Saeculi anni quarti et vicesimi initium, scholas et mathematicas, et philosophicas, atque,  
inde

inde ab eo tempore, de somno velut excitata diuturno, revixisse videbatur Academia Marburgensis. Quae enim de *Wolfii* fati Halensibus, mutataque rerum ac fortunarum illius sede, ad omnes Europae populos permanaverat fama, tantum aberat ut ipsius diminueret existimationem, ut etiam maiores, quam numquam antea, gloriae fortunaeque ipsius factas esse accessiones, res ipsa, tragoediaeque exitus unumquemque doceat. Plurimi ad libros *Wolfianos* lectitandos accedunt, nunquam accessuri, nisi erroribus confingendis tantopere infamassent eos malevoli. Innocentes, perspicui, solidi, et bonae frugis pleni a lectoribus recte sentientibus deprehenduntur libri tam famosi. Quid ergo? Laudatur et defenditur Wolfius. Contemnuntur et, gravi notati animadversione, castigantur adversarii. Sic in partes itum est. Alii, qui a *Wolfianis* steterunt partibus, dicti sunt ex eo tempore *Wolfiani*, qui contra senserunt, anti Wolfiani. Praeterea brevi, *Wolfii* adventu et eruditione, sic illustrata fuit Academia Marburgensis, ut ex ultimis Sarmatarum, Dacorum, Suecorum, Helvetiorum, Danorum, aliarumque gentium finibus progressi, frequentissimi ad eum confluerent auditores, ipsaque adeo Academia, quae ante Wolfii adventum a solitudine et vastitate propius abesse videbatur, famae celebritate, et studiosorum frequentia, ceteris omnibus antecelleret, par certe iudicaretur. Extra teli iactum positus, et tanquam in portu tutus, docendo, commentando, varique generis scriptis philosophicis edendis, tempus otiumque consumit, et generoso contemnit animo maledicorum vocular, ad quas, innocentia Principisque gratia tectus, dudum occaluerat. Et qua tandem ratione calumniarum punctiunculis concuti commoverique poterat is, qui, etiam Marburgi, a potentissimis Europae Regibus et Imperatoribus ornari se vidit honoribus invidendis, quos mereri, quam prensare, malisque aucupari artibus, malebat. Anno MDCCXXV, eruditae, quae Petropoli apud Russos floret, Academiae Scientiarum, cui ornandae iam dudum a Petro Magno ma-

xime idoneus putabatur, Professor Honorarius, addita annua pensione lautissima, scribebatur; Augustissimaeque Russorum Imperatrix, conditiones splendidissimas et optabiles, olim oblatas, ipsi etiam nunc in Russia patere, litteris clementissime scriptis significavit. Hos honores, quos nec expetebat, nec expectabat, insecuti sunt multi alii, iique ampliores. Ut enim silentio praetereamus, plurimos, eosque eruditissimos *Wolffi* et philosophiae *Wolfianae* defensores, quorum magnum proventum eo tempore tulerunt omnes fere Germaniae Academiae: quanti convenit illud aestumari, quod Fridericus I. Suecorum Rex, qui Carolo, A. MDCCXXX. placide defuncto, successerat, eadem qua Carolus, et maiori etiam, clementia complexus sit *Wolffium*, et propemodum in amicis et familiaribus habere consueverit? Quoties absens ad Nostrum litteras, clementissime scriptas, dedit? Quoties, cum Cassellis esset, cum *Wolffio*, ad se invitato, sermones, eosque eruditae humanitatis sale perspersos, de rebus gravissimi argumenti consociavit? Quoties eum, praemiis ornamentisque aliis plurimis cumulatam, abs se dimisit? Unicum, (exstant enim plurima regiae gratiae in *Wolffium* documenta,) adtulisse sufficiat. Sub novi anni auspicia clementissimus Rex Noster, ut fere amicus amico, prosperrima quaeque non modo apprecatur, sed, in gratiae singularis tesseram, nummum aureum, eundemque ingentis ponderis, ei dono mittit. Splendent in facie una imagines Maiorum Augustorum, unde genus suum deduxit Regina, in orbem dispositae, Rege centrum occupante. Vix quarta anni pars elapsa fuerat, cum novum gratiae documentum adderet Rex clementissimus. Eum enim, nec opinantem, ad Consiliarii Regiminis dignitatem evehit, illumque inter Professores Marburgenses in ipso corpore tribuit locum, qui splendori huic conveniebat. Ita igitur patuit, tantum *Wolffio*, indignissimo exilio, eripi non potuisse, quantum ipsi, damno reconcinnato, restituebatur.

Anno

Anno MDCCXXIII. nova, eaque illustris gloriae *Wolffianae* accessio est facta. Rex Christianissimus in Scientiarum Academia, quae Parisiis floret, locum, morte illustrissimi Comitis de Pembrock vacuefactum, nostro, licet extero raro et commemorabili exemplo, decernit; quod more consueti rite electum, una cum mathematico quodam celeberrimo, illustris haec Societas illorum dignum proposuit Regi, et prolixissime commendavit. Quae quidem honorum insignia, quemadmodum ad amplissima fortunae et amplioris dignitatis ornamenta, quae paullo post *Wolffio* vel invito obtrudebantur, plurimum adtulerunt adiuventi; ita iudicari potest, quam turpiter tandem malevolentia, in tanti *Viri* exitium adhuc accincta, cesserit virtuti innocentiaeque victrici.

Quae quidem omnia quamquam satis ampla sunt, et ad *Wolffiani* nominis commendationem non modo insignia, verum quoque eiusmodi, ut singularis providentiae divinae, pro tanti *Viri* vita, incolumitate, honoribusque excubantis, vestigia non obscura, sed expressa ante oculos constituent: multo tamen eminentiora restant dicenda, quae vix credat, si qua futura est, posteritas.

Idem ille Rex potentissimus, cuius ira fulmen ante decem annos in *Wolffium* iaculata, maximam omnibus philosophiae cultoribus incusserat formidinem, idem Rex, inquam, a perillustri Cocceio, aliisque eruditis et summis aulae ministris, in mitiorem inductus sententiam, de *Wolffio* Halam revocando cogitare coepit. Mandat Cocceio, A. MDCCXXXIII, ut cum eo per litteras de mutando domicilio, rebusque suis et fortunis Halam transferendis agat, pollicitationibus auctioris et amplitudinis et fortunae adiunctis. Quo nuntio, quem omnium minime expectabat, attonitus Noster, litteris ad Cocceium exaratis, Regis sibi conciliati gratiam gratissimus praedicat ille quidem, at compositae mentis esse putat, non effferri praecipitis impetu consilii, neu, nisi explore, navigare. Sperat praeterea fore, uti Rex, tot inter dubitationes et moras,



ras; alio cogitationes convertat; deque proposito desistat. Quae dum aguntur, fama, ut fit, exit ad omnes populos, de *Wolfio* propediem Halas redituro. Qua quidem re gravius, quam dici fere potest, commoventur Halenses nonnulli, *Wolfio* infestissimi, qui hoc iam agunt, hoc meditantur, ut, si non vi, dolo certe et varii generis machinationibus, reditum in Academiam Halensem, Regisque gratiam ipsi intercludant. Nova confingunt crimina, errores ex scriptis Wolfianis non intellectis consarcinant; quod centies dixerant ante alias, idem dicendo repetunt; in Regis invidiam, callida, ne dicamus, malitiosa interpretatione philosophiam Wolfianam adducturi. Rex, tot dissonis de *Wolfio* iudiciis varie turbatus, ancipiti cogitandi cura distrahitur: at, ne diutius ignoraret, quid in utramque partem recte existimeretur, viam, eamque exploratissimam init, verum, tot discrepantibus amicorum inimicorumve *Wolfi* opinionibus involutum, eruendi. Constituuntur, iussu et auctoritate regia, sub Praesidio Cocceiano, arbitri quatuor Theologi, duo Lutherani, totidemque Reformati, qui, ob acumen exquisitissimaeque famam doctrinae, et posse verum a falso internoscere, et, ob spectatam fidem vitaeque ac morum integritatem, non nolle, recte existimarentur. Hi, partiti inter se operas, controversiae Wolfianae disceptandae negotium, quod ipsis a Rege demandatum erat, ita aggrediuntur, ut aliud aliud scriptum Wolfianum sumat excutendum, omnes autem, causis odii amorisve procul facessere iussis, ad rationis normam, verique praecepta, exigant positionem unamquamque, inprimisque, quos, aut quam graves commiserit errores *Wolfius*, diligentissime investigent. Quod quidem gravissimi momenti negotium a Theologis, ad dirimendas tot lites delegatis, tanta industria, quanta fide, conficitur, exituque concluditur philosophiae Wolfianae satis glorioso. Omnes enim, qui a Rege sumti erant, arbitri, mira testimoniorum consensione pronunciant, philosophiam Wolfianam ab omnibus iis, quos confinxerit invidia, erroribus liberam; seque, negant, in scriptis

scriptis a *Wolffo* publicatis, invenisse quicquam, quod aut ad Atheismi, aut ad Spinozismi similitudinem accedat. Ita cumulate satis sibi factum vidit *Wolffus*, et philosophiae Wolfianae gloria, ad quam obterendam nihil reliqui sece-  
rant invidi, non modo reparata, verum etiam ita aucta ex eo tempore fuit, ut altius surgere non posse videretur. Rex, perspecta Viri innocentia, mutat de philosophia Wolfiana iudicium, nihilque omittit, quod ad ipsum Halam allecandum pertineret. Quid? quod litteras, crebrius repetitas, et sua ipse manu ad *Wolffum* scribit, et scribi iubet per Coeteium, in quibus dat multas nec dubias reconciliatae gratiae significationes, summa ope connisus, ut tantorum meritorum amplitudine insignem philosophum, rogando, hortando, conditionibusque liberalissimis propositis, ad redeundum in Academiam Halensem permoveret. Vice-Cancellarii in Academia Fridericiana, et Consilarii Intimi dignitas splendidissima, cum annua pensione mille et ducentorum thalerorum ei offertur, cum aliis emolumentis, quae optaverant multi, pauci consecuti sunt. Quid ergo Noster? Tot ipsum, gravius commotum, impediunt curae, ut, quid consilii caperet, constituere non posset. Aliud suadet memoria beneficiorum, a Principe suo acceptorum, iisque devincta grati animi pietas, amor item quietis, qua iucundissime perfruebatur Marburgi; metus praeterea hostilium insidiarum, quae ubivis tutius, quam Halae, ipsum vivere sine-  
rent; scriptorum denique formae maioris, quae Marburgi inchoaverat, sine interpellatoribus continuandorum, studium. Suadet aliud Regis potentissimi iterata sollicitatio; ad hoc spes lautioris fortunae, clementissime oblatae, reparandique honoris, de quo non exiguam deminutionem nuperri-  
mo, quod subierat, fato, factam esse putabant nonnulli, malevoli certe; et denique de invidia, publice solennique pompa triumphandi occasio. Diu ita animo huc illuc im-  
pulsus, tandem, litteris submississime scriptis, a Rege petit, ut manendi potius copiam sibi faciat, quam abeundi impo-

nat necessitatem. Acta haec omnia sunt inde ab anno huius Saeculi tertio et tricesimo usque ad noni et tricesimi exitum. Quo quidem sexennio, nescimus an *Wolfio* ullum aliud in omni vita fuerit gloriosius, quippe cum fortuna propitia, aut potius providentia divina, omnia ornamenta, intra sex hos annos, in ipsum congerere voluisse videatur. Sub idem enim tempus, Anno nimirum MDCCXXXIII. Mens. Dec. ab illustri Münchhausenio, Maecenate in exemplum nominando, accipit litteras *Wolfius*, easque benignius et humanissime scriptas, quibus, Georgii, Britannorum Regis, nomine, ad philosophiae mathematicumque disciplinas in Goettingensi, proximo anno condenda Academia, tradendas invitatur, tantis honorum ornamentis stipendiisque oblatis, quanta ipse sibi optaverit, aut esset delecturus. Non ita multo post parem dignitatem et emolumenta ei offerunt Batavi, qui Ultraiectinam Academiam, eruditissimis Viris omni tempore florentissimam, se non ulla re dignius ornare putabant posse, quam *Wolfio*, Mathematicorum Principe, omnisque Europae ornamento evocando. At Marburgi, tanquam in portu, tranquillius, quam alibi splendidius, vivere maluit Noster. Quamquam ipsi, in tanto bonorum cumulo, nihil ad bene beateque vivendum deesse videbatur, quadragesimo tamen huius Saeculi sequentibusque annis, faultrix fortuna eidem ornando ultimam admovit manum, operi suo tamquam fastigium impositura. Anno MDCCXL, mortuo Friderico Guiljelmo, Rege Borussiae, fasces imperii capessit filius, Fridericus II, togae bellicae dotibus eminentissimus. Hic, vix dum conscenso solio regali, nihil prius, quam de *Wolfio*, agit, et in praecipuis maximeque necessariis curis habet, ut eum ad Ius naturae et Mathesin doceadam, atque alia munia amplissima in Academia Halensi capestenda, invitet, stipendium annuum bis mille thalerorum, Procancelarii item Consiliariiue intimi dignitatem, tutissimum denique adversus hostiles insidias munimentum, et quid non?

non? pollicitus. Prolatandis consultationibus tempus extrahere noluit nunc *Wolfius*, tanto promptior ad obsequendum, quanto plus poterat sperare praesidii felicitatisque a Rege, et ipso Philosopho, sine exemplo maximo, et ad Philosophiam ornandam defendendamque tum paratissimo. Pridie ergo Calend. Nov. Marburgo abit, abundi venia, quam a Sueco Borussus, Rex a Rege petierat, impetrata, venitque sexto quam discesserat die post, inter votivas acclamantium voces, inter tot congratulantium studia et certamina, Halas, unde, repentino discessu, ante septendecim annos, tristissimus demigraverat vehementerque conturbatus. Atque ita tandem *Wolfio* in eum, ex quo pulsus erat, locum redeunte, philosophia, velut viatrix, de superstitione et calumniis gloriose triumphavit. Humanissime sub adventum exceptus ab amicis, domique, honoris officiique causa, salutatus a Collegis, nulla interposita mora scholas aperuit, tantaque auditorum floruit frequentia, quanta ante eum philosophorum aut pauci, aut, quod credibilius est, nemo. Omne tempus, quod ad bene merendum de Academia deque philosophia concedebatur, ita disposuit, ut magnam eius partem instituendis litterarum studiosis impertiretur; maiorem vero conficiendis, quae Marburgi inchoaverat, scriptis maioris formae, ex voluntate regia tribueret. Ita factum est, ut et iuventutis academicae serviret commodis, et, admiratione sui exteris iniecta, philosophiae Wolfianae in omnibus omnium fere gentium provinciis, Academiis, Gymnasiisque, cultores excitaret et propugnatores. Ipse Rex, cum, quantum decoris et commodorum adferret academiae *Wolfi* praesentia, intelligeret, eum, magnis licet iam cumulatum ornamentis, maioribus dignum censebat, et splendidissimam Cancellarii dignitatem, mortuo Ludovico, A. MDCCXLIII gratiosissime in eum contulit. Quos honores secuti sunt paullo post alii, iique ceteris omnibus qui praecesserant



certo modo eminentiores. Cum post Caroli VII Imperatoris decessum, superiore Imperii interregno, Maximilianus Iosephus, filius, idemque Elector Bavariae, dignitatis vicariae munus gereret, singulari ductus gratia, *Wolfium*, A. MDCCXLV, mense Septembri, imaginum insigniumque equestrium iure, Liberique Baronis titulo ornamentisque donabat. Quas Nobilitatis tabulas eo spectare volebat clementissimus Imperii Vicarius, ut et meritis Wolfianis monumentum aere perennius exstrueret, et gratiae referendae studium probaret ei, e cuius scriptis, ab Ickstadio sibi explicatis, miram scientiae sublimioris ubertatem et copiam hausisset. Inter gloriae Wolfianae insignia illud denique referendum videtur, quod pretioso numo, in ipsius laudem memoriamque cuso, iterum iterumque fuerit cohonestatus. Genevae Daslerius, flandi signandique aeris peritissimus artifex, hoc se amoris observantiaeque officium debere *Wolfio* putabat, ut numum cuderet, imagine philosophi nostri insignitum, et aliis decoratum simulacris, quibus Wolfiana laus continetur. In parte adversa est *Wolfii* effigies, artificiose expressa, paullulumque eminentior; in averfa sedet philosophia, linteo induta vestitu, et suis ornata comis, in cubitu, quem tortuosus anguis, cauda in os inserta, circum amplectitur. Cornu Copiae gerit in manibus, his additis verbis: Sedes fructusque perennis. Confimili numo Vestnerus, artifex Norimbergensis, *Wolfii* faciem, in aere fictam, amicis dedit, adiecta inscriptione non ineleganti. Kochius denique, Gothanus, in aere sculpendi artificio insignis, memoriam anni, quo Marburgo redierat Halam, ad posteros numo exquiste fabrefacto tradidit. Altera parte conspicitur Wolfiana effigies, altera Hala, supra quam Sol, ex nubibus erumpens, his adiectis verbis: Halam reliquit A. MDCCXXIII, rediit A. MDCCXL. Ea praeterea re multum *Wolfio* declararunt honoris omnium nationum eruditissimi Viri, summi Principes,

cipes, quin etiam Reges, quod, cum nullam sibi tanti Viri coram videndi fieri copiam cernerent, eius imaginem, a compluribus, iisque in arte sua excellentissimis pictoribus, saepius expressam, magno studio, et nonnunquam magnis sumptibus conquissiverint, eamque in Museis, Palatiis, Bibliothecis, tanquam ornamentum praecipuum, posterisque monstrandum, collocarint. Quanta ex eo in Nostrum redundavit gloria? quod Reges, Principes, Comites, aularum, non modo Romanae, verum quoque Europaearum fere omnium Purpurati, sua ad ipsum manu familiariter scripserint, eumque propemodum habuerint inter necessarios. Quanta ex eo, quod Rex Galliae Bibliothecae regiae Catalogum, lautissime excusum, nec nisi regis amicis donari solitum, *Wolffio* dono mitti iusserit! Aeternis in laudibus versantur, sempiternaeque commendantur gloriae scripta, ab ipso edita, quorum tantus est numerus, ut plura scripserit, quam multi alii legerint, tanta praestantia, ut in omni, qua cultior est, Europa legantur, explicentur, mirificoque suffragiorum plaususque consensu excipiantur.

His, quae commemoravimus, cunctis ornamentis honorumque insignibus, multum addidit splendoris dignitas florentissimusque status domus ipsius Wolfianae, ex matrimonio profectus. Anno enim MDCCXVI, Prid. Cal. Octobr. Halae, decimo anno postquam illuc venerat, virginem omnia sexus elegantioris decora complexam, Catharinam Mariam, nobilissimis Brandisiae gentis natalibus oriundam, matrimonio sibi iunxit, cumque ea usque ad vitae exitum iucundissime concordissimeque vixit, tribus filiis ex ea procreatis. Horum duo praematura morte decesserunt: natus maximus, Ferdinandus, tranquillioram vitam, in praedio equestri Klein Dölzig, quod pater paullo ante obitum emerat, ingressus, uberimos paternae gloriae virtutisque fructus percipit. Quamquam autem inter continuas studiorum operas, non poterat

non defatigari *Wolffius*, ipseque, viribus paullatim attritis, et senectute ingravescente, pristinam genuum nervorumque firmitudinem desiderabat, nihil tamen sibi unquam indulisit, neque se ab occupationibus studiorumque curis, quibus inde a prima infantia assuetus erat, relaxavit; quin potius, quantum corpori, meditando nervisque animi contendendis, roboris detrahi animadverteret, tantum vita sobrie temperanterque instituta posse putabat reparari. At cum quod reliquum erat virium, languescente sensim corpore, exauriretur, morbo, qui ipsum debilitate subita A. MDCCCLIII, adoriebatur, gravissimo, tandem succubuit natura. Primum podagrae doloribus, quos fregerat adhuc animi continentia, et temperantia vitae, correptus fuit; mox, sede mali mutata, febris ardor, per omnia membra pervagatus, in interiores corporis partes invasit, et, visceribus ex fecum colluvione corruptis, plenioris intestini morbum, quem *καλίκον* vocant, comitem habuit, omnemque medendi curam, ab Experientissimo Madaio adhibitam, elusit. Nihil ergo praelidii cum reperiret in arte humana, se Deo, Servatorisque sui arbitrio permisit unice, et, aspérnatus caduca, atque aeterna contemplatus, de vita meliore cogitavit; confirmatusque alloquio et precibus Herrenscheidii, Viri muneris gravitate perreverendi, et Christianis expiatus mysteriis, humanarum calamitatum finem, animo fiduciae in Christo positaе pleno, expectavit. Ita, animo ad aeterna composito, suspiriusque his, complicata manu, et tremulo ore prolatis: *O Iesu, mi Servator, corrobora me in hac hora!* morte somno simillima, integra mente, integris sensibus, d. IX. April. Anno MDCCCLIV. acquievit, anno quinto et septuagesimo aetatis, ultra menses duo et sedecim dies, completo. Funere elatus est satis amplo illo quidem perque honorifico, non tali tamen, quale Equestris dignitas, Cancellarii decus et amplitudo, atque tanta tanti Viri merita postulare videbantur. In templo Academico sepultus est,

est, caruitque, ex voluntate sua, laudatione funebri, carminibus, aliaque pompa, et exsequiarum honoribus, quos vivus contemnerat.

Vixit *Wolffius* satis sibi, satis gloriae, sed nondum satis reipublicae litterariae, nec satis veritati, ad cuius decus tuendum genitus, cum plurima pararet scripta, fato occupatus, ea affecta reliquit, quae confecta optimus quisque optaverit. Copiosior, quam huius scriptionis modus capit, foret oratio, si, ex immensa laudum *Wolffianarum* copia, vellemus raras incredibilesque animi corporisque dotes, quibus eminuit, percernere; sique adeo commemorare institueremus, quanta, quamque paene divina iudicii vi et acrimonia fuerit instructus, quantam in rebus abstrusissimis indagandis, penitusque perspiciendis, adhibuerit sagacitatem, quantum acumen in verbis ab erroribus, in certo a verisimili internoscendo, quantam *ἀκριβείαν* sollertiamque adtulit ad rem quamque suis momenti ponderandam, ad implicita enodanda, et, quae soluta essent, demonstrandi legibus vincienda, aptoque sententiarum ordine et nexu digerenda. Dicendarum rerum multitudine obrueremur, si vel paucis attingeremus, quam fuerit boni rectique studiosus, quam vitae integer, quam constans et propositi tenax, quam fortis, tranquillusque in rebus adversis, quamque moderatus minimeque elatus in prosperis, nunquam de gradu depulsus, quam providus circumspectusque in quaque re suscipienda, quam prudens in negotiis sibi commissis, maxime in Consulatu Academiae Ordinisque sui, quam fidus erga amicos, quamque minime gravis inimicis, quam omnibus obvis et expositus, quam alienus ab artibus simulandi, quam in disserendo nervosus, in explicando perspicuus, in demonstrando subtilis, in gravissimis quibusque et sublimioribus doctrinis tradendis tam facilis et dulcis, ut vel ab iis, qui ad subtilitates philosophicas non facti videbantur, iucundissime audiretur, quam patiens laborum,



borum, quam avarus temporis, quam acer religionis Christianae defensor, quam pius divini Numinis cultor, quam assiduus operum divinitus conditorum, summi-  
 que in iis adhibiti artificii admirator, quam accuratus denique, ut hoc addamus, in re familiari constituenda moderandaque. His, aliisque animi virtutibus, plurimum accessit commendationis ex oris corporisque dignitate, quam eximiam et prorsus singularem ipsi tribuerat natura. Animus *Wolfii*, tam raris dotibus cumulatisime praeditus, tantarumque virtutum Spiritus, domicilio, in quo hospitaretur, amplo et magnifico dignus videbatur. Atque hoc divino munere ipsi concessum erat. Venerabili proceritatis iustae conformatione, faciei forma et gratia, igneo oculorum vigore, frontis exporrectae honore, oris suavitate, totiusque corporis, etiam senilis, habitu, ad decorem composito, obvium quemque capiebat, prodebatque mentis, quae in tam formoso diversaretur domicilio, praestantiam virtutesque admirabiles, quarum gloria nullis Saeculorum vicissitudinibus, nullisque hominum iniuriis obsolescet.



# NOVA ACTA ERUDITORUM,

*publicata Lipsiae*

*Calendis Septembris Anno MDCCLIX.*

*Pars I.*

*MAGNUM BULLARIUM ROMANUM, SEU eiusdem Continuatio, quae Supplementi loco sit, tum huicce, tum aliis, quae praecesserunt, editionibus, Romanae et Lugdunensi. Cum Rubricis, Summariis, Scholiis, et Indicibus. PARS DECIMA - TERTIA, (Tomus decimus - nonus,) complectens Constitutiones Benedicti XIV. ab Anno MDCCLII. usque ad annum MDCCLVII, cum Appendice ad Annos MDCCXLIV. MDCCXLV. et MDCCXLVIII.*

*Luxemburgi, sumt. Henrici Alberti Goffe, 1758.*

*Alph. I. plag. 4. fol.*

**C**ontinentur hoc Tomo Constitutiones Benedicti XIV. LXXXI. quarum argumenta breviter indicabimus. I. Erigitur Archiepiscopalis Metropolitana ecclesia Goritienfis; et quaecunque ecclesiam ipsam, Capitulum, utriusque mensam, provisionem vel collationem beneficiorum officiorumque respiciunt, constituuntur. II. Ampliantur et declarantur privilegia et indulta Confraternitati Sanctae Mariae de Succursu contra Infideles, in civitate Ianuae erectae, concessa. III. Confirmatur concordia inter Episcopum Herbipolensem et Abbatem Monasterii Abbatis

P p p

nun-

nuncupati Fulden. Ordinis S. Benedicti, Nullius Dioecesis Provinciae Moguntin. super Iurisdictione episcopali in Clerum et populum ditionis dicti Monasterii. IV. Abbatia Fuldenfis erigitur in Episcopatum, omnibusque iuribus et praerogativis donatur, praeservato tamen statu regulari; ita, ut idem Episcopus et Abbas Fuldenfis sit. V. Conceditur Episcopo Herbipolensi, sub certis conditionibus, usus pallii, et honor praegestandae sibi crucis. VI. Veteres leges adversus Duellantes sancitae innovantur, ac novis confirmantur. VII. Damnatur et prohibetur lectio libri Gallici: *Apologie de tous les jugemens rendus par les Tribunaux séculiers en France contre le Schisme*: etc. VIII. Constitutiones Pontificum Rom. super vetita armorum delatione, retentione, et venditione, confirmantur. IX. Collegiata Ecclesia S. Mariae Maioris in Utinensi civitate Archiepiscopalis Ecclesiae dignitate donatur. X. Indiarum Orientalium Vicariis Apostolicis Episcopis mandatur, ut sibi constituent Vicarium Generalem, cui amplissimae facultates mortuo Vicario Apostolico conceduntur. XI. Edicitur, ne Cardinales Episcopi Suburbicarii, in propria Cappella sui Palatii Romae existentis, suis subditis praeter primam tonsuram maiores vel minores ordines conferant, nisi requisito et obtento Cardinalis Urbis Vicarii consensu. XII. Beatificatur Iosephus a Cupertino, Sacerdos profess. ordin. Fratr. minorum conventual. S. Francisci. XIII. Confirmantur, innovantur, et augentur privilegia Militaris et Hospitalis ordin. S. Iohannis Ierosolymitani. XIV. Constituitur regimen Vilnensis Collegii a Gregorio XIII. pro Ruthenorum et Moscovitarum adolescentium educatione erecti. XV. Solvuntur Monachi S. Basilii, nationis Ruthenae, a lege emittendi quantum votum de non acceptandis Episcopatibus vel Archimandriis absque assensu Superiorum. XVI. Promulgantur regulae ab Apostolicis Vicariis et Sacerdotibus Missionariis, cum Saecularibus, tum Regularibus, in Anglicanis Missionibus observandae. XVII. Confirmantur Apostolicae litterae de Beneficiis et Officiis cu-

ratis

ratis per Indiarum Occidentalium regiones, Saecularibus etiam Clericis, sublato asserto Regularium privativo iure, conferendis. XVIII. Venetiarum reipublicae ius nominandi ad Ecclesias Torcellanam, Caprularum, et Clodiensem, conceditur. XIX. Praescribitur methodus, in examine ac proscriptione librorum a Congregationibus Romanae universalis Inquisitionis servanda. XX. Ad vener. Fratres, Metropolitam, Archiepiscopos, et Episcopos Nationis Ruthenae in regno Poloniae. XXI. Definitur Iurisdictio Rectoris Carpentoraten. in causis civilibus, criminalibus, et oeconomicis. XXII. Innovatur ac confirmatur exemptio Canonorum Regularium et Monialium ordinis Praemonstratensis ab omni Superioritate, Iurisditione, Visitatione, quorumcunque Ordinariorum, per Praedecessores concessa. XXIII. Oppidum Mathelicae in Piceno ad primaeum statum civitatis reintegratur. XXIV. Epistola ad R. P. Nicolaum Lercari, de cultu S. Maronis. XXV. Definitur Iurisdictio Congregationis super Bono Regimine Communitatum, ditionis ecclesiasticae, in oeconomicis et iudicialibus negotiis. XXVI. Tribunali Auditoris Generalis Camerae Apostolicae adduntur duo Praelati Assesores in causis criminalibus. XXVII. Terra Sublaci, aliaque oppida et loca, Monasterio S. Scholasticae Sublacen. antea subiecta, a temporali iurisdictione dicti Monasterii eximuntur, et Camerae Apostolicae incorporantur. XXVIII. Confirmantur Congregationis Cameralis decreta, de privilegiis liberae extractionis et exemptionis a Datis, aliisque oneribus, in Ducatu et provincia Ferrariae. XXIX. Gregorianus cantus, ut a Monialibus ordin. minimor. S. Francisci de Paula adhibeatur, praecipitur. XXX. Conceditur Correctoribus, tum Generali, tum Provincialibus ordin. minimor. S. Francisci de Paula, ius decidendi circa electiones vel alia negotia, quae ad Generale vel Provinciale Tribunal, ob paria post tertium scrutinium suffragia, perveniunt. XXXI. Instituitur Gymnasium in Aedibus Capitolinis, ad exercendos picturae sculpturaeque studiosos. XXXII. Basi-



lica Assisensis S. Francisci in Patriarchalem et Cappellam Papalem erigitur. XXXIII. Ad Albaniae Episcopos de bonis ecclesiae illius regionis. XXXIV. Datur Lucensi Rei publicae facultas, tres viros Rom. Pontif. praesentandi, ut unum ex iis Archiepiscopum Lucanum eligat. XXXV. Ad Patriarchas, Archiepiscopos, et Episcopos Italiae admonitio, ut Christi fideles in rudimentis fidei instituantur. XXXVI. Confirmatur Decretum Congregationis Consistorialis, sub constitutione Innocentii XII. super Capitulationibus sede vacante initis comprehendi Monasteria quoque et Collegia utriusque sexus. XXXVII. Prohibetur, ne Christi fideles, sub Turcarum ditione versantes, ad occultandam Christianae religionis professionem Mahumetana nomina sibi imponant. XXXVIII. Praecipitur Ecclesiasticis omnibus ritus Slavo-latini, ut in Missis Slavum litterale idioma cum characteribus Hieronymianis retineant. XXXIX. Quinqueecclesiensi Episcopo Pallii usus, et praegestandae crucis concessio datur. XL. S. Leoni I. Papae et Confessori Missa et officium decernitur, sub ritu sanctorum Doctorum. XLI. Centum oppidum, civitatis iuribus donatur. XLII. Conceditur Abbati Generali ord. Monach. S. Hieronymi Congregationis Italicae facultas, Cappellis Pontificiis interveniendi. XLIII. Lettera Circolare della Disciplina, diretta a' Superiori Regolari d' Italia, e dell' Isole adiacenti, sopra il dubbio: se li Confessori Regolari, non Curati, siano obligati ad intervenire alla Conferenza dei Casi Morali, ordinata dalli Vescovi nelle loro Diocesi? XLIV. Quaeritur, an pueros, ante usum rationis in odium Christi occisos, canonisari expediat? XLV. Proscribitur liber Gallicus: *Principes sur l'essence, la distinction, et les limites des deux puissances spirituelle et temporelle, etc.* XLVI. Confirmantur privilegia Olivetanae Congregationis. XLVII. Resolutio Congregationis deputatae, super correctione librorum ecclesiae orientalis, super abbreviatione Officii et Missae, pro Monachis ordin. S. Basilii, confirmatur. XLVIII. Ad Vincentium Card. Malvetium, Bononiensem Archiepisc.

de

de S. Philocali, Martyris, corpore. XLIX. Sanctae Inquisitionis Officialium numerus, qualitates, privilegia recensentur. L. Syriacis et Armenis, in Latinorum ecclesiis sacra peragentibus, proprium ritum servandum esse praecipitur. LI. Ad incendium compescendum, ad Ecclesiam S. Nicolai in carcere exortum, minus rite allatam fuisse ex Ecclesia sacram pyxidem S. Sacramentum includentem, demonstratur. LII. Quod Episcopis Vicariis Apostolicis Indiarum Orientalium imperatum fuit, ut si Episcopum Coadiutorem vel Vicarium Generalem non haberent, hunc sibi adsciscerent, id caeteris quoque Vicariis Apostolicis imperatur. LIII. Decretum Pontificium super nullitate matrimonii Violantis Iosephae Henriquez de Almada, et Ludov. Franc. de Asis Sanchez de Baena confirmatur. LIV. Quae exemptio conveniat, ab Archiepiscopi Neapolitani iurisdictione, Hospitali S. Angeli a Nido nuncupati, declaratur. LV. Praecipuus Latinae ecclesiae ritus in celebrandis tribus Missis natalitio Christi die, ab orientalibus non usurpandus, demonstratur. LVI. Decretum in causa Neapolitana Beatificationis et Canonisationis Pauli Buralis, S. R. E. Cardinalis de Aretio nuncupati. LVII. De nova Euchologii editione. LVIII. Conceditur Iacobo III. Romae Britanniae regi, facultas S. S. Eucharistiam suscipiendi, etsi post mediam praecedentem noctem ientaculum, sic valetudine poscente, sumserit. LIX. Auctoritas tum Metropolitani Nationis Ruthenorum, tum Proto-Archimandritae Ordinis S. Basilii M. eiusdem nationis, in Abbates sive Archimandritas Monasteriorum, huius ordinis, definitur. LX. Spolia Praelatorum Neapolitani regni, ut in designatos usus erogentur, imperatur. LXI. Demonstratur congruentia iterum inaugurandi Bononiensem Metropolitanam Ecclesiam. LXII. Definitur iurisdictionis Veronensis Episcopi. LXIII. Utinensi Metropolitanae ecclesiae, Missa de Spiritu S. in die depositionis b. Bertrandi, Aquileiensis Patriarchae, celebranda conceditur. LXIV. Confirmantur privilegia Monasterii

Monialium b. Mariae, ordin. S. Benedicti, Civitatis Aquileiensis. LXV. De Iure Metropolitico Archiepiscopalis Ecclesiae Moguntinae in novam Dioecesim Fuldensem. LXVI. An, et quando adversariis Constitutionis Unigenitus, S. Corporis Christi communio deneganda? definitur. LXVII. An consecratio electi Episcopi, qui fuerat a Pontifice ordinatus Presbyter, ab ipso Pontif. vel ex eius speciali delegatione fit peragenda? LXVIII. Confirmantur constitutiones Praedecessorum, de tondentibus monetas aureas et argenteas. LXIX. Praescribitur ratio construendi processus, tum super statu Ecclesiarum in partibus infidelium existentium, et populum fidelem habentium; tum super meritis praeficiendorum iisdem ecclesiis. LXX. Confirmatur Decretum, de tollendis conciliandisque controversiis inter nonnullos Antistites Indiarum occidentalium, et Missionarios S. I. super concessione dispensationum matrimonialium exortis. LXXI. De antiqui Urbis Panthei, hodie Ecclesiae S. Mariae ad Martyres nuncupatae, conservatio-ne providetur. LXXII. Acta Consistorialia, pro Concessio-ne Pallii Patriarchae Antiocheno Syro-Maronitarum. LXXIII. Brevia ad Patriarcham, Archiepiscop. Episcop. et Proceres Maronitarum. LXXIV. De iure Metropolitico Ecclesiae Moguntinae in Episcopatum atque Ecclesiam Fuldensem. LXXV. Quibus poenis Missam celebrantes, aut Fidelium confessiones excipientes, ad Presbyteratus ordinem nondum promoti subiiciantur, docetur. LXXVI. Eadem, sine Sacerdotali charactere suscipientibus, sinceram criminis confessionem nihil suffragaturam decernitur. LXXVII. Damnatur epistola MSC. *Amplissimis S. R. E. Cardinalibus, et clarissimis Theologis in urbe Praeneste congregatis* etc. LXXVIII. Acta et Decreta in causis Beatificationum et Canonisationum. LXXIX. De S. Proci Martyris corpore, reperto in S. Thraeonis coemeterio, in eadem Ecclesia collocanda. LXXX. De facultate consecrandi Abbatialem Ecclesiam Campidonensem. LXXXI. De Consecratione Ecclesiae S. Apollinaris. Additur praeterea index rerum et verborum locupletissimus. **QUAES.**

*QUAESTIONES MEDICAE PARISINAE.**Ex Bibliotheca GEORGII FRIDERICI SIGWART, Phil.**Med. et Chirurg. Doct. huiusque et Anatomes in Acad.**Tubing. P. P. O. Medic. Aulic. Würtemberg.**Facult. Med. Dec.**Tubingae, Impensis Ioh. Georgii Cottae, 1759. Alph. I.  
plag. 16. in 4to, cum tab. aen.*

**S**chola Medica Parisina, a multis retro annis, tanta laude floruit, tantamque adepta est auctoritatem, ut externi magna semper frequentia ad eam tamquam Apollinis templum quoddam convolarint. E quorum numero cum esset Celeberrimus *Sigwartus*, exercitationes Academicas illas, quae a Doctoribus Medicis ibi quotannis evulgantur, et in Medicorum scholis examini eruditorum subiiciuntur, magna sedulitate conquirit, eo consilio, ut opportuno tempore iunctim eas in vulgus ederet. Consilium istud oppido laudabile, olim iam a magno *Boerhavio* captum, exsequi iam incipit Vir laudatissimus. Collectio praesens, quae prima est, comprehendit quaestiones, quae Anno MDCCXLII habitae sunt, et numerum tricesimum complent. Tot scriptorum summam iam paucis complectimur, omissis, compendii causa, Auctorum celeberrimorum nominibus, quaestionumque inscriptionibus.

*Quaestio* igitur *prima* perdocte disserit de virtute notissimi illius remedii, quod in Anglia adversus calculum viarum urinalium in vulgus emanavit. Postquam symptomata et signa calculi graphice descripta dedit, ipsiusque calculi generationem explicavit doctissimus Auctor, remedii laudati vim ac potentiam in dissolvendo calculo eximiam esse fatetur. Etenim, cum calculus constet partibus terrestribus, quae materie viscosa, tanquam glutine, compingantur ferruminenturque; facile intelligi, qua ratione remedium alcalino-saponaceum, in partes calculi salinas, terrestres, et sulphureas agere, ac gluten eius dissolvere possit.



fit. Ipsa etiam experimenta, a Cel. *Geofroy* de urinis calculosorum hominum, remedium illud devorantium, capta, remedii energiam comprobarunt. Si enim urinae illae vaporent ad siccitatem remanet massa fusca, spissa, salibusque ita referta, ut a centro ad circumferentiam tota appareat striata, cuius deliquium segregatum ab oleosa parte, si iterum vaporet, exhibet sal, sali sodae proximum, simile sali, quod idem Auctor ex sapone extraxit. Urina, eodem remedio impraegnata, urinosum quid alcalinumque redolet magis, quam urina vulgaris; eadem Syrupum violaceum colore mutat viridi, et cum acidis fermentescit paulo vividius, quam solet sanorum urina. In urinarum illarum medio suspensa cernitur materies glutinosa, filamentosa, gossypio quodammodo similis, sibi que sat stricte cohaerens, quae nihil aliud est quam sulphur crassius, nativum calculi vinculum. Plures etiam observationes de calculosis isto remedio tractatis sequuntur; indeque, et ex illis praemissis colligitur, calculo renum et vesicae, pro natura calculi, aetate, et temperamento aegrotantis, remedium esse alcalino-saponaceum Anglicum. *Quaestione secunda* docetur, febrium intermittentium curationem ab emeticis esse auspicandam, propterea, quoniam febres illae a materia cruda quadam, et indigesta, primas vias obsidente, gignuntur, quam vomitibus exturbari posse nemo dubitet. Vomitu praeterea universum concuti corpus, expurgarique. Quibus subiunguntur febrium curationes, a praestantissimis Medicis per vomitoria feliciter susceptae. *Quaestio tertia*, in acutis morbis aliquando cunctandum esse, ita praecipit, ut, quando et quomodo cum bonis aegrotantium rebus cunctari debeamus, ne expertus quidem medicus inde discere possit. *Quaestio quarta* usum adstringentium remedium in evacuationibus diuturnioribus oppido rarum suadet, neque admittit remedia illa, nisi evacuationes ab humorum dissolutione originem repetant. *Quaestione quinta* improbatur internus usus adstringentium ad sistendas haemorrhagias, quod remedia illa humores cogant,

cogant, vascula minima occludant, obstructionibus ergo ac viscerum scirrhis, itemque cachexiae atque hydropi, ansam praebeant. *Quaestio sexta* simplicem vulnerum curationem, et experientiae testimonio, et rationis sensu confirmatam, vehementer, neque indocte commendat. *Quaestione septima* hydrops pectoris, dirum illud morbi genus, describitur, doceturque, paracentesin, quo citius fiat, eo felicior esse. Probantium rationum momenta praebet usus, inde usque ab antiquissimis temporibus frequentatus, ab ipso Hippocrate commendatus, dum pectoris hydrope laborantes lateris sectione curare iussit. Cui sanior ratio utique favet. Ocyus enim instituta paracentesis morbum remediis magis obsequiosum docilioremque reddit, efficitque, ut glandularum infarcti tubuli reserari, vasaque disrupta occludi possint. Nam, humore emissio, diaphragma molesto pondere liberatur, pulmonesque antea compressi liberius expanduntur; unde respirationis negotium sanguinisque motus circularis expeditius succedunt. Cavetur etiam, ne serum diutius stagnans putredini obnoxium fiat. Et si complures sint funesti eventus celebratae operationis, eos non operationi, sed eius administrationi nimis tardatae adscribendos esse patet. *Quaestio octava* terebrationem sterni in mediastini abscessu celebrandam esse evincit; quam cum lectoribus facile probari speremus, nihil ex hac Quaestione delibamus, nisi signa diagnostica istiusmodi abscessus, quae sunt partim communia, veluti febris lenta, tusficula sicca, perpetua corporis macies et pallor, faciesque Hippocratica; partim propria, ut sunt diaphragma pondere insolito praegravatum, ipsiusque elevandi impedimentum, pulmonum expansionis obstaculum, unde respiratio difficilis, anhelosa, suffocans, erecta; in quamlibet partem decubitus impossibilis, in anteriorem tolerabilior, nocturnus frequensque sudor, puris intercepti motus strepitusque auditu perceptus, dolor acutus, durus, punctorius, ipso respirationis momento gravior, et iuxta mediastini in sterno directionem vergens. Quae quidem

signa eo diligentius perquirenda sunt, quo magis constat, in morbi diagnosi potissimum manere difficultatem mendi. *Quaestione nona* ex vulgo notis colligitur, in omni partu fieri operationem chirurgicam. *Quaestio decima* amplam utilemque herniarum descriptionem continens, tum rationibus idoneis, tum observationibus oppido raris docet, in herniis intestinalibus, cognita quoque intestini prolapsi laesione, operationem chirurgicam neutquam esse omittendam. *Quaestio undecima* futuram tendinum dissuadet his potissimum de causis: quia acu punctus tendo, tanquam pars summe sensibilis, acerrimum dolorem, inflammationemque periculosissimam inferat; quia tendinis praecisi extrema raro tam prope ad se invicem adduci possint, ut felix sanatio speranda sit; quia ipsae musculi fibrae futura tendinis moleste sollicitate sese contrahant, vellicentque continuo acu punctum filisque traiectis irritatum tendinem; tandem quia experimenta evictum dent, tendinem Achillis non ita difficulter sanari. Id apud Sineses frequentissimum esse, quippe qui latronibus tendinem illum praescindere soliti fuerint, ut a claudicantium incursum facilius caveretur, iterumque in furto deprehensis promptius iniicerentur manus: cum vero compertum esset, illorum plurimos in integrum restitui, supra et infra nunc resecari, partemque sectioni interiectam eximi, sicque supplicio affectis omnem integrae sanationis spem adimi solere. *Quaestione duodecima* praecipitur, ut, si praegnantia a quacunque causa supervenerit uteri haemorrhagia, quod circa septimum mensem frequentissimum est, partus manu quam ocysime promoveatur, ne et foetus et mater periculum mortis subeant. *Quaestio decima tertia* docet, in fractura cranii benigniori, etiam si distracta et a cranio se iuncta aut inflammata fuerit dura meninx, non protinus ad trepani auxilium confugiendum, sed largioribus et repetitis sanguinis missionibus, victu extreme tenui, resolventium cephalicorum applicatione discussionem humoris in meningibus haerentis iuvandum esse. *Quaestio decima*

*quarta* perdocte conscripta, et multifaria lectione referta, notissimum illud remedium Anglicum, calculo vesicae et renum dissolvendo par, fuse et accurate descriptum exhibet, modum rationemque recte eo utendi tradit, variaque experimenta, quae de pharmacis remedium illud constituentibus, ad varias concretionem lapideas extra corpus humanum dissolvendas, capta sunt, fideliter enarrat, pluresque curationes ope huius remedii, tum ab Auctore, tum ab aliis feliciter administratas, subiungit. Si quis quaerat, unde remedii virtus pendeat, respondetur: a calce, cui soli vivae, praesertim animali, vim inesse calculos solvendi, et experimentis et exemplis compertum se habere asserit Quaestionis Auctor eruditissimus, Legationis Anglicanae Medicus ordinarius. Ex illis autem omnibus colligitur, vesicae calculo scalpellum non semper esse necessarium. *Quaestione decima quinta* sectio urethrae in huius fistulis improbatur, tum propter dolores et cruciatus, tum maxime vero ob incertum exitum, certumque propemodum fistulae iterum erumpentis metum: commendantur autem cereoli, sive ex felum intestinis contortis confecti, sive ex linteo cera imbuto, et in speciem cylindri gracilis effecti, atque oleo obliniti; ex his duplex commodum sperari posse, scilicet quod et medicamenta, pro variis circumstantiis, varia in urinae canalem immitti possint, et quod cicatrici faveant, iter expediant, impedianque, quo minus in plagas contra naturales illabatur lotium. Usus etiam insignem habere praedicantur tunc, cum vasa varicosa vel levissimo conamine sanguinem dimittunt; roborare enim et consolidare solent, vi medicamentorum, quibus illinuntur, et virtute, qua dilatantur, ita vasa premunt, ut ipsis tonus restituatur. *Quaestione decima sexta* asseritur, inflammationem in illis partibus, quae multis iisque capacibus vasis refertae sunt, veluti in membranis, pulmonibus, liene, caeterisque id genus partibus, ad resolutionem promptiorem esse, quam ad suppurationem, propterea quod obstruentes humores hiantia undique adiunctorum vasorum ora

Qq 2

subire



subire, et quâ data porta effugere queant; contra vero, si inflammatio ad musculos, adipem cutemque feratur, omnia ibi suppurationi dicata atque ordinata videri, quia hic vasorum dispositio ea sit, ut, quamvis satis conferta sint, tamen eorum neque adeo frequentes anastomoses sint, neque ita magnae cavitates; hinc sanguinem ibi detentum, non tam libere divagari posse, angustioribus quippe coactum limitibus. Quae cum ita sint, et a suppurationis partibus internis corporis humani magnum periculum aegrotanti immineat, in his partibus resolutionem suppuratione optabiliorem esse colligitur. E contrario quoniam in partibus externis suppuratio facilius fiat, et per resolutionem ipsum semen morbificum non eliminetur, sed ex obstructis partibus abreptum, reliquis humoribus admisceatur, et per universum corpus circumducatur, novis ergo morbis ansam dare possit: in his partibus suppurationem moliendam esse, si quidem inflammatio non a causa externa, sed interna fuerit effecta. *Quaestio decima septima* oculi punctiorem, seu paracentesin, post purgatos humores praemissaque praemittenda, celebrandam proponit tanquam remedium prophylacticum adversus cataractae principia. Ipsa oculi paracentesis praecipitur ita facienda, ut acus lanceolata, cuius acies secandi habilissima latior contractiorve sit, pro diversa corneae perforandae diametro, insinuetur in ipsam corneae dilucidae substantiam, oblique ducta ab imo ad summum, lineae unius transversae spatio aut circiter a conjunctiva distans, utque pars corneae duntaxat infima perforetur, iridi vero et pupillae diligentius parcatur. Quod quidem multis feliciter successisse asseverat Auctor. *Quaestio decima octava* chirurgos admonet, ne, sauciata si fuerit arteria cruralis, pes protinus recidatur, sed ut antea arteria vinciatur, expecteturque, an forsitan propagines quaedam arteriosae tantum sanguinis pedi largiri possint, quantum ad eius nutritionem requiratur. Hac enim vinciendi ratione nihil detrimenti metuendum. Nam si nihilo secius frigus indomitum gangraenam portendat,

teadat, inde non esse, quod nos conatus poeniteat. Omnia quippe ad amputationis opus prompta esse parataque. Sed ingens medentem manere decus, si, quod curationis reliquum, natura idoneis adiuta praesidiis perficiat. Haec autem repetenda esse ab idonea victus ratione, a sanguinis missione pro aetate, viribusque instituenda; calidis etiam spirituosisque inunctionibus partem fovendam esse. In *Quaestione decima nona* docemur, adductis exemplis, ab ictu, lapsu, aut etiam solo nixu, interdum vertebrarum cariem oriri; nonnulla quoque originem gibberis illustrantia, et medelam vitiorum in ossibus frequentium perficientia, in medium proferuntur. *Quaestio vigesima*, in omni tumore ut plurimum tentandam esse resolutionem, iubet paulo generalius; quot enim sunt tumores, qui magno cum periculo discutiuntur? *Quaestio vigesima prima* pericula enarrat, quae metuenda sint, si narium polypos, vel sectione, vel avulsione, vel consumptione tollere velimus; hisque medendi viis praefert ligationem tumoris, sequenti ratione faciendam. Aegro in sella, brachiis dorsoque mobili instructa, collocato, caput retrorsum inclinatum, firma, per nares externas, forcipis non incisoriae crura immitte, ductis cruribus polypum arripe, arreptum leniter foras trahe, quantum substantiae mollities permittet; forcipe hoc in situ manente, filum ceratum, quam alte fieri potest, supra partem foras eductam, religandum iniice, duplici nodo constringe; novae, si possit illaesa attrahi, prodeunti polypi parti alterum filum superius iniice. Tum vel totum opus committe naturae conamini, aut forcice scalpellove portionem humoris, infra deligatum filum adime. Sensim enim polypus, intercepto humorum appulsu, per compressionem solito nutrimento defraudatus, a superioribus partibus disiunctus, intra octo vel novem dierum spatium excidet. Polypum vero in fundo oris pendulum, vel in alio quocunque difficiliore recessu latentem, religare propius ad originem gestienti, instrumento, curracem haqueum deferente, opus est, quodque artius constrin-

gendi atque extrorsum trahendi facultatem ministret. Instrumentum illud sit ad specilli formam fabricatum, pomulo oculato ad extremitatem donatum, incurvum, brevius longiusve, firmum ac solidum, ita tamen, ut angustos narium maeandros absque laesionis metu penetret. Per rimam pomuli oculati filum ceratum, quod extremitate anfulam, curraci laqueo comprehensam, gestet, transagito; dein simul ac pomulum naribus inditur, tumori inducas laqueum, alioque specillo laqueum circum circa ita temperes, ut, dum pomulum altius adigitur, is tumorem aequaliter ambiens, semper adscendat, quoad reniti pomulo aliquid sentiatur. Tum fili extremitatem pendulam trahas, nodoque, pomuli oculati ope firmato, specillum illud pomulo donatum educas, quod per totum curationis tempus, singulis diebus rursus indendum erit, ut filo per rimam pomuli transacto, laqueum magis magisque constringas, quoad tumor oblitteretur. *Quaestio vigesima secunda* tenuium intestinorum vulnera non lethalia iudicat, propter exempla sanatorum vulnerum, quae tenuibus intestinis illata erant. Exempla alia petuntur ab optimis ac peritissimis Auctoribus medicis; alia Auctori suppeditat observatio propria. *Quaestione vigesima tertia* asseritur, suspensoria adhibenda esse in herniis cum adhaesione, in quibus comprimentia subligacula exitiosos producant effectus. *Quaestio vigesima quarta*, perquam erudite et subtiliter tractat de percelebri illa curtorum chirurgia, et varia historiam huius mirandae artis concernentia suppeditat, quae alibi frustra quaeras. Operationem tam singularem Aetis nostris inferere, et posteris tradere, operae pretium videtur. Fit autem hac fere ratione. Decumbat laesus adverso lumine, capite non nihil erecto. Brachium, quod voluerit operationi committere, fotu adstringente prius munitum, non plumeo, sed laneo pulvino, manu fere supina, imponatur, firmiterque contineatur a ministris. Cutem, cui subest musculus biceps, digitis aliquamdiu palpet Chirurgus, sursum deorsumque, et hinc inde a lateribus

bus trahendo, ac retrahendo, ut ea laxior aliquanto, et a subiectis nexibus expeditior fiat. Praesto sit forceps, cuius alae, manubrio ductiles, arcuatae sint, et utrinque limbo instructae complanato, quatuor aut quinque digitos longo, unum circiter alto, intus mediocriter laevigato: in cuius ima parte rima sit, per totam fere utriusque limbi longitudinem excurrent. Cutis, quo dictum est, modo contrectata, digitis fortius retrahatur a musculo, ea latitudine, quam sartura facienda requirere videbitur: forcipeprehendatur, punctumque per rimam adacto transfigatur scalpello ancipiti, ad utrumque rimae extremum caesim ducendo. Hic, sectione facta, eximatur: linteum valde tritum ac molle, sua latitudine incisionis longitudini ad unguem respondens, inducatur: forcipe remoto, laxetur cutis: et ea propago est, quae iam educanda, et ad maturitatem perducenda venit. Refrigerantibus, adstringentibus, sanguinis denique et humorum fluxioni obfistentibus, quibus iam linteum, antequam immitteretur, imbutum est, foveatur vulnus, deligetur, et curetur, ad absolutam usque suppurationem. Hac peracta, et vulnere propemodum siccato, secundam licet moliri sectionem, qua propaginis pars superior a brachio seiungatur. Ea commodissime fiet immisso subter propaginis apicem vaginato illo et elastico scalpello, cuius utilitatem ad annulos musculorum dilatandos, in ramicum curatione, temere iactaverunt, sed quo in *Φιμώσεως* sectione convenientius utuntur. Quatuor iam medicanda patent vulnera: duo vetera, nempe area in brachio nudata, et propaginis interior facies, quae ita curanda sunt, ut illi novum tegumentum, huic vero callus increseat: duo recentia, pariter ad cicatricem aut callum perducenda, nimirum superior margo propaginis, et locus unde fuit excisus. Quibus peractis, infitioni locus erit. Curtae itaque nares scalpello, secus cicatricem ducto, incidantur: ad huius incisionis ambitum propago accurate figuretur, resecto, quod in eius oris vel callosum fuerit, vel mensuram excesserit.

Ad



Ad brachium caput sic admoveatur, ut, flexura cubiti ad altitudinem superciliarum elata, capitis verticem vola manus, digitus medius suturae sagittalis cum lambdoide commissuram attingat. Dum hoc in situ brachium detinetur, ad sulcum recens naribus impressum, adducatur margo propaginis, et consuatur, totuplici acuum curvarum traiectu, quot punctus exiget vulneris amplitudo. Sutura convenientibus linamentis et medicamentis, secundum artem, muniatur, et, quo dictum est, positu, brachium cum capite, axillis, et pectore deligetur, immotumque servetur. Quinto, sexto, aut septimo die, solvenda sutura est, et expectanda partium commissarum firma et absoluta coagmentatio. Ubi res eo devenit, ut ab ipsis, quibus insita est, naribus, nutrimentum queat capere propago, huius amputanda radix, et vinculis brachium liberandum est. Iam naso pendet rudis adhuc informisque lacinia, numquam interrupto demulcenda fotu, et solo novi hospitii commeatu nutrienda. Interim eius interiora magis ac magis exsiccare et solidare, radicique resectae suppurationem et callum inducere oportet: tum nasi globulum, foramina, et columnam delineare, ac sectione multiplici fingere: haec vulnera curare, columnam inferere et consuere: iis omnibus tandem genuinam nasi formam, tubulis intus inditis, tectorioque primum plumbeo, mox argenteo vel aureo, extrinsecus adhibito, conciliare. Quo dierum numero huiusce operationis partes omnes absolvantur, definiri vix potest. Sunt enim permulta, quae curationem contrahere possunt, vel producere. Raro tamen ante sexagesimum diem, tantum opus coronidem obtinebit; rarius ultra octogesimum excurret. *Quaestio vigesima quinta* id, quod ultro largimur, satis prolixè et perplexe demonstrat, scilicet, inter sanitatem et morbum esse statum quendam intermedium. *Quaestio vigesima sexta* de tono solidarum partium humani corporis ita exponit, ut, perlecta quaestione nesciamus, an Auctor omnium, an vero tantum multorum morborum causas, a laeso tono partium deri-

derivandas esse iudicet. *Quaestione vigesima septima* humorem perspiratorium esse excrementicium negatur, propterea, quod Auctori recte quidem videtur, non omnem humorem ad cutem delatum ex corpore aufugere, sed partem eius ad sanguinis massam remeare. *Quaestione vigesimo octava* breviter asseritur, humani corporis calorem non solum a cordis arteriarumque tritu originem trahere, sed etiam a vorticoso sanguinis motu, cuius ope sulphureae eius partes, in turbinem actae, schema sphaeroides adsequi teneantur, ac perenni tritu atque vibratione calorem augeant. *Quaestio vigesima nona* colorem Aethiopum inde oriri docet, quod vascula cutanea sanguinem proprie dictum, salino-sulphureis partibus refertum admittant. Id intelligi ex natura, sorte, et conditione Nigritarum, quam quippe eam esse, ut sub deurente coelo vitam degentes, ipsius fere nudi actioni exponantur; inde magis dilatari cutis vascula, ad extremam usque cutis superficiem propelli laticem purpuream. Praeterea duris, nec fere interruptis operibus, vacare Nigritas; inde fieri, ut subtilioris humoris transpiratorii effluvium copiosius relinquat crassiores pinguesque partes, quibus Nigritarum cutis foedari soleat. Ad hoc etiam conferre alimenta, plerumque salina, ac farinacea, et ex radice *Maniack* confectum cibum, Aethiopibus dictum *Cassave*, item frequentem usum piperis ac potulentorum spirituosorum. *Quaestio ultima* intestinorum valvulis vim atque potentiam in chymum propellendum ullam esse negat. Haec haec tenus. Si vero nunc de descriptionibus ipsis iudicium nostrum ferre velimus, fatemur quidem, non omnes ac singulas eiusdem pretii esse; nihilo minus tamen optamus, ut Cel. *Sigwartus* etiam caeteras, quas in promptu habet, scriptiones huius generis nobiscum communicare velit. Bene de re medica universa merebitur, cuius ipse ornamento insigni est.

Olof Dalins Geschichte des Reichs Schweden &c.

i. e.

*HISTORIA REGNI SUECIAE, ORDINE ANNALIUM  
scripta, ab OLOF DALINO, e Suecico idiomate in  
Germanicum verterunt I. BENZELSTIERNA, et  
I. C. DAEHNERT, Professores in Academia regia  
Gryphisvaldensi. TOMUS I.*

Gryphisvaldiae, apud Hieron. Ioh. Struck, 1756.

Alphab. 3. in 4.

**S**ueciae historiam antiquissimam, ut plerarumque gentium aliarum, iacere in tenebris, nemo ignorat. Quod e periodo gentili supererat monumentorum, id fere omne sub initia Christianae religionis interiit; estque prodigio simile, aliquem saltem illorum apparatus ad nostra usque tempora pervenisse. Qui praedicando Evangelio adhibiti fuerunt Monachi, stulto zelo, multa talium monumentorum destruxerunt; quod crederent, cum istorum interitu, Christianae religionis progressum coniunctum fore. Fuerunt alii, qui avide conquirerent, quidquid forte latuisset adhuc; sed etiam istud magno Sueciae incommodo: nam extulerunt in regiones alias, atque adeo domesticis divitiis spoliarunt Sueciam. Iam Anno MCXXXIV. Princeps Danus, *Magnus Nilson*, quidquid potuit coacervare membranarum, in Daniam detulit; cuius exemplum decimo tertio Seculo imitata est *Mechtildis*, Adolphi filia. Iniquior his *Waldemarus*, Daniae Rex, quidquid ad Scaniam, Hallandiam, et regiones conterminas pertineret, rapuit, atque, teste Saxone Grammatico, Anno MCCCLX. igni tradidit. Crevit ea Sueciae infelicitas, unitis, quae in Septentrione sunt, tribus regnis, regnante potissimum *Margaretha*, Waldemari filia, atque *Erico Pomerano*: quod eleganti commentatione, *de defectibus Historiae Sueciae, memoriae Scarinus* prodidit. Mox Pauli II. P. M. indulgentio-

gentiopola, *Marinas a Fregeno*, quidquid potuit veterum monumentorum e Suecia Lubecam abstulit, inde Romam petiturus, nisi fuisset in itinere a praedonibus expilatus. Leo X. ille bonarum litterarum per Italiam restaurator, in eunte XVIto Seculo, *Iohannem Heytmerum de Zonvelben*, per omnem Septentrionem misit, ut, quae studiis literarum profutura ibi locorum reperiret, ea omnia Romam deferret; quod deinceps causae fuit, cur Iohannes atque Olaus, Magni, magnam e Suecia talium monumentorum copiam, domui S. Brigittae, quae Romae est adhuc, inferrent. Neque surgente in Suecia Evangelii luce, habitare in tuto monumenta domestica potuerunt. Quemadmodum enim monachi gentilibus: ita papalibus Evangelici sacrorum ministri, interitum accelerarunt. Eiusmodi tyrannidem exercevit *M. Abrahamus Andreae*, qui, quidquid erat monumentorum S. Brigittae, Catharinae, Ingridis, Helenae, Sanctorum item, Nicolai, Sigfridi, Brynolfi, Davidis, Eskilis, Holmgeri, et talium, id omne diruit. Imitatus hominis eius stultitiam *M. Ericus Schepperus*, omni opera elaboravit, ut pari facinore posteris innotesceret. Secutis temporibus, aut cupiditati exterorum, quod monumentorum supererat, aut flammis cessit. Commode tamen exeunte nono Seculo acciderat, ut Islandia primos e Suecia et Norvegia incolas acciperet, qui in hanc ultimam Thulen multa ad res Septentrionis pertinentia secum deportarunt, unde deinceps, religiose custodita, (ut e. c. fabularis Septentrionis historia, Eddam vocant,) intaminata redierunt in Sueciam. Iam circa annum MCXIV. repertus est *Sämund Sigfussön hin Frode*, Islandus, qui Collectionem istiusmodi monumentorum institueret; sed opus hoc fere interierat, cum integro Seculo post, *Snorre Sturlesön*, et ipse Islandus, Sibyllae quasi folia colligeret, Eddam et Scaldam conscriberet, adderetque opus aliud, *Heims-Pringla* dictum, quo, aiunt, habere se Septentrionis incole faciem quasi aliquam, illustrandae antiquissimorum temporum memoriae. Putant, nimirum, e Runis,



quos secum e Suecia circa A. MCCXVIII. in Islandiam detulit, plurimum profecisse. Atque haec est veteris historiae Suecicae facies, cui neque demere fidem, neque addere, temere possis. Magno igitur beneficio rempublicam litterariam adfecit *Daliner*, Vir illustris, et laudibus nostris maior, quod, cum publica auctoritate imponi sibi scribendae, patria lingua, historiae patriae provinciam pateretur Anno MDCCXLIII. ea opportunitate ita usus est, ut *Primo hoc Operis Volumine*, vetustissimam Suecicae historiae memoriam recoleret, eam a multis multorum fabulis purgaret, atque adeo caveret sollicitè, ne, etiamsi certo vera constituere non posset, novis difficultatibus obscurissimam historiae periodum implicaret. Nulla est Historico scripta lex, quam non sibi dictam Auctor putaverit; estque paene miraculo simile, in tali monumentorum vetustissimorum siccitate, ita orationem attemperasse Dalinum, ut cum voluptate eius Commentarios legas. Facile igitur carebimus impostero difficillimis nugis *Rudbekii*, *Saxonis Grammatici*, *Ioannis Magni*, *Gothi*, aliorum. *Rudbekii* enim *Atlantica*, etsi magnam ingenii vim produnt, tamen ad fidem historiae nihil, aut certe admodum parum faciunt. *Saxo Grammaticus*, sacrorum Londini Scanorum duodecimo Seculo minister, unus omnium maxime septentrionis historiam deturpavit fabulis, (quod *Kil. Stobaeus* pec. programme Anno MDCCXXXV. edito evictum dedit,) quae fabulae, integris quinque Seculis veritatum numero habitae, nondum penitus e regionum istarum historia profligari potuerunt. *Upsaliensis* denique, tempore sacrorum emendationis, *Archiepiscopus*, *Ioannes Magnus*, *Gothus*, serie regum Sueciae, inde ab antiquissimis temporibus, quam impudenter effictam conscripsit, omnem Septentrionis historiam conturbavit. Alia igitur *Erico Benzelio*, Viro multis et magnis in rempublicam litterariam meritis claro, semita quaerenda fuit, ut, patriae historiae aliquid lucis allaturus, tuto incederet: quem secutus *Jacobus Vilde*, Sueciae Historiographus, ita in historia regni illustranda versatus

tus est, ut haberet iam *Dalinus* non solum praeclara exempla quae imitaretur, sed monumenta etiam probatae fidei, quibus, scribenda ipse Sueciae historia, inniti posset. Ad iutus praeterea Archivorum, Bibliothecae item regiae, suae fidei commissae, et privatarum aliquot, ut Baronis *Gustavi Rölambis*, et Comitis *Caroli Gustavi Bielke*, eximiis copiis, Sueciae nobis Historiam dedit incomparabilem, et quae omnes omnium laudes supergreditur. Dictione utitur plana, veritati historicae accommodata, igitur quaesitis ornamentis recte destituta. Opinionibus non indulgit, nisi verisimillimis. Testes toto Opere excitavit tales, qui non facile a quoquam reprehendantur, recentiores potissimum, qui ad veterum monumentorum praescriptum exegisse libros suos censentur. In quo quidem lectorum commodo consultum ivit, quibus aut non sunt ad manus antiqua illa; aut, si sunt, consulere ea non vacat. Hoc autem tale opus egregium *Dalini*, V. Cl. non legeremus Germani, (nam quotusquisque Suecorum linguam callet?) nisi reperti essent duumviri, doctrina et muneribus clari, Suecus alter, *Ioannes Benzelskierna*, alter Germanus, *J. C. Dähnert*, in regia studiorum Universitate Gryphica Professores, qui societate inita, in germanicum sermonem transferrent, atque adeo versionem darent, magna accuratione et studio factam. In quo consilio si inest aliquid reprehensione dignum, profecto istud est, quod in vertendo libro egregio, nullam eorum, qui Germanica non intelligunt, rationem habuerint, quodque adeo nostrum idioma praetulerint latino, quod tamen est omnium doctorum hominum. Quas *Benzelskierna*, Vir doctissimus, et historiae patriae perquam gnarus, observationes superaddidit, inprimis eo pertinent, ut, quae vel e Suecicae linguae rationibus obscuriora videri possent, vel non satis essent ab Auctore, studio brevitatis, declarata, ea uberius illustrarentur omnia.

Iam de ipso Opere dicamus, cuius *primum Volumen* de vetustissima Sueciae historia exponit, estque tributum in Capita XX. quibus historiae filum deducitur usque ad ex-

tinctam in Suecia Ynglingorum gentem, hoc est ad annum Christi MLX. Gratiam nos inituros a lectoribus credimus, si, quae cuiusque capitis summa sit, indicaverimus. Est igitur *Cap. I.* de Geographia veteris Sueciae. Difficile argumentum; quod altitudini aquarum, earumque diminutioni successivae, (quae prodire fecit montes altissimos, insularum specie, atque in iis marina illa omnia, quae male a diluvio plerique repetunt,) innititur. Adeoque e mari Suecia prodiit; quod ab illustri Dalino, in Praefatione Tomo II. huius Operis praemissa, ab obiectionibus omnibus vindicatum est. *Capite II.* de primis Sueciae incolis sermo est. E Scytharum prosapia repetuntur, qui variis nominibus, ut Getarum, Gothorum, et sic porro, inde ab antiquissimis temporibus inclaruerant. Inprimis e stirpe Nomadum; de quorum moribus, excursionibus, bellis, multa hoc loco, docte, et magna lectionis copia, disputantur. Efficitur denique, Regem Nomadum, Idan-Thyrse, attritum bello, quod ei Darius Hytaspis intulerat, uxores, liberos, et quidquid carum Scythis suis esset, circa annum ante Chr. nat. DXVI. in septentrionali hac plaga quasi in tuto collocasse. Probabilis coniectura est, transisse eos hodiernorum Russorum et Finlandorum fines, atque prominentes tum e mari scopulos occupasse. Pergit deinceps Auctor doctissimus *Capite III.* de continuatis populorum e Scythia in Septentrionem immigrationibus exponere. Certum est, teste *Tacito* de mor. Germanor. c. 2. non terra olim, sed clasibus advectos, qui mutare sedes quaererent. Atque haec faciendi itineris ratio, in Septentrionem tendentibus, unica fuit; non enim, aquarum altitudine tegente quidquid; ibi nunc terrarum est, dabatur optio. Pars Nomadum, *Wodini*, (seu Budini) inter primos Sueciae incolae censentur. Gens in colendis diis tam assidua, ut Scriptoribus quibusdam antiquis Sancta dicatur, quemadmodum Pomponio Melae, de S. O. III. 5. Mortuorum inprimis cadavera magna veneratione prosequerantur, eaque cryptis crediderunt, quae secuto tempore Gigantum sepulcra,

pulcra, aut *Kumbl* dicta sunt, e quo posteriore vocabulo, igitur a primis Sueciae incolis, repetenda est *Aera Kumblarum*. Tres istiusmodi computos constituunt Septentrionalium antiquitatum curiosi, apud Gentiles istarum regionum usitatos. Nimirum, ut Graeci per ludos Olympicos, ab Urbe condita Romani, Christiani a nato Servatore, Muhammedani a Prophetae sui fuga, annos numerabant: ita Septentrionales populi antiquissimi, a diversitate rituum sepulturae aeram duxerunt. Primi omnium sepulcris condebant mortuos, antiquissima igitur fuit *Kumblarum aera*: post Odinum cremabant cadavera, quam poterimus *aeram crematoriam* dicere: ultima omnium est *aera collium*, quod colles superimponebant suorum sepulcris, quorum adhuc per omnem septentrionem insignis copia superest. Wodini igitur, assumtis, paullo ante bellum Macedonicum, in societatem sagittiferis *Gelonis*, (ita dicuntur *Virgilio Aen. VIII.*) cum his, et *Neurorum* colluvie, (populus erat e Scythis, Graecis, et Hebraeis mixtus, cuius posterii sunt Fenni, Lappones, Aesthii,) migrationem in Scandiam susceperunt; quod ipsum Scandiae nomen e Scythico ductum est. Hic veterum *Thulen A.* collocat; quam sententiam pag. 47. not. d) argumentis confirmare nititur. Primi isti Septentrionis incolae, tercentorum annorum intervallo, tantopere accreverant, ut iam C. ante Chr. nat. annis dimitterent coloniam, e Sevis montibus, *Sevos*, (quos metri causa Lucanus, Silius Ital. alii, *Suevos*, et reliqui deinceps Scriptores ita perpetuo nominarunt). Hi viam quasi monstrarunt emigraturis deinceps popularibus: diffusi enim orientem versus, quem maxime omnium noverant, per Esthiam, in omnes ad Balthicum mare terras pertigerunt. Hinc est, quod primas Suevorum sedes ad mare istud Scriptores omnes collocant; et quod Germani, cum quibus coaluerunt deinceps, per legatos ad Caesarem, fassi sunt, Suevis ne deos quidem pares esse. Accenset Suevis illustris Auctor *Ingaevones*, (*Ingemänner, Engemänner, Angemänner*,) qui in angulis, atque maris et montium abditis,

habita-



habitaverint, indeque egressi, Ingermaniae nomen dederint. Horum propaginem, ait, *Anglos* fuisse, a quibus tenuis inferioris Germaniae angulus, Angliae nomen acceperit, et quorum colonia, medio quinto Seculo, in Britannia sedem sibi quaerere instituerit. Hoc si verum est, male adhuc ad Saxonum genus *Anglos* retulerunt, quotquot fecere mentioem populorum Germaniae. *Caput IV.* quod est de constitutione interna antiquissima Regni Sueciae, deque eius commutatione per *Odinum* facta, primum exponit quo tempore Romanis Sueciae incolae innotuerint, (imperante nimirum Augusto, forte XV. a Christo nato annis;) deinceps de illorum piratica, unde *Wikingar* et *Askemanni* dicti fuerint; de primis eorum imperantibus secundo post Christum natum Seculo, quos *Fylkis-reges*, huic vel illi tractui praefectos, nominabant; de *Odini* ex India adventu circiter A. C. CXXX, metu Romanorum; de partitione Septentrionis inter eius filios, dum ipse Sueciae dominatum arripit, eique novos mores, novaque instituta inducit; de legibus denique, de deorum cultu, de tributis, deque *Odini* morte, quae A. C. CL. accidit. *Capite V.* de Theologia vetustissimorum Suecorum exponitur. Unum omnipotentem deum *Odini* nomine signarunt, eiusque talia attributa venerabantur, qualia nullus paene inter gentiles populus. Nolumus describere plura; nam dignum est non solum hoc caput integrum, sed totus omnino liber, qui a capite ad calcem legatur, magna lectionis copia ita exornatus, ut difficulter ab eius lectione recedas. Ponemus iam solos capitum indices, decerptis rebus admodum paucis; cetera integra relicturi historiarum amatoribus. Sunt igitur: *Caput VI.* de Idololatria veterum Suecorum: *Caput VII.* de eorum Legibus, deque habitu regis ad populum. Est hic locus insignis de electionis libertate, deque lege regia illorum temporum. *Caput VIII.* de veterum Suecorum litteratura. Exponitur hoc loco de Suecorum lingua, scriptura antiquissima, de *Runis*, earumque usu, de Poetis, (inter quos *Scaldi*, quorum carmina, ad

ad morem Sapphycorum composita, antiquissimum annalium genus adpellat *Tacitus*,) de agricultura, de commerciis, de arte bellica et armis. Sub finem capitis respondetur, (vellemus modestius,) obiectionibus *I. D. Michaelis*, Viri doctissimi, qui aliquo loco Ulfilanum codicem argenteum literis Francicis, non Gothicis scriptum, pronuntiaverat. *Caput IX.* de veterum Suecorum moribus et consuetudinibus. Laudantur ab hospitalitate, a cultu Senum, a frugalitate, (quae fere antiquissimarum gentium omnium praerogativa est,) ab honestate connubiorum, a fortitudine sexus sequioris. *Caput X.* de Gothorum e Septentrione bellicis excursionibus. Iam igitur ad historiae filum redit Auctor, inde ab Odini temporibus, in quibus subsisterat. Recenset Gothorum irruptiones in Romanorum provincias: quae fuerint denique Theodorici magni gesta, quae Alarici M. et quousque Gothi, orientem versus et occidentem, penetraverint. Tandem *Capite XI.* serie chronologica res Sueciae enarrare incipit, ab A. Chr. CL. usque ad annum MLX. in quo primum hoc Volumen desinit. Est igitur undecimum caput de Iudicibus, simul et supremis Sacrificulis veterum Suecorum, e gente Ynglingorum; qui, etsi regio nomine non uterentur, habebant tamen omnem potestatem regiam. Domestico nomine *Drottar* vocabantur, quod vocabulum superius pag. 93. ab arboribus et lucis, in quibus sacrificia peragebant, Auctor repetiit. Sunt autem Ynglingi posterii filii Odini, *Yngue*, quem pater Suecis Iudicem constituerat; quemadmodum alter eius filius, *Skiold*, qui apud Danos eadem praerogativa fuit, Skioldungorum regum seriem orsus est. Quod §. 6. Herulorum coloniam Hunicae genti admiscet, id perperam ab eo fieri tamdiu credemus, dum testimoniis fide dignis opinionem hanc suam ill. Dalinus comprobaverit. Sed etiam hoc nobis absolum videtur, quod Longobardos, (advocato teste Warnefrido,) e Scandia ducit: neque debebat Auctor V. Ill. atque Cel. *Mascovium*, Germaniae litteratae decus, cui eadem nobiscum sententia est, §. 11. not. f) eapropter

tam atrociter laceßere, ut fere credas rem eße de aris et focis. Ultimus Drottorum A. Chr. CCCLXV. fuit *Domar*, quo imperante potentiffimus Gothorum rex, Hermanricus, Anno CCCLXXIV. vitam pofuit. Hanc, ait Auctor, Epocham eße diverfi Gothorum nominis, cum alii *Oftrogothi*, *Vißgothi* alii, qui omni deinceps tempore diverfas fedes habuerint, dicerentur. *Caput XII.* eß de primis Suecorum, ex Ynglingorum gente, regibus. Quinto in-  
eunte poß Chr. nat. Saeculo, primus fe regem, & Drottis Upsalienfibus, dici iuffit *Dygue*, cui filius fucceßit *Dag*, Sapientis nomine inßignitus, quod avium cantum intelligere crederetur. Qui A. Chr. DCX. nonagenarius obiit, *Ane* rex, etiam propterea memorabilis eß, quod cum eo deßit aera crematoria, de qua initio diximus, cepitque altera tumulorum, ipßius regis exuviis Upsalae tumulatis. Pro-  
fequitur Auctor *Capite XIII.* regum Sueciae feriem ab *Ane* ad *Ingialdum*, ab Anno igitur DCX. ad Annum DCCLX. *Capite XIV.* exponitur habitus regni Sueciae, et mutata eius facies regnante Ingiald Illräde. Pulcra commentatio Auctoris inprimis: quod geographiam Sueciae illorum temporum, nimirum exeunte octavo Saeculo, exactiffime ad-  
umbrat; quae, fi cum descriptione Sueciae phyfico-hiftorico-morali, ab *Erico Tuneld*, iuffu Regis et Procerum, ante hos XV. annos, diligenter e monumentis publicis con-  
fcripta, componatur, nihil supererit, quod ad exactam veteris Geographiae regni Sueciae cognitionem amplius de-  
fideres. Nos hic praecipua proponemus. Vetus igitur Suecia a mari glaciali ufque ad fretum Orefundicum, quem-  
admodum a rupibus Norvegiae (Sevegebirge) ad mare balticum extendebatur, divifum in regna quatuor, Sueciam proprie fic dictam, Gothiam, Helfingiam, Wärmiam. *Sueciae* Auctor tribuit Uplandiam, Sudermaniam, Nericiam, Westmaniam, et maximam partem Dalecarliae: *Gothiae* orientalem atque occidentalem Gothlandiam, Smålandiam, Gottlandiam, Oeland, Wiken feu Bohus, Hallandiam, Scania, Blekingam: *Helfingiae* omnes feptentrionales provin-  
cias,

cias, ut Angermanland, Medelpad, Jämtland, Härjedalen, Gästrikland, occidentalem et septentrionalem Botniam: *Wärmiae* denique totam Daliam, et marcas omnes ad septentrionem lacus Wener. Atque haec quatuor regna Scandica, ait, principatum Upsalienfis aliquo modo coluisse, quod reges illi vetustissimum haberent Suecici principatus patrimonium. Singulas provincias ill. Dalinus deinceps ulterius partitur; quae nos hic non describimus. Res gestae, vel crudelia potius facta Ingialdi, recensentur §. 17. usque ad finem capitis, quod pertingit ad Annum DCCLXXX. Est eius regnum memorabile tamen, quod aliquot circum regulos sibi subicit, adeoque auxit Sueciae regum dominatum; sed et propterea inprimis, quod iudicem provincialem Uplandiae, *Wiger Spa*, (i. e. sapientem,) iussit provincias peragraré, legibus populorum et consuetudinibus colligendis, unde prima legum Suecicarum collectio prodit, quae dein, Birgero regnante, sub finem decim tertii Saeculi, fundamenti loco fuit collectioni Legum alteri. *Caput XV.* reges secutos loquitur, ad annum usque DCCCXXIV. Primus inter eos est *Isvar Widsamne*, propterea memorandus potissimum, quod, proscripta Ingialdi progenie, quam Sueci DC. annis et amplius coluerant, liberis Suecorum suffragiis Rex electus est; quodque, provinciis vicinorum regulorum, quas antecessor subegerat, tuendis, praefectos constituit, sua lingua *Iarlen* et *Hersén* nominatos. Nostris moribus Comites diceremus, et Barones; estque adhuc inter Anglos frequentatum *Earle*, comitis adpellatio. Merentur legi, quae ab Auctore, de his regni administris, eorum dignitate et praerogativis, disputantur pag. 334. seq. Quemadmodum et illa, quae deinceps de Iswari foedere cum Carolo M. deque eius expeditione in Angliam Anno DCCLXXXVII. exponuntur. A qua expeditione Auctor monetariorum ex Anglia in Scandiam introitum ducit; ita ut primos Sueciae bracteatos ad haec tempora referendos existimet. Regi huic circa A. DCCXC. mortuo, ex filia nepotes successerunt, *Haraldus Hildetand*,



et *Randwer*. Hic ille Haraldus est, quocum Carolus M. Anno DCCCXI. pacis foedere coaluit. *Capite XVI.* quod est de regno Eisten-Beli et Ragnari, eximia sunt relata de initiis Christianae religionis in Suecia, beneficio Ludovici Pii, qui Benedictinum monachum, Anscharium, Anno DCCCXXIX. ad eas gentes ablegaverat; de capta a Ragnaro rege A. DCCCXLV. Lutetia Parisiorum, atque direpto omni agro, paceque cum Carolo Calvo, 7000. marcarum argenti aere soluto, inita. Igitur illae Normannor. in Gallia, et omni circum mare Europa, depredationes, hoc inprimis tempore ad summum creverant. *Caput XVII.* sub secutis quatuor regibus haec habet maxime notabilia: reditum Anscharii in Sueciam, et quo modo in Comitibus Sigtunensibus, A. DCCCLXII. fors pro Christianismo fuerit; quas clades Galliae, Germaniae, Angliae, septentrionales hi populi, Nordmanni dicti, intulerint? Gormone inprimis, rege Dano, et Gotfrido Sueco, ducebatur. Poterunt, quae hoc capite de his turbis docte disputata sunt, commentarii vice esse filiorum Ludovici pii, Caroli item crassi, et Arnulfi temporibus. *Caput XVIII.* historiam Sueciae dimidii Saeculi X. exponit. Incidit in hanc epocham fugitivi e Norvegia *Gänge-Rolfi* (cum Ascomannis suis, hoc est utriculariis,) in Galliam irruptio, inita cum Carolo Simplici pax, atque Ducatus Normandiae facta ab eo constitutio, quod ab Auctore §§. 9. et 10. pulchre exponitur. Rolfi istius posterius, Duces Normandiae, regi tamen Galliarum obnoxii, fuerunt: conspicuus inter eos inprimis Guilielmus Conquestor, a quo et Angliae Regnum A. MLXVI. occupatum fuit. *Capite XIX.* res Suecorum ab A. DCCCCL - DCCCXCIV. exponuntur. Hic igitur de *Haraldi Gormson*, Daniae Regis, bello Gallico et Germanico, quod in tempora Ottonum incidit; de victa atque occupata ab Erico A. DCCCCLXXXVIII. Dania; deque turbis Suecorum intestinis, relatum legimus. *Caput XX.* quod est Primi Tomi huius ultimum, res Saeculi XI. ad annum usque sexagesimum prosequitur. Trium hic

hic regum historia enarratur, qui fuerunt célebris in Septentrione Ynglingorum Gentis ultimi. Primus inter eos, *Olof Skötkonung*, e Norvegia, cuius partem occupavit, Christianos doctores accepit, a quibus baptizatus, Christi doctrinam magna contentione propagavit, hoc illis temporibus puriorem, quo aberat a monachorum fabulis longius. Primus fuit, qui *Sueciae regis* titulo uteretur: nam eius antecessores solo nomine regum Upsalae salutabantur. Titulo *Christianissimi regis* a Legato Pontificis Unwano, Bremae Archiepiscopo, ornatus, praerogativam posteris reliquit, qua illi deinceps usi non sunt. Eius temporibus etiam latinae linguae usus aliquis coepit in Suecia, servatis tamen et Runis. Regnante deinceps *Amundo Iacobo*, prioris filio, cum Canuto M. Danorum rege navali praelio depugnatum est; apparatus mille navium, victis Danis praefidio fuit. Laudatur regis istius iustitia, et in Christianae doctrinae propagationem insignis ardor, ita ut a medio Seculo XI. certam sedem atque tutam in Suecis haberet Christiana religio. Ius manuarium primus omnium Sueciae regum sustulit. Ynglingorum ultimus, *Emundus* senior, Amundi frater, etsi non uterinus, circa annum MLV. Rex Sueciae, quod Clero non esset magnopere addictus, *mali* nomen tulit, nullo suo merito. Suum ille sibi Archiepiscopum, Osmundum, constituit, repudiatis Hamburgenfium Praefulis, Adalberti, emissariis. Hinc illae lacrymae. Obiit Emundus anno MLIX. Cum eius filio Erico, Ericus fratris filius disceptat. Utrique, anno MLX. decretoria ad Wårdsbergam pugna funesta fuit: nam exacerbatis animis ad Kimstadium paullo post singulari pugna congressi, occubuerunt. Atque hic inclutae, inde ab Odmi temporibus, Ynglingorum Gentis, exitus fuit.

Haec sunt Primi Tomi, egregii Operis, contenta. Additus est index *primum* Vocabulorum peregrinorum, de quorum potestate atque origine ill. Dalinus, in decursu libri sui, sententiam dixit. Hunc sequitur Index *alter*, rerum toto hoc primo Tomo maxime memorabilium, di-

ligenter scriptus, et qui Lectoribus, primo statim intuitu, de rerum hoc opere expositarum, deque diligentia Auctoris, testetur. Dicemus de Tomo altero propediem.

*IOSEPHI INNOCENTII DESERICII, HUNGARI  
Nitriensis, Clerici Regularis Scholarum Piarum, de  
Initiis ac Maioribus Hungarorum Commentaria, quibus  
accedit circa finem Libri secundi insigne et perantiquum  
Manuscriptum, ex Vaticana Bibliotheca depromptum,  
haëtenus desideratum.*

**TOMUS PRIMUS.**

Budae in Hungaria, typ. Veronicæ Nottensteinin, viduae,  
1748. Alph. 2. pl. 8. fol.

**S**erius a nobis huius libri mentionem fieri, quam nostra consuetudo ferat, nemo mirabitur, qui libros, in extremis Hungariae regionibus typis impressos, non, nisi fero, ad nos perferri posse, secum consideret; neque ideo, quoniam serius commemorentur, librorum bonorum multaque eruditionis copia refertorum argumenta silentio praetereunda existimet. Iam Auctor horum commentariorum totum hoc de initiis ac maioribus Hungarorum opus in quinque libros dispescuit, quorum primo et secundo Hungaros Hunnosque a priscis gentibus, quibuscum eos vulgo confundunt, secernere, eorumque maiores, et veras sedes demonstrare; tertio Attilae regis genus, ortum, res gestas, virtutes, ingenium, mores explicare; quarto historiam Hunnorum, qui, ascito Abarorum nomine, Europam ingressi, et Pannonia denuo potiti sunt, exponere; quinto tertium Hunnorum, sub Hungarorum nomine, in Pannoniam adventum commemorare, eorumque historiam usque ad Stephani regis tempora pertexere, sibi proposuit. Hoc quidem primo Tomo Auctor duo priores libros absolvit, quorum argumentum brevibus repetemus. In primo igitur Capite libri primi refutat ridiculam Iornandis, eorumque,

rumque, qui hunc hominem secuti sunt, de execranda Hunnorum origine putidissimam fabulam. In secundo et tertio Capite manum cum iis conferit, qui Hunnos ab Hunno, Tuisconis filio, deducunt, et ex Germanis primum fuisse propagatos tradunt. Atque huius quidem opinionis veritatem demonstrare tam arduum et difficile credit, quam *a fonte Nilum bibere, aut Pelio Offam imponere*; adversari contra illi vehementer indolem, mores, similitudines et odia, quae hosce inter populos semper intercesserint, linguam denique et sermonem, summopere diversum; esse in Transylvania praeter Germanos populos, sive illi Saxones sint, sive Gothi veteres, praeter Valachos, Romanorum posteros, praeter Hungaros hodiernos, insuper Siculos, sive *Székhelyos*, Attilanorum Hunnorum progeniem: hi cum a Germanis origine, sermone, moribusque prorsus discrepent, seque eodem cum Hungaris genere ortos esse fateantur, eademque cum illis lingua loquantur; apparere et Hunnos, Attilae signa olim secutos, minime Germanos fuisse, et hodiernos Hungaros eandem illam Hunnorum, maiorum suorum, linguam retinere, atque adeo eiusdem omnino generis esse. In Cap. IV. et V. quaerit Auctor, an Hunni, sive Hungari, Alanorum, Gothorum, Gepidarum, Wandalorum, ac Longobardorum consanguinei sint? Concedit quidem, Hunnos Alanorum nomine quandoque fuisse vocatos, et Gothos olim cum Alanis et lingua et natione convenisse fatetur; negat vero, Gothos, etsi Hunni generis Getarum sive Scytharum pars fuerint, Getas ipsos sanguine contigisse: exploratum enim esse, Gothos e Scandinavia insula, in oceano Germanico posita, priscis temporibus egressos, et longe lateque per Europam dissipatos, ut occupata Dacia Dacos dictos esse, etsi haud Dacici generis fuerint, sic Thraciam ingressos ad Getas accessisse, et Gothorum nomen in Getarum permutasse, non vero Getarum gentem in Thraciam intulisse. In Cap. VI. refutatur Iornandis sententia, Hunnos Bulgaris originem debere. Rectius esse putat A. si dicamus, Bulgaros et in Europa



ropa Hunnorum concives aut subditos fuisse, et in Asia finitimos, aut imperio quoque eorum parentes. In Capite VII. quaerit Auctor, an Hunni Attilani, sive Unni, iidem cum Chunis sive Cunnis, aut Cunis vel Cumanis? an iidem cum Thunis sive Thunnis atque Thynnis? Neque negare omnino, neque affirmare Auctor videtur, Cumanos sive Chunos generi Hunnorum annumerandos esse, etsi quaedam contra hanc sententiam profert. Thunos vero apud Plinium, H. N. Lib. VI. cap. 19. sive Thyros, ut alii legunt, sive Thynnos, aut eosdem esse censet cum Chunis Ptolemaei, inter Basternas et Roxolanos, iam ante Attilam propius citeriora littora Ponti Euxini positos, aut illo commigrasse ex Asia, vel cum maioribus Attilae, vel prius etiam, eosdemque esse cum gente Agazyrorum fortissima apud Iornandem, sive Acathyrorum aut Acatzyrorum Hunnorum apud Priscum Rhetorem, sive Actiutorum aut Acatarorum apud Suidam; quos et Hunnos fuisse, et Attilanis cognatos, atque etiam filium Attilae, natu maiorem, cum regia potestate praefectum habuisse, ex Actis Attilae in Excerptis Prisci Rhetoris apparere arbitratur. In Cap. VIII. exponit Auctor, quid de Iazygibus, hodie quoque in Hungaria iuxta Chunos sive Cumanos viventibus, sentiat? Est vero illius sententia haec: Iazyges iam ante Attilae suorumque adventum, hoc ipso loco, quem hodie in Hungaria incolunt, ac longe ampliore etiam confedisse: alios Iazyges tantum, alios Iazyges Metanastas nuncupari: Iazyges ab antiquissimis scriptoribus ad Danubii littora positos, ac late rerum potitos, Hunnos ipsos fuisse, aut Hunnorum necessarios: non falso tamen dubitare quosdam, an praesentes Hungariae incolae, Iazyges dicti, posterius sint priscorum illorum Iazygum, qui iam ante Attilam inter Danubium Tibiscumque habitaverint. Hic disputat etiam Auctor de Urgis Strabonis. In Cap. IX. quaeritur, an Turcae Hunnorum propinqui? Negat vero Hunnos Hungarosve ulla unquam cum Turcis cognatione coniunctos fuisse. Negat quoque in Cap. X. Tarta-

Tartaros ullo modo ad Hunnorum sive Hungarorum genus pertinere. Finem primo huic Libro imponit disputatiuncula de Finnis, sive Fennis, Saberisque, sive Sabiris. Veniamus ad Librum secundum. In Cap. I. et II. quaerit Auctor, an Hunni Attilani ex Europaea Scythia, vel Sarmatia Europaea orti? Indicat ea occasione Vir Cl. Scythiae et Sarmatiae Europaeae ambitum et limites; et deinde variis argumentis efficit, minime unquam cum Hunnos Attilanos, tum Hungaros, sedes nativas in Europaea Sarmatia habuisse ad fontes Tanais, aut apud commentitios montes Riphaeos. In Cap. III. ostendit, certum quidem esse, et exploratum, Hunnos Attilanos ex Asia provenisse: sed maximis hoc difficultatibus quoque involutum, variisque modis a veteribus Scriptoribus indicari, e quonam Asiae angulo primum progressi fuerint. Inter varios Scriptores, quorum verba subinde illustrantur, assentitur Auctor Ptolemaeo et Diodoro Siculo, qui a Moeotide usque ad utramque Volgae ripam Sarmatas Asiaticos per latera septentrionalia Caucasi montium extendunt, et tum demum Scythas intra Imaum habitantes ultra mare Caspium, septentrionem versus et orientem. In Cap. IV. quaeritur, an Hunni primum ex Iuharia, alias Iuhra, Iugra, Iugoria, vel Iugaria, Moschoviticae nunc ditionis in algido septentrione provincia, prodierint? Negat et pernegat Auctor, quin contendit, Hunnos atque Ungaros inde a Volgae ostiis, infra Bulgariam maiorem, usque ad Seres Indosque ac Persas, pristina ac nativa cunabula tenuisse. In Cap. V. proponit Auctor MSctum ex Bibliotheca Vaticana, *de facto Ungariae Magnae a F. Ricardo Ordinis F. F. Praedicatorum invento tempore Domini Gregorii IX*, illudque in Cap. VI. et VII. uberius eo fine illustrat, ut appareret, avitas Hunnorum sive Hungarorum sedes fuisse orientem versus, per alterum Caspii maris latus, usque ad Indos et Persas. Coronidis loco imposuit Auctor huic Tomo brevem disputationem de patria Hieronymi, Ecclesiae doctoris. Etsi enim constat, illum Stridone oppido

Ttt

natum

natum esse, quod, ut ait ipse, *a Gothis eversum, Dalmatiae quondam Pannoniaeque confinium fuit*: tamen, cum duo oppida Stridonis nomine nota sint, nondum satis exploratum est, quae illius patria fuerit. Existimat vero Auctor, illud Stridonis oppidum, quod vix unius diei itinere distat Sabaria, Hungariae urbe, et patria S. Martini, Turonensium antistitis, minus autem distat *Cháktornia*, Hungariae oppido, minus denique abest Petovia sive Petobio, ac etiam Patavio, olim ad Dravum flumen sito, et quod adeo confinium Dalmatiae Pannoniaeque dicendum est, natale solum Hieronymi fuisse, ipsum magis Pannonem atque adeo Hungarum, quam Dalmatam censendum esse. Caeterum nec inutile, nec iniucundum erit, conferre cum hoc Desericii libro Illustris *DE LII* nostri elegantem disputationem, de vera Epocha Hunnorum, Avarum, Hungarorum, in Pannonia, quae ante biennium hic Lipsiae prodit.

*IOH. GOTTLOB BOEHMII, P. P. COLLEG. MAI. Princ. Socii, Past. Arc. de AUGUSTINO OLOMUCENSI, et Patera eius aurea, in Numophylacio Seren. Princ. Reg. Elect. Dresdae adservata, Commentariolus. Accedit eiusdem Paterae delineatio, adornata a GUIL. ERN. TENZELIO, V. Cl.*

Dresdae et Lipsiae, 1758. apud Georg. Conr. Valtherum, Bibliop. Aulic. plag. 11. octonis, cum figura Paterae aeri insculpta.

**I**n multis honore et memoria perpetua dignissimis monumentis, quae eximium illud Sereniss. Principis Regii, Electoratus Saxonici Heredis, Museum, imprimis gratum sapientissimo domino suo spectaculum, servat, caput quoque extollit praecipuo splendore conspicua patera aurea, cui illustre *Augustini Olomucensis* nomen inscriptum est. Ea cum superiore tempore Dresdae versanti *Boehmio* nostro,

nostro, Viro Cl. intuenda offerretur; rogatus super ea sententiam, non solum ingenue eam prodidit, sed etiam pollicitus est, se, quae tum strictim differebat, aliquando maiore cura persecuturum esse. Quod ipsum edito hoc libello praestat; qui totus est in reducendo quasi inter vivos *Augustino* illo, summa certe iniuria pridem iam oblivione cooperto.

Dicit ergo *Capite primo*, (pag. 6 — 23.) de Patria, Genere, ac Studiis *Augustini Olomucensis*. Patriae quidem vocabulum cognomen ei perpetuum haesit, ut inde *Olomucensis*, *Moravus Olomucensis*, *Olomuncius*, *Olomucius*, de *Olomucz*, diceretur. Ac floruit tum *Moravia*, atque adeo *Bohemia* ipsa, pluribus viris, bonarum litterarum studiosissimis iuxta et peritissimis. Talis apud *Bohemos* *Iohannes Slechta* eminuit, doctrinae et eloquentiae laudem summam adeptus, adeo ut unum illi parem eloquio *Hassensteinium* conferre ausit *Hieron. Balbus*. Hunc autem *Hassensteinium* inter alios regni *Bohemiae* procures, eruditionis gloria excellentes, mirifice praedicat *Augustinus* noster, ac nemo est qui eius in litteras merita nesciat. In *Moravia* tum *Ianus Zuola* claruit, sed maxime *Stanislaus Thurzo*, Praeful *Olomucensis*, ingeniorum doctissimus benignissimusque aestimator. Hic potissimum efficiebat, ut *Olomucium* eo tempore eruditis hominibus opulentum celebraretur. Inter eos *Iohannes Oppoviensis*, Senator, et *Andreas Stiborius*, Canonicus, in primis conspicui fuere. Sed *Stiborius* propinqua cognatione *Augustino* iunctus erat, a quo avunculus dicitur. Nihil ultra de huius ortu traditum apud scriptores legitur. Natum esse post annum *Seculi XV. septuagesimum*, non vana suspicione credit *Cl. Boehmius*. Adiuvabat egregii ingenii conatus et exemplo et beneficiis *Stiborius*. Mox *Patavium* missus est *Augustinus*, ubi primum philosophiae, eloquentiae, atque poeticae feliciter operam navavit, tum etiam iurisprudentiae studiis, Pontificii praesertim iuris, initiatus est; neque a cognoscendis litteris Theologicis alienus fuit. Recte vero



mireris, in claris Patavini Gymnasii alumnis praetermissam eius a *Papadopola* memoriam esse.

Ita munitus, facilem Augustinus ad dignitates et munera publica aditum habuit; quae qualia fuerint, *Capite secundo*, (pag. 24 — 39.) ostenditur. In ipso Patavino Gymnasio lauream artium, et supremos iurisprudentiae honores tulisse videtur. *Hassensteinus* certe *Iuris utriusque Doctorem* vocat; ipse autem *Augustinus* maluit *Iuris Pontificii et Artium Doctor*, item *Artium et Decretorum Doctor* dici, quod indicio est, eum addictissimum iuri Pontificio fuisse. Cum etiam *Olomucensis et Brunnenfis Ecclesiarum Praepositus* esset, hos fere honores in titulis suis ponere non curabat. Functus autem illis est praeclare, eaque virtutis et doctrinae commendatione factum est, ut in aulam *Uladislai*, Hungariae ac Bohemiae Regis, arcesseretur. Ibi epistolarum scriniique regii magistrum egit, unde nomina *Regii Secretarii, Regni*, imo *Regis supremi Secretarii*, tributa illi a diversis, et a *Petreio Aperbacho* etiam *Regii Auricularii*, conspirans cum ceteris nomen, fluxere. Ex eo tempore *Augustinus* gravissimis reipublicae negotiis interfuit gerendis. Plurimum vero apud Regem gratia valens, saepius interpellatus est ab amicis, ut eorum causas consilio et ope tueretur; quod satis docent vel *Hassensteinii* adeum epistolae. Neque tamen inter hos severiores labores, a studiis liberalibus animum avertit, quin potius impense eas coluit et amavit. Tanto ergo fidentius illi *Iohannes Sturnus*, Consolatoriam *Hassensteinii* ab se editam, elegantissimos illos omnium consensu elegos, ut Regi traderet, misit, adiuncta epistola, quam hic pag. 36. 37. descriptam libenter legimus.

Ad Patronos, Amicos, obitum denique *Angustini Olomucensis* deducimur *Capite III.* a pag. 40 — 61. Erant in patromis eius illustribus duo clarissimi fratres, *Iohannes* et *Stanislaus, Thurzonii*: ille Vratislaviensis Ecclesiae, hic Olomuceusis, Antistites; uterque amicissimus Erasmo *Roterodamo*, ingenio et doctrina eximius, in litterarum studiosos

studiosos uterque propensissima voluntate. Igitur in-  
scriptis *Iohanni* studiorum suorum primitiis, in eius se cli-  
entelam merito dedit *Augustinus*, expertusque insignem eius  
ut et *Stanislai* favorem est. Amicorum ipsius largissima  
seges produci potest. Horum facile princeps *Hassensteinus*,  
quamvis obiurgare nonnunquam videatur in epistolis  
*Augustinum*, non tamen minus in eo diligendo perstitit.  
Sed cum *Conrado* etiam *Celte Iohanne Sturno*, *Simone*  
*Fagello*, *Ioh. Cuspiniano*, *Ioach. Vadiano*, *Petreio Aperbac-*  
*cho*, *Ioh. Slechta*, et *Ioh. Nigro*, (quorum plerosque quis  
est, qui non diligenter cognitos hodie quoque amet?)  
nata studiorum, poetices in primis, communi vinculo  
amicitia intercescit *Augustino*. In his *Aperbacchus* quidem  
nunc raro eruditorum ore frequentatus, olim ingenii at-  
que doctrinae praestantia inclytus, *Eobano Hesso* praecipue  
carus, et *alae litterarum praefectus* a *Croto Rubiano* ad-  
pellatus, venustos in *Augustinum* hendecasyllabos condi-  
dit, iterum editos a *Boehmio* nostro pag. 55. Ceterum  
exstat facetum *Conr. Celtis* carmen, hic itidem pag. 58.  
59. repetitum: in *Augustinum Olomuncium*, dum apud pu-  
ellam consensceret; quod tamen argumento non est, *Aug-*  
*ustinum* ingloriam inter amores vitam exegisse. Obiit  
certe, vix dum ingressus aetatem virilem, *Olomucii*, mor-  
te repentina, anno Seculi XVI. decimo. Quam subita-  
nei fati sortem, coelestis irae signum interpretatus est  
Auctor *Historiae Persecutionum Ecclesiae Bohemicae*,  
Cap. XXIV.

Bibliothecam nunc et scripta *Augustini Olomucensis*  
spectemus, duce quidem *Capite quarto*, a pag. 62 — 91.  
Superest hodie quoque supellex libraria a Viro doctissimo  
collecta, quippe quam *Olomucensi Ecclesiae* propriam di-  
cavit. Prolati vero ab eo in publicum ingenii fructus nec  
ipsi interierunt. Primum quidem eorum, cum in Pata-  
vino Gymnasio humanitatis studia sectaretur, edidit: *Dia-*  
*logum in defensionem poetices*, typis exscriptum Venetiis A.  
MCCCCXCIII. cuius in limine positi versiculi, non in-

diggi illi defensore poetices, pag. 65. leguntur. Consilium libelli scribendi erat, artem pulcherrimam a criminationibus rusticorum hominum vindicare, inprimisque pro fabulari historia pugnare, quae est fundus et quasi patrimonium poetarum. Multum omnino temporis carminibus pangendis tribuit *Augustinus*. Certe Pannoniae Regis res praeclare gestas cecinisse illum, *Conr. Celtes* Auctor est. *Hassensteinus* porro versus eius se legisse ait adeo perfectos, ut cum Italis ipsis de palma eum certare posse iudicet. Qua super re adiecta hoc loco est epistola illius, itemque alia respondentis ipsi *Augustini*.

Posthaec graviori multum argumento stilum adcommodavit. Grassanti enim tum per Bohemos et Moravos Waldensium sectae, vel, vulgari voce, Picardorum, (quamvis hoc nomen perperam, sive ea aetate, sive nostra, Waldensibus et Hussitis tributum est,) scriptis binis litteris ad Regem de haeresi *Waldensium*, item aliis quatuor contra perfidiam *Waldensium*, ad Ioh. Nigrum, qui ipse de secta eorum erat, restitit. Eae uno volumine inclusae a Melch. Lotero Lipsiae A. MDXII. machinarum beneficio publicatae sunt. Etiam Olomucii editum fuisse A. MDXXIX. Augustini de Olmuz Tractatum de Secta Waldensium, memorat C. Sagittarius in Introd. in H. E. Tom. I. pag. 476. not. b); sed ille paullo ante *Antonium* adpellat Augustinum, ut adeo non videatur eius narratio satis firma esse. Contra verisimile putat Cl. Boehmius, *Augustini docti Threnum religionis neglectae ad Ladislaum, Pannoniae Bohemiaeque Regem*, Poslevino in Adp. S. p. 134. excitatum, nostri Augustini esse.

Certius magisque exploratum est, eum Olomucensium Praefulum historiam, capto a Cyrillo exordio, quem primum Moraviae Archiepiscopum vocat, ad aetatem usque suam concinnasse. Inscripsit librum *Catalogus Episcoporum Olom.* et Stanislao Thurzonio, qui tum eam provinciam ornabat, dicavit epistola sapienter scripta, pro qua aliam ei Stanislaus misit, et ipsam laude dignam. Utraque

que in hunc Commentarium relata est a pag. 82—88. Huius Catalogi exemplum tenet Cl. Auctor, Viennae Pannoniae ab Hieron. Philovalle et Io. Singrenio excussum, adnotato a vetere manu A. MDXV. quo tempore primum prodiisse, maturius Augustini fatum, ut credamus prohibet. Cum rarior recentiore aetate adpareret liber, ne omnino interiret curarunt *M. Freherus* in Script. Rer. Bohemic. et *Ianus Gruterus*, sive, quemadmodum nomen textit, *Ioh. Gualterius*, in Chronico Chronicorum. Praeter haec autem scripta *Augustini*, sunt qui de componendis epistolis libellum ei adscribant. Sed hi videntur auditis eius in Waldenses epistolis decepti, fumum pro igne cepisse. Addi tamen par est et istud, *Ioh. Blanchini* Tabulas coelestium motuum, editas esse ab *Augustino* A. MCCCCXCV. Venetiis, et nomini Andr. Stiborii consecratas.

Tandem *Capite quinto*, (a pag. 92 — 127.) de Patera Aurea Augustini Olomucens. in Numophyl. Princip. Dresdae adservata, disputatur. Constat ea mero auro, (verbis utimur *Tenzelii*, de quo infra dicetur,) medium fere inter Ducatorum Coronatorumque, ut vocant, aurum tenente. Diameter supremae partis, sive circumferentiae, est septem digitorum ac dimidii. Pondus trium bessium ac dimidii, sive XXVIII. unciarum. Viginti duobus aureis Caesarum Romanorum numis distinguitur, quibus corollae laurae rutaceaeque, ut aurifabrorum vocabulo utamur, innexae sunt. In fundo altari insidet puer alatus, seu Genius, dextra uvas exprimens in pateram ante se positam, sinistra exporrecta uvas tenens, cum perigraphe: GENIO. LIBERO. Q. PATRI. Margini exteriori hi versus literis uncialibus incisi leguntur:

PHOEBIGENV. SACRATA. COHORS. ET. MYSTICVS.

ORDO.

HAC. PATERA. BACCHI. MVNERA. LARGA. FERANT,

PROCVL. HINC. PROCVL. ESTE. PROPANI.

Sub



Sub pede vero incisa sunt verba:

AVG. OLOM.

SIBI.

ET. GRATIAE.

POSTERITATI.

MDVIII.

Non est infrequens in epistolis *Hassensteinii* huius scyphi mentio, Pragae aliquamdiu servati, dein Brunnam missi, tandem Budam ad *Augustinum*. Fuerunt vero qui ex auro arte parato conflatum opinarentur: alii qui dedicatum fuisse ab *Augustino* sodalibus quibusdam suis crederent, initiatis naturae nescio quibus mysteriis. Hi in versibus adiunctis praesidium inepti quaelivere; illis, minus etiam quo somnia sua tuerentur, suppetebat. Itaque verius alii, et in his *Tenzelius*, sodalitatem litterariam interpretati sunt, cui haec patera dicata fuerit, constantem quidem illam vel novem membris, vel, mystico numero, septem, quorum non postremum ipse esset *Augustinus*. Probat haec in universum Cl. Boehmius, nisi quod bene monet, non opus esse ut *mysticus* ordo septenarius habeatur, sed potius, velut *mystica vitis* apud *Tibullum* dicatur, ita coetum doctorum hominum a mysteriis studiorum adpellari. Solenne autem olim donarium erant scyphi, benevolentiae et amicitiae causa oblati. Atque hunc *Augustini*, genialibus sodalium epulis destinatum fuisse, loquuntur versiculi secundi verba, et insculptus fundo Genius. Fuit quippe patera, olim usitata in sacrificiis, dudum ad convivia perlata. Neque Graeci Romanique veteres ad fundenda carmina promptiores visi sunt, quam ubi Genio et Baccho, laetitiae datori, libassent. *Horatii* et *Martialis* exempla hic prima producuntur, tum etiam recentius *Camilli Querni* ex *Iovio*. Illud denique: *Procul hinc*, reliqua, positum est ab *Augustino*, ut rudes et indoctos homines ab elegante suorum sodalitate arceret.

De

De talibus vero illius aevi eruditorum virorum societatibus curatius sibi disquirendum ratus est doctissimus Boehmius. Erat apud maiores nostros ex Italia consuetudo adveſta ea, multumque celebrata doctis hominibus, ut pari virtutis ac litterarum amore, ſodalitia iungerent exercendis ingeniis, bonarumque ſtudiis artium provehendis. Hunc morem in Narratione de Eobano Heſſo pingit et laudat *Ioach. Camerarius*, clariffimum illud Academiae noſtrae fidus. Ita ergo tum per Germaniam, auctore et hortatore potiffimum *Conr. Celte*, plures inſtitutae ſunt litterariae ſodalitates, in quibus celebratiſſima ad poſteritatis famam Rhenana et Danubiana. Nec obſcura eſt memoria Boicae, cuius quaedam prodire poemata *ex liliorum contubernio*, Angiloſtadii ſcripta, in Opuſculis Societatis Aug. Vind. A. MDXVIII. 4. edita. In Saxonia iisdem temporibus *Leucopolitana* ſodalitas claruit, nuncupata a Graeco Vitebergae vocabulo, de qua in Laconifmo tumultuario *Mart. Mellerſtadius*, qui primus Academiae Viteb. faſces obtinuit: „Adeſt litteraria phalanx „Danubiana Leucopolitanaque, quarum imperatores et „praefecti exiſtunt Conr. Celtis, et illuſtris ille Bohuſl. „Haſſenſteinus, qui nuper communi ſuffragio, poſtquam „Matthaeus Lupinus, heu nimium iſtimate, occidit, eam „praefecturam adminiſtrare coepit.“ *Lupinus* autem hic Lipſiae bonas litteras eximio cum plauſu profeſſus erat, carminibusque inprimis ſcribendis claruerat. Haud multo poſt Vindobonae *Colimitiana* ſodalitas effloruit, ductu et auſpicio *Ge. Tanſletteri Colimitii*, viri multae, praefertim mathematicae, doctrinae, et in litterarum ſtudia beneficentiſſimi. In ea Cuſpinianus, Vadianus, Aperbachus, Lazius, Rich. Bartholinus, Velocianus, Zuola, Urf. Velius, verbo, quotquot tum Vindobona eruditos homines alebat, enitebant. Circa eadem tempora claritudo etiam aliqua fuit *Eobanici* ſodalitii, ab Eob. Heſſo, poeta doctiſſimo, inſtituti: quod narrat in vita eius Ca-

merarius, qui et similem coetum a Ioh. Mylio, Iuris-consulto ornatissimo, Noribergae congregatum fuisse refert.

Sed in his societatibus dulcia severis miscebantur. Non eloquentiae duntaxat, non solis carminibus, operam dabant sodales; sed saepenumero de gravissimis rebus docte et sapienter inter se disputabant, velut ex *Conr. Celtis* carmine ad Ioh. Vigilium, Sodalitatis litterariae Rhenanae hospitem, (Lib. III. Od. III.) intelligitur. Post haec autem, quum satis sapientiae datum esset, omnis sodalium chorus

*Explicuit vino contractae seria frontis.*

Hinc Celtis celebrat *pocula aurea et pateras, per regios pincernas, circumlatas, et inter pocula pulsata tympana et cornua*, in ludo Dianae ab sodalitate Danubiana Lincii acto, spectante Maximiliano I. Rom. Imp. Idem festivas epulas Societati aliquando Rhenanae instruendas indixit. In his omnibus laetitiam honestam occupasse convivas, docent Eobani ad Iohannem Francum versus, Libro *Silvarum* Octavo. Tale et Sodalitatis Colimitianae symposium fuisse videtur, non incognitum facundis Urfini Vehi versiculis.

Atque in hos mores, in haec studia, condita quoque est Societas litterarum in Pannonia, in qua, fausto Matthiae Corvini principatu, optimae artes nuper effloruerant. Est in Principali Numophylacio Dresdae elegantissimus numus, in honorem maximi Regis cusus, tituloque insignitus hoc:

*Caesare magna quidem victo, Thracumque tyrannis,  
Maior Apollinea gloria parta tuba est.*

Adeo illi triumphis omnibus potior visa est gloria litterarum. Primus eas regno intulerat Ianus Pannonius, Quinque-Ecclesiensis Episcopus. Hunc Iohannes, Antistes Strigonienfis, alique consecuti sunt, patriam doctrina sua excolentes. Ita vero fama illorum excitus Celtis,  
lon-

longinquum in Pannoniam iter suscepit, ac praesens forte constituit *Ungarorum sodalitatem litterariam*, cui etiam carmen inscripsit, Lib. II. Od. II. De eo vero sodalitis paucissima prostant in litteras relata. Sunt qui haud diversum a Danubiano existimant. In Pannonia latius propagatum fuisse; Budam tamen sedem praecipuam delegisse videtur. *Augustinus* autem cum hac in urbe multam aetatem consumserit, accessit sine dubio societati huic, eique pateram auream consecravit.

Haec superiora postquam commentatus esset Cl. Boehmius, delatus est ad eum ex Bibliotheca Regia Dresdeni *Bohusl. Hassensteinii* Farrago Poematum, edita Pragae MDLXX. 8. et dudum ab eo desiderata. His longe pulcherrimis carminibus ita usus est, ut ex illis, (a pag. libelli sui 128 — 138.) Analecta de Augustino Olomucensi colligeret, hoc est partim huius et Slechtae atque Sturni laudes, partim stabilitae inter Augustinum et Hassensteinium amicitiae testimonia.

Subiungitur denique Paterae Aureae Delineatio a *Guil. Ern. Tenzelio*, Viro quondam doctissimo, adornata Anno Seculi huius tertio. Quae ex ea memoranda fuerant, supra iam a nobis contextui Boehmianae narrationis immista sunt. Neque attinet, duce Tenzelio, numorum in hoc scypho conspicuorum imagines et epigraphes describere, nisi quod in his est *MAGNAE VRBICAE AVG.* numus, cum Venere Victrice, expeditus nuper a *Stofchio*. Fata tamen paterae silentio premenda nequaquam sunt. Cum originem deberet Supremo Regis Ungariae Secretario, seu Cancellario, inde a Tataris aliquando rapta, inter barbaros illaesa mansit, donec in obsidione Assoffensi a Russis intercepta, in Iudaeorum crudeles manus incideret, eque his a Supremo Regis Poloniae Cancellario, *Wolfg. Dieterico Comite a Beichlingen*, vindicata, Germaniae postluminio restitueretur, Regius deinde cimeliis



Tab. III. aggregata. Quid multa? Curavimus, Lector, ut eam hic sculptoris ope ante oculos positam spectare possis.

Omnis autem hic Cl. Boehmii libellus, quem recensendo commendavimus, non solum memoriam Augustini Olomucensis docte atque eleganter restituit, sed praeterea commemoratione iucunda eruditissimorum hominum, quos idem aevum tulerat, et interspersis e libris eorum locis quamplurimis, utroque orationis genere nitentibus, imaginem fere quandam florentium ea aetate per Bohemiam et Moraviam, imo et Germaniam Pannoniamque, litterarum, ostendit, docetque, non obtusa adeo ingenia his temporibus homines gestasse, qualia multi hodie fingunt, averso ab illis eorumque libris animo. Sed ut magis etiam placeat Lectoribus hic Commentariolus, faciunt duo doctiss. Auctoris carmina, alterum ad libellum, ad Museum Dresdae Principale alterum, utrumque facultatis poeticae in eo dudum spectatae novum documentum.

*PLATONIS DIALOGI QUATUOR, EUTHYPHRO, Apolog. Socratis, Crito, Phaedo, Graece, e recensione HENRICI STEPHANI. Varietate lectionis, animadversionibusque criticis brevibus illustrati ab IOH. FRIDER. FISCHERO.*

Lipsiae, sumtu Langenhemii, 1759. plag. 14. octav.

**E**undem illum Platonem, cuius sapientiam summa cum eloquentia coniunctam sic admirata est omnis antiquitas, ut, nec Iovem ipsum, si Graece loqueretur, aliter loqui diceret; quem divinum auctorem, quem Homerum, quem quasi deum philosophorum Cicero appellat; quem nec saepe nimis, nec nimis valde laudari posse arbitratur; qui dignissimus egregio illo Aesculapii animorum elogio, quo vere ac merito illum sapientes Viri

Viri condecoraverunt; cuius tanta fuit auctoritas, ut multi cum eo errare in philosophia, quam cum aliis vera sentire mallent; quis non maximopere miretur, nondum ita esse adornatum, ut commode manibus iuventutis teri possit? Sunt enim non paucae quidem Platonis editiones in lucem emissae, atque ita quidem emissae, ut plurimum a viris, eximiae doctrinae laude florentibus, splendoris Platoni additum sit; sed sunt illae prope beatiorum solum opes, et ob insignem raritatem et nimium pretium non in eorum omnium manus perveniunt, quorum magni interest, quae ille divinitus scripsit, cognoscere. Laudandum igitur *Fischeri*, Viri Clar. consilium, omnique modo iuvandum, edendi tam commoda ratione Platonis libros, ut de eorum raritate nullus nobis querendi locus relinquatur. Quo in negotio quid sibi proposuerit, quam viam iniverit, videamus. Textum quidem Stephani totum, pauca si exceperis, in quibus ab illo discessionem fecit, retinuit, et cum ex Hopperiana Basiliensi, et Aldina editione, tum e libris manu exaratis, ab editoribus Platonis aliisque, ut Salvino, Serrano, Cornario, sin consilium adhibitis, lectionum discrepantias adiecit. Excerptis praeterea variantes lectiones ex scriptoribus antiquis, qui hanc vel illam ἐκτίθη ex dialogis Platoniciis suos in libros transtulerunt, et una cum coniecturis criticorum addidit, ita ut paucis, quale cuique lectioni pretium statuendum esse censeat, exponeret. In Phaedone Mudgii, Turnebi, et Aristippi lectiones, cum particulis ex Olympiodori commentariis, ex Forsteri editione petitas, invenimus, unde etiam Editor Vascolani in Critone lectiones accepit, et Morelianas in Euthyphrone scripturas huc transtulit. In Apologia denique Socratis se diligenter usum fuisse fatetur Rudingeri in huncce libellum docto commentario. Ipsiis dialogis praemissa est Albini, philosophi Platonici, εἰσαγωγή ἐς

τῆς Πλάτωνος διαλογῆς, quam primus ex codice Holsteniano doctissimus Fabricius vulgavit, et bibliothecae Graecae Vol. II. inseruit. Quod ad notas Viri Clar. attinet, sunt illae breves quidem, sed doctae, acutae, et summopere utiles, et quae non magis tironum, quam magistrorum intelligentiam iuvent. In iis quidem veterum libris, ait Editor, qui eduntur, ut in scholis enarrentur discipulis, ineptum videtur nimis cumulari notas; quarum in locum succedere peritorum magistrorum vox et doctrina debet. Atque horum iudicium utile est adiuvari notis Criticis brevibus, ut, quae sit vera cuiusque loci et genuina scriptura, antequam interpretentur verba, videant. Ex his igitur consilium Editoris intelligitur. Adspergit tamen aliquoties non contemnendas notas, neque Graecarum litterarum indolem veram cognoscere cupientibus iniucundas. Sic pag. 150. scribit: τῷ et τῶ saepissime in scriptis etiam libris sunt confusa: quo tamen temere a Criticis quibusdam, Hebraice indoctis, refertur locus Paulli 1 Corinth. XV, 8: ὡς περὶ τῷ ἐκ τρώματι, nam Paullus quidem cum reliquis scriptoribus divinis solet ἦ articuli Hebraeorum, quod non raro vim Pronominis indefiniti habet, reddere Articulo praepositivo Graecorum. Cui addantur quae pag. 58. de verbo ἀποκτινύναι: pag. 112. de scriptura vocis ἄττα: pag. 129. de mutatione, apud librarios saepe obvia, litterae ι et diphthongi ει: et pag. 182. de scriptura verbi θάρσος, habentur. In corrigenda emendandaque oratione, more suo, religiosus fuit Vir Clar. nec, nisi bis terve, si recte meminimus, ad suas coniecturas, non textui intrudendas, sed in notis proponendas, confugit. Praefixa est his dialogis, praefationis loco, epistola ad Vir. Ill. BELIVM nostrum, in qua Auctor docte et accurate de Stephaniana, Valderiana, Hopperiana, et Mamutiana editione Platonis disputat, et earum quasi

quasi historiam proponit. Valde probatur Auctori cum Manutiana, quoniam et Manutius Musuri Cretensis opera usus est, qui ad antiquissimos codices (*παλαιὰ καὶ ἀξιόπιστα ἀντιγραφα* appellat ad calcem dialogorum,) Platonem recognovit, et pravae lectiones non multae apparent, tum, quae ferme tota ex fonte hoc derivata fuit, Basiliensis, ex officina Ioh. Valderi. Adiecti enim non solum sunt Procli in Timaeum et Politicem commentarii, sed accessit quoque praeter alia quaedam index Graecus triplex, verborum, nominum propriorum, proverbiorum. Etsi quoque editor nullis codicibus instructus fuit, feliciter tamen multa menda Aldini exempli sustulit; interdum etiam, ob nimiam emendandi cupiditatem, sana et integra loca corruptit. Hopperiana editio, cui Arnoldus Arlenius multum profuit, praeter propria, fere e vitiosis Basiliensis primae lectionibus nata, peccata pauca, magnum habet eorum numerum cum eodem exemplo communem. De Stephania editione paullo copiosius Auctor disputat, et cum, quae probanda, tum quae vituperanda censeat, exponit. Laudat quidem summam Stephani diligentiam, in corrigendis librariorum peccatis, qua cavit, ut Auctor vix duo vel tria vitia in quatuor primis Dialogis prehenderet; laudat etiam quod nihil, nisi auctoritate bonorum librorum confirmatum, in contextis verborum posuit; laudat denique indicem latinum, eumque uberissimum. Nunc, quae vitia eiusdem Auctor notet, videamus. Primo docet, plerasque, quas Stephanus attulerit, coniecturas, non in eius ingenio natas, sed alienas esse, multaque illum ex versione latina Ficini, multa a Morelio et Turnebo sumpta, pro suis vendidisse. Deinde invenit, Stephanum lectiones plurimas, quas se ex libris scriptis hausisse profiteatur, ex editione Hopperiana, nusquam tamen memorata, summis; et, ut

eo



eo minus haec fraus deprehenderetur, lectiones Hopperianae editionis, vel depravasse et mutilasse, ut modo unam alteramque litteram mutaret, modo integra verba omitteret, vel alieno loco posuisset. Cuius fraudis specimina et exempla bene multa Auctor in medium profert, ita, ut de rei veritate dubitandum non sit. Auctor ad hanc rem accuratius indagandam se eo commotum esse ait, quod Scaliger Stephanum inter *importunos correctores* refert, eumque omnes, quotquot ediderit, edatave libros, suo arbitrio corrupisse scribit. Haec de praefatione. Nos optamus, ut, quam Cl. Fischerus praebuit, ea opportunitate homines, verae et solidae eruditionis cupidi, et iuvenes praesertim, utantur, sibi que persuasum habeant, vix ex omni scriptorum numero ullum, in quo, ut nihil de summa voluptate ex hac lectione capi-  
enda dicamus, tanto cum fructu, quanto in Platone,  
suam industriam collocent, eligi posse.





# NO ERU

Calend

SULPICH S  
*emendata, no  
bus illustrata,  
PRATO, Ver  
dem cir*

Veronae, 1754

Iucundissimum  
credimus, suaz  
nae cedat, et  
quae, ut ille a.t.,  
meritum laudes  
obedatione litter  
has et ornare.  
commislos, nuper  
ram Torum Sulpic  
stare, libenter fate  
hementer accurata  
efflorescunt: lauda  
Sereni indagandis a  
ris copias, ad illust  
num de calore Viri

# NOVA ACTA ERUDITORUM,

*publicata Lipsiae*

*Calendis Septembris Anno MDCCCLIX.*

*Pars II.*

*SULPICII SEVERI OPERA, AD MSS. CODICES  
emendata, notisque, observationibus, et dissertationi-  
bus illustrata, studio et labore HIERONYMI DE  
PRATO, Veronensis, congregationis Oratorii eius-  
dem civitatis Presbyteri. TOMUS II.*

Veronae, 1754. apud Augustin. Carattonium. Alph. 3.  
quatern.

**I**ucundissimum semper fuit nobis, qui et stultum esse credimus, suae gloriae demtum putare, quidquid alienae cedat, et infirmam commendationem existimamus, quae, ut ille ait, de alterius destructione fulciatur, benemerentium laudes rem publicam facere, et sine cuiusquam obtreptione litterarum studia tractare, augere pro viribus et ornare. Quare nos, qui errores, a Cel. Pratone commissos, nuper iure redarguimus, iidem hunc alterum Tomum Sulpicii Severi priori longe multumque praestare, lubenter fatemur meritoque. Probavit se nobis vehementer accuratae eruditionis copia, qua adnotationes efflorescunt: laudamus ingenium Editoris, in erroribus Severi indagandis acutum: admiramur diffusissimae lectionis copias, ad illustrandam historiam apte collatas: multum de calore Viri docti aetatem detraxisse, candori vero

XXX

et



et aequitati adstruxisse, laetamur, atque hanc humanitatem maximopere amamus. Quis enim non miretur, si ex eodem Pratone, quem nuper id agere vidit, ut omnes extra Romanae ecclesiae societatem eruditos fungos esse doceret, et viros bonos, probos et doctos non sine contumelia traduceret, si igitur ex eodem nunc audiat: *Flacium Illyricum hominem fuisse in Patrum scriptis admodum versatum et eruditum*, pag. 18: *habendas ei esse a vris doctis gratias, quod hos Severi libellos, aliaque sacrae vetustatis monumenta in publicam lucem protulerit*, pag. 19: *illius editionem sinceram esse et bona fide curatam*, pag. 34: *non vulgarem esse Drusii, licet haeretici, in illustrando Severo industriam, cum mira brevitate et modestia coniunctam*, pag. 26: *Vorslium fuisse multum in litterarum studiis versatum*, pag. 9: *et subtilem elegantiarum latinarum indagatorem*, pag. 75. Aliorum etiam doctorum non semel honorificam mentionem Editor facit, et, si quando, quod aliter esse non potuit, ab aliquo dissentit, modeste dissensus causas exponit. Ipse ille Clericus, in quem tam vehementer Prato in priori Tomo invehitur, in quem, quaecunque Latium suggestit, convitia iecit, quem etiam *monstrum hominis* appellavit, ut leniter tractatur! Nam, quae in illum dicuntur, nemini duriora et acerbiora videbuntur, qui furta, audaciam et imperitiam hominis perspectam habeat. Solus est Hornius, quicum sibi Prato immortales inimicitias esse voluit. Illud quidem caput, in quo de Horniana editione iudicium fertur, hunc titulum prae se fert, pag. 30: *Horniana imperitia, alucinationes, errores, blasphemiae indicantur*. Alio vero loco, pag. 31. catalogus contextitur Hornianarum opinionum, in quibus sibi Editor *os blasphemum et impurissimum* deprehendisse visus est. Sed de his fatis. Leniet fortasse etiam hunc animum albescens capillus. Venimus ad praefationem, in qua varia proponuntur ad Severum spectantia, lectu non indigna. Primum testimonia et iudicia doctorum de Severi Historia Sacra afferuntur: quaeritur deinde, quae Severo huius operis scribendi occasio

casio fuerit. Scriptum vero docet Auctor cum in monachorum gratiam, quorum magnum numerum Severus dormi alebat, et in Christianae religionis rudimentis instituebat, tum in communem omnium utilitatem. Post de divisione operis in duo libros, et de vero libri titulo agitur: quem Auctor non *Sacram Historiam*, sed *Chronica* esse existimat. Nam Severus Sacrae Historiae nomine semper Sac. Scripturam appellat: omnes antiqui hos libros Chronica nominant: codex denique Vaticanus haec praefert: *Incipit Prologus Sulpicii Severi in Chronica, quae etc.* Porro de tempore, quo Severus hanc historiam scripserit, disputatur. Aggressus est Severus A. CCCC. fere, aut non multo post hoc opus, absolvendo illi adhuc intentus erat A. CCCCII. et sequenti; quando ad finem perductum et absolutum fuerit, non constat. Immo ab ipso Severo hanc historiam nunquam editam fuisse Auctor coniicit. Nullius enim nomini suum librum dicavit; parum cognitum et usurpatum fuit hoc opus antiquis Patribus; restant denique non pauca, accuratius limanda et polienda. Tum praecipuae Chronicorum Severi editiones ordine recensentur, et, quod cuique pretium statuendum sit, docetur. Tandem copiose disputat Auctor de duobus epitaphiis, altero Marii, qui sub Adriani, altero Alexandri, qui sub Antonini imperio sanguinem pro Christiana religione profudit, pag. 172. seq. productis, et a multis, ut Reinesio in Syntagm. Antiqu. Inscr. pag. 953. et 977. in medium prolatis, a pluribus quoque reiectis et pro falsis habitis: qui cum potissimum eo argumento utantur, quod illa monogrammatibus Christi notam appositam habeant, cuius originem ad Constantini M. aetatem referunt, multis hanc opinionem refutare et elevare conatur. Obiter alia quoque ab Editore afferuntur, quae cum proposita materia coniunctione aliqua connexa sunt. Nam pag. 6. aliquot loca ex Hieronymi epistola VI. ad beatum Iulianum, diaconum Aquileiensem illustrantur et emendantur. In loco illo: *mendaces faciunt, ut nec sibi vera dicentibus credatur, τὸ sibi,*

quod etiam in antiquis libris deest, expungi iubet. Deinde pro *et licet me sinistro Ibera excetra ore dilaniet*, conicit, *et licet me sinistro Ibera excetra rumore dilaniet*, et mulierem aliquam, forte Castorinam, Hieronymi matertem, notari putat. Porro pag. 9. orationem Sallustii cum Severi oratione comparat, et, in quibus hic illum satis eleganter imitatus est, loca adfert. Tum pag. 11. de Chroricis Cornelii Nepotis: pag. 22. de vita Giselini: pag. 23. de censuris in commentarium Sigonii, et pag. 32. de epistolis Severi, a Dacherio, Baluzio, et Clerico editis, agitur. Epistolas hasce non omnes esse Severo tribuendas, Auctor pronuntiat: de secunda quidem paululum dubitat, quartam vero Severi esse negat. Denique refutantur et pag. 14. P. Remondinus, qui A. CCCC. Histor. Sacr. a Severo vulgatam esse docuit, et pag. 28. Coutantius, qui ex Severi loco vitioso Synodum Sirmiensem, A. CCCXLIX. ab Arianis celebratam, elicit. Haec de praefatione.

Ipsam hanc Histor. Sacr. Auctor ex Lipsiensi editione A. MDCCIX. typographo describendam dedit. At usus est etiam codice ex Bibliotheca Vaticana membranaeo, et decimo fere seculo scripto. Hic codex plerumque quidem cum editis convenit, etiam ubi loca quaedam hiulca apparent, (quare Auctor vel codicem Hildesianum, quem Flacius descripsit, ex Saxonia Romam pervenisse, vel utrumque ex eodem fonte fluxisse arbitratur) sed saepenumero lectiones elegantes et a vulgatis diversas exhibet. Sic in prologo habet — *etiam post gesta connectere*, pro inepto *convertere*: Lib. I. cap. 4. *ab assueto sermonis genere*. Forte tamen etiam vulg. se tueri potest *inassueto*. Nam Tibullus dicit: *operi infueta manus*, et Livius, 24. 48. *ita se a pueris infuetos*. Cap. 9. *ac rursus septemni servitio subditus*, pro *ac rursus septem in servitio s. etc.*: ibid. *desperata iam partitudine*, pro *partu*. Cap. 13. pro *legem naturae*, *lege naturae*. Sed illud nobis quidem melius placet, qui id interpretamur per res naturales; sic ut Iob dicatur rerum naturalium cognitionem habuisse;

buisse; ita enim saepe de ordine naturae *lex* usurpatur, ut apud Senec. Phoeniss. 84. *ipsa se in novas leges natura vertet*, Columell. 3, 8, 1. et saepissime apud alios. Illud certe quid sit: *lege naturae et agnitionem Dei et omnem iustitiam complexus*, haud facile quisquam divinabit. Hornius in nota ad h. l. maximo conatu nihil dicit: ibid. *pro tum a Deo, tum ab eo*, quod melius: cap. 16. *pro albedine, albitudine*; cap. 19. *pro non volentes Dominum intueri, non valentes*: cap. 22. *pro arca septies circumlata, circumacta*: cap. 48. *pro cibo potuque abstinere iubentur, c. p. abstinentur*: cap. 33. *pro interdictionis eius nescius, interdicti nescius*: cap. 50. *pro se Dei nutu arma suppressisse, sumfisse*: cap. 51. *dignum se exitum tulit, pro exitium*. Lib. II. cap. 45. *omnibus fere episcopis de errore etc. pro epistolis*: cap. 47. *post multa et foeda* in MSS. additur *certamina*. Praecipue duo illa loca: in Lib. I. cap. 45. *ab eo viduae filius etc.* et in Lib. II. cap. 1. *maximeque Danielis etc.* bene codicis ope restituuntur. Huius igitur MS. varias lectiones Cel. Prato excerpfit, simulque antiquiores editiones in consilium adhibuit, easque inter se comparavit. Sed duplex in hac parte nobis vitium Editor commisisse videtur. Primum saepissime non nomina editionum posuit, ex quarum quaque hanc vel illam lectionem sumserit, vel quomodo in hac, vel illa legatur, sed plerumque *alias editiones, plerasque, quardam, aliquot* dicit. Evolvant lectores pag. 46. n. 20. p. 47. n. 15. p. 55. n. 8. p. 50. n. 4. p. 8. n. 7. p. 59. n. 1. p. 13. n. 19. p. 19. n. 10. p. 20. n. 26. p. 21. n. 15. p. 24. n. 11. p. 31. n. 1. p. 129. n. 14. p. 115. n. 4. p. 132. n. 5. p. 147. n. 10. p. 150. n. 9. p. 224. n. 7. et sic saepe alias. Quomodo vero lectores divinabunt, unde quaeque lectio profecta sit? Nonne multum interest, utrum Minelliana an Gifeliniana aliquid praeferat? Valet etiam hic illud notissimum, *aliter catuli longe olent, aliter fues*. Deinde desideramus, ut in priori Tomo, etiam in hoc secundo, accuratam diligentiam Auctoris in inspiciendis editionibus. Sunt enim complures,



aeque non contemnendae lectionum varietates ab Auctore omiffae. Sic in Prol. habet Prato: *multis voluminibus praescripta*; ubi Horn. *perscripta*, quae lectio vera est et bona: ibid. pro *efflagitantibus* edit. Colon. *flagitantibus*. Lib. I. cap. 8. non *omnes impressi libri* minori praeferunt, iam in Horn. est *minoris*: cap. 18. pro *nondum desponsatam*, edit. Colon. *non desponsatam*: cap. 13. edit. Horn. *nec dissimulare*, pro *nec dissimulari* licebat. Lib. II. cap. 3. pro *transfere videamus*, Gifel. *videmus*. Haec vero omisit Editor cum aliis Virorum doctorum lectionibus, ut Lib. I. cap. 5. Sigonii, *fratrem* pro *patrem*: cap. 21. Drusii pro *Or Hor*: cap. 23. eiusdem pro *Geth Gae*: eiusdem cap. 24. pro *dux belli Iudas*, d. b. *Iuda*: et cap. 44. pro *Michaca Michaia*. Neque tamen lubet pluribus indagandis bonas horas perdere. Videtur nobis profecto Cel. Prato magis interdum festinasse, ut in hac re, ubi minime debebat, (ipse enim pag. 34. *hanc primam et praecipuam editoris curam* appellat,) sic etiam in aliis. Alias nunquam eum credimus scripsisse in praef. p. 9. *quae sane, quemlibet sacris studiis deditum persuadere debent, ut id sibi — familiare et intimum esse velint*. Neque enim tam iniqui sumus, ut Pratonem talia consilio posuisse ullo modo vel ipsi credamus, vel aliis persuadere cupiamus.

Sed illuc revertamur, unde digressi sumus. Erat vero nobis propositum, ut de adnotationibus, Severi orationi subiectis, exponamus. Pertinent illae cum ad textus lectionem, tum ad difficiliorum locorum explanationem. Iam coniecturarum, quibus Editor Severo succurrere voluit, maximus est numerus. Singulis prope in paginis aliquot occurrunt; totum vero per librum *ὡς μὲν μακρὰς*. Atque ex tanto numero vix viginti esse fatemur, quae se nobis probent. Aliae vel praeter omnem necessitatem, vel non satis feliciter ab Editore sunt conflatae, atque adeo facile possent refutari, si hoc nobis iam esset propositum. Transcribamus huc aliquot: Lib. I. cap. 3. pro *diversi generis bestiarum*, coniec. *universi*: cap. 4. mox *a Domino cum filiis benedicatur, praeceptumque accepit*, coniec. *accipit*;

accipit; non opus; iam nuper monuimus, Pratonem non recte in usu temporum definiendo versatum esse. In hoc Tomo non semel in hunc lapidem impingit; ut cap. 46. extr. mutat *effecit* in *efficit*: cap. 54. *consulit* in *consuluit*. Lib. II. cap. 18. *occoeperat* in *occoepit*: cap. 24. *iuverat* et *occurrerat* in *iuvit* et *occurrit*: cap. 20. *interficat* in *interfecit*. Nunc eo redeamus. Cap. 4. pro *vacuo tum saeculo ex filiis Noe Sem fuit*, coniec. *Semen*, vel *seminatum fuit*. Cap. 5. *primaque eis — habitatio fuit*, coniec. *ei*: cap. 7. pro *iuvenilis aetatis* coniec. *iam virilis*: cap. 11. pro *postero die editus est*, coniec. *praepostero ordine*: cap. 12. pro *corpus sepulchro suo redderet*, coniec. *suorum*: cap. 16. pro *aquae penuria tentaretur*, coniec. *teneretur aut simile quid*. Quare tandem? Nonne *tentari* saepe est idem, quod *invadi*, et *opprimi*? quo significatu de calamitatibus et morbis usurpatur; ut apud Horat. *renes morbo tentantur acuto*; et Virg. Georg. 3. *scabies tentat oves*, et sic saepius apud alios. Cap. 15. post verba — *sexcenta pervenerat*, lacunam esse putat omissamque a librariis integram sententiam, qua significaretur tempus, quo Hebraei in Aegypto morati sint; Severum vero forte ita scripsisse — *pervenerat*. *Id factum post annos CCV. ab eo tempore, quo Iacob in Aegyptum pervenerat, ab eo etc.* Cap. 18. pro *consuluerit*, coniec. *non concluderit*: cap. 20. totam hanc *ἐπιστολήν*, *magnaue eo die — periisse tradantur*, hinc penitus eliminandam iudicat, utpote aliunde huc translata, et huic loco absonam. Cap. 22. *Iordanis flumen validissimum transitum prohibebat, quia neque navium copia pro tempore erat, neque vadari fluvius poterat, qui tum pleno alveo ferebatur*, coniec. *vadosissimum*: quis enim, ait, *flumen validissimum unquam dixit*? At dixit et *fontem validum* Plinius in Ep. 161. et *flumen validum* Lucretius I. 292. Et si vel nemo unquam ita dixisset, ipsa tamen series orationis docet, quam ideo totam adscripsimus, ita legendum esse. Quin et aliquoties Editor coniecturas suas, quarum non decimam partem attulimus, in textu posuit. Ut Lib. II. cap. 11. pro *adeo ponit a Deo ob peccatum*

*catum*—: cap. 13. *pro pergīt ad reginam, legit ad regiam.* Lib. I. cap. 53. *pro vinctum captumque ponit victum captumque.* Post lectionis et verborum curam illud praesertim Editor agit, ut frequentes gravissimosque Severi in Chronologia et Historia lapsus indicet, atque etiam fontes, ex quibus quisque error derivatus sit, ostendat. Si quando minus recte et pie Severus de Christiana religione et ecclesiastica disciplina loqui Auctori videtur, vel defendit illum, vel mitius interpretatur. Prae aliis memoranda nobis videntur, quae pag. 5. de gigantibus; pag. 50. de nomine Abimelech; pag. 67. de numeris corruptis in sacro codice, etiam Hebraico; pag. 182. de vaticinio Ionae, urbem Niniven triduo perituram; pag. 155. de die et consulibus, quibus Christus natus sit; pag. 167. de Traiano persecutore Christianorum; pag. 187. de basilicis, in loco passionis et resurrectionis Christi erectis; pag. 195. de Nicaena synodo; pag. 200. de Marcello; pag. 213. de Liberio; pag. 229. de solitario Deo et unione trionyma; pag. 247. de die emortuali Hilarii, habentur. Potissimum, quae ad persecutiones, ab Imperatoribus adversus Christianos susceptas, pertinent, copiose explicantur. Sed haec copia veremur ne compluribus lectoribus molesta sit; obruitur illa ingenium legentis, defatigatur attentio, et frequentibus Pratonis digressionibus, etsi doctis et bonis alias, longius a proposita materia animus abstrahitur, ut vix interdum rei meminisse possis, cuius gratia tam longa disputatio suscepta fuerit. Utitur etiam Auctor hic frequenter aliorum adnotationibus, et vel integras eas apponit, vel argumentum certe excerpit. Etsi vero pag. 35. *se perpetuo sua quaeque auctoribus afferuisse* profiteatur, *ne illi debita laude fraudarentur*, non semel tamen in hac parte illius candorem desideramus. Iam in primo libro quot non adnotationes et coniecturae Drusii et Merceri afferuntur? neque tamen illorum nomen usquam apparet. Ne quis nos iniuriam Pratonī facere suspicetur, notabimus loca aliquot, quae lectores evolvere, et cum aliis con-

con-

conferre possint, ut pag. 10. n. 1. et 5. p. 17. n. 6. et 10. p. 19. n. 7. p. 23. n. 23. p. 28. n. 13. et 17. p. 30. n. 1. p. 32. n. 16. p. 39. n. 12. p. 40. n. 2. p. 45. n. 6. p. 49. n. 7. p. 51. n. 19. p. 63. n. 14. p. 73. n. 1. p. 79. n. 13. et 18. p. 80. n. 14. p. 90. n. 4. p. 121. n. 2. Neque tamen haec durius accepturum Cel. Pratonem speramus, cum pag. 35. ipse fateatur, *se ultro censoribus suis manus daturum, immo gratias habiturum, si quidem id non ex praedjudicata aliqua opinione, sed ex rei veritate fiat.* Nos vero ex rei veritate iudicasse, is demum intelliget, qui, quae indicavimus, diligenter loca excutiat. Sed de his satis.

Transeamus ad dissertationes tres, hisce adnotationibus subiunctas. In Dissertatione prima Chronologia Sacrae Histor. Severi partim ex verbis ipsis, partim ex mente eiusdem, contextitur. Ad examen etiam vocatur temporum ratio a Gisellino instituta, quo se multo in subducendis numeris accuratorem fuisse ipse fatetur. Verum cum totam Pratonis tabulam huc transcribere non libeat; neque partes aliquae ex opere decerpi possint, quod continuatione quadam perpetua inter se coniunctum est: nihil, nisi ut lectores ad ipsam disputationem legendam expendendamque invitemus, nobis relinquitur. Paulo fusius agemus de altera Dissertatione, in qua de Chronico Eusebio-Hieronymiano varia proponuntur. Notum est, quae fuerint Iosephi Scaligeri et Dominici Vallarsii de illo sententiae. Utrumque existimat Auctor falsa veri specie captum a vera via aberrasse, atque media inter utrumque via incedendum esse arbitratur ita, ut Eusebium quidem duo libros ad Chronologiam spectantes edidisse contra Vallarsium cum Scaligero affirmemus, unum vero ex his, et secundum quidem ab Hieronymo in latinum sermonem fuisse conversum, contra Scaligerum cum Vallarsio dicamus. et priorem, ut Vallarsius putavit, eius libri partem, quam Scaliger libri primi laciniam esse voluit, omnino reiciamus, et cum Hieronymo tum Eusebio indignam iudicemus. Nititur potissimum Vallarsius loco quodam ex praefatione



seu prologo in Chronicum, quem, ut Hieronymus interpretatus est, integrum latine, graece autem apud Syncellum ex priori parte habemus. Locus est hic: *Cum haec ita se habeant, necessarium duxi veritatem diligentius persequi: et ob id in priori libro (scilicet libello) quasi quamdam materiam futuro operi, omnium mihi regum tempora praenotavi, Chaldaeorum etc: in praesenti autem, stilo eadem tempora contra se invicem ponens, et singularum gentium annos dinumerans, ut quid coaetaneum fuit, ita curioso ordine cooptavi.* Unde Vallarsius colligit, unum quidem librum Eusebium de hoc argumento scripsisse, sed illum in duas quasi partes divisisse, quarum prior contineatur illo, quod inscribitur *Exordium libri*, quodque ab Adamo ad Abrahamum pertexitur, et *serie regum*, eidem *Exordio* subiuncta, alteram vero Chronicum ipsum absolvat. Quoniam etiam illis Hieronymi in *priori libro* apud Syncellum ἐν τῇ πρὸ ταύτης προτάξει respondet, Eusebium putat *praeviae* cuiusdam *dissertationis*, seu *praefationis* loco, illa quae diximus praemisisse, atque de his intelligendum esse locum illum, quo, Hieronymo interprete, prioris libri mentionem facit, seu, ut Vallarsius interpretatur, *praeviae operis ordinationis*. Quid ad haec Cel. Prato? Primum, ait, si etiam cum Vallarsio ἐν τῇ πρὸ ταύτης προτάξει legamus, non tamen sermo erit de iis, quae sequi debeant prologum, sed de anteriori aliqua praefatione. Est enim verborum ordo hic: ἐν τῇ προτάξει πρὸ ταύτης προτάξεως, in ea, quae hanc praecedit, praecoordinatione. Deinde legendum illo loco omnino συντάξει, i. e. commentario, libro, ut Hieronymum legisse apparet, ut Scaliger legendum viderat, ut, quod caput est, in altero MS. regio habetur. Denique Vallarsii sententiae maxime obstant primum *futuro operi, priori libro* oppositum, et alterum, *in praesenti autem*, iterum praeterito illi *praenotavi* oppositum. Nam, quoniam *in praesenti autem* ad tempus refertur, quo haec Eusebius scribebat, et Chronicum edebat, *praenotavi* vero ad aliud tempus, quo *se priorem illum librum* iam edidisse

edidisse indicat, non possunt *prior liber et futurum opus* de duabus unius libri partibus accipi, sed de duobus libris diversis, aliqua etiam temporis intervallo inter se distantibus, intelligi debent. Apparet etiam ex aliquot prologi locis, peculiarem eum esse prologum Chronici, i. e. libri illius singularis, a Nino et Abrahamo incipientis. Nam ex his: *Quamobrem praesens opusculum ab Abraam et Nino usque ad nostram aetatem — persequetur, et statim in principio sui Hebraeorum Abraam — proponet, et igitur consequenter in libelli fronte ponimus uno eodemque tempore Abraam* etc. constat, praeter prologum nullam Chronico enarrationem Eusebium praefixisse. His expositis Auctor ad aliam huius rei partem pergit. Falsum esse docet, quod Scaliger, Vallarsius, omnesque reliqui adhuc crediderunt, Hieronymum utrumque Eusebii de temporibus librum, seu utramque libri partem, interpretatum fuisse. Ex Auctoris opinione nihil ille aliud in eo argumento, praeter prologum et Chronicum, latinum fecit. Primum enim ipse Hieronymus, in epistola ad Vincentium et Gallienum, Chronicum tantum se in latinam linguam transtulisse hisce verbis indicat: *Sciendum etenim est, me et interpretis et scriptoris ex parte officio usum, quia et graeca fidelissime expressi, et nonnulla, quae mihi intermissa videbantur, adieci, in Romana maxime historia, quam Eusebius conditor huius libri etc. Itaque a Nino et Abraam usque ad Troiae captivitatem pura graeca translatio est: a Troia usque etc.* Chronici Prologum, etsi nulla huius mentio fiat, Hieronymo tamen deberi, ob arctissimam cum Chronico affinitatem, Auctor existimat. Porro Idatius in praefatione Chronici Hieronymum eius *scripturae* Eusebii interpretem dicit, quae *ab initio Nini regnantis Assyriis ad viceimum Constantini annum* pertinebat. Post Victorius Aquitanus, in praefat. Paschalis Canonis, Hieronymum tradit Eusebii Chronicum cum prologo in latinum transtulisse; haec eadem Chronica a Nino incipere; Eusebium superiora tempora non attingisse, quoniam in sacris libris tradantur: *aetates praecedentium*

dentium generationum in Prologi textu summatim, tum in operis pleritudine sub annorum recapitulatione comprehendendi. Ipsum deinde scribendi genus incomptum, barbarum, obscurum, Hieronymo indignum, testatur illud praecipue, quod dicitur *Exordium libri* Hieronymum interpretem non habuisse. Quare mirandum est, Viros, alias doctos, hunc sordidum pannum Hieronymo tribuere potuisse. Videamus, quibus argumentis usus Scaliger primum Eusebii librum de Temporibus ab Hieronymo translatum fuisse iudicaverit. Hic quidem ita argumentatur: In eo, quem habemus Eusebii libro, nihil legitur de conviciis et maledictis a Iudaeis in Christum iactis; iam de illis expositum fuit in priori libro, qui periit; ergo Hieronymus utrumque librum interpretatus est. Verum et Vallarsius iam observavit, ea Iudaeorum convicia, tanquam ad temporum doctrinam minime pertinentia, neque in Eusebiano libro peculiarem locum habere debuisse, et Auctor longe aliam interpretationem huius loci proponit. Locus Hieronymi, ut a Pratone interpungitur, hic est: *Quodque infert: Confirmabit autem pactum multis hebdomada una, et in dimidio hebdomadis deficiet hostia et sacrificium, sic interpretatur (Eusebius): quod Herode regnante apud Iudaeam, et Augusto apud Romanos, Christus natus sit, qui tribus annis et sex mensibus iuxta Evangelistam Ioannem Evangelium praedicavit, et confirmavit veri Dei cultum, multis, haud dubium quin Apostolis et credentibus: quando post passionem Domini in dimidia rursus hebdomada defecit hostia et sacrificium: (quidquid enim in templo postea factum est, non fuit sacrificium Dei, sed cultus diaboli, cunctis in commune clamantibus: Sanguis eius super nos et super filios nostros: et Non habemus regem nisi Caesarem:) quem locum in Chronico eiusdem Eusebii, quem ante annos plurimos in latinam linguam vertimus, diligens lector plenius edisserturn poterit invenire. Quo cum loco si quis ea confert, quae ad annum Tiberii XVIII. in Chronico leguntur: Iesus Christus, filius Dei, secundum prophetias etc. intelliget, Hieronymum,*

in

in Commentario Danielis lectores ad Eusebii Chronicum ablegantem, nullum alium, quam hunc locum indicare voluisse. Alterum argumentum repetit Scaliger a Marcellino Comite, in praefatione Chronici sui scribente: *Post mirandum opus, quod a mundi fabrica usque in Constantinum principem Eusebius Caesariensis huius saeculi originem, tempora, annos, regna, virtutesque mortalium et variarum artium repertores, omniumque paene provinciarum monumenta commemorans, graeco edidit stile, nosterque Hieronymus cuncta transtulit in latinum, et usque in Valentem Caesarem Romano adiecit eloquio: etc.* Verum Auctor Marcellinum propterea sic scripsisse dicit, quod tum in prologo tum in Chronico legerit expressum numerum annorum ab orbe condito, praecipue in extremo opere, ubi legitur: *Fiunt ab Adam usque ad XIV. Valentis annum — — omnes anni MMMMMDLXXIX*; quae licet in quibusdam MSS. desiderata, Marcellinum tamen legisse et exscripsisse apparet, quoniam haec deinde scribit: *Igitur uterque huius operis auctor VM. et DLXXIX. ann. hunc mundum tunc fore miro computavit ingenio.* Declarat porro falsitatem et suppositionem horum additamentorum Chronici Hieronymi, perpetuum silentium antiquorum scriptorum. Etsi enim plurimi Hieronymi vestigiis insisterunt, nonnulli integrum fere librum transcripserunt, nemo tamen est, qui ex illa priori Chronico affixa parte, aliquid sumserit; omnes ab Abrahami et Nini temporibus Hieronymum seu Eusebium sequuntur, de superioribus autem aetatibus quae scribunt, vel ex sacris scriptoribus, vel ex aliis mutuuntur. Sulpicius Severus, Augustinus, Orosius, Prosper, Cassiodorus, et Gregorius Turonensis, omnes Eusebium laudant et sequuntur, ab initio usque Abrahami Chronicon illius compilantes, enumerationes autem annorum ab Adamo ab Abrahamum, vel ex eiusdem Chronici Prologo excerpserunt, vel, qui alias rationes iniverint, se eas ex vulgata eo tempore Scripturae editione collegisse monent; nullus se vel *Exordium* illud vidisse, vel ex eo aliquid sumxisse indi-



cat. Idem dici potest de auctoribus posterioris antiquitatis, ut Adone Viennensi, Freculpho Lexoviensi episcopo, Mariano Scoto, et Riccobaldo Ferrariensi. Praeterea neque antiqui Codices haec additamenta agnoscunt. Arnaldus Pontacus MSS. viginti et octo evolvit, sed in quatuor tantum illa invenit, Scaliger vero in uno tantummodo. Ut vero eo magis appareat, quid de additamentis his statuendum sit, ostendit Auctor ea, ut ieiuna, inepta, frigida, minime Eusebii ingenium et indolem referre; quae in Exordio illo libri tradantur, repugnare iis, quae in Chronico scripta sint; illa denique additamenta minime scopo et instituto Eusebii convenire. Hic exponit etiam Auctor de illa parte, quae *Series Regum* appellatur, eamque nihil aliud esse putat, quam indicem quendam ipsius Chronici; eumque non ab Hieronymo, sed multis post Seculis compactum. Tota igitur Pratonis disputationis summa huc redit: in illo textu prologi indicari quemdam priorem librum de Temporibus ab Eusebio scriptum, eumque tum omnino a Chronico diversum, tum ab iis longe distitum, quae in quibusdam libris, et manu exaratis, et formulis descriptis, Chronico addita habentur: haec autem additamenta primum alieno omnino loco collocari, dum inter prologum et ipsum Chronicum inseruntur; neque ea Eusebium auctorem et Hieronymum interpretem habere. Etsi vero haec dissertatio, non minus quam tertia, a Severo aliena esse videatur, non inutilis tamen est cognitu, quoniam Severus Eusebium in distinctione temporum fere sequitur.

Tertia dissertatio affinitate quadam cum prioribus coniuncta est. Argumentum est hoc: In omnibus libris, cum editis, tum scriptis, Chronici Eusebio-Hieronymiani, ab antiquissimis usque temporibus, Christi mors refertur ad annum Tiberii Imp. et Herodis Tetrarchae, XVIII, (qui respondet anno ab Abraham nato IIMXLVII, et Olympiadis CCII. anno III.) atque ibi legitur: *Iesus Christus, filius Dei, secundum prophetias, quae de ipso fuerant praelocutae, ad passionem venit anno Tiberii XVIII.* Auctor vero Christi mortem

mortem ad annum sequentem referendam, atque adeo anno Tiberii XIX. legendum esse, arbitratur. Videamus rationes, quibus adductus ita sentiat. Primum ex graeco Eusebii textu, quem nobis Syncellus servavit, legitur ἔτος ἰθ' τῆς Τιβερίου βασιλείας. Quae lectio cum confirmatur Anastasii Bibliothecarii interpretatione: *Iesus Christus — ad passionem properat anno nonodecimo imperii Tiberii;* tum, quoniam Landulphus sagax, seu quisquis Historiam *Miscellam* continuavit post Paullum Diaconum, eodem pacto in Anastasio legit: *quamquam nonodecimo anno Tiberii haec* (loquitur de eclipsi solis, moriente Christo visa,) *facta referuntur.* Cui lectioni confirmandae accedunt Auctoris Chronici Paschalis et Syncelli ipsius suffragia. Ille scribit: *Ἰησὺς Χρῆστος — ἐπὶ τὸ πάθος παρίει τῷ ἰθ' ἔτει τῆς Τιβερίου μοναρχίας;* hic: *κατὰ τὸ ἰθ' ἔτος Τιβερίου Καίσαρος.* Quid? quod idem Syncellus Eusebium observat ab Adam condito, ad ortum Abrahae, collegisse ἔτη γρπδ', seu IIMCLXXXIV, rursusque ab Abrahae nativitate ad *Crucem salutarem et vivificantem resurrectionem,* ἔτη βμῆ, seu IIMXLVIII, postremo ab Adam ad Christi passionem ἔτη εσλβ', seu VMCCXXXII. Iam vero ille annus ab orbe condito et Abrahamo nato, concurrat cum anno XIX. Tiberii et Herodis: quare non est dubitandum, quin idem Eusebius Christi mortem huic anno in Chronico affixerit. Deinde dum Eusebius in Chronico scribit: *Argumentum autem huius rei, quod Salvator isto anno* (nimirum XIX. Tiberii) *passus sit, Evangelium praebet Iohannis, in quo scribitur, post decimum quintum annum Tiberii Caesaris tribus annis Dominum praedicasse,* aperte indicat, se non Tiberii anno XVIII. passionem Christi affigere. Sic enim non anni tres, sed biennium tantum, aut aliquanto longius spatium, intercessisset. Denique, quod praecipue exemplaria Chronici latina, in quibus Christi passio respondet anno Tiberii XVIII. vitiosa esse demonstrat, est testimonium Phlegontis, ab Eusebio in suae sententiae confirmationem productum. Nam cum Phlegon eclipsin quandam portentosa-

sam

sam accidisse scribat anno IV. Olymp. CCII, qui ex Eusebii sententia respondet anno Tiberii XIX, hic autem minime dubitet, quin ea eclipsis in ipsa Christi morte facta fuerit: omnino sequitur, ut eidem anno IV. eius Olymp. et Tiberii XXI. assignaverit mortem Christi. Hic igitur producit Auctor Eusebii graecum textum, ubi de his disputat, et Phlegontem laudat, cum Hieronymi versione, et latina versione textus Phlegontis ab Anastasio curata, et ex eo a Landulpho sagaci Historiae Miscellae inserta. Illustrat vero non solum Auctor notulis hanc *ἐπιστολήν*, sed multis id agit, ut demonstret, in Christi morte consignanda Eusebium nulla ratione cum Phlegontis a se producti testimonio componi et conciliari posse, nisi illa anno Tiberii XIX, et CCII. Olympiad. IV. tribuatur, sed etiam ea, quae a Petavio et Pagio ad eluendum, ex Phlegontis-eclipsi ductum, argumentum excogitata sunt, proponit et excutit. Hac occasione varia disputantur de Phlegonte, et Eusebii in recensendis annis Olymp. et Imperatorum methodus illustratur. Quibus dictis quaerit Auctor, an Hieronymo adscribenda sit, quae in Eusebii Chronico occurrit, interpolatio? Auctori quidem admodum probabile, et prope certum videtur, Hieronymum in interpretando et ordinando illo Chronici loco, nihil omnino discessisse ab Eusebii rationibus, sed interpolationem illam postea irrepsisse, neque tamen esse certum, utrum scribarum oscitantia, an deliberato consilio. Exponit porro Auctor, quid in Eusebio-Hieronymiano Chronico legerint, aut legisse videantur scriptores latini, qui proxime post Hieronymi interpretationem, et deinceps vixerunt. Denique post longam disputationem de Prosperi sententia et Chronico, disquiritur, quid de anno Christi natali, et de totius eius in terra peregrinationis spatio Eusebius statuerit, et quid ex illis verbis latini Chronicorum consarcinatores exsculperint, (ubi et recentiorum chronologorum errores, in interpretatione Eusebii commissi, notantur,) et Appendicis loco ex Ioannis Philoponi de mundi creatione Lib. II. cap.

cap. 21. cum Corderiana Versione brevibusque Pratonis notis, tota illa *ῥῆσις* additur, ubi testimonium de eclipsi a Phlegonte commemorata exhibetur.

Hiscæ dissertationibus adnexæ sunt Observationes uberiorēs in Severum, quas nemini iniucundas fore speramus. Nos potiora inde delibabimus. Pag. 412. disputat Auctor de opinione quorundam Patrum, Angelos turpiter cum mulieribus congressos esse, et huius erroris quatuor fontes ostendit: primum, versionem τῶν LXX. qua tum Christiani utebantur, in aliquibus MSS. Genes. VI, 2. pro *filiis Dei* habentem *Angeli Dei*: οἱ ἄγγελοι τῶ Θεοῦ, ut etiam adhuc in MS. Alexandrino legitur: deinde opinionem multorum ex antiquis Patribus, angelos corporeos fuisse: tum auctoritatem libri Enoch, quem pro canonico nonnulli habuerunt, fuisse et primo fortasse hanc fabulam tradentis: postremo Philonis et Iosephi auctoritatem, eundem errorem committentium. Pag. 414. de magnitudine arcae Noæ, et de quaestione, an animalia carnivora, quo tempore in arca fuerint, foeno aliisque frugibus, non carne, vesci potuerint? agitur. Pag. 418. de numero cuiusque speciei animalium, quem Noe in arca servavit, quaerit. Auctor ex immun-  
dis bina, ex mundis septena paria fuisse, cum Origene et aliis credit. Pag. 420. refutatur Clericus, qui in loco illo, apud Hieronymum in Quaest. Hebr. in Genes. *corvo non revertente*, codices graecos, tempore Iosephi, negatione ea caruisse pronuntiat. Pag. 421. explicatur gravissima quaestio, utrum Assur, Semi filius, ut antiqui prope omnes, an, ut plerique recentiores putant, Nembrod Niniven condiderit, aliasque vicinas civitates? Sequitur Auctor Perizonium, illiusque sententiam, ex Orig. Babyl. cap. 4. excerptam, proponit. Pag. 425. expenduntur virorum doctorum sententiae de consilio hominum, turrim Babylonicam aedificantium. Nam Severus, cum τοῖς LXX. et Vulgata tradit, ea mente illam constructam esse, *ut insigni aliquo opere famam quaererent, priusquam a se invicem diducerentur*: sed Hebraeus textus ideo illud homi-



nes fecisse indicat, *ne a se invicem diducerentur*. Videtur Auctori aliquantulum elevari et minui posse difficultas, si verba, *ne dispergamur*, non referantur ad proxime praecedentia, *et faciamus nobis nomen*, sed ad superiora, *faciamus nobis civitatem et turrim*, ut sententia Scripturae ita commodè reddi possit: *Aedificemus nobis urbem et turrem, cuius fastigium ad coelum usque pertingat, ut faciamus nobis nomen, et ne dispergamur per universam terram*. Pag. 451. de nova etymologia verbi Beersaba, ab Hieronymo ex Genes. XXVI, 33. eruta, et in Vulgata exhibita, nempe, ut dicatur *puteus abundantiae, sive securitatis*, agitur. Pag. 454. refutatur Clerici opinio, Dinam quadriennio Iosepho iuniorem fuisse, atque adeo biennio post huius venditionem decimum quintum aetatis annum attigisse, quo tempore, aut etiam aliquanto post, eam Sichemus rapere potuerit. Pag. 478. fuse disputat Auctor de Decalogo, seu decem praeceptorum distinctione. Praeferendam omnino censet, et in usu populari retinendam eam Decalogi divisionem, quam Augustinus multis locis tradit, ita ut in prima tabula inscripta fuerint tria praecepta ad Deum pertinentia, in altera septem ad proximum, neque tamen spernendam aut damnandam alteram antiquiorem illam, et tot Scriptorum et Patrum calculis approbatam. Pag. 485. est dissertatiuncula de capite vituli, ab Aarone in eremo effecto. Arbitratur Auctor, si quis Patrum loca diligenter consideret, neque illam sententiam cum iis conciliari posse, quae bubulo capiti iungat corpus hominis, quoniam patres, qui caput semper nominant, nihil prorsus de corpore dicant; neque eam, quae sub capitis vitulini aut bubuli appellatione integrum bovem aut vitulum intelligant. Aliqui Patres eodem loco, quo caput vituli, ab Aarone conflatum, commemorant, duo quoque vitulos a Ieroboamo factos appellant, neque illos tamen *blua capita aurea*, sed *vitulos aureos* dicunt. Probabile quoque videtur Auctori, ideo de vitulo illo aureo ita eos locutos esse, quoniam forte in antiquos latinae Scripturae codices, quos

quos prae oculis habuerint, glossema aliquod irreperit, ex quo sibi persuaferint, Aaronem non integrum bovem s. vitulum, sed caput tantum effinxisse. Qua in sententia confirmatur Auctor potissimum eo, quod omnes prope Patres, qui tanta consensione caput vituli nominaverunt, Latini fuerint, plerique vel ante Hieronymum floruerint, vel illi fuerint aequales, atque ita antiquiori latina editione ex graeco expressa usi sint. Coniicit praeterea, hanc de capite bubulo ab Israelitis pro deo habito persuasionem profluxisse ex notissima illa fabula, Iudaeos in templo asinini capitis auream effigiem servasse et adorasse. Pag. 495. refellitur opinio scriptoris anonymi, cornua Mo- sis nihil aliud fuisse, quam capillos in summa fronte, quasi duo cornua, crispatos, erectos, et auri ramentis conspersos.

Insertae sunt denique his observationibus tres dis- sertationes. Prima quidem pag. 430. de uxoris Lot cul- pa et poena. Auctori sententia haec est: Verba Genes. XIX, 6. *Respicensque uxor eius post se, versa est in statuam salis*, μεταστροφικῶς, seu tropice esse accipienda, ita ut *re- spicere post se*, idem valeat ac *retrosum se convertere et re- dire eo unde venias*, atque adeo vera causa, cur mulier perierit, ea sit, quod illa Sodomam sit regressa. Primum quidem notandum est, τὸ *respicere post se*, et de illo dici posse, qui, ut videat, quae sibi a tergo sint, in eam par- tem toto se corpore convertit. Sic, ubi in 1 Reg. XXIV, 9. legitur: *et respexit Saul post se*, et in 2 Reg. II, 20: *re- spexit itaque Abner post tergum suum*, utrumque intelligen- dum est se toto corpore convertisse. Quare cum uxor Loti dicitur *respexisse post se*, non de solo respectu, sed totius corporis conversione illud dicitur. Ita etiam inter- pretatus est interpres Syrus, usus verbo מתפנית, conversa est. Deinde in Hebraeo textu non dicitur, *respexit post se*, neque *post eum*, sed מאחוריו, *de post eum*, scilicet Lo- tum. Concordat etiam Syriacus interpres: *et conversa est uxor eius a tergo ipsius*, i. e. maritum desuit sequi, ac Sodo- mam rediit. Hanc interpretationem confirmant sequentia:

Si legas *post eum*, et intelligas mulierem post maritum praeuntem respexisse, nunquam illa oculos flexisset ad urbem, neque dicendum fuisset eam respexisse post maritum, sed ad maritum, **אָלײ** non **אַחֲרָיו**: si Scriptura Sacra indicare voluisset, uxorem ad urbem respexisse, non dixisset, *de post maritum*, sed apertius *post se*, sicut paullo ante Angelus Loto dixit, *ne respicias post te*: affixum **אֶחָד** praepositioni **אַחֲרָיו** discessum mulieris a marito declarat, ut in Ruth I, 16. et I Reg. XXII, 20. Porro etsi re vera aliud est *post se respicere*, aliud *convertere se retrorsum*, aliud denique *redire eo, unde veneras*: est tamen ita a natura comparatum, ut qui se convertit, respiciat, et qui aliquo rediturus est, eo se convertat, atque adeo haec metaphora non dura, absorta, et longius petita videri debet, si per **רֹא** *respicere in itinere*, indices *redire unde veneras*. Conferantur inprimis in Genes. XVIII, 16. et 22. et notetur, verbum **ἐπιστρέφω**, quod proprie conversionem corporis designat, apud **רַגַל** LXX. et in Nov. Test. in significatione revertendi occurrere. Eandem interpretationem admittere Auctori videtur locus Lucae IX, 62: *Nemo mittens manum ad aratrum, et respiciens retro, aptus est regno Dei*: i. e. qui pertaesus laboris inceptum opus deserat, et domum revertatur. Tum, si credamus uxorem tantummodo respexisse, vix, quodnam peccatum illud fuerit, tanta severitate puniendum, intelligitur. Nam sive nimia curiositas excidium urbis videndi, sive nimius patriae amor causa fuit respiciendi, utrumque tamen erat venia dignum. Post in ipsis Angeli verbis nullum est praeceptum, ne respicerent post se, nullum Dei interdictum, nulla comminatio. Neque intelligitur, quomodo Sodomitico excidio obrui potuerit aut Lotus, aut uxor illius, si, in ea adhuc via, quae Segor ducebat, constituti, respexissent. Illud excidium ex Angeli promissione, nonnisi postquam Segor se recepisset Lotus, initium habuit. Iam cum mulier *post se* eo tempore *respexisse* dicitur, quo iam Sodoma ignibus ardebat, sequitur primum, ut id in itinere, quo Lotus pergebat Segor,

gor, minime acciderit, sed postquam ille oppidum fuerit ingressus, et deinde, ut, cum Lotus ingressus sit Segor', uxor iam redierit versus Sodomam, eoque in reditu perierit. Postremo nulla idonea et probabilis causa produci potest, cuius gratia Deus Loto interdixerit, ne in fuga oculos ad Sodomam reflecteret. Accersit Auctor etiam huius sententiae firmamentum ex Luc. XVII. Ibi enim Christus, exitialem Iudaeorum calamitatem praedicens, cum tempore diluvii et Sodomitici excidii comparisonem instituit, nec secus ac Angelus Lotum, praemonet, ut, qui in agro sit, (μὴ ἐπιστρέψατω εἰς τὰ ὀπίσω) ne retro redeat, atque demum sententiam hisce verbis concludit: *Memores estote uxoris Lot*: i. e. qui imminente obsidione Hierosolymitana retrorsum se converterit, et in urbem redierit, eandem, quam uxor Loti, culpam admittet, eademque poena afficietur. Haec de prima huius dissertationis parte. In altera multis refutatur dissertatio Clerici de statua salis, in qua ille transformationem corporis huius mulieris e medio tollere, atque, ut σήλη ἀλὸς sit ὡς σήλη ἀλὸς, quo nihil aliud, quam diriguisse illam, indicetur, probare nititur. Altera dissertatio pag. 458. seq. de traiectione maris rubri, est adversus eundem Clericum scripta. Refellitur enim opinio illius, tunc temporis aestum live refluxum maris Erythraei vehementi vento, eoque boreali, ultra consuetum morem auctum fuisse: inde repente amplissimum vadum emerfisse, per quod transierint Israelitae, Aegyptios vero ab aestu redeunte fuisse deprehensos: illud unum esse miraculum, quod aestus ille omnium longe maximus fuerit, et a Deo sine dubio Mosi revelatus. Dissertatio III. pag. 505. ad Severi locum: *Non ex voluntate viri, sed ex Deo natus est*, exponit de vers. 13. Cap. I. Evangelii Iohannis. Nimirum in codice antiquissimo Veronensi Evangeliorum invenit Auctor pro *sed ex Deo nati sunt*, ut omnes Versiones et codices cum Vulgata praeferrunt, *sed ex Deo natus est*, ut Sulpicius Severus etiam legit. Quare Auctor primum Graecos Patres, tum Latinos



recenset, quae sit inter utrosque in usurpando illo Iohannis versu differentia ostendit, et demonstrat, Graecos omnes, licet Iohannis verbis, sive aeternam ex Deo Patre, sive corporalem ex Maria virgine Christi generationem exprimentes, ita tamen illis uti, ut nunquam eis quasi certo et ineluctabili testimonio suam sententiam stabiliant, sed impropria significatione, et per accommodationem tantum, quod et a plerisque Latinis factum sit. Quare ex eiusmodi testimoniis non posse iudicat recte colligi, in Graecis Nov. Test. codicibus ab iis lectum, *ὁς — ἐγενήθη*, sed potius inde, quoniam aliud quasi agentes Iohannis verba aliquot ex versu illo excerpant tantum, et proposito sibi argumento accommodent, apparere, eos non ita legisse. Addit praeterea, referendam esse hanc lectionem in eorum locorum classem, quae magno numero, ut Hieronymus ait, *a praesumptoribus imperitis emendata perversius fuerunt*. Tertullianum fortasse primum huius lectionis auctorem et fabricatorem fuisse, ex eiusque scriptis invec̃tam postea illam esse in Veronensem codicem; certe neminem ante Tertullianum, aut postea; vel ex Graecis, vel ex Latinis Patribus, nec eos quidem, qui ad eam alluisse videntur, auctoritatem et pondus huic lectioni conciliare. Haecenus de altero Tomo editionis Veronensis Sulpicii Severi.

Caeterum promittit Cel. Auctor tertium adhuc Tomum huius editionis, cui et indicem in universum opus, et epistolas Severi addet, atque etiam observationibus, in hoc Tomo usque ad Libr. II. cap. XXVIII. perductis, finem imponet. Nos quidem speramus fore, ut, si ea, qua par est, et quam in hoc Tomo ostendit, diligentia, aequitate, modestia, et humanitate, in negotio hoc versari pergat Cl. Prato, non invita munus hoc accipiat erudita respublica, magnasque illi habeat gratias. Optamus autem ut aliquanto celerius prodeat Tomus Tertius quam hic Secundus, quem tria propemodum lustra a Primo se iunxerunt.

MEDI.

*MEDITATIONES DE HARMONIA MENTIS*

*humanae cum corpore sibi iuncto, cuius causae  
exquiruntur.*

*Auctore IOH. IACOBO HENTSCHIO.*

I.

**M**entem humanam cum corporis machina tam arcte esse copulatam, ut stantibus motibus vitalibus, sese huic, si vel maxime voluerit, subducere non possit, nemo non novit. Sanguinis enim motus, in quo corporis vita consistit, nisi desinat, machinae huic vi illata; ab his vinculis, quibus detinetur, non potest liberari. Praeter hanc intimam *unionem* inest dictis substantiis perpetuus actionum quarundam consensus, *commercii* seu *communione* nomine vulgo notus, qui statum animae et corporis mire conspirantem attingit.

II. Hoc notatu dignissimum commercium ad duo summa capita, quae rem totam conficere videntur, potest revocari. Primum enim mens humana sequitur corporis statum, nempe in sensationibus, imaginationibus, somniis, recordationibus, passionibus; nec non in statibus variis, quibus corpus cibo et potu obrutum, vel variis morborum generibus correptum est. Deinceps corpus sequitur mentis humanae statum. Decreta enim animae, quae motus voluntarios seu spontaneos concernunt, exsequitur corpus. Mentem passionibus vehementioribus motam, extraordinariae sanguinis aliarumque partium fluidarum consequuntur agitationes; nec non obversantibus menti tristioribus, iisque diu durantibus imaginibus, omnis corporis vis infirmatur.

III. Huius generis observationes sensibus comprobatae, declarant evidentissime mutuum mentis corporisque in actionibus dictis consensum; sed primo intuitu non apparet, quibus modis memoratae substantiae, a se invicem diversissimae, tam arcte inter se conspirent. Genuinam igitur commercii huius rationem ut assequamur, casus omnes possi-

possibiles, qui circa rem praesentem possint fingi, licet supponere. Evidens autem est, tres in universum dari posse casus. Vel enim corpus in mentem, mensque in corpus operatur; vel causa externa unius actiones producit occasione alterius, ita, ut cum statu corporis variante, mentis operationes semper consentiant, et vice versa; vel denique utraque substantia a causa externa ita est constructa, ut mens vi sua propria actiones cum corporis statu conspirantes edat, corpusque variabilem mentis statum ita sequatur, ut motus, sine omni animae vel causae externae immediatae concursu, vi sua propria producat.

IV. Primum horum systematum, quibus Philosophi dictum commercium explicare conantur, dicitur vulgo *Influxus physicus*. Secundum est *systema causarum occasionalium*, ideo sic dictum, quod mens humana corpusque in actionum Art. II. memoratarum commercio, tanquam causae occasionales considerentur. Deus enim, tanquam causa externa, occasione cogitationum et decretorum animae, motus in corpore, et occasione status motuumque corporis cogitationes in anima, producit. Tertium vocatur *Harmoniae praestabilitae* systema, quo Deus in prima creatione duas has substantias ita combinavit, ut sine omni influxu unius in alteram, vel concursu suo immediato, quaelibet vi sua propria agat, manente, semper mutuo utriusque consensu.

V. Haec tria, quae mentis humanae corporisque commercium explicant, systemata, cum tribus notissimis Astronomiae hypothefibus, ex quibus mundi corporei phaenomena inde pendentia deduci solent, habent analogiam. Utriusque enim generis systemata, licet variis premuntur difficultatibus, nec demonstrationis robore possint firmari: sufficiunt rationes praeponderantes, eaeque verisimillimae, quibus inventis, quodnam systema sit genuinum, reliquisque praeferendum, videre licet. Luce enim clarius est, systema, ex quo phaenomena, naturali nexu observato, optime possunt derivari, prae reliquis habere  
prae-

praerogativam. Operae igitur pretium est, ut primum cuiuslibet systematis rationes, quibus innititur, variasque circa unumquodque obvias difficultates discutiamus, ut, comparatis inter se argumentis genuinis et ficulneis, de vero systemate, quo mentis corporisque commercium fundatur, rite iudicare possimus.

VI. Exordior a causarum occasionalium systemate, a plurimis hanc potissimum ob causam reiecto, quod secundum hoc systema Deus peccati auctor, vel minimum eiusdem sit executor. Si enim primum res externae corpus nostrum afficiunt, Deus vi huius systematis tanquam causa producit sensationes, mutationibus in organis sensoriiis factis, respondentes: unde Deum sensationum malarum esse causam, concludunt. Deinceps, si corpus sequitur mentis decreta, Deum quidem vitiosa efficere desideria, dici non potest; nihilominus, quoniam motus in corpore iis consentanei ab ipso producuntur: Deum actionum malarum, si non causam, executorem tamen esse affirmant. Has obiectiones, quibus Philosophi nonnulli hoc causarum occasionalium systema conantur infirmare, non adeo arduum videtur esse, tollere. Si enim primum Deus pro causa sensationum malarum habetur; prouti, rebus externis organa sensoria afficientibus, producit in anima sensationes: illationem hanc omni fundamento destitui, inde patet, quod nos sensationes, imaginationes, recordationes et passionem habemus in potestate, ita, ut eas per reflexionem mutare, impedire et deprimere valeamus; id quod luculenter in Tractatu meo idiomate germanico conscripto sub indice: Versuch über die Folge der Veränderungen in der menschlichen Seele, Part. II. cap. IV. art. 166. seq. ostendi.

Deinceps, si Deus tanquam causa actionum malarum spectatur, prouti motus in corpore vitiosis animae desideriis respondentes elicit; penes aequos iudices esse velim: annon circa duo reliqua systemata eadem occurrant difficultates? Sive enim Deus *immediate* secundum hoc causa-



rum occasionalium systema, sive *mediate* secundum duo reliqua, posita nempe in prima creatione utriusque substantiae harmonia, operetur; res eodem recidit, nec Deus a peccati labe in tribus memoratis systematibus mentis corporisque commercium explicantibus, liberari poterit, nisi aliae praeponderantes praesto sint rationes.

VII. Sed interest maxime, ut Deum potentissimum et sapientissimum Universi conditorem a talibus vitiis, quae ipsi tribuere impium est, liberemus, eiusque perfectiones infinitas ex coeli terraeque productione conspicuas, summa adhibita cura, vindicemus. Hanc Dei circa mentis corporisque commercium iustitiam, rationibus inconcussis firmare, supra vires humanas esse positum, non credo; si modo potentiam eius infinitam cum sapientia summa, rerumque conditarum constitutione comparaverimus. Ex principio potentiae infinitae, si de hac animae corporisque communione velimus iudicare: poterat quidem vi sua omnes modos excedente actiones impedire malas; sed cum non solum sit potentissimus, sed etiam sapientissimus, potentiam ipsius infinitam cum sapientia summa conferendam esse, nemo non videt. Hoc igitur mentis corporisque commercium cum admiserit, creatis substantiis libertate rationeque, praeditis simulque limitibus circumscriptis; ex effectu certo concludere licet: decreta eius sapientissima cum Universi totius conditione collata, posuisse Omnipotentiae quasi terminos, ita, ut sub hisce perfectionum divinarum rerumque creaturarum circumstantiis, nulla iniustitiae species in ipsum cadere possit.

VIII. Sed alia eaque praegnantior causa me impedit, quominus causarum occasionalium systemati possim adiacere calculum. Cum enim secundum hanc hypothesin Deus immediate partim in motibus corporis excitandis, partim in sensationibus producendis, operetur; immediatam hanc operationem, ipsius imperfectionem arguere, liquidissimum esse puto. Si enim, Deum tanquam summum artificem, machinam constructam, uti corpus nostrum, continuo

nuo dirigere, mentisque humanae cum corpore unitae vires definire, sumitur: de Omnipotentia ipsius videtur esse actum. Summus enim is dicitur artifex, cuius ope machina ab initio ita est constructa, ut vi propria, id quod suum est, peragat, nec ad motus producendos artificis auxilio amplius habeat opus.

Sufficit sane prima institutio, qualem in corporibus mundanis reperimus. Vi enim a Deo ipsis in prima creatione semel impressa, revolvuntur continuo, nec indigent amplius immediato eius concursu. Nec dubito, quin animae cum corpore sibi iuncto similis sit ratio. Facta enim in prima creatione semel utriusque analogia, sine omni Dei immediata actione, in operationibus suis consentire posse, contradictorium non est.

IX. Discussio causarum occasionalium systemate, ad sic dictam *Harmoniam praestabilitam* accedo, qua tolli libertatem humanam, omnemque actionum moralitatem, nonnulli existimant. Si enim mens humana, secundum hoc systema, ex sua essentia invariabili manente, ideas vi propria elicit; omnia, quaecunque in mente humana contingunt, pro ipsorum sententia, necessitatem quandam absolutam secum trahent, nec libertati ullus erit locus.

Sed ad hoc argumentum, veri speciem prae se ferens, respondere licet: essentiam animae invariabilem quidem esse atque immutabilem; cum autem libertas ad intellectum aequae ac voluntatem pertingat, uti in memorato tractatu de Mente humana demonstravi, evidens est: *ipsam essentiam animae in libertate esse constitutam*, adeo, ut eam per *substantiam libere sese ad actiones suas determinantem* definire queamus. Nec eorum institutum mihi placet, qui hoc harmoniae praestabilitae systema ideo e medio tollere conantur, quod *physice* impossibile id esse, assumunt. Hac enim ratione Omnipotentiae divinae praeter rem limites poni, quis non videt? Nec ullo modo poterit evinci, contradictorium esse atque repugnans: mentem humanam cum corpore a Deo in prima creatione ita uniri potuisse, ut

tanquam duo horologia, quorum unum in alterum plane non agit, inter se conspirent.

X. Allatae hactenus rationes, quamquam animae corporisque harmoniam praestabilitam evertere non valent; superest tamen aliud argumentum a naturae simplicitate desumptum, quod credo ad infirmandum dictum systema satis esse idoneum. Quodsi enim harmoniam praestabilitam legibus naturae simplicissimis repugnare ostendi potest; eam falsam esse et erroneam, extra omnem dubitationem erit positum. Hoc autem tum ratione animae, tum corporis, modo sequenti evinci posse existimo. Primum enim, si anima secundum hoc systema ex sola sua essentia ideas elicere dicitur; plane non video, quare corpus ipsi iunctum organis sensoriis sit instructum? Quid mutationes in dictis organis factae ad producendas mentis ideas conferunt? Superfluae sane sunt atque inanes, si mens humana vi praedita est, sensationes, imaginationes, recordationes, et passiones ex sola sua essentia evolvendi. Deinceps intellectu est difficillimum, qua ratione corpus tanquam machina, integras propositiones, orationes, et demonstrationes absque ullo mentis adminiculo possit producere. Si enim vel maxime concesserim, machinam hanc, actibus repetitis, habitum posse consequi, motus voluntarios secundum animae decreta, celerrimo gradu perficiendi; ab initio tamen impulsus quidam ab anima oriundus, quomodocunque fiat, necessarius esse videtur. Hoc igitur harmoniae praestabilitae systema, cum naturae, quae simplicissimam ingreditur viam, adversetur; vix ac ne vix quidem, vi dictorum, locum invenire poterit.

XI. Disquiramus iam tertium communionis animae corporisque systema, *influxus physici* nomine dudum insignitum, circa quod primum observo: vocem influxus physici aliam in rebus corporeis, aliam in communionem dicta, habere significationem. Influxus enim physicus ad res corporeas accommodatus, notat statum, quo partes subtilissimae unius corporis alterius poros subeunt; hoc in loco  
autem

autem mutuam animae in corpus, huiusque in animam actionem. *Actionis* autem voce noto status mutationem, quae fit a causa efficiente.

XII. Hoc influxus physici systema locum habere non posse, nonnulli opinantur, hac potissimum causa moti, quod, posita mutua animae in corpus, huiusque in animam actione, non eadem in Universo motus quantitas maneat; quam quidem hypothesein physicam pro evertendo influxu fundamenti loco ponere solent. Sed Physici, qui hoc de conservatione quantitatis motus in Universo excogitarunt principium, a vero multum sane aberrare videntur, ideo, quod vim vivam cum motus quantitate manifesto confundunt. Vis enim viva, quae determinatam suam habet quantitatem, in Universo semper eadem manet; sed motus quantitas in infinitum augeri potest, vel minui; id quod luculenter ostendit Ioh. Bernoulli, Oper. Tom. III. Num. 145.

XIII. Primaria, quae huic systemati obverti solet, objectione diluta; rationes, quibus influxus physicus firmatur, iam afferam, ut, num hoc systema reliquis duobus sit praefendum, an minus, iudicium ferri possit. Hunc finem ut consequamur; observationes quasdam, influxus physici modum rationemque explicantes, praemittere lubet. Sunt autem sequentes.

1) *Mentem humanam vi seu conatu esse praeditam, observandi imagines ex organis sensoriiis in cerebrum translatas, seu potius rerum vestigia cerebro impressa, et in motu constituta.* Deprehendimus enim, sensationes, imaginationes, recordationes, et passionem in anima originetenus differentiis omnimodis esse distinctas, easque speciebus organis sensoriiis impressis exacte respondere.

2) *Mentem humanam vi, quae ipsi inest, dictas in cerebro impressiones intueri, nulla materiae vi in animam transiente.* Distinctam enim esse utramque substantiam, agnoscimus; unde materiae seu corporis vis nullo modo animae interiora penetrare, eiusque statum mutare poterit.



3) *Mentem humanam vi seu conatu esse praeditam, fluidissimam in nervis corporis materiam per actionem in distans movendi, nulla ipsius vi in corpus transeunte.* Nec enim per contactum physicum anima movere potest corpus, cum utriusque vires diversissimae sint naturae; unde actionem in distans medium hic esse ad movendum corpus, verosimillimum puto. Si mens humana vi propria statum suum in resolvendis et combinandis rerum ideis continuo mutat, rerumque longis intervallis distitarum naturas infinitis fere modis speculatur; quid impedit, quo minus ipsius potentia ad movendum ipsum corpus per actionem in distans pertingat?

XIV. Ex his videre licet:

1) Influxum physicum animae vi, quam in nobis deprehendimus, potissimum fundari.

2) Hanc animae vim partim in observandis cerebri impressionibus, partim in subtilissima nervorum materia movenda, sese exferere.

3) Nullam secundum hoc systema materiae vim penetrare animam. Sufficit enim conatus, qui nobis inest, ad quasvis cerebri impressiones recipiendas.

4) Medium, quo mutuus utriusque substantiae in actionibus suis consensus obtinetur, esse actionem in distans, quam vi dictorum, menti humanae tribuere, absolum non est.

XV. Hanc influxus physici rationem modumque, qui animo pensitaverit, facile videt: praerogativam huic systemati prae reliquis duobus esse vindicandam. Primum enim influxum physicum legibus naturae simplicissimis esse superstructum, inde patet, quod sensationes, imaginationes, recordationes, et passiones vestigiis rerum cerebro impressis, et omnimodis differentiis distinctis, exacto respondent. Deinceps perpetuum rerum duarum inter se unitarum in actionibus suis consensum esse fundamentum influxus unius in alteram, eadem ratione, ut credam, adducor, qua terram illuminari a Sole; oriente enim sole, cum

cum telluris regiones reddantur statim conspicuae, idque fiat continuo; nemo dubitat, quin Sol sit fons luminis in tellurem transmissi, similemque in mutuo animae corporisque commercio deprehendo rationem. Praeter has, quibus firmatur influxus physicus, rationes, considerata sunt phaenomena, quae, si ex dicto systemate, naturali ordine observato, possint deduci; maius argumentis propositis addetur robur. Sed de his alia differam occasione.

*CHRISTIANI GOTTLOB HALTAUS, PHILOS. Mag. Scholae Nicol. Rectoris, et Sodalis LL. AA. Lips. Memb. Hon. Glossarium Germanicum mediæ aevi, maximam partem e diplomatibus, multis praeterea aliis monumentis, tam editis, quam ineditis adornatum, indicibus necessariis instructum. TOMUS PRIOR et POSTERIOR.*

*Praefatus est IOH. GOTTLOB BOEHMIUS, P.P.*

Lipsiae, in Officina Gleditschia, 1758. Alph. 6.  
plag. 3. fol.

**Q**uod Cangius, praefatione ad Glossarium med. Latinit. optaverat: ut in singulis nationibus prodirent Viri docti, qui linguae suae idiomata, vim eorum, notionem, origines, atque desuetas et pridem obsoletas voces ad amussim investigarent explicarentque, quum in enodandis illustrandisque aetatis mediae scriptoribus non mediocris inde lux adfulsura sit; illud Germaniae nostrae nuper contigisse summopere laetamur. Nam sicut a Wachtero antiquissimae res ac voces patriae diligenter explicatae sunt; ita hoc Haltausii Opus non solum in lingua mediæ aevi, sed in Iurisprudencia quoque, et publica, et privata, in disciplina beneficiaria, in moribus, in ritibus maiorum cognoscendis, eximii usus fore nemo unus, qui legerit, negaturus

turus est. Unum hunc in summa laetitia nostra percipimus dolorem, Auctorem, Virum sanctitate morum, modestia, industria atque eruditione, non circumforanea profecto, haustaque de triviis ac circulis, sed exquisita atque recondita illa, ornatisimum, maxima iam huius operis parte typis exscripta, morte immatura extinctum esse. Etsi enim iam eo aetatis progressus erat, ut a vita, tanquam ex arbore non vi avulsus, sed ipsa maturitate suo tempore collapsus esse videatur: illius tamen mors nunquam non arcerba et immatura videri potest, cuius vita quo diuturnior, hoc utilior patriae litterisque erat futura. Quae cum ita sint, suscepit Celeb. BOEHMIVS noster huius operis curam, et in praefatione de vita Auctoris non solum, sed etiam de operis ipsius rationibus, docte et eleganter exposuit. Fuit quidem ab ineunte aetate in *Haltausio* nostro cum omnium bonarum litterarum, tum historiae mediæ aevi, mirificum studium et praecipuus amor. Qui iam in adolescente adeo eluxit, ut dignus videretur, cuius opera *Ioh. Burch. Menckenius* in concinnanda Scriptorum Rerum Germanicarum collectione uteretur. Atque tum non solum plurimas veteres chartas descripsit, sed et Annales quosdam e Germanico in Latinum sermonem transtulit, et doctis adnotationibus illustravit. Sed extant alia quoque ingenii monimenta, quae eum historiae patriae peritissimum fuisse testantur. Edidit enim *Calendarium mediæ aevi, praecipue Germanicum*, in quo excellentis doctrinae eximiaeque industriae notae expressae apparent, atque duo praeterea libellos scripsit: alterum *de iure publico certo Germaniae mediæ aevi*; alterum *de turri rubea Germanorum mediæ aevi*. In historia vero addiscenda investigandaque illud sibi proposuerat, ut non tam bella, seditiones et fata regnorum spectaret, quanquam neque haec unquam neglexit, sed ut mores inprimis, ritus et iura maiorum cognosceret. Sed ad ipsum hoc opus redeamus.

Expo-

Exposita primum in illo est magna copia verborum, e seculo decimo tertio, quarto, et quinto, quibus magna fuit nostri sermonis auctoritas gravitasque, repetitorum, et quorum usus hodie fere obsolevit. Excusit igitur Auctor diligentissime veteres chartas; atque Annales, neque editos illos omnes, in consilium adhibuit. Quorum monumentorum testimoniis suffultus, certas verborum significationes definivit, eorumque originem non raro feliciter investigavit. Adiecit vero potissimum animum suum ad rem iudiciariam Germanorum mediæ ævi explicandam. Quare ea capita, quæ ad forum antiquorum temporum spectant, tanta uberrimæ doctrinæ copia efflorescunt, ut aegre hoc libro careant, qui, non eo contenti, ut barbarorum interpretum inanissimas controversias consectentur, omneque suum studium ad calumnias litium, et ad turpem atque invidiosum quaestum conferant, nobili atque regia via ad veram Iuris interpretis gloriam contendant. Sed age afferamus specimina aliquot. Qui pro altero in iudicio verba faciebat, appellabatur a maioribus nostris *Fürsprecher*: quæ vox varie ab antiquis redditur. Modo enim talem hominem Advocatum, Prolocutorem, modo Patronum causæ et Interpretem nominant. Licebat vero olim cuivis, qui fiduciam linguae haberet, pro primaeva germanaque libertate, suam causam in iudicio sine advocato agere. Ex pluribus testimoniis afferimus maxime luculenta verba Statutorum antiquorum civitatis Freibergensis: wenn sich der Richtter setzett inn das Gerichte, als er dingenn will, so magk ein iczlicher Man wohl sein selbst Wortt sprechenn, der es kann unnd das thuen will, unnd mag auch wohl antwortten ohne Buss etc. Licuit etiam partibus quemlibet sibi advocatum deligere, qui, quoniam a iudice confirmandus erat, *legitimus* appellabatur. Eligebatur ad hoc negotium vir iurium morumque iudicii atque formularum peritus, interdum ipse iudicii nuntius, quem deinde leges ab hoc negotio arcuerunt. Sic in modo laudatis Statutis legitur: die Büttel — sol-



lenn nymandts Wortt sprechenn, dieweil sie Büttel seindt. Plerumque vero postulandus erat Advocatus, e numero Scabinorum, qui deinceps ad consultationem adhibebatur, et sententiam interrogabatur. Iam Seculo XIII. iudicia ita fuerunt constituta, ut partes non, nisi per interpretes legitimos, agerent. Sic respondit A. C. MCLXVI. Conradus Archiepiscopus Salisburgensis in curia Imperatoris per Prolocutorem suum, Ducem Bavariae et Saxoniae: Comes vero Palat. Rheni Marchionem Badensem A. C. MCCCCXIX. in confesso principum accusavit *durch eins Ritters Mund*, ut ait *Windeck* in Hist. Sigismundi. Quo factum est, ut ipse iudex, etiam rex, si vellet agere coram iudicio, ex more Advocatum peteret. Memorabile est exemplum Sigismundi Regis, qui, cum A. C. MCCCCXVIII. in iudicium Constantiae, a se delegatum, veniret, egit per os Ludovici Com. de Ottingen. Quid? quod etiam in causis voluntariis, rite atque legitime agendis, prolocutor adhibendus erat. Nam quidquid sine hoc in iudicio dicebatur, habebatur pro indicto, atque etiam multa iudicio debebatur. Et si igitur magna erat et necessitas, et dignitas eiusmodi advocatorum, accidit tamen imperitia et fraudibus horum hominum in iudiciis inferioribus, ut nomen prolocutoris inter rusticos valde evilesceret. Ex plurimis locis, ab Auctore allatis, memoranda nobis videntur potissimum, quae in Iohannis Abbatis Vetero Cell. testimonio nativitatis MSC. circa A. MCCCCLX. leguntur: Ouch bekennen wir, das der obgen. N. nicht geboren ist von unendlicher und ungeachter Hantwerker also Line-weber, Pfiffer, Scheffer, bader, lutensleger, kesseler, swinsnyder, Vorsprechin, und der Hantwerg glich. Nostros vero rabulas magisne miraturos an indignaturos esse credamus, cum se olim tam bellos sodales habuisse cognoverint? Pergimus ad aliud caput, in quo Auctor suam de *Rolandi* statua, quae tantum negotii facessit doctis viris, sententiam exponit. Falli, ait, primum, quod ad originem attinet, qui harum statuarum natales a Caroli M. de Saxo-

Saxonibus victoriis, eiusque Capitaneo Rolando arcessant: neque illas ad Ottonum tempora referendas esse, quibus simplicissima fuerit rei iudicariae forma, cum hae cultioris sint indicia: non tamen vanam esse eorum coniecturam, qui huiusmodi statuas temporibus interregni primum ex ligno fabricatas esse censeant. Quoniam vero Statuae hae formae sint et proceritatis eximiae, vulgari consuetudine, qua hominem procerum *Rolandum* vocamus, nominari coepisse *Rolandos*, nomine ducto a *Rolando* illo, duce et heroe Germanorum, et formae proceritate celeberrimo. Porro has statuas retulisse imaginem Imperatoris seu Regis, ob formae augustae dignitatem, gladium nudum, insigne Imperii, aquilam in clypeo, coronam in capite, et inscriptionem antiquissimi Rolandi Magdeburgici, *Kayser Otto*, probabile esse. Fuisse denique Statuas Rolandi signa primum Iurisdictionis superioris, alio nomine Bannum sanguinis appellatae; id quod indicet gladius nudus, mos solemnus agitandi iudicia capitis coram Rolando, i. e. sub oculis regis seu Imperatoris, et ius quod Burggravius Magdeb. olim habuerit Halae. Nam in litteris Io. Friderici Elect. Sax. ad Senatum Hal. Anno MDXXXIV. datis legi: Nachdem yr wisset, wie Unsern Voreldern seliger gedechtnüs, Churfürsten zu S. auch Uns, als Burggrauen zue Magdeburck ndern andern der Bhann und die Peinlichkeit zue Halle zuestendigk, und was sich in gemelten Bhann zeuget das solches vom Schultheis zw Halle, der von einem Churfürsten zu S. als Burggrauen zw Magd. mit demselben Bhann belehnet, sampt den Schoppen vor dem Rolandt ordentlicher vnd gerichtlicher Weyßs gehandelt, geurthelt und erkandt, auch darnach vollstreckt wirdet. Fuisse deinde illas signa libertatis imperialis immediatae, et Regalium Imperii, quorum maximum fuerit Bannus regius: fuisse signa peculiaris libertatis eximiique privilegii, urbibus, oppidis, etiam villis concessi: fuisse denique signa Iuris Weichbildici Saxonic. Haec de Rolando. In Capite *de mensuris* varia me-

morabilia occurrunt. Excogitarunt enim antiqui varios modos, quibus spatii et magnitudinis mensuram definirent. Sic in L. Baiuar. Tit. XVI. cap. 1. §. 2. — et si illam terram non potuerit donare, donet aliam in proximo quantum iactus est de securi saiga valente. In statuto Lichtensteig. Anno MCCCC: Welcher Burger also verr frefneti, daß er ein andern Burger oder Gast libloss tete vnd machte, derselb Burger in welchs hufs Er ze Liechtensteig entrünnen ald kominen möchte, solte da, vor herren, fründen vnd vor menigklichem sicher sin, vnd Uffenthalt haben 6. Wuchen vnd dry Tag, vnd nach dem Zil vnd Tagen sönd In die Burger uff die Rinckmur derselben Statt, wohin er will beleiten, vnd war er werffen mag, oder mit siner lincken Hand mit einem Beschlag-Hammer wirfft, dahinnen send si In ouch sicher von menigklichen beleiten, vnd nit füro etc. Circa A. MCCCLXVI. Mindensis civitas cum Episcopo composita, ut fossata dictae civitatis absque offensa cuiuscunque licitum esset eis ampliare, quantum vir robustus stans in muro civitatis pondus plumbi unius libre possit versum campum undique iactare: apud Leibnit. Tom. II. pag. 192. In Chronic. Erfurt. — indem sich die Bürger ausgebeten, den Galgen von der Stadt so weit zuschaffen, als sie mit einem Pfeil von dem grossen Armbrust, der noch auf dem Rath-Hause hanget, von Langen Stege an schießen würden. In Dipl. apud Tschud. Chron. Tom. I. pag. 459. die Landtgraffschafft in dem Sissgöw, die da gat, als die Birs in den Rhin flüßet, den Rhin uff als Verre, als einer uff einem Ross in den Rhin geritten, und mit einem Basel-Spär in den Rhin gereichen mag. In Dipl. A. MCLXXXI. apud Schannat. in Hist. Ep. Worm. Tom. I. pag. 129. tradentes — pratorum quoque quantum novem homines in uno die metere valent. Georgius Ep. Passav. A. MCCCCIV. concedit Plebano S. Hippoliti, einen sitz in dem Frauenhof, da ein Tisch wol gesteen mecht etc. als weit man zwir kreitz neben vnd nach der Leng messen möcht, in Duellii Exc. Gen. pag. 106.

In

In Dipl. A. MXVI. apud Schannatum cap. I. Tom. II. pag. 42. — excepimus autem duo foramina, quae in latitudine et altitudine mensuram unius pugni, represso pollice, debent habere, etc. In documento Iurium S. Pelagii in Oberseitnau, A. MCCCCXXI. apud Heiderum Ded. Lind. pag. 489. — demselben jeglichen besunder soll dann der Kirchherr oder sein Lütppriester geben ain Brod, das soll seyn in der Grösse, das ein sitzender Mensch mag es setzen uff seinen fufs, und das es denn soll gon über das Kün, also, das man möcht ainem Hirten ain Morgenbrod darab schniden. Agmen claudat, quod a Schiltero in Diss. de Curiis Domini p. 604. ex iuribus curiae Wratzhov. afferitur. — dieselben Brot vnd Kese sollent in der Grösse syn das ein gemein Man mug sinen Dumen tun mitten uf das Brot oder Kese, und mit gestreckten Vingeren einen Umbkreyse machen uf demselben Brot und Kese.

Sed sunt inprimis, ut supra diximus, ea capita lectu dignissima, in quibus Auctor de foro et iudiciis medi aevi disputat. Huc referenda, quae sub vocibus *Büttel, Gerichte, Gewohnheit, Herkommen, Eid, Erbe, Ding, Galge, Gurtel, Stadtbuch, Schofs, Stab, Stul, Haegen*, et compluribus aliis, inveniuntur. Secundum locum damus merito iis, quae ex beneficiario iure expromuntur. Unum exemplum afferemus. Est caput copiosum et doctum de voce *Schild-knechte*. Hi enim erant olim nobiles famuli, militares et equestres, dicti Scutiferi, et in Germania Armigeri. Genere erant nobiles, et inde vocabantur *erbere Knechte, wolgeborne, rittermässige Knechte*: rarissime vero servi. Erant autem famuli militum, alius alio dignior, pro dignitate quam sustinebat dominus, cui famulabatur. Vulgo ideo eos *Schild-knechte* dictos fuisse putant, quod suis humeris tamdiu gestassent impositum scutum domini et hastam, donec pugna exoriretur. Ex Auctoris vero sententia, haec opinio moribus veteris militiae plane contraria est. Quilibet miles, pro potestate sua, (vermöge seines Schild-Amts,) et pro copia et modo opum, plures alebat



famulos, minimum decem, sub sua quemque armatura, quorum opera dominus ad servitia militaria uteretur. Numero militum aucto, multitudo etiam famulorum aucta est, qui, tenui stipendio non contenti, militiae usum in rapinas converterunt, atque ideo, omnium in se odio excitato, vulgo *Schindfessel* appellati sunt. Sic in Chron. MS. de Principibus Thur. ad A. MCCXXXII. apud Mollerum, de Abbate Reinhardsborn. indigne tractato dicitur: Unnd des warn landgraven Conrades schindfessele unnd renner, die ungerne lange in der Kerchen bliben gewar, unnd kanten denn Apt wol. Locus classicus de his est in Cap. XXXI. des Renners, ubi vita eorum, mores, miseriae, et odium publicum accurate expressa sunt. Caeterum Auctor ipsam imaginem Famuli Armigeri, ex Cod. Bibl. Senat. Lips. A. MCCCCXIX. rudi arte picto, hoc loco exhibet.

Non pauca porro in hoc opere occurrunt, quae rem monasticam et statum ecclesiasticum medii aevi probe illustrant. Speciminis loco sit caput de voce *Hunde-Lege*, s. *Hunde-Lager in den Clöstern*. Tolerarunt enim antiquitus monasteria in Germania, et extra, onus stabulandi alendique canes venaticos et venatores in usum domini alicuius. In Dipl. A. MCCCXLII. Comites de Tubingen reservarunt sibi die Hundtlege zu Bebenhausen, und das Gejayd in dem Schainbach. In Bulla Papali Salfeld. A. MCXXVI. Interdicimus etiam in nomine Patris et Filii et Spiritus S. ut in bonis monasterii Salfeld secundum consuetudinem provinciae illius, neque canes pascantur, neque stipendia venatoribus dentur etc. Profert etiam Befoldus in Docum. Wurt. pag. 342. aus dem alten Heydenheimischen Leger-Buch: Item desgleichen die von Helfenstein haben jährlichen mugen Ir Jäger mit sampt Knechten, Pferdten, und Hunden, sechs Wochen in das Closter gen herbrechtingen legen. Est quidem hoc onus ex iure territoriali derivandum, sed vix ab ipsis Fundatoribus Monasteriis impositum, potius ab heredibus et successoribus, ad quos Monasterii defensio pervenerat. Quia vero sordidum

didum erat illud, et, frigescente inter laicos religione, maximopere molestum, paulatim inter vexationes secularium referri coepit. Queritur Abbas Adelberg Anno MCCCCLXVI. inter alia: Comes de Wurtemberg in nostri monasterii maximum gravamen et periculum, canes suos venaticos, cum famulis et servis ad venationem requisitis, ad nostrum monasterium impellendo, et ibidem fovendo per longa tempora, nos ad innumerabiles expensas per hoc, et grave dispendium nostri monasterii, trahendo, etc. Quare alia monasteria citius, alia serius per pacta et privilegia isto onere liberata sunt. Sic apud Meibom. Script. Tom. III. pag. 372. legitur: Anno MCCLXLX. Magnus Dux Brunsv. volens a vexationibus et oneribus ipsum Monasterium (Riddagshusen) relevare, ex speciali gratia, a sustentatione et pastura venatorum cum canibus venatilibus perpetuo monasterium, cum suis curiis, liberum facit et exemptum.

Insunt denique in hoc opere plurima, ex iure publico Germanorum hausta. Huc pertinent voces *Treſe-Kämmerer, Geleite, Friede, Gottesfriede, Landfriede*. Sufficiat unum exemplum adducere. *Kayſerliche und des Reichs Kammer-Knechte*. Habet Camera Imperii Iudaeos ab antiquissimis temporibus proprios servos fiscalinos. Apud Petrum de Vineis Lib. VI. ep. 12. Fridericus II. vocat servos nostrae Camerae speciales: et Ludovicus Rex, Anno MCCCXXXVIII. die Juden unsere lieben Cammer-Knechte. Albertus I. etiam Rex Rom. contendit, omnes omnium gentium Iudaeos Imperatoris et Imperii ditioni subiectos esse. Quid? quod Ottocarus de Horneck in Chron. Austr. circa A. MCCCVI. inter postulata Regis Alberti ad Regem Galliae haec memorat:

Er jach, dy Juden ze recht  
Gehorn das Reich an,  
Und ander Nieman.  
Welich Fürst sew hett ynne,  
Sunder des Reichs Mynne,

Wider

Wider Recht der sew het,  
 Und wan das Reich tet  
 Sein Vordrung nach jn,  
 So scholt den Gewin  
 Ain yegleich Furst verchiesen,  
 E des Reichs Huld verliesen.

Ibidem rex Galliae consuluit Iſtōps: ob die Juden eigen-  
 leich solten in des Reichs Kamer gehören? qui ad hoc  
 respondent:

Daz die Juden dem Reich  
 In Sein Chammer dienen scholten,  
 Und welich Fursten sew haben wolten,  
 Das mocht anders nicht ergan,  
 Sy muſten darczu Urlaub han,  
 Von des Reiches Vogt.

Hic vero quaestio oritur: unde ius servitutis Camerae Im-  
 perii? Ex Auctoris sententia, ius illud vel repetendum est  
 ex illo axioma, quod post instauratum in Occidente Im-  
 perium Rom. invaluit: Imperatores Germ. esse successo-  
 res in omnia iura antiquorum Imperatorum Roman. Vel  
 ita statuendum: cum Iudaei, ingenti multitudine per pro-  
 vincias Imperii vagarentur, victumque quaererent, omnium  
 ope destituti, omniumque iniuriis vexati, suscepit summus in  
 orbe terrarum princeps, Imperator, eorum tutelam, eos  
 fisco suo addixit, et in conditionem hominum priorum  
 redegit. Erant igitur et bona et corpora Iudaeorum Im-  
 perio ita addicta, ut liberum esset Imperatori de illis sta-  
 tuendi arbitrium. Carolus IV. in Privil. Ioh. et Alberti,  
 Burggravior. Norib. A. MCCCXLVII. ait: alle Juden ge-  
 hören mit Leib und mit Gut unser Cammer, und seynd  
 in unser Gewalt und Händen, daß wir mit unser Machtig-  
 keit damit thun und lassen mögen, was wir wollen. Ita-  
 que fugitivos undecunque vindicabat, eosque vendere et  
 oppignorare poterat. Erant quoque Iudaei obligati Im-  
 peratori ad servitia et censum. Wenceslaus Rex in Dipl.  
 Northuf. A. MCCCXCI. Doch zu voran soll Uns ein ieg-  
 licher

licher Jude und Judin, der über das zwölffte Jahr kommen ist, alle Jahr einen gülden Pfennig geben und bezahlen, die auch in Unser Cammer sollen geantwortet werden. Conferebant iidem pecunias in subsidium Imperii, maiores etiam quam Christiani: v. g. ad coronationem augustalem, quod dicebatur tributum coronarium, *die Kron - Steuer*. Sed etiam alia officia Camerae et Aulae Imperiali praestare tenebantur. Sic Carolus IV. in Dipl. Francof. A. MCCCXLIX. quo Iudaeos Senatui oppignorat, hac tamen ait conditione: wane wir oder unsere Nachkommen an dem Reich zu Franckf. kommen, daß sie uns dan dienen sollen in unser Cancellarie mit Permunte, in unserm Hoff mit Betten, in unsern Kuchen mit Kesseln, als gewöhnlich ist etc. Postquam deinde Ius habendorum Iudaeorum Statibus Imperii concessum est, cum iure nomen ad eos transit. In Dipl. Ordinum Dioecesis Colon. A. MCCCLII. ind he dese ordele — — an uns gesat hat, ind uns darumb rechts gefraegt hett, ob die Juden seyn eigen sind — — so han wir uns beraten und hant gedeylt — — pan unserm bestem sinnen, und dunckt uns recht sin etc. Iudaeos Ratisbonenses Ducibus Bav. praesertim in criminalibus fuisse subiectos, et ab iisdem die getreue Cammer-Knechte vocatos, testatur Wig. Hund, Tom. I. Metrop. Salisb. pag. 250. In epistola quoque MS. universali Iudaeorum per Frid. Balth. et Wilh. Marchiones Misn. A. MCCCLXVIII. daz wir alle unser Iudin Iudinne etc. schutzen beschirmen und vorthedingin wollen etc. alz unser Kammer Knechte.

Neque praetermittendae sunt adnotationes uberiores, quas passim Auctor huic operi intexuit. Sic doctam legimus disputatiunculam de asyilis, de legitimo eorum inter Germanos usu, de abusu, de asylorum licentia per magistratus seculares acerrime saepe impugnata, atque etiam de legitima aetate; ubi Auctor multa attulit, imprimis quoad ius privatum, aliis indicta. Est quoque elegans adnotatio de iudiciorum Vuestphalicorum origine, quam



speciminis loco proponimus. *Faeme, Faem-Ding, Faem-Gerichte in Westphalen*, appellabantur iudicia Westphalica criminalia secularia, quae clandestina delatione Scabinorum, occultaque iudicum inquisitione, infamata maleficia per Westphaliā, et inde longius, usque ad ultimum supplicium persequiebantur. Auctorem instituti ipsi iudices iactabant, ex Leonis Papae consilio, Carolum M. quibus recentiores quoque fidem habuerunt. Verum hos errare putat Auctor, etsi difficilius dictu sit, quis sit, quam quis non sit iudicii Auctor. Prima iudicia Faemica procul dubio tulisse Westphalicae gentis duritiem ingeniorum et pravitatem, non nisi inusitato et rigido more iudiciario frangendam. Sic legi in ordinatione illa Faemica: Zum ersten ist ein Frage, wem das heimlich gericht gesetzt sey? Den Westualischen ist es gesetzt wordenn, und keinem Lande meer. Dann in dem Lannde die Leut von Natur zu ubel und unbillichn Sachen geneygt sin, als zu Ketzerey, Rawbe, und Diepstall. Scelera autem ista, quae rem et tranquillitatem publicam post A. MCCVIII. vexaverint, fuisse desertionem fidei orthodoxae, rapinas, praedationes, furta, periuria. Causam, cur in his partibus tot scelera invaluerint, fuisse praecipue diuturnam regum et Imperatorum absentiam. Seculo enim XIII. et XIV. rarissime illos Westphaliā intrasse, unde factum sit, ut omnia maleficis hominibus essent plena. Fuisse porro Clericos, et inter Clericos Episcopos Colonienſes, atque ex iis praecipue S. Engelbertum circa A. MCCXX. Faemicorum in Westphalia iudiciorum causam et originem, cuius rei haec sint argumenta: Westphaliā, late sumtam, Rhenum inter et Visurgim iacentem, et Angariam quoque complexam, fuisse sedem primariam iudiciorum huiusmodi ab omni memoria, ipsa Imperatorum confessione. Deinde Episcopum Colon. fuisse ducem Westphaliae et Angariae: nam Philippum Praefulem Colon. beneficio Friderici I. Imp. A. MCLXXX. partem occidentalem Ducatus Westphaliae obtinuisse, cum omni iure et iurisdictione, scilicet cum Comitati-

mitatibus, cum Advocatis etc. tum Philippum Regem A. MCCIV. Adolpho Episcopo, et A. MCCVIII. Theoderico concessisse et confirmasse Ducatum Westphaliae et Angariae. Denique Engelbertum a Friderico II. A. MCCXVI. illius successorem declaratum, primum Ducatui Westphaliae quiete praefuisse: tamen in his tabulis investiturarum nondum Iudicia Faemica memorari. Porro Engelbertum, a Friderico II. procul in Sicilia agente Henrici filii tutorem constitutum, et totius regni Romani per Alemaniam Proviforem, sua auctoritate strenue usum, et cum iudicii secreti prima fundamenta iecisse videri, tum iudicium supremum Col. ita instituisse, ut in maleficia, non expectato accusatore, ex fama publica inquireretur. Atque hanc coniecturam confirmari Caroli IV. Dipl. A. MCCCLV. quo Wilhelmo Colon. Archiep. ob praeclara erga se et rempublicam merita, omne ius vetus per liberos Ducatus Westphaliae et Angariae instaurat, ea lege praescripta, ne cui Comitum et Scabinorum fas sit, sine auctoritate Archiepiscopi tribunalia instituire, habere, aut ius dicere in iudiciis, quae comitia et secreta iudicia appellantur etc. v. *Schaten. Annal. Paderborn. Tom. II. pag. 334.* Fuisse etiam Archiepiscopum Colon: Praesidem horum iudiciorum, et Imperatoris per Westphalam vicarium. Ipsam denique indolem iudiciorum, a priscis Germanorum institutis tantopere alienam, non bonorum Laicorum, sed, utpote nimium callidum, Clericorum videri inventum. Citra controversiam, iudicum ecclesiasticorum fuisse de haereticis quaestionem: atqui Faemica Iudicia fuisse saecularia, et tamen de firmamento religionis laborasse, deque haeresi praecipue inquisivisse, Clericis non invitis, nunquam renitentibus, v. *Wencker Praesid. pag. 385. seq.* Tantam vero rem, non, nisi a Clerico principe, eoque summi ordinis, magnaeque potentiae in Germania, institui ac perfici potuisse, facile apparere. Sed haec haecenus. Addit enim Auctor plura de calliditate huius inventi, et derivatione nominis Faeme.

Plura vero de doctrina A. et industria dicere, cuius exstant in singulis paginis luculenta vestigia, non opus existimamus.

namus. Neque enim quenquam exigui laboris aut ingenii opus censere arbitramur, tot Annales, tot veteres chartas et diplomata excutere, tot singularum gentium et civitatum leges et instituta cognoscere, ut inde iura et mores maiorum eruantur. Quare non dubitamus fore, quoniam hoc opus omnium harum rerum peritorum suffragiis comprobetur.

Additus est denique duplex index: alter vocum latino-barbararum, quae in hoc opere explicantur, alter vocum difficilium et obscuriorum, quarum adhuc quaeritur et desideratur explicatio.

### CHRESTOMATHIA PLATONICA.

Turici, apud Heideggerum, 1756. plag. 18. octonis.

**E**xcerpserunt inde ab aliquo tempore Viri docti pulcherrima ex veterum auctorum libris loca, eaque separatim edenda curarunt, cum ut ii, qui occasione et otio totum auctorem perlegendi destituti, habeant quasi in una et parva tabula propositum, ex quo de ingenio illius et scribendi genere iudicent; tum ut invitarent et allicerent hisce illecebris homines, ad suavissimam totius libri lectionem, cuius tantum particulas aliquot degustaverint. Quam bene de litteris, talibus libris editis, meriti sint *Gesnerus* et *Breitingerus*, nemo ignorat: quos etiam huius Platonianae Chrestomathiae editor, *Ferdinandus Christianus Müllerus*, secutus est; quamvis, ut videbimus, non passibus aequis. Nam cum potissimum editor illud operam dare debeat, ut verba Auctoris quam emendatissima habeamus; multumque intersit, Aldini lectionem libri sequamur, an Minelliani: adeo hanc curam Editor abiecit, ut ne certiores quidem lectores faciat, de quo exemplo haec Chrestomathia expressa sit. Vellemus deinde, ut adiectae essent, ad explicanda difficiliora loca, notulae quaedam. Vix enim probabile est, tirones, quorum praecipue causa hunc librum editum esse apparet, non in multis locis haerere, sudare, aliaque auxilia circumspicere. Non in magnitudinem nimiam, ut Editor putat, voluminis moles excrevisset, cum *Breitingeriani* et *Gesneriani*

riani libri, qui multo plura continent, modum certe non excedant. Est in horum virorum adnotationibus brevitās, non obscura aut molesta, sed docta, iucunda, et summopere utilis, quam imitari debebat Müllerus. Nam si adiecta latina Serrani versione omnes se difficultates sustulisse credit, vehementer fallitur. Mittimus hanc versionem, etiam post Editoris emendationem, vitiis minime carere: quod, si operae pretium esset, facile doceri a nobis posset. Illud dicimus, quod dudum Viri docti docuerunt, et in his inprimis Cel. *Gesnerus*, in praefatione ad Chrestomathiam Graecam, contemptum et neglectum litterarum Graecarum maxime ab hisce versionibus derivandum esse. Neque opus his plura addere, dum res ipsa loquitur. Quod ad loca e Platonis libris excerpta attinet, hic quoque Editoris acumen desideramus. Laudamus, illum ea potissimum loca delegisse, quae praecepta virtutis, et praestantissimas sententias continent. Sed primum vellemus, eorum locorum rationem habuisset, quae alii Auctores vel imitati, vel interpretati sunt, ut nobilis illius orationis a Socrate ante mortem habitae, et a Cicerone in latinum sermonem translatae. Proposuit, laudabili exemplo, *Gesnerus* Vir Cel. eiusmodi loca in Chrestomathia graeca: ut pulcherrimam descriptionem pestis, ex Thucydide a Lucretio expressam, et alia eiusmodi. Deinde, quale illud est, in quo praecipue Platonicae philosophiae copia atque amoenitas efflorescit? quid efficit, ut illius lectione satiari vix possimus, cum nos nostrorum Philosophorum, vel eadem, vel meliora quoque tradentium, facile fastidium capiat? nempe, magnum illud artificium, quod multi profitentur, perpauci tenent, ut principum poetarum sententiis, quasi luminibus, philosophicas disputationes distinguat; inde argumenta, illustrationes, comparationes petat; modo his directe ad virtutem adhortetur, et a vitiis absterreat, modo allegorica interpretatione acutissimas sententias inde eliciat; hinc denique non raro multa arte materiam differendi repetat. Talia loca erant eligenda, et ad imitationem proponenda. Adpersit denique Plato multos sales, lepores, descriptiones venustissimas, variasque historias, in quibus enar-



randis mirus est artifex. Verum haec loca frustra quaesiveris in hac Chrestomathia, quae tamen prae Serrariana versione Graeca, intelligentibus inutili, tironibus etiam nocitura, multo melius locum obtinuissent. Nos igitur huic libro non omnem quidem fructum denegamus, quis enim divinas Platonis sententias non utiles censeat? sed, si Editor consilium executus fuisset diligentius, longe utiliorem iucundiorumque illum futurum fuisse existimamus.

**IO. KLEFEKERI, ICTI, ET REIPUBL. HAMBURG-Syndici, Curae Geographicae, cum Mich. Richeii P. P. dissertatione epistolica de loco Hochbuch. Edidit, et de incrementis Geographiae recentissimis praefatus est, IO. GEORG. BUESCH. P. P.**

Hamburgi, typ. et impens. Piscatoriüs, 1758. Alph. 2. plag. 4. octon.

**C**um, ex quo homines docti animum ad Geographiae studium adiecerunt, mapparum Geographicarum numerus maximopere auctus sit, atque in diès augeatur, singularum vero chartarum indicia recensionesque, aut nulli plane, aut per multos libros dispersa inveniantur: utilissimus hic liber Nobiliss. Klefekerii censendus est, in quo, quae, post Hauberi Hübnerique diligentiam, in notitia mapparum Geographicarum, earumque delectu instituendo, huic studio dediti desiderare poterant, Auctor exposuit. Delegit enim ex grandioribus huius generis operibus indicem tabularum, cum Geographicarum, tum maritimarum, et in octo voluminibus disposuit. Continentur in primo istorum voluminum tabulae ad Globum coelestem, ad Geographiam antiquam, ad Geographiam mediam et recentiore, Polum utrumque, Europam universam, Hispaniam et Portugalliam, Galliam et Lotharingiam. Alterum volumen proponit magnam Britanniam et Hiberniam. Tertium volumen pertinet ad Belgium universum, ad Helvetiam, ad Italiam, insulasque Italiae. Quartum, primam partem Germaniae explicat; Imperium Francicum vel Romano-Germanicum, Germaniam universam,

sam, Bohemiam, Silesiam, Lusatiam, Moraviam, Danubium  
 fluvium, Germaniam Austriacam, Bavaricam, Suevicam:  
 quintum, alteram partem Germaniae, Franconicam, Suevi-  
 cam, Rhenanam, et Westphalicam: sextum, tertiam partem  
 Germaniae, Saxoniam, et conterminum ad fines Imperii  
 Holsaticos ducatum Slesvicensem. Septimum complectitur  
 mare septentrionale et Balthicum, Scandinaviam universam,  
 Daniam, Norvegiam, Sueciam, Finlandiam, Russiae impe-  
 rium, Russiae provincias acquisitas, Tartariam, Prussiam, Po-  
 loniam, Ucraniam, Hungariam, Transylvaniam, Slavoniam,  
 principatus Turcicos, Pontum Euxinum, Graeciam, et Archi-  
 pelagum. Octavum volumen continet Asiam, Africam, et A-  
 mericam tabulas illustrantes, quibus inseruit Auctor tabulas  
 Geographicas delectas, ad itinerum descriptionem pertinen-  
 tes. Hasce igitur mappas non solum indicavit V. Cl. sed in  
 notulis adiectis breve etiam de insignioribus illarum iudicium  
 tulit. Atque hunc indicem sequuntur Spicilegia, ut ipse Auctor  
 inscripsit, sive Commentationes Geographicae secundum  
 tabularum indicem, ita dispositae, ut adornandae infimul, sed  
 delectae saltem eiusdem argumenti librorum suppellectili, for-  
 san inserviturae sint. In his Auctor uberius de mappis cu-  
 iusque regionis disserit, libros praestantiores indicat, de ori-  
 ginibus et nominibus populorum disputat, fines et ambitum  
 regnorum definit, multaque, cum ex antiqua et media, tum  
 recentiori historia capita ita illustrat, ut hic liber magno cum  
 fructu ab iis legatur, qui solidam Geographiae cognitionem  
 percipere cupiant. Prae ceteris commemoranda sunt, quae  
 Auctor pag. 299. de Imperio, primum Francici, post Roma-  
 no-Germanici nomine insignito: et pag. 317. de Pagis Ger-  
 maniae disputat. Iam Romanis, ait, *pagi* vocabulum notum  
 fuit, quo, modo vicum, modo certum agrorum tractum indi-  
 cabant. Germani, pagum *Gow* vel *Gau* appellantes, ita re-  
 gionem denotabant, plures villas ac vicos comprehendentem.  
 Nam cum priscis temporibus non iustum aliquod floreret in  
 Germania regnum, sed singulares essent plurimae civitates,  
 neque ullo communi foedere aut iure connexae, neque uno  
 eodemque modo gubernatae, effecit hic varius Germaniae  
 status,

status, ut ne posset ea in provincias dividi. Quot civitates, tot erant partes. Civitates distinctae erant in pagos: pagi vero plurimos habebant vicos. Verisimile quoque Auctori videtur, pagos iam tum in centenas divisos fuisse, et centenis suos fuisse vicos. Quibus addimus, quae pag. 447. de sententia Scheidii: neque Imperatorum et Germaniae regum Saxoniorum patriam, neque Electoratus dignitatem, alibi, quam in Brunsvicensi regione, et ex Guelforum principum stirpe, quaerendam esse: pag. 365. de Suevorum in Germania sedibus: pag. 533. de Heroe vel deo Germanico, Theut, Tuito, Thuisto: pag. 597. de migrationibus primis ex Asia et Africa in Europam, leguntur. In primis, quae ad Geographiam, antiquam praesertim, urbium, Lubecae, Bremae, et Hamburgi pertinent, copiosissime exponuntur. In adiuncta dissertatione, de loco Hoghbuchi disputat Cl. *Richey*, adversus viros doctiss. Estorem et Gebhardum. Fuit, ut summa capita rei breviter indicemus, Hochbuchi, ex Saxonico *Hogen Böken*, locus ferax fagorum ad ripam Albis. Hoc in loco conditum fuit a Carolo M. per Odonem Comitem castellum, quod primum quidem Hochbuchi nomen retinuit, deinde vero ab adiacente silva, Hamma, dictum est Hammaburgum, nonnunquam vero, utriusque nominis coalitione, Hochburgum et Buchburgum. Cum vero templum primum, et sedes Praefulis non in civitate Hochbuchi, sed in adstructo castello Hamburg constitueretur, accidit, ut nomen Hochbuchi sensim obsolesceret, Hamburgi vero illud frequentaretur. Sed non omni dubitatione exempta visa est haec res duumviris his, quos modo laudavimus, qui potius contenderunt, non esse Hochbuchium illum locum, in quo Hamburgum conditum fuerit, sed altas illas fagos spectare ad aliud castellum, ad Stekenizam in praefectura Lauenburgica positum, cuius, quod hodie obtinet, nomen *Boeken*, ad indagandum ibi Hochbuchium adducat. Respondet igitur primum Auctor illis, eaque, quae protulerunt, argumenta diluit, et deinde nonnulla, quae communem sententiam stabiliant, proponit.



# NOVA ACTA ERUDITORUM,

*publicata Lipsiae*

*Calendis Octobris Anno MDCCLIX.*

LES RUINES DE BALBEC, AUTREMENT DITE  
Heliopolis, etc. ●

i. e.

*RUINAE URBIS BALBEC, QUAM ET  
Heliopolim dicunt, in Coelosyria.*

Londini, 1757. plag. 7. fig. aen. 46. fol. max.

**I**n iis, quae nuper de hodierna conditione ruinarum Palmyrae dicebamus, iter ab Anglis quibusdam litterarum studiosis in Palaestinam susceptum diligentius persequeremur, eosque etiam enarrationis de Balbeci rudibus edendae spem fecisse, Lectoribus nostris affirmabamus. Quam ab ipsis nunc esse praestitam fidem, plane nulli dubitamus quin antiquitatis omnis et architecturae imprimis studiosi sint cum gaudio atque delectatione accepturi, suoque suffragio studium Anglorum de literis et artibus bene merendi approbaturi, quo pede coepere pergentium bonarum artium pomeria proferre. Haec altera, de qua nunc exponemus, itinerarii pars ab illis profecta, non solum illi superiori, neque gravitate rerum, neque operis splendore, neque diligentia conscriptionis, neque copiis doctrinae, quicquam concedit: sed etiam tam utilis, tam iucundi, eiusdemque tam nobilis et magni incepti continuationem pollicetur. Meminimus quidem incidere

Dddd

in



in locum, unde spem concepisse videmur non vanam, propediem ab his iisdem Anglis in manus doctorum hominum tradendae expositionis de illo terrarum tractu, quem Homerus suis immortalibus carminibus ad aeternam memoriam consecravit.

Non plane quidem accedit huius secundi Voluminis dictio ad illam iucunditatem, qua carere nullo modo poterat illa primo Volumine tradita de causis itineris, ipsiusque cursus successibus, expositio: quam expositionem ut suo loco iam allatam, eoque dudum cognitam lectoribus atque perspectam, non modo nihil necesse, sed vel supervacaneum erat hic repeti. Fortasse hoc etiam minime consentaneum, a fideque et expectatione quam alienissimum videatur; quam dira sit oculo amoenorum locorum spectatori, et quam horrenda facies sterilium et a sole flagrantissimo exustarum arenarum, qua Palmyram cingunt, et velut a caetero terrarum orbe avulsam, continent barathro abditam, tam sterilem bonae omnis frugis, tam aridam et inficetam, et amoeno quoque spectaculo defectam esse Balbeci memoriam ad sedulum antiquorum monumentorum ruspatores. Illud profecto non potest non mirum accidere, tam pauca in tot veterum, qui ad nos enatarunt, libris, de urbe legi, cui opportunitas situs, atque regionis incredibilis amoenitas, eam certam videbatur gloriam promittere amplissimam, ut in pace quidem opulentissimi populi, et frequentissimae in orientem et occidentem negotiationis sedes, principumque omni opum et deliciarum luxusque genere abundantium domicilium, in bello autem potentissima civitas, et nominis armorumque terrore gravissima, maximisque copiarum ex Syria et Aegypto illuc coeuntium numeris praeliusque celeberrimis arena esset clarissima. Sunt quidem, quod inficiari nolimus, vel ipsius quoque Palmyrae annales perquam lacunosi, et vastis obscuritatis foedi spatiis: at spatium tamen viginti certe annorum largam Scriptoribus de Palmyra praedicantibus materiam praebet, segetemque gloriae  
et

et campum veluti, in quo exsultent. Quo temporis spatio Aureliani, Odenati, Zenobiae se extulerunt, magna et illustra in rebus Seculi ante Christum natum tertii nomina; quorum res gestae cum essent magnae et praeclarae, locum dabant historicorum ingenio, in quo id se efferret, atque iactaret. Neque illi sane sibi defuere, sed plenis manibus lilia rosasque rhetoricas contulerunt in caput feminae, a qua ea certe profecta sunt, quae illi apud vulgum facile heroinae existimationem concilient. Adde, quod apud Palmyram inventa sunt non pauca prisca aevi saxa literata, quae cum ipsis auctoribus itinerarii Palmyreni locum dabant ingenii sui acutis et felicibus coniecturis ostendendi, tum aliis quoque per Gallias et Angliam Viris doctis palaestram quasi aperiebant, in qua lectionis copiam, et ingenii acumen exercerent atque iactarent. Longe diversa est Balbeci conditio, cuius inscriptionum cum paucitas, tum obscuritas, et historiae parum lucis affert, et ingenio parum praestat materiae, in quo elaboret. Quae quanquam ita sint, non tamen videtur haec quoque posterior operis pars neque utilitate, neque oblectatione carere; quarum illa quidem fieri nequit quin ad architecturae studiosos redundet uberrima: (quanquam dissimulare non possumus, huius artis interiora nos non admodum scire.) Hanc autem si quis quaerat, speramus iis afferendis, quae ex itinerario Wodii excerpemus, illi nos persuasuros, ut nobis credat affirmantibus, ab omni omnino cultu hanc partem destitutam non esse; qui cultus tum mentem legentis oblectatione capiat honesta, tum cognitione utili instruat.

Dies erat VI. Cal. Apriles Anni MDCCLI. cum nobiles illi Angli, quos toties dicimus, Palmyra viam Balbecum versus ingrederentur. Huius itineris causas nobis fortunamque exponunt, et quae loca iter agentes attigerint. Quae nos nunc, ut expectatione lectorum minora, et pro brevis, quam promittimus, relationis ratione exilia partim, partim uberiora eadem, silentio praetermittimus: satis habituri, dixisse, eos pridie Cal. Apriles Bal-

becum pervenisse. Multi sunt in praedicanda humanitate, qua recentes advenae ab incolis accepti sunt. Sed exitum tradunt coeptis tam praeclaris haud respondisse. Quate late patet orbis terrarum, nulla est, his Anglis auctoribus, natio, quae benignae voluntatis caritatisque et munificentiae et officiorum erga hospites demonstrandorum liberalitate studioque orientales vincat: contra ea, iisdem si credimus auctoribus, necesse est, nihil esse usquam gentium atque locorum, quod ad eorundem orientalium impudentiam sordesque accedat, quippe quos munera decuplo pretiosiora exigere, et invitis atque negantibus vi extorquere, nil pudeat. Norunt igitur et illi quoque nostris hominibus non ignotam comitatis nundinationem, quam a naturae disciplina insitam, non acceptam ab Europaeorum habent contagione. Illa enim eorum vitae morumque feritas proxime ad primigeniae barbariei ferocitatem et immanitatem accedens, eos ab omni sensu honestatis removet atque seiunxit, neque sivit unquam intelligere, vitam, quae quidem humana, neque prorsus beluina sit, carere iis officiis nullo modo posse, quae societas civilis mutua hominibus imperat, alias se solos respicere, et ad se referre omnia solitis.

Bocat \*) regio illa, in qua oppidum situm est, quod toties et diximus, et dicendum habemus, vocatur, et in longitudinem prope ad mare usque a Caecia ad Africum porrigitur, in latitudinem ab Antilibano ad Libanum, ad quatuor fere leucas extenditur. A fluviis rigatur duobus, uno Litane, altero Barduni dicto, quorum ille, sub radicibus Antilibani ad nonnullum a Balbeco septentrionem versus spatium ortus, alius cuiusdam rivi accessione augeatur, qui ipsa Balbeci moenia lambit, Rasoleyne, s. *caput fontis*, dictus: (oritur enim ille rivus e fonte pulcherrimo:) hic,

---

\*) Vocabulum hoc est Arabicum, significans planitiem in humili sitam loco, arboribus consitam, rivisque redundantem, quod Graecis *λειμὸν* aut *ἔλος*, nostratibus *Aue.*

hic, Barduni, autem Libano ad octavam ferme a Balbeco leucam, ad oppidi Africum, enatus, fere ad milliare infra vicum, cui Barillae nomen est, in Litanem infunditur. Ad quos unum in rivum congressos alii postmodum minores rivuli accedunt, qui a liquefactis Libani nivibus generati, facili negotio ita derivari possent, ut et agris irrigandis, et oculis oblectandis inservirent. Omnes tandem in unum fluvium Casimiat dictum confluunt, qui prope Tyrum in mare exit. Magnam fuisse Tyro, cum adhuc opibus et commerciis et fama floreret, cum Balbeco necessitudinem, et vicinia locorum, et opportunitas suadet, quae est tanta, et tam in oculos clare incurrens, ut fieri nullo modo potuerit, ut ea vetustos illius tractus lateret incolas, iique illa suam ad rem uti nil curarent. Populum scilicet, navigiis mare exercentem, et quaestui servientem, eundemque callidum, et orae maritimae inclusum angustiis, aut non vidisse tantam camporum finitimorum opportunitatem, aut visam neglectui habuisse, id vero credibile erit, aut consentaneum? Ex quo recte videmur conicere, quum affirmamus, illas hominum cattervas, mercium commutandarum causa peregrinantium, quas Caravanas vocant, a Tyro Palmyram, et illinc porro in universum orientem commeantes, planitiem Balbecensem, ipsamque adeo Balbecum traiecisse. Nam in extrema parte huius vallis Balbecum, acclivi loco in ipsis radicibus Antilibani sita, prominet. Eiusmodi autem plagam, necesse est, cum per se ipsam amoenam esse, tum vero hoc amoeniorem, quod Balbecum media inter duas illas tractus eius opulentissimas urbes, Damascum et Tyrum, ab utraque pariter denis senis leucis distat. Incolarum ad quinque millia videtur complecti, in quibus etiam Graeci et Maronitae Christiani non multi, et Iudaei item, omnes, ut esse par est nullam artem quaestumque nullum exercentes, misere egeni et mendici. Caeterum dubium non est, Balbecum veterem Heliopolim esse.



De parietinarum reliquiis, quas ibi offenderunt, tam liberaliter iudicant Nostri, ut haud dissimulent, sibi videri, si cum rudерibus plurimarum veterum urbium Italiae, Graeciae, Aegypti et Asiae, quas ipsi peragrassent, Balbecina comparentur, haec omnium, quae unquam vidissent, luculentissima esse documenta summae audaciae, ad quam ars architectonica in exaggerandis substructionum molibus oniti queat. Atque ob id ipsum se tanto magis mirari aiunt, cum aetatem tam firmorum, et ad munitionem, et ad durationem operum; tum architectorum et auctorum nomina, tantis tenebris obruta latere potuisse, ut ne diligentissima quidem indagatione hoc consequerentur, ut lectoribus utramque rem scire cupidis omnino satisfacere potuerint. Ita, cum, quod ipsis temporum iniuria negasset, id nec aliis impertiri possent, in hoc uno elaborant, ut, cum lectoribus illa, quae in vetustis monumentis evolvendis exhaustiunda est molestia ac taedio, levatis, fructus illius diligentiae, quam in eruenda prima harum ruinarum origine posuissent, communicarent.

Ac principio quidem attingunt, iidemque refutant, fabulam illam, inter omnes illius tractus incolae, cuiusque perinde fidei, pervulgatam, qua Salomo, ut Palmyram, ita et Balbecum, easque substructiones, quarum ibi adhuc conspiciuntur reliquiae, condidisse traditur. Maiori quidem verisimilitudine possent illa tanta opera ad Phoenicas auctores referri; quos constat Solem pro numine domestico veneratos esse, cui etiam numini dedicatum erat templum illud, quod hodieque Balbeci maximum decus superest, et in quo describendo princeps huius operis pars versatur. Balbecanos cultui solis deditos praeterea ostendit ipsum nomen Balbec, quod quidem sedem sive vallem Baalis significat; Baalis autem nomen orientalibus solem designat. Testatur idem graecum nomen, eiusdem cum Aramaeo significationis; quod novum graecum nomen quanquam in annalibus aliquamdiu ita dominatum est, ut vetus nomen primigenium, in libris quidem editis, prorsus

sus obscuraret et loco deiiceret; tantum tamen non valuit, ut e vita et usu hominum indigenarum tolleretur, sed ad extremum, graeca lingua vernaculae rursus cedere coacta, Arabibus Syriae imperium capessentibus, illud vetus primigenium et domesticum iterum emerfit, et postliminio quasi ad iura sua rediit. Auctores nostri libri coniciunt, Heliopolitanos Phoenicas cultum solis ab Heliopolitanis illis Aegyptiis adscivisse, eiusque illas religiones adspersione quarundam Punicarum nonnihil variasse. Addunt, dudum ante Aegyptiacam Heliopolim conditam, apud omnes Arabiae populos cultum solis obtinuisse. Nos loco suo, cum illuc pervenerimus, ostendemus, quid id fuerit, quod Anglos in eam opinionem deduxit, ut causam consensus totius orientis in siderum cultum, a natura et ingenio soli, quod obsident, arcesserent.

Nunc ad Phoenicas revertimur, quos paullo ante dicebamus, e cultu Solis ipsis patrio, videri posse, nonnulla cum veri specie, auctores fuisse illorum aedificiorum, de quibus hic sermo est. Verum cum in columnis aliis illa ratio, qua constat Ionas primos usos esse; in aliis ea, qua Corinthios, appareat: huius quoque sententiae robur concidit, neque monumentorum istorum origo superare potest eam aetatem, qua imperium Graecum per Asiam superiorem obtinuit. Iam vero cum per totum illud spatium, quod inde usque ab Alexandro ad Pompeium pertinet, altum de rebus huius terrae apud Historicos silentium sit: maiore cum probabilitate eorum origo iis potius temporibus tribuitur, quibus Syria Romanis paruit, quam illis vetustioribus, quibus Seleucidae habuit dominos.

Hic erunt fortasse, quibus Angli sibi ipsis contraria dicere videantur, illi puta, qui e primi voluminis lectione meminerint, eos, ne minima quidem Palmyrae in historiis mentio cum fiat, nil tamen ideo minus affirmare dubitasse, eam iam ab infinitis retro temporibus opulentissimam civitatem fuisse. Quibus quidem sic occurrunt, ut Palmyrae urbis, ab omni paene reliqui generis humani commercio  
sepa-

separatae, rationem multum diversam rationi Balbeci fuisse ostendant. Nos, qui nolimus nostrum hac de quaestione iudicium interponere, alienum a nostro instituto arbitramur, argumenta utriusque partis diligentius persequi.

Angli igitur citato cursu nos velut abreptos in illa recentiora tempora detulerunt, quibus Romani Syriae imperarunt: inde tardius procedunt, quod memoriae Balbeci nunc incipiunt crebriores, illustriores, et certiores fieri. Nam exstant nummi Heliopolitani cum titulo: *Colonia Iulia*; alii, quibus inscriptum: *Colonia Iulia Augusta*. E quibus nummis quanquam parum tuto colligatur, Iulium Caesarem aut Augustum colonias veteranorum eo misisse: tanto tamen haec sententia, si quis eam tuendam suscipiat, minus infirmari potest, quod Imperatoris Philippi nomen praeferentes nummi Heliopolitani inveniuntur cum inscriptione: *Colonia Heliopolitana Legiones V. Macedonic. VIII. August.* Quarum ambarum earundem legionum nomina praefereunt nummi Beryteni, Augusto imperante cusi. Quos nummos Berytenos, una cum illis Heliopolitanis, si cum loco quodam Strabonis conferas, quo Agrippa duas legiones Beryto collocasse dicitur, non plane nihil est caussae, cur quintae Macedonicae et octavae Augustae pars una Beryto attributa, altera Heliopoli dicatur.

In aede Solis aut Beli, quae erat Balbeci, responsa dabat consulentibus oraculum percelebre, quo fertur etiam Imperator Traianus venisse, de successu belli, a se adversus Parthos suscepti, interrogatum.

Sunt nummi Imp. Hadriani, in quibus haec verba leguntur: *Leg. H. Col. H.*, quae fuere qui sic interpretarentur: *Legio octava Colonia Heliopolitana*. Quam explicationem licet in medio relinquamus, nam pro vera venditare profecto non lubet: non ex eo tamen consequetur id, ut ad Hadrianum auctorem moles Balbecenae referendae sint: quamvis illum amantem aedificandi, eaque in re superiorem omnibus Imp. Romanis, sive anterioribus, sive poste-

posterioribus, quorum nemo fuit, qui magnificentia et numero nobilissimarum substructionum eum vinceret.

Hunc exceperunt Antoninorum tempora, quibus plerique aiunt Lucianum vixisse, in cuius operibus libellus habetur de dea Syra: cuius tamen libelli an Lucianus auctor sit, adhuc dubitatur. Obiter in hoc, brevibus, iisque obscuris verbis, cuiusdam templi et numinis mentio fit, quae Auctor ille, quisquis fuerit, ait, si famae vulgari credatur, Heliopoli Aegyptia in Phoeniciam translata esse. Negat ille quidem ea oculis a se usurpata; certo tamen alias ait sibi constare, maiestate operis, et vetustate atque celebritate religionis venerabilia esse. Quodsi ergo libellus hic Luciani est; si Lucianus Antonino Philosopho, eiusque filio Commodο, aequalis; si idem de templo Balbecensi loquitur; si denique testimonium Malalae alicuius momenti est; (quae omnes conditiones cum dubiae per se sunt, tum acerrimis controversiis exagitatae:) necesse est, templum Luciani, ab hoc Balbeceno diversum esse. Sed de testimonio Malalae videamus. Quid ille? hoc nempe: Antoninum Pium Heliopoli, prope Libanum Phoeniciae, Iovi templum, quod in miraculis universi orbis terrarum habeatur, extruxisse. Quod cum unicum ex omni antiquitate testimonium de auctore illius templi Balbecensis sit, in quod iniuria temporum minimum saeviit; dignum illud esse videtur testimonium, cui aliquantum insistamus.

Elegantia igitur artium et litterarum, et studium earum rerum omnium, quae illam elegantiam perficere, aut acuere et excitare possent, illo temporis spatio, quod a Pompeio ad Imp. Antoninum Pium exiit, apud Romanos summum fastigium consecutae erant. Horum itaque tantam ingenii elegantiam, et cognoscendi ardorem tantum, fieri non potuit ut cuiuscunque tandem terrae res, nedum Syriae, fugerent. Atque ita ob eam ipsam causam fieri nequii, ut aut historicos, aut physicos illorum temporum, opus tam mirandum neglectum et inobservatum lateret. Quid igitur? Plinius, et alii, qui de templo Dia-



nae Ephesiae, aliisque monumentis tot, tam splendida praedicant, quae tamen ad maiestatem operum Balbecensium nullo modo accedunt, haec omnino silentio involvunt; videnturne quicquam unquam de his fando accepisse? aut, si accepissent, dissimulasse? an potius omnino ea opera tum nulla adhucdum fuisse? Iam illud certum et controversiae exemptum est, monumentum Balbecense hoc nostrum, de quo agitur, templum puta Iovis, Imp. Caracallae temporibus iam extitisse. Nullo igitur pacto infra Antonini Pii aetatem deprimi potest. Sed historici nihil de templo Iovis ad Balbecum ab Antonino Pio dedicato tradunt? iidem nempe, qui de rebus eiusdem Pii paene nihil. Hic ille est Imp. cuius imperium obsidet una foeda lacuna, facile illa princeps, in illis lacunis, quae posterioris Romani imperii res ex hominum memoria foedum in modum sustulere. Praeter id unum enim, quod per unum et viginti annos bene reip. traditur praefuisse, aliud paene nihil eius insigne factum novimus. Porro quoque ratio architecturae illa, quae sub hoc Imperatore usitata erat, illi, quae adhuc in Balbecensi templo cernitur, ad amissum respondet. Tandem neque aetas, quae Malalam tulit; neque patria, et sedes, quae hominem tenuit; neque sacra, quae secutus est, quidquam ei adversari, aut de eius in testimonio dicendo fide detrahare possunt. Et enim in ipso cursu narrationis deflectit paulum ad mentionem Balbeci, quam ita facit, ut appareat, eum rem commemorare, a se alienam, quae sic se, seciusve habeat, nihil sua intersit. Ipsi in Syria aetatem agenti non multo post ea tempora, de quibus hic loquimur, nil erat caussae, cur falsa de hac re memoriae proderet, aut ornando Pio studiosiorem, quam par esset, se praeberet. At Capitolinus in iis structuris, quas Antonino Pio tribuit, de hoc templo plane tacet? Tacet ille quidem: verum levitas et ieiunitas eiusmodi opellae, qualis est expositio Capitolini de rebus gestis Antonini, ne minimum quidem pondus habet ad disertum Malalae testimonium infirmandum.

Proxi-

Proximus ab Antonino Pio in Imperatoribus est Septimius Severus, in monumentis Balbeci adhuc superstes. Hic primus in numis suis templum Heliopolitanum insculpi iussit, et, ut Ulpianus, Syrus, Tyro oriundus testis est, eandem Heliopolitanam civitatem iure Italico imperiit. Superfunt etiam in pulcherrima porticu templi duae columnae, quarum tituli tempora huius Imperatoris produnt. Legimus eos ambos pagina secunda a decima ad hunc modum: (cum enim ambo paene iisdem verbis concepti et exarati sint, satis est alterum afferri exemplum:) **MAGNIS DIIS HELIOPOLITANIS PRO SALVTE ANTONINI PII FELICIS AVGVSTI ET IVLIAE AVGVSTAE MATRIS DOMINI NOSTRI, CASTRORV, SENATVS, PATRIAE — — \*) DVM ER IN MYRO IN LVMINA SVA PECVNIA EX VOTO LIBENTI ANIMO SOLVIT.**

In imagine aere expressa haec tantum verba inveniuntur: *dum er in muro in lumina*; quae Angli editores interpretati sunt: *dum erant in muro inluminata*; quamquam ipsi sensum eius sententiae se videre negant.

Possemus quidem satis habere, sententiam Anglorum auctorum, aut, si mavis uni Wodio in acceptis referre, de auctore templi Balbecensis attulisse, eiusque argumenta breviter perstrinxisse: quid tamen obstat, quo minus, qui in hoc loco versetur, vel obiter nostrae quoque opinionis nonnihil adspargamus, quae templum hoc a Septimio Severo extructum esse nobis persuasit? Inscriptio modo allata; patria ipsi Severo, cum uxore, et universa gente communis; beneficia, quibus cum tota Syria, imprimis Heliopolim ille Imperator affecit; Heliopolitani templi veluti dedicatio, quam ille in suis numis fieri curavit, quae eius memoria ad ultimam posteritatem tradita est: haec intelligit antiquitatis scrutator, tam clara velut et sublata voce clamare, monumenti huius auctorem Severum, ut

Eeee 2

nullae

---

\*) Ex altera inscriptione haec lacuna vocabulo *capita* farciri potest.

nullae unquam nugae monachi, praesertim eius, a cuius stupiditate fabellae aliae similes magno numero effusae sint, eos clamores sint obscuraturae atque exstincturae.

A Severo inde historiae de rebus Heliopolis prorsus tacent, usque ad Constantinum M. quem Chronici Paschalis auctor ait templum Heliopolitanum Christianorum sacris destinasse. Habet ille locus, qui de hac re agit, nonnulla, quae non praeteriri conveniat. Verum brevitate nostra exclusi, satis habemus, digitum quasi illuc intendisse.

Qui status Balbeci sub Imperatoribus christianis fuerit, memoriae proditum non est. Nomina quidem quorundam episcoporum et martyrum passim locorum occurrunt: verum haec nullius momenti, et, si fas est dicere, putamina sunt iis, qui nucem quaerunt, neque meram nominum inanitatem, sed rerum veritatem et momenta discere ardent. Neque maiorem ex Turcarum rebus lucem attulerunt. Hoc unum est, quod illi inde repetiere: cum novo Saracenorum imperio, etiam vetus nomen urbis Balbec rediisse, adversario, Heliopoli puta, quasi e subfelliis aut arena depulso; tum, Chalifas templum moenibus et vallis circumiectis arcem effecisse.

Haec fere sunt, quae Angli nostri de rebus veteris Balbeci ex omni memoria collegerunt. Adiungunt iis sub finem quasdam suas observationes, partim illas ex iis ductas, partim iis accommodatas: quarum hic unam solum repetere iuvat, illam puta, de origine divini cultus, quo Syri, aliaeque finitimae gentes, solem et caetera fidera profecutae sunt.

Praeter nomen Baal, s. Bel, quo solem illi significabant, cui nostrum *Meister*, sive *Herr*, respondet, magnificentia quoque cultus, quam Belo exhibebant, tum sacrificia humana, quae ei offerri religio sanciebat, indicio sunt, orientales plus metu eorum malorum, quibus ab eo se cruciari credebant, coactos, quam amore adductos, Soli divinos honores habuisse. Perpetui enim, indomitique  
aestus

aestus solis, cum homines infestant et angunt, tum maturitati frugum obsunt. Contraria ratio eos rursus impulisse videtur, ut sidera minora venerarentur, amor nempe et admiratio, quae maiore vi animos hominum, quam timor, sibi obstringunt et devinciunt. Iam inde ab ultimis temporibus, et valetudinis cura, et oblectationis studium, in vitam induxit, ut aestivas noctes in tectis aedium degerent, quae tecta plana sunt, loricis quasi quibusdam distincta, quae aedes quasque vicinas separant. Quae ratio sub dio cubandi nostris Anglis mirifice placuit, iisque cum et ad requiescendum captandamque recreationem accommodatissima, tum ad delectationem visa est ingeniosissime excogitata. Ita enim homines et aerem frigidum integrumque hauriunt, et terrenorum vaporum sordibus nondum contaminatum, et tuti sunt a culicum morsibus. E somno evigilantibus identidem nova spectacula occurrunt, et tacita solitudo ut animum ad meditandum invitet, necesse est. Et sane Angli negant usquam terrarum, noctu, aut pulchriorem coeli, aut foediorum terrae speciem sibi oblatam, quam in Arabiae desertis. Vasta enim et immensa horrorisque plena solitudo, arboribus omnino omnibus destituta, ubi nil aquae, nil vallium, nil montium, nulla plane spectaculorum varietas, oculos peregrinantium fessos iam, a molestisque itineris simplicitate adspectus taedii tristitiaeque plena, magis fatigat. Contra ea in arridentem ipsi, velut picturam, coeli intuens, quae circa ipsum quasi in orbem vertitur, temporum spatia dimetitur, viam pergenti monstrat, vestigiaque ambulantis dirigit, quanta, necesse est, ut gaudia animo concipiat! quanta voluptate reficiatur! Quae cum ita essent, fieri aliter non potuit, quin spectaculum tam admirabile, Arabum nimis vegetam facileque incalescentem phantasiam, ab admiratione modum excedente ad supersticiosam eorum admirationem abriperet, eam praesertim phantasiam, quam coecis actam quasi stimulis affectuum, nulla prudentiae consilia gubernarent. Quo etiam minus mirandum, eorum vicinos, Iudaeos,



quibus idem ingenium, iidem mores, eadem instituta essent, a simili furore in transversum esse actos. Universe Angli rationem superstiosarum religionum, quae genti cuique propriae et suae fuere, ex ingenio regionis cuiusque, fructuum, quos solum quodque fundit, et facultatibus, quibus incolae polleant, caeterisque rebus, quae cuique propriae sint, affirmant repetendam esse.

Brevitas instituti nostri non patitur, ut de imaginibus aere excusis multum praedicemus, aut maiestatem et artificia architecturae, quae in iis ab intelligentibus animadverti facile possint, verbis extollamus. Quare eius artis amatores ad ipsum opus ablegamus, hoc ipsis adfirmantes, in eo sex et quinquaginta imagines caelo ductas reperturos eos esse, sed plenas illas architecturae miraculis, si quidem testimonio tam prudentum, tam doctorum, tam denique candidorum Virorum, atque sunt Wodius et Dawkinsius, fides haberi potest. Et potest certe.

**BRITANNICARUM GENTIUM HISTORIAE**  
*antiquae Scriptores tres: RICARDUS CORINENSIS,*  
*GILDAS BALDONICUS, NENNIUS BANCHOREN-*  
*SIS. Recensuit, Notisque et Indice auxit, CAROLUS*  
*BERTRAMUS, Societ. Antiqvarior. Londin.*  
*Soc. etc.*

Havniae, imp. Editor. 1757. plag. 18. octonis.

**Q**uoniam pauca sunt, quae Auctor in praefatione de vita scriptisque horum Historicorum in medium attulit, ablegabimus, si qui plura cognoscere cupiant, ad *Vossii* Opus de Historicis Latinis. Atque *Richardus* quidem, de quo *Vossius* in Lib. III. cap. 2. exponit, monachus Westmonasterii Benedictinus, tantum in rebus Anglosaxonum colligendis industriae posuit, tantamque consecutus est famam, ut Chronographi nomine ornaretur. Exstat aliud eius opus, *Speculum historiale*, quod ad Hen-

gisti,

giſti, Saxonis, in Britanniam appulſu incipiens, uſque ad annum vigefimum ſecundum Eduardi III. progreditur. Iam vero *Bertramus* aliud etiam opus ex codice deſcripſit ediditque hoc libro, *de ſitu Britanniae*, in duas partes diſiſum: in quibus de ſitu Britanniae, et ſtationum a Romanis in ea inſula aedificatarum, exponitur. Eodem loco inferuit V. Cl. mappam Britanniae, faciei Romanae, ſecundum fidem monumentorum perveterum depiſtam, et raritate atque antiquitate, ut ipſe quidem teſtatur, Ricardi commentarios longe ſuperantem. Hanc mappam ipſe radio incidit laminae aeneae *Bertramus*.

Alterum locum occupat *GILDÆ Sapienſis de excidio Britanniae liber querulus*, variis lectionibus Thomae Gale additis. Eſt hic liber, ſatis tumido et tragico ſtilo conſcriptus, tributus in capita viginti et ſex. I Quae in eo proponantur, intelligent lectores ex argumento, illi praemiſſo, quod huc transferimus: De calamitatibus et praevaricationibus civium: de exultatione Britonum, et duris oppreſſionibus eorum, et quam dolose Romani eos ſibi ſubegerint, et quam bellicoſe ipſis diutius reſtiterint; et quomodo Romani poſtremo eis praepoſitos veſtigales praefecerint, ita ut non Britannia, ſed Romana inſula vocaretur, et omnis moneta auri, argenti, et aeris, imagine Caefaris notaretur: quo tempore Chriſtus in mundum venerit, et quanta perſecutio tempore Diocletiani emerſerit: quantum martyrum gloria tunc Britannia effloruerit: qualiter gens Britonum Imperatores Romanos attriverit. Fuit hic *Gildas*, de quo *Voffius* in Lib. II. cap. 21. multis diſputat, *Iltuti Morganenſis* diſcipulus, et *Bannochorenſis* monachus atque Abbas, et ab eodem *Voffio*, vir, ut ſummae eruditionis, ita fidei ac ſanctimoniae praecellentiſ, appellatus. Alias *Bertramus* aliquoties errores *Gildae* notavit, quanquam illum magis nimio zelo coecutientem, quam malo conſilio Britannorum honorem violaffe, arbitratur.

Ultimo loco poſuit Auctor *NENNII Banchorenſis Eulogium Britanniae, ſive Hiſtoriam Britonum*. Vixit hic  
Nen-

Nennius, de quo praeter Auctorem idem Vossius in Lib. II. cap. 24. quaedam affert, Elbodi Episcopi discipulus, et monasterii Banchorensis antistes, circa medium seculi noni, et posteritati historiam, ex annalibus traditionibusque Romanorum, Scoto-Hibernensium et Saxonum compositam, tradidit. Verum, cum haec historia in manus Samuelis Beulani, Britanni, incideret, atque hic non solum fabulas aniles adderet, sed ea quoque, quae ipsi minus probarentur, omitteret, dedit illud potissimum operam Auctor, ut spuria loca Samuelis a genuinis Nennii distingueret. Emen-  
davit etiam multo studio plurimos numeros, qui in Nennii opere corrupti occurrunt. Addidit quoque Bertramus varias huius libelli lectiones, a Thoma Gale e diversis codicibus excerptas. Quod vero ad adnotationes ipsas Bertrami attinet, sunt illae breves quidem, sed quae horum Scriptorum libellos bene illustrant. Praesertim illud sibi proposuisse Editor videtur, ut, quae ab his referantur, testimoniis Graecorum et Latinorum, vel confirmaret, vel refutaret, etsi non meminimus multa nova ab eo addita legere. Videntur nobis ex animadversionibus prae aliis memoranda, quae pag. 147. de opinione veterum, Britanniam esse ultimum terrarum orbem: pag. 150. de longitudine Britanniae: pag. 152. de variis Britanniae nominibus: pag. 155. seq. de origine nominis Britanniae et Albionis, protulit. Nam, quod ad hoc quidem attinet, coniicit, nomen e lingua incolarum vernacula originem trahere, atque Britannicum totum esse: peregrinos advenientes, ad quaestiones incolis aut Gallis datas, responsa accipientes, inde ita appellandi occasionem sumsisse, cum eorum linguam Phoenices calluisse non sit verisimile, atque signis ideo mentem suam ut explicarent, fuerit necesse. Sic manu significantibus Britanniam, nomenque sciscitantibus alios, eos *altas rupes* cretaceas intellectas credentes, respondisse *Alben*, vel *Brytim*; atque ea ratione ex vocabulis *Al*, *Alp*, *Ben*, *Pen*, *Bryd*, *Pryd*, *Bryt*, *Tin* vel *Dyn*, diversos significatus admittentibus, plurimas alias pro diversitate

veritate ingeniorum, quibus responsa data fuerint, oriri potuisse rerum et regionum appellationes, pro nominibus insulae habitas, et auctoritate deinde donatas. Sic, Hispanis, digitis terras trans fluvium sitas annuentibus, et primum regionis nomen quaerentibus, Indos respondisse: *Perru*, quod forte nomen huius fluvii fuerit, aut aquam denotaret: nihilominus tamen hanc regionem nomen hoc accepisse et retinuisse. Neque absimilem esse originem nominis *Lucatan* et *Paria*.

**ILLYRICI SACRI TOMUS I. ECCLESIA**  
*Salonitana ab eius exordio usque ad Saeculum quartum aerae Christianae, Auct. DANIELE FARLATO,*  
*Presbyt. Societ. Iesu.*

Venetiis, 1751. apud Sebast. Coleti, Alphab. 2.  
 plag. 19. Ternion. in fol.

**M**agni opus ingenii, multi laboris, copiosae doctrinae, plurimique in historia ecclesiastica usus, nostris Lectoribus indicamus. Ceperat iam ante Auctorem, *Philippus Riceputus*. Presbyter Societ. Iesu, cum in Dalmatia versaretur, historiae ecclesiasticae Illyricae conscribendae consilium, multumque in archivis Dalmatiae excutiendis, rebusque huc pertinentibus colligendis, collocaverat studii temporisque. Atque hic quidem, ne quid ad perfectam rerum Illyricarum cognitionem deesset, historiam hanc ab ultimis temporibus repetere, sedulove omnia, quae ad illam illustrandam spectarent, exponere, rerum omnium et temporum vicissitudines commemorare; et cum res ecclesiasticas cum civilibus tam arctis vinculis coniunctas esse videret, ut harum cognitione destitutus perfectam illarum intelligentiam assequi non posset, utriusque historiae doctrinam coniungere, atque etiam exterarum gentium historiam, affinitate quadam cum Illyrica coniunctam, non leviter attingere sibi proposuerat. Quare et indefesso studio bibliothecas et chartophylacia exploravit,



ploravit, atque, quos ibi suis usibus inservituros censebat codices diligenter evolvit, et cum antiquorum, tum recentiorum historicorum libros, Martyrologia, Acta Martyrum, Chronica, Collectiones Conciliorum, Geographos, Chronologos, Genealogos, accurate pervestigavit. Quantam vero ex ineditis et editis Scriptoribus copiam congesserit, ex eo facile iudicari potest, quod moriens bibliothecam Illyricam manuscriptam, CCC. Voluminum numerum excedentem, reliquit. Neque hoc solum consilium a Clemente XI. et Innocentio XIII, sed a Benedicto XIV. quoque mirifice probabatur, adjuvabatur, omnibusque modis promovebatur. Quo factum est, ut Philippus, qui in hoc campo latissime excurrere cupiebat, immensum aliquod animo conciperet, totamque historiam in XVIII. voluminibus proponere constitueret. Quemadmodum vero Bellarminum, cum de Rosweydi consilio, vitas Sanctorum omnis aetatis, sexus, nationis scribendi, atque simul de aetate Rosweydi, qui iam annos XL. natus tum erat, certior factus esset, dixisse ferunt, satisne ei esset exploratum, se annos CC. vivendo esse superaturum? neque enim minori spatio temporis unum hominem tantam rem perficere posse: sic idem fortasse cuilibet, immensam rerum a Reciputo digerendarum et exponendarum copiam intuenti, quaerere in mentem veniat. Suscepisse enim profecto maiora videtur, quam humanarum virium imbecillitas sustineat, longeque plura concepisse animo, quam vitae brevis praestare possit. Quare etiam accidit, ut, cum ob alia impedimenta, tum propter praematuram mortem, dulci laborum sine Riceputus careret. Nam praeter Martyrologium Illyricum, Acta Sancti Petri Urseoli, et Commentarios de baptismo Constantini Magni, nihil absolutum et perfectum reliquit. Ne tamen, quam ille parens et sospitator historiae Illyricae rerum plurimarum, ad tale opus conficiendum pertinentium, collegerat, vis et copia omnino periret, aut in tenebris lateret, suscepit *Daniel Farlatus*, eorum, quae ille inchoata reliquerat, per-

perficiendorum in se provinciam. Hic igitur, qui se annos viginti in his studiis consumsisse, operamque assiduam Riceputo dedisse fatetur, cogitata et coepta illius exsequi et perficere constituit. Neque vero solum uberrimam rerum civilium Illyricarum historiam, ex ea rerum copia, quam reliquerat ille, contexendi spem facit; sed etiam historia ecclesiastica iam edita laudandum sui consilii et propositi specimen dedit. Discessit vero ab ea, quam Riceputus proposuerat sibi, Illyrici sacri partitione, omnemque historiam eo ordine, quem series et successio Episcoporum postulet, ordinandam et digerendam censuit. Hac ratione Auctor singulis ecclesiae cuiusque Episcopis, omnia, sive Synodica, sive Hagiologica, sive Coenobitica subiicit. Atque haec rerum tradendarum via multo nobis facilior, lectoribusque iucundior videtur ea, quam Riceputo inire placuerat. Ille enim primum res gestas antistitum Illyricorum, deinde Acta Conciliorum, et Legationum Apostolicarum, quae ad Illyriam pertinent, tum vitas Martyrum ac divorum, denique historiam coenobiorum scribere constituerat. At tali modo omnia, rerum ac temporum continuatione coniuncta, suisque locis apte inserta, uno quasi obtutu intueri licebit, quae alias nobis per plura volumina dispersa conquirenda fuissent. Laborem quidem, et Riceputi industriam, magno sibi adiumento fuisse, Auctor gratus profitetur; sed ita tamen illius collectaneis se usum esse ait, ut omnia diligenter denuo recognosceret, expendere, ad fontes, ex quibus singula hausta, recurreret, et multa, quae deessent, adderet. Est vero antiquorum temporum Illyriae historia admodum inops, et de rebus ecclesiasticis Salonitanis usque ad seculum fere quintum nihil prope memoriae proditum, si Acta S. Domnii, S. Donati, Confessoris, et S. Anastasii, martyris Salonitani, atque nomina Episcoporum Salonae, a Catalogis Pontificalibus asservata, excipias. Nam persecutio Diocletiani, irruptiones barbarorum, et incendium everfioque urbis, tam publica quam privata monumenta exstinxerunt et

disperferunt. Quare aliunde Auctor ad explendam hanc ingentem lacunam opem petere necesse habuit. Petiit vero primum ab historia universali ecclesiae et imperii, a primo ad quartum seculum deducta, ita quidem, ut, quae in republica Christiana maxime memorabilia acciderint, ad Chronologiae leges exigeret, quae cuiusque Episcopi Salonitani temporibus responderent, ea cuiusque nomini subiceret, atque inde coniecturis efficeret, quid quisque praeclari gesserit. Hic igitur multa de adversis secundisve totius ecclesiae, de Romanis Pontificibus, de Imperatoribus, iisque praesertim ex Illyrico oriundis, et vel adversis vel addictis Christianae religioni, de persecutionibus, de controversiis et haeresibus illis temporibus prognatis, admiscuit, eaque brevibus commemoravit. Deinde ex hierarchia, disciplina, re critica, et chronologia ecclesiastica, intexuit Auctor plurima historiae Salonitanae, iisque inopiam illius refarcivit et sublevavit. Tertius denique fons, ex quo Auctor multa se hausisse fatetur, sunt Acta quorundam martyrum ac divorum. Sed cum haec ex omnium iudicio atque opinione interpolata corruptaque sint, nec apte ad eorum, quae praeferuntur, nomina referri possint, venit Farlato in mentem suspicari, delitescere in illis quaedam, aliis rebus immixta et cum iis commutata, ex historiis deperditis Illyricorum martyrum et antistitum. Dalmatia enim crebris barbarorum irruptionibus vexata, multos, vel omnes potius codices dispersos dissipatosque fuisse: eos vel incolas, fuga sibi consulentes, in alia loca transtulisse, vel eos ipsos, qui Dalmatiae imperio potiti, tabularia compilasse, atque inde in varias regiones pleraque asportasse: ex his vero codicibus multos, vel rerum nominumque similitudine deceptos, vel mala fraude agentes, plurima, quibus suorum martyrum historias ornarent illustrioresque redderent, sumsisse. Memorabile exemplum de Georgio Palaestino, in quo sibi Auctor tale quid invenisse videtur, infra afferemus. Vidit autem ipse, rem esse hanc aleae et periculi plenam: quare cum

timide

timide et dubitanter illam aggressum se, tum parce admodum illis usum esse subsidii, profitetur. Decessit etiam Auctor aliquoties a proposita materia, et iucunda excursionibus doctis lectoribus diverticula facere voluit. Sic disputat de institutione Apostolica Metropoleon, de tribus antiquissimis Patriarchis primariis, de Primatibus et Vicariis Apostolicis, et aliis, quae deinde indicabimus. Toto quidem in opere elucet amabilis quaedam modestia, sibi plerumque diffidens, multa lectorum arbitrio relinquens, non plus novis ut opinionibus concedatur postulans, quam rationes et coniecturae, quibus res quaeque suffulciatur, mereantur, saepissime suam assensionem cohibens, et rem relinquens in medio. Est denique scribendi genus satis elegans, et quod veterum auctorum diligentem lectionem redolet. Sed iam satis multa de consilio et proposito Auctoris diximus. Venimus nunc ad ipsum opus.

Primum, ne rudis lector et ignarus rerum universalium Illyriae et Dalmatiae ad hoc opus accedat, praemittit Auctor Prolegomenon partes tres, in quibus generales quaedam notiones de statu cum ecclesiastico, tum civili harum regionum, proponuntur. Prima igitur pars Illyricum complectitur, et in quinque capita descripta est. Horum primo de origine nominis et generis Illyrici, de finibus Illyrici propriis et primigeniis, de prima Illyrici populatione, Hylli regno, interitu, successoribus, exponitur. Arbitratur enim Auctor, aliorum de conditore Illyrici opinionibus refutatis, Illyricos primigenios ab Hylllo Pelasgo, Herculis Pelasgi ex Melita filia, Nausithoi regis Phaeaciae filio, Hyllinisque et ortos et denominatos fuisse. Herculem, cuius sub fabularum involueris aliqua veritas lateat, post Hispaniensem et Gallicam expeditionem, in Italiam ad Evandrum venisse, deinde eam regionem adisse, quae multis seculis post pars Macedoniae fuerit, et postea Epirus nova dicta sit, nunc Albania dicatur. Ibi quod Dyrrhacho auxilium adversus hostes tulisset, haud exiguum regni partem pro mercede ab illo ac-



pisse. Appianus vero etsi hanc regionem non designet, verisimile tamen esse, illam partem fuisse regni Dyrrhachini, quae ab occasu Drilonem inter Naronemque continetur. Nam Cadmum, cuius regnum iure haereditario Dyrrhachus acceperit, apud Encheleos ibidem regnasse, et Hyllum in iisdem ferme locis Hyllinis imperasse, a multis Scriptoribus tradi. Hyllum, ab avo Nau-sithoo dimissum, magnam Phaeacum coloniam abduxisse in donatam a Dyrrhacho regionem, ibique tum regni sui, tum Illyrici primigenii fundamenta, iecisse. Atque ab his Hyllinis Illyrici nomen quoque originem traxisse. Nam cum gens et regio Hyllinorum tot variationes nominis subierit, ut illam Hyllos, Hyllinos, Hylleos, Hylleidas, Hyelles, Hylleicos, Hyllicos appellarent, facilem etiam ex Hyllinis in Illyricos commutationem fieri potuisse. In cap. II. quomodo Liburni expulsis Graecis Illyricum occupaverint, commemoratur, doceturque, quale fuerit genus Liburnorum, qui eorum in Illyricum adventus, quomodo imperio maris Adriatici potiti, societatemque maritimi imperii iunxerint cum Etruscis, quomodo denique sensim paullatimque eorum copiae atque opes terra marique decreverint, valdeque sint deminutae. Cap. III. Celtarum in Illyricum, et Siculorum in Adriaticum mare, adventum proponit. Videmus hic Celtas, Liburnos superantes expellentesque, regiones Illyrico finitimas, ipsumque Illyricum occupare; Siculos maris Adriatici imperium Tuscis ac Liburnis adimere, cum Illyricis Celtis foedera inire, et colonias in Illyricum deducere; Dionysium senioremaris imperium, et ius Adriaticae navigationis, cum portoriis, vestigalibus, quaestibusque omnibus, qui ex maritima dominatione perciperentur, sibi vindicare; Illyricos cum Macedonibus bella gerere, fines regni ultra Drilonem usque ad Ceraunios montes proferre, multasque suo imperio provincias adicere, cum Molossis pugnare, Amyntam regno expellere, de Macedonibus victoriam reportare, cum Philippo Macedonum rege parum feliciter

feliciter bella gerere: videmus porro res gestas et fata Illyricorum regum; Bardytis, Cliti, Glaucia, Agronis, Pinei, Pleurati, Gentii; videmus denique regni Illyrici interitum. In Cap. IV. et V. Auctor ex Appiano, Polybio, Dione, historiam Romanarum adversus Illyricos expeditionum contexit, copioseque de provinciis Illyrico additis, eiusque finibus, ad Septentrionem et Orientem latissime propagatis, disserit. Addit tandem Illyrici hodierni descriptionem, et deinde de variis Illyrici divisionibus exponit. Altera Pars Prolegomenon Dalmatiam complectitur. In cap. I. (de Dalmatia antiqua,) origo et initium nominis Dalmatici, fines Dalmatiae primigeniae, et divisio tripartita Illyrici regii, liberi, tyrannici, a Schymno Chio, illo, qui fere uno ante Christum seculo oras maritimas iussu Nicomedis, Bithyniae Regis, lustravit, versibusque Graecis descripsit, tradita, explicatur. Quam quidem divisionem Auctor non cum aetate Schymni congruere, sed ad superiores aetates referendam esse, atque cum anno ante Christum natum CLXXX congruere, variis argumentis adductus existimat. Exponit quoque V. Cl. hoc loco causas, cur Dalmatia ab aliis prima pars Graeciae, ab aliis regio Italiae appellata sit. Arbitratur autem, quemadmodum pars ultima Italiae, quae ad meridiem spectet, quod Graecis urbibus et coloniis plena fuerit, quod Graecorum studiis atque institutis floruerit, quod Graeca lingua sit usa, ab antiquis magna Graecia appellata sit: sic etiam Dalmatiam, quae iam inde a principio Illyrici nominis colonos Graeci generis exceperit, cum in insulis, tum in ora maritima confidentes, ac deinde, sub Imperio Romanorum coniuncta cum Illyride Graeca, hinc sibi et affinitates hospitiique necessitudines conciliaverit, et novos incolas adiunxerit, et Graecorum linguam moresque adsciverit, merito partem Graeciae haberi, et Graeciae nomine insigniri potuisse. Alteram appellationem inde originem traxisse putat, quod Praefecto Praetorio Italiae Illyricum suberat, et saepius accidit, ut regio:

regionum finitimarum, sive ob mutua utriusque gentis commercia, sive ob colonias ultro citroque missas et acceptas, verba chorographica inter se cominutarentur. Cap. II. populos Dalmatiae antiquae ante nomen Dalmaticum exortum, Nestos, Manios, Autoriatas, et Ardiaeos, ante oculos ponit. Cap. III. de multiplici propagatione nominis et generis Dalmatici, et hodiernis Dalmatiae finibus; atque Cap. IV. de multiplici divisione Dalmatiae, agit. Cap. V. Dalmatiam hodiernam, montes, fluvios, lacus, oras et urbes maritimas, atque mediterraneas urbes et regiones, describit. Cap. VI. naturam coeli solique indolem, mores, rem militarem, bona ingenia, optimarum artium studia, et pietatem religionemque Dalmatarum complectitur. Cap. VII. insulas Illyrici maritimi, Iapydicas, Liburnicas, Dalmaticas, mare Adriaticum, illiusque varia nomina et dominos, commemorat. Venimus ad tertiam Partem Prolegomenon, in qua Auctor propius ad rem propositam accedit. Est haec Pars in duas Sectiones divisa, quarum altera de Illyrica et Dalmatica, altera de Salona et ecclesia Salonitana exponitur. In cap. I. de originibus Apostolicis ecclesiae Illyricae et Dalmaticae disputatur. Inquiri Auctor primum, an Petrus Illyricum et Dalmatiam adierit? Ipse vero vix dubitari posse pronuntiat, quin Petrus aliquando sive Romam proficiscens, sive inde in Orientem revertens, in itinere Illyricum et Dalmatiam accesserit, iisque gentibus lucem evangelicam impertierit. Deinde disputat super loco Pauli in epist. ad Roman. *ab Hierusalem per circuitum usque ad Illyricum replevi Evangelium Christi*. Nascitur enim quaestio, excluderitne Illyricum Paulus, an incluserit regionibus illis, quibus a se doctrinam Christi illatam esse dicit? Auctor quidem Paulum hoc potius, quam illud dicere voluisse, hasce ob rationes existimat. Paulum hoc loco duo praedicationis suae Evangelicae terminos statuere, Hierosolymam et Illyricum: aut igitur utrumque, aut neutrum illius peregrinationibus eximendum esse. Iam vero Paulum  
Hiero-

Hierosolymis Evangelio praedicando operam dedisse, negari non posse; quare neque, Paullum Illyricum adisse, negandum esse. Vix quoque dubitari posse, quin Paullus, cum in Graecia et Macedonia versaretur, pro ardore illo toti orbi terrarum Christianam religionem tradendi, proximas Illyrici regiones adierit. Denique hoc etiam a gravissimis auctoribus, Hieronymo, Gregorio Nysseno, Asterio, Petro Damiano, affirmari tradique. Post quaerit Auctor, an alii quoque ex Apostolis ad conversionem salutemque Illyricorum aliquid contulerint? Affirmat vero hoc de Iacobo, Andrea, et Matthia. Porro discipuli, sive Christi, sive Apostolorum; qui apud Illyrios rem Christianam amplificaverint, commemorantur in Cap. II. Quare de Apostolatu Illyrico Clementis, Lucae, Apollinaris, de aliis et Christi vel Apostolorum disciplina cultoribus Evangelicis in Illyrico, ut Timotheo, Marco, Fortunato, Epaeneto, Andronico, de S. Tito et Herme, Apostolis et Episcopis Dalmatiae, de S. Domnio, discipulo Petri, Apostolo Dalmatiae, et primo Salonarum episcopo, plurima dicendi Auctor occasionem nanciscitur. In Sect. II. cap. I. quaecunque ad Salonam pertinent, proponuntur: illius origo et nomen, situs et opportunitates, opulentia, dignitas, varia eaque adversa fata, studiumque Romanorum in augenda et ornanda urbe Salonitana. In Cap. II. quaerit Auctor, quem gradum in hierarchia Pontificali S. Domnius et ecclesia Salonitana obtinuerit? Quam ad quaestionem discutiendam latius quidem evagatur, et simul complura de Hierarchia ecclesiastica episcoporum et ecclesiarum, ordinibus quatuor distincta, (de tribus Patriarchis, de tribus Exarchis, de Metropolitibus et Episcopis, de vocabulis Hierarchiae Pontificalis,) in medium affert. Quod vero ad quaestionem illam attinet, videtur Auctori Ecclesia Salonitana ab initio fuisse Metropolis, et S. Domnius eiusdem primus Episcopus, iure ac potestate metropolitana praeditus. Dalmaticam enim ecclesiam institutam fuisse ad normam ecclesiarum Graecarum et orientalium, inter quas



multae erant Metropoles. Zosimum Pontificem Max. in iis litteris, quas A. CCCCXVIII. ad Hefychium Salonitanum episcopum dederit, clare atque perspicue ostendere, eum iure et potestate metropolitana praeditum fuisse: iubere enim eum, cui non unam Parochiam, sed integram provinciam adscribat, erga Episcopos sibi subiectos, litteris pontificiis ad eos mittendis, officio Metropolitanae fungi. Porro, cum Apostoli, qui ex Iudaica Republica formam et exemplum ecclesiasticae Hierarchiae describendae sumserint, in iis potissimum civitatibus Metropoles ecclesiasticas fundarent, in quibus frequentissimae essent Iudaeorum synagogae cum provinciali synedrio: nihil prohibere, quominus et Salonae, ubi frequentissima Iudaeorum colonia, Metropolis ecclesiastica condita sit. In sacello denique Lateranensi Venantino videri effigiem S. Domnii, pulcherrimo vestitu Episcopali et pallio Pontificio ornati, quod insigne potestatis metropolitanae sit. In Cap. III. agit Auctor primum de antiquis ecclesiarum diptychis, ex quibus catalogos veterum Episcoporum depromptos esse constat: deinde de variis Catalogis Episcoporum ecclesiae Salonitanae, nempe Salonitano, Acutheano, Ponzoniano, Romano: postremum de fragmentis quibusdam Catalogi Pontificalis Salonitani, et Chronico Pontificali, cum Spalatensi, tum Salonitano. Adspersit quoque alia, de nomine Confessoris, de differentia inter Chronicon et Catalogum, atque talibus, lectu non iniucunda. Haec de Prolegomenis, quae dimidiam huius voluminis partem occupant. Ad ipsam nunc ecclesiae Salonitanae historiam accedimus.

Visum est Auctori, antequam de ipsis Episcopis exponeret, praemittere historiam S. Titi et Hermis, Dalmatiae Apostolorum, et praecursorum S. Domnii, primi Episcopi Salonitani, in decem Capita divisam. In Cap. I. proponuntur testimonia et elogia Titi, Dalmatiae Apostoli et Episcopi Cretensis, ex Martyrologiis, ex epistolis Paulli ad Corinthios et Galatas, ex Scriptoribus ecclesiasticis,

tam

tam antiquis, quam recentioribus, excerpta. Cap. II. complectitur testimonia, et Paulli ex epist. 2. ad Timótheum, et aliorum veterum recentiorumque de Dalmatico Titi Apostolatu. In Cap. III. Acta Titi ex Menaeis et Menologio Graecorum, ex oratione Andreae Cretensis de laudibus Titi, ex Petro de Natalibus, Episcopo Equilino, colliguntur. Cap. IV. continet animadversiones in Acta et Elogia Titi; deinde disputationem de genere et patria Titi, quam cum aliis Cretam existimat; de conversione ad Christum; et de officio interpretis, quo Titus functus sit. Quaestionem hoc loco propositam, fueritne Titus e numero LXXII. discipulorum, Auctor affirmat, et ostendit, Titum multo ante Episcopum creatum fuisse, quam in Dalmatiam profectus esset. Cap. V. exponit Auctoris sententiam de titulis ac potestate Titi in Dalmatia. Demonstrat vero primum, Dalmatiae Apostolum optimo iure Titum appellari, quoniam non in itinere, ut Paullus et Petrus, sed Paulli missu, ac dedita opera hos populos Christiana doctrina imbuendos instituendosque suscepit; eundemque Episcopi a Paulo delegati officio apud Dalmatas functum esse, et Episcopi regionarii Dalmatiae munus et nomen sustinuisse, neque tamen Episcopum Salonae, neque Archiepiscopum, sive Metropolitam Dalmatiae, appellari posse. Cap. VI. est Chronologica disquisitio de Episcopatu Dalmatico Titi. Ad quaestionem, quo Christi, quoque suae aetatis anno, ille hanc Dalmaticam expeditionem suscepit, et quo tempore ab illa redierit? respondet Auctor, verisimile sibi videri, illum XLIII. annos natum, et exeunte anno Christi LV, aerae vulgaris LII. Dalmatiae ecclesiam gubernandam suscepisse; hanc provinciam anno Christi LXII. deposuisse, atque tali modo per annos amplius quinque Dalmaticam ecclesiam obtinuisse. In Capite VII. disquiritur, quo tempore prima et secunda Paulli ad Corinthios epistola scripta sit. Persuasit sibi Auctor, Paulum cum utrisque litteris Titum semel atque iterum ad Corinthios ablegasse, unum fere annum inter epistolam

utramque intercessisse, et, primam quidem ad Corinthios epistolam, scriptam non esse posse ante annum Christi LIV. alteram vero scriptam ex Macedonia anno LV. Appendicis loco addit Auctor suam de epistola ad Galatas coniecturam, quam vel anno LII. consignatam, vel certe ad insequentem annum referendam esse, censet. Cap. VIII. continet disquisitionem Chronologicam de secunda ad Timotheum epistola: et Cap. IX. de epistola Pauli ad Titum. Illa Auctori e primis vinculis Pauli, haec post ea data videtur. Cap. X. mortem, sepulchrum, reliquias, dies festos Titi proponit, et pulchra aliquot loca, ex oratione, ab Andrea Cretensi ipso Titi festo die recitata, excerpta, animadversionibusque Auctoris illustrata, continet. Accedit Chronotaxis Actorum Titi, omnia complectens, suisque singula temporibus dispartiens, et copiosa de S. Hermo, altero Domnii praecursore, disputatio. Multis praecipue de rebus praeclare in Dalmatia ab Hermo gestis, et tempore, loco, atque occasione subeundi martyrii, Auctor differit. His expositis progreditur V. C. ad S. Domnium, primum Salonitanorum Episcopum. Cuius in historia exponenda ita versatur, ut in Cap. I. testimonia ex variis Scriptoribus de illo excerpta; in Cap. II. usque ad VII. vitam illius ab Hesychio, Adamo Parisiensi, Luca Gaudentio, et aliis incertis descriptam, animadversionibusque a se illustratam; in Cap. VIII. animadversiones onomasticas in Acta Domnii; et in Cap. IX. animadversiones chronologicas in eadem Acta, proponat. Pergit in Cap. X. ad Salonitanam aedem, virginis deiparae titulo per Domnium consecratam; in Cap. XI. ad numerum sociorum; in Cap. XII—XIV. ad primam, secundam, tertiam, quartam translationem Domnii; dum in Cap. XV. probet, illius corpus nunquam e Dalmatia Romam, vel alio, abductum esse. Denique in Cap. XVI. templum a Diocletiano Iovi dicatum, dein a Ioanne Ravennate Deo in honorem Mariae et Domnii consecratum; in Cap. XVII. sacros ac solemnes dies, quibus et olim certis temporibus, et hodie memo-

memoria Domnii Salonae, Romae, Spalati, et universa in Dalmatia renovatur; in Cap. XVIII. templum et cultum Domnii in insulis Diomedaeis, ante oculos lectorum ponit. Admiscuit etiam V. Cl. alia, cum Domnii historia aliquo modo coniuncta. Huc referenda sunt, quae ille de aliquibus viris sanctis, Domnii cognomine insignitis; de publicorum templorum usu, iam usque a primis ecclesiae temporibus repetendis, et aliis protulit. Domnii vitam excipit vita Caiani et Symphoriani. Exponitur in Cap. I. Diaconatus; in Cap. II. consecratio Episcopalis; in Cap. III. Pontificatus Salonitanus; in Cap. IV. denique cultus illorum. Sequitur Hesychius. I. et II. Hic Auctor suam de Chronicis Hispaniensibus sententiam proponit, multisque falso illa adscribi putat, ut Flavio Lucio Dextro, Maximo Caesaraugustano, aliis. Hesychios, nullo alio interiecto, S. Venantius excipit. Hic Noster plurima commemorat de sacello Lateranensi, martyrum Dalmaticorum reliquiis insigni, et triplicem illius descriptionem ex Caesare, Cardin. Raspono, ex Ioanne Campino, ex Oldoino profert, plurimisque animadversionibus illustrat. Hanc vitam excipiunt vitae Honophrii vel Honorii I, Maximi I, Paschasii Caesarii, Iustina I, Iustiniani, Antonini, Maximi II, Agapiti, Ioannis I. et Georgii, Episcopi Salonitani XVII. Suspiciatur Auctor, Acta Georgii Salonitani confusa esse et permixta cum Actis S. Georgii Palaestini, Megalomartyris vulgo appellati: contineri enim in illis plura ac longius inter se diversa, quam ut in unum eundemque martyrem convenire possint, atque etiam aliqua narrari, quae aptius in Salonitanum quam Palaestinum congruere videantur. Ante Salonitanum quidem excidium utrumque Georgium bene distinctum, et Acta cuiusque pura et incorrupta fuisse: sed Salonitanis urbis suae ruina oppressis, extinctis, fugaque dispersis, atque ecclesiasticis tabulis sive accensis, sive dissipatis, Georgii Salonitani memoriam extinctam, illiusque cultum vetustate abolitum, cum contra Palaestini fama atque nomen ubique effloruerit. Salo-



na enim excisa, et tabularum reliquiis in alias atque alias Europae regiones distractis, facile Aëtorum S. Georgii Salonitani unum alterumve exemplum in orientem perlatum, in eorum manus incidere potuisse, quibus magis Palaestinus, quam hic, cognitus fuerit: hos, cum et nomen Georgii praefixum, et aliqua viderent similia illis, quae in historia Georgii Palaestini narrentur, in eam opinionem adductos fuisse, in eo exemplo Acta sui Georgii descripta esse, et quae componi atque cohaerere posse cum Palaestino viderentur, e tabulis Salonitanis bona fide transtulisse. Esse vero primam huiusmodi Aëtorum permixtionem Graecis potius, quam Latinis auctoribus, adscribendam: tum quod apud Latinos Salonitanus notior fuerit, et fama cultuque celebrior, quam ut illum cum Palaestino confundere potuerint; tum quod Aëtorum permixtorum latina exempla, quae quidem exstant, Graecis permixtis multo recentiora videantur. Demonstrat porro Auctor, permixtionem Aëtorum utriusque Georgii quadruplici discrepantia: de multiplici loco martyrii, et sepulchri Gregoriani; de temporibus; de martyrio; de iudicibus, Georgiano martyrio praefectis, in hac historia occurrente. Ultimum denique huius Voluminis locum occupant vitae Theodori, Ioannis II, Frontiniani, Ioannis III, et Petri, Episcopi Salonitani, itemque alia quaedam de S. Anastasio, de S. Donato, Confessore, et Anastasio, martyre Salonitano. Accedunt denique praeter locupletem indicem tabulae aeneae XVIII: quarum I. Illyricum inuniversum, et hodiernum: II. Dalmatiam sub imperio Romanorum: III. Dalmatiam Venetam: IV. et V. urbis et agri Salonitani Topographiam: VI. Salonam: VII. antiquos et recentiores Episcopatus provinciae ac Metropolis Salonitanae: VIII. aedem Metropolitanam Spalatensem: IX. sacellum S. Ioannis: X. turrin S. Domnii: XI. inscriptionem sepulchralem circa operculum arcae exterioris S. Domnii insculptam: XII. inscriptionem insculptam in operculo medio arcae interioris S. Domnii: XIII. inscriptionem incisam in

in marmore, quo pars anterior arcae Domnii circumvestita: XIV. inscriptionem incisam in tabula lapidea, affixa parieti a cornu Epistolae altaris S. Domnii: XV. altare et sepulchrum Domnii: XVI. prospectum interiorem Apsidis sacelli Venantiani Lateranensis: XVII. prospectum inferiorem Apsidis sacelli Venantiani Lateranensis: XVIII. altare et sepulchrum S. Anastasii, exhibet. Haec de Volumine primo; proxime dicemus de altero.

*ACTA IUBILAEI SECUNDI GYMNASII  
Gedanensis, anno Domini MDCCLVIII. die 13. Iunii  
solemniter celebrati, publicis impensis prelo  
subiecta.*

Gedani, apud Thom. Io. Schreiberum, Alph. 1. pl. 10.  
tab. aen. 2. fol.

**P**eregit, non sine magna laetitia, Gymnasium Gedanense, cui cum omnes litterae, tum purior religionis Christianae doctrina multum debent, ducentesium diem natalem, suaeque laetitiae et pietatis testimonia in hoc Libro extare voluit. In praefatione quidem, bene longa, non solum qua ratione dies hic musis Gedanensibus festus celebratus sit, exponitur, sed nomina quoque eorum, qui Gedanum magistratibus, consiliis, doctrina iuvarint, hisque solemnibus vel instituendis, vel ornandis adfuerint, posteritati commendantur. Hanc praefationem excipiunt variae dissertationes, ea occasione conscriptae, ex quibus commemorandae nobis videntur hae. 1) Theses Hunniana de viribus hominis post lapsum in rebus spiritualibus ante conversionem, Praeside *Ernesto Aug. Bertlingio*, S. Theolog. D. et Defensore *Ephr. Ohlerto*, propositae. 2) Disputatio de morosa resistantia, eodem Praeside, a *Io. Gottl. Weinholtz* defensa. Hoc verbo indicat illud Auctor, in quod Lutherana ecclesia culpam reicit, cur tot homines in infelici peccatorum statu remaneant, nec  
ab

ab aeternae damnationis sententia liberentur. Sunt vero dissertationis huius tria capita: quorum primo Auctor de difficultatibus, dubiisque per dogma de resistentia morosa tollendis, iisque rebus, quae in hac materia simul considerari debent, et altero de resistentia morosa ipsa disputat: ubi duae quaestiones discutiuntur; quomodo gratia, et quid operetur, quae resistentiam naturalem superet? quomodo post superatam resistentiam naturalem nova resistentia, eaque morosa, possibilis sit? In tertio capite variae quaestiones, per dogma de resistentia morosa solvendae proponuntur: cur alius convertatur, alius non convertatur? an repugnantia morosa vinci possit? quid resistentiam morosam tollat, natura an gratia? 3) *Dissertatio Gottl. Wernsdorffii*, Eloqu. P. P. de religiosis coenobiis antiquis. Exponit Auctor, quantum res humanae coenobiis antiquis debeant, et ex illis Christianae doctrinae propagationem, virtutum exempla, librorum codices, bibliothecas, veteris aevi memoriam, quaslibet bonas artes, et litterarum scientiarumque conservationem profluxisse, ostendit. Ex coenobiorum latebris, ait, plerumque arcescebantur, qui Christianis coetibus praeessent, antistites: sola Roma e Benedictina sodalitate XXIV. praesules accepit; hinc etiam petebantur, qui ad barbaras gentes doctrinae Christianae docendae causa ablegarentur. Illis ipsis temporibus, quibus, extincto litterarum lumine, foedissima barbaries omnia occupaverat, reliquiae tamen artium servabantur in coenobiis. Hic inveniebantur, qui legere, scribere, et hymnos modulari possent: hinc regii scribae, consilarii, et quaestores fumebantur: neque extra coenobiorum claustra, templorumque cathedralium cancellos, uspiam librorum copia, certe non penes privatum ullum, erat. Sed nulla unquam re magis coenobia reipublicae et coetui Christiano profuerunt, quam scholis aperiendis, iuventute erudienda, maxime exercitationibus catecheticis instituendis. Verum non perpetua fuit coenobiorum haec gloria, quae inde a Seculo XII. ob varias causas, quas Auctor commemorat,

morat, sensim evanuit. Eleganter haec dissertatio scripta est, et periucunda lectu. 4) *D. Ernesti Aug. Bertlingii* oratio, pro sacris rostris habita, satis diserta. 5) *Gottl. Wernsdorffii* oratio saecularis, de Gedanensis Scholae studiis. 6) De incongrua praxi doctrinae iuris Romani, de restitutione in integrum ex capite metus et doli, disputatio Praef. *Mart. Gottl. Pauli*, I. U. D. defensa a *Ioach. Guilielmo Weickhmanno*. Quod primum ad definitionem restitutionis in integrum attinet, probat Auctor cum Valeriani et Gallieni AA. tum Iulii Pauli sententias, quorum illi eam dicunt esse redintegrationem amissae causae; hic vero per redintegrandae rei vel causae actionem definit. In origine restitutionis in integrum eruenda sequitur Auctor Ulpianum, lib. I. d. de in Integr. Restitution. De tempore vero, quo praeclara haec iuris honorarii pars fuerit introducta, aliquid certi statui posse negat. Neque hoc mirum. Sunt enim restitutionis in integrum variae species, tempore diverso receptae, et, cum non prius iuris publici vim auctoritatemque consecutae sunt, quam sese ab insigni sua aequitate commendassent, plerasque earum successu demum temporis invaluisse, facile intelligitur. Pergit Auctor ad causas, ob quas Praetor restitutionem in integrum dat. Hic profertur et illustratur locus Iulii Pauli, Recept. Sentent. Lib. I. Tit. VII. §. 2. ubi causas restitutionis Praetoriae exponit. Deinde ostenditur, quid sit restitutio in integrum ex capite vis et metus, quando hoc iuris honorarii caput potissimum invaluerit, quibus in negotiis locum habeat? qualis debeat esse metus, qui restitutioni in integrum locum faciat? Nondum sufficit, negotium, quod quis ob vim et metum rescindi cupiat, esse stricti iuris negotium; necesse est potius, ut vis iniusta sit, atrox, quae contra bonos mores fiat, atque a parte eius, cui infertur, metum producat, non vanum, sed qui cadat in hominem constantem. Qui metus, etsi lege generali decidi nequit, sed iudicis arbitrio relinquendus est: sunt tamen in iure iusti metus exempla,

Hhhh

ut



ut metus mortis, servitutis, carceris, cruciatus corporis, et stupri. Porro explicatur, quid sit Actio quod metus causa? quid Exceptio quod metus causa? quid sit dolus malus, et inde orta restitutio in integrum? quae origo restitutionis ex capite doli? Transit Auctor ad celebrem illam, multisque controversiis agitatam quaestionem: utrum divisio doli in eum, qui dat contractui causam, et qui incidit in contractum, in bonae fidei negotiis producat iurium diversitatem, nec ne? Quam quidem quaestionem etsi Auctor dissolvere non audet, Noodtii tamen sententiae auctoritatem Ulpiani adversari putat, illiusque medellam, loco Ulpiani adhibitam, tanquam nimis acerbam et crudelem, reicere videtur. Venimus nunc ad caput ipsum disputationis, nempe, praxin huius doctrinae iuris Romani incongruam esse. Ratiocinatur vero Auctor sic: Ius Romanum in Germania tantum in subsidium est receptum, atque, etiamsi deficient iura domestica, tum demum habet locum, si rerum publicarum nostrarum conditio, quam a Romana multum esse diversam constat, illius applicationem admittat. Nititur porro haec duplex restitutionis in integrum species celebri illa contractuum divisione, in eos qui stricti iuris sunt, et qui bonae sunt fidei: eam vero et Noodtius iam observavit, naturalem rationem, qua una ius gentium censetur, non facere contractus alios bonae fidei, alios stricti iuris, sed omnes bonae fidei esse putare, atque in omnibus bonam fidem desiderare; et Germani, qui veritatem et simplicitatem in negotiis civilibus quam maxime amant et colunt, et omne, quod a fide Germana recedat, moribus suis indignum existimant, illa Romani iuris divisione posthabita, unice ius gentium et naturalis aequitatis praecepta sequuntur, atque omnes in genere contractus bonae fidei esse arbitrantur. Nullius igitur usus in praxi et vita civili, doctrina de restitutione in integrum, ob metum et dolum, est censenda. Denique indicat Auctor remedia alia, quibus uti potest ille, qui hodie in quovis contractu dolo aut metu circumscriptus est.

est. Potest uti interdicto, unde vi, et quod vi aut clam: potest ex edicto divi Marci agere. Habet laesus rei vindicationem, Publicianam actionem, et nullitatis querelam: habet exceptionem doli generalem, quae locum habet quotiescunque aequitas actori obstat, et quae velut genus est, quod omnes reliquas exceptiones comprehendit.

7) Oratio Secularis *Christ. Sendelii*, Medic. D. in qua Auct. laudes doctorum medicorum, qui proximo seculo Scholam Gedanensem illustrarint, enarrat. 8) *Beni. Groddeckii*,

Gr. et OO. LL. P. P. dissertatio, de verosimillima vocis יובל significatione. Hanc suggestit Auctori origo radicis יובל, quae in pulsu vehementiori sita esse videtur, ex qua diversae istae succrevire notiores, effusi impetus cum in fluvio currente, tum in aliis similibus, in quibus est veluti colluvium et profluvium vehementius impulsus. Hinc coniecit Auctor, annum quinquagesimum, a solemnibus illa atque magna cum pompa ac velut impetu facta adductione libertatis, quae per universam terram tunc erat proclamanda, dictum esse יובל: atque igitur שנת יובל vi vocis esse annum adductorem, sive adductoris, qui nempe libertatem, et quae cum eo coniuncta erant, universo populo publice adduceret. 9) *Eiusdem* oratio de anno iobelaico Hebraeorum, eiusque imprimis scopo. 10) *Gottl. Wernsdorffii* dissertatio, de versibus, ut aiunt, politicis, et perversa Romani metri in carminibus Germanicis imitatione. 11) *Eiusdem* dissertatio de eloquentia corporis. 12) Dissertatio de moribus iuventutis scholasticae in Academia Attica, Praeside *Gottl. Wernsdorffio*, defensa a *Io. Dan. Schulzio*. 13) De tribus feriis, quae in numis saecularibus Philipporum Augg. conspiciuntur, dissertatio, Praef. *Gottl. Wernsdorffio*, proposita a *Io. Gottfr. Wachsmuth*. 14) Disputatio de vi convertrice Spiritus sancti, Praef. *Ern. Aug. Bertlingio*, habita ab *Ephraim Ohlerto*. 15) *Andreae Schotti* Analecta ad Athenas Gedanenses. 16) *Michael. Christoph. Hanovii* memoria Proto-Scholarcharum et Proto-Bibliothecariorum Gymnasii Gedanensis.

17) *Henrici Kühnii* dissertatio, de commodis ex mathematicis et physicis disciplinis in humanum genus redundantibus. Haec de prima huius voluminis parte. Altera continet litteras plerarumque Germaniae Academiarum, illustriumque scholarum, ad Gymnasii Gedanensis doctores, in quibus hunc diem illis faustum fortunatumque esse iubent. Quibus sunt additae variae dissertationes, ad hunc diem festum illustriorem reddendum scriptae, ut: *Io. Henr. a Seelen*, Gymn. Lubec. Rector. de Gymnasiis, ad quae divinus gentium doctor, Paulus, 1 Timoth. IV, 7. 8. Hebr. V, 14. XII, 11. allusit, γύμνασια: *Andreae Schotti* memoria Theologorum, qui Gedani vixerunt, Semisecularium: *Theodor. Ludov. Gralathii* de iucundo litterarum ac mercaturae vinculo commentatio: *Ephr. Krügeri* disputatio de nervo Phrenico, Lipsiae habita, una cum oratione *D. Christ. Gottl. Ludovici*, de felici praeparatione ingeniorum ad Academica studia in Gymnasiis illustribus, eiusdemque programme de via bilis cysticae: *Io. Beniam. Schmidt* docta Commentatio, de ludis saecularibus Romanorum. Caeterum nos quoque, ut Deus opt. max. haec, pro salute, incolumitate, et flore cum universae reipublicae, tum inprimis scholae Gedanensis, suscepta vota rata et accepta esse iubeat, vehementer optamus.

**GERARDI KULENKAMP V. D. M. AMSTELAED.**  
*Διάκρισις modesta Quaestionis Philologico-Hermeneuticae,*  
*nuper admodum motae, circa Ellipsin Litterae vel*  
*Particulae Interrogantis in Codice Hebraeo Biblico,*  
*num ea sit omnino eliminanda et proscribenda, an*  
*vero, sed non temere, admittenda.*

Amstelaed. ap. Iac. Loveringh, 1759. plag. 17. octonis.

**I**n tria Capita omnis descriptus est liber. Primum duabus sectionibus absolvitur, quarum prior prooemii quasi locum occupat: occasio enim, scopus, modus, et



et ordo omnis libri, in ea sistitur. Occasionem quidem Ven. Auctor ortam sibi esse ait, (§. 1.) ex suis in divinum Mosis Canticum, quod extat Deut. XXXII, patria, i. e. Batavorum lingua, commentationibus olim editis. Ad cuius Cantici quintum comma, quod iam multos criticos exercuit, eruditorum cum varias interpretationes exponeret, (§. 2.) novam quoque, qua Vir Ven. Collega Auctoris, *W. Koolhaas*, iam Linguar. et Antiquitat. apud Amstelædamenses Professor, huic obscuro loco medelam asserere tentavit, observationem silentio praeterire noluit. Hic suam, cui calculum denegaverat noster, ut defenderet sententiam, (§. 3.) *Dissertationem Philologico - Exegeticam* in lucem emisit, qua ostenditur, quod in sacro Codice Hebraeo non temere interrogationes admittendae sint, ubi nulla extat interrogandi nota, nec indicium: in qua tamen (nostri verba sunt) non, ut index dissertationis promittit, tantum *interrogationes haud temere*, sed *plane nullas* admittendas esse putat, nisi adsit interrogandi nota, vel expressa, vel repetenda: quod telum omnino in nostrum Auctorem intensum esse statim intelligi potest.

Habes occasionem scripti; accipe scopum, quem noster exponit §. 4. 5. 6. hunc puta, ut antiquam de ellipsi litterae aut notae interrogationis Criticorum sententiam contra novam, ut appellat, Koolhaasii vindicet. Modus, quem in hoc suo libro observatum sibi esse ait Ven. Auctor, §. 7. nullibi leges amicitiae violat, nec invectiva est nostri in adversarium oratio; quas leges, ne in posterum migret, publice promittit, se nunquam respondurum esse amplius, etiam impugnantibus. §. 8. ordo libri exponitur; de quo antequam dicamus, monendum ducimus lectorem, omnem hunc librum, praecursoriam tantum, ut Auctor appellat, universi operis, cuius praecipua pars nondum in lucem emissa est, sectionem esse: in hoc enim, quem tractamus, libro, post generalia quaedam ad hanc quaestionem spectantia, quae secundum caput ex parte implent, invenies nonnulla de Ellipsis in



universum; an illae omnes cum Wokenio e Cod. sacro eliminandae? Quae sequuntur, de ellipsi literae  $\pi$  particulae interrogantis, agunt; deinde Koolhaasi contra hanc ellipsin prolata argumenta examini subiiciuntur; tandem vindiciae sententiae Auctoris traduntur, quibus omnis liber exit. Quae sequi deberet libri sectio, in qua ea loca, ubi noster ellipsin  $\pi$   $\pi$ , ille autem ironiam aut sarcasum invenit, vindicanda a nostro sunt, in aliud tempus servatur.

Secundi capitis, quod statim ex prioribus intellexeris, prima sectio plane nihil habet, quod ad rem pertineat; hinc sufficere arbitramur, indices locorum exponi. Docetur enim §. 2. reverenter literas sacras tractandas esse; §. 3. studii Philologici et Grammatici necessitas probatur; §. 4. regularum hermeneuticarum serium instituendum esse examen; §. 5. de studio Hermeneutico seculorum quinque priorum, §. 6. seculorum sequentium usque ad tempora repurgatae ecclesiae agitur, et tandem §. 7. 8. quae exinde ad nostram usque aetatem eruditorum praestiterit diligentia, exponuntur. §. 9. Vitanda monet Auctor Ven. praeiudicia, §. 10. tam alienae, §. 11. quam propriae auctoritatis, et novitatis pruritus; quibus expositis, secundi capitis prima Sectio absolvitur; in qua quidem ea invenias, quae commode ab hoc libro abesse poterant. Ex iis enim, qui rationem interpretandi S. Codicem docent, libris, haec omnia singulis, qui se ad legendum hunc Auctoris librum bene instructos putant, satis superque nota esse, non dubitamus.

Alteri secundi capitis Sectio occupata est circa quaestionis statum, ut Auctor appellat, et argumenta Koolhaasi ponderanda, in cuius §. 1. observatur, primo quidem intuitu satis patere, de quo inter ipsos lis orta sit; sed ex adversarii libello non satis constare, quatenus ipsum inter et *Bostonum*, Ecclesiae Atricensis apud Scotos Pastorem, (in Tract. Stigmologico Hebraeo-Biblico, A. MDCCXXXVIII. edito,) conveniat, §. 2. quia ille non semper de ipsa deceptionis materia sibi analogus est, et quod §. 3. accedit,

dit, a locis obscurioribus abstinere mavult, et ignorantiam profiteri, quam ellipsin  $\tau\delta\ \neg$  interrogantis admittere; quapropter §. 4. monet Auct. se iis non adnumerandum esse, qui interrogationes in codice s. fingunt, sed §. 5. de eo sibi disputationem institui, an plane nulla in eo admitenda sit interrogationis ellipsis; quo facto §. 6. monet, a Koolhaaf. tropos et figuras in subsidium vocari, ut eo melius ellipses  $\tau\delta\ \neg$  ex codice s. eliminare queat. §. 7. in explicandis troporum et figurarum versatur naturis. §. 8. primum, quod contra nostrum adfertur argumentum, exponitur, quo negatur, interrogationem esse, ubi nullum sit interrogationis signum, nec interrogationis sono pronuntiaretur; tropos autem et figuras, nimirum antiphrasin, ironiam, sarcasnum, cet., nonnunquam quidem ad interrogationem accedere, sed neque interrogandi signo, neque pronuntiatione, notari. Respondet noster, hoc argumentum bifariam dividendum esse: priori enim loco negari, interrogationem esse, sine signo interrogandi expresso; quod ipsum petitio principii sit. De eo enim disputari: an interrogationes in codice S. semper signo quodam notatae sint; itaque hanc argumenti partem nihil probare. Secundum eius locum, qui de pronuntiatione agit, confundit noster testimonio ex Quintiliano, et altero ex Augustino desumpto; qui uterque docet, ironiam pronuntiatione intelligi; sed veremur ut in eo erret Auct. non enim Koolhaaf. negat, ironiam intelligi pronuntiatione; diversam tantum hanc esse ait a pronuntiatione interrogationum, quod nec Quintilianus, nec Augustinus, a nostro in testimonium vocati, negant, et ipsa loquendi consuetudo probat. §. 9. Ea codicis s. loca examini subiiciuntur, quae secundum Bostonum non simpliciter et affirmative explicari possunt, quamvis nullum interrogationis indicium appareat, unde vel ad ironiam, vel aposiopesis, ellipseos notae interrogandi hostes confugiunt. Primus ex his locis est 2 Sam. XVI, 17. ubi Absolomus Chusaeum, Davidis



Davidis fugientis amicum, ad se venientem alloquitur: **זֶה חֶסֶדְךָ אֶת־דָּוִד**, quae verba et Bostonus et Koolhaasius, non simpliciter accipi posse profitentur; sed Ironiae vel Sarcasmi speciem in his agnoscunt, et hic ita *περι-Φράζει*: *En egregium iam hic videmus specimen studii tui, vel benignitatis tuae erga amicum tuum.* Noster autem non ironice accipienda esse haec verba, sed interrogative, ex sequentibus colligit; addit enim statim Absolomus: **לֹמָה לֹא־הָלַכְתָּ אֶת־דָּוִד**; in quibus interrogationem esse, particula **לֹמָה** satis demonstrat: unde noster argumentatur, si haec duo hemistichia in codice transposita legerentur, neminem dubitaturum esse, verba **זֶה חֶסֶדְךָ** esse interrogationem continuatam antecedentis. Deinde nostro quoque non consentaneum videtur, Absolomum in re tam dubiae et periculosa aleae iocatum esse, sed potius de Chusaei in patrem perfidia haec indignatum pronunciasse, et ipsa pronunciatione et gestu demonstrasse, factum Chusaei sibi non placere.

Secundus, quem profert Auctor, locus extat 2 Reg. XIX, 11. coll. Ies. XXXVII, 11, ubi sunt verba **וְאַתָּה הֲנִצֵּל**; in tertio Ier. XXV, 29. **וְאַתָּם הֲנִקְהָ הַנֶּקֶר**; et in quarto Ezech. XXXIII, 25. legitur: **וְהָאָרֶץ תִּירָשׁוּ**, quae loca Koolhaasio et Bostono ad naturam interrogationum quam proxime accedere videntur, sed tamen, cum particula interrogandi desit, non interrogative, sed potius per Ironiam vel Epanorthosin explicanda. Noster in iis ellipsin **הֲ** interrogativi quaerit, itaque pro veris interrogationibus accipit. Sed expedita sunt omnia, si, quod observavit cum pluribus Noldius, teneas, **הֲ** saepius interrogandi vim habere, ut adeo interrogationis signum hic re ipsa adsit. §. 10. respondet Koolhaasius duabus obiectionibus, quarum prior desumitur ex eo, quod nobis ignotum sit, an Hebraei quaedam in codice sacro loca tono interrogativo, an vero ironico pronunciarint; quae, ne ellipsin **הֲ** admittere cogatur, tono ironico aut sarcastico

oo potius, quam interrogativo, pronuncianda putat. Ne tamen per has ironias et sarcasmos aequae ac per interrogativae particulae ellipses, sensus s. codicis incertus reddatur: urgente tantum necessitate, ad has figuras refugere suadet, §. 11. quod probare conatur ex loco Genes. XVIII, 12. ubi quidem verba Sarae היתה לי עדנה per ironiam interpretatur, tanquam a Sara ridente dicta. Noster tamen negat, haec Sarae verba aliter ac interrogative accipi posse, ab ipso scil. Deo, sequenti commate, interrogative accepta: dicit enim Deus, Sarae sermonem repetens: הלא אמנם אלד ואני זקנתי. Quid? היתה לי ה' *praeteriit*; tum nec interrogatione nec ironia opus fuerit. Deinde docet Ven. Koolhaasius §. 12. nos non semper ea, quae interrogamus, interrogative exprimere; sed aposiopesis adhibere, hanc: *hoc suppono, hoc spero*. Cuius rei testimonium profert locum 2 Sam. XVIII, 29. ubi David Ahimaazum victoriam sibi nunciantem ita alloquitur: שלום לנער. Quo loco Koolhaas. supplet, *ut ego spero*; noster autem ellipsin ה' ט' invenit, quod in commate 32. Davides ipse addit, Chusaeum alloquens: השלום לנער לאבשלום. §. 13. Auctor tandem secunda vice statum quaestionis constituit ex conclusione adversarii, quae est: *si verba accurate et strictissime sensu suo grammatico accipiantur, vero nullas dari in sacro codice interrogationes, nisi quae ornatae vel munitae sunt particula interrogandi, aut ubi huiusmodi particula e praecedenti periodo est repetenda, et potius ad tropum refugiendum, quam ad ellipsin ה' ט'.*

Sequitur Caput III. et ipsum in duas descriptum Sectiones. Sub initium prioris iterum, quod non erat necessum, repetit Auctor, quaestionem esse, an plane nulla admittenda sit ellipsis ה' ט'; simulque ordinem sibi propositum exponit. §. 2. monet, ellipsin non adnumerandam esse soloecismis, vel barbarismis, ideoque non omnem esse eliminandam, sed potius necessariam esse, ut ex Graeca et Latina, quin et Belgica lingua, §. 3. appareat;



ergo nec ex Hebraea lingua eam exulare. §. 4. et §. 5. transitum facit ad ponderanda aliarum partium argumenta, e quibus §. 6. primum est hoc: cum Hebraeis sint omnis generis particulae interrogantes, non necesse habent elliptico loquendi genere uti in interrogationibus. Respondet Auctor; huic argumento plane nullam inesse vim, quia per illud non negarentur omnes Ellipticae Hebraeae linguae dicendi rationes, sed saltem hae, de quibus lis est; et hoc tamen argumentum contra omnes Hebraeae linguae ellipses adhiberi posse; habet enim Ebraea lingua et alias particulas, verba et nomina; et nihilominus eorum nonnulla aliquando per Ellipsin omittuntur. Disputatur deinde nostrum inter et Ven. Koolhaasium de vi interrogandi nonnullarum particularum, quam hic negat, noster defendit. §. 7. de potestate interrogativa particulae **אֲנִי**, §. 8. de particula **כִּי**, §. 9. de vocula **הִן**, ubi simul noster locum 1 Sam. XXX, 8. profert, quem adversario plane omissum, a Bostono autem leviter tantum notatum dicit, et eum tanquam invictum scopulum omnibus ellipsis particularum interrogandi inimicis opponit. Nam quaerit hic David ex Deo: **אֲרֹדָה אַחֲרֵי הַגִּדָּד הַזֶּה**; quaerere autem eum indicat praecedens vox **שָׁאֵל**, quam tamen **וְהִן** interrogans non sequitur. Subiungit huic loco alium Auctor Exod. VIII, 26. quem Bostonus intellexit interrogative accipiendum esse, et, cum nulla adesset particula interrogandi, **וְהִן** significatum interrogativum tribuit; Koolhaasius autem, cum sua hypothese in angustias redactus, ait, hunc loquendi modum quam proxime accedere ad formam interrogandi; hoc tantum se velle, haec verba Mosis proprie non esse interrogativa; adeoque exinde non concludendum, vel voculam **הִן** esse interrogativam, vel licere aliis in locis, ubi nullum adest interrogandi indicium, tamen sensum interrogantem admittere. Belle quidem sibi distinguere videtur Koolhaas non nobis. §. 10. Secundum, quod urget idem Vir contra nostrum argumentum, de periculo codici sacri

ex



ex hac ellipsi oriundo desumptum est: haec enim, cum sensum literae saepe vertat in contrarium, ansam praebere videtur male sentientibus, sensum codicis pro lubitu convertendi. Noster autem hoc argumentum, cui maximam inesse putat ille probandi vim, ita removet, ut doceat, illud criticorum temeritatem coercere non posse; esse enim loca quaedam, in quibus haec sensus conversio omnino concedenda sit; quorum numerus cum non constitutus sit, hos criticos in multis saepe locis, in quibus sensus ipsis non satis commodus videtur, hanc sensum convertendi necessitatem invenire; deinde plus probari hoc argumento, quam ex Ven. Koolhaasii re sit; cum ipse non omnino neget, esse in quibusdam locis, quanquam nota interrogandi destitutis, sensum convertendum; accedere, quod ne sic quidem omnis ambiguitas tollatur, etsi sensum, nisi  $\tau\delta$   $\eta$  adsit, mutandum negemus: non enim semper patere, quae vis  $\tau\omega$   $\eta$  tribuenda sit; quod manifestum fiat ex *Schultensii* in Iobum commentario, qui varia loca Iobi, in quibus  $\tau\delta$   $\eta$  a pluribus interrogative explicatur, simpliciter interpretetur. Hinc colligit Auctor: non posse constitui legem, per quam non liceret sensum convertere in contrarium, nisi adsit  $\tau\delta$   $\eta$ ; sed singula potius loca accurate trutinanda esse, antequam de iis pronunciari possit; et tandem non omnes interrogationes sensum in contrarium convertere, quod probat §. 11. ex locis variis Quintiliani, Longini, aliis, et §. 12. ipsius sacri codicis. §. 13. reliqua, quibus Koolhaasius pugnat, leguntur argumenta; tertium ab invidia et absurdo; et quartum ab aliorum auctoritate desumptum: quorum vim iure contemnit Auctor Rev. quintum a defectu signi interrogandi magnam inter Hebraeorum accentuum turbam, et ultimum ab eo, quod Hebraei non singularem verborum ordinem in interrogationibus observent, petitem, haec duo Auctor in sequentem Sectionem illustranda sibi servat.

Restat altera terti capitis Sectio, in qua Auctor ea, quibus Ellipsis  $\tau\delta$   $\eta$  defendi possit, profert argumenta,

quae tamen, ut ipse §. 1. fatetur, non apodictica gaudent veritate. §. 2. primum, quo nititur, ellipticam linguae Hebraeae brevitatem fundamentum habet: ubi Auctori mirum videtur, eos qui concedunt, dari ellipses frequentes apud Hebraeos, hanc tantum negare; praesertim cum haec ellipsis nec in aliis linguis inusitata sit. Secundum argumentum ab Accentuationis Hebraeae ratione depromsit Noster. Hic primum demonstrat §. 3. in omnibus fere linguis dari signa distinctiva, prae reliquis autem Hebraeam iis abundare. §. 4. contra Bostonum docet, ex accentuum positione iudicari posse de ellipsi  $\tau\tilde{g}$   $\eta$  interrogantis; hinc §. 5. multa de usu Syntactico seu Grammatico, de Logico, de Musico, tandemque de Tonico accentuum usu disputat. §. 6. de usu accentuum Rhetorico Wolfii, Millii et Bostoni exponit sententias. §. 7. Hos varios accentuum usus sibi non oppositos, sed subordinatos esse, et in Hermeneutica sacra terminari ait, et §. 8. ex his colligit, non opus habere Hebraeos signo quodam singulari interrogationis, quia omnis accentus dominus ea vi gaudeat, miraturque, quomodo Bostonus, qui de accentuum vi non dubitat, unum tantum eorum in interrogationibus usum negare potuerit. Quod autem statuit Auctor, certum esse, dari loca in codice sacro non in sensu Grammatico et simpliciter accipienda, et in his accentus habere vim interrogativam; neque refugiendum esse ad sarcasum, ironiam, etc. id nobis nequaquam probatur; quibus addimus plura in hac eius de accentibus disputatione scita. §. 9. loca affert Auctor, ex quibus vim interrogativam accentuum docere laborat, enumeratque omnia ea, in quibus Koolhaasius supra Ironiam aut Sarcasum etc. substituit. Sic v. c. 2 Sam. XVI, 17:  $\tau\tilde{a}$  Athnacho vim interrogativam tribuit, vultque Athnachum indicare ellipsin  $\tau\tilde{g}$   $\eta$  interrogativi. Unde autem intelligitur, Athnacho esse hanc vim hoc loco? In loco Gen. XVIII, 12. si nostrum audias, interrogatio itidem ex accentibus intelligenda est. Tertium locum subiungit 1 Sam. XI, 12.



מי האמר שחול יסלך עלינו §. 10. alia adhuc profert loca Auct. in quibus ellipsin  $\tau\tilde{\alpha}$   $\eta$  interrogantis se invenisse putat, ut Num. XXIII, 19. Thren. I, 12. alia. §. 11. tertium pro ellipsi  $\tau\tilde{\alpha}$   $\eta$  interrogativi telum in adversarios mittit Auctor; nimirum interrogationes Hebr. habere singularem quandam vocum dispositionem, ex quibus dignosci possint, existimat. Limitationem quidem, et analogiam aliarum linguarum, exempla item subiicit; sed anceps argumentum non reddit firmitus. Tandem Auctor affectus, tonum, et gestus loquentis in auxilium vocat, et primum §. 12. prolixè agit de lege illa interpretum sat nota, accurate attendendum esse ad loquentis aut scribentis affectum; unde concludit: qui loquitur in affectu, is Ellipses frequentes facit; itaque et particulam  $\eta$  interrogantem omittit. §. 13. ex tono loquentis intelligi interrogationes Auctor observat, tonum autem ex affectu loquentis deducendum esse. §. 14. affectibus et tono, gestus quoque oratoris addit, et iis interrogationes indicari putat; opinatur enim, multa loca tam perspicua esse, ut ex iis gestus, quibus orator in pronunciandis iis usus sit, intelligi queant: quod de vehementioribus animi motibus non negamus; sed qualem nobis depinget Auctor gestum, ab oratore in pronuncianda interrogatione adhibendum? §. 16. respondet iis, qui putant, ex gestibus oratorum profanorum, quos attulit §. 15. non iudicandos esse gestus oratorum sanctiorum. §. 17. ipsum argumentum et Schematismum orationis Auctor pro se facere putat: si enim locus, quem tractamus, convictorius sit vel redargutorius; tunc statim colligendum, esse in eo orationem concitatam, atque adeo abundare in eo tropos, figuras, frequentes inesse ellipses, neque mirum esse, si  $\tau\tilde{\alpha}$   $\eta$  interrogativum desit. §. 18. toti denique libro et primæ parti operis finem imponit.

Nos quamvis, in summa rei ab Auct. Ven. disputatae, non abhorreamus ab eius sententia, nec parvi faciamus eruditionis et modestiæ in eo elucetis signa; tamen de-



fenfam ab eo τὸ ἢ interrogantis ellipsin caute et prudenter indagandam, non liberali manu inspergendam S. Codici existimamus. Eundem agnoscimus nonnunquam arma induisse imbecillia, et *nullos* ideo *habitura triumphos*; repetitionibus non necessariis et copiosa expositione rerum, quae tribus verbis tradi poterant, lectores fatigasse; denique scribendi elegantiam minus quam par erat curasse.

*REGIAE ACADEMIAE LUNDENSIS HISTORIA,*  
*Auctore IOH. IAC. VON DOEBELN, Med. D. et*  
*Prof. Acad. Lundensis Seniore, Regii Collegii Medici*  
*Assessore, Regiae Societ. Upsal. membro,*  
*Imperialis A. N. C. Collega.*

Lundini, apud I. E. Brodhagen, Alph. 3. quaternis.

**M**alimus librum hunc sero ad nos perlatum, etiam si iam ante lustra aliquot prodiit, tarde commemorare, quam omnino tacere. Tribus partibus constat haec Historia: quarum *prima* foundationem, privilegia, constitutiones Regias, et alia monumenta, exhibet; *secunda* huius Academiae Cancellarios, Curatores, Procancellarios, Rectores, Prorectores laudat; *tertia* Professorum vitas describit, eorumque scripta commemorat singula.

E *prima* Parte referimus, in animum induxisse Regem CAROLVM GVSTAVVM, Lundini condere Academiam. Quo praemature extincto, id perfecit filius CAROLVS XI. qui eam inaugurari iussit Anno MDCLXVIII. d. 28. Ianuarii: quae inauguratio hic repraesentatur accurate. Tum, quibus beneficiis ab hoc Rege per secutos annos cumulata sit haec Academia, et postea a Regibus, CAROLO XII. (qui Anno MDCCXV. ipse versatus est in hac Academica urbe,) et FRIDERICO, luculenter describitur.

In

In *secunda* Parte Cancellariorum Academiae, quorum primus fuit Comes *Gustavus Otto Stenbock*, hodiernus est Comes *Carolus Gyllenborg*, Vitae exponuntur, et in Academiam merita, per diligentem. Ac eodem modo postea vitae Procancellariorum describuntur, quos inter eminent *D. Petrus Winstrupius*, et *D. Andreas Rydelius*, Episcopi Scaniae: quorum et scripta memorantur. Hinc leges Regiae proferuntur de Rectore Magnifico, deque Prorectore. Tum denique nomina Rectorum huius Academiae et Prorectorum exhibentur iusto ordine.

*Tertia* ex Parte producimus Professores eos, qui permultas, quarum hic proferuntur tituli, disputationes ediderunt. Excelluerunt videlicet et partim adhuc excellent in hoc genere *Henricus Benzelius*, Theol. Professor, nunc Scaniae Episcopus; *Ioannes Engenstroemius*, Prof. lingg. orientalium, itemque Graecae; *Nicolaus Lagerloefius*, Theol. Professor; *Arvidus Mollerus*, Prof. philosophiae moralis; *Conradus Quenselius*, Mathematicus; *Andreas Riddermarckius*, item Mathematicus; *Magnus Rydelius*, Andreae frater, Historiae Professor; *Andreas* et *Nicolaus Stobaei*, ille Historiae, hic Eloquentiae Professor et Poeseos; *Haquinus Stridsbergius*, Theol. Professor, multorum Veteris Testamenti locorum illustrator egregius. Operae pretium videtur nobis facturus, si quis singulari volumine complectatur *Dissertationes Academiae Lundensis selectas*, easque ita maiorem in lucem producat, plurimumque exponat conspectui et usui. De *Iosua Schwarzio*, Theol. Prof. perpauca proferuntur, itemque de *Samuele Pufendorfio*: et de hoc quidem propterea, quod iam plures vitam eius persecuti sunt studiosissime. Merito vero suam ipsius vitam nobilissimus huius Historiae Auctor descripsit copiosius pag. 29 — 50.

Libet adhuc e Partis primae pag. 42. et 43. proferre, quae narrantur de Rege CAROLO XII. A. MDCCXV. hanc Academiam exornante sua praesentia. *Iactent alii* (ita noster Historicus,) *magnos Regum suorum ad splendorem*

rem apparatus: CAROLVS noster, publicae salutis procura-  
tor, omnem luxuriam spernens, vel in itinere satellitum ac  
aliorum frequentia non utens, populique sui fide ubique tutis-  
simus exit reditque, rhedarum usum unico, et eo quidem vi-  
lissimo interdum, quadrupede supplente. Plumarum et culci-  
trarum loco vel rusticis et captivis ingratum ac vile stramen  
tam pretiosus Rex deligit, paucarum horarum somno conten-  
tus, ut ante solis ortum et ultra occasum pro regni felicitate  
continuo laboret, et, quod in statione sua cuique sit vigilan-  
dum, inaudito exemplo monstret. Quae, quaeso, amictus  
differentia ab amictu gregarii militis, ubi nihil praeter corii,  
lanae, ferri, lintei parum, corpus Regis tegit? Exulat hic  
omnis intemperantia: quinimo omnem vini usum aqua frigida  
diluit. Quid? quod in maximis occupationibus saepius rigo-  
rosa quatuor, quinque et plurium dierum ieiunia, ad populi  
sui commiserationem, tolerat incomparabilis hic Princeps.  
Haecenus Noster in Programmate, quod A. MDCCXVII.  
cum Rector esset Academiae, editum hic totum  
inseruit.



# NOVA ACTA ERUDITORUM,

*publicata Lipsiae*

*Calendis Novembris Anno MDCCLIX.*

*ILLYRICI SACRI TOMUS SECUNDUS. ECCLESIA  
Salonitana, a quarto Seculo aerae Christianae usque  
ad excidium Salonae. Accessere Vita Diocletiani  
Imperatoris, Acta Sanctorum ex eius genere, et mar-  
mora Salonitana. Auctore DANIELE FARLATO,  
Presbyt. Societ. Iesu.*

Venetis, apud Seb. Coleti, 1753. Alph. 2. ternion.  
plag. 36. tab. aen. 3. in fol.

**Q**uid sibi Cel. Farlatus in historia ecclesiastica Illyrici  
describenda proposuerit, et quomodo in hoc ne-  
gotio tractando versetur, exposuimus nuper, cum  
primum huius operis Volumen lectoribus nostris indica-  
remus. Pergit in hoc altero Volumine, filum, quod  
coeporat, pertexere, atque eadem, qua nuper, via ince-  
dens, eodem ordine, atque etiam elegantia, res expo-  
nens, quae in Ecclesia Salonitana, a quarto Seculo usque  
ad tristissimam urbis eversionem, acciderint memoratu dig-  
na, ante oculos lectorum ponere. Est vero hoc Volu-  
men in duas quasi partes tributum, quarum prima Vitas  
Episcoporum, altera vitam Diocletiani Imperatoris, eo-  
rumque, qui e familia Diocletiani oriundi, martyria passi,  
et celebre nomen nacti sint, complectitur. Episcopi qui-  
dem, quorum nominibus res memorabiles subiectae, sunt

Kkkk

hi;



hi: Marinus I. Martinus I. Maximus III. Theodorus II. Petrus II. Leo I. Iohannes IV. Horum res gestae in prioribus quatuor capitibus exponuntur. Coegit inopia rerum monumentorumque Auctorem, ut hosce simul coniungeret. Quamquam enim aetas illa rerum factorumque memorabilium admodum ferax fuit, domesticis bellis ingentem rerum praeclare gerendarum segetem suppeditantibus; nimia tamen vetustas, maiorum incuria, et incensio urbium omnia ita exstinxit, ut vix nomina cognita essent, nisi ea conservassent Catalogi. Quare Auctor multa ex historia universali delibavit, illisque lucem historiae Illyricae accendit.

Quod ad Marinum, Episcopum Salonae, aliosque antistites Dalmatiae attinet, dubitat Auctor, an ad Nicaenam Synodum convenerint? E subscriptis enim Episcoporum nominibus, in quae multa menda irreperint, hoc intelligi non posse. Quamvis in editione Biniana subscriptus inveniat *Bunius Stoborum*, sive *Bodius Stobiorum Provinciae Dalmatiae*, tamen satis constare, pro *Dalmatia Dardania* legi oportere, ut in margine Collectionis Venetae Conciliorum adnotetur; idque confirmari MS. Cod. Parisiens. Biblioth. Soc. Iesu, ab Harduino edito; in quo scriptum: *Bonius Triporum Dardaniae*. Triporum urbem, neque in Dalmatia, neque in Dardania, neque usquam gentium inveniri, quare procul dubio legendum esse *Stoborum*. Stobos esse civitatem Pelagoniae, quae regio pars sit Macedoniae ad Septentrionem, finitima Dardaniae. Causas vero, cur nullus e Dalmatia et Illyrica regione concilio Nicaeno interfuerit, esse fortasse has: quod omnia fere Concilia oecumenica in partibus Orientis habita plerumque, et potissimum ex Episcopis Orientis conflata fuerint, sic prorsus, ut paucissimi ex Occidentibus Episcopis ad ea convenirent. Neque enim haereses, quae huiusmodi conciliis causam occasionemque dederint, ad labefactandam ecclesiam occidentalem statim processisse. Porro sicut Episcopi Daciae et Macedoniae provinciis orientis fuerint vulgo adscripti, sic Episcopos Dalmatiae inter Occi-

Occidentales numeratos esse, et necessitate Synodos oecumenicas in oriente adeundi exemptos. Deinde etiam Episcopos Dalmatiae ad Concilium, ut vocant, Nationale Primatis, seu Patriarchae Romani, pertinuisse. Nam cum duo fuerint in Illyrico Primates constituti, Thessalonicensis et Sirmienensis, neutrique eorum subiecta Ecclesia Dalmatica, quae nullum alium Primatem agnoverit nisi Pontificem Romanum, essetque propterea veluti quaedam appendix Primatus Italici, eiusque Episcopi Romanae Synodi nationalis adeundae iure gauderent: sicut plerique Italici et Occidentales Episcopi a Conciliis orientalibus oecumenicis abfuerint, sic etiam Episcopos Dalmatiae abfuisse.

Incidit in haec tempora lues Ariana, erroresque Semiariorum proruperunt. Hosce igitur una cum iis, quae ad Donatistas, ad Athanasium, damnatum et absolutum, ad Photinum, illiusque magistrum Marcellum Ancyranum, ad Concilium Sardicense, ad Ursacium et Valentem, ad Hosium, ad Bonosum, ad Concilium Ariminense, Illyricum, et Aquileiense, ad controversiam Antiochenam, ad haeresin Macedonianam, pertineant, Auctor commemorat. Illyricum quidem concilium Auctori in Macedonia, atque in urbe Thessalonica, aut eodem quo Romanum, (quod in Episcopatum Damasi, et annum quarti Seculi aut septuagesimum, ut Pagius vult, aut undeseptuagesimum, ex Baronii sententia, incidit,) aut certe anno proximo, habitum esse videtur. Multis quoque Auctor de Monastico Instituto in Dalmatiam inducto et propagato agit, ita ut nomen monachi, quid significet, declaret, et deinde, quod norunt omnes, Antonium et Hilarionem auctores praecipuos vitae Monasticae fuisse, ordinem monachalem per Italiam et Occidentem auctore Ambrosio propagatum, et praecipue in insulis et littoribus maris Tyrrheni, tum etiam in Dalmatia constitutum, e Monasteriis Clericos et episcopos electos, Benedictum restitutorem auctoremque monachalis instituti in Occidente, et ordinem Benedictinum in Dalmatiam receptum esse ostendat, variaque de incommodis vitae Ana-

choriticae, de monasterio Ruffiniano, de Bonoso, Anachorita, de insula Bonosiana, addat.

Sequitur Episcopus Hesychius III. Hic attingit Auctor primum plures, quibus Hesychii nomen fuit, ut Hesychium, discipulum Hilarionis, Hesychium, Presbyterum Ecclesiae Hierosolymitanae, Hesychium, Episcopum Opariensem. Deinde refutantur ii, qui Hesychium a Salonitano ad Toletanum Episcopatum transferunt. Post narratur, quomodo Hesychius pro Iohanne Chrysofomo restituendo laboraverit, Ruffinum admonuerit de corruptelis in Clementinos libros per haereticos inuictis, et Dalmatas afflictos recreaverit. Adspersit hic aliqua Auctor de titulo Defensoris Ecclesiae, et historiam quasi concinnam illius dignitatis per texuit. Hunc titulum, ait, ac magistratum in Ecclesiam primus inexit Caius Ep. Rom. qui Sebastianum Imperatoriae cohortis praefectum, virum eximiae fidei ac perspectae virtutis, creavit appellavitque Defensorem Ecclesiae. Huius magistratus ea vis erat, ut apud Iudices laicos negotia ecclesiarum ageret, et pauperum, viduarum, pupillorum suscipere patrocinium. Initio laici homines hoc magistratu ornabantur, ii nempe, qui diu multumque in foro et iudicio versati, partes sibi delatas bene agere possent; nolebant enim clericos terrenis negotiis, etsi ad Ecclesiam piamque pauperum curam pertinentibus, distringi, eosque a litibus, tribunalibus, omnibusque fori negotiis longissime removebant. Quamvis autem Episcopi iure eligendi creandique Defensores ecclesiae gaudebant, ab Imperatoribus tamen illud petendum arcesseandumque censuerant Patres Concilii Milevitani, quo maior esset huius magistratus auctoritas, tum apud iudices praefectosque iuri dicundo, tum contra fraudulentorum hominum opes ac potentiam, sive ad obtinendas causas ecclesiasticas, sive ad bona egenorum repetenda, eorumque inopiae ac solitudini auxilium ferendum. Exstat de hoc Can. XVI. Concilii modo laudati, et Synodi V. Carthaginiensis Can. IX. Ac primum apud Graecos a laicis ad clericos

clericos hic magistratus transferri coepit, mandarique solebat interdum Presbyteris; deinde vero idem mos in Ecclesia occidentali paullatim invaluit, ut deligerentur e clero, qui ad hoc munus gerendum haberentur idonei; quin imo Gelasius inter minores clericos annumerat Defensores, mediosque constituit inter Lectores et Acolythos: *Continuo Lector vel Notarius, aut certe Defensor effectus, post tres menses existat Acolythus.* Post Gelasium Gregorius M. eundem magistratum Subdiaconis ipsis commisit, vel certe Defensores in Collegium Subdiaconorum cooptavit. Seculo V. ineunte, quo Hesychius regebat Ecclesiam Salonitanam, adhuc vetus illa consuetudo vigeat, ut Defensores Ecclesiae non e Clericis, sed e Laicis fumerentur. Sed tum primum Defensores, ut videtur, Ordinis Clericalis potiundi cupiditas incessit; quos quidem Zosimus ad Clerum aggregari non vetuit, sed eos iisdem legibus adstringi voluit, quas aliis Clericis praescripserat, ut nimirum nullis Canonicis impedimentis irretiti tenerentur, neque aliter illis, nisi gradatim et annorum intervallis, quae ceteris praescripserat, interiectis, ex inferiori ad superiorem ordinem accessus pateret. *Sane, inquit, ut etiam Defensores Ecclesiae, qui ex laicis fiunt, supra dicta observatione teneantur, si meruerint esse in ordine Clericatus.* Pergit Auctor ad Opera sive lucubrationis Hesychii, et quaerit, an Commentaria in Leviticum tribuenda sint huic Salonitano Episcopo? Tota de hac controversia ita dicit Auctor: „Mihi non fumo tantum, neque arrego, ut me huius controversiae arbitrum interponere aulam. Hos commentarios ab Hesychio Hierosolymitano ne abiudicem, obstat auctoritas recentiorum Scriptorum fere omnium; ut Salonitano adscribam, monumenta certiora, et argumenta maioris ponderis, quam ea, quae a Perronio allata sunt, requiro.,

Sequuntur in ordine Episcopos. Ioannes V. et Petrus III. Ostendit Auct. Ioannem Concilio Romano Nationali primo adversus Nestorium habito interfuisse, atque etiam secundo,



non autem Ephesino Oecumenico, neque ullum alium quenquam ex Illyrico occidentali Episcopum. Praeterea hic multa legimus de Nestorii haeresi, de Theodoro, fautore Nestorii, de Hunnorum initiis et progressionibus, de Sirmii, urbis Pannoniae, frequentia et opulentia, de haeresi Eutychiana, de Concilio Chalcedonensi, de irruptionibus et bellis Attilae, de Dalmatia Germanica, de Marcellino. Petrum excipit Glycerius, quem ex Augustali folio decedentem sedes Pontificia Salonitana accepit. Huius genus, patriam, res gestas, magistratus, quibus ante imperium functus, res in imperio gestas, et Pontificatum Salonitanum Auctor exponit, variaque de domesticorum variis generibus et officiis, de Odoacris genere, rebus bellicis, expeditione Italica, regno in Italia, de Theodorico, rege Ostrogothorum, de more antiquo eligendorum creandorumque Episcoporum. Ordo Episcoporum Salonitanorum tangit Honorium II. Affert Auct. primum duas epistolas Gelasii, Papae, ad Honorium scriptas, deinde acta Honorii, cum e domesticis tabulis, tum ex historia ecclesiastica illorum temporum, repetita commemorat, denique seriem illam historiamque regum Dalmatiae superioris, quam e Slavonico in Latinum convertit Presbyter Diocleas, et Marcus Marulus, Patricius Spalatensis, accurate examinat. Hoc loco varia adspersa sunt de schismate Constantinopolitano et Romano, de Theodorico, Pannoniam ad regnum Dalmatiae adiungente, de urbe Barcensi, et Ostroylo Dalmatiam invadente, Herulos caedente, novumque in provincia Praevalitana regnum condente.

Venimus ad tres alios Episcopos: Ianuarium I. Hefychium IV. et Stephanum I. quorum vitas Auct. exhibet. Illustratum hoc loco inveniet lector sacrarum lampadum usum, genus vasis, quod *orcum* Plinius, Varro, et alii appellant, genus vectigalium quod *Siliquaticum* dicitur, et munus Principis officii et officiorum; differre alterum ab altero Auctor arbitratur, huiusque, quem et Magistrum officiorum appellabant, potestatem latius quam illius patuisse, alterum

alterum plurium, alterum unus magistratus officiis prae-  
fuisse: summam fuisse huius dignitatem, summamque aucto-  
ritatem, cui inferiores magistratus subiecti, sive urbani,  
sive provinciales, adeo, ut iniussu illius nihil rite, nihil  
legitime, nihil ex iuris formula, decernere et perficere  
possent. Appendicis loco accedit disputatiuncula de Dio-  
nysio Exiguo illo, quem Cassiodorus lib. Divin. lect. cap. 23.  
maximis laudibus extollit.

Proximum Stephano locum inter Episcopos Salonitanos  
occupat Honorius III. Cuius historia tam propter multitudi-  
nem magnitudinemque rerum, quae eo tempore acciderunt,  
quam ob animadversiones ab Auct. allatas, valde prae reliquis  
eminet. Proponitur enim hoc capite Concilium Provinciale  
Salonitanum primum et secundum; proponuntur etiam Acta  
horum Conciliorum, uberibus Auctoris adnotationibus  
illustrata; proponitur denique bellum, quod Iustinianus  
Imperator Gothis intulit, et cuius initium fieri iussit a re-  
cuperanda Dalmatia, quam Herulis ademptam Theodori-  
cus ad regnum Italiae adiunxerat, atque in sua potestate  
retinebat Theodatus. Videmus Ostrogothum in acie caedi,  
et regnum Praevalitanum Senulato relinquere; tum  
Iustinianum Illyricum occidentale universum, Norico ex-  
cepto, Barbaris ereptum, Imperio restituere. Adiecit  
Auctor Nov. Const. XI. (qua Iustinianus ecclesiasticam to-  
tius Illyrici dioecesein describit, eiusque principatum suae  
patriae attribuit,) eamque copioso commentario illustrat.  
Sequitur vita Frontiniani II. Petri IV. et Prohini, quo-  
rum aetas cum in ea tempora incideret, quibus celebris  
illa de tribus capitulis agitabatur controversia, quae pri-  
mum Occidentales ab Orientalibus seiunxit, deinde ipsos  
Occidentales inter se commisit, diversasque traxit in par-  
tes, diligenter Auctor de tota re exposuit. Ipsa historia  
lectu digna et iucunda est. Complectitur quoque Fron-  
tiniani vita annos posteriores novem belli Gothici. Ve-  
nimus ad Honorium IV. et Damianum, quorum tempo-  
ribus summa tranquillitas viguit in Dalmatia, otiumque  
ab

ab omnibus cum reipublicae, tum religionis hostibus, sive extraneis, sive domesticis, atque ideo res imperii ecclesiaeque tranquillum in hac regione sine offensione cursum tenuerunt. Quare nihil novum aut memoria valde dignum tum accidit, praeter adventum Bulgarorum, iunctamque cum illis ab Regibus Dalmatiae superioris amicitiam. Quam historiam e Codice Slavo a Presbytero Diocleate et Marco Marulo latino sermone expressam, Auctor hic inseruit, et animadversionibus illustravit. Hos excipit Natalis. Cuius in vita exponenda Auctor ita versatur, ut quae Thomas Archidiaconus in cap. V. Historiae Salonitanae, memoriae prodidit, huc transferat, suisque animadversionibus explicet; deinde epistolas Gregorii M. quas cum ad Natalem ipsum, tum illius causa, ad Episcopos Dalmatiae aliosque scripsit, adiiciat, atque ex his quaedam scitu digna, sed ab Archidiacono praetermissa, decerpit. Est inprimis hic copiosa dissertatio de Archidiaconatu, nec pauca de verbo *Secretarium*, de officio *Apocrifarii*. Sequitur Maximus IV. cui graves et magnae cum Gregorio, Pontifice Romano, inimicitiae fuerunt. Quorum Actorum tria cum sint Summaria: unum, quod Thomas Archidiaconus historiae Salonitanae intexuit; alterum, quod Ioannes Diaconus in vita S. Gregorii confecit; tertium, quod in Tom. VI. Conciliorum apud Philippum Labbeum exstat: haec una cum Epistolis XVIII. ex quibus totius controversiae status, initium, progressus, exitusque optime disci potest, in hoc Volumine Auctor exhibet, suis animadversionibus adiunctis. Maximum excipit Frontinianus III. de quo breviter Auctor exponit. Praeter nomen enim nihil reliqui fecit vetustas, et secuta clades et everio Salonae. Nihil igitur de huius Episcopatu litteris mandatum, nihil de administratione illius memoriae proditum. Pluribus tamen Auctor Monothelitarum haeresin enarrat, eo tempore exortam.

Properamus ad ultimum Episcopum Salonitan. Theodorum III. et simul ad everionem et excidium Salonae. Quae  
cum

cum everſio a Conſtantino Porphyrogenito, cap. 29. et 30, et Thoma Archidiacono, cap. 7. Hiſt. Salon. deſcribatur, ſed diverſo modo: ſubiecit Auſtor ſuas in utrumque animadverſiones, in quibus, cum quae varia, tum quae contraria ab illis referuntur, inter ſe conciliat, et obſcuris atque ambiguis lucem affundit. Auſtor quidem captae funditusque everſae Salonae epocham anno DCXXXIX. affigit, atque Slavos et Avaros ſupremum hoc illi exitium attuliſſe exiſtimat, deinde non pauca addit de iis, quae poſt excidium Salonae, ante urbem Spalatensem conditam acciderint. Haec de Salona, olim terra marique potentiſſima, divitiarum affluentia, frequentia civium, opibusque intolarum florenti, atque aedificiorum magnificentia ſplendidiffima, flammis et ferro ita abſumta, ut nonniſi pauca, priſci ſplendoris, priſcae pulchritudinis et magnificentiae veſtigia retineret.

Venimus ad alteram huius Voluminis Partem, quae hiſtoriam Diocletiani, Imperatoris, complectitur. Eſt enim ad explicandas intelligendasque res Eccleſiae Dalmaticae, atque Illyricae inprimis, accurata Diocletianae Auguſtalis hiſtoriae cognitio neceſſaria. Oriundus fuit Diocletianus ex Dalmatia, adamabat patriam ſuam, et, quocunque poſte rat modo, ornabat. Saepe peragravit Illyricum et Dalmatiam, ſaepe Sirmium et Salonam adiit, ibique aliquamdiu commoratus eſt. In maximis bellis potiſſimum Illyriciſ copiis uſus eſt; magnificum prope Salonam Palatium exſtruxit; huc ſe, imperio depoſito, recepit, hic privatam vitam, ſic egit, ut nunquam non Chriſtianos omnibus modis vexaret. Huius igitur Imperatoris hiſtoriam Auſtor ex Aurelio Viſtore, Eutropio, Vopifco, Lactantio, Eufebio, Actis Martyrum, aliis contexuit, et in IV. capitibus elegantiffime copioſiffimeque deſcripſit. In Cap. I. exponit de gente Aurelia Valeria Salonitana, ſive de familia Diocletiani, et, cum univerſa gens Valeria in quatuor familias diviſa ſit, ſingulas, ut aiunt, lineas, una cum patria et nominibus Diocletiani, uxoribus, et filiis ac nepo-



tibus adoptivis, attingit. Cap. II. complectitur Acta Diocletiani. Hic illum Carinum debellare, Maximianum Herculum, Caesarem, deinde Augustum creare, Palatium aedificare, Salonae et Provinciae Dalmaticae administrationem Diocleae matri committere, Roma Christianos vexare, cum Persis feliciter pugnare, Constantinum et Galerium Caesares creare, imperium Romanum in quatuor partes dividere, Romae decennalia celebrare, cum Quingetanis, Alemannis, Alexandrinis et Persis prospere pugnare, et alia, quae hic repetere nimis longum esset, agere videas. In cap. III. agit Auctor de vita privata Diocletiani post imperium depositum, rebusque publicis eo vivo ac superstitite gestis. Cap. IV. persecutionem Christianorum proponit, omnium, quas illi sustinuerunt, sive temporis diuturnitatem, sive acerbissimam, quaeque nomen a Diocletiano sumsit, et decima vulgo, sed incommode, vocatur. Contextuit igitur A. Catalogum bene longum, martyrum Illyricorum, hac tempestate extinctorum, et appendicis loco dissertationem de persecutione Liciniana addit. Quibus expositis, transit Auctor ad eorum vitas resque gestas describendas, quos communio sanguinis, e Valeriis Salonitanis deducta, cognationis vinculo cum Diocletiano coniunxit, atque primum igitur S. Serenae Imperatricis, et Diocletiani coniugis. Hic multis ostendit, illam non ex Hispania, sed ex Illyrico oriundam, et deinde coniugium Diocletiani et Serenae, atque etiam historiam S. Susannae, ab obiectis argumentis vindicat. Manum conserit Auctor cum compluribus, aliter sentientibus, atque summa cogitationum facta, sibi satis comprobasse videtur, neque commentitium esse S. Serenae cum Diocletiano coniugium, neque Acta S. Susannae aliaque monumenta, in quibus Serena Imperatrix et Diocletiani coniux vocatur, ob hanc causam reiici debere et repudiari. Secundum locum occupat vita S. Artemiae, filiae Diocletiani Imperatoris, et Serenae Augustae, virginis atque martyris; tertium vita S. Caii, Dalmatae, et  
civis

civis Salonitani, patruelis Diocletiani, Episcopi Romani et Martyris; quartum vita S. Gabinii, Presbyteri ac martyris, civis Salonitani, Patris S. Susannae, Fratris S. Caii, et patruelis Diocletiani; quintum vita S. Susannae, virginis atque martyris, oriundae ex Dalmatia, et filiae S. Gabinii. Finem huic historiae imponit dissertatio de martyribus Salonitanis, e stirpe ac genere Diocletiani Imperatoris, Claudio, Praepedigna, Alexandro, Cuthio, et Maximo. Incerta hic passim multa.

Haec de Cel. *Farlati* labore, quem eximium et praeclarum, totum fere per opus elucere, intelleximus. Nihil hic fortasse aliud, quam nimiam copiam, reprehendas. Admiscuit enim aliquoties plura ex historia civili et re ecclesiastica, quam par erat, et lector, rei propositae unice intentus, fortasse expectaverit. Quorsum v. c. attinet, in quatuor paginis explicare, quid sit praenomen, nomen, cognomen? Quid opus erat, si quando Imperatoris alicuius Romani mentio incideret, tam late longeque evagari? Satis erat, res maxime necessarias leviter attingere, et inde ea tantum delibare, quibus lector carere non poterat. Sed compensabit et oblitterabit hunc naevum elegantia, quam in describendis rebus satis probabit Auctor viris doctis.

Accedunt denique ad hoc opus Marmora Salonitana, a *Francisco Antonio Zacharia*, Soc. Ies. in ordinem digesta, ac brevibus observationibus illustrata. Iam pleraque eorum a Grutero, Gudio, Reinesio, Sponio, Fabretto, Muratorio, evulgata sunt, sed inveniuntur etiam aliquot inedita. Transcribamus huc inscriptionem, turpiculam quidem, sed raritate insignem. In lapide apparent tres foeminae, quae Editori Furiae videntur, quas, hanc statuam ponens, sui vici vindices esse voluerit, corporibus quidem coniunctis, sed tribus capitibus separatis. Inscriptio haec est:

QVISQV. IN. EO. VICO. STERCVS. NON. POSV  
ERIT. AVT. NON. CACAVERIT. AVT. NON M  
LAVERIT. HABEAT. ILLAS. PROPITIAS  
SI. NEGLEXERIT. VIDERIT.

Simili, ut Editor observavit, dirarum obnunciatione, sui sepulchri violatores deterret C. Caecilius Florus, apud *Fabrettum* Inscr. dom. pag. 110. Non paucas inscriptiones emendatiores videmus in hoc opusculo, quam a Grutero et aliis editae sunt.

*VOCABULARIUM IURIS UTRIVSQUE, EX variis ante editis, praesertim ex Alexandri Scoti, Io. Kahl, Barn. Brissonii, et Io. Gottl. Heineccii Accessionibus: opera et studio B. PHILIP. VICAT, I. U. D. et Profess.*

Lausannae, TOM. I. Alph. 1. pl. 11. TOM. II. Alph. 1. pl. 13. TOM. III. Alph. 1. pl. 13. ex officin.  
Bousquetiana, 1759. octonis.

**Q**uam iucunda et utilis, cum Grammatices et Critices studiis, tum, quae cum his arctissimo vinculo coniuncta, elegantiori iurisprudentiae fuerit *Scoti, Brissonii, Kahli, Heineccii*, in vocabulariis iuris concinnandis studium et diligentia, satis constat. Ex his igitur, multa et varia doctrina refertis, Cel. *Vicatus* optima quaeque excerpere, atque talem librum adornare sibi proposuit, in quo compendiosam copiam haberent iuris studiosi. Quare se non solum ex aliis, quae in Brissonio deessent, iuris Canonici verba supplevisse profitetur, sed indices quoque mendosos se diligenter emendasse, et legum plurimumque scriptorum auctoritates, de una eademque verbi significatione, ab aliis sine necessitate coacervatas, ad unam alteramve redegisse ait. Iuris Feudalis verba in aliud opus reservavit, et, quae ad ius publicum Germanicum pertineant, prorsus omisit. Aliquoties etiam, ubi visum est, ipse aliqua addidit, sed, quantum nos quidem iudicamus, neque multa, neque nova. Atque hic fortasse melius, et suo, et aliorum nomini atque famae consulisset Auctor, si, ex quo quaeque excerpta sint, et quae ipse

ex

ex penu sua depromserit, paucis significare voluisset. Ea quidem, quae accesserunt, et alicuius momenti sunt, nomen prae se ferunt *Io. Emmanuelis Gironis*, Hispani, et I. U. D. Parisiensis, viri, ut ex his intelleximus, in elegantiorum iuris interpretum libris bene versati. Sunt in his Gironis additamentis aliqua ex iure civili, plura ex iure canonico repetita. Apponamus, ut lectores eo facilius de ingenio et doctrina viri, atque etiam de pretio, huic libro statuendo, iudicare possint, aliquot specimina.

*Fatum*, secundum Tullium, ipso referente Servio in Virg. Aen. 3. vers. 376, est connexio rerum per aeternitatem se invicem tenens, quae sub ordine et lege variatur, ita tamen, ut ipsa varietas habeat aeternitatem. Idem Servius in Aen. 2. vers. 777. fata, ait, sunt quae dii fantur, quae indubitanter eveniunt. Quae fuerint Ictorum veterum de fato sententiae, docuit Bynckersh. Observ. IV. 15. *Fatum*, pro casu. Si fato fecerit: *L. 2. D. de condit. et dem.* Quae improvise casu potius, quam fraude accidunt, fato plerumque, non noxae, imputantur. *l. 1. C. ad leg. Cornel. de Sicar.* Fata causarum, *l. 3. C. de legib. l. 14. C. de advoc. divers. iud.* ubi frustra Salmasius in not. ad Hist. Aug. pag. 269. rescribit: *Facta causarum.* Ibi autem significantur incerti causarum eventus, quos eadem di cendi figura *fortunam iudicii* vocat Quinctilianus, Inst. Or. lib. X. c. 1. Immo et Hermogenianus *l. 13. D. de stat. hom.* ubi pro *fortunae iudicio* legendum esse *fortunae iudicii*, recte suspicatur Menag. Amoen. Iur. c. 6. quia et in scholiis Basilicis legitur, τῇ τύχῃ τῆ δίκης. Sed et *fata* disceptationis dixit Imp. *l. 41. C. Th. de appell.* *Fatum* etiam pro morte sumitur. Macrobi. in Somn. Scip. lib. 1. c. 12. Constat enim, numerorum certam constitutamque rationem animos sociare corporibus. Sic numeri dum supersunt, perseverat corpus animari; quum vero deficiunt, mox arcana illa vis solvitur, qua societas ista constabat, et hoc est, quod fatum et fatalia vitae tempora vocamus. Hinc in fatum concedere: *l. 20. §. ult. D.*



*de liberat. leg. l. 3. C. de iur. delib. l. 4. C. si pend. appell. l. 4. C. de solut.* Fati diem fungi: *l. 5. C. si reus vel accus.* Fati munus explere, *l. ult. C. Th. de metat. implere: l. 1. C. de obl. et act. et passim.* Licet fati nomen anile plerumque et superstitionis plenum sit, huic tamen nobiliores Philosophi mortis vitaeque imperium concesserunt. Servius. 8. Aen. Tertull. lib. de anima, c. 39. Adrianus Turnebus l. 3. Adversar. c. 9. Gell. l. 13. c. 1. Tribus quidem humana omnis vita continetur. Serv. 4. Aen. Natura, cui ultra centum et viginti solstitiales annos concessum non est, diuturniore frui luce. Fato, cui nonaginta anni, hoc est, tres Saturni cursus, exitium creant, nisi forte aliarum stellarum benignitate tertium eius superet cursum. Fortuna, et casu, qui ad omnia pertinent, quae extrinsecus accidunt, ut ad ruinam, incendium, naufragium, venena, vim, fatique diem occupatam. Virgilius in Didonis persona eleganter expressit, 4. Aeneid. *Vixi, et, quem dederat cursum fortuna, peregi.* Hic enim non ad naturam et fatum mortem retulit: quia nec fato, merita nec morte, peribat; sed ad fortunam, quam violentae mortis agnoscit auctorem. Quare mors illa, quae praeter naturam accidit, fortunae tribuitur, casui, quae praeter fatum. At natura et fatum ei, qui morbo aut morte sua defungitur, Sueton. in Iul. c. 85. Demosth. in Epist. ad Lycurg. Isocrat. in Laudat. Busirid. Tempus autem continet fatum et naturam. Iudicent alii, an haec de fato disputatiuncula ad Edictum Praetoris pertineat.

*Proto-Notarius Apostolicus.* Haec dignitas a Clemente primo Pontifice instituta fuit, qui septem Notarios per regiones urbis totidem distribuit, ut martyrum res gestas litteris mandarent aeternis. A Iulio I. haec religiosa Protonotariorum institutio fuit renovata, qui non solum martyrum gesta, sed omnia ad rem sacram pertinentia, per eos litterarum monumentis mandanda curavit. Ita Platina, Cecharellus, Ciacconius, et alii in vitis Pontificum Polydoro Virgilio lib. 4. c. 2. et Iacobatius de conc. art. 3.

art. 3. n. 5. lib. 1. Pius II. in Constitutione, *cum servare*, et Leo X. in alia, quae incipit *Regimini*, tam in civilibus, quam in criminalibus, ab ordinariorum iurisdictione exempt. In Capella Pontificia locum habent, et post Episcopos parem thurificationem, candelam et palmum. In Consistoriis publicis intervenire possunt, ut de rebus, quae ibi geruntur, instrumenta authentica conficiant, cum ad scribenda acta, et gesta Pontificum subrogati fuere. Casanus eos vocat D. N. Papae Secretarios. Sixtus V. cupiens in sua antiquitate et nobilitate Protonotarios Apostolicos conservare, motu proprio privilegia, indulta, exemptiones, gratias, favores et declarationes, a SS. Pontificibus concessa, confirmavit, innovavit, et cum extensione ampliavit, ut apparet in Const. *laudabilis*. Facultatem deferendi arma, non tantum brevioris modi alias prohibita, tam per urbem, quam per Statum ecclesiasticum, absque alia speciali licentia eis, eorum affinibus, consanguineis et familiaribus, idem Sixtus V. ut in §. *praeterea*, ita liberam inter vivos testandi et donandi de bonis mobilibus et immobilibus acquisitis, licite tamen, et ex bonis ecclesiasticis in personas legitimas tantum producendis, 2000. sc. de camera, licentiam indulgit §. *eisdem*. Statim ac in Collegium cooptati fuerint, Referendarii utriusque Signaturae creati intelliguntur, §.  *nec non*. In quibuscunque actibus in Consistorio publico, pro tempore faciendo, ad perpetuam rei memoriam, instrumenta, et omnia acta publica suo sigillo munita, et absque testibus facere possunt, et plenam fidem in iudicio, et extra, eis adhiberi voluit, §.  *ac in quibuscunque*. Habent privilegium deferendi pontificalia, et habendi secum altare portatile in itinere, etiam in locis non sacris, aut auctoritate Apostolica interdictis, dummodo ipsi interdicto causam non dederint, §.  *quilibet eorum*. Paulus V. iisdem Protonotariis pileum nigri coloris, torulis violaceis cinctum ornatumque, et serico suffultum, concessit. Protonotarios praecedere Canonicos, SS. Rituum Congregatio declaravit, et Sacristam SS. Pontificis. Barbosa de  
univ.

*univ. per eccles. cap. 23.* Nullum habere impedimentum in contrahendo matrimonio, licet Clericus beneficiatus sit, respondit SS. Episcop. Congregatio Episcopo Nucerino. Gaudere fori privilegio, tam in civilibus quam in criminalibus, licet ministerio alicuius ecclesiae adscripti non fuerint, *S. Rituum Congregatio in Toletana, an. MDCXXXII.* decrevit. Eorum beneficia ecclesiastica affecta sedi Apostolicae dicuntur, et eidem reservata: Putius *Decis. 329. lib. 2. et Decis. 305.* Quare pro permutatione adeundus est S. Pontifex, ut conferat. *Felinus, Fridericus de Senis, Barbosa, n. 38. Rota Romana, Decis. 1. n. 4.* Si fuerit Canonicus, tunicam talarem (subtaneam) violaceam gestare potest: S. Rit. Congr. in una Panormitana. In processionibus habent locum post Episcopos, et post collegium Canonorum, ut fit Romae: *Barbosa, de Canon. et dignit. cap. 18. n. 35.* Alia adfert Suchetus in libro, cui titulus est, *de privil. Protonotar. Apostol.*

Ab eodem etiam Girone addita sunt huic operi capita haec: *Tribunal Inquisitionis, Haeresis, Imperator, Imperium, Legati, Luctus, Monasterium, Monomachium, Navis*, alia. De ipsius vero Vicatii labore iudicium subdificile est. Nunquam enim nomen adscripsit capitibus, atque ideo parum liquet, ex suone ingenio profecta, an aliunde petita afferat. Sed ne omnino taceamus, proponamus aliquot capita, quae Vicatii esse videntur, certe quibus nullum aliud nomen adscripsit.

*Admensum* etiam vinum Brissou. ait dici passive in *l. 36 D. de locatis*, ubi tamen vox illa non cum nominativo *vinum* constructa, sed absolute posita videri posset. Et quod in *l. 1. §. 1. de peric. et com. rei vend.* legitur, *priusquam admetiatur vinum*, referri potius debet ad emptorem, quam passive ad vinum. In Caton. quidem *de Re Rust. 148.* legimus: quod admensum erit, pro eo dominus resolvito. Et in *c. 154.* vinum emptoribus sine molestia hoc modo admetiri debet; nisi pro *debet* malis legere *debes*; cum dixerit ante: vinum emptoribus quomodo admetiaris.

Sane

Sane apud Non. 6. 90. verbo *numerum* legimus: de iis, quae non numerantur, sed admetiuntur.

Haec adiectio, *hoc amplius*, quam vim habeat, declarat Africanus in *l. 108. §. 7. 8. D. de legat. 1.* et ea superiora repeti ait Pompon. in *l. 54. de legat. 3.* Exempla peti possunt *ex l. 77. pr. D. de cond. et dem. l. 27. pr. l. 33. l. 34. l. 67. D. de legat. 3. l. 18. §. 3. D. de alim. et cib. leg.*

*Aquilex*, aquam colligens. Varro de *Quinquatribus*: Tuscus Aquilex. Unde *Aquilicia* festa dicebantur, quibus Iovi pro aqua e coelo elicienda sacra faciebant, quorum Tertullian. in *Apologet. c. 40.* meminit. Idem *adversus Marcionem*: nec statim Aquilicem et agricolam se Deus repromisit; ex quo patet, aquilices in *l. ult. D. de iur. immunit.* eos dici, qui aquae eliciendae et inveniendae rationem monstrant, ut apud Plin. *l. 10. ep. 46.* qui a Graecis *ὕδροσκόποι* et *ὕδροφάνται* vocantur, quorum Cassianus lib. 2. *γεοπονικῶν* meminit. Nec mihi quidem liquet, quod ait Ill. Heineccius, non confundendos fuisse Aquileces et Aquileges; quod illi sicciore anno rei divinae procuratione aquas coelo eliciebant, unde ipse Iupiter Elicius et dies festi Aquilicia; quod vero hi erant aquarum indagatores, qui fontes venasque aquarum investigabant, aquasque in apricum producebant. Quae tamen vocabula haud ita accurate veteribus distingui solita esse, ipse fateatur: quod sane ex ipso Tertulliani loco *ad Marcionem* iam laudato patet. Adi omnino Menag. Amoen. Iur. Civ. c. 41.

*Ardimensis*, panis sordidus, *l. 5. C. Theod. de annon. civic.* ubi Iac. Gothofredus. Tales, quos Plato comicus in *Nocte Longa* (Comoediae nomen est) *κιλικίαις* vocavit, et in *Alexandro αἰγελαιῖς*, regales; Alexis *Φαίβας*, fuscus. vid. Athenaeum, lib. 3. c. 15. *Πλάταν δ' ὁ Κωμωτοποιὸς ἐν νυκτὶ μακρᾷ τοὺς μεγάλους ἄρτους καὶ ῥοπαροὺς κιλικίους ὀνομάζει.* Plato vero Comicus in *Nocte longa* magnos panes et sordidos Cilicios vocat. Theocrito Idyll. 24. in fin. est *ἄρτος δωρικὸς*, quem ita describit: *ἀσφα-*

Mm mm

λέως



λέως κεφοτοσκάφον ἄνδρα κοπέσας, qui facile etiam fof-  
forem satiare possit. vid. Heins. in Lect. Theocrit. cap. 25.  
ibique glossam Apollonii. Eiusmodi erant panes *cibarii*  
apud Romanos, quibus viliores vesciebantur rustici. Ci-  
cero *Tusculan.* 5. 34. Ptolemaeo peragranti Aegyptum,  
comitibus non consecutis, cum cibarius in casa panis da-  
tus esset, nihil visum est illo pane iucundius. Consule *Clav.*  
*Ciceronian.* *Ernesti*, voc. *cibarius*. Nonius *cap. 2. num. 188.*  
*cibarium* neutro genere dictum tradit, de pane sordido  
aut alio indigno. Isidorus *origin. lib. 20. c. 1.* *cibarius* est,  
qui ad cibum servis datur, nec delicatus. Apuleius *Me-*  
*tamorph.* lib. 6. pag. 110. sed ante pedes eius residens  
humilis, et pane cibario contenta. vide etiam Hieronym.  
*Epist. ad Paulinum*. Talis panis fuit etiam *cumanus*, cuius  
meminit Lucilius lib. 25. apud Nonium, *cap. 5. voce ace-*  
*rosum*, n. 97.

Sunt vero, ut facile iudicari potest, non omnia  
capita uno eodemque ingenio et diligentia conscripta.  
Inter perfecta quodammodo, accurata, et quae prae aliis  
emineant, referimus sequentia: *Abesse, Accipere, Actio,*  
*Adgnati, Adoptio, Aedes, Agere, Annus, Arbitrium, Ar-*  
*borea, Argentum, Auditor, Beneficium, Bona, Caduca, Ca-*  
*nonici, Capitulum, Caput, Cardinalis, Causa, Cautio, Cen-*  
*sura ecclesiastica, Civilis, Clavus, Cognatio, Comes, Com-*  
*menda, Committere, Communia, Conditio, Confessio, Con-*  
*suetudo, Decimae, Defendere, Directus, Domestici, Edicta,*  
*Episcopus, Facere, Factum, Falsum, Familiae, Fides, Fi-*  
*nis, Foenus, Frater, Gerere, Gradus, Habere, Haeres,*  
*Honor, Immittere, Incertus, Iniuria, Integer, Iudicium, Iu-*  
*risconsultum, Ius, Lafer, Legitimus, Lex, Locus, Magi-*  
*stratus, Manus, Miles, Munus, Operae*, et alia. Ea quo-  
que capita, quae ad ius canonicum et rem ecclesiasticam  
spectant, copiose prae aliis scripta sunt et accurate. Quod  
autem ad vitas Ictorum veterum pertinet, vellemus,  
Auditor non semper tam presse duces aliquot secutus esset,  
quibus non tutam ubique fidem habere possumus. Multa  
erant

erant Auctori et omittenda, et mutanda addendaque. Deinde multa sunt capita, quae lectoribus, paullulum in his litteris progressis, non satisfacient. Quam pauca, quaeso, de magistris memoriae et epistolarum, de comite domorum, de angariis, de sectione, de silentiariis, legimus! Nihil de privilegiis eorum, seu praerogativis, unde potissimum de dignitate eorum iudicari potest. Parum accurate egit Auctor de auditorio principis, et quomodo differat a tribunali, atque de chartulariis. Desunt quoque non pauca, et verba et dicendi formulae, ad ius pertinentia. Sic frustra quaeras, quid sit numo addicere, quod explicat Salmasius de usur. c. 13. quid, aere dirui, quod docet Gronov. ad Liv. XL. 42. quid magistri larum Augusti, magister rei privatae Africae, l. 4. C. Th. de iur. fisc. apud Aetia dicere, cum Imperator cum consilio collocutus decernit, l. 6. C. qui bon. ced. poss. ad sacras appellationes cognoscere; adiutores a libellis: annonae palatinae, l. 35. C. T. de erog. milit. annon. apparitor stationarius, l. 31. C. T. de Episc. et Cler. cannalis sive cannalium publicum, l. 2. C. T. de curios: Aetia circumducere: Commentarius Beneficiorum: utensilia pro suppellectile, l. quaesitum, §. proinde, D. de instruct. et instrum. leg. typus pragmaticus, Nov. 113. et alia, quae petere potuisset Auctor ex elegantissimo libro Iacobi Gutherii de officiis domus Augustae. Addere debuisset quoque et explicare Auctor, quid sint: ταμεῖον, Nov. Marcia. de ind. relig. Nothia, l. vulgo. D. de stat. homin. Quadruplator: res fungibiles: zona: vociferatio; non ideo, pro non continuo: non nominatim; non velle, non nimis: non utiliter. Atque haec et longe plurima suppeditasset Pardulphi Prateii *Lexicon Iuridicum*, quem librum Auctor ignorasse videtur. At non ignorarunt ii, quorum verba huic suo operi inseruit Auctor, qui ex illo libro, veluti ex flumine, saepe rivulos duxerunt, iisque labores suos irrigarunt, plerumque ipso fonte, unde hauserint, dissimulato. Sed condonabimus hanc levitatem maioribus meritis.

CATALOGUE RAISONNE DES TABLEAUX DU ROI,  
avec un abrégé de la Vie des Peintres, etc.

id est:

*ENARRATIO CRITICA TABULARUM, QUAE IN  
Regis Gallorum adservantur Museo, cum brevi Pictorum  
vita: edita iussu Regis Christianissimi. TOMUS II.  
qui Scholam Venetam et Longobardicam continet.  
Opera Dom. L' EPICIE, Secretarii perpetui et Histo-  
riographi Academ. Pictorum et Sculptorum  
Parif. rel.*

Lutetiae Parisiorum, e Typographia regia: 1754.

Alph. 2. plagg. 21. quaternis.

**D**e praestantia huius operis et instituti ratione satis nuper a nobis dictum est. In hoc altero volumine Cel. Auctor eodem, quem in priori observavit, ordine pergit, atque ad scholam *Venetam* et *Longobardicam* describendam transit. Quae, etsi, quod ad elegantiam et accuratam omnium partium descriptionem attinet, Romanae scholae facile palmam concedant; tamen ob pulchritudinem colorum, magnamque in designandis rebus artem, summas laudes merentur. Ex *VENETA* igitur schola ab Auctore sequentes proponuntur:

JEAN BELLIN, qui A. MCCCCXXII. Venetiis natus, patrem habuit Iacobum, pictorem, et felicissimum duorum filiorum, Ioannis et Gentilis, parentem, quibus schola Veneta suam originem debet. Proposuit sibi naturam optimam magistram, atque, primus omnium olei usum ad picturam transferens, immortalitem nominis consecutus est. Paullo ante mortem a Ferrariae Duce, Alphonso I. ad Bacchanalia depingenda invitatus, morte praematura impeditus, opus inchoatum non perfecit. Sed absolvit illud magna elegantia discipulus Bellini, Titien Vecelli, nihilque adscripsit aliud, quam haec verba: *Ioannes Bellinus.*

Egre-

Egregium vero exemplum modestiae ! Diem obiit Anno MDXII.

PARIS BORDONE, Venetiis A. MCCCCLXV. natus, et optimis artibus institutus, iam in tenera aetate variis indicibus prodidit, quantum sit in pingendi arte nomen consecuturus. Magistrum secutus est Titianum, sed brevi tempore eos fecit progressus, qui magistrum summam in admirationem raperent, ipsumque, prae aliis huius aetatis pictoribus, celeberrimum redderent. Illa, qua maximam sibi famam peperit, tabula depinxit, quod vulgo Venetiis factum piscatoris (*l'aventure du Pêcheur*) vocant. Res se sic habet. Anno MCCCXXXIX. d. 25. Febr. nihil propius absuit, quam ut tota urbs undis submergeretur. Tam vehementer mare intumuit. Hac in omnium perturbatione tres ignoti viri a sene piscatore, ut se ad templum, Nicolao sacrum, vehat, petunt: piscatore negante, ipsi in naviculam inscendunt, illumque remigare cogunt: vix remoto moto, summa sit maris tranquillitas. Paullulum progressi ostendunt nautae navem plenam daemonibus, illosque tempestatem hanc excitasse dicunt: extendunt manus supra undam: repente navis illa submergitur, et mare sedatur. Alter horum exscendit navi prope templum S. Nicolai, alter ad S. Georgii, et tertius ad eundem, ubi navim inscenderat, locum revehi se postulat. Idem piscatorem, mercedem postulantem, ad Senatores ablegat: se S. Marcum, reipublicae patronum, illos vero, qui iam exscenderint, Nicolaum et Georgium esse ait, illique annulum ad comprobendam Senatui rei veritatem tradit. Quo facto, ex oculis piscatoris evanuit. Piscator coram Senatu totam rem exponit, et multum pecuniae accipit; annulus vero in templo Marci asservatur. Bordonus igitur summa arte piscatorem annulum Senatoribus tradentem expressit. Invitatus deinde est a Francisco, illo omnium artium restauratore, in Galliam, A. MDXXXVIII. ibique omnibus honoribus auctus, omnibusque et Francisci animo et suo inge-



nio dignis praemiis ornatus, in patriam rediit. Mortuus est A. MDXL.

ANDRE SCHIAVON, parentibus egenis prognatus, nullo magistro usus est, sed, diligenti tabularum Titiani et Giorgioni consideratione, magnam, in coloribus praesertim deligendis, elegantiam summumque artificium ostendit. Neque tamen hic colorum splendor negligentiam, in omnibus Schiavonii tabulis elucentem, obliterare potuit. Haec negligentia cum nimiae festinationi tribuenda est, qua picturas ea de causa confecit, ut parentum suamque egestatem eo facilius toleraret sublevaretque, tum etiam inde orta, quoniam operam suam lapicidis collocavit, qui exiguam laboris mercedem solvebant. Etsi vero magnum tabularum numerum perfecit, mortuus tamen est admodum egenus, natus annos sexaginta. Accidit post mortem, quod pluribus magnis viris, ut nomen Schiavonii, pretiumque tabularum illius, in dies crescerent.

TITIEN VECELLI, A. MCCCCLXXVII. Cadore in Foro Iulio natus, magistrum quidem habuit Ioannem Bellinum, sed animum imprimis ad Giorgioni tabulas exprimendas adiecit, eumque tam feliciter imitatus est, ut multae picturae a Titiano factae Giorgiono tribuerentur. Qui tam parum aemulum hunc serre potuit, ut eum domum suam intrare nollet. Sed, extincto illo, multas picturas, ab illo inchoatas, perfecit. In aula Alphonso I. Ducis Ferrariae, aliquamdiu versatus est, ibique arctissimam cum Ariosto amicitiam contraxit, qui illum summis laudibus ornavit. Familiariter etiam usus est Petro Aretino, saepenumero ab eo laudatus, atque Carolo V. Bononiae A. MDXXX. versanti, commendatus. Multas a Carolo V. sibi mandatas picturas fecit, illius in aulam A. MDXLVIII. se contulit, multisque ibi honoribus auctus est. Neque enim solum magnis divitiis ab Imperatore cumulatus, et Comes Palatinus creatus fuit, sed suam quoque imaginem illustrissimis domus Austriacae heroibus inferi vidit. Accidit, ut Titiano, Carolum pingenti, penicillus e manu excideret;

ret: quem, postquam Imperator terra sustulerat, Titiano eodem tempore ad eum tollendum procumbenti, dicenti-que: *non merita cotanto onore un servo suo*; respondit: *e degno Titiano essere servito da Cesare*. Hinc, quanta flourerit apud Imperatorem gratia, intelligi potest. Pinxit idem Titianus Franciscum I. Gall. R. Paulum III. pontificem, Ferdinandum, regem Romanorum, Philippum, Hispaniae principem, et Henricum III. regem Galliae. Neque ullus fuit eo tempore principum atque regum, qui non illius amicitiam ambiret, illique innotescere cuperet. Inter picturas eius eminent duae praesertim tabulae: in altera triumphus fidei apparet, tanta arte et elegancia expressus, ut, Titianum, si plus in antiquitatibus studii posuisset, Raphaellem et Michaellem Angelum esse superaturum, communis esset omnium sermo: in altera Danaë conspicitur, quae Michaeli Angelo tam admirabilis visa est, ut ad coloris splendorem aliquid addi posse negaret.

GEORGE BARBAERELLI, alias Giorgion dictus, natus fuit A. MCCCCLXXV. in Marchia Tarvisina. Contulit in eum larga manu natura praeclarissimas dotes, amabilem vocem, ingenium docile, atque ad omnes artes aptum. Delineavit primum summo studio picturas Leonardi Vincii, et deinde, Io. Bellino magistro, ad pingendi artem animum applicuit. Brevi magistrum superavit, summamque apto colorum usu laudem adeptus est. Elegit semper vivos et rei delineandae maxime convenientes colores, summaque arte umbram et lucem in picturis suis adhibuit. Paucas maiores tabulas fecit, plures vero imagines, in quibus mollissima arte capillos expressit, et percommoda ratione personas depinxit. E vita decessit A. MDXI.

JEAN-ANTOINE REGILLO, dictus a patria PORDENON, natus A. MCCCCLXXXIV. Giorgionum magistrum felici imitatione assecutus est, multoque et oleo et coloribus aqua dilutis, in udo tectorio (*al fresco*) pinxit. Magna inter illum et Titianum fuit aemulatio, seu inimicitia potius.

tius. Quare Pordenonus, pessima quaeque ab adversario timens, telo et clypeo munitus fuit. Mortuus est, Anno MDXL. Sunt qui illum veneno ab iis extinctum esse credant, qui summam, qua apud Ducem Ferrariae floruit gratiam, ferre non potuerint. Prae aliis videtur memoranda tabula, in qua frontispicium domus mercatoris cuiusdam depinxit. Qua pictura tantam famam consecutus est, ut Michael Angelus nulla alia de causa Venetias proficisceretur, quam ut suos oculos iucundissimo tabulae huius aspectu pasceret.

JACQUES DUPONT, BASSAN dictus, natus Bassani in Lombardia, A. MDX. Bonifacio Veneto magistro usus est, et Titiani atque Parmesani tabulas imitandas sibi proposuit. Venetiis in patriam rediit, ibique habuit domum in amoenissima regione sitam. Atque tale domicilium ingenio Bassani maxime arrisit. Nihil enim lubentius quam pulchritudinem naturae, animalia, et amoenitates ruris depinxit. Quanta arte naturam rerum expresserit, inde intelligitur, quod Annibal Carachus manum extenderit ad evolendum librum, quem verum credidit, sed deinde pictum esse a Bassano, vidit. Obiit A. MDXCII.

JACQUES ROBUSTI, cognomine le TINTORET, Venetiis A. MDXII. natus est. A teneris unguiculis non paucis indicibus declaravit, quales in arte pingendi sit progressus facturus. Magistrum quidem habuit Titianum, sed eidem ob summam ingenii elegantiam, quoad vixit, invisus infestusque fuit. Quemadmodum vero Titianum in coloribus, et Michaellem Angelum in designandis rebus, sibi proposuit, sic et Architectos, et omnes, qui aliquod nomen gererent, pictores adiit. Designationem, fundamentum omnis picturae, maxime commendavit: bonos colores in tabernis mercatorum inveniri addens, sed illam e praestantium artificum ingenio prognasci. Albo et nigro colori maximum pretium statuit, illosque ad umbram et lucem picturis inferendam sufficere docuit. Neque solum summa diligentia primas lineas duxit, resque pingendas designavit, sed

sed suspendit quoque saepe tabulas in aere, ut eo melius de illis iudicare posset. Maximam quoque elegantiam summa cum celeritate coniunxit. Neque tamen omnibus eius picturis idem est pretium statuendum. Nam, ut familiae egestatem sublevaret, magis aliquoties festinavit, quam par fuit. Mortuus est A. MDXCIV.

LAMBERT. ZUSTRIS, e Flandria ortus, Titiano magistro usus est. De vita illius nihil Auctor invenire potuit. In Regia picturarum collectione asservantur sequentes, ab eo confectae, tabulae: Iudith, caput Holophernis tenens: baptizatio Servatoris: Christus Magdalenae apparens: Venus et Amor.

LES DOSSES. Ferrariam hi fratres patriam habuerunt, parique elegantia et studio aliquot tabulas fecerunt, quae utri horum tribuendae sint, difficile est cognitu.

LAURENT. LOTTO, primum Bellinum, et deinde Giorgionum imitatus est. Alias de vita nihil constat.

JEROME MUTIAN, A. MDXXVIII. Bressiae in Lombardia natus, magistros secutus est Romaninum, Titianum, et Thadeum Zucharum. Semper naturam ante oculos habuit, atque amoenitatem et veritatem cum elegantia et accurata veterum diligentia coniunxit. Historias quidem eleganter expressit, sed lubentissime amoenas regiones. Depinxit arbores, flores, et quaecunque ad delectationem et varietatem aliquid conferre censeret. Castaneam vero inter omnes arbores ad imitandum aptissimam esse iudicavit. Gregorio XIII. Pontifici valde carus fuit. Obiit A. MDXC.

PAUL. CAGLIARI, natus Veronae A. MDXXXII. summis et animi et ingenii dotibus fuit ornatus. Vir cetera probus, religionis omniumque officiorum observantissimus, et, sicut ille ait, pectus esse, quod disertum faciat, sic magnifica et alta quaedam in tabulis elucens indoles ex pectore illius enata esse videtur. Fuit in illo ingenium amoenum, admirabilis quaedam in rebus fingendis disponendisque vis, tantaque in pingendo venustas, ut etiam

Nnnn

oculi



oculi minus eruditi illius tabulis summopere delectarentur. Neglexisse quibusdam videtur leges consuetudinis, pictori quoad tempus, locum, personas, observandas. Mortuus est A. MDLXXXVIII. et duos reliquit filios, Carolum et Gabrielem, paternarum virtutum aemulos.

JACQUES PALME, dît LE VIEUX, natus A. MDXLVIII. in regione Bergomensi, operam dedit Titiano, magnamque in coloribus eligendis, et apta designatione, artem ostendit. Hic Palmi magister cum corpus Christi e cruce desumptum depingere coepisset, sed morte impeditus tabulam absolvere non potuisset, summa arte hic picturam illam confecit, atque haec adscripsit: *Quod Titianus inchoatum reliquit, Palma reverenter perfecit, Deoque dicavit opus.* Summam vero laudem S. Barbara depicta consecutus est. Obiit A. MDXCVI.

PALME LE JEUNE. De vita huius Auctori nihil notum est, nisi, eum Tintoreti discipulum fuisse.

ALEXANDRE VERONESE, natus Veronae A. MDC. Felicem quidem Riccium magistrum habuit, sed naevos in tabulis illius eminentes diligenter evitavit emendavitque. Proposuit enim sibi in coloribus Corregium, et in capitibus Guidum imitandum. Nunquam neque delineavit pingendas res antea, neque designavit, sed omnes figuras ad mensuram, quam proposuerat, elaboravit. Inter tabulas illius maximam laudem meretur, quae S. Antonium exhibet. Mortuus est Romae A. MDCLXX.

Hi sunt, qui scholam Venetam arte et ingenio suo illustraverunt: venimus ad scholam LONGOBARDICAM, e qua sequentes producit doctissimus Auctor artifices:

ANTOINE CORREGE, a patria, in Moden. Due. sita, ita dictus, natus fuit A. MCCCCXCIV. et, quam nactus est tabulis pluribus gloriam, sibi soli debuit. Nullum habuit magistrum, nunquam Romam adiit, aut antiquorum pictorum tabulas sibi proposuit, sed solius imitatione naturae, et improbo quodam labore, ingenium suum excitavit, aluit, perfecit. Quemadmodum vero nullum imita-

tus

tua est, ita neque alius quisquam illum imitari potuit. Elegancia, coloris pulchritudo, venustas inventionis, et perfectissima harmonia, in illius tabulis elucent. Pinxit nativitate Christi, neque illam, ut alii fecerunt, die, sed nocte fieri iussit: capiti vero Christi tantum splendorem addidit, qui totam tabulam admirabilem facit. Mortuus est Anno MDXXXIV. nullis suae artis praemiis acceptis. Nam rem, quam a parentibus nactus erat, familiarem, eamque valde mediocrem, neque augere, neque multis laboribus efficere potuit ut familiam bene aleret.

LOUIS, AUGUSTIN, ANNIBAL et ANTOINE, CARACHES. Quantum hisce ars pingendi debeat, ille intelliget, qui, qualis fuerit pictoriae eo tempore in Bononia facies, perspectum habet. Quaecunque ad pulchritudinem picturarum pertinent, vel ignorabantur, vel negligebantur, vel pro arbitrio cuiusque adhibebantur. Alii naturam servili imitatione, sine omni arte exprimebant; alii naturam negligentes, coecum ingenio suo obsequium praestabant. Illorum dux Caravagus, horum Iosepinus erat. Multis utriusque schola discipulis florebat. Sed Carachorum ingenia, benignioris fati indulgentia tum exorta, revocabant pingendi artem ad sua principia, illique adspersas ab aliis maculas abstergebant. Ludovicus quidem Carachus, Bononiae natus A. MDLV. primum Prosperum Fontanam magistrum habuit, sed cum ille parum honorifice de illius ingenio sentiret, Tintoretum adiit. Hic eadem, quae antea Fontana, dixit, illumque quidvis aliud, quam pingendi artem, tractare iussit. Verum non depressus, sed excitatus est hisce iudiciis Ludovici ingenium, qui maximo ardore summorum artificum tabulas sibi proposuit, deinde Florentiae Passignanum, et denique Parmae Corregium et Parmesanum, magistros secutus est. Augustus A. MDLVII. et Annibal A. MDLX. nati sunt. Patrem habuerunt Antonium, sartorem. Augustinus primum ad aurifabrum missus est, illique operam dare iussus, sed paullo post in paternam domum reversus, plurimum

studii operaeque in designandis rebus posuit. Annibal, cuius ingenium stupidum videbatur, eodem quo pater modo, ipse victum sibi quaerere voluit, sed mutavit deinde consilium. Annibal igitur una cum fratre et Ludovico in pingendi arte se exercuit. Iter fecit in Lombardiam, Parmam, et Venetias, ibique magno cum fructu Titianum, Tintoretum, et Paulum Veronensem, tanquam optima exempla sibi proposuit imitandos. Diligenter hi tres, quaecunque ad pingendi artem pertinere censuerunt, inter se communicavere, alter alterum excitavit et docuit, tandem celeberrimam illam scholam aperuerunt. Maximus huc iuvenum numerus confluit, ibique sitim suam satis explere atque restringere potuit. Fuerunt ibi pulcherrimae imagines, venustissimae statuæ, utilissimi libri; docuit iuvenes Anatomices doctor membrorum commotiones artuumque naturam; saepius convenerunt cum pictores, tum in aliis litteris probe versati viri, variaque disceptanda proposuerunt; aemulatio denique vehementissimos omnibus stimulos addidit. Quare Carachorum fama per totum orbem disseminata fuit. Accidit inde, ut Cardinalis Odoartus Farnesius multas tabulas et Annibali et Augustino conficiendas mandaret, inter quos aemulatio quaedam suborta, quae animos alterius ab altero valde disiunxit. Augustinus obiit A. MDCV, filiumque reliquit Antonium, multo arti pictoriae ornamento futurum, nisi praematura morte extinctus fuisset. Annibal mortuus est A. MDCIX. Causa mortis haec fuit. Diximus, Farnesium Annibali aedes suas picturis exornandas mandasse. Quod quidem mandatum multo labore hic perfecit. Omnibus absolutis, Hispanus quidam, Jean de Castro, multum qui apud Cardinalem valuit auctoritate, persuasit Farnesio, satis amplum laboris huius praemium D. numos aureos fore. Offeritur hoc munusculum Annibali, tam vehementer obstupescenti, ut ne loqui quidem posset, non tam avaritia, quam quoniam tam parvi suos labores aestimari videret. Tam vehementer quoque  
hanc

hanc contumeliam ad animum revocavit, ut altas in eo radices ageret, nec, nisi morte, exstingueretur. Ludovicus maxima fama floruit; illius verba tanquam oracula pictores audiverunt; plurimaeque Lombardiae templa illius arte exornata sunt.

MICHEL - ANGE MERICI, a patria vulgo LE CARAVAGE dictus, primum quidem Venetiis Giorgionum, deinde Romae Iosepinum sibi imitandum proposuit. Quamquam vero huius tabulis non parum initio captus fuit, mox tamen fecit ab eo discessionem. Nam et vegetiorem picturis suis faciem donavit, et magis veritatem ante oculos habuit. Neque tamen in umbra et lumine adhibendo modum tenuit, neque antiquorum artificum statuas magni fecit. Mea, dixit, exempla, in plateis et locis publicis sunt. Magnus fuit eorum numerus, qui illum suspicerent, admirarentur, et imitarentur. Ceterum fuit animo elato, vano, ambitioso, et iracundo: nihil molestius quam aequales tulit, atque his moribus multas turbas sibi ipse peperit. Extinctus est febris A. MDCIX.

GUIDE RENI, Bononiae A. MDLXXV. natus, sicut facie fuit venusta et amabili, ita praeditus ingenio placido et eleganti, adeo ut dignissimo domicilio animus eius inclusus esse videretur. Magistrum habuit Dionysium Calvartum, in quo mirifica fuit in pingendo diligentia. Quo magistro non contentus, oculos animumque ad summorum pictorum tabulas adiecit, ipsosque Carachos adiit, quorum e doctrina tantum profecit, ut Hannibal illius arti subinvideret. Habuit et alios sibi infestos, et, cum eadem assequi desperarent, inimicos. Fuerunt tamen plurimi et ingenio et opibus atque honoribus insignes, quibus semper in deliciis fuit. Mortuus est A. MDCXLII. Elegantissime omnia designavit: penicillo optime quaevis expressit: in pingendo facilitatem cum accurata diligentia coniunxit: in vestibus exprimendis admirabilis fuit, atque in lineamentis oris omnem imitationem superavit. In digitis Guidi, dum pingeret, Gratias sedere, vulgo dice-



runt Itali, et inde ad figuras transire, quas suo penicillo animaret.

FRANÇOIS ALBANE, A. MDLXXVIII. Bononiae natus, Dionysium Calvartum et Ludovicum Carachum, pictoriae addiscendae causa, adiit. Magna inter hunc et Guidum fuit aemulatio, eaque longius processit quam par fuit. Nihil melius lubentiusque pinxit, quam infantes et foeminas, nullamque prope aliam rem, quam Venerem et Amorem, in deliciis habuit. Saepius uxor infantes eius vel nudos fasciis in aere suspendit, vel ita collocavit, ut voluntati illius satisfaceret. Moribus fuit modestis et puris, atque vitam sapientissime egit. Mortuus est A. MDCLX.

DOMINIQUE ZAMBIERI, Bononiae A. MDLXXXI. natus, pictoriam didicit a Calvarto et Carachis. Multis fuit et inimicorum et fortunae vexationibus agitatus. Animum habuit modestum, humanum, politum, quieti otioque deditum, atque suae arti unice intentum. Inter picturas illius eminent S. Ieremias, Andreas, et Petrus in carcere. Obiit A. MDCXLI. In tabulis autem pura designatio, venusta expressio, et bonus color elucet.

JEAN LANFRANC, Parmae natus A. MDLXXXI. Annibali et Augustino, Carachis, operam dedit. Magis illius ingenium atque ars in grandioribus, quam in parvis tabulis excelluit. Latus et amplus campus esse debuit, in quo artificium suum ostenderet, suasque dotes explicaret. Inde quoque, quoniam colores eius illis, qui longius abessent, perpulchri videbantur, Lanfrancum dicebant aere adiutum suas tabulas pingere. Natura non tam ad amoena, ad mollia, ad iucunda, quam ad robustiora, ut ita dicamus, et fortiora exprimenda aptus fuit. E vita migravit Anno MDCXLVII.

JEAN-FRANÇOIS BARBIERI, *dit le GUERCHIN*, natus in ditione Bononiae A. MDXC. nullum sibi imitandum proposuit, multaque elaboravit, priusquam aliorum tabulas inspexit. Postea animum adplicuit ad Caravagii picturas, multumque proveciori aetate suavitatis addidit huius, si  
ita

ita dicere licet, feritati et austeritati. Maximam ei famam pepererunt S. Petronilla, ortus Aurorae, et Conversio S. Guilielmi. Vir fuit probus, liberalis, divitiisque suis ad sustentandos pauperes utens. Mortuus est Anno MDCLXVI.

PIERRE-FRANÇOIS MOLA, natus A. MDCXXI. Josephino et Albano magistris usus est. Multum studii in aptis, bonis, et fortissimis coloribus adhibendis posuit, illiusque tabulae splendidissimae sunt in hoc genere, licet perpaucae. Obiit A. MDCLXVI.

BARTHELEME MANFREDE, Mantuanus, felici imitatione Michaellem Angelum expressit. Vividae illius sunt tabulae, multoque labore et cura confectae. Nihil ex suo ingenio protulit, sed alios semper, licet magna cum arte, imitatus est. Ingenium minoribus imaginibus affixit. Diem suum obiit medio Sec. XVII.

Atque haec de Tomo hoc dicere habuimus. Optimus vehementer, ut operis doctissimi utilissimique continuatio, eadem diligentia curetur. Erit hoc bonarum artium intelligentibus gratum munus, a nobis etiam, quamprimum ad nos venerit, posteritati commendandum.

*MARMORA TAURINENSIA, DISSERTATIONIBUS et Notis illustrata. PARS ALTERA, cui addita est Appendix Inscriptionum, quae perierunt, et quarum memoria ab uno nobis Pingonio servata.*

Augustae Taurinorum, ex Typograph. regia, 1747.

4 mai. plagg. 18.

**E**t si neque nova multa, neque inedita aut recondita, in hoc opere proponuntur, noluimus tamen ideo illius mentionem praeterire, quoniam iam in hisce Actis nostris Anno MDCCLI. *mens. Mart. p. 115.* priorem partem indicavimus. Bene quidem fecerunt Auctores huius libri, quos *Antonium Rivautellam, et Io. Paulum Ricolvi,*

*Ricolti*, Societati Iesu adscriptos, esse, ex dedicatione apparet, quod, quas in priori parte iure reprehendimus, fastidiosas in mythologiam excursiones, cumulas sine necessitate veterum scriptorum auctoritates, et operosas rerum, iam in vulgus notarum, expositiones omiserint: sed vellemus, hinc etiam plura abessent, hodiernis in editionibus marmorum plane supervacua. Eratne, quaesumus, operae pretium, imaginem occasionis pag. 4. tot Phaedri, Posidippi, Aufonii, Himerii Sophistae, locis stipatis, graecorumque interpretatione, nescimus qua de causa, addita semper, illustrare. Si Auctores Angeli Politiani *Miscellanea* — evolvant, videbunt, quam facile omni hac sua opera supersedere potuissent. Quid opus fuit, de Chirone ac Centauris, pag. 11. seq. tres paginas implere? in Iovis Ammonis et Cornu copiae explicatione tam disertos esse, pag. 15. veterumque poetarum fabulas recoquere? pag. 35. vera et propria legionum nomina enarrare? pag. 45. et pag. 95. quid sit Quaestor? quid Duumviri? exponere? pag. 53. tot verba de Exarcho facere? pag. 104. de Circitore. Res quam hodie incognitas! *Primum* marmor, ex Maffei Verona Illustrata repetitum, sistit virum senio-rem, Iovem Editores arbitrantur, barbatum, seminudum, hastam tenentem, et lapide quadrato, cui inscriptum: *ΔΙΑΔΥΜΕΝΙ*, sedentem. Duae adstant feminae: altera, pube tenus nuda, dextra laevum Iovis humerum tangit, sinistra quid habeat lapis detritus scire prohibet; altera, peplo talari induta, sinistra hastam, seu sceptrum potius, tenet, dextra pallium sustentat. Nobis, cum primum hoc marmor adspiceremus, obversatus est animo Diadumenus, Caesar, filius Macrini Augusti, a naturali, quo insignitus, diademate, nomen adeptus, vid. *Lampri- dius* in vita c. 4. ibique interpretes. Verum tota in tabula nihil occurrit, quod huic congruat. Editoribus nomen hoc artificis videtur, ut famae et gloriae suae consuleret, insculptum. Neque tamen aliud quid sibi de hoc constare fatentur, neque nobis hoc nomen unquam occur-

occurrit. Latetne forsitan sub his verbis Δία et μέγας? Verum non lubet hariolari: acutiores iudicent. Altera tabula, ab eodem Maffeiō iam edita, exhibet Occasionem, sub imagine iuvenis nudi, laeva manu balances tenentis, alteramque earum indice dextrae prementis, magnas habentis in humeris alas, exiguas in pedibus, magis currenti quam volanti similis. Scrupulum iniicere videntur Viris Cl. alati humeri; sed tenendum est, non semper tam religiosos pictores poetasque fuisse, quin aliquid vel adderent; vel omitterent. Phaedrus occasionem calvam, alique fronte capillatam dicunt, in hac tamen tabula totum caput capillatum conspiciamus. Non scrupulosius haec semper inquirenda. In tertio minore apparet Centaurus, cuius dorso tenellus puerulus insidet, et mulier, dextrorsum adstans, quae Editoribus Thetis videtur, Achillem suum Chironi tradens, atque avo nepotem commendans. Quarta tabula habet Iovis Ammonis caput, cum Cornu copiae et calathō e vimine contexto, atque ex dextro arietino cornu dependenti. Inde nata Nostris occasio, latius in mythologicos campos exspatiandi. In marmore quinto sacrificium conspiciamus. Sacerdos in veste pura adstat, capite non, ut mos fuit alias, velato, sed capillis tantummodo fasciola aliqua colligatis. Sinistra manu in patella tenet fruges, favum, mala, et avenam, ut cuius tabulam inspicienti patebit; non, ut Editores putant, ea, quae molae salsae vocabulo nota sunt. Dextra urceolum habet, atque aqua frigida victimam explorare videtur. Quanquam, si paullo curiosius rem consideremus, victimam iam mactatam, iamque pellem ei detractam esse, verisimile est. Adstat alius quoque, pelle amictus, et victimam posterioribus pedibus super aram tenens. Nostri arbitrantur, vel Herculem, sacris Cereris initiatum, vel Evandrum et Herculem simul sacrificantes, exprimi. Reliqua marmora vel temporis incuria detrita et fracta, vel incerti sunt argumenti. Quare non est operae pretium de his aliquid dicere. Veniamus igitur ad lapides inscriptos,



quorum pauci sunt alicuius momenti. Memoria Quinti Glitii, Publii filii, ex tribu Stellatina, cognomine Agricolae, viri sub Imperatoribus, Vespasiano, Nerva, et Traiano, cum civilibus, tum militaribus negotiis clarissimi, sex marmoribus consecrata est, a Pingonio, Grutero, Guichenonio, Muratorio editis, et nunc in hoc opere repetitis. Atque sine his lapidibus nomen Glitii omnino periisset, cum nullus eius aetatis scriptor mentionem illius faciat. Qua occasione Editores Glitii nomina, munera, res gestas, dona militaria, et honores illi habitos commemorant. Coniiciunt quoque, Glitium aliquem Auctorem fuisse legis Gliciae, *Digest. lib. 5. tit. 11. de inoffic. l. 4. non est enim consentiendum*: quam licet alii ad Marcum Gliciam, qui A DIV. V. C. Praetor fuisse traditur, referant, non tamen ea lex tam antiqua Nostri videtur; et tum, si Glicia auctor fuisset, Glitiana potius appellanda, quam Glitia. Neque tamen haec efficiunt, quin in inscriptione illa *Falcidiam* esse legendum cum viris doctis credamus. *vid. Wieling. Jurispr. resit. I. pag. 76. conf. Bynkershoek Obs. II, 12.* Addunt Nostri, non mirandum esse, Glicii nomen, qui Consul in marmoribus appelletur, in nullis Fastis Consularibus occurrere. Multos in medium proferri posse Consules, quos in Fastis publicis frustra quaesiveris. Fuisse enim triplex Consulum genus, Ordinariorum, Suffectorum, et Honorariorum: hoc institutum, amissa libertate, in Rempublicam inductum, et Caesarem primum illius auctorem fuisse: huius exemplum reliquos Imperatores secutos, cum omnem Imperii potestatem sibi arrogassent, et aliquam tamen Reipublicae speciem servare voluissent, quos optarent collegas sibi in Consulatu assumis-  
 se, et ut amicis gratificarentur, plures interdum eodem anno Consules honoris causa designasse. Ita in Fastis Consularibus nomen Imperatoris, aut eorum Consulum scriptum fuisse, qui Consulatum Kalendis Januariis inivissent, aliorum vero, qui per aliquem anni mensem, tanquam Vicarii Imperatoris, Consulari honore frui, nullam fuisse habitam

habitam rationem. Traianum praecipue, sub quo hic Glitius vixerit, hoc usurpasse. Sic Plinium Consulem fuisse mense Septembri A. DCCCLIII. V. C. Plutarchum etiam, teste Suetonio, semel, et Silium Italicum ter Consulatum gessisse: horum tamen nomina frustra in Fastis quaeri. Haec magis, ut de ratione, qua versentur Editores in explicandis marmoribus, constaret lectoribus, quam quod ignota haec esse putaremus, excerpimus. Pag. 64. exhibetur inscriptio, iam a Grutero allata, pueruli immatura morte rapti funus et memoriam continens. In summa saxi parte apparet puerilis Hermes, gallus gallinaceus, Mercurii caduceum in ore habens, et aries. Dubitanter de hisce Viri Cl. pronuntiant, atque se nosse quidem fatentur, gallo Ianuarium mensem ab antiquis indicatum, et ab ariete veris et anni astronomici initium dudum fuisse computatum; neque tamen asserere, neque negare audent, haec in hoc marmore tempestatis, quae natus, quae mortuus iste puer, aut aetatis adhuc tenebrae, quae extinctus, symbola esse. Illustratur obiter diligentia et cura veterum in annis, diebus, mensibusque vitae notandis, quos defuncti peregissent. Praecipue hoc a parentibus in puerorum titulis actitatum, ut maiorem in legentibus commiserationem excitarent, solatiumque aliquod ab hac recordatione repeterent. Frequentius inde in lapidibus adnotari, quam diuturna fuerit mortui vita, si de pueris, quam si de adultis aut senibus agatur. Esse quidem, qui hanc annorum, mensium, dierum et horarum enumerationem in tumulis, ab Epicureis, beatitudinem in vita ponentibus, praesertim usurpatam dicant; sed ad hoc probandum non sufficere unam inscriptionem a Reinesio adductam, in qua de Martino Valente, Epicureo Philosopho, quot annos et horas vixerit, notetur. Idem ab aliis quamplurimis, atque etiam ipsis Christianis factum, ex Fabretto constare. Nam in alia apud hunc inscriptione, cum horarum numerus incertus esset, addi verba: *plus minus*, in alia: *horae semissis*, in alia, *scrupuli sex*

O o o o 2

*horae,*

*horae, legi.* Hanc vero tam diligentem enumerationem et ab ethnica superstitione potuisse proficisci, et a benevolentia humanis animis a natura indita, atque ideo in Christianorum sepulchris adhibitam. Vtrisque astrorum observationem in natalis momento, occasionem praebuisse horas diesque notandi et numerandi. Ethnicos fortasse etiam religione ad puerorum annos accurate notandos adduci potuisse. Litasse hos saepissime defunctorum manibus, adeoque fieri potuisse, ut sua singulae aetates haberent sacrificia, sicut apud inferos variam habuissent stationem. Puerorum enim animabus separatim ab adultorum umbris locum tribuere Homerum et Virgilium. Si itaque puerorum Manes peculiari sacrificio fuissent piandi, notandos quoque fuisse annos, quos vixerint, ut aetas illorum cognosceretur. Profertur hoc loco inscriptio, etsi iam ab aliis allata, ob peculiarem et aenigmaticum numerandorum annorum modum, memorabilis:

*Quot meat in stellis Delphin, quot Pegasus ales,  
Tot mea natales fata dedere mihi.*

Haec Nostri ita interpretantur: Vixi tot annos, quot habent una simul stellae Delphini et Pegasi constellationes, nimirum annos XXVI. quae summa constat ex stellis Delphini IX. et Pegasi XVII. Pag. 86. haec legitur inscriptio:

— — — *Ahalae Augustali*  
*Decreto Decurionum ob Merita Et Munificentiam*  
*Eius Honore Contentus Impensam Remisit.*

Ad quae Editores haec adnotant: Huic Augustali Ahalae, optime de Colonia merito, et in Colonos munificentissimo, statuum aut aliud monumentum decrevere Decuriones. At ille honorem decretum sibi acceptum esse fassus est, pecunia vero sua, non publica, fieri voluit. Ita accipienda haec formula, non ut a nonnullis explicatur, *honore oblato gavisus*, illum tamen recusavit, volens publicis sumptibus parcere. Variis in Gruterianis inscriptionibus id occurrit: in omnibus, ni fallimur, privatis de personis agitur, quibus aut Colonia, aut Municipium, aut aliquod, aut

aut plura simul Collegia, ob merita in Rempublicam, statuam aut alium honorem decrevere. Duo itaque distinguenda sunt: *Honor publicus* a Magistratu decretus, et *pecunia ab aerario publico* in id erogata. *Honor* accipiebatur, *pecunia* restituebatur. Itaque si decreta fuit isti Aha-lae statua in loco publico ponenda, ille tantum honorem non detrectavit, at opus fieri pecunia sua voluit. Nec enim decorum fuisset, nec permissum, si quispiam sua auctoritate, suoque sumtu, sibi publico in loco statuam posuisset. At vero laudabile et pulchrum erat, quoties simulacrum publica auctoritate decretum, privato sumtu illius poneretur, cui honos fieret, seu impendium in id factum remitteretur, seu redderetur aerario. Ita penes Gruterum legitur: *Honore contentus impensa sua posuit.* E. Pag. 97. hanc inscriptionem afferamus:

*Vivens Pecit Lucius Antistius Sibi Et Antistio  
Chryseidi Coniugi Carissimae Et Septicio  
Adjutori Papasi Optimo.*

*Papas* est educator Noster, nullum qui hoc verbo gradum sanguinis, sed solum nutricii patris officium designari existimant. Similem alumnorum in nutritores pietatem Gruterianae quaedam inscriptiones testantur. Pag. 105. Editores inscriptionem, Augustae Praetoriae inventam, sed in omnibus syllogis depravatam, proferunt:

IOVI IVNONI MINER  
ANTONIA M. L. IBO  
APHRODISIA SCIP  
HOS II VENEREM  
SPECVLVM DO  
NVM DEDIT.

Id est: *Iovi Iunoni Minervae Antonia Marci Liberta Ibo  
Aphrodisia Sciphos Duos Venerem (Veneri) Speculum Do-  
num Dedit.* Quod ad reliqua marmora attinet, nihil ea memorabile, novum, aut quod huc transferri mereatur, continent. Pingonianas inscriptiones Viri Cl. appendicis loco addiderunt, a mendis, quibus scaturerunt, purgas-



tas, brevibusque animadversionibus illustratas. Communicabimus cum Lectoribus nostris unam, marmore pelucido et Cupidinibus atque Venere ornato, insculptam:

HOSPES TE QUID AVORTIS

ADVORTITO

EN ADELPHI FVERE CVPIDINES

CRESCEBANT. FLAMMIS OMNIA DEVASTAB

M IN MATREM DVM ET SAEVIVNT S

VENERIS. AMORVMQVE HEIC FACTA INTERNECIO

HEIC EXTINGTAE FACES. TRIBVSQ. POS. TVMVLVS

AT PRO AMORIBVS. INNATAE HEIC AMICITIAE

QVAS MATER ALIT CASTIMONIA

Ô VOSVRAM OPTVMAM

BENE VTITOR. HOSPES. VIVITO. ET VALETO.

Nescimus, cur Editores hanc inscriptionem *innumeris mendis scatere* existiment. Nos quidem, quoad verba, omnia intelligimus, si pro VOSVRAM legatur VORSVRAM, quod barbarus scriptor pro *permutatione* forte posuit. Rem ipsam nemo facile explicaverit. Alias haec ipsa inscriptio Nostris spuria, nobis certe sequius aevum redolere videtur.

*BENIAM. CHRISTOPH. GRASSHOFII, COM. Palatini Caes. et Syndici Muhlhusani, Commentatio de Originibus atque Antiquitatibus S. R. I. Liberac Civitatis Muhlhusae Thuringorum, monimentis adhuc ineditis illustrata.*

Lipsiae et Gorlicii, sumtibus Marchianis.  $\frac{1}{2}$  Alph.  
in 4to.

**V**ersati iam diu sunt in hoc argumento Viri docti celeberrimique, quos laudat *Burchardus Gotthelf Struvius* in *Bibliotheca Saxon.* P. III. Sect. I. §. 48. Spicilegium tamen post messem Consult. Auctori reliquerunt; igitur indultu amplissimi Senatus, e Scriptoribus rei gestae aequa-

aequalibus aetate, maximam vero partem e diplomatibus ac documentis tabularii civitatis publici, super his originibus commentari instituit. Chartas eas, quae in appendicem ipse reiecit, nemo hucusque dedit formis publicis descriptas, si paucula Imperatorum diplomata excipias, e quorum numero est illud Cuonradi II. A. MCXXXIX. datum, quod tamen et in Rudolphi *Gotha diplomatica*, et in Felleri *Trimestribus*, mendosum legitur. Omnia strictim exposuit Auctor; neque tamen quae sunt aevi recentioris attigit. Caput primum de antiquissimo urbis vicinaeque regionis statu inscriptum est. Suevi, Cheruscorum ab Hercinia silva finitimi, Caesaris aevo Muhlhusanum tenere tractum (*de bell. Gall.* VI, 10.), Hermunduri, Suevorum pars, Thuringiae partem infederunt, certantes cum Cattis de *Salinis*, teste Tacito *Annal.* XIII, 57. quae adhuc sunt Allendorffii ad Werram celebres. Commercia ipsi exercuerunt cum Romanis. Hinc in Thuringis ac ipso Muhlhusano agro subinde numi eruuntur Romani. Paruerunt Thuringi, quorum prima fit mentio apud Vegetium in *Mulomedicina*, regibus suis. Origines tamen Muhlhusae iacent abstrusae in occulto. Saeculo VI. regnum Thuringiae fuit a Francis Saxonibusque, illos sustentantibus, eversum, ac regio recens occupata a Francis Saxonibusque bipartita in septentrionalem et australem, Onestro determinatam. Illam Saxones, hanc Franci, nacti sunt. In agro Runiberg, ad Weissenfeam, Franci Thuringos prostraverunt. Supereft ibi villa *Runstedt*. Praelio victi Thuringi Onestrum traicere tentarunt, ubi locus restat *Strausfurt*, i. e. vadum pugnae vel pugnantium. Ad Scheidingae obsidionem simul accesserunt Saxones. Pagum Helmingowe Franci ceperunt. Pars Thuringiae, quae Francis cessit, solita fuit simpliciter dici *Thuringia*; reliqua pars saepius nomine *Saxoniae* fuit simul comprehensa. Thuringiae australis pars fuit Muhlhusa, teste Eberhardo in *Summariis traditionum Fuldensum*, cap. 2. Vicini fuere pagi *Eichsfelden*, *Westergow*,  
et

et *Natergow*. Postremus horum dicitur ita a rivo *Notter*. Quis temporibus Carolingorum status, quae ratio Muhlhusae fuerit, non liquet. Caput secundum, quo status civitatis per Saecula proxima ad finem XII. edisseritur, exhibet planiora et illustriora. Keminatas fuisse aedes lapideas, quas in primis inhabitarent nobiles, et granaria, servandis frugibus aliisque ad tuendam vitam necessariis apta, Auctor Cl. existimat. Poledae tamen in *caminata lignea* Eckehardum a Northemensibus ac Katlenburgensibus Comitibus occisum fuisse, vetus Ducum Brunsvicensium Chronicon tradit apud Maderum et Leibnitium. Omisit Auctor meminisse diplomatis, quo ad annum DCCCCLXXIII. Otto II. Theophaniae suae tradidit inter alias civitates, *Mulenhufam in regione Turingia*. Legitur id in G. G. Leibnitii *Script. Brunsvic.* Tom. II. pag. 375. Bellum, ab Henrico IV. illatum Thuringiae, ob decimas Archiepiscopo Moguntino dandas, edisseritur ab Auctore satis luculenter. De castro et coenobio Volckenrode intexuntur haud tralatitia. Henricus Leo A. MCLXXX. Muhlhusam incendio fere delevit. Unde monumenta, Saeculo XIII. antiquiora, intra urbem exstant rariora. Imperatores Muhlhusae habuere praefectos suos, qui ius dicerent Saeculis X. XI. XII, si Nostro credimus. Capite tertio ipse de statu Muhlhusae, ab anno MCLXXX. usque ad annum MD. continuato, disserit. Sectio prima exponit de territorio civitatis, intra quod Clericis ac monasteriis haud licuit acquirere bona quae immobilia dicuntur. In urbe erat castrum regium, *die Burg*, et in eo curiae variae Ganerbiorum Saeculo XIII. Villae urbis sunt vel fuerunt: *Ammera, Bolstedt, Dachreda, Doerna, Emmelhausen, Eigenrieda, Felchta, German, Graba, Hoengeda, Hollmbach, Horschmar, Kayfershaga, Lengefeld, Pfaffenroda, Reifern, Salfeld, Sampach, Sollstedt, Windeberg*. Excisae sunt, vel desolatae, Bercksee, Beigenroda, Dangstorf, Dirnroda, Elcheroda, Ebelroda, Tutenroda, Nuzigeroda, Forst, Wyda, Breitesholz, Poppenrode, Tutenfoda, Wisa, Weidenschel. Sectione secunda

cunda tractatur de statu civitatis ecclesiastico, de templis eiusdem, monasteriis et xenodochiis, nec non de fraternitatibus ecclesiasticis et scholis. Ordo Equitum Teutonicorum ibi ius aperiendarum scholarum a Ludovico Imperatore A. MCCCXXXIX. impetravit. At cives privilegium simile a Carolo IV. A. MCCCXLIX. obtinuerunt, quod confirmatum A. MCCCLII. Sectione tertia exponitur de iuribus, quibus Imperatores in Muhlhusam hoc aevo usi sunt, nec non de translatione quorundam horum iurium in civitatem. Fridericus, an primus, an secundus? in eam transtulit ius numi cudendi, ac telonii. Scultetus Imperatoris erat princeps Senatus membrum, iam Saeculo XIII. ipsoque invito civitatem nemini dare licebat. Nullae eius fuerunt partes in reliquorum civitatis iurium administratione. Census imperiales collegisse videtur officialis, dictus *des Reichs Hovemann*, rei oeconomicae intentus. Privilegium de non evocando Rudolphus I. civitati impertiit A. MCCXC. d. 16. Apr. Erfurti, ab aliis Imperatoribus postea corroboratum. Paulo ante Rudolphum duo erant in Thuringiae regionibus iudicia provincialia. Vnum erat tribunal Landgravii, causas controversiasque civiles tractans; alterum vero conservatorum pacis provinciarum, versans in defensione pacis publicae, minime vero in discussione controversiarum privatarum. Casus denegatae iustitiae a privilegio illo de non evocando erat exceptus, et ad Landgravium Thuringiae, qua Comitem Palatinum Caesaris per Thuringiam, remissus. De iudicio, Vemeding, Westfalico, uno et altero, causas criminales tractante, et Muhlhusanos iure quodam suo evocante, lectu digna adiecit Auctor. Vindicat Aeneam Sylvium, qui id vocavit *vetitum*. Iudices ecclesiastici iam Saeculo XIII. cognitionem causarum civilium ad se trahere studuerunt, praetexentes iustitiae vel protractionem, vel denegationem, innixi ea, quam Innocentius III. confirmavit, consuetudine ecclesiastica, auctoritate Cap. X. et XI. D. de *for.*

P p p p

*compet.*



*compet.* Ei vero consuetudini strenue refragati sunt Muhlhusani. Ludovicus Bavarus, Imperator, Muhlhusam pro dote Mechtildis, filiae, quam nuptui dederat Friderico Severo, Misniae Marchioni, huic oppignoravit. Eapropter bannum imperii urbs incurrit, quod oneris huius erat impatiens, neque eo liberata est, nisi postquam quinque millia marcarum argenti puri exsolvisset Imperatori A. MCCCXXXII. Philippus Suevus, a nonnullis Imperii proceribus, in Regem Muhlhusae electus, Hermannus, Thuringiae Landgravio, feudi titulo Muhlhusam, Northusam, Salefeldam, castrumque Ranis, concessit. Hermannus deinde arripuit Ottonis partes, ac denuo possessiones illas habuit confirmatas. Ipse varius erat, modoque hunc, modo illum iuvabat. Quam ob causam videtur illa Muhlhusae alienatio, vel effectui non esse data, vel perbrevis fuisse temporis. Nisi tamen stirps Landgraviorum in Henrico Raspone fuisset extincta, ac de Thuringia eriscunda paullo post conflata fuisset funesta dissensio, Muhlhusam sibi Landgravii vindicare studuissent. At inter dissidia Conradus IV. A. MCCLI. civitati privilegium concessit, quo ipse, se civitatem nunquam alienaturum, promisit. Carolus IV. denuo, ut Gunthero, Comiti Schwarzburgico sumtus electionis et belli restitueret, pignoris vinculo obligavit Gelnhusam, Northusam, Goslariam, una cum annuis Muhlhusae proventibus, quos Rex sibi adhuc deberi putabat. Guntherus Gelnhusa potitus est non multo post. Reliquae urbes obnitebantur. Ludovicus Bavarus certe A. MCCCXXXVII. munus Sculteti, iudicium, omnesque regiones proventus Muhlhusae, iam titulo oneroso Muhlhusanis cesserat. Progreditur Auctor ad Sectionem quartam, qua de Magistratibus, nec non de sigillis civitatis exposuit. Fridericus I. civitates Germaniae regias, ad formam civitatum Longobardicarum, regi per senatum iussit, seu per collegium, quod dicebatur *consulatus*. Senatores vocabantur Proconsules. Rudolfus I. A. MCCLIV. memorat

morat *Scultetos, Scabinos, et universos cives de Mülhufsen*; Adolphus A. MCCXC. *Consules et universos cives*. Variarunt posthaec magistratuum nomina. Sigillum maius et minus curate describitur. Occurrit etiam ad A. MCCIV. contrafigillum. Sectio quinta inscripta est de civibus ac incolis Mülhufanis, eorum iure et obligatione. Extranei, qui civium numero adscribi cupiebant, debebant esse ingenuis natalibus orti, liberi, nullique iure clientelari obnoxii, nec officiales, qui administrationis suae rationem nondum reddidissent. Homines enim proprii a dominis poterant vindicari intra annum. Modus civitatis tribuendae sat memorabilis est. Saeculo XII opificibus *statuta* fuerunt praescripta. Urbs foederi Hanseatico fuit innexa adhuc A. MCCCCXXV. Accusatus Mülhufae homicidii, innocentiam suam certamine singulari, seu ordalio, demonstrare tenebatur. Nemini cives Mülhufanos pro debito Imperii pignorare licuit. Licuit civibus bona, quae ab Imperio ex feudi lege possidebantur, comparare. Nemini, nisi civi, licuit bona, iurisdictioni civitatis subiecta, emere. Nec alius pro alio potuit pignorari. Adstricti fuerunt cives ad exactiones et vigilias ferendas. De bonis coeperunt A. MCCCXVI. exactiones dari. Variarunt tempora subsecuta. Ratio monetae fuit inconstans. Marca Saeculo XIII. aequavit 16. semuncias, si esset puri argenti. Marca argenti et penningorum tunc fuit aequalis. Postea marca decrevit ad semuncias 15, 14½, ac tandem ad 8. thaleros *spec.* seu 16. florenos Imperii. Marcae pendebantur ad bilancem, haud percussae in formam numorum. Differebant marca lothoniata, (*löthige*,) et communis. Illa 12. semuncias, haec 8. circiter pretio aequavit. *Marca argenti usualis* Saeculo XIII. aequavit 28. solidos seu Schillingos. Saeculo XIV. marca aequiparavit 30 solidos. *Talentum*, libra, *Pfund*, par fuit tunc 20. solidis denariorum Mülhufensium. Solidus aequalis fuit

pretio 12. denariis seu penningis. Dimidium denarii vocabatur *ein Scherff*, *Helbling*, *Heller*. Saeculo XIV. licuit  $8\frac{1}{2}$ . centenarii pro annua usura promittere et capere. Vigiliarum officium spectat ad sequendum militiam eductam, et ad excubias agendas. Hi debebant sibi A. MCCCXCI. alimenta necessaria sumtu proprio parare. Equites armati et hastati fuerunt dicti *Gleuener*, a *Glef*, hasta. Emigraturi debuerunt aere alieno se liberare, et ex Senatusconsulto Anni MCCCXCVII. tres singularum marcarum solidos relinquere. Saeculo XIV. iam Iudaeos toleravit Muhlhusa, in quos plenam Senatus exercuit iurisdictionem, nec concessit aliis facultatem in Iudaeos suos, vel bona eorum, consulendi, vel de iis statuendi. Carolus IV. prius dissentiens, ipse sic decrevit. Sectio sexta inscripta est de foederibus, a civitate ad tuendam pacem publicam initis. *Diffidationes* olim mutuae invaluerant. Litteras duas *diffidatorias* exhibuit Auctor, adiungens, A. MCCLV. civitates Rhenanas pro pace publica servanda iniisse foedus, cuius pars fuerit Muhlhusa. Ortum fuit eadem aetate *iudicium pacis in Thuringia*. Id descripsit Auctor, per 12. pacis terrae Thuringiae conservatores expediri solitum. Descripsit praeterea eorum sigillum. Medio Saeculo XIV. imminutum fuit illud iudicium, et Carolus IV. foedus Westphalicum promovit, cui Muhlhusani A. MCCCLXXXIV. sese addixerunt. Tacemus foedera Muhlhusanorum minus famosa. Sectio septima exponit de iure statutorio, quo civitas usa est. Primum Saeculo XIII. fuit perscriptum, siquidem in eo fit mentio iudicii duellici, et probationis per ferrum candens. *Statuta* simul latine et vernacule eodem tempore sunt scripta. Reliqua spectant ad Saeculum XIV. et tempora propiora. Sectio octava offert legentibus analecta quaedam ad Sectiones superiores, et praeterea res alias memoratu dignas. Dissertitur inibi de urbis speculis, *Warten*, de cuius

bis in partes suas divisione, de plateis, de monasterio in Ponte, de variis bellorum eventibus, de contentionibus cum monasterio Volckerodensi, et Nobilibus quibusdam, ac de Episcoporum contra haereticos seu Hussitas, in Germaniam irrupturos, iudicio. Acta publica et diplomata, adiecta in calce, satis sunt selecta, et 64. Statuta urbis antiquissima universum documentorum agmen claudunt. Historia Imperii Germanici, ac iuris vernaculi, insignibus crescet augmentis, nebulisque, quibus passim premitur, eripietur, si reliquarum civitatum imperialium antistites nobilissimum hoc Cel. Auctoris secuti fuerint exemplum. Ex diplomatibus hic editis varia licet addiscere. Henricus Superbus, eiusque uxor Gertrudis, tradidere bona coenobio Volckerodensi, quae obtulit Henricus Leo Anno MCLIV. Fratres ordinis Teutonici *Commendam* obtinuerunt Muhlhusae, ac possederunt Anno MCCLXXXVII. Comites de Gleichenstein vendiderunt villas nonnullas. Carolus IV. addixit Beguardorum et Beginarum bona fisco imperiali, incitante Gregorio XI. et stimulantibus inquisitoribus Dominicanis. Quo facto eorum multi se contulerunt in Silesiam, et Ducatum Stetინensem. Ioannes, Bohemiae Rex, Vicarius imperii per Germaniam, Comes Luxemburgensis, se dixit A. MCCCXII. *Regem Poloniae*. Albertus Rex A. MCCCII. noluit fratres Augustinianos recipi se invito. Omittimus reliqua, multis egregie profutura, lestu etiam iucunda.

---

NOVA LITTERARIA.


**A**nni sunt haud multi, quod Lichtenstegerus, probus ille nec obscurus apud Noribergenses incidendis in aes figuris artifex, epitomen edidit illustris operis *Montefalconiani*, quo antiquitatis eruditae forma



plenius ostenditur, (*l'Antiquité expliquée*,) eoque tabularum compendio, quibus tabulis explicationem concinnam, Latinis partim litteris, partim Theoticis, addebat Vir doctus Argentinae, *Schazius*, non levem apud antiquitatis Graecae et Romanae studiosos gratiam consecutus est. Pari autem ille consilio ante annos quinque, ad *Antiquitates Iudaicas*, imaginum beneficio in hominum memoriam revocandas, animum convertit. Rursus hic opus egregiae diligentiae utilitatisque, *Thesaurum* videlicet *Antiquitatum Iudaicarum*, quem Venetiis in lucem exposuit *Ugolinus* Vir Cl. quod brevius commodiusque redderet, sibi proposuit. Naetus est adiutores, vel moderatores potius dixeris operae collocandae, duumviros clarissimos; alterum, *Ioh. Salom. Semlerum*, Theol. D. et in Academia Fridericiana Halensi Prof. Ordin. omni litterarum meliorum in genere exercitissimum; alterum, *Ioh. Simonis*, Hist. S. et Antiquit. Prof. in Gymnasio eiusdem urbis Reformato, doctissimum inprimis rerum et dialectorum Orientalium interpretem. His curam suppeditantibus, factum est, ut anno LVI. et LVII. duobus fasciculis, priores decem plagulae, (per partes enim publicandum erat opus,) eisque adiunctae Tabulae XI. publicarentur. In his *Libri I. de Gentis Iudaicae Origine et Sedibus* initia leguntur. *Capite* quidem *Primo* de Origine et variis nominibus gentis disputatur; *Capite Secundo* de vario terrae Iud. ambitu, et utilitissimis nominibus; *Tertio* de eiusdem terrae finibus et varia divisione; *Quarto* de maribus, fluviis, fontibus, paludibus, montibus, ad eam pertinentibus. *Sectio II.* de terrae Iud. metropoli, Hierosolymis, disserit; cuius primum varia nomina, tum situs in genere; postea muri urbis, portae et turres; denique ambitus, praecipuae partes, aedificia et memorabilia, curiose exponuntur; neque tamen postrema haec tractatio plagulis istis absolvitur. Ac ne quis putet, Ugoliniana duntaxat hic excerpta fuisse, sciant Lectores, longe plurima

plurima accessisse ex doctrinae duumvirorum nostrorum copia, prudenterque ab iis instituta optimorum scriptorum lectione. Quod cum ipse capitum contextus, tum praesertim subiectae illi annotationes, docent. Hae certe non solum illustrationis gratia, multa adferunt praeclare observata, sed etiam in percensendis scriptorum sententiis, imo iudicandis, versantur, lapsusque eorum notant. Ubi nec Ugolinianus Thesaurus omnis labis expers deprehenditur; v. c. cum pag. 6. nota \*\*) monetur, Clar. *Ugolium*, nudum apographum tabulae *Relandinae* Palaestinam exhibentis dedisse, servatis adeo, si qua illic minus recte caelata fuerunt, quae hic ex recentiorum commentariorum usu emendata sunt; pag. vero 35. not. qq) docetur, pro *Neblosa* apud *Ugolinum* *Nebulosa* legendum esse. Oratione autem usi sunt doctissimi Viri suaviter decurrente et perspicua, cum in Latino exemplo harum *Antiquitatum*, quod in manibus habemus, tum in Theotisco; nam utraque lingua procurata est operis editio, ut plurimum usui inserviret. Tabulas autem figurarum, decern istis plagulis declarandis, has adiecit Lichtenstegerus, satis nitidas et accuratas. *Prima* delineationem Palaestinae sistit; *Secunda* vetustam terrae Canaan faciem, antequam ab Israelitis occuparetur; *Tertia* partim conspectum terrae Iud. ex mente *Relandi*, ad illustrandos libros apocryphos et Nov. Test. partim montem Carmel, cum memorabilibus in et prope eum locis; *Quarta* montem Thabor, Libanum atque Anti-Libanum; *Quinta* montem Oliveti, cum designatione nobiliorum ea in regione locorum, dein sepulchrum Rachelis; *Sexta* sepulchrum Absoionis; *Septima* monumentum Zachariae; *Ostava* cislernam Salomonis, prope Hierosolymas exstructam, Hierosolymarum item delineationem Havercampianam; *Nona* ampliore eiusdem urbis descriptionem; *Decima* Hierosolymae hodiernae accuratam imaginem, ex relatione *Pocockii*; *Undecima* denique ichnographiam, seu vestigium Regiae

Regiae Saltus Libani, a Salomone aedificatae. Erravit quidem in nonnullis operarum manus; verum illa corrigi sub calcem perfecti operis poterunt. Huius autem progressus cum avide expectaremus, repente illud, quasi fulmine ictum, constitit, nec adhuc, post biennii moram, ultra decem illas, quas diximus, plagulas, productum est. Obiecti impedimenti causas nescimus: divinare quidem non difficulter licuerit; sed cum tristiores sint, et studium Iudaicarum Antiquitatum sortem iniquam arguant, tacebimus. Tolle potius illas, quam fieri potest citissime, optamus, darique adeo duumviris eruditissimis, qui hanc telam inchoarunt, locum explicandae utiliter doctrinae: cum satis profecto constet, multas superesse inter nos de antiquis Hebraeorum moribus opiniones, delineationes etiam in vulgaribus libris multas, quae a veritate longius distent.



# NOVA ACTA ERUDITORUM,

*publicata Lipsiæ*

*Calendis Decembris Anno MDCCLIX.*

---

**ANTHOLOGIA VETERUM LATINORUM**  
*Epigrammatum et Poematum. Sive Catalecta Poetarum Latinorum in VI. Libros digesta, ex marmoribus et monumentis Inscriptionum vetustis et Codicibus MSS. eruta, primum a IOSEPHO SCALIGERO, PETRO PITHOEO, FRID. LINDENBROGIO, THEOD. IANSONIO ALMELOVEENIO, aliisque colligi incepta, nunc autem ingenti ineditorum accessione locupletata, concinniore in ordinem disposita, et nonnullis Virorum doctorum notis excerptis illustrata, cura PETRI BURMANNI SECUNDI, qui perpetuas adnotationes adiecit. TOM. I.*

Amstelædami, ex offic. Schouteniana, 1759. Alph. 4.  
plag. 8. 4. mai.

**Q**uae solis Musis Graecis concessa videbatur felicitas, ut Epigrammatum et Catalectorum veterum Anthologiam, in iustum corpus redactam, certasque in classes et capita digestam, haberent, eam Latinis quoque contigisse, opera Petri Burmanni, Viri docti, plurimarumque virtutum magni sui Patruī aemuli, maximopere laetamur. Nam, cum antiquitatis qualescunque reliquiae iucundae nobis atque acceptae et sunt, et esse debent, tum

Qqqq

Vir



Vir Cl. munus suum, iam per se gratum futurum, copioso et docto addito Commentario, multo ornatus et iucundius reddidit; reddidisset vero iucundissimum, si, quas humanitas et modestia iis praesertim imponunt, qui eas litteras, quae ab humanitate nomen nactae, profitentur, legibus obtemperasset. Nos quidem tria capita nostrae recensionis faciemus: quorum primo, quae *Burmamnus* de fatis et editionibus Latinorum Epigrammatum in praefatione disputat, repetemus breviter; altero, quibus opibus auxiliisque instructus, et quomodo in edenda hac Anthologia versatus sit, declarabimus; tertio de animadversionibus ita dicemus, ut neque levis aut tralatitia nostra opera, neque ex lividiore erga Batavos animo profecta esse V. Cl. videatur.

Primus inter Italos Cyriacus Anconitanus Inscriptiones et Epigrammata vetera, carminibus composita, summo quidem studio collegit, sed nunquam edidit. Eadem diligentia Nicolaus Perottus, Sipontinus Episcopus, et Ptolemaeus Flavius, conquissiverunt vetera Epigrammata: hic etiam eorum editionem promisit, sed non praestitit. Tandem Laurentius Abstemius, Maceratensis, Duci Urbini a Bibliotheca, aliquot Epigrammata, Pindaro Thebano adiuncta, Fani A. MDV, et MDXV. edidit. Evulgavit deinde Iacobus Mazochius, Romae, A. MDXXI. Epigrammata Antiquae Urbis, multa quae carmina sepulchralia et Epitaphia exhibent. Talia etiam, sed pauca, *ex vetustis lapidibus collecta Epigrammata*, e Mazochio sine dubio vel similibus operibus repetita, Ioh. Matthaeus Toscanus A. MDLXXVI. Tomo I. Illustr. Poetar. Italor. subiunxit. Neque exiguum Epigrammatum multitudinem debemus Aldo Manutio, Ursato, Scardeonio, Onuphrio Panvinio, Tomasino, Octavio Rubeo, Malvasiae, Fabretto, Oliverio, Bianchino, Bertolo, Maffeo, et Muratorio, indefesso qui studio lapidum literatorum titulos collegerunt et ediderunt. Inter Hispanos ingenium operamque suam ad Inscriptiones vetustas et Epitaphia eruenda atque illustranda

stranda contulerunt, Ambrosius Morales, Andreas Resendius, Ioh. Vasaëus, Rudericus Carus, Antonius Augustinus, alii. Quorum laborem superasset procul dubio Emmanuel Martinus, Vir ingenii elegantia et doctrinae copia insignis, si, quas collegerat, suisque adnotationibus illustraverat, Inscriptiones edidisset. In Germania primi Bartholomaeus Amantius, et Petrus Apianus, sumtibus atque liberalitate Raymundi Fuggeri adiuti, Inscriptiones vetustas et plurima Epigrammata, Ingolstadii A. MDXXXIV, ediderunt. Quos etsi Ant. Augustinus supposititias, et a diversis auctoribus adulteratas Inscriptiones pro veris et genuinis lectoribus obtrusisse censeat, venia tamen illis temporibus danda est, quibus antiquitatis studia nondum satis exulta fuerunt. Hos secutus Georgius Fabricius, Chemnicensis, Libro II. et III. Romae suae, primum Basileae A. MDL. impressae, et deinde A. MDLXXXVII. recusae, varia Antiquitatis monumenta, Inscriptiones sepulchrales, aliaque Epigrammata inseruit. Post Fabricium, Melanchthone, Camerario, et Ioh. Sturmio auctoribus, Laurentius Schradaeus, Halberstadiensis Saxo, in Libris IV. Monumentorum Italiae, Helmaestadii A. MDXCII. editis, volumen variarum Inscriptionum exhibuit, quas in itinere per Italiam facto collegerat. Cuius licet diligentia minime merita laude defraudanda, utilior tamen illa et iucundior fuisset, nisi antiqua et Romana novis atque Christianis ita miscuisset, ut vix periti harum litterarum altera ab alteris distinguere continuo possint. Eluxerunt deinde magna ingenia Thomae Reinesii, et Marquardi Gudii: quorum ille, aureo Syntagmate Inscriptionum, immortalitatem nominis consecutus est; hic in Italia non solum Inscriptiones ab aliis iam editas ad lapides ipsos diligenter examinavit, sed ingentem quoque ineditarum thesaurum congeffit. Plurima igitur pars huius Anthologiae ex horum, atque etiam Gruteri immortalis opere, hauriri potuit. Nunc ad illos venimus, qui Epitaphia et Epigrammata ediderunt, notisque suis illustrarunt. Ex Italis Ioh. Baptista

Ferretius, Vicetinus, A. MDCLXXII. *Musas Lapidarias*, seu antiquorum in marmoribus carmina, ex Grutero praecipue repetita, evulgavit, sed negligenter et vitiose, cuiusque notis historicis, nihil ad Epigrammata emendanda conferentibus, aequo animo lectores carere potuisse, Vir Cl. arbitratur. Huc etiam referendae Deliciae, seu Inscriptionum monumenta, a Nathane Chytraeo, Herbornae A. MDXCIV. et Coloniae A. MDCXV. a Franc. Sweertio in lucem emissae; in quibus tamen numerus recentiorum veteres longe superat. Paucula inseruit Ioh. Bonifacius libro Rhodigii de Epitaphiis componendis, A. MDCXXIX. edito: evulgavit Philippus Labbeus Parisiis A. MDCLXXXVI. *Thesaurum Epitaphiorum veterum et recentium*, atque etiam Fleetwoodus Londini, A. MDCXCI. *Inscriptionum antiquarum Syllogen* dedit. Verum hi neque ordinem observasse; neque recentiora ab antiquis recte distinxisse; neque mutilis, vitiosis, ac corruptis supplendis emendandisque aliquam opem attulisse, Nostro videntur. Multo magis succenset anonymo illi, qui circa A. MDCLXIII. Parisiis *Epigrammatum Latinorum Delectum* edidit, notulasque ineptas et pueriles adpersit. Meliori quidem adparatu Franciscum Mariam Bonadam Romae A. MDCCLI. Carmina ex antiquis lapidibus edidisse, sed nullis fere ineditis aucta, ex obviis Inscriptionum collectionibus excerpta, et dissertationibus nimis prolixis obruta. Atque hi quidem solas Inscriptiones vetustas, aut Epitaphiorum collectiones dederunt, alii vero ex Catalectorum veterum Codicibus MSS. varii generis et argumenti carmina evulgarunt. Primus Iosephus Scaliger, multa, nunquam antea typis expressa Epigrammata, *Appendici Virgilianae*, Lugduni A. MDLXXIII. adiecit. Haec editio repetita et aucta est a Lindenbrogio, Lugd. Batav. A. MDXCV. Post Scaligerum Claudius Binetus, Bellovacus, non pauca Petronii et aliorum veterum poetarum Epigrammata Pictavii A. MDLXXIX. evulgavit, quae deinde in Petronianorum Catalectorum editionibus multis acces-

accessionibus locupletata sunt. Maioribus copiis instructus Petrus Pithoeus Epigrammata vetera, ex codicibus MSS. et lapidibus collecta, atque in ordinem meliorem digesta, A. MDXC. Parisiis publicavit. Irrepserunt vero huc multa ambiguae vetustatis, atque etiam nonnulla recentioris Seculi. Post Pithoeum Epigrammata haec et poemata edere et augere ingenti ineditorum numero voluit Caspar Barthius; atque etiam Thomas Munckerus Epigrammata Pithoei vetera cum notis suis edere constituit: verum invidit litteris praematura virorum doctorum mors hunc fructum. Dein Theod. Ianssonius Almeloveenius, auctore Broukhufio, Epigrammatum vetustorum colligendorum cepit consilium, suarumque virium Amstel. A. MDCXCIV. periculum fecit. Sed eius labor magis diligentiae, quam eruditionis nomine, Nostro commendari videtur. Maiores copias undique congeffit Nicolaus Heinsius, atque ad novam editionem suscipiendam, cuius saepe spem fecit, instructissimus visus est. Cuius post obitum cum subsidia haec nactus esset Petrus Burmannus, patruus Nostri, meditatus quidem est novam Catalectorum Scaligeri et Pithoei editionem, sed deinde Heinsianas chartas, aliaque huc facientia, Nostro commisit. Qui quibus copiis instructus ad hoc opus adornandum et digerendum accesserit, nunc, ut proposuimus, enarrabimus.

Habuit primum schedas Epigrammatum veterum, maximam partem ineditorum, Nicolai Heinsii manu ex vetustissimo Salmasii codice, saepius a viris doctis celebrato, ex quo ille tot Epigrammata, cum in commentario ad Solinum et ad Historiae Augustae Scriptores, tum aliis in locis produxit, descriptas. Ipse Salmasius in notis ad Lamprid. Elagab. cap. 20. de insigni hoc codice ita dicit: *Habui vetustissimum codicem Latinorum Epigrammatum, mihi a doctissimo Iohanne Lacurnaeo commodatum; in quo et multa exstant nondum edita epigrammata, et quae iam edita sunt, longe in eo habentur emendatiora.* Qui codex Salmasianus cum in Bibliothecam Regiam Parisiensem translatus sit,



• non exiguam Epigrammatum partem, ut ea cum schedis Heinſianis Noſter conferret, V. Cl. Runckenius deſcripſit, atque etiam aliquot variantes lectiones ad poemata vetera Pithoei ex ſchedis Ioh. Chriſt. Wolfii, et collationes nonnullas Gudii, cum Burmanno communicavit. Contulit deinde ex Bibliotheca Leidenſi duos codices Voſſianos, qui MS. Salmaſiani apographi ſunt, quorum primus manu Iſ. Voſſii ſcriptus, alter a recenti manu multis mendis reſertus eſt. Ex eadem Bibliotheca etiam Voſſianos codices alios adhibuit, atque librum Iſ. Voſſii manu ſcriptum, in quo variae lectiones ad quaedam Pithoei Epigrammata, et nonnulla alia Epigrammata vetera, leguntur, evolvit. Nicolaus porro Heinſius praeter ſchedas iſtas, quas ex Salmaſiano codice deſcripſit, excerptis quoque quaedam Epigrammata vetuſta ex codice Io. Gerardi Voſſii. Idem uſus eſt codice Voſſiano Auſonii, plurima tam in fronte, quam ad calcem, Epigrammata vetera adſcripta habenti, Thuaneco, Petaviano, Puteaneo, et codice S. Galli, et Chriſtinae, Reginae Sueciae. Quorum excerpta cum Heinſius duobus Pithoei Pariſinae editionis exemplaribus, multis ingenioſis additis coniecturis, adſcripſiſſet, naſtus eſt Noſter a Patruo has opes. Praeter codicem Cataleſtorum Virgilianorum Baſileenſem, habuit etiam V. Cl. aliquot editionis Scaligerianae, et Pithoeanae, exemplaria, quorum marginibus viri docti ſua manu coniecturas notasque, non contemnendas, adſperſerant, ut et tria Pithoeanae Genevenſis editionis exemplaria, quorum primo Martinus Opitius haud pauca adſcripſit, duobus reliquis Almeloveenius indicia, unde pleraque Epigrammata eſſent deſumta, adpoſuit, et denique Pariſinam Pithoei editionem, nonnullis Iſ. Caſauboni notis marginalibus ornatam. Magnos etiam fruſtus proſitetur ſe ad hanc collectionem cepiſſe ex Cyriaci inſcriptionum codice MS. et e codice alio Perotti, eximiam collectionem Inſcriptionum, Epitaphiorum, et Epigrammatum antiquorum, cum ex antiquis marmoribus, tum libris vetuſtis excerptorum, complectente.

te. Quoniam vero non minima huius Anthologiae pars ex Inscriptionum veterum collectionibus derivanda fuit, operae erit pretium commemorare, quibus opibus instructus, et ab aliis iam edita conferre atque emendare, et inedita Epitaphia illis addere potuerit V. Cl. Primum habuit librum Inscriptionum, manu Nicolai Heinsii exaratum, in quem tam ex Pyrrhi Ligorii Antiquitatum opere inedito, et praecipue ex eius Lib. XXXIV. quam ex veteri codice membranaceo Inscriptionum, ante annos plus quam ducentos scripto, cuius illi copiam fecit Carolus Moronus, non exiguam soluti ligatique sermonis Epitaphiorum copiam coniecerat. Naetus deinde est Stephani Vinandi Pighii Inscriptiones ineditas, quas *inestimabilem antiquitatis thesaurum* appellat Broukhusius, qui illas passim laudat. Nec minorem copiam Nostro suggessit Codex Wittianus, continens Syllogen Inscriptionum antiquarum, cum marmorum ac monumentorum delineationibus, addito ineditarum indicio, et notatis e Grutero, Fabretto, aliisque lectionum discrepantiis, ac marmorum defectu. Ilaussit etiam quaedam hic illic ex Pauli Petavii suppellectile Antiquaria, eadem, ex qua pars exigua in Salengr. Tom. II. Novi Thesauri Antiqu. Rom. sub titulo *Portiuncula Antiquaria* suppellectilis Pauli Petavii, edita est. Quartum adminiculum fuit variarum Inscriptionum et Epigrammatum codex, in Italia ante duo fere secula scriptus, quem, a pollesore olim suo, Henr. Christ. Henninio, Henninianum vocat. Suis etiam locis adhibuit Codicem MS. Inscriptionum veterum, ex bibliotheca Comitis Wassenarii Obdamii, duosque alios Inscriptionum Brixianarum et Narbonensium, et schedas MSS. Italicas, tum bina exemplaria primae editionis Gruteri, quorum uni plurima adscripserat Petrus Scriverius, alteri Marquardus Gudius. Denique usus est libro ex Arkeliana bibliotheca, qui antiquitates, Inscriptiones veteres, et plurima varii argumenti Epigrammata continebat, atque codice, in quo Arnoldus Bucelius, Ictus Ultraiectinus, diversi generis Inscriptiones  
et

et Epigrammata, inter peregrinandum conquesta, descripserat. Atque haec quidem fuerunt illi fontes, ex quibus hortos suos large irrigare potuit. Fatemur lubenter, vix maiorem melioremque copiarum et divitiarum numerum cuiquam contigisse, qui veteris aevi monumenta in lucem produxerit. Evolvat aliquis virorum doctorum editiones, nullum tot codices, tot *αὐτόγραφα* criticorum, habuisse videbit. Nunc propius accedamus, ipsiusque libri virtutes adspiciamus.

Totam hanc Epigrammatum collectionem in sex libros V. Cl. descripsit, atque hoc primo volumine tres priores edidit. Primo libro ea inclusit, quae ad Deos Deasque, Heroas et Heroidas pertinent. Numerus ad CLXXVII. carmina excrevit, quorum ultimum est Medea, carmen versuum 461. instar Tragoediae scriptum, ex centonibus Virgilianis conflatum, atque ex membranis Salmasii productum, qui saepe iactavit, se habere antiquam Tragoediam Medeam, atque viros doctos in errorem induxit, qui existimarent, eum deperditam Ovidii Medeam possedisse. Sed dixit quidem Salmasius, se in *vetustissimis* membranis Tragoediam Medeam habere, Ovidio autem illam minime tribuit. Gravius lapsi sunt, qui Ovidii Medeam Tertullianum, *de praescript. Haeret. c. 39.* indicare voluisse putarent. Noster melius ex loco illo: *Vides hodie ex Virgilio fabulam in totum aliam componi, materia secundum versus, versibus secundum materiam concinnatis. Denique Hosidius Geta Medeam Tragoediam ex Virgilio plenissime exsuxit* etc. Osidium vel Hosidium, Getam, male cum Ovidio inter Getas exfulante confusum, eandemque illam ibi Medeam indicari docet, quam e Centonibus Virgilianis compositam nunc primus ediderit. Quis autem hic Hosidius fuerit, se discernere vix posse fatetur: certe illum ad inferiorem aetatem detrudendum esse, neque aliud centonarii carminis genus hac ipsa Medea, et Aufoniano Centone Nuptiali, vetustius superesse. Quod ad ipsum carmen attinet, videtur quidem nobis illud neque a poeta valde

valde eleganti compositum esse, versibus Virgilianis saepe sine arte et ingenio immixtis, neque Ovidianae Medae desiderium lenire posse; illius tamen editio, ut omnium qualiumcunque antiquitatis reliquiarum, grata nobis et iucunda est. Secundus liber exhibet carmina CCLXVIII. quae virorum illustrium et doctorum vituperia laudesve continent. His inserta etiam est incerti auctoris, Albinovanum Pedonem Scaliger credit, in Maecenatis obitum elegia. Obtulit hoc carmen Nostro occasionem, acerbius, quam decet viros graves et doctos, in Theodorum Gorallum, sive Iohannem Clericum invehendi, erroresque, in explicanda Elegia commissos, castigandi. Quas tamen suas censuras *hereditario potius odio, quam ardori verum litterarum elegantiorum gustum promovendi*, tribuendas esse scribit. In tertio congeffit Noster Carmina CCXCII. quae vel locorum celebrium descriptionem continent, vel didascalica et moralia sunt; tum quae vitam tranquillam et privatam commendant; luxuriam temperandam, affectuumque impetus compescendos docent; quibus subiunguntur Epigrammata hilarioris argumenti, de Amore, aut ad amorem spectantia. In his igitur libris, hoc primo volumine inclusis, multa profecto carmina exhibentur, nunquam ante a edita. Sunt eorum plurima satis elegantia, eaque in primis, quae in tertio libro proponuntur, multa ingenii suavitate condita; sed habent etiam aliqua nullam aliam, quam antiquitatis, commendationem. Ut igitur V. Cl. in carminibus hisce edendis rite versaretur, adnotavit primum diligenter, unde singula carmina transumpta, et a quibus antea edita sint: adscripsit porro varias codicum lectiones, quarum insignis est copia: deinde tum suas, tum aliorum, Francisci in primis Oudendorpii, et Ioh. Schraderi, coniecturas et emendationes attulit: denique ipsa verba et dicendi formulas uberrimo commentario explicavit et illustravit. Admiscuit etiam suis animadversiones aliorum virorum doctorum, Scaligeri, Pithoei, Scriverii, Lindenbrogii, Gronovii, Schotti, Tollii, Fruterii,

Rrrr

Doufae,



Doufae, Victorii, et talium, qui huic collectioni inserta epigrammata iam antea exposuerunt. Nos, ut de opera Burmanni eo melius lectores iudicare possint, de singulis breviter, adspersis subinde observationibus nostris, agemus. Ne vero iusto longiores simus, versabimur potissimum in libro primo excerpendo.

Emendationum, ex ingenio V. Cl. profectarum, specimina haec sunt. Pag. 4. corruptam schedarum Salmasianarum lectionem:

*Humanum tandem veniam donentur amori,*  
bene mutat in

*Humani tandem venia donentur amores.*

Pag. 6. in epigrammate, quod alias non male restituit, legit pro

*Nunc pelagi nymphae crimen de more tenentem*  
*Suspensum et pariter comitique onerique timentem:*  
*Egregia interea etc.*

*Nunc pelagi nymphae crinem de more solutae*  
*Succedunt pariter comitique onerique timentes;*  
*Europa interea —*

sic ut poeta respiciat ad Aeneam apud Virgil. Aen. II. *pariter comitique onerique timentem.* At ibi *parvus Iulus se dextrae implicuit.* Vellemus igitur explicasset, quem hic comitem dicat. Pro *egregia*, ne longius a scriptura recedatur, coniicimus *Regina*. Ita enim supra poeta de Europa: *Imponit regina manum.* Pag. 23. lectionem codicum

*Deiicit horrifono, quinto, Stympthalidas arcu,*  
emendare mavult in

*Deiicit aerifonis, quinto, Stympthalidas armis:*  
quoniam Hercules aereorum crepitaculorum sonitu aves Stympthalidas Arcadia abegit. Pag. 35. pro

*Exuvieisque eius templum tuum decoravi,*  
coniicit vel *templum tibi condecoravi*, vel *templum tuum condecoravi*, ut *tuum* sit monosyllabum, sicut saepe alias. Pag. 36. in mendo illi cubare videntur haec:

*Corniger hos aries humilis, et maxima taurus*

*Victima sacratos tinguet honore focos.*

Primum enim displicet *hos sacratos focos*, displicet deinde ultima syllaba in *humilis*, sequente *et*, producenda, denique hos versus contraria cumulare putat, *corniger aries humilis*, et *maxima taurus victima*. Quare legendum opinatur:

*Corniger haud aries humilis, sed maxima taurus*

*Victima sacratos tinguet honore focos.*

Nobis etiam *corniger aries humilis* displicet; quare substitueremus: *Corniger haud aras humilis*. Pag. 39. pro

*Haec tibi diva Venus deponit munera Sylla,*

*Vt somno monitus, Martis armatus in armis,*

coniicit *animatus*, vel *animosus in armis*. Pag. 43. *Ornat terra nemus, nunc locos vitis inumbrat*, emendat vel *nunc lucos vitis*, vel *nunc lotos mitis inumbrat*. Pag. 44. versus:

*Flos lectus flos vincla toris, substramina flores,*

*Deliciis Veneris dives natura laborat;*

hac emendatione egere putat:

*Flos lectis dat vincla, toris substramina flores*

*Deliciis —*

Nobis displicet, verbum eiectum aliudque intrusum esse, qui vulgatam lectionem bonam, atque ita explicandam esse existimamus: Flores hoc loco sunt pro lecto, flores sunt tori vincula, flores a natura deliciis Veneris substernuntur, vel, si post vincla distinguas, floribus comae seu lecti vinciuntur. Pag. 45.

*Inque modum vocis nunc motus forte decentes*

*Corpora laeta dabat,*

eleganter mutat in *Corpore laeta dabat*: i. e. ad vocis modos et numeros dedit motus, seu gesticulationes, corpore. Pag. 47. pro *lucis forte Cupido*,

*Martis tela regens,*

mauvult vel *proludens*, vel *pro ludis*. Nobis iterum vulgata locum habere posse videtur: Cupido lucis egressus, ne spectator esset amorum Veneris et Martis, Martis tela in

manus sumsit. At pro *Martis tela regens*, facili mutatione, legeremus *gerens*. Pag. 48.

— — *Stant capti iudice tanto*

*Mars, Amor, et Paphie, ramisque incerta tremiscunt  
Lumina, nec possunt crimen, te teste, negare;*

coniicit primum *capti stant iudice tanto*, verbumque hoc saepius de eadem re usurpari variis exemplis probat, atque deinde haec addit: *ramisque incerta tremiscunt:]* „Ita „in Salmas. et Divion. sed melius in codice Leidensi, *ramisque inserta tremiscunt*; inserta ramis lumina, ut apud „Virg. III. Aen. 152.

multa manifesti lumine, qua se

Plena per insertas fundebat luna fenestras.

„Ubi Servius, quasi lumine suo Luna inseruerat, ab inferendo, quod se per rimas infereret; ubi tamen aliter Patruus meus, vide ad Propert. Lib. I. El. 3, 31. diversas „percurrrens Luna fenestras.“ Hic Virgilii locus quid ad epigramma hoc illustrandum conferat, nos minime assequi fatemur. Quid tandem sunt illa *ramis inserta lumina*? Altum de hoc in observationibus V. Cl. silentium. Nos quidem certissime nobis persuasum habemus, pro *Lumina* legendum esse *Numina*, nempe Martem, Amorem, Venerem. Quid vero sunt *Numina ramis inserta*? An, quae se arboribus ramisque occuluerunt? Sed dubitamus an latine hoc *inferi ramis* dicatur. Coniicimus legendum esse, *animi vel animis incerta*. Sic totus locus eleganter ita restitueretur:

— — *capti stant iudice tanto*

*Mars, Amor, et Paphie, animisque incerta tremiscunt  
Numina, nec possunt crimen, te teste, negare.*

Ille defectus ellipseos, *Paphie animis*, si quem forte offendat, evolvat Gifan. Ind. Lucret. pag. 436. et alios, quos larga manu ipse V. Cl. pag. 119. dabit. Pag. 51. pro *Ura-  
nie numeris scrutatur munera mundi*, substituit — *scrutatur  
moenia mundi*, ut Catull. init. carm. de Com. Berenic.

*Omnia*

*Omnia qui magni dispexit moenia mundi,  
Qui stellarum ortus comperit atque obitus.*

Pag. 68.

*Foemineos iuvenem iussit me sumere cultus,  
Et celare virum falso per tegmina sexu:*

maavult mutare in

*Foemineos iuvenem iussit me sumere sexus,  
Et celare virum falso per tegmina cultu.*

Pag. 78. acutam coniecturam avertit, nam pro

*Pande manum genetrix, totus tingatur Achilles,*

*Tu facies natum mortis habere locum;*

substituit, *tu facies talum m. h. l.* ut intelligatur ima pars  
pedis, qua Achillem Styge tingendum tenuit Thetis.

Pag. 104.

*Et proprio fuerint distentae lacte capellae*

*Ubera,*

displicet Nostro τὸ proprio; nobis etiam *distentae capellae  
uber lacte*; quare bene emendat:

*Et propriae distenta ferant tibi lacte capellae,*

*Ubera.*

Neque tamen nobis placet emendatio pag. 140. facta, ubi  
pro — *fessus iuga solvit arator,*

*Et noctem per vota capit,*

legit *rapit*, et connectit cum *noctem*. Nam etsi non igno-  
ramus, *occasionem rapere*, *dona diei rapere*, et similia, bene  
dici, dubitamus tamen an bene latine dicatur, *per vota  
noctem rapere*. Cur non vulgatam retineamus? Latinum  
est omnino *vota capere per noctem*. Pag. 156. mutilam  
corruptamque codicum lectionem:

*Quid causas petis aut in me exitiumque meorum?*

acute mutat in

*Quid causas petis ex alto, excidiumque meorum?*

Pag. 194. acutissimam elegantissimamque Noster I. F. Gro-  
novii emendationem profert. Vulgata est:

*Quale fuit regnum, mundo nova ponere iura?*

*Hoc terrae fiat: hac mare, dixit, eat.*

Rrrr 3

Gro-



Gronoviana vero ex emendatione legendum:

*Hoc terrae fiant, hoc mare, dixit, erant.*

Merito hanc coniecturam Noster amplectitur, qua nihil sublimius et acutius excogitari posse ait, illamque illustrat ex Longini Sect. IX. de dicto Moſis: εἶπεν θεός, γενέσθω φῶς, κ. λ. et Arriani in Epiſtet. Lib. I. c. 14. καθάπερ ἐκ προσάγματος τῷ θεῷ, ὅταν ἐκεῖνος εἴπῃ τοῖς φύτοις ἀνθεῖν, ἀνθεῖ. ὅταν εἴπῃ βλαστάνειν, βλαστάνει. κ. τ. λ.

Neque tamen in ſolis Anthologiae carminibus emendandis V. Cl. verſatur, ſed digreditur ſubinde ad alios ſcriptores, multaque loca, vel ingenii, vel codicum ope emendat. Sic multas videmus Virgilii, Statii, Ovidii, Claudiani, Aufonii, Apuleii, Catulli, Lucani, Iſidori, Prudentii, aliorum emendationes, quas vel ipſe proferat, vel a viris doctis factas confirmat. Sic apud Virg. Ecl. 3. emendat pag. 37.

*Et fugit ad ſalices, ſed ſe cupit ante videri,*

pro et ſ. c. a. v. Apud Valerium Fl. L. VII. 483. pro

*Hei mihi! cur nullos ſtringunt tua lumina fletus?*

*An me mox merita morituram patris ab ira*

*Diſſimulas?*

pag. 162. ſubſtituit:

*Hei mihi cur nullos fingunt tua lumina fletus?*

*Ut me mox merita morituram patris ab ira*

*Diſſimules;*

id eſt: cur lacrimas ſaltem non fingis, ut paratam mihi perniciem eo magis tegas ac diſſimules. Pag. 89. Pindar. Theb. Epit. Iliad. v. 976. emendat:

*Horruit inſtanti defectus viribus Hector,*

vulgo *defectis viribus*; et Maximianum El. 5. 83.

*Aſt ubi defecti perſenſit funera membri,*

ubi vulgo editur *delecti*. Pag. 70. apud Stat. Achill. II. 161. pro

*Tunc (Achilles) molles grefſus, tunc adſpernatur amiſtus*

*Plus ſolito, rumpitque choros et plurima turbat;*

*amiſtum Inſolitum legit, nempe habitum femineum. Hic locus*

locus nobis in memoriam revocat alium in hac Anthologia pag. 70. ubi de eodem hoc Achille poeta dicit:

*Nec puerum decuit muliebri pectora peplo,  
Induere, et teneram gressu simulare puellam.*

Hic nos legeremus lubenter *tenero gressu*, ita ut in loco modo laudato Statius *gressus molles* dixit.

Iudicabunt ex his lectores de ingenio et εὐστοχίᾳ V. Cl. Nos ad adnotationes, textui subiectas, progrediamur. Speciminis loca aliquot totas huc transferemus. Pag. 18. ad illa:

*Alcmenae Iovis et magni fortissima proles,  
Tricosus subito post mea fata vocor;*

haec adnotat: „*Tricosum* Herculem pro contentioso rixarum perquisitore, explicat Ferretius; sed perperam, licet „ita etiam exponat Pighius in Inscriptionibus ineditis, quia „Herculis ingenium rixosum, eaque propter quum Iasoni „parere nolebat, ab Argonautis relictus fuit, ut *tricones* „pro vaftris et contentiosis apud Capitolin. in Aelio Vero „c. 4. ubi v. Salmas. et Gulielm. II. Veris. cap. 21. nec „felicius, ut puto, sensum huius loci percepit Ever. Otto, „in Libro de Tutel. Viar. c. X. pag. 183. ubi de Hercule „agens dicit: *Tot fabulis et mendaciis historica fide comitis* „*est involutus, ut vix dignosci queat: ipse a variis tricis trico-* „*sum se appellatum conqueritur in Epigrammate vetusto* etc. „quae non intelligere me lubens profiteor; nisi velit Her- „culem ideo *tricosum* dici, quia antiquitas veris de Her- „cule historiis multa fabulosa immiscuit, ideoque intricata „sit Herculis historia: sed quomodo, si hic sensus esset, „Hercules *tricosus* diceretur, et id huic loco congruum „esset, nullus video. Epitome MS. Glossarum S. Ger- „mani, *Tricosus* ἀχρεῖος, ἔκλυτος, λαγγώνδης — — „ubi Scaliger in suo codice, qui est in Biblioth. Leideni, „supplet δύσκολος vel δύσχερς: nam male Labbaeus „iunctim edidit λαγγώνδης, quomodo etiam profert Box- „hornius, licet aliter Salmas. ad Capitolin. d. I. Fateor „hic aquam mihi haerere, neque rationem huius nominis „satis

„satis adsequi; forte igitur alia huius nobis quaerenda erit  
 „lectio. Scriverius margini exemplaris sui pro *Tricosus*  
 „adscripterat *Strigosus*, quae vox propria est de iumentis,  
 „et vitium equorum denotat. Nonius Marcellus pag.  
 „168. ita in versu Lucilii ex Lib. XII. Satyr. *His strigosus*  
 „bovinatorque ore improbu' duro, ubi *tricosus* corrigit Doula  
 „pater in Explan. Plautin. pag. 177. cuius coniecturam  
 „margini editionis suae pag. 50. adlevit Filius eius Fran-  
 „ciscus; Scaliger autem ad Catalecta pag. 241. *Strigosum*  
 „illo in loco explicat non ἰσχνόν, seu macilentum, ut vul-  
 „go acceperunt, verum morabundum ac tergiversatorem.  
 „Legitur et hic Lucilii versus apud Gellium Lib. XI. c. 7.  
 „ubi ineptus et antiquarius orator, usus voce bovinatore  
 „cum esset et irrisus, hunc Lucilii versum adfert, ibidem-  
 „que in scriptis et editis eadem est varietas. vide notas.  
 „Verum Gronovius, in nota ad illum Maecenatis versum,  
 „*Ninnio videas strigiosorem*, qui legitur in vita Horatii Sue-  
 „tonio addita pag. 405. edit. noviss. Patruī mei, erudite de  
 „hoc verbo agens, locum Lucilii rectius explicat, ac no-  
 „tat, bovinatorem esse tergiversatorem ac morabundum,  
 „sed strigosum dici debilitato corpore gracilem, et ita  
 „haec duo equi vitia, primum indolis, alterum corporis,  
 „separanda esse; et hinc praeferebam in hoc versu *strigo-*  
 „*sus*, ut ita translatione a iumentis et equis desumpta di-  
 „catur Hercules, post ingentia facta et exantlatos durissi-  
 „mos labores, corporis vires adeo adtenuasse, ac consum-  
 „sisse, ut quasi desertus viribus et defectus annis strigosus  
 „vocetur, cum antea Iovis magni fortissima proles esset.“  
 Haec V. Cl. Sed plura afferamus ex adnotationibus. Pag.  
 4. multa adferuntur poetarum loca, quibus, exaggerandis  
 Iovis furtis, sive amoribus, suos amores excusant. Pag. 7.  
 docetur *crines* in fluminibus appellari diverticula et ramos,  
 quibus se ab uno alveo dividunt, et pluribus brachiis in  
 mare devolvuntur. Pag. 10. de neutris active positis, ut  
*effluere liquorem*, *micare ignem* etc. prolixè agitur. Pag. 12.  
 multa de Bacho *ignigena*: pag. 14. de Septimio et Aulo  
 Sereno:

Sereno: pag. 20. de titulo Herculis, *Inuictus*: pag. 27. de deo Tutano et dea Tutelina: pag. 32. de tauroboliis et crioboliis, afferuntur. Pag. 35. illustratur usus verbi *esse* pro potestate, opportunitate, tempore, occasione, facultate, ut *cernere erat, fuerit delere Saguntum*: pag. 37. verbum *honor* de sacrificiis; pag. 39. verbum *versicolor*; pag. 51. significatio verbi *mundus* pro *coelo*, ut *sidera mundi*, et verbi *numeri* pro *Astrologiae studio*: pag. 59. formula *donis donare*; et pag. 72. *Φεάσις cernere*, seu *videre videor*. Pag. 43. de Byblo, Syriae urbe; pag. 55. de Harmonia s. Eunomia; pag. 59. de scriptura *adicit* pro *adiicit*; pag. 57. 58. de Avieno et Musonio: pag. 61. de Iove Arcano: pag. 70. de *suppara*, muliebris, nunquam virilis, vestimenti genere, exponitur. Pag. 76. Noster de verbo *breviare*: pag. 79. de substantivis vim adiectivorum habentibus, ut *viCTOR pes* apud Ovidium; pag. 78. de verbo *puerperium* pro foetu recens edito; pag. 82. de verbo *dicere* pro praedicere, de oraculis et vaticiniis; pag. 84. de verbo *murus* pro praesidio et tutela, ut *Graium murus Achilles*, disputat. Pag. 95. illustratur verbum *sentire*, de marmoribus et statuis; pag. 99. *vita* pro vita humana, seu hominibus viventibus, ut *vitam voce temperavit*; pag. 104. formula *dirigere vulnera* pro telis ac sagittis, quibus vulnera ita infliguntur, ut ictus certus sit neque fallat; pag. 135. *pietas* pro constantia castitatis et candore amoris; ibid. *patiens* pro eo, qui iniurias animo laeto perfert; pag. 139. *affectus* pro liberis et filiis hominum; p. 143. *fallere* de eo, qui ficta sub imagine latet. Pag. 105. disputat Auctor, de Cyrene, quo nomine olim Corsica appellata; pag. 115. de Thy mele; pag. 180. de tibiis paribus et imparibus; pag. 137. de verbo *frui*, cum accusativo constructo, atque de aliis pluribus, quae nihil repetere attinet. Si, quae nostra sit de labore V. Cl. sententia, libere dicendum est, non negamus quidem, efflorescere hasce adnotationes accuratae eruditionis varietate, iidem vero, et nimia copia, et nimio defectu plurimas earum laborari, profitemur. Similis no-



bis videtur Burmannianus commentarius agro, in quibusdam locis sterili et nudo, in aliis tot floribus collucenti, ut ipsa copia oculis fastidium pariat. Sed de hoc paullo copiosius agamus.

Primum quidem quid opus fuit, tantos phrasium acervos cumulare, tot veterum auctorum loca comportare, ut vel patientissimus quisque non sine taedio haec perlegere possit? Est proprium hoc scholae Burmannianae, cui alias litterae multum debent, vitium, in cumulandis exemplis operosam sedulitatem ostentare. Non negamus, aliquo lectorum cum fructu exemplorum inter se comparisonem institui, dicendique formulas bene similibus allatis explicari et illustrari, si vel verba sint obsoleta, vel ex aevo recentiore aut Graeco sermone repetenda quaedam occurrant, vel denique phrasae nondum in vulgus notae sint. Verum eos, qui res et verba vel tironibus et pueris nota sine necessitate, solius lectionis ostentandae causa, ambitiose multis exemplis illustrent, atque eiusmodi disputationibus, quibus paullulum in his litteris progressi aequo animo careant, librum onerant, magnam laudem et gloriam mereri negamus. Quare miramur, Burmannum saepe talia congesisse et scripsisse, ut lectores vix tironibus peritiores expectasse et postulasse videatur. Pueris certe haec pag. 36. scripta sunt: „puras manus habere dicebantur, „qui nullo capitali scelere admissso eas inpollutas servaverant ac castas; ut dicto Ovidii loco — puras ad sidera „supplex Cressa manus tollens; ita apud Iustinian. Novell. „21. cap. 1. Et ut ipse quoque puris utatur manibus. „vide Gronov. ad Senec. Med. v. 901. et Torrent. ac Lipsium ad Suetonii Titum cap. IX. Sic in loco Iosephi Iscarni modo prolato, Mente litat pura: et in genere pura „manus, mens pura, vestis et similia, in sacrorum ceremoniis usitatissima sunt, quia in iis omnia pura esse debebant. vide Patruum ad Petron. cap. XLIV. pag. 212. Eratne, quaesumus, operae pretium, adnotare pag. 59: „Hoc „posuit donum, significat, dedicat, consecrat, ut saepe; „ita

„ita in alio Epigrammate apud Pithoeum Lib. I. pag. 5.  
 „Aediculam hanc Nymphis posui. Virg. VI. Aen. v. 19. de  
 „Daedalo: — posuitque immania templa. Iuvenalis Sat.  
 „XII. v. 94. Cuius pro reditu tot pono altaria. Auctor  
 „carminis liberi in Priapeiis carm. XXVI. Cymbala cum cro-  
 „talis, pruriginis arma, Priapo ponit; sed hoc satis notum  
 „et obvium est. vide Munker. ad Hygin. Fab. 3. et 188.  
 „et Broukhuf. ad Propert. Lib. II. El. XI. v. 27.“ Verum  
 non insuave erit plura huc transferre. „Pag. 85. sic apud  
 „Horat. Lib. II. Od. 30. 10. violens Aufidus; et violens  
 „victor Lib. I. Epist. 10. 37. ita Cel. Oudendorpius puta-  
 „bat emendandum esse apud Apulei. Lib. VI. pag. 119.  
 „ed. Fric. violentes aquas excipit. — Marcian. Cap. Lib. I.  
 „pag. 7. undarum violens rapiditas; immo Virgilio IV.  
 „G. 373. violentior amnis; tum apud Serenum Sammon.  
 „v. 471. violens natura medelae.“ En tibi aliud: pag. 72.  
 „Elegans, apud poetas praesertim, usus est huius locutio-  
 „nis, *neque enim*, sed saepe depravatae; ita supra in hoc  
 „carmine v. 12. ex emendatione Heinsii: — neque enim  
 „ulla est culpa parentis. Ovidius XIV. Met. v. 25. At Cir-  
 „ce, neque enim flammis habet aptius ulla Talibus inge-  
 „nium, et v. 246. Nate Dea, (neque enim, finito Marte,  
 „vocandus Hostis es,) Aenea; et sic ille saepius. Statius  
 „Lib. V. Sylv. 11. 51. Disce puer, nec enim externo mo-  
 „nitore petendus Virtutis tibi pulcher amor. Iosephus  
 „Iscanus Lib. II. v. 363. nec enim secura meandi Copia,  
 „et ibid. v. 523. nec enim tibi, Iuno, nepotes Invideo.  
 „Iuslinus Lib. II. cap. 13. §. 11, Siquidem quotidiano la-  
 „bori, (neque enim ulla est metuentibus quies,) etiam fa-  
 „mes accesserat.“ Addere potuisset V. Cl. epistolam Ci-  
 ceronis ad Lucceium, Lib. V. ep. 12. in qua minimum  
 decies verba *neque enim* repetuntur. Ultimum adscriba-  
 mus. Pag. 141. „consumere, ait, de iis, quae irrita co-  
 „natu perdimus; ut consumere preces, pro incassum fun-  
 „dere, apud Ovid. VIII. Met. v. 106. Consumtis preci-  
 „bus violentam transit in iram, et Lib. II. v. 575. — ut-

„que precando Tempora cum blandis consumsit inania ver-  
 „bis; ubi vide notas. quo loco egregie firmatur lectio  
 „Cod. MSS. Florent. et Dorvill. apud Apuleium, monente  
 „Oudendorpio, Lib. V. Met. pag. 91. Eo simul cum  
 „nocte dilapso diem totum cum lacrimis (vel in lacrimis)  
 „ac plangoribus misella consumit: eo sensu consumere  
 „orationem apud Sallust. Iug. 25. fine; multa tamen ora-  
 „tione consumpta legati frustra discessere, ubi vid. Cort.  
 „ita consumere pro exhaustire Ovidio VIII. Met. 875.  
 „Vis tamen illa mali postquam consumserat omnem Mate-  
 „riam; et de mole mundi pondere fessa Valer. Fl. Lib. I.  
 „832. Ingenti iacet ore Chaos, quod pondere fessam  
 „Materiem, lapsumque queat consumere mundum; ita  
 „fortuna vires consumere dicitur Senecae Agam. 698.  
 „Fortuna vires ipsa consumsit suas. vide notas Patruj ad  
 „Petron. cap. XXXIII. pag. 130.“ Sed en! plane nova  
 et inaudita se offert nobis observatio. Scribit enim V. Cl.  
 pag. 506. „hactenus non de tempore, sed loco vel re di-  
 „citur. de quo vide Manut. ad Cicer. II. ad Fam. I. et  
 „Gronov. Observ. ad Script. Eccles. cap. 22. licet contra  
 „sentiat Pincier. III. Parerg. 13.“ Digna haec fuerint,  
 quibus V. Cl. tempus et chartam perderet, alii iudicent:  
 nobis quidem legentibus non semel venit in mentem illud  
 poetae, *Turpe est difficiles habere nugas*; nam profecto nugae  
 sunt, coacervare haec talia. Errabunt vero, qui haec sola ab  
 Auctore praeter necessitatem recocta lectoribusque appo-  
 sita existiment: sunt enim longe plura. Sic pag. 7. multa  
 loca cumulat, in quibus *praepes* occurrit. At utinam eo  
 loco explicasset, quid sit — *magnus cui praepete nimbo Per-  
 fluit Oceanus*? Notum est, nimbum esse tempestatem in-  
 gruentem subito, repentinam perturbationem aeris, plu-  
 viam. Habebuntne vero hae significationes hic locum?  
 non putamus. Mallet fortasse aliquis legere *lympha*. De-  
 inde quid, cui flumina cana sonanti Cineta salo resonant?  
 Melior profecto Isidori lectio huius loci: sed in his, *cui  
 tempora cana crepanti Cineta salo resonant*, odiosus etiam  
 con-

concurfus verborum *sonanti falò refonant*. Nifi fortaffe aliquis cum Taubmanno ad Plaut. Menaech. II, 3, 53. et Turnebo Adv. Lib. VII. cap. 19. hunc concurfum exemplis Virgilii aliorumque defendere velit. Pag. 15. ut Noster Cupidinis in deos hominesque imperium et potestatem declararet, non Claudiani folum et Virgilii, fed testimonia quoque Iosephi Ifcani, Alani ab Infulis, Regiani de Thermis, Io. Matth. Toscani, Sannazarii, et Nic. Grudii adfert. Quid opus fuit, tot fcriptores, tot auctoritates cumulare de laboribus Hercules, de Nemeo leone, de virginibus ab eo vitiatis? pag. 21. de curru Veneris? p. 28. de cognominibus Dianae? p. 63. de Syrenibus? p. 113. et p. 142. Sed quid hoc nobis mirum videtur, cum multis exemplis idem Burmannus demonftrèt, primam in *cycnus* interdum corripì, pag. 29. *tremifcere* active usurpàri, pag. 46. quid fit *animofus*, pag. 39. *flare* de ftatuis dici, ibid. *motus* poni pro saltatione, pag. 51. bene latine dici *alta vulnera*, pag. 66. elegantem effe ufum particularum *fic quoque*. Quare tot locis pag. 69. phrafim *rumperè moram*: pag. 81. *tangere littus*: pag. 86. *proferre imperium* pro extendere: pag. 96. *enfe metere*: pag. 72. *fecurus amorum*: pag. 107. *opus amoris*, illuftrat? Ignorabamus fortaffe, *micare* de fideribus dici, pag. 138. aut arbores *aerias* appellari a poetis, pag. 100. Ignorabamus etiam, Philomelam in ramis federe et cantare, pag. 138. atque labdrem et quietem vices hominum alternare, fomnumque nos operi reparare, pag. 140. Si hoc non erat, non opus habuit Vir Cl. nubem exemplorum et auctoritatum congregere. Atque talia quidem multa poffemus adferre, fi fines nobis circumdatos tranfilire, et duo reliquos libros haberet perluftrare. Melius profecto egiffet, fi inutilibus hifce, quae fcholaflici hominis collectanea, obfcura diligentia congefita, fapiunt, omiffis, maiorem in obfcuris enodandis, et corruptis emendandis, diligentiam poffuiffet. Afferamus ex Libro I. aliquot exempla, quae luce aliqua adhuc nobis egere videntur.



Debuerat v. c. pag. 2. explicare, *Deus unus et omnis*.  
 Pag. 8. *cruribus aethera carpo*: pag. 16. *anhelat in se saevus Amor, fraudeinque in vulnere quaerit*: ibid. *numerosa caede necemus*. Pag. 3. *rei omnis Iupiter ortus*.

*Nam simul occuluit, rursus extulit omnia leto,*

*Corde suo e sacro, consultor lumine rebus:*

Deesse nobis aliquid videtur, quod τῷ occuluit respondeat. Nos hunc defectum ita resarciremus:

*Nam simul occuluit vultum, caligine tristi*

Omnia merguntur, (vel cuncta immerfa iacent,) *rursus* etc. Hoc enim indicare voluisse videtur poeta, sicut Iupiter quando vultum exferat, omnia animet, sic, si abscondat, omnia tristitia fieri et caliginosa. Ibid. ad Ep. 6. bene advocare potuisset Vir Cl. epigramma Posidippi ἐὶς τὸν καὶ πρὶν, et Ausonii similis argumenti, quae poeta prae oculis sine dubio habuit: sed totum epigramma aliqua luce eget, ut et Ep. 7. *cur pluteus machina sacra, quid vana mendacia?* adde ep. 16. pag. 8. et 33. ep. 57. et 59. p. 40. ep. 69. p. 64. ep. 83. p. 78. ep. 92. p. 89. ep. 107. p. 110. ep. 159. p. 111. ep. 166. p. 146. ep. 175. Maxima plerorumque epigrammatum elegantia in acuminibus latet, quorum tamen, licet subobscurorum saepe, explicationem Vir Cl. praetermittit. Pag. 5.

*Vulneris impatiens hominum rerumque repertor,*

*Et faciem tauro propior* (ut Noster pro *proprior* bene emendat) *- descendit ad undam,*

*Europam nivei solatur amore iuveni;*

τὸ solari, non male egisset Vir Cl., si illustrasset. Legendum videtur, ut expeditior sit versuum horum lectio, *En! faciem* — et pro *solatur, solatus*. Pag. 13. de Marte

*Incutis e vultu radiantia lumina ferro,*

pro quo Heinsius in praef. ad Claud. *e cultu ferreo*. Cur non potius *e vultu ferreo*? sive illud proprie sumas, sive per ferum exponas, ut Ovid. Ep. 12. 183. *ferrea* praecordia, Tibullus saecula *ferrea*, et alii dixerunt. Pag. 16.

*Myrti inter frutices pallentis roris in herba.* Quid *herba pallentis*

*pallentis roris?* An rore perfusa? non credimus ita latine dici posse. An potius herba roris marini? myrtus certe cum rore marino saepe apud poetas coniungitur, ut apud Ovid. Art. 3. 690. *Ros maris et laurus, nigraque myrtus olent*, et Horat. *Parvo coronantem marino Rore deos fragilique myrto*. Verum nullum recordamur locum, in quo simpliciter *ros* pro rore marino dicatur. Pag. 29. quid *Pallada bubo vehit, sed eum rota nulla figurat?* quid pag. 30. *age tympano sonanti quate flexibile caput?* quid pag. 40. *deum remota mens vestro colitur favente ductu?* quid pag. 41. *Nunc alterna movens suspenso pollice crura?* ibid. v. 8. 12. 19. 83. et 132. explicare debebat Noster; ut et haec pag. 71. *Quae te prima virum conlato pectore fecit:* pag. 76. *Namque hominis semper meritorum lege perenni. Quam breviam fatum, propagat gloria vitam:* pag. 90. *flamma dissiluit nullis noxia turbinibus.* Obscuri sunt pag. 134. versus:

*Sic tua semper ames, quisquis pia vota requiris,  
Nostra libenter habe; quid carminis otia ludant,  
Cerne bonus, mentisque fidem probus incole iudex.*

Pag. 136. v. 15. vellemus exposuisset Noster: — dextram  
*Torpor et ira ligat, dum dura vocabula firmat,  
Et minus explicitam commendat littera vocem.*

Sed totum carmen negligentius habitum esse videtur: vide v. 24. 35. 36. 54. 56. 71. 94. 97. 98. 139. Pag. 134. in centone Virgiliano miramur certissimam emendationem a Viro Cl. omissam esse. Nam locus hic

— — *cui talia fandi*

*Delapsus calor atque in ventos vita recessit,*  
corrigendus est ex illo Virg. Aen. IV. v. 705. — *omnis et una  
Dilapsus calor atque in ventos vita recessit.*

Pag. 96.

*Omnia in hac picta est virtutis imagine forma  
Hanc labor acer opus grande parare iubet.*

emendandum *Hic labor* — id est, in hac tabula. Sed totum carmen recentius aevum redolere videtur. Pag. 100.

*Quos paribus nutrix eadem pavisse papillis,*

*Pectore*

*Pectore quos uno genetrix gestasse probatur,  
Diffidiis indiscissis in mutua saepe  
Vulnera non una peritura clade ruerunt.*

Molestissima in versu tertio compositio; fallimur, aut *Diffidiis illi saevis* — legendum. Pag. 145.

*Nec pater Anchises, vestraeque aut Dardanus auctor  
Gentis, sed durae tigres lapidesque sinistri,  
Te genuere virum sylvae montesque profani.*

Quid hic lapides sinistri? Immo legamus lapidesque, *sinistrum Te genuere virum* — id est noxium, infelicem, ut saepe boni scriptores verbo *sinister* utuntur. Pag. 167.

*Nec venit in mentem sudans sub vomere taurus,  
Iam gravior Pelias, et aena undantia flammis  
Squamosusque draco, et quaesitas sanguine dotes:*

Facilis, sed bona et necessaria est emendatio, *quaesitae* —.

Restant praeterea aliqua, in quibus vel Vir. Cl. errasse existimamus, vel ab illo dissentimus, quae bona illius cum venia ex Lib. I. proponemus. Pag. 4. *Terga bovis credens Europa, ascendit alumni*; addit Noster: male Tollius primo versu bovi. At quomodo tunc verborum ordo collocetur, scire lubet. Tolliana vero lectio facilis et expedita est. In eodem epigr. non opus erat, pro *non revisura patrem*, scribere *non reductura patri*. Non adeo religiose metri et syllabarum rationem habuerunt plurimi poetarum, quorum carmina haec Anthologia exhibet. Ad epigr. XXII. pag. 11.

*Infantem Nymphae Bachum, quo tempore ab igne  
Prodiit, inventum sub cinere, abluerant:  
Ex illo Nymphis cum Bacho gratia multa est  
Seiunctus quod sit ignis et urat adhuc:*

inter alia haec adnotata sunt: „carminis huius Auctor colore poetico nihil aliud docet, quam vinum aqua temperandum esse.“ Nobis quidem tale quidquam hic observare non contigit. Videtur potius vel poeta illud indicare voluisse, vino amorem excitari, ut paullo post in alio Epigr. *Ardenti Bacho succenditur ignis Amoris*; vel solam Nympha-

Nympharum cum Bacho coniunctionem cecinisse. Has enim saepe poetae Bachi amicas et comites faciunt, ut Horatius in nobili carmine:

*Bachum in remotis carmina rupibus*

*Vidi docentem (credite posteri)*

*Nymphasque discentes —*

et sic saepe alii. Pag. 25. pro *Undecimum mala Hesperidum distracta triumphum*, edit *destricta*. *Destringere* nobis significationem stringendo et arcte comprehendendo aliquid auferendi habere videtur, atque ideo quidem de frondibus et foliis dici posse, non autem de pomis, quae arboribus *detrahuntur*. Atque hoc verbum substitueremus hoc loco. Pag. 41.

*Nam quae deiectisvolvuntur saxa catervis,*

*Haec sunt murorum mox revotanda minis:*

illud catervis mendosum esse, iam Cl. Oudendorpius vidit. Vellemus vel *columnis*, vel *cavernis*, quibus inaedificatum templum, quibusque dirutis saxa devolvuntur, emendare. Facilior nobis emendatio se offert in Epigr. 72. ibid. Nam pro

*Discite securos nonnunquam credere amores,*

certe rescribendum *vos nunquam*. Commemorat in hoc carmine poeta concubitum Martis et Veneris, deorumque exemplo nunquam secure amari docet. Nam, ut paullo post ait, ipsa Venus,

*Nec sibi securas potuit praebere latebras:*

et multo clarius mentem suam declarat poeta infra p. 48.

*O rerum male tuta fides! o gaudia et ipsis*

*Vix secura deis: quis non, cum Cypris amaret,*

*Praefide sub tanto tutum speraret amorem?*

*Quid speret mortalis amor? —*

Nihil evidentius. Pag. 85. non opus est legere pro

*O quantos Priamo lux attulit illa dolores!*

*Quos fletus Hecube, quos dedit Andromache.*

*Quot fletus Hecubae, quot dedit Andromachae! Fletus dat Hecube latinum est: quos, ponitur pro quantos: sensus in*

Tttt

hac



hac lectione aequè bonus est, ac in illa. Pag. 115, pro *Transluit scopulos et inhospita littora classis*, coniicit *Transiit ut scopulos* —, insolitam enim illam locutionem putat, et quae dicatur sine exemplo. Valde nobis hoc mirum videtur. Habuit procul dubio poeta in animo notum locum Horatii, Lib. I. Od. 3. v. 24.

— — *si tamen impiae*

*Non tangenda rates transiliunt vada.*

Nihil igitur mutandum. Pag. 101. pro:

*Invenit proprios Narcissus fontibus ignes,*

*Et sua deceptum torret imago virum:*

invenit in cod. *urit*, atque ideo coniicit *ludit*. Quare vero? Primum *torrere* pro amore inflammare et cruciare est bene latine dictum; notam illud Horatii, *face mutua torrere*. Deinde requiri etiam videtur *torrere* s. urere, cum praecedant proprii ignes, totumque Epigrammatis acumen in eo consistat, ut aquae poeta flammam tribuat. Pag. 147.

*Aspera diverso laxatur vita dolore,*

*Et morti vicinus eo, — —*

Noster coniicit *lassatur*. At nihil opus. Vita mea, quae antea fortuna secunda quasi continebatur, dissolvitur aerumnis, variisque doloribus, ut supra pag. 142. *parvumque resolvere corpus Morte gravi*. Sensus elegantissimus est. Pag. 140. — *spisso revirescit gramine campus, Et vitreas ligat herba comas*. Burmannus corrigit *virides*. Utinam potius *τὸ ligat* explicasset. Illa enim emendatione carere poteramus. *Vitreus* saepissime pro viridi ponitur, ut docet Salmasius ad Lamprid. Heliog. c. 19. ubi ex veteri Inscriptione *vitream pilam* adfert, et per viridem exponit. Nota sunt etiam *vitrea antra*, *vitrea sedilia*, et alia, quae saepe apud poetas occurrunt. Statius Silv. I. 5. 16. *Nymphis vitreum crinem* tribuit. An forte igitur locus ita explicandus: Campus offert Nymphis flores ad revinciendas comas. Eadem prope sententia est infra pag. 141. ubi

*Pictus*

*Pictus ager sub flore latet, dat fronte coronas*

*Lascivis natura rosis. — —*

In Salm. et Leid. cod. legitur *dat fronde coronas*. Licet hoc Vir Cl. reliciat. Age, restituamus pulcherrimum poetae locum sic: *dat fronde coronis Lascivas natura rosas*. Iudicent viri docti. Pag. 135. insignem nobis hallucinationem Auctoris deprehendisse videmur. Locus est ex epistola Didonis ad Aeneam hic:

*Dum fludet iratas animus celare querelas*

*Continuit dolor ipse manum, nec plura loquentem*

*Passus amor meritisque vias et verba ligavit.*

Ad quae Vir Cl. haec adnotat: celare querelas: „ita emendandum non dubitavi, cum prave in Salm. Leid. et Divion. cod. legeretur *colorare*; non dissimile illud Paridis „apud Ovid. Epist. XVI. 7. sed male dissimulo, quis enim „celaverit ignem? Lumine qui semper proditur ipse suo: „et Medae Epist. XII. 37. Perfide, sensisti; quis enim „bene celat amorem? Eminent indicio prodita flamma suo.“ Non recte attendisse videtur Vir Cl. Nam si illius emendationem amplectamur, quomodo explicabimus: *Continuit dolor ipse manum*. Certissimum est, Didonem hoc dicere velle; se prae dolore ne scribere quidem, angoremque et cruciatum animi enarrare posse. Hoc iam supra poeta dixerat:

*Quamvis saepe, gravi componam carmine fletus,*

*Plus habet ipse dolor, nec complent verba dolorem:*

hoc infra repetit:

— — *dextram*

*Torpor et ira ligat, dum dura vocabula firmat:*

atque idem v. 83. inculcat:

— *vellem placidis peritura querelis*

*Flere domo, vellem tacitos profundere fletus,*

*Sed negat ipse dolor.*

Longe igitur alius est horum versuum sensus, quam eorum, quos Vir Cl. ex Ovidio laudat; atque retinendum aptum et necessarium verbum *colorare*. At metrum re-

pugnat; quasi hoc carmen solum esset in Anthologia, in quo metri leges poetae neglexerint. Si vero aures tuas delicatas haec syllaba tantopere offendit, retineas per nos verbum Burmannianum, sed levi mutatione transformatum, nempe sic:

*Dum studeat iratas animus caelare querelas*

*Continuit dolor ipse manum:*

caelare, id est, exprimere carmine, pingere, narrare. Finem faciat satis lepida adnotatio pag. 173. ab Auctore scripta: — „veteres *ἐὐφημισμῶν* causâ numina inauspicata „nominare subterfugiebant —, hinc Il. A. 340. *Βασιλῆον* „*ἀπηνέα* rectius veritas non memorandum, vel illaudatum „regem, quam inmitem, ut illaudatum Busirida dixit Virg.“ Primum dicere debebat Vir Cl. *Βασιλῆα ἀπηνέα*: deinde idem esse putare videtur, *non memorandum et illaudatum*: sed differre haec vehementer, docebunt Servius ad Virg. Georg. 3, 4. Gell. 2, 6. et Clarckius ad Iliad. A. denique *ἀπηνής* eo loco nihil est aliud, quam *χαλεπός, σκληρός*, ut Schol. exponit, crudelis, ferus. Alias etiam *ἀεικέα, λειγόν, μῆνιν ὀυλομένην, νῆσον κακὴν*, et alia, quae mali significationem habent, per *non memoranda* possemus interpretari. Sed cur in his ob *ἐὐφημισμὸν* veram verborum vim non ponere liceat, hoc non assequimur.

Atque hic quidem calamus poneremus, nisi molestam nobis Vir Cl. necessitatem imposuisset, pauca quaedam pro Viro quodam docto dicendi, cuius de *Specimine novae editionis Anthologiae Latinae* iudicium, in Actis nostris A. MDCCXLVIII. pag. 123. propositum, parum modeste et humane acceptum esse videmus. Constitueramus quidem primum, qui minime Burmanno tantum tribuimus, ut nostram estimationem illius vel laude augeri, vel vituperio minui credamus, convicia, quae in nos coniecit, silentio praeterire, illisque refutandis neque tempus, neque chartam impendere: sed ne, si iniuriam contentu ulcisceremur, nos errorem agnovisse, et agnitum dissimulasse arbitretur, aut sibi nimium beatus et pulcher videatur, nolimus

luimus nobis nostroque Collegae deesse. Res vero se ita habent. Adsperserat Vir doctus in illa recensione Speciminis Anthologiae observationes aliquot, atque, quibus carmina emendanda esse putaverat, coniecturas. Quis hoc reprehendat, aut ideo conviciis nos dignos existimet? *Hanc qui emendationem admittere negaverit*, ait Barthius in Advers. Lib. XLIX. c. 12. *per me sane sibi excogitet aliam. Ut enim haec de publico petuntur, non habent qui impediatur quo minus cuilibet pateant.* Neque tamen idem sensit Burmannus, neque hunc quasi in suum regnum impetum aequo animo tulit. Non certe alioquin pag. 74. hoc rusticitatis suae testimonium dedisset: „Aliter rei litterariae tribunus in Actis Lipsiens. — „— liberalitate non invidenda suppositis his, vel insertis „octo versibus, quos addere hic operae pretium est, nisi „tantum lectori faciant taedium legendo, quam mihi de- „scribendo — —: festivam vero corniculam, cuius tam „belli sunt pulli. Nos eos cum auctore suo illuc redire „iubemus, unde malum pedem attulerunt. Iovem certe „Patroum iurare velim, artificem hunc, cum Scholastico ve- „nae minime felicitis aut foecundae versificatore, de palma „invenusti et inculti modulaminis certare voluisse. — „— nostrum non esse sciat, cum eiusmodi ingeniis capi- „talibus in campum progredi. Melius, micare in tran- „quillo tuarum litterarum portu in posterum latere poteris, „quam conatu temerario in Parnassum eniti:

„— — tu si iveris illuc,

„Saevorum certa ex factorum lege peristi.“

Haec Burmannus, ὅς ἐ' ἔπεα φρεσὶν ἦσαν ἄκοσμά τε πολ-  
λά τε ἤδη, — ὁξέα κεκληγὼς λέγ' ὀνειδέα. Nos quidem  
sententiam magni Apollinis non magnopere ad animum re-  
vocamus; sed eo magis inhumanitatem illius miramur, quo  
modestius Vir doctus cum eo egerat. Quid enim huma-  
nius dici potuit, quam hoc: „Nihil hic neque a Codicibus,  
„neque ab elegante Burmanni nostri Musa, opis accipi-  
„mus. Utinam illa defectum — nobis explevisset! Inter-  
„ea tentemus indoctam nostram et agrestem poesin, spe-



„rantes rogantesque venustam Burmanni Calliopen, ut in-  
conditos nostros cantus aliquando arguto suo modulanti-  
„ne debeat.“ Quid igitur est, quod tantopere excandue-  
rit? quid est, quod illi stomachum movere potuit? Si,  
quod hinc colligimus, nefas esse putat, aliquem a se dis-  
sentire, atque ideo Virum doctum dignum iudicavit in  
quem inveheretur, nihil profecto effecit hac sua defen-  
sione aliud, quam ut insigne exemplum Critici immodesti,  
acerbi adversus bona monentes, et paedagogico fastu tur-  
gidi, omni aeternitati traderet. Verum non satis habuit  
Vir Cl. hasce tantummodo coronas et laudes, ita enim de  
copviciis illius sentimus, in nos conicere. Iterum pag. 77.  
in nos insurgit: „Dictator, ait, Lipsiensis, a longo ab-  
„hinc tempore litterariis Batavorum studiis nimis certe ad-  
„versus et iniurius.“ Iniquus fortasse Collega noster est,  
qui non plenis manibus *Petro Burmanno Secundo* thura ob-  
tulerit, qui non statim cum Iano Grotio illi occinuerit:

*Barbariae domitor, quem Sæda latina loquentem*

*Et Charis inrorant nectaris umbre sui.*

*Posteritas venerare virum, qui vindice dextra*

*Adferit Ausonii tot monumenta soli.*

*Quid mirum et veteres illum æquiparare poetas?*

*Ingentis Patruī pondus et instar habet.*

An vero ideo iniurii et adversi Batavorum studiis censendi  
sumus? Honorifice omni tempore de Dorvillio, Wesselingio,  
Hemsterhusio, Runckenio, Meermanno, Valckenario, aliis-  
que verae doctrinae statoribus et vindicibus, sensimus, eo-  
rumque immortalia monumenta laudavimus atque summo-  
pere commendavimus. Quomodo etiam nos, qui ad lit-  
terarum decus splendoremque tuendum, conservandum,  
augendumque, omnem nostram operam et laborem conse-  
rimus, non illorum ingeniis et diligentiae favemus, qui  
idem sibi nobiscum propositum habent? Sed est operæ pre-  
tium repetere ea paucis, quae ibi Vir doctus de Burman-  
niano Specimine dixit, ut hoc facilius homines, a partium  
studii liberi, de animo nostro erga Batavos iudicare pos-  
sint.

sint. Dixeramus vero ibi: „neminem fore, qui Viri Cl. „studium, et benignam de literis bene merendi volunta- „tem, non laudet et exosculetur, vitamque et vires ipsi „perficiendo tanto operi necessarias optet, avidusque id, „quam primum liceat, praestoletur; — eundem, si quis „alius, cperi suo parem esse, eoque instructum usu poe- „tarum latinorum, ea Romanae poeseos peritia, iisque „tandem dotibus, quae in Critico requirantur.“ Suntne vero haec verba animi lividi et iniqui indicia? Quid humanius dici potuit? aut quibus verbis ingenium et doctrina Viri Cl. magis extolli? Sed videmus, eheu! quid illum tantopere ufferit. Professus enim tum fuit Collega noster, ut multa in his animadversionibus praeteriisse, sic phrasium saepe, ultimi subsellii pueris notarum, acervos cumulasse, et sexcenties dicta recorisse Burmannum. An vero mentitus est? Nonne nos idem in hac recensione satis superque docuimus? Atque longe pluribus male sedulam Viri Cl. diligentiam ostendere poteramus, si duo reliquos libros evolvere libuisset. Verum nolimus laudi illius detrachere, sed brevibus tantum lectores, ne, si in laudibus enarrandis nimii essemus, deinde se, ab assentatoribus nobis deceptos, pro thesauro carbones invenisse quererentur, monere. Atque etiam nunc lenius cum Viro Cl. egimus, quam inhumanitas illius meretur. Quis enim, si asperius in illum invehi velimus, hoc nobis non concedat? Nam, qui, quae voluit, dixit, etiam, quae nolit, illi audienda sunt. Sed carum nobis semper et venerabile Burmannianum nomen fuit eritque. Maioris igitur Burmanni meritis, quorum memoria non, nisi cum ipsis litteris, delebitur, peccata Minoris, inhumanitatem, puta, immodestiam, et protervitatem, condonabimus. Denique non verendum esse certissime nobis persuasum habemus, ut, quamdiu et Anthologiae Burmannianae, et horum Actorum plagula supersit, nos causa cadamus.

HISTOIRE DES HOMMES ILLUSTRES DE L'ORDRE  
de Saint Dominique, etc.

id est:

*HISTORIA VIRORUM ILLUSTRUM ORDINIS  
S. Dominici, videlicet Pontificum, Cardinalium, Prae-  
latorum, scientia et sanctitate eminentium, celebrium  
doctorum, aliorumque magnorum virorum, qui socie-  
tatem hanc inde a morte primi conditoris, ad ponti-  
ficatum usque Benedicti XIII. plurimum illustrarunt.  
Auctore Rev. Patre A. TOURON, Sodalitii  
huius Socio.*

TOM. I. Paris. apud Barbaty 4. mai. Alph. 4. plag. 12.  
TOM. II. ibid. Alph. 4. plag. 6.

**S**odalitas illa, quae a Dominico nomen tulit, a multo  
fatis tempore floruit, illa aetate confirmata, qua plu-  
res ob doctrinae corruptionem, superstitionem, et in-  
valescentem tyrannidem, ab ecclesiae Romanensis societate  
se seiungebant, quibus Dominicanorum familia fuit opposi-  
ta: et quoniam ex ipsa illa multi prodierunt, qui ad sum-  
mas ecclesiae dignitates fuerunt evekti, facile adparet,  
Dominicanos haud postremam partem mutationum illarum  
fuisse, quae post in ecclesia sunt consecutae, adeoque ac-  
curatiorem notitiam societatis huius multum facere ad hi-  
storiae ecclesiasticae illustrationem. Quare laudem omni-  
no meretur rever. *Touronius*, laborem hunc in se suscipi-  
endo, ut vitas virorum, qui doctrina, virtute, et meritis  
prae aliis inter Dominici sequaces emnuerunt, enarraret;  
quem ita favente Lucina est exsecutus, ut non solum  
Benedicti XIV. adprobationem, verum etiam communem  
fere plausum fuerit nactus; nam et in linguas Hispani-  
cam et Italicam liber est conversus. Opus integrum V. ab-  
solvitur Tomis, quorum cuique fere integrum destinavit sae-  
culum.

Tom.

Tom. I. *Benedicto XIV.* P. M. ob singularem, qua in sodalitium ferebatur, benevolentiam, inscripsit. In praefatione praedicat Dominicanorum doctrinam, sanctitatem, et merita in ecclesiam, quorum etiam plures ad supremas dignitates sint promoti. Non visum fuit ipsi ordinem sequi historicum, sed potius chronologicum, non interrupta serie ea, quae ad vitam cuiusque spectant, exhibendo. Ob ingentem sociorum, qui doctrina incluti exstiter, numerum, multos praeterire est coactus: maxime cum documenta necessaria non praesto adessent. Nihil tamen se adfectui dedisse profitetur, ubique secutum testimonia illorum, quorum fides in illustri posita loco sit. Evolvit igitur diligenter libros et manu exaratos, et typis evulgatos, quorum etiam verba ut plurimum latine adduxit, et suae relationi subiecit. Ex recentioribus in subsidium adhibuit *Odoricum Raynaldum, Ughellium, Spondanum, Baluzium, Pleurium, Dionys. Sanmarthanum*, quos ubi cum scriptoribus societatis suae non usque quaque convenire apprehendit, pondera et evidentiam rationum pensitavit.

Tom. I. absolvitur VIII. Libris, quibus vitae 80. enarrantur. Vitae *Dominici*, et primorum instituti huius sociorum, frustra hic quaeruntur, quas aliquot annis ante singulari volumine persecutus est. Paucis nominabimus illos, quorum vitas describit Lib. I: 1) *Raymondus de Pennaforti*, illustri apud Catalonos gente procreatus A. MCLXXV. Munere publici doctoris apud Bononienses multa cum laude functus, in patriam reversus, additus est iuveni regi Arragoniae *Iacobo I.* quo illius vitam atque studia moderaretur. A *Gregorio IX.* solus dignus est iudicatus, qui decreta Pontificum, post collectionem, a *Gratiano* institutam, edita, colligeret, inque ordinem digereret; quod opus intra triennium absolvit, seque Pontifici mirum in modum probavit. Anno MCCXXXVIII. Superior generalis Societatis est electus. In Mauris et Iudaeis, ad christianam religionem perducendis, multum operae posuit, in exilium pulsus illis, qui in pervicacia sua persisterent;

Uuuu

contra



contra illos vero, qui se Christianos tantum simulabant, inquisitionis tribunal ipsius suasu potissimum est erectum. Mortuus d. 6. Ian. A. MCCLXXV: in sanctorum numerum relatus a *Clemente VIII.* A. MDCL. 2) *S. Petrus Gonçalez*, vulgo dictus *Telmus*, Hispanus, in vitam hanc est ingressus circa A. MCXC. Iuvenis favore avunculi, antistitis Asturigenis, amplissimis muneribus ecclesiasticis est praefectus, quibus vero se sponte abdicavit, et societati nomen dedit. Miraculis inclaruisse dicitur, vivis exemtus A. MCCXLVI. inde beatorum coelitem numero adscriptus. Hunc nautae Hispani et Lusitani tanquam numen aliquod tutelare venerantur, ad eundemque sub nomine *S. Telmi* preces suas, tempestatibus coortis, dirigunt. 3) *S. Gonçalez*, cognomento *Amarantus*, Lusitanus, in lucem editus A. MCLXXXVII. Cum iam muneribus ecclesiasticis admotus esset, amore in terram sanctam ductus, iter eo instituit. Decessit A. MCCLIX. in sanctorum numerum cooptatus a *Pio IV.* A. MDLX. 4) *Gilles de Sainte Irène*, Hispanus, lucem vitae adspexit Anno MCXC. rector provincialis societatis suae per totam Hispaniam est constitutus A. MCCXXXIV. qua dignitate se exiit A. MCCXLII. Obiit d. 14. Maii A. MCCLXV. Dono prophetiae et miraculorum clarus fuisse perhibetur, quem Lusitani ceu deum praestitem suspiciunt. Lib. II. 5) *Ioannes Teutonicus*, natus circa finem Saec. XII. Wildeshusae, oppido Westphaliae. Initio secutus est aulam Friderici II. Imp. illique acceptus fuit, sed post, pertaesus vitae aulicae, Bononiam, litteris operaturus, abiit. A. MCCXXXII. Pontifex eum episcopum Bosniae constituit, et nuntium suum dixit, quam tamen dignitatem, adnunte Pontifice, A. MCCXXXVII. missam fecit, A. MCCXLI. supremus totius societatis praefectus declaratus, diem suum obiit d. 14. Nov. A. MCCLII. 6) *Gualterus Mauclerck*, Anglus gente, vivendi initium fecit circa A. MCXC. Ex episcopo, qui simul praecipuis regni negotiis implicatus esset, monachus Dominicanus factus, decessit Anno MCCXLVIII.

MCCXLVIII. d. 28. Oct. 7) *Jacobus Placentinus*, episcopus Intemiliensis, denatus circa finem A. MCCL. 8) *Dan. Makelly*, in lucem hanc editus in Hibernia sub finem Saec. XII. archiepiscopus Cassiliensis electus A. MCCXXXVII. inter vivos esse desit A. MCCLIII. 9) *Ioannes de S. Gilles*, Anglus natione, primum medicum regis Galliae Philippi Augusti egit, post se totum sacris dedit studiis, inque Angliam reversus, theologiam in academia Oxoniensi docuit. 10) *Ascelinus*, aliquando etiam *Anselmus* dictus, Italus gente. A. MCCXLV. ad Tartaros a Pontifice est missus, ut ipsos, si ad fidem in Christum permovere non posset, saltem ad mitiorem mentem revocaret, quo a devastatione terrarum christianarum abstinere. Ad Mohammedanos etiam profectus, ut ipsorum conversioni intentus esset. Martyrio inter gentes functum fuisse, sunt qui referant. 11) *Andreas de Lonjumeau (de Longiamello)*, Gallus ortu. A S. Ludovico Constantinopolin est missus, ut sacras reliquias inde referret, et ab Innocentio IV. A. MCCXLV. ad patriarchas orientales, ut illos sedi Romanae reconciliaret, ad Tartaros etiam concessit. Ubi loci, et quo anno exspiraverit, incertum est. 12) *Constantinus Mediceus* natales ducebat ex illustri Mediceorum gente: A. MCCLVI. Constantinopolin ablegatus, ut dissidia inter ecclesiam Latinam et Graecam componeret. Mortuus in Graecia circa finem Anni MCCLVII. 13) *Jacobus Boncambius*, episc. Bononiensis, et legatus apostolicus in Anglia, fato cessit A. MCCLX. 14) *Rogerus Leontinus*, episcopus Melfitanus, legatus papae in regno Siciliae, floruit circa medium Saec. XIII. naturae debitum solvit A. MCCLX. 15) *Guilielmus Peraldus*, Gallus. Num episcopus Lugdunensis fuerit, auctoritate fide dignorum scriptorum probari nequit. Docuit Parisiis, et multa scripta reliquit, quorum aliqua edita, alia in bibliothecis delitescunt. 16) *Vincentius Bellovacensis*, pluribus scriptis clarus, quem nonnulli episcopum Bellovacensem dicunt, fati legem implevit A. MCCLXIV. Lib. III. 17) *Hugo de Sancto*

*Sancto Claro*, quem Gallum fuisse probavit *Franc. Duchesnius*. A. MCCXXXIII. Constantinopolin missus est, ut Graecos Latinis reconciliaret, sed colloquiis ultro citroque habitis, inde rediit. A. MCCXLIV. Cardinalis presbyter nominatus, Anno MCCLI. tanquam legatus a latere in Germaniam discessit. Vivendi finem fecit A. MCCLXIII. d. 19. Mart. 18) *Henricus* Polonus, episcopus Culmenensis et legatus pontificius. Lithuanos et Borussos doctrina Christi imbuere est admissus. 19) *Thomas Cantipratanus*, Belga, oriundus Lovanio A. MCCI. Num coadiutor episcopi Cameracenensis fuerit, non omnino constat. 20) *Hannibaldus Hannibaldensis de Molaria*, Romanus, purpura donatus A. MCCLXI. vel ut *Fleurius* vult, A. MCCLXII. Fato succubuit A. MCCLXXII. 21) *Iacobus Crescentinus*, Romae circa finem Saec. XII. in lucem editus. Avunculo suo, purpurato Crescenti, socius adiunctus, in terris septentrionalibus doctrinam Evangelii disseminare studuit. Viventium numero exemptus circa A. MCCLXXII. 22) *Thomas de Bertha*, episcopus Senensis creatus A. MCCLIII. mortuus A. MCCLXXIII. 23) *Guilielmus Tripolitanus*, Tripoli in Syria circa A. MCCXX. vita fini cepit. Mohammedanorum conversionem tentavit. Vivere desit post A. MCCLXXIII. 24) *Gottsofr. de Bello loco*, confessionarius Ludovici sancti, quem etiam in Orientem, post Africam, est comitatus. 25) *Petrus de Sancto Asterio*, natus circa finem Saec. XII. Petricorienensis episcopus nominatus A. MCCXXXII. a quo tamen munere missionem impetravit A. MCCLXVI. mortem oppetiit d. 14. Iul. A. MCCLXXV. 26) *Reinerius*, Italus, a Gregorio IX. Vicecancellarius ecclesiae Romanae nuncupatus A. MCCXLVII. episcopus Magalonensis factus A. MCCXLVIII. venenata hostia, immani scelere, sublatus. 27) *Rainerius Placentinus*. A Waldensibus, quorum pastor fuerat, ad catholicos reversus, illos omni ratione est infectatus, mortuus A. MCCLXII. 28) *Rainerius*, Pisanus, vitalem auram haurire coepit inclinato Saec. XIII. 29) *Humbertus Romanus*, societatis suae Generalis electus A. MCCLIV. quam

quam tamen provinciam deposuit A. MCCLXIII. animam efflavit A. MCCLXXVII. d. 14. Iul. Lib. IV. 30) *Innocentius V.* P. M. Petrus de Tarantasia ante dictus, natus A. MCCXXV. Archiepiscopus Lugdunensis constitutus Anno MCCLXXII. anno seq. purpuratorum collegio adscriptus, pontifex electus A. MCCLXXVI. d. 21. Ian. Viterbii vitae finem vidit A. MCCLXXVI. d. 22. Jun. 31) *Andreas Albalathensis*, episcopus Valentinus ab A. MCCXLVIII. vitam finivit Viterbii A. MCCLXXVII. 32) *Martinus Polonus*, Archiepiscopus Gnesnensis, et Primas regni declaratus A. MCCLXXII. 33) *Aldobrandinus*, alias adpellatus *Hildebrandus*, a pontifice Gregorio X. urbi veteri datus episcopus A. MCCLXXII. expiravit A. MCCLXXIX. 34) *Morandus Signiensis*, Callienensis episcopus initiatus A. MCCLIX. post ad sedem Florentinam translatus A. MCCLXV. Mors ipsius a quibusdam innectitur A. MCCLXXVI. 35) *Robertus Kilovarli*, Anglus, natus circa A. MCCIV. Cum per aliquot annos theologiam in academia Oxoniensi docuisset, Archiepiscopus Cantuariensis, et Primas regni est factus A. MCCLXXII. purpura ornatus A. MCCLXXVIII. d. 12. Mart. veneno extinctus fuisse censetur Viterbii A. MCCLXXX. 36) *Guido de Soliaco*, Archiepiscopus Biturigum denominatus A. MCCLXXVI. d. 27. Maii. Mors ipsius contigit A. MCCLXXXI. d. 15. Mart. 37) *Guilielmus de Morbeca*, Belga, A. MCCLXXVII. Corinthi archiepiscopus designatus, in quo munere multas molestias devorandas habuit. 38) *Rogerus Calcagnus*, Florentinus, episcopus Castrensis in Italia factus A. MCCXL. de vita decessit A. MCCLXXIV. 39) *Ioannes de Derlintonia*, Anglus, Archiepiscopus Dublinensis ab A. MCCLXXIX. morte superatus Londini d. 29. Mart. A. MCCLXXXIV. 40) *Ioannes de Vercellis*, Generalis societatis per Longobardiam, ad Imperatorem graecum missus, quo religionis dissidia componerentur, Anno MCCLXVII. denatus A. MCCLXXXIII. d. 30. Nov. Lib. V. 41) *Ambrosius Senensis*, natus A. MCCXX. d. 16. April. evangelium multis praedicavit in locis, et cum singulari



suada esset, ipsius opera in componendis dissidiis desiderata fuit. Vitae finem fecit A. MCCLXXXVI. d. 20. Mart. in sanctorum numerum post obitum relatus. 42) *Guido de la Tour du Pin* natus A. MCCXXXII. obiit A. MCCLXXXVI. 43) *Petrus et Franciscus de Cendre*, quorum ille fuit Prior monasterii Barcinonensis, fato functus A. MCCXLIV. hic in convertendis Mauris multum studii posuit, expiravit A. MCCLXXXI. 44) *Paullus Christiani*, linguae Ebraicae peritissimus, celebris disputatione, inter ipsum et R. Mosen Gerundensem, praesente rege, domo regia, et proceribus, A. MCCLXIII. habita, in qua hic causa cecidit, multorumque Iudaeorum secuta est conversio. 45) *Raymundus Martini*, Catalonus, focius Paulli, in debellandis erroribus Iudaeorum et Maurorum totus fuit, cuius *pugio fidei* prolixè recensetur. 46) *Arnaldus de Segarra*, Catalonus, A. MCCXLIX. provincialis Hispaniae est factus, post confessionarius regis Arragoniae, Iacobi I. 47) *Ioannes Columna*, Archiepiscopus Messanenensis. 48) *Io. Polus*, archiepiscopus Pisanus. 49) *Paperonus*, episcopus Fulginatensis et Spoletanus, inauguratus A. MCCLXV. obiit circa A. MCCXC. 50) *Ioannes II.* archiep. Upsaliensis, expiravit d. 8. Sept. A. MCCXCI. 51) *Bartholomaeus Varelli*, Leontinus, Liparenensis episcopus ab A. MCCLII. 52) *Simon Leontinus*, episcopus Syracusanus nominatus A. MCCXLVIII. mort. A. MCCXCII. 53) *Nicolaus de Hanaps*, patriarcha Hierosolymitanus et Ptolemaidis, qua expugnata, cum, nave conscensa, vitam servare vellet, submersus periit. Lib. VI. 54) *Latinus Malebranche*, nepos Nicolai III. A. MCCLXXVIII. d. 12. Mart. purpuratus ecclesiae Romanae et episcopus Ostiensis nominatus, multas legationes cum laude obiit, defecit A. MCCXCIV. m. Aug. 55) *Raymundus de Mevilion*, episcopus Vapinci et Ebroduni, in lucem hanc ingressus A. MCCXXXV. obiit A. MCCXCIV. 56) *Bonifacius de Fiesqui*, nuntius pontificis in Gallia, archiepiscopus Ravennatensis inde ab A. MCCLXXIV. vivendi finem fecit A. MCCXCIV. d. 24. Dec. 57) *Hugo Ayccelinus de Billon*,  
A.

A. MCCLXXXVIII. purpuratis patribus adscriptus, inde sacri collegii decanus factus, decessit A. MCCXCVII. d. 29. Dec. 58) *Iacobus de Voragine*, primus sacras litteras in Italicum idioma convertisse dicitur, provincialis societatis per Langobardiam A. MCCLXVII. archiepiscopus Genuensis A. MCCXCII. obiit A. MCCXCVIII. 59) *Guilielmus de Hotun*, Anglus, provincialis per Angliam A. MCCLXXXII. archiepiscopus Dublinensis A. MCCXCVII. Ultimum exhalavit spiritum in Gallia A. MCCXCVIII. m. Aug. 60) *Munio de Zamora*, Hispan. praefectus societatis A. MCCLXXXV. nuncupatus, quo munere tamen est exutus, factus episcopus Palentinus, decessit A. MCCC. d. 7. Mart. 61) *S. Iacobus Mevaniensis*, vita frui coepit A. MCCXX. multa in commodum sodalitatis suae fecit, vivis exemptus A. MCCCII. d. 22. Aug. 62) *Hugolinus Ariminensis*, episcopatum in urbe patria administravit ab A. MCCXXXII. ad MCCXLIX. 63) *Aloisius de Rossat*, successit Hugolino A. MCCL. inde translatus Bergomum, mort. A. MCCLXVII. d. 26. Ianuar. 64) *Herbordus*, Hungarus, antistes Bergomenis ab A. MCCLXI. decessit A. MCCLXXII. 65) *Laurentius Ariminensis*, obiit A. MCCCII. 66) *Ioannes Iordanus Savellus*, Romanus, factus episcopus Patavinus A. MCCXCV. inde Bononiam ad idem munus concessit. 67) *Gentilis Urfinus*, episcopus Catanensis, vitam reliquit A. MCCCIII. 68) *Radulphus de Granville*, Gallus, ex Palaestina redux factus, confessionarius Caroli regis Neapolitani, A. MCCXCIV. creatus patriarcha Hierosolymitanus, exspiravit A. MCCCIV. m. Nov. Lib. VII. 69) *Benedictus XI.* obscuris ortus natalibus A. MCCXL. post varios honores purpuratus est proclamatus a Bonifacio VIII. A. MCCCIII. d. 21. Oct. concordibus suffragiis creatus pontifex, elapsis autem 8. mensibus et 17. diebus veneno extinctus periit. Lib. VIII. 70) *Nicolaus Albertinus*, lucem adspexit A. MCCLV. Episcopus Spoletanus nominatus A. MCCXCIX. quem pontifex tanquam oratorem suum ablegavit in Galliam et Angliam, post vicarium suum Romae constituit, A. MCCCIII. d. 18.

d. 18. Dec. in purpuratorum collegium adscitus. Diem obiit A. MCCCXXII. m. Mart. 71) *Guilielmus de Maclesfeld*, Anglus, cardinalis presbyter declaratus A. MCCCIII. d. 18. Dec. non multo post fato functus. 72) *Gualterius Vinterbornensis*, Anglus, cardinalis factus d. 21. Febr. A. MCCCIV. 73) *Ioannes de Allodio*, Gallus, primum canonicus ecclesiae cathedralis Parisiensis, post eiusdem cancellarius, denatus d. 1. Oct. A. MCCCVI. 74) *Dietherius Nassovius*, illustri principum Nassoviorum prosapia ortus, frater Adolphi Imperatoris, legatus pontificis ad Imperatorem dictus A. MCCXCV. nec ita multo post ad fastigium archiepiscopi Trevirensis evectus, vitam cum morte commutavit A. MCCCVII. d. 23. Nov. 75) *Guilielmus de Montcade*, Catalonus, episcopus ecclesiae Urgelitanae Anno MCCXCIV. vivendi finem fecit A. MCCCVIII. 76) *Thomas Iorzius*, provincialis ordinis sui per Angliam, confessionarius regis Angliae, et minister status, cardinalis declaratus et legatus a latere, Gratianopoli ultimum clausit diem A. MCCCX. d. 30. Dec. 77) *Raymundus de Ponte*, Hispanus, cancellarius regis Arragoniae, et inde ab A. MCCLXXXVIII. episcopus Valentinus. 78) *Richardus de Montecrucis*, Florentinus, maximam vitae partem in terris versus orientem solem sitis exegit, vivere desit A. MCCCIX. d. 31. Oct. 79) *Iacobus Salomo*, Venetus, natus A. MCCXXXI. decessit A. MCCCXIV. 80) *Franco Perusinus*, in peregrinis oris, et speciatim in Persia, magna cum libertate, nec minore fructu, Iesum adnuntiavit, quem proinde pontifex in illis partibus archiepiscopum esse iussit.

Tomus II. pariter VIII. complectitur libros, in quibus vitae habentur 58. Lib. IX. 1) *Augustinus de Zagotthes*, Illyricus episcopus primum Zagrabiensis, cui post rex Siciliae episcopatum in urbe, cui nomen Luceria paganorum, commisit, decessit A. MCCCXXIII. d. 30. Aug. ab *Ioanne XXII.* sanctis accensus. 2) *Nicolaus de Freauville*, natus Rotomagi circa medium Saec. XIII. A. MCCCIV. d. 15. Dec. in purpuratorum collegio locum obtinuit,

tinuit, gravissimis a pontifice adhibitus negotiis, denatus A. MCCCXXIV. d. 14. Febr. 3) *Oddo de Sala*, Pisanus, A. MCCXCVII. episcopi munus suscepit in urbe Sardiniae *Terra nova*, inde ad archiepiscopalem sedem Arboreensem transitum fecit, post A. MCCCXII. factus archiepiscopus Pisanus, tum patriarcha Alexandrinus A. MCCCXXII. mortuus A. MCCCXXV. 4) *Raymundus Beguinus*, Tolosanus, magister sacri palatii factus A. MCCCXXI. cardinalis A. MCCCXXIV. et patriarcha Hierosolymitanus. Viventium numero est exemptus sub finem A. MCCCXXVIII. 5) *Nicolaus Trivetus*, Anglus, natus A. MCCLVIII. Docuit Oxonii et Parisiis, variis scriptis celebris. 6) *Berengarius de Langore*, lucem vidit A. MCCLXII. Anno MCCC. commissarius apostolicus Carcassonenfis, et vicarius generalis totius societatis A. MCCCVII. constitutus, inde superior generalis et confessionarius Henrici VII. Imperatoris, archiepiscopus Compostellensis nominatus A. MCCCXVII. d. 5. Sept. Lib. X. 7) *Bernhardus Guidonis*, Lemovicensis, in lucem editus A. MCCLX. Generalis ordinis sui electus A. MCCCVII. ad sedem Tudensem promotus A. MCCCXIII. episcopatum Lutevensem occupavit, de vita decessit A. MCCCXXXII. d. 30. Dec. 8) *Bartholomaeus Bononiensis*. Circa finem A. MCCCXVIII. constituebatur caput missionis in orientem, et episcopus Marathensis inaugurabatur, tandem novae sedi archiepiscopali in provincia Naxivanensi praeficiebatur, decessitque A. MCCCXXXIII. d. 5. Aug. 9) *Ioannes Florentinus*, socius laborum et praedicationis Bartholomaei Bononiensis, quem pontifex A. MCCCXXIX. primum episcopum urbis Teflis constituit. 10) *Angelus Porta Solius*, Perusinus, lucem hausit circa A. MCCXC. cui post pontifex locum inter poenitentiarios ecclesiae Romanae dedit, inde factus episcopus Solzensis in Sardinia A. MCCCXXIV. denique Grossetanus A. MCCCXXX. Vivis exemptus est d. 22. Febr. A. MCCCXXXIV. 11) *Iacobus de Benefactis*, Mantuanus, qui, patriae suae episcopus designatus, obiit A. MCCCXXXVIII. 12) *Du-*



*randus de Sancto Porciano*, primum magister sacri palatii, post haec episcopus Aniciensis factus, inde A. MCCCXXVI. translatus ad sedem Meldensem. 13) *Franciscus Camerinus* et *Richardus Cam.* quorum ille Italus, hic Anglus, uterque insigni ardore evangelium infidelibus praedicandi flagrabat: igitur in orientem abiverunt, ac inter Armenios, Tartaros, aliasque gentes Asiae, evangelium adnuntiarunt. 14) *B. Mauritius*, princeps Hungariae, regio sanguine cretus. Hic sponte sua, una cum coniuge, Palatini filia, omnia commoda externa posthabuit, et terras suas ac praedia alicui cognatorum reliquit, parte quadam reddituum adsignata monasterio, in quo vitam agebat. Margaretha coniux in Italiam secessit, ibidemque omne tempus meditando, precando, aliisque exercitiis spiritualibus, extraxit. Decessit A. MCCCXXXVI. d. 20. Mart. Lib. XI. 15) *Guilielmus Petrus Godinus*, Gallus, natus circa medium Saec. XIII. A. MCCCIII. In hunc dignitas Superioris Dominicanorum Provinciae et Tolosae conferebatur; post variis legationibus nomine Pontificis obitis, A. MCCCVI. magister sacri palatii est constitutus, A. MCCCXII. m. Dec. Cardinalis creatus, inde in Hispaniam tanquam orator pontificius missus. Inter vivos esse desit A. MCCCXXXVI. d. 4. Iun. 16) *Benedictus d'Asinago*, dictus etiam *Benedictus de Cunis*, Italus. Ad Imperatorem graecum Andronicum mittebatur A. MCCCXXVI. ut graecos in sinum ecclesiae reduceret. Redux factus est episcopus Comi, denatus A. MCCCXXXIX. 17) *Matthaeus Urfinus*, A. MCCCXXII. societatis per provinciam Romanam nominatus est praefectus, post episcopus Gergentinus, inde archiepiscopus Sipontinus, tandem Cardinalis, mortuus d. 17. Aug. A. MCCCXL. 18) *Dalmatius Morerus*, Catalonus, natus A. MCCXCI. denatus A. MCCCXLI. d. 14. Sept. sanctorum coetui adnumeratus secuto tempore. 19) *Petrus de Palude*, vita frui coepit A. MCCLXXV. factus deinceps Generalis ordinis sui: patriarcha Hierosolymitanus A. MCCCXXIX. denominatus, in Palaestinam se contulit. Quoniam autem Christianorum

rum in terra sancta conditionem miseram deprehenderat, inde redux principibus Europae suavit, ut de novo expeditionem eo instituèrent: sed res effectu caruit. Decessit Parisiis A. MCCCXLII. d. 31. Ian. 20) *Simon Salterellus*, natus Florentiae A. MCCLXI. Provincialis ordinis sui per provinciam Romanam creatus est A. MCCCXI. sequ. anno factus procurator generalis, A. MCCCXVII. episcopus Parmensis, post Pisanus, turbis, quae Italiam concutiebant, implicitus, per tempus aliquod sede sua est deiectus, sed restitutus A. MCCCXXIX. finem vivendi fecit A. MCCCXLII. d. 24. Sept. Lib. XII. 21) *Gerhardus Domarus*, Generalis societatis est electus A. MCCCXLII. nec ita multo post Cardinalis. Avenione ultimum diem vidit A. MCCCXLIII. d. 27. Sept. 22) *Venturinus Bergomensis*, natus Anno MCCCIV. populos et principes ad expeditionem adversus Turcas excitavit, quibus seipsum adiunxit, atque passim in oriente, potissimum Smirnae, praedicavit: occubuit A. MCCCXLVI. d. 28. Mart. 23) *Annibal Tolomeus, Michael et Aeneas Tolomei*. Primus, iuvenis non optimam egit vitam, sed inde ad meliorem fugam conversus, virtutibus eminuit, et passim praedicando multos ecclesiae adiunxit; qua re motus Honorius IV. A. MCCLXXXV. ipsum nuntium apostolicum per Siciliam declaravit; inde ablegatus in orientem. Decessit tandem Avenione A. MCCCXX. d. 24. Iun. Michael et Aeneas, eidem adscripti societati, vivere desierunt A. MCCCXLVIII. 24) *Hugolinus de S. Marco*, Parmensis, episcopus Cremonensis factus Anno MCCCXXVII. m. Mart. qui, quoniam se Ludovico Bavaro opponebat, multa perpressus est. Munere se suo abdicavit A. MCCCXLIX. inque monasterium secessit, mortuus A. MCCCL. 25) *Guilielmus Dulcinus*, Montalbansis, nuntius apostolicus per Italiam declaratus Anno MCCCXXVII. episcopus Lucensis A. MCCCXXX. decessit A. MCCCXLIX. d. 12. Aprilis. 26) *Guilielmus Laudunensis*, Gallus, natus circa A. MCCLXX. magister sacri palatii

tii nuncupatus A. MCCCXII. archiepiscopus Viennensis in Gallia A. MCCCXX. a pontifice in Franciam missus A. MCCCXXIII. ut discordias familiae regiae sopiret, post translatus ad sedem archiepiscopalem Tolosanam. 27) *Ioannes de Molendino*, magister sacri palatii ab A. MCCCXLV. ad MCCCXLIX. quo supremus praefectus societatis est electus, Cardinalis dictus d. 17. Dec. A. MCCCL. Vitae finem nactus est Avenione d. 23. Febr. A. MCCCLIII. 28) *Ioannes Taulerus*, Germanus, vitae luce donatus A. MCCXCIV. Multo ardore virtutem pietatemque christianam promotam cupiit, suis concionibus non Argentorati solum, verum etiam per totam Germaniam, celebris. Obiit Argentorati d. 17. Maii A. MCCCLXI. secundum Echar- dum A. MCCCLXXIX. 29) *Humbertus II*, illustri principum Delphinatus prosapia oriundus A. MCCCXII. Mortuo fratre, principatus ad ipsum est devolutus, quem etiam adiit, et multa cum laude administravit. Interfuit et expeditioni adversus Saracenos: sed principe filio mortuo, posteaquam de terris suis cum rege Galliae pactus esset, monasterium est ingressus A. MCCCXLIX. patriarcha Alexandrinus denominatus, A. MCCCLII. administratio etiam ecclesiae Remensis ipsi est demandata, obiit A. MCCCLV. d. 22. Maii. 30) *Angelus Acciaiolus*, Florentinus, natus A. MCCXCVII. Invitus episcopatum in urbe Aquila suscepit A. MCCCXXVIII. inde arcessitus ad sedem Florentinam Anno MCCCXLII. a rege Neapoleos titulo magni cancellarii honoratus est A. MCCCXLVIII. obiit d. 6. Oct. A. MCCCLVII. 31) *Nicolaus Rosselli*, in lucem editus A. MCCCXIV. d. 30. Nov. Provincialis ordinis sui per Hispaniam designatus, itemque inquisitor generalis Anno MCCCLVI. Innocentius ipsi locum in purpuratorum senatu dedit A. MCCCLVI. denatus A. MCCCLXII. d. 28. Mart. 32) *Petrus et Alexander Strozzi*, illustres Florentini, quorum ille, ubi multa cum laude Parisiis et Florentiae docuerat, societatis praefectus est adpellatus, et obiit A.

A. MCCCLXII. d. 22. Aprilis. Alter, a pietatis exercitiis et concionibus laudatus omnibus, decessit A. MCCCLXXXIII. 33) *Henricus Amandus Suson*, Suevus, per omnem vitam vacavit exercitiis spiritualibus. Diem supremum obiit A. MCCCLXV. d. 25. Ian. 34) *Ioannes de Tambacho*, natus in Alfatia A. MCCLXXXVIII. Cum A. MCCCXLVII. academia Pragensis aperiretur, ex primis nascentis scholae professoribus fuit, sacri palatii magister factus A. MCCCLXVI. Decesit Friburgi d. 30. Ian. A. MCCCLXXII. 35) *Ioannes Schadenland*, A. MCCCLIX. episcopus Culmenfis creatus, inde translatus Hildesiam, quo munere vero se abdicavit circa A. MCCCLXV. post episcopus Vormatiensis constitutus, exspiravit Constantiae A. MCCCLXXIII. 36) *Guilielmus Sudre*, Gallus, A. MCCCXLVIII. provincialis dioeceseos Tolosanae est electus, anno sequenti factus sacri palatii magister, A. MCCCLXI. episcopus Masiliensis, purpuratus ecclesiae Romanae A. MCCCLXVI. obiit versus finem A. MCCCLXXIII. 37) *Carolus Alenconienfis*, munus archiepiscopale Lugduni adiit A. MCCCLXV. fato functus A. MCCCLXXV. d. 5. Iul. 38) *Hugo Gaspot*, Anno MCCCXLIX. episcopus Cenedensis in Marchia Tarvisina est constitutus, post ut legatus apostolicus Constantinopolin missus, decessit A. MCCCLXXVI. 39) *Andreas de la Tour*, quem Urbanus V. A. MCCCLXVII. poenitentiarium suum adpellavit, sed non ita multo post archiepiscopus Genuensis est electus d. 21. Febr. A. MCCCLXVIII. vivis exemptus d. 6. April. A. MCCCLXXVII. Lib. XIV. 40) *Catharina Senensis* cui inter viros illustres locum concedit A. quoniam et alii scriptores ecclesiastici eius meminerunt. Huius animi dotes, virtutes, prudentiam, praedictiones, miracula, amplis verbis dilaudat. Mortua A. MCCCLXXX. d. 9. April. in sanctorum concilio relata a Pio II. Lib. XV. 41) *Philippus Gezza Rufinus*, Romanus, quem Clemens VI. poenitentiarium apostolicum in ecclesia S. Petri Romae constituit, non multo post episcopum Iseriae dictum A. MCCCXLVIII. unde A. MCCCLXVII. ad sedem Tiburti-





nam est translatus, tandem Cardinalis factus, mortuus A. MCCCLXXX. 42) *Thomas*, Anglus, confessorius regis Angliae Richardi II. post Cardinalis. 43) *Nicolaus a S. Saturnino*, Gallus, provincialis per Provinciam creatus A. MCCCLXVI. magister sacri palatii factus A. MCCCLXXVI. mortuus A. MCCCLXXXII. d. 21. Iun. 44) *Ioannes Aldobrandinus*, Florentinus, episcopus Gubienfis, quam tamen dignitatem post sponte sua missam fecit. 45) *Simon Lingonienfis*, Gallus, quem Clemens poenitentiarium suum elegit A. MCCCL. et ordinis sui per Franciam Superiorem dicit, A. MCCCLXVI. m. April. constitutus episcopus Nannetenfis. Tandem senio confectus, munere se suo abdicavit, inque monasterium secessit. 46) *Nicolaus Moschinus Caracciolus*, ad cardinalitiam adfurrexit dignitatem d. 18. Sept. A. MCCCLXXVIII. mort. d. 29. Iul. A. MCCCLXXXIX. 47) *Elias Raimundus*, Tolosan. vulgo dictus, A. MCCCLXVI. vicarius generalis ordinis sui factus, tandem Superior generalis, decessit A. MCCCLXXXIX. d. 31. Dec. 48) *Thomas Casatenfis*, Pedemontanus, confessorius ducis Sabaudiae A. MCCCLXXXIII. Cardinalis a Clemente VII. creatus, exspiravit A. MCCCXC. d. 17. Ian. 49) *Ioannes de Novo Castro*, Cardinalis nominatus a Clemente VII. d. 23. Dec. A. MCCCLXXXIII. denatus A. MCCCXCVIII. d. 4. Octobr. 50) *Guido Maranaldus*, generalis inquisitor per regnum Neapolitanum, exspiravit d. 25. Iun. A. MCCCXCI. cui ob miraculorum frequentiam per longum satis tempus cultus publicus in regno Neapolitano est exhibitus. 51) *Nicolaus Eymericus*, Catalonus, natus A. MCCCXX. inquisitor generalis per Arragoniam factus A. MCCCLVI. defunctus A. MCCCXCIX. d. 4. Ianuar. 52) Ex illis, qui e Graecis ecclesiae latinae et Dominicanorum familiae adscripti fuerunt, A. nominat 1. *Simonem* Constantinopolitanum, qui celebrem se reddidit illa tempestate, qua latini imperium orientis tenuerunt, vita decessit A. MCCCXXV. 2. *Philippum de Pera*, qui celebritatem aliquam consecutus est disputationibus adversus graecos. 3. *Emmanuellem Calecam*,

*Iecam*, qui ob disputationes et scripta contra graecos Constantinopoli est expulsus. Lib. XVII. 53) *Raymundus Capuensis*, post diversos labores in emolumentum ecclesiae exantlatos, Gregorius XI. ipsum A. MCCCLXXVI. poenitentiarium suum nominavit, A. MCCCLXXIX. factus est provincialis per Langobardiam, fato succubuit A. MCCCXCIX. m. Octobr. 54) *Andreas de Franchis*, nobilis Florentinus, A. MCCCLXXVII. episcopus Pistoienfis electus, quo munere se abdicavit postea ob senium, inque monasterium se contulit, ultimum diem clausit A. MCCCCI. d. 26. Maii. Memoria et reliquiae eius apud Pistoienfes magna fuerunt in veneratione, qui semel atque iterum flagitarunt, ut sanctorum catalogo infereretur; titulum *beati* ipsi dedit Benedictus XIII. eique statuam marmoream poni curavit. 55) *Ioannes Benedictus*, nobilis Venetus, A. MCCCC. patriarchatus Gradenfis ei decernebatur, sed ut munus hoc adiret, nullis precibus, nec adhortationibus flecti potuit. 56) *Vincentius Ulyssiponenfis*, circa A. MCCCLXXVIII. constitutus provincialis societatis per Lusitaniam et Castellam, itemque inquisitor per totam Hispaniam. Ioannes I. rex Lusitaniae eum A. MCCCLXXXV. adpellavit concionatorem suum, confessionarium, et consiliarium. Denatus A. MCCCCI. d. 14. Iul. 57) *Thomas Firmanus*, Italus, generalis superior societatis electus A. MCCCCI. m. Maio, obiit d. 27. April. A. MCCCCXIII. 58) *Ioannes Dominicus*, illustris Florentinus, procreatus A. MCCCLVII. vel secundum alios A. MCCCLX. archiepiscopus Ragusanus, tandem Cardinalis. In concilio Constantiensi opera ipsius fuit plane eximia, et Imperator Sigismundus consiliis eius in gravissimis negotiis est usus. Viventium numero est exemptus A. MCCCCXVIII. vel ex aliorum sententia d. 10. Jun. MCCCCXIX. Index rerum memoratu dignarum singulis Tomis est subiectus. Chartae et typorum nitor se harum elegantiarum studiosis facile commendabunt.

## NOVA LITTERARIA.

**I**n omnium doctorum manibus versantur, meritaque celebrantur laude, Benedictinorum e S. Mauri Congregatione *Novi Commentarii de Re Diplomatica*, (Nouveau Traité de Diplomatie,) de quibus nos quoque in his Actis, recensendo Tomum eorum I. et II. diximus. Sed cum maiori pretio vendatur hoc opus a librariis, quam ut in bibliothecas mediocri fortuna hominum pervenire possit, praetereaque emendationum et supplementorum nequaquam impatiens videatur: convertendi eius in theoticum sermonem consilium suscepit Vir doctus, *Ioh. Christoph. Adelung*, in Gymnasio Evangelico Erfurtano Professor, et hoc ipso tempore primi Voluminis versionem eadem in urbe publicavit. Non solum autem diligenter ille et accurate vertit, sed adnotationes etiam plurimas subiecit bonae frugis, quibus partim corrigit Auctorum narrationes, partim auget. Ut commodius legerentur hi commentarii, in fronte Sectionis cuiusque synopsis argumenti posuit, contextumque continuum in paragraphos diremit. Iubet etiam nos Supplementorum Tomum unum et item alterum sperare, quibus cum aliorum auctorum de re diplomatica observationes selectae, tum, quas hic desideres adhuc, de patriae nostrae diplomatibus, disquisitiones proponantur. Hac vero opera quin libri utilissimi, neque tantum, quod imperiti forsitan existiment, ad diplomata cognoscenda, sed ad omnem litterarum historiam imbibendam aptissimi, praestantia, non contemnendam nanciscatur accessionem, dubitari non potest.





# INDEX AUCTORUM, quorum Libri, aut Inventa, in hoc Volumine recensentur:

## I. *Libri Theologici et ad Historiam Eccle- siasticam spectantes.*

- A**m-Ende (Ioach. Gottlob) *Christeis, hoc est, Acta Apo-  
stolorum e lingua originali in latinam translata, et car-  
mine heroico expressa, notisque subiunctis illustrata.* p. 69
- Basilii Magni *Oratio de humana Christi natura, gr. et lat. ex  
recensione Iuliani Garnier, in Sectiones primum descripta,  
nova versione, argumento, et notulis macta, per Ioh. Bened.  
Carpzov.* 35
- Magnum Bullarium Romanum, seu eiusdem Continuatio, quae  
Supplementi loco fit editionibus omnibus. Cum Rubricis,  
Summariis, Scholiis, et Indicibus. Pars XIII. s. Tomus  
XIX.* 481
- Chais (Caroli) *Sacra Biblia cum commentario expositionis lit-  
teralis, ex optimis, Anglis praesertim, interpretibus con-  
cinnato. Tomi V. Pars Prior.* 422
- Cremeri (Bern. Sebast.) *Fata Ecclesiae Christianae, inde ab  
Ecclesia Apostolica usque ad initia Reformationis; sive Com-  
mentarii in Apocalypsin Iohannis, Partes duae. Editae a  
filio successore, Franc. Lud. Cremero.* 324
- Farlati (Danielis) *Illyricum Sacrum:*  
Tomus I. *Eccles. Salonit. a Sec. I. ad IV.* 593  
Tomus II. *a Sec. IV. usque ad excidium Salonae.* 625



# I N D E X

de Haas ( <i>Gerhardi</i> ) <i>Specimen criticum in loca quaedam Evangelistica.</i>	380
Hartzheim ( <i>Iosephi</i> ) <i>Concilia Germaniae, a Schannato magna ex parte collecta, iam aucta, continuata, illustrata. Tomus I.</i>	227
Heumanni ( <i>Christoph. Aug.</i> ) <i>Emendationes Operum Tertulliani, et Analysis Libri Tertulliani de Praescriptionibus.</i>	97
— — — <i>Earundem Continuatio Prima</i>	241
— — — <i>Continuatio Secunda</i>	433
— — — <i>Commentariorum in Novi Foederis Libros divinos Pars Decima, priorem Pauli ad Corinthios Epistolam complexa.</i>	193
Kulenkamp ( <i>Gerh.</i> ) <i>Διάκρισις modesta Quaestionis philologico-hermeneuticae, circa ellipsin litterae vel particulae interrogantis in Codice Hebraeo Biblico motae, num ea sit omnino eliminanda, an vero, sed non temere, admittenda?</i>	612
Maseuli ( <i>Ioh. Bapt.</i> ) <i>Encomia Coelituum digesta per singulos anni dies, una cum veterum fastis.</i>	120
Michaelis ( <i>Ioh. Dav.</i> ) <i>Syntagma Commentationum.</i>	337
Millii ( <i>Dav.</i> ) <i>Miscellanea Sacra, Iesariae Cap. LIV. Psalm. CXXI. et CXXII. aliaque argumenta, tam theologica, quam exegetica, enucleantia.</i>	293
Pfaffii ( <i>Christoph. Matthaei</i> ) <i>Lectiones Academicae super Idea Theologiae Anti-Deisticae.</i>	273
<i>Rituale Romanum, Caeremoniale Episcoporum, ac Pontificale Romanum, S.S. D. N. Benedicti Papae XIV. iussu edita et aucta.</i>	123
Sulpicii Severi <i>Opera ad MSctos Codices emendata, notisque, observationibus, et dissertationibus illustrata, studio et labore Hieron. de Prato. Tomus I.</i>	248. 353
Tomus II.	529

## II. Libri Iuridici.

Boernerii ( <i>Georg. Gottlob</i> ) <i>de modis sanciendo foedera pacis Imperii R. G. Commentatio.</i>	430
	Kip-

## A U C T O R U M

- Kippingii *Traſtationes omnium Iuris Canonici partium, ex Hiſt. Eccleſiaſt. et Conciliis ac Ordinationibus Principum perpetuo illuſtratae.* 267
- Vicat (Philippi) *Vocabularium Iuris Utriusque ex variis ante editis, praefertim ex Alexandri Scoti, Ioh. Kahl, Barn. Briffonii, et Ioh. Gottl. Heineccii acceſſionibus concinnatum.* 636

### III. Libri Medici et Phyſici.

- Aepini (F. V.) *Sermo Academicus de ſimilitudine vis electricae et magneticae.* 234
- Albini (B. S.) *Academicarum Annotationum, Liber Quartus.* 306
- Commentarii Societatis Regiae Scientiarum Göttingenſis*  
 – Tomus I. ad A. MDCCLI. 124  
 – Tomus II. ad A. MDCCLII. 212
- Commentarii Novi Academiae Scientiarum Imperialis Petropolitanae. Tomus III. ad A. MDCCL. et A. MDCCLI.* 312
- Delectus Cochlearum et Concharum, aliorumque animalium cruſtaceorum. Auspiciis et iuſſu Pot. Daniae Regis, ad naturae veritatem picta. In aes incidit, et coloribus ſuis illuminavit Franc. Mich. Regenfus.* 289
- De recondita Februm intermittentium, tum remittentium, natura, et de earum curatione, Libri Duo.* 161
- Gesneri (Conradi) *Hiſtoriae Plantarum Faſciculus. Ex Bibliotheca Chriſtoph. Iac. Trew edidit et illuſtravit Caſim. Chriſtoph. Schmidel.* 117
- Klein (Iac. Theod.) *Stemmata avium, XL. tabulis aeneis ornata, cum Nomenclatore Latino-Polono. Edidit I. D. Titius.* 210
- Krauſe (Car. Chriſt.) *Differtatio de Quaefſtione ab Academia Petropolitana A. MDCCLVI. propoſita: quaenam ſit cauſſa proxima mutans corpus foetus, non matris gravidae, huius mente a cauſſa quadam violentiore commota, et quidem cur id fiat in ea parte corpusculi foetus, ad quam in ſuo corpore*

## I N D E X

<i>pore mater manum applicat? Accedit Ioh. Georgii Roederer de eadem quaestione disputatio.</i>	41
<i>Quaestiones Medicae Parisinae, ex bibliotheca Georg. Frid. Sigwart.</i>	487
<i>Roederer (Ioh. Georg.) Icones Uteri humani, observationibus illustratae.</i>	392
<i>Roncalli (Franc. Comit.) in Variolarum inoculationem Dissertatio epistolaris ad D. Sylvestrum Antonium Ponticelli.</i>	29
<i>Schreberi (Ioh. Christ. Dan.) Lithographia Halensis. Praefatus est Ioh. Ioach. Langius.</i>	109
<i>Tralles (Balth. Ludov.) Usus Opii salubris et noxius in morborum medela. Sectio I.</i>	21
<i style="text-align: center;">Sectio II.</i>	205

### IV. Libri Mathematici.

<i>Academiae Scientiarum Imperialis Petropolitanae Novi Commentarii. Tomus III. ad A. MDCCL. et MDCCLI.</i>	312
<i>Commentarii Societatis Regiae Scientiarum Göttingensis.</i>	
Tomus I. ad A. MDCCLI.	124
Tomus II. ad A. MDCCLII.	212
<i>Kaestneri (Abrah. Gotth.) Infinitinomii ad Potentiam Indefinitam elevati formula.</i>	61
<i>Steplinus (Ios.) Solutio directa Problematis de inveniando centro oscillationis.</i>	14

### V. Libri Historici, Geographici, Numismatici recentiores.

<i>Acta Iubilaei Secundi Gymnasii Gedanensis, A. MDCCLVIII. d. 13. Iunii solemniter celebrati.</i>	607
<i>Arkenholzii Commentarii de Rebus Christianae, Sueciae Reginae, plura ab ipsa scripta continentes. Tomus III.</i>	279

Boehmii

## A U C T O R U M

- Boehmii (Ioh. Gottlob) de Augustino Olomucensi et Patera eius aurea, in Numophylac. Seren. Princ. Reg. Elef. Dresdae adservata, Commentariolus. Accedit eiusdem Paterae delineatio, adornata a Guil. Ern. Tenzelio. 514
- Britannicarum gentium historiae antiquae Scriptores tres: Ricardus Corinensis, Gildas Badonicus, Nennius Bancho-reasis. Recensuit, notisque et indice auxit Car. Bertramus. 590
- Commentarii Diplomatici Novi, a duobus Monachis Benedictinis Congreg. S. Mauri scripti, Germanice versi, et notis instructi, a Ioh. Christ. Adelung. 720
- Dalini (Olof) Historia Regni Sueciae, ordine Annalium scripta, e Suecico idiomate in Germanicum verterunt I. C. Daehnert et Ioh. Benzellstierna. Tomus I. 498
- Desericii (Ioseph. Innocent.) de Initiis ac Maioribus Hungarorum Commentaria; quibus accedit insigne et perantiquum MSctum, ex Vaticana Bibliotheca depromptum, haftenus desideratum. Tomus I. 510
- Diplomataria et Scriptores Historiae Germanicae Medii Aevi, cum Sigillis aeri incis, opera Christ. Schoettgenii et Georg. Christoph. Kreyssigii. Accedit Praefatio Christ. Gottlieb Buderii. Tomus I. 376  
Tomus II. 445
- von Doebein (Ioh. Iac.) Historia Regiae Academiae Lundensis. 622
- Elogium Ioh. Frid. Christii, Poet. Prof. Ord. in Academ. Lipsensi. 133
- — Ioh. Ern. Hebenstreitii, Med. D. et Prof. in Acad. Lips. Ordinisque sui Decani perpetui. 179
- — Christiani Wolfii, Academiae Fridericianae Cancellarii. 449
- Gogueti (Anton. Yves) de Origine Legum, Artium et Scientiarum, earumque progressu apud veteres, Libri Tres. 49
- Grafshofii (Beni. Christoph.) Commentatio de Originibus atque Antiquitatibus S. R. I. Liberae Civitatis Muhlhusae Thuringorum, monumentis adhuc ineditis illustrata. 662

Yyyy

Hirschii



# I N D E X

- Hirschii (Ioh. Christoph.) *Archivi Monetalis Imperii Germanici*  
Pars V. 58
- Klefskeri (Ioh.) *Curae Geographicae, cum Mich. Richeii*  
*Dissertatione Epistolica de loco Hochbuch. Edidit, et de in-*  
*crementis Geographiae recentissimis praefatus est, Ioh. Georg.*  
Buesch. 574
- Malleti *Introductio in Historiam Daniae, cum Supplementis, in*  
*quibus Edda.* 15
- — *Historia Daniae, inde ab origine Monarchiae, usque*  
*ad tempora Celsiss. gentis Oldenburgicae. Tomus I.* 64
- Mercatoris (Prosperi) *Lexicon Historicum, seu Commentarii*  
*de vita et operibus hominum illustrium, quorum pars maior*  
*eruditionis laude floruit. Tomus Alter.* 145
- Touron (A.) *Historia virorum illustrium Ordinis S. Dominici,*  
*qui Societatem hanc inde a morte primi conditoris ad Ponti-*  
*ficatum usque Benedicti XIII. P. M. plurimum illustrarunt.*  
Tomus I. et II. 704

## VI. Libri Philosophici, Antiquarii, Clas- fici, Philologici, Miscellanei.

- Anthologia veterum Latinorum Epigrammatum et Poematum,*  
*sive Catalecta Poetarum Latinorum, in VI. Libros digesta,*  
*etc. cura Petri Burmanni Secundi, qui perpetuas adnota-*  
*tiones adiecit. Tomus I.* 673
- Claud. Claudiani, *quae exstant, varietate lectionis et perpetua*  
*adnotatione illustrata a Ioh. Matthia Gesnero.* 166
- Cochini et Bellicardi *antiqua Herculani monumenta, litteris*  
*lineisque ex aere ductis descripta, cum observationibus, et de-*  
*scriptione antiquitatum in Neapolis confinio.* 111
- Commentarii Societatis Regiae Scientiarum Göttingensis,*  
Tomus I. ad A. MDCCLI. 124
- Tomus II. ad A. MDCCLII. 212
- Corradi (Sebast.) *Quaestura, Partes duae: altera de Cicero-*  
*nis Vita et libris, item de ceteris Ciceronibus; altera libros*  
*Ciceronis emendans. Editio Nova.* 32
- Floer-

## AUCTORUM

- Floerchen (*Angeli*) *pro Berofo Anniano, ut vocant, eiusque Antiquitatum Opusculo, Apologia vindictaria.* 441
- Haltaus (*Christ. Gottlob*) *Glossarium Germanicum mediæ ævi, maximam partem e diplomatibus, instructum. Praefatus est Ioh. Gottlob Boehmius. Tomus Prior et Posterior.* 559
- Hentschii (*Ioh. Iac.*) *Meditationes de Harmonia Mentis humanae cum corpore sibi iuncto, cuius causæ exquiruntur.* 551
- Heusingeri (*Iac. Frid.*) *indicatio aliquot de Cornelio Nepote bene merendi subsidiorum Bibliothecae Guelpherbytanae.* 93
- Lepiciû *Enarratio critica tabularum, quae in Regis Gallorum adservantur Museo, cum brevi pictorum vita:*  
*Tomus I. Scholam Florentinam et Romanam continens,* 385  
*Tomus II. Scholam Venetam et Longobardicam complexus.* 644
- Flavii Mallii Theodori, *de Metris liber, ex antiquissimis membranis Bibliothecae Augustae Guelpherbytanae descriptus, animadversionibusque brevibus emendatus, a Iac. Frid. Heusingero.* 38
- Marmora Taurinensia, *Dissertationibus et Notis illustrata. Pars Altera, cui addita est Appendix Inscriptionum quae perierunt, et quarum memoria ab uno nobis Pingonio servata.* 655
- Menetreii (*Claud. Franc.*) *Columna Theodosiana, quam vulgo Historiatam vocant, in XVIII. tabulas distributa et explicata.* 74
- Michaelis (*Ioh. Dav.*) *Syntagma Commentationum.* 337
- Mulleri (*Ferd. Christ.*) *Chrestomathia Platonica.* 572
- Cornelii Nepotis *Vitae excellentium Imperatorum, e recensione atque cum animadversionibus Ioh. Andreae Bosii; libellum variarum lectionum, et praefationem addidit Ioh. Frid. Fischerus.* 285
- Picturae antiquae, ex Herculano et vicinis locis erutae, atque in aes incisae, cum animadversionibus. Tomus Primus.* I
- Platonis *Dialogi quatuor: Euthyphro, Apologia Socratis, Crito, Phaedo; graece, e recensione Henr. Stephani, varietate*

# INDEX AUCTORUM.

- te lectionis animadversionibusque criticis brevibus illustrati a*  
 Ioh. Frid. Fischero. 524
- Reiske (Ioh. Iac.) *Animadversionum ad Graecos Auctores*  
 Volumen II. quo Lysias et Plutarchi opuscula miscellanea  
 pertractantur. 419
- Ruinae urbis Balbec, quam et Heliopolim dicunt, in Coelosy-*  
*ria.* 577
- Semleri (Ioh. Sal.) et Simonis (Ioh.) *Enarratio Antiquita-*  
*tum Hebraicarum, adiunctis tabulis ex aere ductis.* 699
- Serenii (Iac.) *Lexicon Anglicum et Suecicum.* Editio nova,  
 plurimis accessionibus locupletata. 46
- Sermones pro et contra reductionem usurarum pecuniae natura-*  
*lium. Ex Anglico Francogallice versi.* 238
- Stolpiani Legati Curatorum Programma. 335
- Struchtmeyeri (Ioh. Christoph.) *Hercules Symbolicus, sive de*  
*procreatione et pueritia fidei huius dei Liber singularis,*  
*quo commonstratur, quae de eodem praedicentur, ea omnia*  
*ex prisca doctrinae de Christo veluti per manum facta tra-*  
*ditione repetita esse. Ex Mscto Latino Belgice conversus a*  
*Petro Lucretio, filio.* 399
- Verneii (Aloys. Anton.) *de Re Logica, ad usum Lusitano-*  
*rum Adolescentium Libri VI.* Editio altera, auctior et  
 emendatior. 11



INDEX

# I N D E X

## RERUM NOTABILIORUM.

### A.

- A**cademiae Regiae Lundensis historia. [622](#)  
 de Accentibus Hebraeorum quaedam. [620](#)  
 Acta Apostolorum carmine Heroico expressa et illustrata. [69](#)  
 Admensum quomodo dicatur? [640](#)  
 Aegyptiae leges antiquae. [50](#)  
 Aegyptii Iehovam pro Cnuphi seu Demiurgo habentes. [131](#)  
 Aequationes differentiales altiorum graduum integrandi methodus ulterius promota. [312](#)  
 de Aera septentrionalium populorum. [503](#)  
 Aesculapii in marmore laudes. [223](#)  
 Aethiopum color unde oriatur? [497](#)  
 de Aetio edendo consilium irritum. [186](#)  
 in Africam iter, scientiae naturalis augendae causa susceptum. [182](#)
- Agrippinensis Synodus Anno CCCXLV. celebrata an fide mereatur? [228](#)  
 ex Alberti Abbatis Stadenfis Troilo specimen. [96](#)  
 de Franc. Albano pictore. [654](#)  
 Albionis nomen unde ortum? [592](#)  
 de Alcmena Herculis matre. [403](#)  
 de Alexandro Veronensi pictore. [650](#)  
 Am-Endii in vertendis carmine heroico Actis Apostol. elegantia. [70](#)  
 — — ad eundem poeseos revocantis illum adclamatio. [73](#)  
 America septentrionalis ab Islandis detecta. [17](#)  
 de Amphitryonis cum Pterela bello. [405](#)  
 Anatomicae, physiologicae, pathologicae annotationes. [306. 323](#)  
 de Andrea de Longjumeau. [707](#)  
 Anglicae et Suecicae linguae Lexicon. [46](#)

Z [222](#)

Anglo-



# I N D E X

- Anglorum quorundam pro et  
contra reductionem usura-  
rum pecuniae naturalium  
sermones. 238
- Animorum\* immortalitas ex  
Mosis libris demonstrata. 345
- pro Annio Viterbiensi, Bero-  
si Antiquitates edente, vin-  
diciae. 441
- Antiquitatis eruaitae suauitas  
et utilitas commendata. 133 f.
- — — — studiofi, ab iis  
quae obiici illis solent, de-  
fensi. 138
- — — — studium per-  
quam difficile. 139
- — reliquiae in Africa. 183
- Antiquitates Hebraicae a Sem-  
lero et Simone explicatae.  
669
- Antoninus Pius an Heliopoli  
templum Iovi exstruxerit.  
585. sq.
- de Petrcio Aperbaccho. 5 17
- in Apocalypsin S. Iohannis  
Commentarius mysticus.  
324. sqq.
- de Apyrexia eiusque caussis. 162
- Aquilex et Aquilicia quid?  
641
- in Arabia deserta pulcherrima  
coeli, foedissima terrae spe-  
cies. 589
- de Archivorum Germaniae  
praecipuorum detrimentis.  
379
- Ardiniensis panis quis? 641
- Argenti usus in Palaestina an-  
tiquissimus. 217
- de Argento vivo calorem cele-  
riter recipiente, et celeriter  
perdente. 319
- de Arteriae membranis et va-  
fis. 309
- de Artium origine et progressu  
apud veteres. 42. sqq.
- de Ascelino seu Anselmo, Do-  
minicano. 707
- Asinorum antiqua honestas.  
216
- Assyriaca instituta antiquissi-  
ma. 50
- de Astronomia veterum obser-  
vatio. 57
- de Petro de S. Asterio. 708
- Atheismi accusatus Christianus  
Wolfius. 466
- Athenaei locus illustratus. 132
- Auctorum veterum edendorum  
vera ratio. 285
- Augusti II. Poloniarum Regis  
in litteras amor, exemplo  
declaratus. 181
- de Augustini Oiomucensis vita,  
scriptis, et palera aurea, di-  
ligens narratio. 5 14
- Aurum in Galliae montibus ex-  
quirendum. 239
- Avium familiae et genera, no-  
va methodo distincta. 209

RERUM NOTABILIORUM.

## B.

- de Babylonica turri.* 545  
*Balbeci urbis ruinae, et status antiquus, descripta,* 577. sqq.  
*de Baptismo super mortuis apud S. Paulum sententia Heumanni.* 203  
*de Georgio Barbaerello, pictore Veneto.* 647  
*C. Barthii Emendationes carminum Tertulliani.* 439. sq.  
*Basilii M. oratio de humana Christi natura, edita et illustrata.* 35  
*de Iac. Dupont, Bassano dicto.* 648  
*de Batavis eruditis iudicium.* 702  
*Anton. Bavii lepidi versus Francogallici.* 150  
*de Gentile et Iohanne Bellinis, pictoribus.* 82. 644  
*Bello captorum a Romanis militum diversa conditio.* 90  
*de Benedicto XI. Pont. max.* 711  
*Benedicti XIV. P. M. Constitutiones plurimae.* 481  
*Berengarius de Langore, Dominicanus.* 713  
*pro Beroso Anniano, eiusque Antiquitatum Opusculo, vindiciae,* 441  
*Bibliorum versiones theotifcae, ante Lutheri tempora, quae-*

dam, descriptae et notis il-  
lustratae. 337

- de Bileami *afino*. 276  
de *coactis* a S. Bonifacio *Syno-*  
*dis*. 232  
de *Par. Bordono pictore*. 645  
*Ioh. Andr. Bosii, in Cornel.*  
*Nepotem Animadversiones*  
*laudatae*. 286  
*Botanicae observationes*. 225  
de *S. Brigitta quaedam*. 284  
*Britannicarum gentium histo-*  
*riae antiquae Scriptores tres*  
*editi et illustrati*. 590  
*Bullarii Magni Romani conti-*  
*nuatio*. 48 I  
*Petr. Burmannus Secundus no-*  
*tatus*. 690. *sq.*  
— — *contra eundem pro*  
*loco horum Actorum quo-*  
*dam vindiciae*. 701. *sq.*

## C.

- Vitia in Cadaveribus post febres intermittentes reperiunda.* 164  
*de Paulo Cagliari Veronenſi, Piſtore clariffimo.* 642  
*de ratione Calorum, et ratione denſitatis radiorum directo- rum ad diverſitatem per lentem refractorum definienda.* 320  
*Cameli vox unde deducenda?* 381  
*Zzzzz* 2 de



# I N D E X

*de Francisco et Richardo Camerinis, Dominicanis.* [714](#)

*de Canibus venaticis, in monasteriis olim pastis.* - [566](#)

*Ludovicus, Augustinus, Annibal et Antonius Carachii, pictores clari.* [650](#)

*Mich. Ang. Mericus Caravagius.* [653](#)

*Carolus V. Imp. Titiano Pictori famulans.* [647](#)

— — *XII. Reg. Sueciae, Londinum venientis, laudes.* [623](#) f.

— — *Regis utriusque Siciliae, iam Catholici, laudatio.* [L. 2. 137.](#)

*de S. Catharina Senensi.* [717](#)

*Caussarum occasionalium systema examinatum et improbatum.* [553](#)

*Cayli Comitis in operibus antiquis spectandis elegantia.* [134](#)

*Centauricae species in coetu saltatricum pictae, 5.* [10.](#)

*Cherubi, equi tonantes Hebraeorum.* [128](#)

*Chrestomathiarum Graecarum quae ratio ineunda sit?* [573](#)

*de Christi Servat. mortis tempore.* [542.](#) sqq.

— — *humana natura oratio Basilii M. edita.* [35](#)

— — *eiusdem historia e fabulis veterum de Hercule ex-*

*sculpta a Struchtmeyero.* [399.](#) sqq.

*Christiani ad Coenam Domini quibus argumentis obligentur?* [301](#)

*Christianissimi Regis titulus Sueciae Regi tributus.* [509](#)

*Ioh. Frid. Christii vita, mores, scripta.* [133](#)

— — *eiusdem in Tertulliani Apologeticum emendatio.* [434](#)

*Paulus Christiani cum R. Mose Gerundensi disputans.* [710](#)

*de Christinae, Sueciae Reginae, rebus gestis, commentarii varii.* [279](#)

*de Chronico Eusebio. Hieronymiano disputatio.* [537.](#) sqq.

*de Ciceronis vita et scriptis liber, et ad eius libros emendationes.* [32](#)

*Cl. Claudiani Carmina edita a Gesnero et illustrata.* [168](#)

— — *de eiusdem vita et eruditione observationes.* [167](#)

*Cochlearum, Concharum, aliorumque animalium crustaceorum delectus, in aes incisus, et coloribus illustratus pulcherrime.* [289](#)

*Coelituum encomia turgido, et male ingenioso stylo scripta.* [120](#)

*Coenobiorum veterum in rem Christi.*

## RERUM NOTABILIORUM.

- Christianam bene merita.* de Curtorum *chirurgia insti-*  
*tuenda narratio.* [494](#). *sqq.*  
D.  
[608](#)  
*Colarbasus an haereticus fue-*  
*rit?* [104](#)  
*Columnae Theodosianae, f.*  
*Historiatae, descriptio et il-*  
*lustratio.* [74](#)  
*de Cometis quid veteres senserint?* [168. 169.](#)  
*Concilia Germaniae collecta, et*  
*observationibus stipata.* [227](#)  
*Consulum varia genera inde a*  
*Caesaris aetate.* [658](#)  
*in S. Pauli ad Corinthios epi-*  
*stolam primam commenta-*  
*rius.* [193](#)  
*Corporis et animi humani com-*  
*mercium cuius generis sit?*  
[551. sqq.](#)  
*— — humani diversus ad*  
*Opium habitus.* [26](#)  
*— — — partes sensiles et*  
*irritabiles.* [221](#)  
*de Corporibus morbofis obser-*  
*vationes.* [226](#)  
*Seb. Corradi de Ciceronis vita*  
*et scriptis liber editus.* [32](#)  
*de Paulo Corregio, pictore.*  
[650](#)  
*Cranium quomodo crescendo*  
*accommodet se iis quae con-*  
*tinet?* [306](#)  
*de Iac. Crescentino.* [708](#)  
*de Creta terrestri testaceorum.*  
[110](#)  
*de Crocotis, vestibus,* [9](#)  
*Olof Dalini historia Sueciae*  
*egregie scripta.* [498](#)  
*de Dalmatiae nomine, populis,*  
*aliisque rebus ad eam perti-*  
*nentibus.* [599. sq.](#)  
*ad Daniae historiam introdu-*  
*ctio.* [15](#)  
*— — eiusdem regni historia*  
*coepta.* [64](#)  
*Danorum veterum mores.* [17](#)  
*— — Regum antiquiorum*  
*facta.* [65. sq.](#)  
*Dani Suecos antiquissimis re-*  
*rum suarum monumentis*  
*privant.* [498](#)  
*de Decalogi distinctione.* [546](#)  
*Defensorum Ecclesiae historia.*  
[528](#)  
*in Defunctorum aetate notan-*  
*da in titulis sepulchrorum,*  
*veterum diligentia.* [659](#)  
*adversus Dei sapientiam obie-*  
*ctiones Deistarum.* [275](#)  
*contra Deistas disputationes*  
*Christoph. Matth. Pfaffii.*  
[273](#)  
*Demetrii Phalerei locus illu-*  
*stratus.* [130](#)  
*Deus Tertulliano Summum*  
*magnum dictus.* [243](#)  
*Diadumeni nomen in marmo-*  
*re, quid notet?* [256](#)  
*Zzzz* [3](#) de



# I N D E X

- de Dialectis Germaniae.* [349](#)  
*de Dietherio Nassovio, Do-*  
*minicano.* [712](#)  
*Diocletiani Imperatoris histo-*  
*ria.* [633](#)  
*de Divisoribus numerorum in-*  
*dagandis.* [316](#)  
*in Doloribus mitigandis usus*  
*opii.* [208](#)  
*Dominicanorum illustrium hi-*  
*storia usque ad Sec. XIV.*  
[704.](#) *sqq.*  
*de Ioh. Dominico, Archiepi-*  
*sopo Ragusino et Cardinali*  
[719](#)  
*S. Domnius, Episcopus Salo-*  
*nae primus, an Metropolita*  
*fuerit? cet.* [601.](#) [604.](#) *sq.*  
*Dudaim in Genesi quid?* [51](#)
- E.
- Ecclesiae Christianae omnis*  
*aevi fata ex Apocalypsi cru-*  
*ta.* [325](#)  
*Ecclesiarum Christianarum re-*  
*conciliatio perdifficilis.* [347](#)  
*Ecclesiastici Iuris, non consti-*  
*tuti, sed constituendi, ex-*  
*plicatio.* [269.](#) *sqq.*  
*Eddae collectiones, editiones,*  
*versiones.* [18](#)  
*— — Specimen.* [19](#)  
*de Electricae et magneticae*  
*vis similitudine.* [234.](#) *sq.*  
*Elegantia recte in omni vita*  
*sectanda.* [135.](#) [136.](#)
- de Elisabetha Seniore, Land-*  
*gravia Thuringiae, et Mar-*  
*gravia Misniae.* [447](#)  
*de Ellipsi litterae vel particulae*  
*interrogantis in Codice He-*  
*braeo Biblico, an admitten-*  
*da, et de ellipsis in uni-*  
*versum.* [612.](#) *sqq.*  
*Emendationes Tertulliani.* [97.](#)  
[241.](#) [433.](#)  
*— — Sulpicii Severi.* [257](#)  
*Epigrammatum, aliorumque*  
*poematum veterum latino-*  
*rum anthologia adornata a*  
*Petro Burmanno Secundo.*  
[673](#)  
*— — eorum collectiones an-*  
*tiquiores enarrantur.* [674.](#) *sq.*  
*— — plurima illorum emen-*  
*dantur et illustrantur.* [682.](#)  
[sqq.](#) [694.](#) *sqq.*  
*Epieteti locus emendatus.* [434](#)  
*Ioh. Aug. Ernesti de litteris hu-*  
*manioribus merita.* [33](#)  
*de Erudita pietate.* [305](#)  
*de Evangelicae et Reformatae*  
*Ecclesiarum unione quaedam.*  
[348](#)  
*in Evangelistarum quaedam lo-*  
*ca specimen criticum.* [380](#)
- F.
- Fati vocis variae significatio-*  
*nes.* [637](#)  
*in Febribus usus opii.* [207](#)  
*de Febrium intermittentium,*  
*tum*

## RERUM NOTABILIORUM.

*tum remittentium natura et curatione.* [161. 488](#)  
*Feminis regnandum non esse, feminae ipsius confessio.* [280](#)  
*adversus Floerchenium, Berossi Antiquitates vindicantem, disputatio.* [442. sqq.](#)  
*Flori locus emendatus.* 305  
*Florentinae scholae pictores.* [391](#)  
*de Foederum pacis Imperii Rom. Germ. sancientorum modis.* [430](#)  
*Foetus in situ suo naturali descriptio.* [393](#)  
*in Foetus corpore, non matre gravida, mutationes, adnotata ab illa ad partem quandam manu, unde?* [41. sqq.](#)  
*de Nicol. de Freauville, Dominicano.* [712](#)  
*Friderici V. Regis Daniae laudes.* [289. 290.](#)  
*Frigidi styli exempla.* [122](#)  
*Frothonis, Regis Daniae, leges.* [16](#)  
*Fungus, vaginae gladii fons.* [9](#)  
*Fürsprecher apud Germanos medii aevi quis?* [561](#)  
*Futuri seculi argumenta ex Mose collecta.* 345

### G.

*Galinthias in mustelam vel felim conversa quid designet?* [410. 411.](#)

*Gedanensis Gymnastii Iubilaum secundum quomodo celebratum?* [607](#)  
*de Simone Genuensi seu Ianuensi.* 157  
*Geographicarum Tabularum ingens et praestans copia collecta et illustrata.* [574](#)  
*de Georgio, Salonitano Episcopo.* [605](#)  
*Germaniae ea dialectus, qua in sacris faciundis et scribendis libris utimur, quomodo ad hunc principatum pervenerit?* [349. sqq.](#)  
*— — Concilia collecta et illustrata ab Harzheimio.* [227](#)  
*Germanicae historiae medii aevi diplomataria et scriptores.* [376. sqq.](#) 445. [561. sqq.](#)  
*Germanici Imperii monetales constitutiones opere uno comprehensae.* 58  
*— — — modi foederum pacis sancientorum.* [430](#)  
*Germanicum medii aevi Glossarium, ab Haltausio scriptum.* 559  
*Conr. Gesneri reliquiae botanicae edi coeptae.* [117](#)  
*Ioh. Matth. Gesneri in Claudiano edendo elegantia.* [166](#)  
*Gildae Badonici de excidio Britanniae liber querulus in lucem editus.* [521](#)

S. Gilles



# I N D E X

- S. Gilles de Ste Irène, Dominicanus.* [706](#)
- Q. Glitii, P. F. nomen in mare servatum.* [658](#)
- S. Petrus Gonzalez, vulgo dictus Telmus.* [706](#)
- S. Gonzalez dictus Amaranthus.* *ibid.*
- Goettingensis Academiae Scientiarum Commentarii.* [124.](#)  
[212](#)
- Graecae voces et phrasae explicatae.* [71. 177. 194. sqq.](#)  
[214. 296. 297. 381. sqq.](#)  
[526. 548. 700](#)
- With. Iac. S' Gravesande vita.* [155. sqq.](#)
- Grelotii, de Gallo, columnam Theodosianam adscendente, narratio lepida.* [77](#)
- de Ioh. Francisc. Barbieri, dicto le Guerchin, pictore.* [654](#)
- H**
- de □ interrogantis apud Hebraeos ellipsi.* [612. sqq.](#)
- in Haemorrhagia usus opii.* [206](#)
- Hafniae prima mentio A. 1167.* [67](#)
- de Christ. Gottl. Haltausii vita et Scriptis.* [560](#)
- contra Haereticos disputatio Tertulliana, libro de praescriptionibus, explicata.* [106. sqq.](#)
- Harmoniae praestabilitae systema examinatur et reiicitur.* [555](#)
- Ioh. Ern. Hebenstreitii vita, mores, ingenium, scripta laudata.* [179](#)
- Hebraicae antiquitates figurarum ex aere ductarum ope illustratae.* [669](#)
- — *voces et phrasae explicatae.* [132. 217. 218. 278. 295. 301. 303. sq. 342. sq. 347. 352. 427. sqq. 547. sq. 611. sq. 616. sq.](#)
- Heliopolis in Coelosyria ruinae.* [577](#)
- Heraclito et Hippocrati notae animae spermaticae.* [127](#)
- Herculanenses picturae editae et illustratae.* [L. sqq.](#)
- Herculanensia monumenta lineis et observationibus declarata.* [III. sqq.](#)
- de Hercule Symbolico disputatio, quae omnem herois illius nativitatis et infantiae historiam ad Christum traducit.* [399. sqq.](#)
- de Hermaphroditis observationes variae.* [125. sq.](#)
- de Hesychio, Salonitano episcopo.* [628](#)
- Christoph. Aug. Heumannii in Tertullianum Emendationes et observationes.* [97. sqq. 241. sqq. 433.](#)  
*Christoph.*

# RERUM NOTABILIORUM.

*Christoph. Aug. Heumanni in priorem S. Pauli ad Corinthios epistolam Commentarius.*

*adversus L. F. Heusingerum, Cornelio Nepoti fragmenta duo adscribentem, disputatio.*

*Hieronymi locus in versione Chronici Eusebiani illustratus.*

*— — de eiusdem patria observatio.*

*de loco Hochbuchi Hamburgo vicini.*

*Homeri loca explicata.*

*de Homicidii poena disputatio.*

*Horatii loca Herculanensibus picturis illustranda.*

*— — locus explicatus.*

*— — — emendatus.*

*circa Horologii marini constructionem observationes.*

*Hugo de S. Claro, Dominicanus.*

*de Humberto II. Delphinatus Principe ultimo.*

*de Hungarorum initiis ac maioribus Hunnis.*

*de Hydrope pectoris.*

*Hygeae in marmore laudes.*

*de Hymene observationes.*

I.

*de Iazygibus quaedam.*

*Ichthyolithi exemplum memorabile.*

*Iehovah pro Cnuphi ab Aegyptiis habitus.*

*de Ileaerae vel Ilairae nomine.*

*Illyrici historia antiquior.*

*Illyricum sacrum a Farlato scribi coeptum.*

*Imperii Rom. Germ. in sancendis foederibus pacis ratio.*

*de Inficiali argumento.*

*Infinitinomii ad potentiam indefinitam elevati formula.*

*de Inflammatione observationes.*

*Influxus physici systema confirmatur.*

*de Innocentio V. Pontif. Rom.*

*Inscriptio raritate insignis.*

*Inscriptiones explicatae.*

*— — — quinam collectas ediderint?*

*de Insitione variolarum.*

*de Interrogantis litterae vel particulae in Codice Hebraeo Biblico ellipsi.*

*Invidiae summa ingenia instantis exempla.*

Aaa aa

Iohan.



# I N D E X

*Iohannes Teutonicus, Dominicanus.* 706

*de Iove, supposito Herculis patre, eiusque cum Alcmena congressu.* [401. 406. sq.](#)

*de Iphicle ab Alcmena edito.* [408](#)

*de Irritabilibus corporis humani partibus.* [221](#)

*Isocratis locus illustratus.* [387](#)

*Israelitarum de poena homicidii leges.* [342](#)

— — *adversus Phoenices belli iustitia.* [352](#)

*Iudaei Camerae Imperialis servi fiscalini.* 567. [sqq.](#)

*de Iugo observatio.* [177](#)

*Iuridicae voces et phrasae quaedam difficiliore indicatae.* [643](#)

*Iuris utriusque Vocabularium.* [636](#)

— — *Canonici partium omnium tractationes.* [267](#)

*Iurisprudentia Germaniae medio aevo illustrata.* 565

*de praxi incongrua doctrinae Iuris Romani de restitutione in integrum ex capite metus et doli.* [609](#)

## K.

*Καπρία, quo Cicero fugit, quid?* [35](#)

*Kiranides, liber magicus.* [146](#)

*Iac. Theod. Kleinii methodus avium genera conservandi nova, eiusque scripta anecdotata.* [210. 212.](#)

## L.

*Labium leporinum in puero recens nato.* [311](#)

*de Ioh. Lanfranco, pictore.* [654](#)

*de Ioh. Lannelio.* [146](#)

*Lapidem pingere quid?* 5

*Lapidum circa Halam Saxonium reperiundorum systematica digestio et descriptio.* [109](#)

*Laternae magicae emendatio.* [321](#)

*Latinae orationis in Corn. Nepote habitus examinatus.* 95

— — *voces alio sensu a Terulliano usurpatae quam vulgo solent.* [97. sq.](#)

*Latina vocabula et phrasae explicatae.* 100. [sqq.](#) [175.](#) [177. 263. sqq.](#) [689.](#)

*de Laude Dei per septem vocabula.* [130](#)

*de Legum origine et progressu apud veteres.* [49. sqq.](#)

*Leibnitii de C. Wolfio sententia.* 458. [sqq.](#)

*de Lentium sphaericarum aberrationibus.* [129. 222](#)

*de Leon. Utinensis sermonibus.* [146](#)

Lexicon

## RERUM NOTABILIORUM.

- Lexicon Anglicae et Suecicae linguae.* 46  
 — — *historicum virorum illustrium.* 145  
*de Ioh. Licaragó.* 147  
*de Lithonriptici Anglorum remedii virtute.* 487. sqq. 491  
*de Logica praestans Verneii liber.* 11. sqq.  
*Longobardicae scholae pictores.* 650  
*de uxoris Loth culpa et poena sententia probabilis.* 547  
*de Luciani de dea Syra libello.* 585  
*Lucilii versus explicatus.* 688  
*Lundenfis Academiae historia.* 622  
*Lutherus dialectum Misnicam per Germaniam promovens.* 350  
*in Lysiam animadversiones.* 419
- M.
- Godofr. Arnold. Maas praemio donatus a Curatoribus Legati Stolpiani.* 335  
*de Machinis in genere.* 318  
*Magneticae et electricae vis similitudo.* 234  
*Magorum Aegyptiorum adversus Moſen artes explicantur.* 132  
*de Ludov. Maio.* 148  
*Malalae testimonium de Antoino Pio.* 585  
*Fl. Mallii Theodori de Metris liber primum editus et illustratus ab Heusingero.* 38. sqq.  
*Margarethae, Sueciae, Daniae et Norvegiae Reginae, res gestae.* 68  
*de Maris rubri traiectione.* 549  
*Marmoris Cassellani explicatio.* 223  
*Marmora Salonitana illustrata.* 635  
 — — *Taurinensa observationibus declarata.* 655  
*de Martini Turonensis obitu.* 354. 358  
*de Theodoro et Davide Martinis.* 147  
*Ioh. Bapt. Masculi encomia coelituum recusa et figuris ex aere ductis exornata.* 120  
*Mafutius, Bocatianarum fabularum imitator.* 148  
*de Gualtero Mauclerck.* 706  
*de B. Mauritio, Principe Hungariae, dein monacho.* 714  
*Maxillae petresfactio.* 110  
*Medicae quaestiones in scholis Parisinis disputatae, iam coniunctim editae.* 487  
*de Meleagro et Atalanta, quaedam.* 417  
*de Mensura spatii et magnitudinis*



# I N D E X

- dinis apud Germanos mediæ ævi.* [564](#)  
*de Mentis humanæ cum corpore sibi iuncto harmonia.* [551](#)  
*de Petro Merlino.* [149](#)  
*Meteorologicarum observationum exiguus adhuc usus.* [126](#)  
*de Metris pedibusque Latini carminis.* 38. *sqq.*  
*de Micrometri campo extendendo consilium.* [126](#)  
*Microscopii solaris emendatio.* [321](#)  
*a Millenariorum errore vindicatus Sulpicius Severus.* [367](#)  
*de Mola.* [225](#)  
*de Ioh. Monelario quædam.* [149](#)  
*Monetalium decretorum Imperii Germanici collectio.* [58](#)  
*de Monetis Muhlhusanis.* [667](#)  
*Monochromata in marmore.* [5](#)  
*Moraviam exeunte Sec. XV. quinam docti illustrarint?* [515](#)  
*de Ioh. Morello.* [149](#)  
*de Mortuorum combustione et humatione apud Hebræos.* [352](#)  
*in Mosis libris immortalitas animarum et futurum Seculum docetur.* [345](#)  
*de Matthia de Moya.* [150](#)  
*de Muhammede II. Turcarum Imp.* [82](#)  
*Muhlhusæ urbis origines et antiquitates explicatæ.* [662](#) *sqq.*  
*Thomæ Murneri Chartiludium Logicum.* [151](#)  
*Mursuphlus Imper. Graecus e columna Theodosiana deiectus.* [80](#)  
*de Musculis nonnullis rarioribus.* [308](#)  
*Musea conchyliorum copias servantia in Dania plurima.* [290. 291](#)  
*Musetus poësin Francogallicam ad leges Græcæ Romanæque adstringere conatur.* [150](#)  
*de Hieronymo Mutiano.* [649](#)
- ## N.
- Nævorum maternorum in foetibus origo explicata.* [42](#) *sq.*  
*de Narium polypis tollendis.* [493](#)  
*de Natali hora observatio.* [449](#) *sq.*  
*de Navibus διπρωγούς et διπρωγείς.* [132](#)  
*Nennii Banchorensis Elogium Britanniae.* [521](#)  
*Corn. Nepotis fragmenta duo edita, sed ei non facile vindicanda.* [23](#)  
*Corn.*

## RERUM NOTABILIORUM.

- Corn. Nepotis nova edito a Fischero curata.* 285  
*Nicaenum Concilium I. utrum Salonae aliique Dalmatiae Episcopi inviserint?* 626  
*de Nitriensibus monachis Originis causa Aegypto puls.* 372  
*Noacho qualis lex de poena homicidii divinitus lata fuerit?* 341. 344  
*de Nomadibus Palaestinae.* 352  
*de Numerorum partitione.* 316  
*de Numis quibusdam rarioribus, deque numis in univ. sum, observationes.* 148  
*Numismatica bibliotheca promissa.* 60  
*Nymphae Bacchi amicae et comites.* 697
- de productis ab Opio in corpore humano phaenomenis.* 23. sq.  
 — — correctiones eius inutiles et imaginariae. 27. 28  
*Orationum sacrarum ad populum habendarum exempla quomodo e Patribus petenda?* 36  
*Ortlof medicus Seculi XV.* 151  
*problematis de Oscillationis centro inveniendae solutio directa.* 14  
*in Osse sacro diversitates.* 311  
*Ossium fossilium insolita magnitudo.* 223  
*Gad de Ouciu, Dominicanus Seculi XIV.* 151  
*Ovidii locus explicatus.* 178  
*de Ovidii Medea.* 680

### P.

- O.
- Occasionis imago in marmore.* 657  
*de Oculi punctione seu paracentesi.* 492  
*Odini praecepta quaedam moralia.* 20  
*de Opii natura, usu, etc. commentarius amplissimus.* 21. sqq. 205. sqq.  
 — — eiusdem analysi physico-chemica. 25
- de Pagis Germaniae.* 575  
*Iacobi Palladini Processus Luciferi contra Iesum.* 152  
*de Ferrante Pallavicino.* ibid.  
*de Παίδεγασεῖα in univ. sum, et Socratis inprimis, observata.* 215. sqq.  
*de Jac. Palma utroque.* 650  
*de Petro de Palude.* 715  
*Papaveris lacryma.* 21. sq.  
*de Parallaxi reticuli Astronomici.* 223  
 A a a a 3 Pari-



# I N D E X

- Parisiinae Quaestiones Medicae collectae.* [487](#)  
*de Patera aurea Augustini Oromucensis.* [519](#)  
*de Patribus Ecclesiae iudicium.* 36  
*S. Paulus et S. Petrus an Illyricum et Dalmatiam adierint?* [600](#)  
*de Pendulorum compositorum motu tautochrono.* [319](#)  
*de Perpetuo Mobili Casselano.* 156  
*de Corticis Peruviani usu.* 165  
*de Philosophiae studio et emendatione.* 452. sqq.  
*Philosophiae Wolfianae examen regio iussu institutum.* [472](#)  
*de Philosophis hodiernis.* [11](#)  
*de Philosophorum novis, quae traduntur inventis, non novis, liber promissus.* [168](#)  
*Phrasium ad Auct. veteres inutilis coacervatio.* [690](#). sq.  
*Pictores Romani Graecis inferiores.* [115](#)  
 — — scholae Florentinae, Romanae, Venetae, Longob. celebriores. [391](#). [644](#)  
*Picturae artis laudes, et de ea sectanda praecepta quaedam.* 385. sqq.  
 — — an illa Poesi praefenda? [390](#)  
*Picturae Herculaneses editae et explicatae.* [1](#). sqq.  
*Picturarum veterum restitutio et imitatio.* [135](#)  
*Pili humani anatome.* [226](#)  
*Piscatoris prodigium Venetiis.* 645  
*de Christina Pizan.* [153](#)  
*Placentae situs naturalis.* [393](#)  
*de Planetarum motus perturbatione, ab eorum figura non sphaerica oriunda.* [317](#)  
 — — eorundem figurae unde ortae? [56](#)  
*Plantarum fasciculus observationibus illustratus.* [118](#)  
*Platonis locus illustratus.* [213](#). [214](#)  
 — — dialogi quatuor editi a Fischero. [524](#)  
*Platonica Chrestomathia.* 572  
*Plinii maioris locus explicatus.* 512  
*in Plutarchi Opuscula miscellanea animadversiones.* 419  
*Poematum latinorum minorum catalecta.* [673](#)  
*Poetica vetus diutius incorrupta mansit quam eloquentia.* [169](#)  
*Poloniae Regnum ambiens Christina, Sueciae Ex-Regina.* [283](#)  
*de Ioh. Meraeo Poltroto, Guisii Ducis percussore.* [153](#)

Poly-

## RERUM NOTABILIORUM.

Polyphemus *tribus oculis in  
pictura vetere.* 8

Ponere pro dicare. 691

Pontificum Romanorum in Ri-  
tuali, Ceraemoniali et  
Pontificali emendando et  
perficiendo labores. 123

Cn. Popilius Laenas, Cicero-  
nis percussor, non parricida.

de Ioh. Anton. Regillo, dicto  
Pordenon. 647

Hieron. de Prato laudatus hinc,  
illinc notatus. 248. 533

de Principe Officii et Officio-  
rum. 630

de Principum iure dispensandi  
de homicidarum poena. 343

de Sylv. Prieriate. 148

Probatio per aquam frigidam  
unde orta? 16

Problematis geometrici solu-  
tio. 317

de inveniendis in Prophetiis  
certis personis. 327

Profodica observatio. 173. sq.

Protestantium cum Ecclesia  
Romana unio minime sua-  
denda. 347

de Protonotariis Apostolicis.  
638

Purae manus quae? observatio  
ingeniosa. 690

Q.

de Quantitatibus imaginariis  
construendis. 317

R.

Guil. Rancini opus de Concilio  
Tridentino recudendum.  
153

Erh. Ratdolt, typographus  
clarus. 154

Raymundi de Pennaforti vi-  
ta et labores. 705. sq.

Abbas de S. Réal. 154

de Guil. Rebolo, Romae ca-  
pite plexq. ibid.

Francisc. Mich. Regensfusi in  
imitandis arte corporum na-  
turalium speciebus admiran-  
da felicitas. 289

Regneri Lodbrog, Regis Da-  
niae, Ode. 20

Ioh. Inc. Reiske explicandorum  
et interpretandorum vete-  
rum scriptorum ratio. 419.

420

Religio septentrionalium anti-  
qua. 15

de Guido Reni, pictore. 653

de Resistencia hominum morosa  
adversus gratiam Dei. 607

de Restitutione in integrum.  
609. 610

Ricardi



# I N D E X

- Ricardi Corinensis, antiqui  
Scriptoris Britannici, libelli  
duo. 590
- Phil. Riceputi consilium, Hysto-  
riam Illyrici Ecclesiasticam  
scribendi. 523
- Ritualis Romani nova et au-  
thor editio. 123
- Rolandi statuæ, quæ per Ger-  
maniam sparsæ visuntur,  
quid designent? 563
- Romanae Scholæ pictores ce-  
lebriores. 391
- Rutheni nomen Advocatis de  
Plauen inde ab aliquot Se-  
culis haerens. 447
- S.
- Sacrificii cuiusdam in marmore  
explicatio. 657
- Salonitanae Ecclesiæ historia  
ab ortu eius usque ad Secu-  
lum IV. 523. sqq.
- — — — a Seculo IV.  
usque ad excidium Salonæ.  
625. sqq.
- de Petro Saltarello, Episcopo  
Pisano. 715
- in priorem Samuelis librum  
commentarius, Anglorum  
præcipue interpretum. 422
- de adparente Saulo spectro ob-  
servationes. 423. 425. sq.
- de Saxonica Germaniæ dia-  
lecto. 349
- de Scenographia veterum, seu  
pictura perspectiva. 4
- de Andr. Schiavon, pictore Ve-  
neto. 645
- Christ. Schoettgenii et Kreyfi-  
gii laudes. 377
- Scholaris militia, et Scholares  
alæ. 374
- Andr. Schottus num Auctor  
Bibliothecæ Hispanæ? 152
- Schwarzburgicum chronicon  
editum. 378
- de Scientiarum origine et pro-  
gressu apud veteres populos.  
49. sqq.
- Scriptorum mediæ ævi ad Hi-  
storiæ Germaniæ facien-  
tium collectio. 377. 445
- Scripturæ S. loca explicata  
aut illustrata:
- Genes. III. 345
- IV, 23. 24. 128
- VI, 2. 545
- IX, 5. 6. 341
27. 296
- XVIII, 12. 617. 620
- XIX, 6. 647
- XXII. 345
- XXIII, 16. 217
- XXX, 14. 15. 51
- XXXII, 3. 199
- XXXVI. 351

Exod.

# RERUM NOTABILIORUM.

<i>Exod. III, 5.</i>	<u>346</u>	<i>Pfalm. LXXXII.</i>	<u>346</u>
<i>VIII, 26.</i>	<u>618</u>	<i>XCIX.</i>	<u>128</u>
<i>XXI, 12. 18. 19.</i>	<u>342</u>	<i>CIV.</i>	<u>129</u>
<i>Levit. XXIV, 17.</i>	ibid.	<i>CXIX.</i>	<u>329</u>
<i>Numer. XXIII, 10.</i>	<u>346</u>	<i>CXXI.</i>	<u>299</u>
<i>XXXV, 16. 31.</i>	<u>342</u>	<i>CXXII.</i>	<u>300</u>
<i>Deuter. II, 12 — 22.</i>	<u>351</u>	<i>Iesai. XLVIII, 19.</i>	<u>218</u>
<i>XIV, 1. 2.</i>	<u>346</u>	<i>LIV.</i>	<u>294.</u> <u>sqq.</u>
<i>XIX, 11 — 13.</i>	<u>342</u>	<i>Ierem. XXV, 29.</i>	<u>616</u>
<i>XXI, 1 — 9.</i>	ibid.	<i>Ezech. I, 1. sqq.</i>	<u>128</u>
<i>XXVII et XXIII.</i>	<u>346</u>	<i>XXXIII, 25.</i>	<u>616</u>
<i>XXXII, 5.</i>	<u>613</u>	<i>Matth. V, 17.</i>	<u>278</u>
<i>Judic. XVIII, 30.</i>	<u>340</u>	<i>35.</i>	<u>341</u>
<i>1 Samuel. I, 2. 5.</i>	<u>427</u>	<i>VI, 11.</i>	<u>339</u>
<i>II, 1 — 10.</i>	ibid.	<i>XIX, 12.</i>	<u>71</u>
<i>III, 13. 21.</i>	ibid.	<i>24.</i>	<u>380.</u> <u>sq.</u>
<i>VI, 2. 11. 19.</i>	<u>428</u>	<i>Marci I, 51.</i>	<u>339</u>
<i>X, 1.</i>	ibid.	<i>X, 24.</i>	<u>381</u>
<i>XI, 12.</i>	<u>620.</u> <u>sq.</u>	<i>Lucæ IX, 62.</i>	<u>548</u>
<i>XVI, 14.</i>	<u>429</u>	<i>XVI, 9.</i>	<u>204</u>
<i>XXI, 14. 15.</i>	ibid.	<i>XVII.</i>	<u>549</u>
<i>XXVIII, 11. 12.</i>	<u>423.</u>	<i>Iohan. I, 13.</i>	ibid.
	<u>425</u>	<i>Act. Apost. I, 8. et plurib. lo-</i>	
<i>XXX, 8.</i>	<u>618</u>	<i>cis.</i>	<u>71. 72</u>
<i>2 Sam. XIV.</i>	<u>343</u>	<i>Rom. XV, 19.</i>	<u>600</u>
<i>XVI, 17.</i>	<u>615. 620</u>	<i>1 Corinth. I, 1. 8. 10. 12. 13. 17.</i>	
<i>XVIII, 29. 32.</i>	<u>617</u>	<i>25.</i>	<u>194</u>
<i>1 Reg. XX, 34.</i>	<u>352</u>	<i>II, 3. 4. 9. 16.</i>	<u>195</u>
<i>XXIV, 9.</i>	<u>547</u>	<i>III, 13 — 15.</i>	<u>196</u>
<i>2 Reg. II, 20.</i>	ibid.	<i>IV, 6. 7.</i>	ibid.
<i>IX, 30.</i>	<u>297</u>	<i>V, 1. sqq.</i>	ibid.
<i>XIX, 11.</i>	<u>616</u>	<i>7. 8.</i>	<u>197</u>
<i>2 Paralip. XIII, 17.</i>	<u>340</u>	<i>VI, 1 — 3.</i>	ibid.
<i>Iob. XXX.</i>	<u>351</u>	<i>12 — 20.</i>	<u>198</u>

Bbbbb

1 Corinth.



# I N D E X

- Corinth. VII.* [198](#)  
*IX, 18.* [ibid.](#)  
     [21.](#) [199](#)  
*X, 9. 16. 17. 28.* [ibid.](#)  
*XI, 1. 4. 10.* [ibid.](#)  
     14. 19. 23-25. [200](#)  
*XII, 2. 3. 8-10. 28.* [201](#)  
*XIII, 1. 12. 13.* [ibid.](#)  
*XIV, 21. 22.* [ibid.](#)  
     34. [202](#)  
*XV, 2. 5—7.* [ibid.](#)  
     8. [203.](#) § 26  
     16. 20. 28. [203](#)  
     29. [ibid.](#)  
     32. 41. [204](#)  
*Galat. IV, 22—26.* [224.](#) [295](#)  
*Ephes. II, 10.* [296](#)  
*Apocalyps. III, 1.* [131](#)  
     V, 6. [ibid.](#)  
     9. [129](#)  
*de Scythis et Gothis, honoribus auctis a Theodosio M.* [87](#)  
*Seculo V. cur nulla Synodus ecclesiastica in Germania celebrata fuerit?* [231](#)  
*de Seiritis Troglodytis in Arabia.* [351](#)  
*Senecae Philosophi de comitis sententia probabilis.* [168.](#)  
     [169](#)  
*de Sensilibus corporis humani partibus.* [221](#)  
*de Sensu ordinis, decoris et pulchritudinis, hominem a brutis animantibus secernente, litteris graecis et latinis, monumentisque antiquitatis doctae animando* [136. sq.](#)  
*Septentrionales poetae et chronographi.* [18](#)  
*Septentrionalium linguarum cognatio.* [47](#)  
*Septimius Severus templum Heliopoli aedificans.* [587](#)  
*de Sericorum determinatione.* [313](#)  
     — — *quarundam singularibus proprietatibus.* [315](#)  
*de Ioh. Serrani vita et scriptis.* [155](#)  
*Servii memorabilis de Polyphemo locus.* [8](#)  
*de Sibyllis nonnulla.* [444](#)  
*de Siculo Hebraeorum ante exilium Babylonicum.* [216](#)  
*de Similitudine praecepta dialectica.* [400](#)  
*Socrates sanctus paederastra.* [213. sq.](#)  
*Sodalitates litterariae, Seculo XVI. in Germania variae.* [525. sq.](#)  
*de Sole et Luna stantibus in Scriptura S.* [277. 278](#)

Solis

## RERUM NOTABILIORUM.

- Solis et reliquorum siderum cultus apud Orientales unde natus sit?* 588. sq.  
*de Soverani vita et scriptis.* 158  
*de Speculatoribus ab ethnicis in coetus Christianos mis-  
 sis.* 200  
*Spermatica animalcula Hera-  
 clito et Hippocrati nota.* 127  
*Statii locus emendatus.* 686  
*Henr. Stephanus laudatus,  
 idemque notatus.* 527  
*Stolpiani legati praemium.* 335  
*adversus Iohann. Christoph.  
 Struchtmeyerum disputa-  
 tio.* 418  
*Studiorum humanorum varie-  
 tas tabulis expressa.* 6  
*Sueciae historia egregie scri-  
 pta, indeque excerpta pluri-  
 ma.* 498. sqq.  
*Suecicae linguae lexicon.* 46  
*Suecis promissa pace West-  
 phalica pecunia an soluta  
 fuerit?* 282  
*Sulpicii Severi nova editio et  
 illustratio, multis locis no-  
 tata.* 248. 353. sqq.  
*— — de eiusdem Editioni-  
 bus et Codicibus MSctis.* 250
- Sulpicii Severi loca emendata,  
 explicata.* 257. sq. 531. sq.  
*de Superficierum fluidarum  
 figuris.* 133  
*de Henrica Colinaea, Comite  
 Sulae.* 158
- T.
- de Tabernaculo Moysi, re-  
 busque ad illud pertinenti-  
 bus.* 302. sqq.  
*Tabularum in Museo Regis  
 Christianissimi adservatarum  
 enarratio critica cum vitis  
 pictorum.* 385. 644  
*de Ioh. Taulero, Dominica-  
 no.* 716  
*de Taxa S. Cancellariae et  
 Poenitentiariae Romanae et  
 Apostolicae.* 159  
*Telesphori in marmore lau-  
 des.* 224. 225  
*Tendinum futura dissuadetur.* 490  
*in Tertulliani Opera emenda-  
 tiones et observationes Heu-  
 manni.* 97. sqq. 241. sqq.  
*— — eiusdem Libri de Prae-  
 scriptionibus analysi.* 106  
*Tertulliani locus explicatus.* 680



# I N D E X

- de Theatris nonnullis antiquis. 114
- Themudaei Troglodytae in Arabia. 351
- Theocratia in populo Israelitico. 424
- Theodosiae columnae Constantinopoli descriptio et illustratio. 84
- Theotiscaae bibliorum versiones antiquissimae. 337. sqq.
- de Iac. Robusto, cognomine Tintoreto. 648
- Titianus Vecelli, pictor clarus. 646
- de Tito, Dalmatiae Apostolo. 602. sq.
- Torfaei hypothesis Islandica Saxonis Grammatici sententiae praelata. 65
- de Simone Tornacensi quaedam. 157
- de Herm. Torrentino Grammatico. 159
- Trallesii docta in pervestiganda opii natura et usu industria. 21. sqq. 205. sqq.
- Tricosus Hercules quare dicatur? 687
- de Triptolemi nomine. 54
- de Tschirnhausenii Medicina Mentis. 452
- Thuringiae et Thuringorum historia antiqua. 663
- Tympanum levius. 2
- V.
- Valerii Maximi librorum codex MSctus. 96
- — Flacci locus emendatus. 686
- contra Variolarum inoculationem disputatio. 29. sqq.
- in Variolis et morbillis usus opii. 207
- in Vasconum dialectum conversi N. Foed. libri. 147
- de Vasis deferentibus, vesiculis seminalibus, et emissariis, quibus ad urethram pertinent. 307
- de Ioh. Veldenero, typographo BELGA. 159
- Venetae scholae pictores nobiliores. 644. sqq.
- de Ioh. de Vercellis, Dominicano. 709
- Aloys. Ant. Verneü laudes. 12
- Vexillarii quinam? 132
- Vgolini thesaurus Ant. Hebr. in compendium redigi coeptus. 670

Franc.

## RERUM NOTABILIORUM.

- |  |  |
|--|--|
| <p><i>Franc. Villonius epitaphium sibi scribens.</i> <span style="float: right;"><u>160</u></span></p> <p><i>Virgilii locus emendatus et illustratus.</i> <span style="float: right;"><u>686. 695</u></span></p> <p><i>Vitreus pro Viridis.</i> <span style="float: right;"><u>698</u></span></p> <p><i>Vitruvii locus cum Pliniano conciliatus.</i> <span style="float: right;"><u>6</u></span></p> <p><i>de Vituli capite, ab Aarone in eremo effuso.</i> <span style="float: right;"><u>546</u></span></p> <p><i>Uncti Domini quinam adpellandi?</i> <span style="float: right;"><u>424</u></span></p> <p><i>Vocabularium Iuris utriusque.</i> <span style="float: right;"><u>636</u></span></p> <p><i>de Jac. de Voragine.</i> <span style="float: right;"><u>711</u></span></p> <p><i>Urbarium S. Laurentii in Murtzthal.</i> <span style="float: right;"><u>378</u></span></p> <p><i>Urethrae sectio in illius fistulis improbat.</i> <span style="float: right;"><u>491</u></span></p> <p><i>de Usurarum pecuniae naturalium reductione.</i> <span style="float: right;"><u>238</u></span></p> <p><i>Uteri humani icones observationibus illustratae.</i> <span style="float: right;"><u>392</u></span></p> | <p><i>de Westphalicorum iudiciorum origine.</i> <span style="float: right;"><u>569</u></span></p> <p><i>de Wigando Wirt, Dominicano.</i> <span style="float: right;"><u>160</u></span></p> <p><i>Christ. Wolfii vita, fata, ingenium, scripta, narratione amplissima exposita.</i> <span style="float: right;"><u>419.</u> sqq.</span></p> |
| X.   |  |
| <p><i>Xenophontis locus illustratus.</i> <span style="float: right;"><u>215</u></span></p>   |  |
| Z.   |  |
| <p><i>S. Augustinus de Zagothes, Dominicanus.</i> <span style="float: right;"><u>712</u></span></p> <p><i>de Dominico Zambieri, pictore.</i> <span style="float: right;"><u>654</u></span></p> <p><i>de Zinnenfi Recessu monetali.</i> <span style="float: right;"><u>59</u></span></p>  |  |
| <p style="text-align: center;">W.</p> <p><i>Waldemari I. seu Magni, Regis Daniae, res gestae.</i> <span style="float: right;"><u>66.</u></span></p>  | <p><i>Lambertus de Zultris, pictor clarus.</i> <span style="float: right;"><u>654</u></span></p>   |

### Tabulae figurarum ex aere ductarum.

- |                                      |                  |
|--------------------------------------|------------------|
| Tabula I. ad Mensē Aprilem           | pag. <u>211.</u> |
| Tabula II. ad Mensē Septembris P. I. | pag. <u>524.</u> |
| Bbbbb <u>3</u>                       | Lapsus           |



*Lapsus operarum quidam:*

Pag. 109. lin. 22. pro *sua* lege *suae*; pag. 204. lin. 13.  
pro *V.* lege *XV.* pag. 289. addendum est indici li-  
bri de Cochleis et Conchis, eum non Latino, sed  
Germanico et Francogallico sermonē scriptum esse;  
pag. 377. lin. 29. pro *lex* lege *ex*; pag. 524. lin. 1.  
pro *Tab. III.* lege *Tab. II.* pag. 579. lin. 3. pro  
*ante* lege *post.*











